


清代傳記叢刊·綜錄類⑧
周駿富輯

清朝先正事略

(二)

六十卷

(清)李元度纂



明文書局印行

清朝先正事略卷之二十二

平江李元度次青纂

名臣

福文襄公事略

公諱福康安。字瑤林。姓富察氏。滿洲鑲黃旗人。大學士一等忠勇公。值恒子也。乾隆三十二年。授三等侍衛。洵擢至一等。命御前行走。三十六年。授戶部侍郎。兼副都統。三十七年。大兵征金川。命溫福為定邊將軍。阿桂、豐伸額為副將軍。公為領隊大臣。明年六月。木果木大營失事。詔以阿公為定西將軍。分道再舉。三十九年。會同領隊大臣海蘭察克山碉數十。殲賊數百。遂乘勝克博羅瓦山。進攻得克斯東寨。夜有賊數百人。乘霧犯官兵營。公赴援擊敗之。賊雨中於山坡上立兩碉。公夜率兵八百立毀之。尋克色湖普山。破堅碉數十。殲賊數百。復與海公盡破山南碉卡。賊數夜出。侵大營礮臺。公屢敗之。又率兵裹糧夜踰溝攀崖上。從山罅入。取當噶海寨。及其大碉木城石卡。四十年三月。攻克得楞山。焚堅寨數百。授內大臣。五月。克紫噶爾博山。進至第七峰。賞嘉勇巴圖魯。益力戰。盡拔木城碉卡凡五十。下壓勒烏圍賊巢。八月。既望夜半。自西北攻入。破其寨據之。遂克勒烏圍。九月。公領第一隊進攻噶拉依。繞道前進。克大碉木城各二十。遂盡得科布曲寨。四十一年正月。奪碉三。大石卡二。移礮擊其寨。二月。逆酋索諾木就縛。金川平。封三等嘉勇男。班師。

上幸良鄉。行郊勞禮。賜御用鞍轡馬一。旋御紫光閣飲。至賞緞十二端。白金五百兩。詔圖形閣中。上親製贊。轉戶部左侍郎。遷都統。賜戴雙眼花翎。紫禁城騎馬四十二年。授吉林將軍。調盛京將軍。四十五年。授雲貴總督。明年。南掌國貢象四。復言被交趾等國劫掠。無禦敵器。以餘象一。求予巨礮。公檄諭以國家法制有定。不容妄求。遂其象不予之。礮上。建之。尋調四川總督。又明年。奏蜀中啣匪已戢。條上善後事宜。擢御前大臣。加太子太保。四十八年。署工部尚書。命往廣東查勘鹽商。捐備貢物事。四十九年。擢兵部尚書。總管內務府大臣。會甘肅逆回田五等滋事。命以欽差大臣。馳驛往。五月。授參贊大臣。同將軍阿桂等會剿。由閒道趨賊巢。立卡進逼。賊思撲卡竄。公及參贊海蘭察親往督戰。殲賊數千。遂破石峰堡。生擒賊首張文慶等。晉封嘉勇侯。五十年。疏言回民習武者多。習文應試者少。當以詩書化其桀驁之氣。請於循化廳設學校。以資訓迪。上嘉之。七月。轉戶部尚書。五十一年。轉吏部尚書。協辦大學士。奏修甯夏各渠。以興水利。五十二年。臺灣逆賊林爽文圍嘉義縣。詔以公為將軍。偕參贊大臣海蘭察往剿。進兵援嘉義。賊於竹圍中突出抵禦。公今屹立勿動。親率巴圖魯侍衛衝入賊中。敗之。連克十餘莊。會日暮雨大。至戰益厲。立解縣圍。追賊至大牌竹。決溪水渡。兵悉焚賊窟。餘匪殲焉。投聞。封一等嘉勇公。賜寶石頂四圓龍服。十二月。督兵勦北路。進攻大理。賊巢殲。賊目數十。首逆逃入番社。未獲。擒其孥。五十三年正月。令巴圖魯侍衛十數人。屯練兵數百。易裝入緝。生擒夷文。檻送京師。二月。

追執兇渠莊大田以獻餘黨悉定臺灣乎。初福州將軍恒瑞擁兵不救嘉義上命公劾之。公袒恒瑞奏不以責諭責其庇護且曰此等伎倆豈能於朕前嘗試耶。命傳旨嚴飭。至是上念公功親解佩褰賜之。賜金黃帶紫纒金黃綬珊瑚朝珠。又命於臺灣郡城及嘉義縣各建生祠。再圖形紫光閣。上製贊如初。公條上善後十六事。其要在習戎事除奸民清吏治。肅郵政。俞旨允行。調閩浙總督。五十四年。調兩廣時。安南阮光平糾眾滋擾。公念侯奉旨始起程。恐緩不及事。遂親赴漳泉閱兵。俟再得警信。即兼程赴粵西。有詔嘉獎。謂不出朕之所料。又稱公秉性公忠。視國事如家事。不愧休戚相關。實心任事之大臣。尋奏阮光平恭順輸誠。不必用兵。上允所請。會御史和琳劾奏湖北臬司李天培。私令糧艘分運材木。訊得公寄銀索購狀。詔革職留任。罰公俸三年。五十五年。率安南國王阮光平朝京師。其返也。命仍隨公行。五十六年。奏獲水陸劇盜五十餘人。先後抵法。十一月廓爾喀賊匪竄後藏。詔以公為將軍。偕參贊海蘭察率巴圖魯侍衛往征之。免所罰公俸。明年三月抵後藏。時諸路兵未集。先率所部進。值雨。夜分六隊徑趨擦木黎明。潛登山。奪賊前礮。賊守後礮不出。官兵毀垣入。短兵接。殲賊目三。賊眾二百。生擒十餘人。乘勝抵噶爾甲山。梁山下有紅旗賊來援。我兵設伏。留一路誘賊。出進至山半。橫截賊隊。奪其旗。殲賊幾盡。進攻濟醜為賊要寨。大礮據險。立各礮卡。互相犄角。乃分兵先翦其旁寨。併力攻中堅。縛大木為梯。令屯兵蟻附。登礮毀石壘。自丑至亥。克其寨。斬級六百。生擒二百。奏入。御製誌喜詩。書

遂以賚及御用佩囊。六月大兵趨旺堆有大石卡二。賊撤橋自阻。密遣兵東越我緣山。從上流潛渡。轉出賊卡前。殲賊數十。奪其卡。賊敗竄多墜河中。死進至密哩山頂。俾益灰日。越大山數重。采入七十里不見賊。西南橫亘一河。旺堆在河北。賊築卡扼河。以距乃潛從上游縛木渡。分三路進攻。出賊不意。遂大潰。追殺無遺。由噶多進勦。分兩路奮擊。破其木城夾攻之。克大小賊寨十一。賊營三。石碉四。木城五十。卡二十。戮賊目七。賊黨四百有奇。駐營雅雅山。賊乞降不許。八月進噶勒拉山。三路並捷。奪橋過直攻甲爾古拉集寨。賊八千來攙督兵力戰。敗之。凡接戰兩晝夜。越大山二。克木城四。石卡十一。戮賊目十三。殲賊六百。生擒十七。賊酋懼。再乞降。詔許班師。方公之未受降也。詔以此次用兵艱險。為從來所未有。晉公大學士。加封忠銳嘉勇公。會十五功臣圖像成。上復親為製贊。時大學士阿文成。以未臨行陣。奏讓公為首功。馬導賞一等輕車都尉。復授領侍衛內大臣。命照王公親軍校例。給六品藍翎。三缺賞其僕從五十八人。條上西藏善後事宜十八則。均議行。八月調四川總督。是歲金川土司年班入覲。詔命公領之。五十九年。命按吉林將軍恒秀。罪坐贍徇親戚。受嚴飭。七月調督雲貴。賞御用黑狐裘。六十年春。黔苗石柳鄒圍正大營。喫腦營。松桃廳三城。楚苗石三保圍永綏廳。逆渠吳半生附之。有旨命督師進勦。未而月立解三圍。賞戴三眼花翎。會川督和琳兵至。合力進攻。焚賊寨四十。石柳鄒遁入石三保黃瓜寨中。扼河以拒大兵。結筏潛渡。縱民牧牛。而伏兵以待。賊渡河掠牛。伏起奪船以渡。上

下游同濟破木城賊棄寨遁。先一日令總兵花連布援永綏。至是復會勦永綏。圍解。賊聚蘭草坪西北崖板寨中。佯於東南山凹樹旗。示我兵出入路。因其計攻之。設伏對山。於石間藏礮。馬仍督兵自凹入。賊悉眾來拒。伏兵望見。俟其過飛礮擊之。賊驚潰。棄木城遁。我兵進駐山梁。分五路冒風雨進勦。遂拔黃瓜山大梁。俯臨其寨。乘夜克之。焚燬大寨五十有六。擒賊百餘。鐵斃無算。謀報吳半生踞蘆麻寨。兩石逆遁。鴉西鴨保等寨。遂先攻蘆麻。縱火燔木城。潛匿巖洞者薰之。悉焦斃。燬苗寨四十。吳半生遁往西梁。糾苗眾二十餘寨。來拒。石三保援之。乃分兵攻雷公山。阻其援兵。大軍擊西梁。上中下三寨破之。雷公山亦告捷。賊奔花苗寨中。五月分五路進勦。克苗寨六十。木城四。石三十五。進至大烏草河。阻水。乃盪洗沿河諸寨。四月公調浙閩。六月克竹山。砌大梁。再敗賊於雷公灘。遂奪石哨營。七月我兵夜列炬岸上。示欲渡河。賊力拒。密從數里外作橋以濟。繞出賊後。火其寨。賊驚竄。來奪橋。敗之。遂督兵越險。進克馬蝗冲等大小寨五十。抵狗腦坡山。益險。兵皆附藤葛行。冒矢石直據山巔。憑高下壓。破其寨。首逆遁。占丈坪。五路並進。殲賊千。會風雨暴。至賊宵遁。八月克蝦蟆崗烏龍岩。奪賊卡六。降七十餘寨。詔晉封貝子銜。仍帶四字佳號。照宗室貝子例。給護衛。俾異姓蓋臣得邀殊錫。以彰國家世臣之福。九月克巖碧山。焚寨二十。進攻摩手寨。乘積霧由僻徑繞出山後。賊大潰。遂從長坪揆勦。得苗寨四十。時吳半生從鴨保至高多寨。官兵圍蹙之。半生降。詔賞公子德麟副都統銜。授御前侍衛。十月抵鴨

保賊巢其右曰天星寨為賊中奇險處官軍夜發值雪後朔風凜冽從陰晦中竄道攻木城焚其窩棚得木城七石十五克垂藤臥盤訪寨平隴賊目吳八月就擒十一月攻大小天星寨克之十二月克掇木營議由平隴復乾州賊力拒騾馬崗諸險乃於高斗山駐營作進攻勢潛出間道奪賊後卡并斷其歸路遂取騾馬崗焚寨三百嘉慶元年正月大兵抵壁多山連敗賊奪石卡三賊悉銳來襲我後敗之四月克結石崗石城焚大小寨七十進攻大麻營石城張兩翼以進三面攻之賊潰抵廖家衝奪山巔石卡一羣苗來爭數進卻之且築壘斷其隘賊大潰奪山梁七詔晉公文忠公貝子爵以光泉壤五月公染瘴患洩瀉猶督師前進夜有大星隕於營西北光芒有聲越數日薨詔晉封郡王銜賞庫銀萬兩治喪并賞陀羅經被仍於家廟旁特建專祠以時致祭其父傅恆追贈郡王銜子德麟襲貝勒俟入城治喪朕親往賜奠御製詩哭之詔入祀賢良昭忠二祠配饗太廟諡文襄賜祭葬如典特旨德麟承襲貝勒後其子襲貝子孫襲鎮國公固替公用兵如神生平未嘗挫衄征衛藏時有隘道幾一里賊守隘北甚巖大軍屯隘南三十里公調軍伏隘東西而以全軍分五軍攻隘迭迭逼戰一日蓋數十勝負公在中軍前軍軍報沓至不為動及二更前軍大敗退不止賊遂前軍出隘南忽礮聲大震火炬照耀如白晝東西伏軍皆起賊驚退相蹂躪我軍蹙之入隘公急上馬萬騎齊足頃刻至隘口前軍伏軍已過隘關貝子至勇氣百倍大軍乘勢合攻遂夷賊屯追奔五十里援嘉義時壯勇公海蘭察前

行。公督師繼進。夜大雨。天黑如覆。盤過土山。駐軍山頂。公中坐。隨軍官圍公坐。外觀軍外。正軍皆圍坐。賊游兵近山。踐泥滑。過火炬十萬。賊自炬中上窺山。黝黑無所見。疑有軍。發銃礮擊之。公令曰。無出聲。無動。久之。賊過盡。雨霽。天益明。壯勇公已入嘉義城。捷使至。軍始起行。無一傷。偵銃礮子。墜入山腹也。公生而盛。資在軍。犒賞動盈十萬。皆取諸公帑。身後屢詔。片其浮濫。命嚴禁。德麟扶襯歸。地方吏致賄金四萬餘兩。詔罰令倍繳。以示懲。公之解嘉義圍也。總兵柴大紀出巡。自以參贊伯爵。不執橐鞬之儀。公遽劾其前後奏報不實。上曰。柴大紀死守孤城。逾半載。非得兵民死力。豈能不陷。若謂說論取巧。則當時何不遵旨出城。其言糧盡。原所以速外援。若不危急。其詞豈不益緩。援兵大紀屢蒙褒獎。或稍涉自滿。於福康安前禮節不謹。致為所愾。遂直揭其短。殊非大臣休容之度。已而侍郎德成總督李侍堯所奏。皆如將軍指。大紀卒速聞。坐法死。論者多以此訾公云。

松文清公事略

公諱松筠。字湘浦。姓瑪拉特氏。蒙古正藍旗人。乾隆四十一年。由筆帖式充軍機章京。晉戶部銀庫員外郎。蒙古司員。例不司銀庫異數也。四十八年。超擢內閣學士。兼副都統。賞戴花翎。明年賞穿黃馬褂。命赴吉林查辦淺務。又明年命往庫倫查辦俄羅斯事務。五十年。授戶部右侍郎。仍留庫倫辦事。五十五年。有術勒千卡倫巡兵。為俄羅斯打牲人所害。公檄緝各犯。先治罪。而後奏。詔切責之。命奪職。以四品服。仍留庫倫効力。明年授工部

左侍郎兼副都統尋調戶部五十八年授御前侍衛內務府大臣軍機大臣充國史館副總裁崇文門副監督時嘆咭喇入貢請於天津甯波海口貿易並求給附近珠山小海島及廣東附城地方各一處居商仔貨上既嚴諭指駭復慮其沿途生事特命公護行凡所要求皆嚴詞拒絕途中安諭詔嘉其得體五十九年署吉林將軍命查湖北荊州稅務道出河南衛輝值水災公躬率收令發倉粟以賑上嘉其實心任事尋升工部尚書兼都統充駐藏大臣嘉慶四年召授戶部尚書尋授陝甘總督加太子太保初公之駐藏也達賴喇嘛濟龍呼圖克圖等忽報西南邊界有廓爾喀兵至公訪知廓爾喀係向定結邊外等部帶兵索欠並無他故恐唐古忒番民疑懼遂親往拊循並借川省藩庫銀五千兩籌議撫恤窮菑修建寨卡等事至是請扣陝督廉俸解歸四川時川陝楚三省教匪竊發黃毓逆匪張漢潮與藍白兩號匪黨由楚竄入陝甘公疏陳勦匪事宜諭嘉其留心軍務忠悃可風陝西自嘉慶元年軍興以來撥餉金千一百萬兩至是續撥百五十萬詔公駐漢中督辦糧餉公請移西安軍需局於漢中清查舊款另立新規按旬開摺呈報每月彙奏咨部覆書嘉予又奏陣亡勇目張奎樊雄秀請照把總外委例議卹其陣亡鄉勇併造冊咨部上是之並著為例鄉勇之得賜卹自公始也先是有詔命訪查領兵各員優劣公密疏言副都統明亮素號知兵所言似合機宜究無實效將軍恒瑞前在湖北戰績稱最後勦藍白兩號賊亦有功惟年近六旬精力大減提督慶成身先士卒然中無主見領隊則可

出謀發慮非所長。署陝撫永保無謀無勇。惟知利己。遇則歸人。惟額勒登保英勇出羣。其次則德楞泰能辦賊者。止此二人。上嘉其評論得當。其後額德二公卒成大功云。初明亮効永保擁兵不進。致張逆脫逃。上命公查誅。尋坐專擅被嚴劾。奪官保銜。御前侍衛及花翎。五年春授伊犁將軍。尋署湖廣總督。馳往湖北勦賊。閏月入覲。請弛私鹽私鑄禁諭片。其迂謬。請授副都統銜。充伊犁領隊大臣。仍戴孔雀翎。七月復授伊犁將軍。先是乾隆二十九年。詔以伊犁田土肥潤。下所司查明地畝。給滿兵屯種。迨五十年及五十五年。復歷奉諭旨。令籌畫耕種。當事均以灌溉之水為辭。八年公疏言。近水可耕之田甚多。已由惠達惠甯兩城酌派閒散試種。歲大有秋。因於惠達城東伊犁河北岸開大渠。迤邐數十里。又於城西北草湖中得泉源。疏引支流。其地即分給惠達城八旗耕種。至惠甯城八旗所耕。本係裁撤綠營屯地。原有渠泉。足資灌溉。惟種地必資牛力。請於官廠中賞借。得旨嘉允。九月有伊犁民郝鏡犯故殺。自行投首。公訊明後。即置之法。上責其辦理過當。尋奏伊犁屯種有效。惠達城得地八萬畝。惠甯城得地四萬畝。請按名給地。各令自耕自食。永為世業。上命公妥協辦理。務使兵農不至偏廢。十二年復加太子少保。並頒賜御製明慎用刑說。明年奏報惠甯城東時出水泉。蕩漾請於城東挑大渠。引灌田畝。十四年搭爾巴哈臺有遣戍蒲大芳等三十餘人。聚謀不軌。公密遣人帶兵往。以查金廠為名。悉數擒戮。上嘉其安速。又以戍兵馬友元王文隴等百六十九人。皆與逆謀。盡邀殺之。上責其苛刻。下

部嚴議且曰此百餘人者若調至伊犁訊明正法原非過當乃忽於半途截殺成何政體遂以頭等侍衛充喀什噶爾參贊大臣六月復授陝甘總督尋賜一品服十二月調督兩江南河自上年馬港口陷後黃水倒漾河水淤墊為患十五年公偕河督吳璣查勘舊海口請修復舊河使全防仍歸故道得旨允行會醫生王勳獻疏沙器具圖以堅木為架架鑲鐵蓋以巨絙繫船尾能刷淤沙使河流通暢公做造四十架親乘舟疏濬果著效得旨嘉獎公又以比年河北淤淺糧運遲遲請造撥船千艘停泊禦黃壩外備撥運並以江廣漕船笨重請改小以利過行均從之是歲漕艘渡黃及回空皆迅速再下部議欽公之赴兩江也疏請引沁入衛以濟漕運復疏陳黃河受病之由且密陳吳璣徐瑞辦理工程有虛捏開報情弊自求調任總河以便查覈又疏薦將攸鈺孫玉庭堪勝此任諭曰河工做壞已極人人視為畏途松筠不但不推諉轉銳意自任具見公忠為國朕甚嘉焉但河務非其所長其令將攸鈺補授河督與松筠實力講求相助為理尋命兼署南河總督十六年春疏報馬港口合龍河復故道並請於南北新隄兩岸各設同知守備等官下部議行未幾調兩廣總督疏言立法之嚴尤貴行法之速粵東治土匪因部覆稽遲有庾覽獄中倖逃顯戮者未能觸目驚心請嗣後有夥眾四十人以上或不及四十人而有奪犯毆官各情者俱先行正法梟示從之六月拜協辦大學士並內大臣仍留廣督任八月疏請改雷瓊鎮陸路總兵為水師總兵復嘉應府為直隸州復南雄州為府均下部議行是月授

吏部尚書。賜紫禁城騎馬充國史館總裁。上以京城八旗生齒日繁。不敷養贍。屢諭吉林將軍於吉林等處。籌度開墾地畝。酌量移居。至是命公往盛京。會勘陵工。並籌辦移駐宗室房地各事宜。公奏西廠大凌河東岸。有可耕之地三千頃。可移駐二千餘戶。東廠周數百里。地多積水。其水皆自北山柳條邊來。若自邊牆相地開河。使入川歸海。則可涸出沃壤。又東柳河溝一帶。亦多積水。若自北山東橫開大渠。東水入川歸海。亦可得沃壤數千頃。又奏續勘彰武臺邊門外。迤西牧廠開地。東西寬三四十里。南北長六七十里。足可移駐。詔盛京將軍於西廠地方。即行試墾。九月命仍充軍機大臣。偕侍郎初彭齡往江南查勘。總督百齡與河督陳鳳翔互訐事。上嘉其毫不瞻徇。賞貂裘。十八年授御前大臣。六月命以協辦大學士兼任伊犁將軍。九月拜東閣大學士。十一月以平定滑縣逆匪。加太子太保。明年八月。授武英殿大學士。二十年以審辦逆回仔牙墩獄未候命下。將首逆均冀重辟。嚴旨切責。奪宮保銜。仍革職留任。又明年五月。召還充御前大臣。先是伊犁惠達城旗屯公田。與關里沁回田。均藉東山關里沁泉水灌溉。上年阿奇木霍什納扎特等稟請開渠引霍什河水。繞灌關里沁回田。以關里沁泉水專灌惠達城旗屯公田。公覈實允行。至是以得水豐餘。而有裨益奏。七月管吏部理藩院事務。授都統。充崇文門監督。賞穿黃馬褂。復太子太保。十月署兩江總督。二十二年回京。坐言事忤旨。奪大學士銜。以二品服授察哈爾都統。仍革職留任。二十三年。署綏遠城將軍。時公子吏部侍郎熙昌奉使湖南。

道卒。上憫公年老喪子。召回京。賞選一品服。並花翎。復賜紫禁城騎馬。晉禮部尚書。明年調兵部。授御前大臣。領侍衛內大臣。九月。授盛京將軍。又明年。以兵部遺失行印。查係公任尚書時事。降山海關副監督。復降公中佐領。又以審擬失當。再降本旗驍騎校。八月。宣宗御極。擢副都御史。十月。授左都御史。十一月。授熱河都統。進所纂新疆識略十二卷。賜序刊行。道光元年。授兵部尚書。調吏部。兼都統。復充崇文門監督。軍機大臣。仍賞花翎。賜紫禁城騎馬。二年。署直隸總督。奏請整頓直隸各屬書院。上是之。尋坐冊改理藩院。奏贖奪職遣戍。得旨。以員外即在上書房行走。未幾。授光祿卿。晉左都御史。三年。授吉林將軍。四年。署兵部尚書。兼都統。復賜紫禁城騎馬。尋署烏里雅蘇臺將軍。十月。伊犁將軍慶祥奏俄維斯在哈薩克遊牧地方。蓋屋種地。請勅理藩院檄詢。上以詢公。公奏。哈薩克素稱強悍。或曾侵占俄羅斯地。今從索還。不能不予。而以無據之詞。懇將軍奏請。實未可定。若理藩院行文查問。俄羅斯直以索還侵占為言。轉難查辦。從前哈薩克襲封汗爵。俄羅斯即有哈薩克早經投順彼國之語。溯查乾隆三十五年。土爾扈特明昔俄羅斯前來投順。後俄羅斯行文索討。經高宗諭旨斥駁。今以無甚關要之事。行文令其遵奉。倘彼以土爾扈特為言。或以哈薩克投順彼國為詞。徒生枝節。有傷體制。查哈薩克遊牧地與俄羅斯毗連之處。理藩院并無圖志。惟當曉諭哈薩克。以天朝定例。外藩之地無圖志者。例不辦理。上嘉其熟悉邊情。飭慶祥詳酌辦理。六年。署兵部尚書。授禮部尚書。偕侍郎王鼎。赴山

西事。途次聞喀什噶爾軍報。疏陳熟悉新疆情形。自請前往宣撫。溫旨嘉勉。未允行。十二月。充經筵講官。八年署熱河都統。授閩兵大臣。九年署吏兵二部尚書。復署直隸總督。六月。調兵部尚書。十一年二月。公八十生辰。賜耆齡錫祐額。御書福壽各一字。并文綺服物有差。十月。授內大臣。十一月。命以三品服休致。十二年。浩罕伯克邁瑪底里遣使進表。公前曾奏及浩罕通商。邊境即可綏靖。上思其言。賞還一品服。署副都統。七月。達爾漢茂明安土默特三旗爭地。命往歸化城查辦。稱旨。尋授理藩院侍郎。十三年。調工部左侍郎。授都統及閩兵大臣。充左翼監督。十四年。命以都統銜休致。十五年五月。薨。年八十有二。遺疏入。諭曰。松筠歷練老成。清勤正直。歷事三朝。恪恭匪懈。可晉太子太保銜。照尚書例。賜卹。尋賜祭葬。予諡文清。入祀伊犁名宦祠。公坦率無城府。厭苛禮之官。常不挈眷屬。即至亦居以別院。扃其門。每旦入院。禮佛坐堂中。與夫人啜茗閑話而已。自伊犁將軍入長吏部。單騎離喇嘛中。抵圓明園。家人戚友出迎於近郊。不知其已至也。次日入覲。命講大學首章。謂平天下當自正心誠意始。晚仍宿園中。又次日入城。赴吏部任。日晡歸。其妾迎於中門。公顧問此為誰。既而曰。汝今亦老矣。其按事江南也。引對畢。即襍被行。不回私宅。隨帶司員請少留。乃入友人家小住二日。嘗侵晨訪友。主人未及起。公直入臥內。主人驚。公按令弗起。坐榻旁。縱談。索酒痛飲。逾兩時乃出。過清江浦。與河督費文恪公飯。兩公皆洪量。舉無算爵。且召副將某陪末座。飲達旦。副將不敢辭。次日阻風。再會飲。復召副將。則

前夕已奄逝矣。嘉慶二十五年八月，睿廟梓宮自熱河回京，宣宗步送，羣臣伏地哭者不下數千人。行甫半，宣宗忽趨至甬道邊，扶一跪伏者之手，大哭失聲。眾驚察之，則公也。時公謫曉騎校，而宣廟當哀痛迫切之際，獨於千萬眾中，物色見之，非風重公名不及此。翼日而副御史之命下，公喜為學，築書，尤好作大虎字。在西域嘗手刃叛回數百人，其嫉惡為尤嚴云。

李忠毅公事略

嘉慶十有二年十二月壬辰，浙江提督李公勦海盜蔡牽，中礮斃於廣東潮州之黑水洋。事聞上震悼哭之，廷臣亦哭。詔曰：朕於李長庚素未識面，因其宣力海洋，忠勤勇幹，身先士卒，銳意擒渠，疊經降旨褒嘉。原擬俟捷音到時，封授伯爵，不意功屆垂成，臨陣捐軀，覽奏心搖手顫，為之墮淚。李長庚可追封三等壯烈伯，賞銀千兩治喪，並於原籍建祠。春秋祭祀，靈柩抵家，著巡撫張師誠代朕賜奠，尋賜全祭葬，仍加賞銀四百兩。予諡忠毅，命公舊部王得祿、邱良功嗣其任，勉以同心敵愾，為李長庚復讐。又勅督臣用所獲蔡牽義子蔡二來祭公，梟其首幕次。十四年八月，浙江提督王得祿福建提督邱良功，殲蔡牽於溫州之黑水洋，詔封得祿二等子，良功二等男。於是閩浙洋匪悉平。公字超人，號西麓，福建同安人，性至孝，母余太夫人疾，衣不解帶，凡四月，讀書習騎射。乾隆三十六年武進士，由藍翎侍衛補浙江衢州都司，遷游擊參將，至樂清副將。林爽文亂臺灣，調入閩，護海壇鎮。

總兵捕浙洲賊數十人。散其黨。會鄰海有民船被盜。誤指海壇坐奪職。公營家財。募精勇。擒盜首林權等數十人。又擊盜陳營於大岙。盜善火器。公迴舟據上風。以長竿繫月鏢。斷其帆纜。鬚眉皆被燒。躍入盜船。斬以歸。又獲戕參將張殿魁之林明灼、陳禮禮等。以游擊起用。五十五年。署銅山參將。父憂去官。五十九年。補海壇游擊。時閩浙洋匪。北接山東。西通兩粵。三面數千里。皆盜出沒。其內地曰洋匪。蔡牽最大。朱潰次之。外地曰夷匪。多中國奸民。挾安南人為之。鳳尾最大。水澳次之。一艇載數百人。洋匪曰匪艇。夷匪曰夷艇。夷艇至輒數十艇。蔡牽百數十艇。朱潰亦數十艇。其大較也。六十年。夷艇入福建之三澎。公以小船八迎擊之。計眾寡不敵。乃以八船首尾。絕為一。賊東來則以東一舟應之。以次至八。西來亦如之。賊敗去。嘉慶二年。遷澎湖副將。浙江定海鎮總兵。純皇帝召見。獎諭有加。三年。擊洋匪於衢港。於普陀。又擊之於潭頭。皆敗之。明年。鳳尾引夷匪自閩入浙。公追擊至温州。沈其一艇。守備許松年等困於賊。公返舟入賊圍。救出之。窮追至甲子洋。遇蔡牽再擊之。浙撫阮公元上其功。得旨。李長庚奮勇傑出。為賊所畏懼。宜用於要地。弗令往返奔波。且洋面風濤。亦宜稍持重。尋賞孔雀翎。五年夏。阮公奏請。以公總統閩浙水師。得俞旨。公申號令。嚴標識。東部伍信賞罰。自偏裨至隊長。舵工水手。耳目皆一。於是水師皆可用。六月。夷艇大至。逼台州松門。公率師迎勦。忽颶風起。雷雨大作。賊艇覆溺。幾盡。其登岸者。悉就俘獲。安南偽侯倫貴利等。四總兵。磔之。以勅印擲還其國。會故安南王。已為阮福映。

所滅新受封守。朝廷約束盡逐奸匪。自是夷艇不復至。其在閩者皆為蔡牽所并。牽同安人。奸猾能用其眾。既得夷艇夷賊。凡水澳鳳尾餘黨皆附之。勢張甚。是年公擢福建水師提督。總督玉德以公籍福建。請迴避。乃調浙江。先是匪艇皆高大。我軍仰攻殊失勢。公與阮公議造大艇。凌匪艇。上阮公壽銀十餘萬。交公遣官赴閩造三十艘。至是成名曰寔船。遂連敗蔡牽於岐頭東霍等洋。七年春。獲匪目張如茂等。兵威大震。八年。牽竄定海。公帥舟師掩至。牽僅以身免。窮追至閩洋。賊糧盡。艇且朽。我師又據上風。逼我總督遽以令箭總督玉德。遣興泉道慶傑招撫之。牽又言果許降。勿令浙師由上風逼我。總督遽以令箭慶浙兵收港。牽得以其閒。繕檣械。特製糧揚帆去。浙兵追之無及矣。尋擊牽於三沙。於温州之南。虜凡奪舟沈舟燬舟者六。斬獲無算。牽畏寔船甚。厚賂民商。造巨艇高於寔船。先後載貨出洋。以被劫歸報。牽得之大喜。渡橫洋。劫臺灣米數千石。分餉朱清。遂與清合。九年。戕温州總兵胡振聲。連船八十餘。猝入閩。閩師不敢擊。詔公總統閩浙水師。專勦蔡牽。以温州海壇二鎮為左右翼。八月。擊賊馬蹟洋。牽潰結為一陣。公督兵衝貫其中。斷賊為二。追至盡山。沈其二艇。又斷牽坐船。遂索。終以船高得遁去。牽青潰不用命。潰怒。遂與牽分。而牽勢亦少衰矣。公與阮公議禁商人造大艇。無為盜窟。十二月。敗清於甲子洋。奪船二。調福建提督。十年夏。敗牽於青龍港。復調浙江。十一年。牽合大隊攻臺灣。別部屯洲仔尾。沈舟鹿耳門。阻官兵。公至不得入。謀知南北汕大港門可通小舟。公扼南北汕。遣總兵

許松年副將王得祿乘彭船進攻焚三十餘艘俘賊千餘人十一年正月復敗之於崇頭港二月朔松年夜率銳師躡海水登洲仔尾焚其寮臺反救公遣將出南汕自後焚其尾松年進賊之賊大敗明日登岸擊陸賊燬其小舟牽棄洲仔尾困守北汕以鹿耳門沈舟自塞走路也越二日朝曦漲沈舟漂起牽奪門出公追擊之奪船十餘卒以閩師不助扼各港竟遁去詔奪公翎頂是役也許松年為軍鋒前後殲賊數萬尸橫數十里臺灣獲全公所將止三千人耳是年牽漬合寇福甯追敗之牽入浙又擊之於台州八月擊之於定海漁山公專擊牽舟火器雨下願身皆受創詔復公翎頂果擒渠許錫世職初公以謀勇耐辛苦受仁宗知遇屢立功軍事悉主阮公福建忌之故主招撫後被給益恚怒而阮公又以憂去福建益阻撓公阮公嘗欲造巨舟遠過震船者既去浙公乃請於總督願與三鎮總兵預支養廉捐造大船三十總督尼之當牽自鹿耳門敗遁時甚狼狽蓬柁皆毀迨至福甯得岸奸接濟勢復張至是公皆列狀上聞詔褫王德職逮問治罪以阿林保代之時關文武吏以不協勦不斷岸奸懼獲罪文諧公於阿林保阿林保即密劾公逆還捏報斬獲疏五上上密詢浙撫清安泰公清奏言長庚熟悉海島形勢風雲沙線每戰自持柁老於操舟者不能及且忘身殉國兩年於外過門不入以捐造船械傾其貲所俘獲盡以賞功故士爭效死且身先士卒冒危險漁山之戰身受多傷將士亦傷百有四十人屢擊不退故賊中有不怕千萬兵只怕李長庚之語惟海艘越兩三旬即須燻洗否則苔黏發

結駕駛不靈其收港並非遠邇且海戰全憑風力風勢不順雖隔數十里旬日不能到也是故海上之兵無風不戰大風雨不戰逆風逆潮不戰陰雲霧不戰日晚夜黑不戰風期將至沙路不熟前無泊地皆不戰及其戰也勇力無所施全恃巨礮轟擊船身敢蕩中者幾何我順風而逐賊亦順風而逃無仗可設無險可扼必以鈎鏢去其皮網以大礮壞其桅牙蓬船傷行遲我師環而攻之然後可獲其二船而餘船已飄然遠矣賊往來三省皆沿海內洋外洋則無船可掠無巢可依從不敢往惟勤急時始逃入馬僕日色西沈賊直竄外洋我師冒險無益勢必回帆而賊又追誅矣且船在大海中浪起如升天落如墜地每遇大風一舟折桅則全軍失色雖賊在垂獲亦必舍而收泊易桅竣工賊已遠遁故嘗累月不獲一戰夫船者官兵之城郭營壘車馬也船誠得力以戰則勇以守則固以追則速以衝則堅長庚所造船頗能如式第兵船有定制商船無定制商船愈高大則愈足資寇近日長庚勦賊專令諸將士隔斷賊船不以擒獲為功而自率精銳專注蔡逆坐船圍攻賊行與行賊止與止無如賊船愈大破愈多是以未能得手且兵餉例止發三月海洋路遠往返務時而事機間不容髮遲之一日雖勞費經年不足追其前效此皆已往之積弊也非盡矯從前之失不能收將來之效非使賊失其所長亦無由攻其所短則片奸接濟之禁尤宜兩省合力乃可期矣入上切責阿林保連次參奏專以去長庚為事倘狀輕信其言則長庚正當奮不顧身為國殄賊之際忽將伊草職擊問豈不令將弁

寒心試問水師中有過於長庚者乎。朕非昏瞶糊塗之主。豈受阿林保蠱惑自失。良將取此後勦賊事。責成長庚一人。阿林保儻忘功擊肘。遂忿挾私。則玉德即其前車之鑑。并勦造大拔船三十。其未成以前。擇大商船雇用。十月公擊蔡牽於竿塘。獲牽姪添來。十二月敗牽於溫州。十二年敗牽於粵之大星嶼。十一月敗牽於閩之俘鷹島。十二月率福建提督張見陞等。追牽入粵海。時朱漬已為許松年所殲。其弟渥降牽。亦屢敗牽。黨敗散。止三舟矣。二十五日。公自率親軍。當蔡牽大艇。公前後臨陣。皆親搏戰。至是自搗鼓合戰。良久。擊破牽蓬。又自以火攻船。繼其後。艚將燭之。親卒躍入賊船。幾擒牽者。再牽奴林阿小素識公。暗由艚尾發礮。中公喉。血湧出不可止。遂仆。當是時。閩粵水師合勦。十倍於賊。少持之。立可殄滅。而張見陞本庸懦。又窺總督意。頗不受提挈。見中軍船亂。遽引舟師退。牽得遁。走安南。然公雖授命。後卒遵公節勦滅蔡牽。故言水師名將。皆推公第一。既明日潮州知府至舟。殮公。得載得。蓋公之誓死。非一日矣。公治兵有紀律。恩威並用。賊最畏憚。公嘗遣腹心偽降。欲行刺。公搜衣得刃。斬之。海盜沈振元。自言為盜時。泊浙海。夜夢公至。一夕數驚。遂革心投誠。為水師健弁。南北汕之役。公所將。止浙兵三千。餘皆閩卒。牽以賤錢數十萬。徧賂浙卒買路。會夜大風雨。縱之去。上逮治閩督。新督至。置酒款公。曰。大海捕魚。何時入網。海外事無左證。公但斬一酋。以牽首報。某即飛章報捷。而以餘賊歸善。後辦理則公受上賞。某亦遠次功。孰與窮年冒鯨波。僥萬一哉。公慨然曰。石三保。聶人傑之事。長

庚不能為且久視海舶如廬舍。不畏險也。誓與賊同死。不與賊同生。新督不懼。屢勦之。既不得逞。則屢飛檄趣戰。勦以逗撓為詞。公斫舷怒誓。決戰擒賊。至是而公不能不死矣。公家故豐。悉毀於兵事。究心狡猾。能詩文。修甯波學宮。置義冢。為粥食饑民。士民皆感之。在軍。賊所落齒寄其妻吳。蓋以身許國。慮不能歸骨也。公薨年五十有七。無子。嗣子廷鈺襲爵。詔祀昭忠祠。著有水戰紀略。及詩文遺集。

王壯節公事略

公諱文輝。字叔師。貴州玉屏人。乾隆三十二年。由行伍隨征緬甸。三十七年。隨征金川。補外委。存陞守備。四十年。攻木思工。鳴山。硯。先登。鎗丸穿脛。骨不退。擢湖北都司。四十二年。金川平。大軍凱旋。錫宴紫光閣。四十八年。遷山東游擊。累擢參將。及直隸副將。嘉慶元年。調赴湖北軍營。勦捕邪匪。四月。隨提督慶成。攻劉家集於白河。對岸。逼賊渡河。旋偕游擊木客登布奮擊。斬獲甚多。收棗陽之梁家岡。又攻張家壩。破賊營。二十有五。賜號法佛禮。巴圖魯。八月。賊圍鍾祥。敗之。追至雙溝。殺賊千餘。十月。擢南陽鎮總兵。十一月。攻草店。賊巢不克。乃夜襲破其營。殲四十人。生擒二百有奇。十二月。賊分竄河南。回境堵禦。二年。春。敗賊於禹州。又敗之於鄧家河。境內悉平。湖北襄陽竄賊。焚保安驛。公由信陽確山。追勦至裕州四里店。值官兵與賊從旁攻入。賊敗。遁夏六月。恩縣奸民張雲路。聚眾滋擾。公馳往擒治之。悉就獲。七月。命率所屬兵千餘。赴襄陽。時賊首姚之富等。由興山奔房縣。分竄

保康界。逼近南漳。公駐軍五盞山。扼其衝。八月賊又焚掠白虎頭峽口等處。馳往殺數十人。移營峽口。忽報賊從遠安竄南漳之陸坪。急率兵迎擊。遣游擊曹永吉攻柞路。都司范從志副之。守備鄭永泰攻辛家坪。守備吳瓊州同俞克振副之。公親至報信坡。攻其大隊。賊敗走。追至羊角山。賊復拒戰。卻將射中其魁。乃潰。追殺十餘里。斬首五十級。獲器械馬贏無算。賊又偽以數百人迎敵。潛紮從東趨南漳城。公偵知。密遣兵設伏百步梯。以火攻之。陔產死者千計。九月以兵二千赴陝西河南適中地禦賊。且防興安江岸。三年正月。賊首高均德糾賊婦齊王氏擾關中。公往來督戰。皆克捷。賊不敢東窺。豫境首逆李金張添文。擾郿縣盩厔。公以兵迎勦。賊馬隊焚焦家鎮。擊斃數十人。忽大隊賊自林中出。公奮力截擊。火器發。斃賊五百。生擒三十有奇。乃西適。亟整兵追襲。行數里至圪子村。賊萬餘猝至。公令兵勇張兩翼。賊亦左右來拒戰。為火器擊退。旋分四路撲我師。又敗之。遂悉眾十數隊。馬步聯絡圍數重。公為圍陣。外向擊之。賊不敢近。又騎賊千餘來撲營。令藤牌軍大呼奮躍而出。賊馬驚。返奔。乘勝追殺。鎗殪賊目王正部。遂大潰。陝撫秦承恩入奏。擢固原提督。三月追賊至尹家衝。殺賊八百餘。餘分竄翔峪澧峪。進攻之。翔峪賊敗。竄澧峪。皆殲焉。五月敗高逆於盩厔。六月敗賊首阮正通於南鄭。七月賊張漢潮等由南鄭東北竄。公冒雨疾馳。兩晝夜。至廉水。僉及之。賊據山隘。山下皆稻田。水深數尺。見官兵至。輒連騎下壁。公列礮隊仰擊。賊傷亡者眾。乃分馬步隊潛從左右翼截我兵後。我兵三路擊敗之。

賊賊千餘人。八月阮逆等七千人竄西鄉。西流河。據伏銅廠山。梁公道州判張聖祐。外委王廷英破其伏。自攻中堅。斃千四百。擒張金等八十三人。尋命公與西安將軍恒瑞分領陝兵。敗賊於魯家壩。毛塄河。駐兵老魚壩。上責其逗遛。四年七月。設伏倒水洞。敗賊。目苟丈明等。首逆冉添元竄沙田壩。公令守備劉耀德等先赴箭桿山。而自督兵繼進。大敗之。追至景家坪。賊賊百賊奔皮貨鋪。又大敗之。四川賊首龍紹周。竄入黨池壩。欲與冉逆為應。公於曹賊山扼之。不得入。其自東南至者。偽稱齊家營。符與公兵遇。亦被賊二千餘人。上嘉之。九月黃毓藍賊據老鷹崖。公分兵三路躡險上。殲賊千餘。生擒李智花等百五十八人。餘竄金竹溝。仍冒雨追擊。敗之。賊遁入川。又敗王三槐。餘黨於牛頭山。十月賊樊仁傑。唐大信竄西鄉。境內肆擾。公以一旅之師。四出抵禦。嘔血數次。力疾督師。多斬獲。溫旨慰勞。十二月黃毓等賊復自四川奔陝境。公令游擊梁海等擊之。自勦曹家壩。賊甫追及。而梁海兵遇伏。幾殆。公救之。殲賊七百。解其圍。疾復作。諭令在後營。譙秦稍愈。而賊之匿川陝界中。交林者。潛伐樹開道。越山竄南鄭。分由沔縣定略陽。欲渡嘉陵江。上以為防堵不嚴。念其帶兵無多。且染病。飭令奮勉立功。自贖。五年四月。賊自甘肅竄回。公敗之於洋縣。僅斃數十人。兼奏發未晰。得嚴諭。五月。敗賊楊開甲等於土關關。六月。唐逆竄西鄉。大祥等壩。據險分屯。公分兵三路。夜抵賊卡。賊臥未起。破其營。追勦三十餘里。生擒馬正川等百餘人。上深嘉之。下所司議敘。并令專辦西鄉一帶防堵事。七月。敗新逆於魏家寨。

是時唐逆與之糾合。公在黑山萬曲灣。火石埡山王廟等處屢敗之。賊竄四川之太平。未幾甘肅高二馬五及戴家營賊竄入西鄉堰口。窺縣城擊敗之。追斬賊百。生擒林德義等八十八人。二十四日。偵賊眾倚法寶山潛屯。夜令都司哈國龍自喬家店副將鮑貴自索羅觀親率都司鄧飛龍守備徐佑自中路進。賊擲石抗我師。公身先士卒奮力仰攻。突有騎賊從溝中出。截我後山上。賊由索羅觀開道出。撲鮑貴兵。公急救之。賊乘勢悉眾下山。鏖戰至午未少卻。賊圍益急。公左右衝擊。以眾寡不敵。被創十數。猶力戰。賊刀矛蟻集。斷其左臂。墜馬下。伏地北向呼曰。不能仰報君恩矣。遂薨。上聞之。垂淚賞三等子爵。令其子承襲。并令調恤其母。六年二月。總督長麟奏獲前戕公之賊目馬應祥。命於伏誅後。割首赴貴州。就公致祭。以慰忠魂。尋賜祭葬如例。入祀昭忠祠。予諡壯節。子開雲。以戶部員外郎襲爵。官至山東鹽運使。孫鳳翥。道光癸巳進士。四川井研縣知縣。

朱勇烈公事略

公姓朱。諱射才。字文光。貴州貴筑人。少孤。讀書奉母。復業學入營伍。自樵採以佐甘旨。乾隆三十二年。從征緬甸。以功拔外委。從征大小金川。屢立戰功。再擢千總。賞藍翎。遷荔波營守備。施南協都司。襄陽遊擊。賓州參將。平遠協副將。賞花翎。公沈毅果決。臨陣敢戰。自初隨征。即為阿文成公所識拔。計金川平。經大小一百八十八戰。身被九創。殺賊無算。歿碣樓十二所。領積功劄十三次。得賞銀百六十兩。五十年授鎮遠鎮總兵。調晉洱鎮。為極

邊要隘民苗雜處私販偷越最為邊害。公按時巡察撫綏得宜民無越畔。五十七年從征廓爾喀調福甯鎮總兵。明年調川北鎮。六十年征苗攻黨槽三家廟多斬獲克龍角洞北面山梁嘉慶元年克火麻營大山克黃土城賞蟒袍一襲又克平龍破貴魚城斷首逆巢穴石隆寨要路梟首逆石柳鄧貴幹勇巴圖魯名號明年苗壘平撤師回川北達州邪匪王三槐滋事再文儔羅其清蕭占國張長庚包正洪卜三聘張添倫辛聰張世龍等先後應之川東擾亂官兵四擊賊眾分竄達州巴州通江南江諸縣公既回川北先破王三槐於金莪寺得旨議敘既焚金莪賊巢進克茨菇梁商成寨殲賊盈萬轉戰至黃家山三槐中鎗逸破重石子香爐坪迎擊秋波梁竄匪擊退巴州賊屯領兵守保甯先是圍勦方山坪首逆再文儔羅其清未獲而方山坪即保甯所轄也奉嚴旨責以奮勉立功三槐竄望溪邀擊之擒苟文宰等三十七人復馳擊三槐及徐天德於風門鋪殺賊四百餘人得旨褒獎明年偕副將穆克登布擊羅其清於儀隴雙路場追擊四十餘里殺賊千餘人復擊退濟川擒賊擒張碎勝等九人斬首五百餘級賊圍儀隴馳應之賊潰進攻其清大鵬寨擒楊正富等三百餘人明年破再文儔於麻灘寨鎗殺之蕭占國張長庚亦就殄得旨議敘包正洪踞鄰水公督兵自萬縣馳赴賊屯戰康家坪趙家場擒李有龍孫成追逐之至開縣九龍山擒馬官成至厚葉溝擒莫以才復及之小毛坪賊踞山公鼓兵直上正洪被鎗死賊大潰得旨褒獎賜騎都尉世職卜三聘踞八石坪破之張添倫辛聰竄湖北巴東

已復竄房縣。遇竄匪高二馬五公率兵迎擊。斃百餘人。高二馬五潛襲我營。擊卻之。擒潘受榮等。時公感冒風寒。病幾危。以兵授提督。七十五就醫夔州。甫決。陝西竄回各賊。滋擾通江南江。經略額公檄公勦捕。公力疾馳往。大破之。通江追擊至竹峪關。復破之。德漢城追擊至朱家壩。賊望風遁。由是經略奏公分勦通南。明年張世龍屯聚草廟。公領眾截殺。多所斬獲。而經略將赴陝西。復調公至達州。與總督魁倫會勦。公從南江雷音鋪至達州。賊乘隙自定遠潛渡嘉陵江。官兵自順慶渡河迎截。賊走西充文井場。比追及。賊已夜遁。公急馳十餘里。及賊後隊。追戰越三十餘里。殺賊四五百人。生擒百餘人。乘勝追至達溪高院場。賊分奔上山。公督兵直上。突有賊七八千人來拒。眾寡不敵。被圍數重。初魁倫遣公及總兵百祥。以兵三千進擊。約自帥後隊數千繼進。至是魁倫擁兵不援。反回屯城內。公手刃十餘人。遇坎墜馬。歿於陣。事聞。照提督例議卹。賜二等輕車都尉世職。予樹襲蔭。戶部主事。予祭葬。時百祥以千兵斷後。亦幾殆。魁倫遂以防潼河為名。退屯潼川。未幾賊卒宵渡。擾川西。魁倫被逮治罪。賜自盡。七年陝西獲賊目李自剛。戕公者也。上命磔之。設公靈致祭。復傳首祭公墓。八年入祀昭忠祠。賜諡勇烈。公自乾隆三十二年隨征。至授命之日。凡三十四年。初受高宗恩遇。由行伍擢至副將。又專閩五省。每入覲。以老臣目之。於請賀萬壽聖節。奉手敕曰。汝舊人也。不必來京。仁宗御極。復蒙異數。錫眷便蕃。凡有微功。必邀甄錄。公感兩朝知遇。臨陣奮勇。賊畏之。有朱虎之號。雖被創嬰疾。一聞賊即抽戈。

起嘗慨然曰。某受恩深重。即致命疆場。尚不足以仰報萬一。其感奮如此。在軍恩威並濟。飭軍容。勤訓練。士皆用命。民無驛驢。尤軫恤難民。前後拯濟。不下萬人。公歿。兵民皆流涕。賊既退。營卒倉卒收公骸歸葬。遺其左足。明日川民於戰處得之。別葬於潼川府鳳凰山。仙人掌子樹。故奉足歸彝川。民哀留之。遂別為墓。建祠祀之。弗能歸也。

額忠毅公事略

公諱額勒登保。字珠軒。姓瓜爾佳氏。滿洲正黃旗人。乾隆三十三年。以馬甲從征緬甸。及金川。授藍翎侍衛。遷三等侍衛。四十一年。金川平。賜號和隆。武巴圖魯。四十九年。從尚書福康安公攻逆回。回五等於石峰堡。晉二等侍衛。賞黃馬褂。五十二年。以頭等侍衛。從福公征臺灣。解嘉義圍。明年擒林爽文。臺灣平。詔圖形紫光閣。遷御前侍衛。五十二年。廓爾喀逆。匪擾後藏。從福公攻克擦木賊寨。七戰七勝。加副都統銜。事平。再圖形紫光閣。上親製幣。尋授副都統。兼護軍統領。六十年。擢都統。當是時。黔苗石柳鄧叛於松桃廳。楚苗石三保叛於永綏廳。陷乾州。上命福公以雲貴總督視師。疏請以公及護軍統領德楞額。公率巴圖魯侍衛。往由松桃迤西進攻。遂解永綏圍。克黃瓜寨。又攻首逆吳牛生於蘇麻寨。克西梁。半生遁。高多寨擒之。與德公同投內大臣。又獲乾州賊目吳八月。賊黨尚據平隴。邊官兵。公進抵長吉山。逆苗數千來撲營。敗之。嘉慶元年五月。福公薨。代之者為川督和琳。時石三保就擒。石柳鄧等踞平隴。公率師渡河。先趨乾州。復其城。得首賞花翎。補領侍

衛內大臣。屢攻克險要苗寨。八月和公卒於軍。是時統兵大帥。惟公及德公。暨湖南巡撫姜公巖。上命將軍明亮。提督鄂輝。往會勤。十月偕明公等。攻克平隴石柳節。迺踏養牛塘山梁。分兵克之。賞銀十兩。十二月大軍斬石柳節父子。及吳廷義等。詔封公威勇侯。賞戴雙眼花翎。德公封繼勇子。明年三月班師。會川楚教匪稔亂。公遂由苗壘移征湖北矣。公之初至湖北也。連克險要。賊棄寨遁。鶴峰州之芭葉山。四月復連奪賊柵。賊守險死拒官兵。晝夜攻之。賊突圍出。追敗之。建始縣。分兵三路進捕。斬賊四千有奇。十月甕逆首林之華於巫山。而覃加耀仍未就擒。十一月竄長樂之朱里寨。有詔切責。十二月賊據歸州。終報寨。上以加耀黨與不過數百。兵多賊少。不能立安蕩平。降三等伯爵。戴單眼花翎。三年正月擒加耀。上責其不能早竣事。有過無功。奪爵職。及花翎。予副都統銜。時賊匪有青黃藍白綠等號。上命公赴陝協勤。白號高均德。黃號姚之富。齊王氏。二股會賊。目李全等。自藍屋至藍田。欲與高齊合。公率兵截擊之。姚之富。齊王氏。失援。遂為明亮德楞泰所殲。尋進勒高均德於兩岔河。賊竄商州鎮安等處。四月藍號賊張漢朝。由川入楚。公帥索倫兵赴荊州會勤。敗賊於竹山。追入陝境。平利縣。又由陝追入川境。太平縣。時白號賊羅其清。踞營山縣境之箕山。德公等破之。九月公至廣元。截擊。生擒漢朝子正澂。與德公軍合。十月羅其清竄踞大鵬山。合兵圍克之。殲其清父從國。其清遁巴州。公追勒。七晝夜擒之。并擒其子若弟。有旨賞還花翎。十二月追勒青號徐天祿。於合州。四年春。上命川督勒保為

經略大臣公與明亮同授副都統為參將大臣。三月藍號賊蕭占國張長庚等率眾八九千由閬州回竄營山。公力疾轉戰盡殲其眾。斬蕭張二逆。詔賞二等男爵。時冷天祿方踞岳池。公乘勝冒雨進剿。迨至廣安州。殲之。悉殲賊眾千人於石筍河。得旨嘉獎。晉一等男。四月追勦白號賊張子聰於雲陽。子聰糾合黃號樊人傑龔建等抗拒。別賊蕭焜又合綠號卜三聘等來犯。公疊敗之於寒水壩等處。賊稍解散。五月子聰復合藍號再添元等欲犯陝境。經官軍扼截。逼回南江。子聰尋竄通江。追敗之於荀家坪。又敗再添元於木老壩。上諭樞臣曰。額勒登保每戰必身先。故所向克捷。能得眾心。但職司參贊。乃國家倚重之大臣。與前任領隊時不同。此後宜加慎重。不必爭先冒險。七月再添元竄鎮龍關。欲與青號王登廷合。登廷屯馬鞍山。公擊敗之。奪其寨。窮追至大竹東鄉等縣。值齊家營別賊屠至。分兵擊斬二千有奇。生擒千有奇。仍緊躡登廷不懈。上嘉之。八月詔逮勒保。明亮入都。以公為經略。德公為參贊。先是湖北糧員胡齊崙餽送事發。公獨無所受。諭嘉其忠勇。公清為東三省人傑。授領侍衛內大臣。九月疏言。徐天德經楚軍勦賊。折回川東。勢已衰弱。而王登廷現與再添元苟文明合股。又有襄樊賊首冉正澄竄至廣元。覲覩入陝。目前賊勢川北為重。臣未便再往川東。應通籌全局。相緩急圖之。又言軍中出力人員。應隨時鼓勵。令領兵大員自行保奏。以免咨送稽延上疑之。尋率總兵楊遇春。職阮正澄等於雲霧山補都統。十一月登廷天德添元等會合抗拒。拒公躍馬督陣。勦之於巴州何家壩。擒偽總

兵賈正舉等追賊入倉溪賊冒矢衝突我軍頗有傷亡王登廷尋為南江縣團勇盤獲事聞諭曰額勒登保此次盤獲王登廷與所奏倉溪一帶官兵挫折之事相隔止一日使他處此必諱言失利將王登廷作為陣獲以掩敗為功今據實直陳不稍存諱飾而於鄉團盤獲王登廷一節並不據為己功真不愧經略之任蓋公天性樸誠又奏調即中胡思顯代司章奏遇事直陳上嘉公不欺并賞思顯三品卿銜此固公之忠誠上格而仁宗皇帝至聖至明亦從可仰窺矣十二月高戴馬羅各逆首由老林突入陝西之城固南鄭等處公督兵赴陝以川省軍務交總督魁倫接辦五年二月因病暫駐秦州上遣御醫診視尋殲賊眾於甯遠伏羌岷州階州等屬擒偽元帥陳正甲等三月白號賊楊開甲等復由甘入陝其藍號張漢潮先斃於陝境餘匪仍熾潼河亦失守詔逮問魁倫起勒保成都將軍與德楞額勒川賊專責公及尚書那彥成勒陝賊四月公率總兵楊邁春馳抵商鞅賊七百又追至兩岔河殲擒千餘名緊扼龍駒寨遏賊東趨盧氏之路上嘉之賊西南奔洵陽公設伏擒斬藍號賊劉允恭劉開玉等於是漢潮餘黨之在陝者略盡晉封三等子五月追勦黃號賊伍金柱等於漢陰廳斬賊首龐洪勝等殲賊五千追斬楊開甲於洋縣之茅坪六月陝賊全竄甘肅之兩當徽縣而藍號賊陳傑仍偷越棧道欲奔南山公率兵擒傑并獲偽元帥曹印斬賊三千有奇又鎗斃伍金柱於成縣之夾溝又斃首逆宋某於兩當屢奉恩獎公乃移師西嚮居中督辦而賊不據城池惟往來川陝楚界萬山中狡竄

疾馳趨向無定。有由西鄉瀘。溯竄過漢江以北者。公帥師渡江迎擊。疏言賊縱飄忽。惟堅壁清野。可以制其死命。目下川省堅壁寨堡。賊即不敢深入。而秦楚兩屬。結寨聚眾。仍可恣其擄掠。請一律興築。上可之。乃以勦捕責公等。以防堵責疆吏。會賊逼武關。圖入豫。公督兵截擊。逼回西南。六年正月。勦黃號賊王廷詔。白號賊高三馬五等。於漢陰南山。截斬千餘。生擒八百。上以高三馬五王廷詔。皆著名悍目。官兵既獲勝。即宜專注此賊。併力追擊。不可舍而之他。二月。奏設甯陝鎮。為南山屏障。得旨俞行。提督楊遇春。擒廷詔於川陝邊界之鞞子溝。復追高三馬五於甯羌州。擒之。并擒賊首王凌高等。詔嘉公調度有方。晉二等子。賞還雙眼花翎。時逆首著名者。陝西則冉學勝。伍懷志等。湖北則徐天德。苟文明等。四川則樊人傑。冉添泗。王士虎等。尚不下十餘股。學勝北擾甘境。公由漢中入棧。逼之於渭河。又蹴之於漢江南岸。賊遁平利。而洵陽復有白號張天倫等五股。合屯對家河等處。勢張甚。公命楊遇春進勦。殪賊二千。生擒千。技出難民數百。遂生擒天倫。命提督穆克登布。擒伍懷志於秦嶺。未幾。楊公復擒冉添泗。王士虎於通江。其起事最久之徐天德。冉學勝。亦經楚蜀官兵殲擒。而姚之富之子馨佐。及白號賊高見奇。辛斗等。方據甯羌。公督軍西勦。逼入川北。九月。總兵楊芳等。擒辛斗於南江。副都統豐紳等。擒高見奇於紫陽。又追勦逆首李彬於建州境。獲其妻子。及偽帥冉天璜等。於是偽總兵韓進文等。各率所部降賊。勢日蹙。因條上搜捕事宜。諭嘉其深中肯綮。晉封三等伯。賞黃面貂皮馬褂。十一月。

詩文明潛與高冉各股殘匪合。由廣元偷渡漢江竄入甘肅階州旋回竄廣元。十二月復竄通江。殲之於瓦山。溪獲文明弟文舉等。賊竄開縣大甯。七年正月。斬黃號賊李聰於南江。苟廷尋由西鄉七星壩掠船偷渡漢江北岸。公馳奏請罪降一等男爵。單眼花翎。旋有旨以川匪文德愕奉勅保辦理。公以經略兼西安將軍。專辦陝賊。二月。苟文明被勦竄入南山。與別賊宋應伏劉永受等合。且詐用官軍旗幟計陷我兵。公督師入山搜勦。而峽路險阻。賊勢盛。則隨地抗拒。被勦窮蹙。則翻越陡壁。藏匿老林。且多分黨與。倭東倭西。為牽綴官兵之計。六月。公痛殲賊眾於龍家灣。苟文明僅以三百人跳免。擒其妻子。并斬崗民之通賊者。賊日劉永受亦為村民所殲。苟廷尋由川塘河東竄。公親帥師抄擊之。疊有斬獲。晉封一等伯。賞還雙眼花翎。公奏軍務將竣。減撤東三省及兩粵官兵。八月。窮搜南山餘匪。斃首逆張芳。隨督兵至平利。與德公合勦大股楚匪。凡五戰。擒斬過半。九月。駐安康紫陽。東顧楚境。西策川界。十月。殲青猿賊熊方清於王家莊。并於竹溪境內盡殲老林股匪。十一月。穆克登布追賊至通江鐵燈臺。生擒首逆蒲天香等數名。晉公三等侯。時各逆就殲。餘匪分竄老林者。或百餘人為一起。數十人為一起。不復成股。乃以十二月。偕參贊總公。總督勒公等。馳報成功。優詔晉封一等侯。世襲罔替。授御前大臣。加太子太保。賞用紫纁。以昭殊錫。八年正月。留陝搜捕餘匪。擒姚馨佐宋應伏等於紫陽。上善後事宜。五則。十月。振旅還京。特派御前侍衛郊迎。十二月。行抱見禮於養心殿。賞賚不次。旋入川。偕

德公盡殲餘匪。以疾告。命回陝調理。十年春入京。命總理行營事務。充方略館總裁。御製詩賜之。加賞銀五千兩。大緞十六疋。充後扈大臣。賜紫禁城騎馬。命謁告裕陵。授崇文門監督。八月駕幸盛京。恭謁三陵。禮成。詔晉公三等公爵。是月薨。年五十有八。奏至行在上。震悼。涕泗交集。特賞陀羅經被。派成親王率侍衛十人。回京奠醊。頒庫金五千兩。充喪具。九月上回鑾。親臨賜奠。御製述悲詩一律。命將軍秀林。修其吉林祖墓。官為立碑。復於地安門外。建專祠。賜名曰褒忠。春秋致祭。照公爵例賜卹。子諡忠毅。公天性嚴毅。美比河清。諸將白事帳前。莫敢仰視。初隸超勇公海蘭察部下。每戰輒陷陣。海公曰。子將才。宜略識古兵法。以公不識漢字。取諱清三國演義授之。遂為名將。尤得士心。雖疲乏之兵。歸其隊下。率變而奮勇。嘗謂諸將曰。我兵條條生路。惟拚命進戰。是一死路。賊條條死路。惟拚命鏖戰。是一生路。欲以我之長擊賊之短。惟有出其不意。攻其不備之一法。故追躡必窮所向。俾賊不得喘息。師行整隊。伍常若臨敵。或倉猝遇賊。後隊未即至。即以前鋒突擊。不使賊有成列之暇。每宿必四路偵伺。以備不虞。臨陣礮彈常從肩耳過。左右失色。公督戰益力。尤嚴操守。賞士巨萬。不惜。而不以一錢自奉。督撫餽遺皆不受。大兵歲久。諸將多蓄貲財。凱旋日過蘆溝橋。雖德侯亦輜重粟藥。公獨行李蕭然。數騎而已。初有子為侍衛。卒。公方治軍。得書不言。亦無戚容。夜歸帳。乃哀。明日治事如故。回京生子一。上賜之名甫。數月公薨。賜奠時。上取子至膝上。命襲侯爵。逾年卒。以兄子哈即阿嗣。或疑公忠勇果毅。已貫

天人而誅戮之不無太過云

德壯果公事略

壯果公者名德楞泰姓伍彌特氏正黃旗蒙古人也乾隆三十五年由前鋒長隨征金川石峰堡臺灣俱有功累遷參領賜號繼勇巴圖魯授健銳營翼長五十七年隨將軍福康安公參贊海蘭察公征廓爾喀冒雨設險攻賊寨下之加副都統銜圖形紫光閣尋授副都統連護軍統領六十年二月黔苗石柳鄧楚苗石三保叛陷松桃永綏等廳上命公帶領巴圖魯侍衛章京馳驛赴鎮鎮守隨督福公勦賊賊掠永甯哨公駐花園隆團等處禦之屢有斬馘三月福公解松桃永綏圍時首逆吳半生與柳鄧三保為聲援率黨拒官兵於大烏草河公偕都統額勒登保公疊克沿河賊寨七月渡河抵威華哨山半木城堅甚用火攻克之八月克古丈坪九月進攻摩手寨由間道至寨後出賊不意奪據石城遂與額公擒吳半生於高多寨特授內大臣十月進攻鴨保山克木城石十三十餘座又克天星寨木城石堡五獲擒目吳八月偽稱吳三桂後者也嘉慶元年五月福公卒於軍時石三保就擒平隴尚未下公隨川督和琳先攻乾州復之進攻石柳鄧於平隴奪其險八月和公卒公偕額公及南撫姜公晟進兵上命將軍明亮提督鄂輝來會勦十月克平隴命克御前大臣再克石柳鄧於養牛塘山梁賞白金千兩十二月柳鄧就戮詔封二等子加賚白金五千兩尋獲吳八月子廷義暨各首逆家屬賞戴雙眼花翎二年四月苗匪平奉

命偕明公率川滇兵六千馳赴四川勦教匪時賊首徐天德王三槐竄踞金峩寺公奪險進攻燬其寺殲賊亡算賊匪竄踞重石子香爐坪數尚二萬其南有分水嶺西南有火石嶺賊卡林立我軍奪嶺進三槐率黨五千來撲營公擊敗之三槐中鎗逸獲其義父賀宗盛等五月公破重石子明公破香爐坪共殲賊萬計追至陳家壩擒徐王二逆之母及傳教首逆孫士鳳賊黨僅存千餘人會襄陽賊齊王氏姚之富樊人傑等率眾二萬自楚入川與徐王合於是徐王氏姚之富稱黃號徐天德稱青號王三槐稱白號設元帥總兵諸偽稱屯開縣之南天洞等處勢張甚官兵破南天洞賊分走雲陽萬縣雲陽教首高名貴糾眾數千欲與徐天德合公以計擒名貴盡殲其眾於陳家山優旨賞賚七月齊王氏等由秦節巫山東走楚境公與明公繞出宜昌迎勦賊復南趨公留明公屯宜昌自趨荊州迎擊解達安縣圍上嘉之八月賊犯荊門宜城公往援勦會東三省勁兵通至合勦大捷二城得全賊遂欲北渡襄江竄河南公扼其要隘殺賊十餘斬偽元帥袁萬相等截賊回湖北得旨賞紫纓九月屢殲賊於房縣竹溪竹山賊走陝之平利圍入川東我兵敗之於樹河口殺賊數千餘偽元帥張世虎等賊北走紫陽又合白號賊高均德西走漢中十一月賊欲竄漢江北渡公帥師衝入江心擊殺甚眾截賊入川先是上以齊王氏姚之富為著名首逆命專力擒渠不必分心他處三年正月齊姚二逆竄甯先山中高均德遂由南鄭渡江擾及褒城時大兵方追高逆於城固洋縣齊姚二逆遂乘虛由石泉渡江與高逆

合東走漢陰廳。三月公窮追齊姚二逆由山陽至鄆西日行百七十里擒斬千八百人賊踞鄆西三岔河拒守我兵盡殲之獲賊目王如美等齊姚二逆投產死得旨嘉獎高均德由鎮安竄雒南我兵敗之於西岔河斬偽帥高大高二宋三等餘賊與李全張天倫合五月又敗之於五卽關均德自甯羌走廣元合黃號龍紹周藍號冉文偉等踞渠縣之大神山有眾二萬諭責公遊緩奪爵賊留副都統銜觀後效七月攻克大神山賊十先後設伏斬級三千有奇賊眾將竄營山官兵感之黃渡河斬級四千馘賊目冉文字等均德中箭逸遂入營山踞之箕山與羅其清合羅其清者巴州白號首逆也眾萬餘結寨箕山徑圍百餘里三面陡絕惟東南有路可通八月青號徐天德王登廷黃號樊人傑等踞鳳凰寺阻營山渠縣運道與其清犄角我兵攻克鳳凰寺而箕山仍負固不下十月分三路進兵奪賊十七賊寨六遂克箕山羅逆退駐大鵬山適額公自閬州率師至合勦十一月賊乘雨夜來撲營公偵知之潛伏賊寨南門用雲梯乘間入火其寨額公亦襲破西門殺賊四十殲其清父從國尋合兵追其清於巴州擒之并獲其子若弟等俘斬六十得旨賞蓮花翎四年正月元旦生擒冉文偉於通江盡殲賊眾賞一等輕車都尉二月徐天德及白號賊冷天祿等由墊江竄涪州詐稱難民入鶴遊坪寨公偕額公擊退之時川督勒保公為經略疏言各路帶兵大員惟額勒登保德楞泰尤為知兵且得士民心遂詔公專勦徐天德大股尋追徐逆於開縣擒賊目趙興宗等三月徐逆自大甯北折入陝我兵追及於太

平縣。又遇龍紹周唐大信等賊，俘斬各數百人。上以其能，退賊蔽陝也。嘉之，嗣天德遁入大甯老山，與龍紹周唐大信樊人傑龔建卜三聘張天倫辛聰等合。官軍破其輜，轉峯嶽，疊奉嚴旨申飭。七月，諸賊被驅出山，由奉節巫山東竄楚境。綠號賊龔文玉亦自夔州踵至。公分兵痛殲之，追至竹谿，俘斬千四百人，生擒文玉及卜三聘等。賞騎都尉世職。八月，經略勒公被逮，命額公代之。以公為參贊大臣，由房竹至興山，截勦徐天德等，逼回川東。旋緊躡張天倫辛聰等入陝，楚境肅清。十月，高均德率高家營賊眾萬餘，欲由白河走西鄉，窺伺漢江。龍紹周冉天元等又率賊眾圍走紫陽，公皆擊敗之，追殺百二十里，擒均德，檻送京師。又擒偽元帥王臨高曹明魁等十餘人。晉二等男爵。十一月，進兵川北，殲白號賊張金魁於通江，擒偽總帥符日明等於廣元。十二月，追荀文明等至川東，賊矚大兵俱在川境，遂先後竄擾陝甘。五年正月，偕額公分路抵秦州，而藍號賊冉天元黃號賊徐萬富青號賊汪瀛綠號賊陳得俸等三萬眾及白號賊張子聰雷世旺等二萬眾，遽乘間竄渡嘉陵江，分擾南部西充等縣。總兵朱射斗沒於陣。二月，冉逆等踞江油縣之新店子，公由開道追擊賊分四路，每路馬賊各四五百，步賊二三千，迎戰我兵，亦分路衝入賊巢，副都統賽冲阿溫春等遇伏被圍，公往援，屢戰竟日，圍立解。殲賊無算，生擒陳得俸，誥授公內大臣。公轉戰而入，連奪險隘，冉天元以大隊屯馬蹄岡，而伏萬人於火石壩，俟公抵馬蹄岡，已過賊伏，數重始覺，俄伏起，八路來攻，人持束竹溼絮以禦矢，旣屢戰，三晝夜，賊更

番迭進我軍飢疲數路皆賤公率親兵數十下馬據山巔誓必死天元督眾登山直取公
公乘高險注矢引滿一發墮天元之馬蹶而擒之賊遂瓦解我山後鄉勇亦至逐北二十
里飲羽怒逐擒斬無算天元雄黠冠川賊專用伏以陷官軍曾敗經略兵於蒼溪號令羣
賊橫行川東川北川西荼毒數十州縣至是與官軍五日四戰曾屢設伏前賊卻後隊及
之誓致死決勝負賴公血戰破之生擒渠魁為軍興以來戰功最詔晉三等子爵是月復
大破賊於劍州俘斬三千俄白號賊張子聰雷世旺等由射洪竄渡潼河西岸路逢溪分
股圍攻民寨公率輕騎追及痛殲之賊世旺及偽總兵吳學周等民寨圍解晉子爵一等
授成都將軍時川督魁倫以失守潼河遠聞起勒保代之命與公合兵勦賊四月白號藍
號賊分擾遂甯安岳等縣并逼中江有趨成都之勢公與勒公夾擊連敗之斬級四千賊
欲東竄選擊之嘉陵江口俘斬及溺斃者三千有奇潼河兩岸肅清閏月追賊至川東達
州新甯各屬殲偽總兵苟文富等七人賊敗竄川北忽苟文明樊人傑等復由陝入川通
江南江巴州皆告警五月移師川北殲藍白號賊目四人六月賊走營山窺伺嘉陵江岸
公擊之恩陽河與勒公合兵追勦百餘里至岳池縣殲擒偽總兵苟文禮等十餘人及餘
賊四千七月苟文明以數百人遁時藍號賊屯路南江廣元等處公襲之殲賊千人八月
合勒白號賊於東鄉太平白號旋與青號賊趙麻花合我兵扼之於茅坪擒斬二千九月
麻花復合老林賊王珊欲向陝境迎徐天德至川我兵由江口截勦至雲陽麻花珊等皆

就擒。十月楚境黃白青綠四號賊由房縣走夔巫高家營賊眾及龍紹周等復由太平通江北。漢兵至賊去。兵去賊至樊人傑冉學勝王士虎等遂由川入陝。徐天德又由陝入楚。詔以公堵禦不力降為一等男。十二月藍白黃三號賊眾八十。窺伺嘉陵北。公引兵襲之。再戰再捷。先後俘賊四千。殲首逆三人。晉三等子。御書福字賜之。六年正月。白號賊高二。自洵陽偷渡漢江。圖入河南。公追及於山陽。斬傳教首逆龔如一等。殲二千餘眾。賈逵一等子爵。尋箭斃。高二於野堵坪。并擒偽帥王儒等。二月抵興安。勦龍紹周等。逼令西入川。境龍逆率萬眾分路抗拒。痛殲之。截賊二千。擒賊首包萬才等七百餘眾。三月龍逆遁湖。北之竹山房縣。又敗之。仍走四川之太平。公勦兵截勦。殄賊三千。得首賞選。雙眼花翎。四月徐天德樊人傑合藍號賊陳朝觀等竄陝。據白河縣之黃石坂。分股圍攻民寨。公派兵直取賊巢。擒朝觀等十餘人。賊賊二千。五月大破賊眾於西鄉。獲徐樊二逆之妻。徐天德由西鄉趨紫陽。公率眷冲阿等蹙之於新灘。大雨水漲。天德溺斃。時龍紹周乘官兵追勦徐逆。復闖入房縣竹谿。公督兵逼回太平。先後殲擒偽帥陳文明等五人。八月追紹周至巫山巴東。獲其妻子。及偽軍師王鵬。老教首李天棟等。九月擒紹周之兄紹海弟紹華。龍逆僅以二百餘人遁。十月殲紹周於平利。斬偽總兵曹應彪等十餘輩。餘孽蕩平。晉封二等。鑾勇伯。賞黃馬褂。十一月奏改達州為綏定府。十二月白號賊苟文明等西據甯光。公偕額公夾擊。賊遁回川北。大敗之於通江。賊走開縣。公派兵馳。親自率輕騎赴大甯。斷其

入楚之路。七年正月。苟逆由川入陝。偷越漢江北。竄會川東。索匪茲擾。上命公專辦川賊。二月破綠號。餘匪於奉節。擒偽帥龔其堯等五人。又勦白號賊張長青於雲陽。三月長青敗走開縣。時黃號樊人傑、藍號崔宗和、胡明遠、戴四蒲、天寶等。麇聚楚境。之歸巴興。房等屬。公聞報。即移師入楚。詔嘉其統籌全局。無分吟域。深得大臣公忠體國之道。四月樊戴各逃。由房縣至歸州。冀與蒲天寶合。公率精兵。開道星馳。三百餘里。抵東湖。乘霧渡河。繞出賊前。使不得合。賊以四千人踞雞公山。我兵分兩路夾擊。斬首五百級。擒偽先鋒等五人。時蒲逆屯當陽河。尚餘五千人。五月公冒雨進攻。殲賊八百。擒偽總兵二人。蒲逆負創走。又敗之於穆家溝。擒斬千餘。公分兵留勦蒲逆。自移師東趨。直取樊人傑。冒雨入馬鹿坪。出賊不意。痛殲之。樊逆竄至竹山。惶急投河。死。其妻子弟姪皆就俘。樊逆倡亂最久。各賊咸聽指揮。與冉天璋。至是始掃蕩。上偉其功。晉三等繼勇侯。七月蒲逆乘間劫營。卡將弁有被害者。合藍黃白號餘匪。增至一二十千人。公奮力圍勦。斬刈過半。八月窮追至竹溪。蒲逆墜崖。死。九月餘匪竄至巴東。興山。老林。時賊皆百戰之餘。猥騰集鷲。其悉官軍號令。及老林徑路。忽陝忽川。忽聚忽散。屢破圍。復乘霧溜崖。突竄。有中數矢。猶力戰者。分軍遇之。則不利。大隊趨之。則免。脫僅餘二三百賊。而三省不得解嚴。直至十一月始搜勦淨盡。遂以十二月偕額公奏報大功。戡定。優詔晉公一等繼勇侯。加太子太保。賞用紫纒。公子蘇沖阿。由頭等侍衛。賞副都統銜。八年七月。遵旨入覲。上慰悅。下所司優敘。八月至熱河。

行在御製七言詩賜之。命在紫禁城騎馬。尋以南山餘孽煽動。命赴成都將軍任。十二月遇賊平利。遣弁赴賊寨招降。俱被害。有詔切責。降二等侯。單眼花翎。紫纓。九年二月。額公以欽差大臣赴軍。會公督勦窮搜川陝老林。八月全數掃蕩。賞達一等侯。內大臣紫纓。雙眼花翎。再交部優敘。十年夏。額公薨。上召公回京。授領侍衛內大臣。充方略館總纂。十一年以海盜蔡牽犯臺灣。命赴閩督勦。未至。蔡逆遠竄。仍召達。六月充後扈。大臣總理行營事務。管理兵部。七月甯陝鎮新兵陳達順。陳先倫等作亂。命公為欽差大臣。往勦辦。九月官兵分四路圍之。叛兵滿大芳等乞降。縛獻首逆。陳達順等磔之。解散五千餘人。上嘉其迅速。尋請將隨同滋事之兵丁二百二十四名。令暫歸原伍。約束操防。諭責其寬縱。專擅。退出御前侍衛。罷領侍衛內大臣。交部議處。尋命革職。留將軍任。十二年春。瓦石坪叛匪滋事。率將弁全數殲擒。開復京留處分。十四年正月。疾作。上親解佩囊并領內府丸藥賜之。特詔晉爵三等繼勇侯。三月九日薨。溫旨悼恤。派侍衛一人。內閣學士一人。馳驛迎至中。途奠醮。喪歸至近郊。上親臨賜奠。御製詩挽之。命入城治喪。賜內帑銀五千兩。照公爵例。賜卹。予諡壯果。詔川省建立專祠。尋入祀京師昭忠祠。公英勇超倫。戰必身先陷陣。與額公同心戮力。以底成功。馬蹄同之戰。尤為奇勳。第一蜀人談之。至今勃勃有生。氣公薨時。下詔褒恤。亦稱是役保障川西數十萬生靈。免遭蹂躪。為勳績之最著。蓋是戰之奇。在轉敗為勝。萬死一生。有天幸。然非公之忠勇奮發。不能得也。子蘇沖。阿襲侯。官都

統孫倭什訥。再襲官料軍次孫花沙訥。道光壬辰進士。由編修官尚書。

長文襄公事略

公諱長齡。字懋亭。姓薩爾圖克氏。蒙古正白旗人。父納延泰。官理藩院尚書。公內繕譯生。員補筆帖式。乾隆四十年。充軍機章京。升主事。四十九年。甘肅逆回田五叛。隨阿文成公進剿。升員外郎。五十二年。林爽文亂。臺灣隨福文襄公往剿。克復大里杙。爽文就擒。賞花翎。五十六年。廓爾喀叛。授後藏。復隨福公往討平之。補郎中。遷內閣侍讀學士。嘉慶四年。遷副都統。授右翼總兵官。五年。川陝楚三省教匪擾達州。青號賊徐天德折竄湖北。命公為領隊大臣。率兵馳剿。八月。白號賊高二馬五竄陝。命改赴陝西。時公道經湖北房縣。會藍黃白三股賊至。即與巡撫倭什布會剿。由南漳進攻。尋以高二馬五屯洵陽王家坪。公率兵分撲。斬俘甚眾。調宜昌鎮總兵。旋由鮑家店抄至賊前。分隊衝壓。斬獲千餘。乘勝由陳家莊進擊。分兵七路。晝夜窮追。生擒偽先鋒鄒順等。餘匪敗竄鄧家河。公復繞出賊前。斬獲五百餘人。得旨獎賚。嗣高逆由楚竄陝。公追剿於白河。敗之。又折竄楚境。公由竹山房縣抄截。殲賊百餘。擒賊甘吳登科等。尋以徐天德等。由陝竄楚。與高逆合。公由獅子巖分路迎截。殲賊五百有奇。追殺四十餘里。又敗賊於瓦坊口。擒斬千餘。得慶養。六年正月。追敗高逆於楚陝交界之大花園。會徐逆仍在楚境肆竄。公復回楚協剿。敗其眾。二月。敗賊於黃沙河燕子溝等處。尋探知白號賊苟文明。藍號賊李彬。由陝竄楚。公信道扼其東。

竄之路。戮偽總兵卜興邦等於陣。會徐逆圖竄襄陽。公設伏截擊。俘賊盈千。擢湖北提督。三月敗賊於穀城。擒教首黃正魁等百八十人。旋敗賊茅倫山。殲擒七百有奇。還賞卷。可逆尋遁房縣。公由紫竹兜繞出賊後。斬擒甚衆。命署湖廣總督。五月黃號賊張萬林從陝東竄郿縣。公督兵進勦。斬復亡算。時藍號再學勝。亦由陝竄楚。復迎勦於秦家坪。克之。六月敗賊渠湯思蛟。劉朝選於劉家灣。冬。處八月。青號賊由陝奔楚。公督兵由上龕繞至鐘鼓山。奮力截擊。箭斃偽元帥李六年。擒偽總兵蔣添受。殲賊七百有奇。均得旨嘉獎。十一月黃號賊曾芝秀。自興山折竄房縣。公由紫竹迎擊。至二層巖。擒斬甚夥。復追至連湖坪。敗之。旋率兵迎頭勦捕。殲賊四百人。偽軍師鄭三元。偽元帥稽貴。悉就擒。七年正月。殲賊於摩天嶺。餘賊遁紅巖溝。公乘夜用火攻。勦洗殆盡。二月首逆樊人傑。合曾芝秀各股。匪竄興巴一帶。公由興山會勦。敗之於高良坪。三月賊竄房縣。公帥兵追殺二十餘里。芝秀中箭遁。四月殲賊於瓦房溝。復敗賊於火石嶺。賞玉韞荷囊諸品。五月藍號賊蒲天寶。東竄羅溪河。公冒雨進攻。墜馬落水。侍衛富翰等救出。得旨將慰。尋知樊人傑。曾芝秀。竄漁沱。偕將軍賽冲阿等。奮力逼勦。樊曾二逆。賊後河絕。賞雲騎尉世職。七月追勦蒲天寶於巴。乘蒲逆墜崖死。公自房縣搜捕。餘匪殆盡。九月以疾聞。命回京調治。八年以提督銜。補右翼總兵。尋授古北口提督。九年授安徽巡撫。十年調山東巡撫。未之任。以蒙城教匪。余連糾衆倡亂。遂帶兵馳勦。匪黨四百。余逆就俘。並獲教首李朝士等。磔於市。上嘉其迅

速十二年正月。授陝甘總督。六月入甯時。西甯賊苗滋事。命馳往查辦。八月討平之。獲賊目班珠爾貢格等。上嘉其迅速。再下部優敘。尋上善後章程四則。從之。十三年冬。以前在山東巡撫任內。餽欽差大臣廣興銀兩。錫級留任。復以廣興過境時。藩司卹庭濬稟明。勅辦差。公置不究。坐褫職。發伊犁效力。九月賞藍翎侍衛。充科布多參贊大臣。十五年遷三等侍衛。調烏里雅蘇台參贊大臣。十六年授河南巡撫。尋以前在科布多。收受伊犁將軍餽送馬匹。濫與供支。下部議。十八年九月。復授陝甘總督。十二月岐山匪徒萬五等。因木廠停工乏食。糾眾滋事。命帶兵勦捕。十九年正月。擒萬五磔之。乘勝進擊。斃賊六百有奇。生擒陳四等三百餘名。得首優敘。賞玉韉荷囊。尋職賊渠吳抓抓於黃官嶺。斃於階州。漢江南北均肅清。賞騎都尉世職。並賞蓮花翎。條上善後事宜五則。尋命為伊犁參贊大臣。二十一年。授伊犁將軍。二十二年。復授陝甘總督。二十三年。劾陝安總兵劉管城任性乖謬。甯夏總兵游棟雲。違制坐轎。私役兵丁。請褫職嚴議。有差。二十四年冬。入甯明年春回任。命兼署西甯辦事大臣。道光元年。以陝甘山嶺崎嶇。請裁減馬兵額。以步兵改補。從之。加太子少保。協辦大學士。仍留總督任。公奏請入甯會山西巡撫成格。劾學政陳官俊。毆差納妾等疑。詔均解任。命公於來京陛見之便。暫署山西巡撫。按其事。尋疏言參數不能指實。請分別嚴議。奏入。成格降主事。官俊降編修。二年正月。署直隸總督。適河北九族野番滋擾。命回陝甘總督任。相機辦理。三月檄總兵穆蘭泰馬驍龍等。擊賊於克克烏。

蘇等處戰屢捷復敗之於烏蘭哈達及幫隴山中斃賊二百賊大潰追勒至駱駝山盡殲之奏入賞換雙眼花翎時上御養心殿對雨捷報適至因親書御製詩扇賜之六月條上善後八事如議行旋授開兵大臣文華殿大學士管理藩院事八月命送朝十月以青海野番於奏凱兩月後復過河搶掠奪雙眼花翎仍戴花翎十一月回京賜紫禁城騎馬三月命充軍機大臣經筵講官管理戶部三庫事充繙譯會試正考官歷充殿試讀卷官四年稽察欽奉上諭事件處十二月以大學士授雲貴總督五年調陝甘總督未幾授伊犁將軍六年六月逆回張格爾入卡滋擾陷喀什噶爾英吉沙爾葉爾羌和闐四城詔以公為揚威將軍陝甘總督楊遇春山東巡撫武隆阿為參贊率訪軍討之十月師抵阿克蘇時提督達凌阿已敗賊於托什罕河張逆復糾黨三千據柯兒坪阻大兵進勦之路公率將弁分路進悉殲其眾得旨獎養十一月上念邊外泛寒賜裘服七年二月師次大河拐賊屯洋阿爾巴特夜犯大營我師擊卻之越日由中路進勦殲賊萬餘追殺二十餘里擒賊黨三千餘人上以公忠勇可嘉晉太子太保張逆復糾賊十餘萬抗拒於沙布都爾莊我師奮勇抄擊逼至渾水河痛殲之進勦阿瓦巴特大兵三路掩殺俘斬二萬有奇復追至洋達瑪河搜殺淨盡捷聞賞用紫韁三月移師渾河沿克復喀城四月復英吉沙爾葉爾羌二城惟張逆竄逃有旨嚴飭拿紫韁五月賊屯毘拉瑞迎拒大軍奮勇夾擊殺賊五千復和闐八月疏言張逆逃往卡外達爾瓦斯之藏堪地方經參贊楊遇春楊芳分途出

卡窮追至塔爾克地方斬賊千餘協領都凌阿侍衛色克精阿力戰陣亡詔切責公奪職
留任九月命回京十二月偵知張逆奔喀爾鐵蓋山密遣楊芳星夜追之我軍抄入賊後
斃賊三百張逆僅以三十餘騎登山都司段永福等擁至張逆窮蹙將自刎馬甲舒興阿
兵丁田大武奮力生擒盡殲餘匪八年正月紅旗報捷上嘉悅錫封二等威勇公世襲罔
替並賞戴寶石頂兩團龍補服授御前大臣賞達紫韁換戴雙眼花翎三月授都統時回
壘平定遵旨回京賜御製詩扇五月張格爾繼送京師上御午門受俘禮成晉公太保賞
換三眼花翎繪像紫光閣上親製贊奉命鄭親王烏爾恭阿禮部尚書松筠等往良鄉迎
勞六月入艱行抱見禮於勤政殿並賜御用珊瑚朝珠四團龍補服諭不必進內侍班用
示體恤復授閱兵大臣充總詩達管理藩院及戶部三庫事充崇文門監督八月正大光
明殿凱宴恩賞銀幣放充繕譯卿試正考官授領侍衛內大臣十一月公生辰御書功臣
像贊及平格功成扁額黃扉贊化星辰近紫閣圖勳劍佩高聯句賜之九年充經筵講官
署吏兵二部尚書管健銳營事務十年署步軍統領九月回壘逸犯博巴克糾結浩罕入
卡滋擾圍喀什噶爾英吉沙爾二城制詔公為欽差大臣往督軍務十月仍授揚威將軍
十一月提督哈豐阿胡超等先後統兵進援二城圍解公以從逆者應誅被累者應宥因
籌議善後事宜上嘉其詳備先是喀什噶爾參贊大臣扎隆阿誣劾伊薩克助逆命公及
伊犁將軍玉麟會鞫之疏白其誣手敕報曰若非卿二人公忠體國何能平反此獄使內

外夷回懾服可嘉之至。十一年八月加太傅。九月請以回疆西四城閒地招民開墾以供兵糈。從之。十二月命管理兵部事。十二年九月回京。命管理戶部三庫事。十一月補總理行營大臣。復充總詣達。十三年管理戶部事。十四年命紫禁城內乘輿。十五年以收受浩罕夷使土物降四級留任。罷御前大臣。及管理部務。奉命兼管理藩院。充崇文門監督。是歲上謁西陵。明年謁東陵。均命司留鑰。十六年復命管理戶部三庫事。十七年正月賞穿四開襖袍。自道光二年。至是五次京察。皆奉優詔議敘。七月因病乞休。上未允。九月復滬陳入告。慰留之。十月上親視疾。賞尚方珍品。溫諭有加。十一月公八十生辰。詔晉一等威勇公。賜御書綸閣勳名額。及嘉乃壯猷資勳相錫。茲蕃社念戎功。聯句。他珍物稱是。十八年薨。年八十一。遺疏上。天子震悼。詔入祀賢良祠。賞銀二千五百兩治喪。其一等公辭。侯桂輪。百日孝滿。後承襲。孫麟慶。賞員外郎。俟及歲時。當差。尋親臨賜奠。賜祭葬如禮。予諡文襄。詔入祀伊犁將軍祠。十九年得壽。嗣後每次謁陵。禮成後。將原任大學士公長齡。一併開列具奏。派員賜奠。子桂輪。襲一等威勇公。官杭州將軍。麟慶。官至漕運總督。

清朝先正事略卷之二十三

平江李元度次青墓

名臣

楊忠武公事略

公諱遇春字時齋。四川崇慶州人。生之夕。母氏李夢大水泛紅匣至。揭視之中有雙鯉一。金色一赤色。少有志量。舉乾隆四十四年武鄉試。從征甘肅石峰堡。調赴臺灣。出征廓爾喀。威有功。由把總累擢守備。賞藍翎。六十年黔苗逆命。公力戰解喫腦重圍。苗復悉眾攻松桃廳。大學士貝子福康安公。令諸將往援山險寨密莫敢進。公請率敢死三十人為前鋒。而精兵三千繼其後。由間道攻其不意。縱馬入賊屯。疾呼曰。大兵至矣。降者免死。賊相顧錯愕。公復呼曰。真降者跪。於是跪者數千人。全軍直抵松桃城下。賊潰圍遂解。貝子壯之。立奏予孔雀翎。加都司銜。復解水綏城圍。錫勳勇巴圖魯名號。還雲南都司。又以生擒首逆吳半生功。擢游擊。嘉慶元年。參贊額勒登保公。攻賊茶山。賊圍官兵於土壘。截我歸路。公帥壯士數十人衝圍奪據對山。拔出官兵數千。十盡十決。當者輒靡。貝子望見之。驚歎不已。即軍中馳授四川普安營參將。遂復乾州。擢廣東羅定協副將。苗平而教匪起。公隨額俟移師往勦。當是時。教匪蔓延川陝湖北間。其尤著者。湖北則覃加耀林之輩。漢南則張漢潮公勦賊雞公嶺。擒斬三千。奪賊卡三十餘處。進搗帽子山。用奇兵趨賊後。奪其

陞之華中鎗砲大捷中保寨加耀漢朝皆就擒。尋敗賊於小廟口。又敗之於長沙岸。於大任河斬賊二千七百有奇。三年四月。張正潮以三萬眾窺荊門州。公首先陷陣。賊敗走南漳。官兵感之。俘斬五千餘人。生擒九百餘人。會丁父憂。請回籍守制。特旨賚白金三百兩。治喪仍以墨經隨征。十二月。生獲羅其清於大鵬寨。賊五千。功第一。遷甘肅西甯鎮總兵。四年正月。戰蕭家灣及黃土壩。再戰譚家山。皆大捷。前後殲賊五十有奇。賊張長庚。獲王光祖射死。冷天祿。自是陝人聞公名。震為天人。川中婦孺亦懾公威望矣。五年。擢甘州提督。予雲騎尉世職。初。經略額侯上言。諸將中惟楊遇春謀勇兼優。此外無可專任者。五年夏。又偕參贊那彥成公。德楞泰公。合疏請增兵。隸公麾下。與經略參贊分路勦賊。詔曰。可。六月。公遂以提督別領偏師。並渭西上擊汧隴之賊。八月。勦伍金柱於手板崖。戰酣。別賊楊開甲從間道突至。我軍腹背受敵。自午至酉。圍愈急。有白袍賊手大斡直犯公。相去咫尺。忽墜馬。則已為後隊護鎗所斃。即金柱也。是夕。二鼓。公始歸隊。明日。追斬開甲於山梁。六年二月。追賊至龍池場。設伏生擒王廷詔。三月。生擒高天。得馬學禮於龍洞溪。並獲偽帥十七人。晉騎都尉世職。五月。大勝於白河。六月。獲再天士。王士虎等。逆目二百餘人。於大池壩。八月。詔以南山餘賊。責公專勦。忽川忽陝。搜捕不遺餘力。事平。晉二等輕車都尉。先是龍溪洞之捷。俘賊甚眾。公擇驍健者八百人。俾立功贖罪。咸伏地哭。願報不殺之恩。及勦再天元於蒼溪。天元驍桀善戰。為諸寇冠。經略令公長右翼。西安將軍穆克登布

長左翼而穆將軍與公議不合。先三日馳出賊前。賊以奇兵斷其歸路。萃精銳衝左翼。後隊黑夜乘高自嶺下壓。短兵接。左軍潰。賊遂併力攻右翼。公據營寨斷牆力拒。擲草炬山下。照耀如白晝。以勁弩射之。矢垂盡而天曠時。八百人者殊死戰。無不以一當百。賊敗遁。追擒王登廷。公治軍嚴整。雖倉卒眾寡不敵。未嘗少卻。平日樸訥。若無能。遇賊輒機謀。洞中。應變如神。尤不嗜殺。能得降人死力。蒼溪之役。蓋其明效云。七年秋。調固原提督。明年丁母憂。命倭凱撤。後回籍守制。尋追勦苟文潤於紅山寺。初戰。我兵小卻。公率數十騎躍馬直前。賊始敗。明日又大敗之。賊自是不能延殘喘矣。十年七月。南山新兵叛。新兵者。嘉慶五年平教匪後。於南山要地設甯陝鎮。以從征鄉勇五千人充伍者也。地險兵悍。為漢北第一雄鎮。至是因文吏停給鹽米銀。發包穀充糧。激變。於是營兵陳達順。陳先倫等。戕副將游擊。劫庫獄。以叛。公初奉命回籍。補行守制。百日。由川入覲。至西安聞變。即奏調滿兵四千勦之。詔以德楞泰為欽差大臣。而命公馳赴甯陝鎮。公扼方柴關。大帥皆以兵會。鋒交賊銳甚。公與諸將皆失利。首逆蒲大芳等。望見公。猶下馬遙跪哭訴。營官蝕餉。狀公曉以順逆。知其尚可以義動也。乃與總兵楊公芳謀曰。賊驍悍。經戰陣久。破城三。營汛十。尤生民荼毒已甚。誅渠魁宥脅從。則事可息。若必欲盡勦。勢必奔潰四出。老師費帑。不可。以日月計。川楚匪徒。其已事也。各大帥皆猶豫。公乃按兵緩攻。而令芳單騎入賊營。招撫。越數日。蒲大芳竟率四十人誘縛達順。先倫詣公軍前降。公率大芳邀擊。不降之賊。於江。

口。軒賊渠朱先貴等。德公遂以叛賊震懾兵威。窮蹙乞命。奏其叛卒二百二十四人。盡釋歸伍。上震怒。責德樛專擅廢法。縱叛損威。時古北口提督薛大烈在軍中。德公令馳覲。面奏情事。大烈奏對失實。於是廷議降公甯陝鎮總兵。步戍伊犁。十三年入覲。賞乾清門侍衛。仍授固原提督。十八年秋。大盜李文成據滑。詔陝督那彥成討賊。以公副之。賊萃精銳於道口。鎮官兵合勦。公自當其前。率親兵八十人。由運河西進。現道口。遇賊數千。即大呼突擊。賊辟易。追渡河。禽斬二百有奇。賊收入道口。公收隊。數親兵少二人。復衝入賊隊。奪連二屍。賊為喪氣。遂斷浮橋。焚渡船。率諸軍進攻。所嚮賊望見。髯將軍輒披靡。尋克道口。燒賊萬計。復擊走桃源賊三千於城東。進圍灑。用地隧轟破其城。十二月滑縣平。仁宗大悅。錫公二等男爵。賞黃馬褂。命紫禁城騎馬。會陝西三才峽箱賊起。移師馳勦。西越月歲事。晉封一等男。甲戌己卯。一再陞。見睿皇帝。慰勞有加。嘗命跪在膝前。執手慰勞。謂卿與朕同歲。年力尚強。將來如有軍務。卿須為我獨當一面。手賜珍物數種。見公長鬚。稱美者再。時公弟逢春。官曹州總鎮。上命公繞道視逢春所練兵。宣宗即位。特加太子少保。賞戴雙眼花翎。道光五年。署陝甘總督。六年。回酋張格爾叛。詔公以欽差大臣。統陝甘兵五千。馳赴哈密。尋命大學士長齡為揚威將軍。公為參贊大臣。會阿克蘇進勦。七年二月。敗賊於洋阿巴特。尋敗之於沙布都爾。又敗之於阿瓦巴特。禽斬各數萬。追至渾河。距喀什噶爾賊巢十餘里。賊悉眾背城一戰。列陣二十餘里。築橫壘蔽之。西南風起。撼木揚沙。大

霧晦我前敵大隊迷道相左未即至將軍以賊據形勢又單寡不敵欲退屯十餘里須霽而進公不可曰天贊我也賊不知我兵多少又不虞我即渡時不可失且客兵利連戰難持久乃遣千騎繞趨下游牽賊勢而自率大兵乘晦霧驟渡上游據上巖賊勢與風沙勢相併若百十萬兵摧壓驟至乘勢衝入賊陣賊土崩三月朔遂復喀什噶爾五日復英吉沙十六日復葉爾羌又復和闐加太子太保時張逆逋遁詔公先行入關八年正月楊公芳禽張逆於鐵蓋山芳公所拔士也至是先封果勇侯公入覲授音適至上大悅賞公紫纁授陝甘總督圖像紫光閣並擢公子國楨為河南巡撫本朝漢人中由提督遷總督者趙公良棟父子及梁公鼎岳公鍾琪後得公而五九年冬公壽七十賜御書額曰綏邊錫祐楹聯曰三朝靈場宣勤久兩世封圻積慶多及福壽字如意玉帛諸珍物十五年子岳歸蜀陞解晉封一等昭勇侯食全俸賜御書紫光閣像贊一御製詩扇一回藉後復賜御書福壽字十八年二月薨於里第年七十有八遺疏聞上震悼贈太子太傅兵部尚書賞白金二十兩治喪入祀賢良祠謚忠武公嘗夢神授黑旗每戰必身先賊望見黑旗即知為楊家軍受知於福文襄最早文襄沒後每臨大敵先一夕輒夢見之次日必得奇捷凡戰陣所俘必訊明入賊營三月以外始誅或雖逾三月而年老無能年幼無知皆赦免故治軍數十年未嘗妄殺一人凡疲卒經公訓練即膽壯或精銳改隸他部仍不能屈命將戰距賊三五里必少停排比隊伍雖遇伏不至失措其勤苟文潤也賊鋒銳甚公首進參

贊德公繼之。賊壓山而下。勢若建瓴。眾驚退。公據溝力拒。賊矛逼馬首。公震威一叱。眾爭辟易。親兵數人乘勢越溝擊卻之。眾以為神。一日料賊必出掠民寨。伏兵以待。留藏卒守營。賊不趨寨而逼營。僅隔一溝。眾失色。公冠帶徐步出。卧營外。賊曰：誘我也。改趨民寨。為伏兵所破。方柴關之板。官兵與叛兵多故舊。莫肯用命。賊衝官兵為數段。公僅餘親兵數十。披廢垣罵賊。賊大隊數千來倚。忽轟然退走。及訊俘。言金甲神壓。壘立云。公結髮從戎。大小數百戰。皆陷陣。冒矢石。或冠翎皆碎。或袍袴皆穿。未嘗受毫髮傷。上詢及。嘆為真福將。回疆七里河之戰。賊十倍我。鎗礮如雨。公下馬席地坐。以安眾心。并回叱長子國佐。連下馬甫及地。而隔河已礮碎其鞍矣。公修髯隆準。目睛映日光。返照能射人。畢生無姬媵。而操守尤廉。任總督時。討軍實。肅官方。邊務皆控制得法。子國佐。官副將。國楨。字海梁。官至閩浙總督。襲侯爵。國楨少倜儻。豪飲不羈。其自刑部郎出守潁州也。公方提督固原。長公子國佐亦以守備引見。並予假省親。國楨至轅者。以公命止之。不許入。國佐入為跪請。久乃召而庭數之。國楨免冠謝。公曰：吾起武舉。上拔擢至此。恩遇無比。常恐老不知所報。始吾期汝云何。而忘之也。命予杖文武吏士為叩頭乞免。不許。已昏大駭。服道光初。國楨擢雲南鹽法。邇未上。遽按察使陞辭。宣宗諭曰：好為之。有知不稱。當語而父。知耳。當是時。上亦知公家法云。

那文毅公事略

公諱那考成字詔九一字東甫號經堂姓章佳氏滿州正白旗人尚書協辦大學士文勤公阿克敦曹孫大學士文成公阿桂孫也由乾隆五十四年進士選度吉士授編修遷侍講轉侍講入直南書房推祭酒詹事元日講起居注官管內閣學士嘉慶二年命為軍機大臣充宗文門副監督兼副都統三年遷工部右侍郎四年調戶部右侍郎授掌院學士擢工部尚書兼宗文門監督充實錄館國史館總裁經筵講官教習庶吉士兼都統賜紫禁城騎馬上以公三歲而孤其母那拉氏撫孤守志三十餘年表其門賜御書勵節教忠額以崇之尋授總管內務府大臣先是胡北白蓮教匪樊學明叛於襄陽其黨張漢朝寇秦中詔參贊大臣明亮討之而成都將軍慶成陝西巡撫永保與明亮有隙師行不相顧八月命公為欽差大臣督明亮軍褫慶成永保職按其事十月劾明亮奏報誣罔狀乃逮治明亮命公領其軍明公尋破賊誅漢朝公奏漢朝謀主冉學勝餘黨在陝宜亟除上是也十一月敗賊於五郎疏言軍餉前費八十餘萬兩有司圖肥己將弁亦希分潤致賊閱四年未殄滅臣刊刻糧單按程期赴糧臺費給以杜冒銷又言秦中將帥各為一路致賊乘間遁今臣等相機分合聲息相通使賊所至必有官兵進剿諭曰所論切中從前積弊尋疏請五即設重鎮增總兵一員編鄉勇於新營更設縣丞巡檢分防從之時賊竄秦鎮老林官兵由漁洞子踏冰入賊三路迎敵我兵分道進攻大破之手數報曰山險冰滑舍騎步行可謂辛苦備經矣十二月賊匿高關峪夾嶺我軍潛師夜擊賊奔鳳凰山公遣將

士夜縋下。賊賦六百有奇。范倫元師黃爾雄等。餘匪走平利。檄別將慶溥等截之。得首嘉
穀。尋破賊於秦嶺。嗣以賊匪逼出老林。復逼入楚豫。有詔嚴飭。五年正月。川匪二萬竄陝
略陽。公擊破老林。逸賊獲襄陽。起第賊日三十有奇。復殲逸賊百餘。擒賊首高遇春等。進
兵至漢中。因川匪鴟張。入棧道追勅。上嘉其不分畛域。二月。川匪至隴州。乃出棧。亟勦賊
屯隴山鎮。大破之。分道亟追斬俘三千餘。殲倫元帥魏學林。偽先鋒嚴士沛等。詔授參贊
大臣。賜玉雜金合符。囊下部議。緬公以經略。賴侯在隴。應受其節制。繳欽差大臣關防。得
旨俞允。是月。賊避官兵南走。追及於秀金山。敗之。又敗賊於嚴家壩。會經略疾作。詔公兼
領各路兵。賊陷文縣。據卡狼寨。我兵乘月夜渡河。破其陣。殲賊將李大旺等。并殺賊十三
百人。尋敗賊於龍泉溝。又敗訪林江浦。俘斬千餘。追至毛峪山。賊棄輜重。避公陵。令將軍
恒瑞回陝。西協勦。我軍捷。上以其進合剿。算內外一心。予獎。晉未幾。賊首高二馬五糾六
千餘人。趨松潘。官兵禦之。奔岷州。經略病已。帥師夜攻。賊奔踞山。公率眾先登。殲賊三百
有奇。追獲百餘人。運明賊列陣。伺家尚。設伏以待。公率精兵奮擊。賊敗。退伏。賊左右起擊
走之。追數十里。斬百十餘級。執賊將唐世貴等。奏入。得旨獎。查四月。賊於分水嶺。專以
陝。歷東趨。近。上。呂公。遷京。將面詢。陝中賊情。又以賊入川後。勢漸張。乃公玩縱。所致。致
總兵施。督戰。沒。退出軍機處。尚書。於。並罷。所。領。縮。閣。府。庫。諸。職。五月。抵京。拿都統。尚書。講
官。花。翎。以。侍。講。在。寶。錄。館。效力。尋。罷。騎。都。尉。擢。少。詹。事。六年九月。光順天。副。考官。還。詹。事。

七年遷內閣學士。教習廣吉士。兼副都統。扈蹕木蘭。射鹿獲之。賞戴花翎。是年冬。廣東永安客籍游民結添弟會。與土民構亂。博羅諸土匪響應。總督吉慶討平之。尋悔釋囚留學。且疑巡撫瑚圖禮密劾逐。自戕。詔公往鞠之。具得其實。時永安黃亞程等遁入鐵籠嶺。復嘯聚為盜。八年二月。公率提督孫全謀等進攻。即日克之。誅亞程及其黨數百人。事平。條上善後九事。上嘉其安速。并署吏部侍郎。尋赴直隸浙江。獄。七月。擢禮部尚書。兼戶部三庫事。總理太常寺。鴻臚寺樂部。九年。仍授軍機大臣。兼加總辦善後事。上賜手敕曰。汝誠國家柱石。邪教事未竣。以秦隴搜捕餘匪。命攝陝甘總督。辦理善後事。上賜手敕曰。汝誠國家柱石。臣有為有守。惟稍恃已之聰明。不與眾人謀議。夫一己才力有限。仕塗卽壑。難窮務宜兼聽並觀。勿存五日京兆之見。八月。奏南鄭縣民趙恒裕張希賢等謀逆。立擒之。與其黨皆伏誅。又奏籌遣南山遊民。均得旨嘉獎。十一月。授兩廣總督。明年冬。劾前巡撫百齡。苛虐營私。狀鞫實。免百齡官。會俄羅斯夷船求通市。監督廷豐率允入奏。公以越界貿易。恐商夷因緣為奸。亟請止之。手敕曰。此事與朕意相符。所見甚是。先是粵東土匪洋盜。旬結日熾。盜首李崇玉黃正嵩。依李濱橫行海濱。公初至。緝獲甚眾。嗣以官兵不得力。遂行開謀。招撫降正嵩。計擒崇玉。檻送京師。先後招降五千餘人。悉賞銀幣。並予千總外委銜。巡撫孫玉庭劾公賞盜。詔降藍翎侍衛。充伊犁領隊大臣。正嵩之歸命也。公嘗誘以四品服。及守備劄。至是事覺。命謫戍伊犁。十二年。授三等侍衛。仍充伊犁領隊大臣。五月。調西甯辦

事大臣時野番侵掠內地戕兵丁。故有是命。八月偕將軍興奎、總督長齡攻克沙卜浪番境悉平。條上善後四事如議行。十三年擢江南副總河。是秋河水溢九月。甄工合龍。十二月以荷花塘復墊降二等侍衛。後為喀喇沙爾辦事大臣。十四年調葉爾羌辦事大臣。尋授頭等侍衛。充喀什噶爾參贊大臣。十二月以二品服補陝甘總督。明年六月疏言臣前奏準六月陛見。今甘肅被旱。撫綏事重。不敢拘泥遽行。又請緩徵撥帑賑貧。並疏陳散賑積弊。奉手敕。汝實不愧廣庭相國之孫。又降詔嘉其能識輕重。且云所陳向來解賑積弊。俱切中窳要。是月賞頭品頂戴。十六年請禁交代倉糧折色之弊。以重積貯。如所請行。七月入覲。賞戴花翎。十八年九月。河南教匪李文成等謀逆。陷滑縣。詔公為欽差大臣。帥師討之。賊屯滑城及桃源集道口。公由衛輝進軍。分擊新鎮丁樂集。連破之。道口賊出掠中市所。公斷其歸路。遣別將楊遇春等迎擊。大破之。賊造橋將渡河而西。官兵截殺千餘。橋毀不得過。賊蜂屯拒敵。我軍飛越溝濠破道口。殲賊萬餘。焚其巢。出難民八九千。溫旨嘉奮。尋破桃源賊。追道口賊抵滑縣。城中賊出應。敗回城圍之。桃源賊來援。盡殲之。遣將弁分禦。絕其外援。時李文成潛通輝縣屯司寨。公遣別將德英阿楊芳率勁旅攻克之。文成自焚死。賊黨悉鐵上嘉之優。查有辜。尋於南門掘隧通。密置地雷。公親督兵勇進攻。地雷發。城裂拔之。殲賊萬七十餘。焚死七十餘。生擒二千餘。有詔加太子少保。賞三等子爵。換戴雙眼花翎。紫禁城騎馬。並賞御用荷囊。子容照。遷乾清門二等侍衛。又賞黃面元狐馬。

擢暨上珍諸品。是冬授直隸總督。十九年巡歷開州。條陳善後五事。抵京。命詔曰。那彥成克副委任深。堪嘉獎。若在阿桂墓。賜祭一壇。用示眷舊。酬庸至意。尋坐保倉劣。知縣五祀。贖補滑縣令。奪職留任。二十年冬。以廢員王奎駁等混請捐復。先令繳庫。跡近專擅。錫四級。尋以灤州石佛口王姓世習白蓮教。惑眾謀逆。公全獲誅之。上嘉其辦理認真。宥積次吏議。賜御書福字。暨尚方珍饈。二十一年。捐穀三千石。興復義倉。貯穀十六萬六千石。有奇。閏六月以前。在陝甘與藩司陳祁。高柳賑銀。津貼腳價。並虛奏捐廉事。褫職。下獄。論死。尋以繳完賠銀。改戍伊犁。留家終養。九月。丁母憂。上念滑縣勦賊功。免發遣。令開門思過。二十三年。授侍講。明年擢侍講學士。晉詹事。充會試副考官。遷倉場侍郎。賞花翎。二十五年。擢理藩院尚書。調吏部尚書。兼都統。命禁禁城騎。馬道光元年。兼掌院學士。調刑部尚書。管宗人府銀庫事。兼閱兵大臣。充順天鄉試副考官。二年四月。授內大臣。六月。以陝西渭南縣民柳金壁犯死。賂免。命公攝巡撫。鞠之。得其狀。誅賍有差。十月。復任陝甘總督。時青海河北番賊犯。窩卜圖卡。擊走之。因請移兵駐守。議防卡條款。清釐河南番。立什總百總。百戶十戶。領其衆。初察漢諾們罕一旗。移居河北。煽野番。司漢奸作賊。公絕其糧。茶窮。威投誠。詔嘉其不勞兵力。不延歲月。辦理認真。十一月。公六十生辰。御書亮勛集禧扁額。福壽字各一賜之。并賜如意朝珠蟒袍文綺諸物。三年。以青海蒙古皆已復業。下部議。欽。奏請定商民與蒙古市易章程。并封閉邊外金廠。又請增置青海正副盟長等官。設巡防。

蒙古官兵皆得旨允行。五年九月奏設甘肅各屬義倉。如其請。十月復調直隸總督。是年江南運河阻滯。南糧改行海運。十一月疏陳海運漕糧撥運事宜。下部議行。六年五月以直隸竊匪日多。請嚴竊盜治罪之例。從之。八月以海運速成。下所司議飲會。逆回張格爾入卡。犯喀什噶爾諸城。檄東三省官兵勦之。公以過境兵丁口糧。按例日給銀五分。不足飲食。請加五分。又藥鉛火繩。由京運解。供應既艱。且恐雨溼。請以甘肅籌備者充用。并善議兵行支應。又以新疆遺犯積久人多。夷民雜處。易生事。請量地改遣。皆允之。七年七月以直隸挂名吏役過多。包差滋擾。苦累閭閻。裁汰二萬三千餘人。酌應留名數。冊報嚴明。奏入。得旨。優嘉。並通諭直省。均照所奏章程辦理。十一月回疆四城克復。命以欽差大臣往籌善後事宜。未幾。張逆就擒。仍命往治其事。疏陳回疆積弊。略言。回人素恭順。此次變亂。半由平日撫馭失宜。參贊大臣等。三年換班。其才幹有為者。三年中辦理未必遽善。及者。祇存五日京兆之見。不肯認真。下此竟有視為利藪。專工搜括者。且各長具疆。無離制考覈之分。不相顧忌。應請分隸考覈。俾有所糾察。至各官原設養廉。不敷辦公。懇請為議增。并準各大臣一律攜眷。俾得久任其事。得旨。意辦。公上。題其言。如所請。先是。楊威將軍長齡等。奏請斷絕各外夷貿易。並嚴禁大黃茶葉出卡。詔公實力稽查。公疏言。嚴禁於卡倫。不過絕其流。查察於各城。方能清其源。請於阿克蘇。遣官查覈。至是。又言。安集延。進販內地。大黃茶葉。硝磺。接濟外夷。私於卡內。置產安家。竟敢相率助逆。請將現販違禁物者。

逐出其餘暫準居住得旨允行。又奏各城相沿陋規貪黷求取。若累回民。今悉裁革。勒石永禁。手諭曰。行同饕餮。殊出情理之外。非公忠體國之大臣。孰肯和盤託出。可嘉之至。八年請移建葉爾羌城於罕那里克。又請於喀喇依外之七里河築堡。設兵六百防守。並另建英沙爾城。又疏言。襄者伯克關。每以賄得補。而大小伯克。遂誅求小回子。以取僭嗣。後請由本城大臣。先儘有功。及家口被害之人。次死事人子孫。次出力世家。視其人才。保送參贊大臣。驗看奏補。又酌定回夷難陰章程。皆如所請行。張格爾之就誅也。其妻孥尚匿浩罕。將軍長公傳檄索之。浩罕使人詐投賀書。伺隙公陳兵衛其出入。不許與卡內安集延交接。亦不犒資使。諭以逆屬在外。無足輕重。破其居奇之計。並絕其貿易。使不能藉天朝聲動外夷。宣宗手諭曰。所辦甚得大體。與朕意相同。賜御筆畫扇。并扇套香囊各一。八月請將伊犁通烏什之徑。酌議封禁。又稽察私墾地畝。檄糧以供換防官兵。糧糈請於明約洛建貿易亭。以便布葛爾巴達克山等通市。皆從之。是月繪像紫光閣。上親製贊。九月請酌撤換防滿洲兵歸伍。專議操兵章程。又請令駐防官兵。盡許攜眷。又奏酌議茶稅。章程。請設喀什噶爾等三城銀庫。皆從之。諭曰。那彥成辦理善後事宜。籌畫妥洽。勞績卓著。著賞加太子太保銜。賞雙眼花翎。紫韁元狐馬褂。暨荷包。鑲珠珍品。十二月奏招致附浩罕之額提格。訥布魯特部。落。要置特依劣克達坂地上。嘉之。九年正月。詔以公使人出卡。搜求逆屬。有意邀功。呂運京。又以兵給收撫之布魯特。翎頂。歲俸。嚴飭之。六月。回直隸總

督任十年冬。西陲復不靖。十一年二月。欽差大臣長齡奏蒙由驅安集延。籍其家禁茶葉。大黃所發命。被公職。八月授盛京禮部侍郎。會長齡等復奏。浩罕申訴。以前此籍沒安集延。禁絕市易為言。諭責公誤國肇釁。仍奪職。十三年二月。卒。詔以公服官中外。宣力有年。不忍忘其勞績。著賞尚書銜。照尚書例賜卹。尋予祭葬。賜諡文毅。公生於世胃。性好學。工詩能書。遇事有執持。於權要人無所屈。勦辦川陝楚及滑縣教匪。尤有功。任總督時。三次考績。皆特旨優敘。雖屢起屢墮。中外想望風采。上眷公不少衰。嘉慶中。英吉利入貢。頗不恭順。惟問福中堂及那大人見居何官。蓋外夷風所感。憚者。祇此兩人云。子容安。官副都統。充伊犁參贊大臣。容照。官馬蘭鎮總兵。均坐事免。曾孫鄂素襲三等子。

汪文端公事略

公諱廷珍。字蕤庵。江蘇山陽人。生十二歲而孤。母程太夫人撫之成立。家本素封。至公文而益。值歲凶。母子日或一食。或終日不得食。太夫人終不肯使人知。曰。吾非恥貧。恥言貧。早言貧則疑有求於人。故不為也。歲除無米。使僕索糶通城外。抵暮歸。無所得。母子各飲茗一甌。嘗鹽菜數莖。就臥。其艱貞若此。公孤苦力學。少游任子田李晴山兩先生之門。因諸生十年。始獲鄉舉。乾隆己酉。一甲第二名。進士。賜及策。授編修。辛亥大考。擢侍讀。不兩月。拜司成之命。性嚴毅。以師道自居。遷刻成。均課士錄。教學者以立言之義法。而力戒摹擬剽竊之弊。壽命入直上書房。協修起居注。授侍講學士。教習庶吉士。再遷禮部侍郎。公

學有根柢以文章行誼高天下海內推為正人無異辭天子知公深屢畀以造士衡文之任初督安徽學政為學約五則以訓士一曰辨塗謂喻義喻利人心之分盡於此為己為人學術之分盡於此有志者當立解乎毫釐千里之差一曰端本謂士者四民之首天下事皆吾分內事也自公卿至一命之吏皆讀書人為之故貴通古今達事變相期為有體有用之學一曰敬業時文者古文之一體猶之碑誌傳記表疏論序云耳以摹擬剽竊者之不足言文乃並時文而小之過矣一曰裁儻謂昌黎論文惟其是吾論文惟其真蓋必能真而後是非可得而論也申韓莊列異乎吾道者也而朱子以為先有實而後託之文非以其真耶一曰自立文之不能不變者時也挽其變而歸之正或因其變而愈益神明於正學者事也苟非充自樹立隨風氣為轉移取已陳之芻狗沾沾然倣效之庸有異乎哉公之因文見道其大情不出乎此每訓士語諄然如父兄之誨子弟刻試牘曰立誠編取修辭居業之義也附條約十八則抉摘至為精審其後督學江西及浙江所刻校士文皆以立誠名之而條約加詳海內操觚之士家置一編風氣為之一變公直上書房最久嘉慶二十三年特命為總師傅時宣宗皇帝在潛邸公盡忱啟迪非法不遵登極後獻納尤多累擢左都御史禮部尚書道光二年命典禮部試三年二月奉手敕禮部尚書汪廷珍於嘉慶十七年蒙皇考簡用上書房師傅與朕朝夕講論考古證今言皆中道至二十三年受任總師傅以來倍加勤慎使朕通經義解邪正受益良多自朕親政後畀以左

都御史尚書之任。均能稱職。是汪廷珍於師道臣道之義。可謂兼備矣。本日朕臨雅講學。因思曩昔討論之功。眷懷舊學。用沛恩施。汪廷珍可加太子太保銜。用示朕崇儒重道之意。天語煌煌。具見公所學之正。故能啟沃聖聽。成三十年仁孝太平之治。足與古大臣爭烈矣。是年仍典禮部。試所得多名士。贈太師。杜文正公受田。其舉首也。未幾拜協辦大學士。賜紫禁城騎馬。八年薨。優詔悼恤。上親臨奠醢。賜祭葬。有加禮予諡曰文端。公風裁嚴峻。正色立朝。出入內廷。進止不失尺寸。造次必以禮於人。無所親附。僚友見之。皆肅然起。歛自言平生不敢作刻薄事。遇橫逆能忍。於飲食衣服無所擇。會冒詔誤之習。有不忍為守太夫人教也。所著曰實事求是齋詩文集。

楊勤勇公事略

國朝嘉道中。漢人戰功之盛。推兩楊侯為最。一忠武公。遇春。其一則勤勇公。芳也。勤勇公諱芳。字誠村。貴州松桃廳人。生而沈毅。有幹略。好讀書。通經史大義。應試不售。遂入伍。充書識。忠武公一見賞識之。拔補巴總。時川楚教匪稱亂。王師征之。累歲不能靖。公從忠武勦賊。每戰輒為軍鋒。斬賊不可數計。累擢台拱守備。賞藍翎。嘉慶四年。經略額勒登保公進勦賊渠。冷天祿。包正洪。於大竹。適正洪已與儀隴賊合。竄鄰水。乃冒雨突擊。天祿於岳池。楊公遇春以勁騎二千。一戰殲之。進追至石筍河。賊以五舟逆渡。僅濟千賊。餘賊數千。方臨岸登舟。時公已晉都司。率九騎越山先至。即度幟大呼馳擊。賊隔山不知。我後隊虛

實爭赴河陷淖者三十餘人。五舟皆覆。隔河賊呼號不能救。俄大軍至。騎浮而濟。并追殲其先渡之賊。是役公功稱最。賞花翎。擢下江營游擊。五年閏四月。賊渠楊開甲。張天倫等趨渭南。公隨楊公倍道扼其東竄。并遣兵守商雒。賊議復西竄。留張漢潮餘黨三千於後。以緞官軍公扼西河口去路。而大軍三路偏攻。連破之。大小中溪斬首千五百。賊合竄漢口。伏兵四面。蹙之溝水盡赤。生擒千餘人。張逆餘黨。繼馬公由兩廣督標參將。晉廣西副將。賞誠勇巴圖魯名號。八月連敗賊於成縣階州。賊渡白水河。入老林。公冒雨追賊。及之於磨刀石。手刃十餘賊。矛傷足墜。馬仍徒步殺賊。復傷臂。官軍乘之大敗。賊射傷伍懷志。上聞而嘉之。詔問受傷狀。下所司優敘。六年五月。張天倫與曾芝秀。陳國奉等。眾六千。合屯高唐嶺。公及楊公分路擊之。擒斬三千。賊復分為二。公夜襲天倫於白河。俘賊殆盡。楊公遂與公邀擊。再添元於平利。克之。六月。經略偏賊入川。為一舉掃蕩計。八月遣公擊張天倫於西鄉。俘斬盈千。餘賊僅四百。竄老林。適公前所追太平開縣之賊。竄至南江。經略令公殲東奔之卒。斗於通江。而自帥楊公追西竄之高見奇。魏學盛於廣元。擒斬殆盡。七年三月。楊公移勦苟文明。賊自華陽合而東竄。公分路追截。敗之。於是楚賊略殄。盡其南山遺孽。經公及楊公分兵十餘路。櫛比排搜。亦所餘無幾矣。逆渠苟朝九。被公勦急。遂與宋應伏合竄。漢南為官兵所殪。八年六月。公躬搜至老林。匿賊百餘。突出蓋屋洋縣。公追之入山。八月有散遣之勇附之。合三百人。苟文潤領其眾。勢復猖獗。九月通江已散之勇。

五百人復與合。遂戕副將朱槐於山溝。詔公回漢北。專防山內。餘賊時賊皆百戰之餘。忽陝忽川。忽聚忽散。猱騰兔脫。無定蹤。九年正月。屢由安康窺漢岸。圖竄南山。皆為公所卻。先後擒餘匪百餘。於是南山無賊。八月。公搜漢北餘匪盡殄之。各路皆報肅清。公擢甯陝總兵。初嘉慶五年。特設甯陝鎮。節制于午。華陽。黑河諸營。派以從征鄉勇五千充新兵。地險兵悍。為漢北第一巖疆。九年三月。戡定。經略參贊先後送京師。十年七月。而有新兵之變。時楊公遇春以陝西提督入覲。公赴固原。署提督事。副將楊之震護甯陝總兵。營卒陳達順。陳先倫。以停給鹽米銀事。糾眾叛。戕副將游擊。賊黨蒲大芳等。以公素得士心。先護送其家屬於興安。而後歸。從賊楊公行至西安。聞變。即調兵進剿。詔德楞泰為欽差大臣。討之。賊奔華陽。破洋縣。虜脅數千。公帥固原兵二百人。馳抵石泉。九月。賊攻孝義廳。分隊窺于午峪。公馳扼峪口。德公令楊公以兵五千。自洋縣進剿。而自帥兵四千繼之。賊攻鄂縣。公復馳救。力擊劫營。賊屢戰。竟夜身受數創。犂旦賊辨其為公也。自引去。時賊黨已增至萬人。又選步騎三千為前鋒。改推蒲大芳為首。遇楊公軍於方崇關。兵賊隔河。尚有相揖訊者。及戰數合。殺傷略相當。大芳陷陣。力戰伏賊。繞出陣後。官兵大潰。楊公僅率親兵數十。登山斷後。賊追至。忽反走。乃收潰卒。扼方崇關。次日。公馳至。謂楊公曰。叛兵皆百戰之餘。驍悍習地利。而官兵勤勞。九載瘡痍未復。且與叛兵多同功一體之人。以兵攻兵。終無鬪志。賊兩戰見吾二人皆辟易。尚有舊部曲。諷請公按兵緩攻。而某單騎入賊營。曉以

順逃楊公然之時賊矛林立或叩馬力阻公曰我與楊公計之熟矣天佑蒼生我必不死為國息兵即死且得所何恨遂策馬前萬眾作愕公故得新兵心又捍闔善操縱見大芳等即痛哭曰吾與若曹戮力數年同患難生死今對壘如仇敵吾不忍見若曹罹族滅禍請先殺我於是眾皆哭逾二日大芳誘縛先倫達順以眾降德公遂以叛卒窮蹙乞命奏首禍二百二十有四人盡釋歸伍上切責其寬縱命戍降卒二百餘人於新疆尋為伊犁將軍松筠公所誅楊公降總兵公坐馭兵不嚴釀變劾戍伊犁德公既劾公恐物議不平復密疏申雪公至伊犁未市月即賜環命以守備千總補用十三年回籍省親補松桃協千總十五年起廣東右翼總兵入覲賞還花翎尋調西安鎮總兵十六年丁母憂十八年秋林清謀反既伏誅李文成踞滑縣詔陝督邢彥成公為欽差大臣帥師討賊提督楊公遇春副之公呈請効力奏補河北鎮總兵隨楊公敗賊道口鎮遂圍滑文成突圍出奔太行招賊四千據輝縣之司寨邢公遣公追勦公伏騎白土岡誘賊出戰佯走伏起大敗之又追擊於南首山殺賊二千有奇是役也賊走山上殊死戰官兵畏賊鋒有退者公拔佩刀立斫數人眾效死遂大捷進奪司寨文成縱火自燔死乃合力攻滑時滑城未下而陝西三才峽賊又起滑城堅外磚內土中沙大礮攻之遇沙而止官軍掘地隧皆為所破公陽築他棚進攻而潛掘舊隧滿竇火藥至期將卒皆甲騎以待十二月十日平明西南城崩裂十餘丈官軍奮前奪城賊附入巷戰至夜共殲賊二萬免老幼男婦三萬有奇俘首

進牛亮臣徐安國等。檻送京師。滑縣平。加提督銜。賞雲騎尉世職。十九年春。帥師入陝。大破賊擒逆目譚貴等。詔優敘。調漢中鎮總兵。二十年擢甘肅提督。道光元年。調直隸。三年。調湖南。五年。調固原。六年。回酋張格爾反。楊公遇春時署陝甘總督。詔授欽差大臣。帥師討賊。尋以大學士長齡為揚威將軍。楊公為參贊。公請行。許之。時賊陷西四城。距阿克蘇八十里。十月。大兵集阿克蘇。賊扼柯爾坪。地險要。中隔戈壁。將軍令公襲破之。焚其南北。挫敗其援師。七年二月。師至大河。招賊三千來襲營。敗之。進抵洋阿巴特。沙漠平曠。賊二萬據橫岡五六里。公與將軍參贊。分三路進攻。賊據岡下壓者。再大兵分路奪岡。賊披靡。擒斬過半。盡得牲畜。樸糧濟師。進抵沙布都爾。回城多葦湖樹林。賊數萬。臨渠列陣。決水成阻。於使騎兵不得騁。城後林中皆有伏。賊難繞襲。公先令步卒冒險越渠。短兵接。復麾驍騎繞左右淺渠。橫截入陣。賊大潰。追逾渾水河三十里。俘馘萬計。後分敗林中伏賊。及河橋。援賊越二日。賊數萬據阿瓦巴特。回城依岡背河。我軍距賊十里。止營。夜遣吉林勁騎十。分探左右間道。繞出賊後。次日。壓賊壘。而軍賊佯退。誘我兵登岡。而反乘之。我軍鎗礮迭前。藤牌兵虎衣躍入賊馬隊。陣亂。岡後伏賊起。殊死戰。而我十騎已繞出回堡後。突擊其背。賊大敗奔。擒斬各半。殪安集延二酋。自。迨至洋達瑪河。距喀什噶爾城八十里。次日。整隊至渾河北岸。賊悉其眾十餘萬背城一戰。阻河為陣。亘二十餘里。築壘橫蔽之。穴礮轟礮。鼓角震天。勢張甚。公遣死士數百。夜擾其營。謹嚴達旦。是夜西南風起。撼木揚

沙大霧晦將軍以賊據形勢且眾寡不敵欲退屯十餘里須霽而進楊公時不可公意與楊公合乃遣索倫十騎繞趨下游牽賊勢公與楊公率親兵驟渡上游據上風賊勢與風沙勢相搏賊陣崩比曉我兵盡渡風止霧霽乘勢衝入賊陣賊土崩我軍乘勝抵喀城時三月朔日也張格爾先逃獲其甥姪及偽汗並伯克等斬敵數萬十六日公以兵六千往勒和闐賊破之擒斬逆酋王努斯遂復和闐加騎都尉世職命在乾清門行走時楊公亦連復英吉沙葉爾光二城六月公與將軍參贊帥師八千出塞掩捕楊公屯色勒庫公屯阿賴阿賴者葱嶺之脊脊以西水皆西流乃喀城赴浩罕之道也有浩罕賊二千餘誘官軍入伏鏖戰一晝夜眾幾殆公步步為營嚴陣出險上責諸將孤軍深入召楊公入關以公代為參贊十二月密遣黑回出卡縱反聞言官兵全撤喀城盛諸回翹首以望張逆果率步騎五百欲乘除夕不備潛襲喀城公與長公嚴兵六千以待二十有七日賊潛至菽折回公率兵星夜追至喀爾鐵蓋山擊斬殆盡張逆僅餘三十賊棄騎登山副將胡超都司段永福等擒之八年正月授聞詔封公三等果勇侯賞戴雙眼花翎賜紫纁黃馬褂加太子太保賜其子承注舉人圖像紫光閣漢大臣以公為首御製贊凱旋命郊勞行受俘禮勒碑太學及喀爾鐵蓋山上召見數次晉侯爵二等晉太子太傅銜賜紫禁城騎馬復以公六十生辰御書酬庸錫羨額並福壽字賜之九年秋安集延夷匪復肆掠公與長公馳至軍檄諭浩罕復許入貢通市十三年四川清溪土千戶越雋山各夷滋事調四川

提督。公至。夷已平定。乃安善。善後。詔嘉之。晉一等侯。十四年。夷復蠢動。降二等侯。以總兵
任甘肅候補。十六年。湖南鎮軍兵變。迫脅鎮道。借銀累萬。起公為總兵。定善後章程五則。
皆如所請。十八年。遷廣西提督。調湖南。二十一年。海氛棘。詔宗室奕山為靖逆將軍。公與
尚書隆文並為參贊大臣。由江浙至廣東。以議款罷兵。公回湖南提督任。逾年。請告歸。詔
在籍食俸。二十六年。薨。年七十有七。遺疏聞。優詔。喪恤。賚白金五百兩。治喪。賜祭葬。如例。
諡勤勇。公結髮從戎。經百戰。戰必躬先士卒。所向未嘗挫衄。屢荷恩眷。所得玉韉荷囊。不
可勝紀。少受楊忠武之知。執從子禮甚謹。威望與忠武埒。天下稱二楊。而公受侯封。且先
於忠武八年。論者謂二楊勳績高天下。而尤以招撫甯陝新兵稱首。何則。南山起隴西。尾
尚鄭。阻異十餘里。據川陝湖之腹。而甯陝所治五郎。形勢要害。又據南山秦嶺之腹。新兵
五千。皆有戰之勇。習流賊故智。使招撫遮數日。賊已分突秦隴楚蜀。殘良民。老師糜餉。曷
所紀極。然非公威信服人。奮不顧身。入賊穴。亦莫能追數千出。柙走險之虎兇。使歸就閑
勅也。孫子曰。全軍為上。破軍次之。公雖以此獲咎。而功德所被無涯矣。公兼資文武。自著
述才。所著有平平錄等書。凡十餘種。

嚴樂園廉訪事略

宣宗皇帝即位之元年。首擢漢中知府。嚴公為陝安兵備道。四年春。復以公宣力於陝有
年。功在南山。特詔加按察使銜。手敕嘉獎。如漢書勞苦問故事。舉擢陝西按察使。將大其

用而公遽以病卒。天子悼焉，因秦人之恫，命其請，俾奉祀名宦。歲時享祀弗絕，贈布政使銜，卹蓋庸表遺愛也。公諱如燧，字炳文，號樂園，湖南澱浦人。生時母夢大星墜懷中。光四溢，因小字滿星。始讀書，目十行下。年十三，補縣學生。乾隆五十四年，以優行貢。張學使姚成稱公為經世才，足當大任。時海內承平久，武備弛，公獨留心兵事。會六十年正月，黔苗作亂，據乾州，犯鎮。覃辰沅震動，朝廷命雷賈總督福康安公督師進討。湖南巡撫姜公晟及湖廣總督畢公沅以師會於辰州。姜公嘗訪人才於學使張公，夙知公，延問計所出。公草平苗議十二則，言勦撫防禦策甚備，具要在急復乾州。由乾進永綏，可以保靖松桃鎮。聲勢相通而攻乾道瀘溪，必先得大小章。人乃無阻。大小章者，故土司遺民散處邊界，名曰侏狠，最驍健，與苗世仇。苗之攻浦市也，假道侏狠，不許，怒焚其寨。侏狠率眾出保浦市，官兵不能禦。苗反執侏狠以為功，侏狠忿甚。苗因誘與俱，叛官軍頻失利。公乃募能為侏狠語者，得向國果等，起大小章，開示利害，挾其酋六人，以出。公推誠與同，卧起咸感。悅，歃血誓不反。送子弟十九人為質。許率其屬，陽投乾州，為官兵內應。約一舉破賊，會雷賈主兵者，欲專其功，嚴檄楚軍無輕動。計遂不行。然明年卒賴其力，以救兩鎮兵於河溪。通乾州東路，自後復平。隆戰花園，率常為軍鋒。而大小章於大府檄或不奉，必得公手書始行。云：公在姜幕凡四載，嘉慶五年始以孝廉方正科赴廷試。時川湖陝教匪方熾，制詔詢平定三省善後事宜。公對言軍興數載，師老財匱，以數萬罷億之眾，與猾賊追逐數千里。

長林深谷中。投誠之賊無地安置。則已降復亂。流離之民生活無資。則良亦從亂。鄉勇戍卒多游手募充。慮一旦兵撤餉停。則反思延亂。如此則亂何由弭。臣愚以為莫若仿古屯田之法。三省自遭蹂躪。叛亡各座不下億萬。故舉流民降賊之無歸。鄉勇戍卒之無業者。悉編入屯團練捍衛。計可養勝兵數十餘。餉省而兵增。化盜為民。計無逾此。奏上。睿皇帝親擢第一。傳旨次日詣軍機處。俾罄所言。公復條上屯政方略十二事。召見以知縣發陝西。下其疏於三省大帥督撫。令采行。明年二月補洵陽縣。縣定萬山中。表延七八百里。與湖北陝西邊界相錯。官兵追賊急。往來折竄。皆道洵公。力主堅壁清野。議相地險要為寨。堡。運置團勇正副長。且耕且守。且戰。設卡於高岡。瞭望賊至。舉礮一耕者斂農具。舉礮二人畜皆歸寨堡。舉礮三則團勇各據隘以守。頃刻間警備達數百里。賊至無可掠。則去。則出奇兵抄其尾。視其夕頓處。多方擾之。疲其力。使不得休息。又念賊以劫掠為生。所至飄忽。而官軍行必待糧。故追常不及。乃擇堅寨。值兵衝者。駐糗糧。備供給。由是聲息聯絡。賊勢大蹙。其年四月。遂督寨勇。生擒賊帥陳朝觀。五月殲賊徐天德。獲人傑。六月復與官軍夾擊張天倫等。七股賊於太平寨。凡萬餘人。一戰平之。經略額勒登保公。參贊德楞泰。公上其功。得旨加知州銜。賞戴花翎。尋擊亂楚北逸匪二千餘人於蜀河口。斬賊目王祥。擒方孝德。誅之。孝德。故戕白河令黃袋者也。羣賊憚公威名。相戒勿入境。有旨以同知直隸州用。八年秋。補定遠廳。是時賊勢益窮。分竄山谷間。而西鄉縣界川境。多深菁。初設廳。

以公守之。公以廳為全陝門戶。乃建新城。復於廳之西南。各百餘里。擇地曰黎壩。漁渡壩。分築二石城。為犄角。團練武備。如治洵陽時。賊至輒殲。光後擒陳心元。及戕朱副將之馮世周等。巡撫方公維甸。奏加知府銜。旋丁生母憂。會議援金草例請留。公婉辭。大府重之。聽扶柩歸。十二年。服闋。諭仍發陝西。以同知用。交軍機處記名。十四年。補潼關廳同知。特旨授漢中府知府。公以兵燹後。民困兵驕。散勇逸匪。羣不逞之徒。心面未革。教養之法。宜先於是。舉工賑。修渠堰。完倉廩。以足民食。聯營伍。治堡寨。團保甲。以固民衛。慎獄訟。培學校。禁邪說。以正民俗。疏節閘。目。與民休息。南山遂大安。以其閒。開諭悍回。縛獻亡命賊七十二人。於華渭。散軍功。王姓匪徒數百。於甯羌。擒圓。胡教首。陳恒義等。於城固。皆推誠心。置人腹。治渠魁。寬脅從。令行禁止。人心大服。而十八年。廂匪之變。至勤大兵。勦討。論者謂始事時。苟得公治之。當可不煩一兵。雖旋踵撲滅。公亦以饋餼無缺。加道銜。然非公意也。公在南山。既久。亭障要隘。村寨徑塗。曲折。無不目營指畫。而心縈繆之窮。鄉遂谷。老兵婦孺。皆識其姓字。闢漢臺。選髦傑。躬親講授。十三年。如一日。所成就。士起家侍從。牧令者數十人。率有聲。然勞於治民。拙於事上。始大吏咸度外。待公。嘗歲暮。卜築甯陝新舊二城。歸而南山。晚收大穀。已逾請賑期。遂元旦趨撫轅。稽首。願棄一官。為百姓請命。巡撫董公教增。卒為破例。陳請。得俞旨。及董公去。而代之者。為朱勳。公十年不得調。益懇懇飭吏治。勤民事。名滿三省。間道光元年。特擢備兵陝安。以臺臣條奏。南巴二山情形。下川陝湖北督

撫議時川督蔣公攸銛。夙重公治行。遂會奏。委公總勘。公周歷數千里。相度形勝。析官移治。增營改汛。條列井井。奏入。皆報可。邊防遂密。然公嘗言。山內州縣。距各省會遠。鞭長莫及。推諉臺掣。宜仿古梁州。自為一道。及明設鄖陽巡撫之例。專設大員鎮撫。而割三省邊郡州縣。以附益之。庶勢專權一。可百世無患。以更換重。大未竟其議也。二年。巡撫盧公坤至。特重公。隨拜加銜之命。公愈感奮。思效盧公採其議。奏增廳治於盤屋。洋縣界。增營兵於商州及略陽。復委公興修水利。先是。公在漢中。因平壩田行艱。灌溉躬履。山河五門。楊鎮大小。百餘堰。皆加濬治。至是。欲廣其法於全秦。奉檄視澧。涇。灃。渭。汭。諸川。鄭白龍首諸廢渠。疏鑿蓄洩。規畫具備。而社倉義學諸法。亦以次推行焉。五年冬。詔擢貴州按察使。未行。仍留陝西按察使。六年春。入覲。召見者三。奏對悉稱旨。歸途感微疾。抵任七日。卒。時三月二日也。年六十有八。公起諸生。由縣令累擢至臬司。皆出特簡。中間小有沮。主知弗替。宣宗每與廷臣言。量吏才。未嘗不首及公。特以南山二十年鎮靜之功。非公莫屬。不得已。故避留之。俾敏惠於一方。比任久。地方綏輯。規畫已無遺。天子慨然思大其福於秦民。驟用公。而公不及待矣。其卒也。秦民巷哭。如失慈父母。願比朱邑桐鄉。請其柩入南山。弗得。則願請祀名宦。而湖南士紳。亦具公事狀。請入鄉賢祠。為桑梓矜式。皆得旨報可。公性豪邁。去違幅。泊榮利。晚益冲粹。視之田夫野老人也。其馳騁古今。理亂貫串。天文河漢。兵法星卜。以及輿地險要。形格勢禁。石聚米畫沙。燭照而龜灼。所規畫常在數千百年外。

過盤根錯節無不迎刃以解。其措施略見於所著書。嘗佐兩廣總督那彥成公。籌海寇有洋防備覽。佐姜公彝苗蠻有苗防備覽。佐辰沅道傅公壽壽屯田有屯防書。又有三省邊防備覽。漢中府志及樂園詩文集。子正基。由副榜貢生。官至大理寺卿。次正坊官知州。

劉天一方伯事略

嘉慶三年。四川賊首王三槐。俘至京。廷訊供言官逼民反。上曰。四川一省官皆不善耶。對曰。惟有劉青天一人。劉青天者。南充知縣劉清也。上立加殊擢。當是時。劉青天之名聞天下。公諱清。字天一。號朗渠。貴州廣順人。由拔貢官。蜀得民心。嘉慶元年。三槐以教匪倡。前時公由縣丞遷知縣。數以鄉兵破賊於南充廣元間。公撫民及士卒。皆以兒子畜之。人樂為死賊。自為民時。知公名。戰莫為用。故遇公輒逃。四川總督宜綿嘗命公招撫三槐。三槐隨公至總督營。約率所部出降。然實說現虛實無降意。遂營復叛。二年。公復至羅其清營。其清故公部民。甚德公。公望之大哭。其清亦哭。即去所服白袍請罪。蓋白蓮教衣白也。留公宿其營。奉牛酒。聽約束甚謹。復遣卒導公。徧入徐再玉冷各賊營。皆開壘列隊迎送如禮。惟孫士鳳戎服踞座。公望之拱手。亦即下座。語多桀驁。然終不害公。翼日公為檄。使鄉勇羅思舉持諭其清。其清恃其眾。終無降意。及三年。川督勒保攻王三槐於安樂坪。數日不下。策無所出。乃復令公赴賊營招撫。時公已由南充令駁。遽建昌道。賞孔雀翎。三槐恃前此出入大營無忌。約重質始出。勒公乃令前隨公至賊營之貢生劉星渠及都司某

質賊營。三槐遂詣軍門。勒公俘報大捷。呈渠乘船。眾中逃出。都司某被戕。自三槐被誅後。他賊首疑憚不敢出。故功不時就。而賊卒深信公。前後招降川東賊二。勦皆遣散歸農。然公不惟撫賊。有恩。其戰賊亦最力。所練鄉勇尤敢死。嘗破羅其清。冉文儔於方山坪。破三槐於巴州江口。轉戰川東。數戰與各賊大小百十戰。斬馘萬計。見奏牘者。僅十之二。三公入營。撫賊出營。殺賊。往返虎狼之穴。如慈母訓。捷嬰兒。蓋史冊所希有也。後行堅壁清野。議上命經略大臣。一委公。賊卒由是破滅。四年。魁倫代勒保為總督。冉天元渡嘉陵江。大猖獗。公稟請防守潼河。魁反。盡撤沿河兵勇入城自衛。公以太和鎮灘淺。請留黔兵協守。魁不許。賊果涉淺西渡。反委罪於公。劾奪其官。上素知公。不之罪也。以其廉介。命總理達州軍餉。達州牧劉佳琦。詭報河運為陸運。冒餉巨萬。勒反奏。其與公齊名。川中號二劉。擢佳琦知府。公先後勦撫川寇。勞勩甚蕃。事平入覲。賜御製詩。取民所呼青天者。以為句。授四川按察使。還山西布政使。勒保劾公。民社有餘。方面不足。遂左遷刑部員外郎。改山東鹽運使。時嘉慶十七年也。逾年。教匪李文成。踞滑縣。朱成良。隔曹縣。足陶。巡撫同興不敢發兵。公力爭三日。始從之。即以公將兵。時承平久。兵習甚安。行四五十里。足即腫。公乃自躡草屨。先之。日行八九十里。士卒皆感。叩首請。公騎誓以死。賊本為合。公身先士卒。衝鋒所向。輒披靡。以官兵五百。敗賊於鬃山。復定陶。又敗之於韓家廟。獲賊二千。賊退保扈家集。公自定陶攻其寨。縱火拔柵。賊突出。多死。誅賊首朱成良。王奇山。賊在山東。春首

盡而河南賊自滑縣奔定陶者亦殲於公。十一月賊平而總兵陳某反率眾在後為公策應云。公之平寇家集也。上諭曰。劉清年逾六旬且係文職能身率士卒取賊巢勇敢可嘉其賞布政司銜尋授雲南布政使未幾以二品服歸山東運使任。公性坦率厭苛禮既不合於大吏又不耐簿書錢穀自奏請改武職遂授登州鎮總兵二十一年調曹州鎮論者謂公以書生而將兵以循吏而殺賊以明經陟方面而改武職有國士風本朝漢總督以武起家者趙公良棟岳公鍾琪梁公鼐楊公邁春數人耳公以布政使改官總兵遇尤奇道光二年以疾乞休在籍食全俸七年卒上深惜之賜祭葬如禮官具孫熾昌為兵部主事

傅重庵廉訪事略

傅公諱鼎字重庵浙江山陰人由吏員入貲為府經歷發雲南以軍功擢甯洱知縣乾隆六十年黔楚苗變大學士雷貴總督福康安公檄調湖南軍營以計擒首逆吳半生功賞花翎以同知直隸州用尋丁母憂經福公奏請留辦善後事宜詔曰可嘉慶元年補鳳凰廳同知廳治鎮草苗苗衝戶口竄亡會大軍移征湖北教匪月給降苗鹽糧銀糶糜之而氛愈惡藉口前川督和琳有苗地歸苗之約遂蔓延三廳地境司事者議盡應其求公知愈撫且愈驕而兵罷難再動也乃日招流亡附郭棲之圖具丁壯而碉具要害積十餘碉則堡之年餘倚角漸密苗妨出沒遂死力攻阻公率練勇東西援救戰且修具修之之法曰近其防閑遠其督執邊牆以限疆界哨臺以守望礮臺以禦敵堡以聚家室碉卡以守

以戰以過出以截歸寨或以石或以土或外石中土留孔以鎗掘濠以拒又日申誠其民曰勉為之是有三利矢不入火不焚盜不踰有三便族聚故心固扼要故數戰倚角故勢強民競以勸百堵皆作三年秋苗大出焚掠下五崗大吏將以開邊贖罪公會四年鎮寧黑苗吳陳受糾眾數千犯邊於是有苗置何嘗底定之音責巡撫姜晟嚴捕首逆公立禽之賞加知府銜俸是年碉堡成明年邊牆百餘里亦竣每哨臺舉銳角則知有警婦女牲畜立歸堡環數十里戒嚴於是守固矣可以戰時鎮寧左右營黑苗最患邊通晒金塘苗因乏食出掠瀘溪即夜三路擄其粟仍伏兵要路痛殲之苗始奪然六年而貴州變起蓋湖南環苗東南北三面七百餘寨其西面二百餘里接貴州尚未設備故石峴苗復思狡逞煽動十四寨并糾合楚苗叛公以鄉勇千五百馳赴銅仁而黔撫伊桑阿至叱其越境要功遂以招撫戡定奏回貴陽時首逆鎗械皆未繳各寨方沸然邊民赴愬雲貴總督琅玕琅公至急檄公會勦三日盡破諸寨其破崖屯溝也前兩路賊皆壘石守公使黔兵攻其前而自領鄉勇夜探山後徑徠升而上犁旦遂連破五寨其破上下湖也萬山一峽苗以死守乃夜分兵左右圍之而親督勇黎明攻峽及兩礮破之分兵火其寨前後殲苗二千有奇做湖南法建碉堡守之而伊桑阿冒功誤邊罪為新撫初公彭齡劾奏伏法是年十一月湖廣總督吳公熊光奏加公道銜俾得統轄廳營總理邊務優詔俞行並命以苗邊道員用七年丁父憂巡撫高杞奏留原任許之始公建議遠永綏城於花園副將營於

茶洞。而貴州方藉水縵聲援。重其移。公力言請大行。至是詔琅公查奏。公再赴銅仁。面陳水縵孤懸苗巢。形釜底有二難。三可慮。并請移湖南守備於貴州邊境。螺螄堡。助彈壓。琅公乃奏移駐。是七年九月。遂移之。既而羣苗率眾來爭。公以鄉勇數百深入。忽遠近苗大集。環之數重。公以奇計突圍出。苗不敢逼。尋議繳鎗械。以推其牙。距其抗命者。遂有水縵生苗。鳳凰。黑苗之勦矣。初水縵以廳城掣肘。未能深入。其巢首逆石宗四等。抗繳鎗械。并阻丈田土。復糾黨數千來犯。而是時廳已移出。且分駐形勢地。又得貴州螺螄堡可駐兵。遂親率兵勇三千。敗之。分都河。連燔六寨。追至陽孟岡。夜五鼓。萬苗突至。跳起揮兵禦之。時雨霰雜下。我軍人自為戰。鏖鬪至山後。殲賊二千有奇。生擒石宗四。得音優。欽是役也。賊起事。即戕良苗。故公得驅策苗兵深入。轉戰月餘。破寨十六。獲鎗械數千。餘寨皆乞降。水縵苗一舉平。其黔苗未繳械者。咸震疊無敢抗。時嘉慶十一年也。公治苗。專用沈希儀勸法。大小百戰。殲苗萬計。追出良民五千口。良苗千餘口。而所用不過鄉兵數千。則訓練之力也。大抵苗置用兵。異他處。穹山峭壁。苗人募越如平地。一長也。地不可容大眾。其進無部伍行列。退則鳥獸散。密菁中。伏賊忽起。從暗擊。明難猝防。二長也。銃銳且長。隨山起伏。多命中。惟腰繩藥。無重衣裝。三長也。公因苗地用苗技。先囊沙。輕走。以習步。兼習藤牌閃躍法。狹路則短兵制之。每戰。還必嚴汰。數年始得精兵千。號飛隊。優養勤練。而嚴節制之行。山澗風雨。而行列不亂。道背道上。無反顧者。共甘苦。若妻孥。突陣亡。若子弟。報公

憤若私仇是以能致死如一先是嘉慶元年平苗善後案內奏明將查出逆苗叛處分給無業窮苗佃種其時未並查晰多被強苗侵竊及公勦辦石宗四查出侵占田地千餘畝其餘侵占尤多公逐一清釐照叛產歸公例另佃良苗耕種於是寨苗聞風震懼各願返所侵占地計永綏境內繳出萬餘畝乾州鳳凰保靖等處亦紛紛呈繳公請收作屯田分佃良苗納歲租充餉又請於撤防後挑留苗兵駐守即以屯糧贍之巡撫阿林保公疏聞得旨俞允積久制益密田益闕則又墜沿邊隙地二萬畝曰官墾田贖苗貧民田萬餘畝曰官贖田以廩屯官授屯長給老幼丁壽補助備犒賞暨歲修城堡神祠學校育嬰堂養濟院諸費百務並舉而苗占田三萬五千餘畝亦以兵勦出其苗升復自獻七十餘畝為經費以苗養苗即以苗制苗於五年陳屯政三十四事十年陳經久八事十二年復陳未盡七事大要使兵農為一以相衛使民苗為二以相安故約官與兵民曰毋擅入苗寨毋擅役苗夫約苗曰毋巫鬼推牛羣飲以靡財毋挾鎗矛羣匪眦釀衅又以詩書禮讓化其狂獷之氣請將乾鳳永保四廳縣編立邊字號廣鄉試中額一名苗虫編立田字號外加中額一名苗益感奮有旨擢辰沅永靖兵備道十三年春入覲詔曰傅鼎任苗疆十餘年鉅莠安良興利除弊建碉堡十有餘所屯田十二萬餘畝收卸難民十餘萬戶練屯兵八千人收繳苗寨兵器四萬餘件又多方化導設書院六義學百近日苗民駸駸向學願求考試革面革心朕久聞其任勞任怨不顧身家悉心籌畫本日召見果安詳諳練明白誠

寶河橋得出之木塔為嚴蓋保障。其即加按察使銜。用風有信。十四年擢湖南按察使。以苗民兵騷擾。命每秋一起。苗盡慰。過人思公之在苗。晷也。日不暇給。設木匾於門。訴者投牒其中。夜出閱之。黎明起視。事剖決。立盡。兵民白事。許直至榻前。及為按察使。一如同知時下無壅情。故事無不舉。十五年。奏署布政使。十六年。復入覲。天子將擢公巡撫。以大福湖南民。而六月卒。官年五十四。事聞。優詔。悼憫。贈巡撫銜。照巡撫例。賜卹。嗣子瑞。弱甫四齡。詔巡撫景安派員護送靈柩到籍。後著將攸銜一體照料。派大員賜祭一次。用示軫念。蓋臣優獎勤勞至意。公權奇有才武。躬親行陣。出入矢石間。所設施務為經久計。不撓。旁議苗人聞其卒。哭聲震郊野。專敕祀湖南名宦。苗盡並建專祠。

潘文恭公事略

古今儒臣備五福者眾矣。然率有闕而未全之處者。若夫名魁天下。位極人臣。直樞廷幾三十年。賞花翎紫纒黃馬褂。生加太傅。享遐齡。西蒙賜壽。諡音予告。食全俸。優游京邸者四年。弱冠登第。後乞假歸。晚年重赴鹿鳴瓊林恩宴。子若孫科第踵武。當再宴瓊林之歲。孫以一甲第三人賜及第。身後崇祀賢良祠。極人爵之榮。無缺弗備。本朝二百餘年來。未有如吳縣潘文恭公者也。公諱世思。字芝軒。乾隆五十八年。一甲一名進士。授修撰。嘉慶三年。大考一等。遷侍讀。再遷庶子。明年遷侍讀學士。轉侍讀學士。晉少詹事。詹事。再晉內閣學士。六年。擢禮部左侍郎。明年調兵部右侍郎。兼署戶部左侍郎。九年。轉兵部左侍郎。

郎仍兼署戶部。奉調戶部左右侍郎。十三年署戶部刑部左右侍郎。明年復署刑部右侍郎。十五年兩署戶部侍郎。十七年擢工部尚書。明年調戶部。仍署吏工二部尚書。十九年復署吏部。母憂歸。二十一年。以父年高。乞終養。會其子登鄉舉。具疏謝恩。坐未親赴京師。陳謝。降侍郎。道光四年丁父憂。七年五月。補吏部左侍郎。晉左都御史。署吏禮二部尚書。九年復署禮部尚書。十年遷工部尚書。兼署左都御史。明年轉禮部尚書。又明年兩署工部尚書。十三年超授體仁閣大學士。管理戶兵二部事。明年命充軍機大臣。又明年改東閣大學士。管理戶工二部事。十七年加太子太保。明年改武英殿大學士。二十八年。加太傅。此公歷官階級也。嘉慶四年。分校禮部試。尋督雲南學政。九年典試浙江。尋督浙江學政。十三年充順天副考官。明年提督江西學政。道光八年。典武會試。十二年典會試。十六年再典會試。十九年典順天鄉試。二十年三典會試。前後充朝考閱卷官者七殿試閱卷官者六。考試試差閱卷大臣者十。散館閱卷大臣者二。大考閱卷大臣者一。此公歷典文衡也。署日講起居注官一。充日講起居注官二。充咸安宮總裁一。武英殿總裁一。國史總裁三。四庫館文韻館總裁各一。教習庶吉士五。署翰林院掌院學士四。充掌院學士一。經筵講官二。文淵閣領閣事一。稽察欽奉上諭事件處一。上書房總師傅一。上謁祖陵命留京辦事者二。命查三庫者二。此公歷任差使也。督學雲南時。奉仁宗手教。少年得管宗階。又係鼎甲。前程遠大。勿貪小利。勉之。嘉慶九年正月。上御重華宮小宴。恭和御製詩。賞如

意何囊諸珍物。自是以為常。二月駕幸翰林院賜宴聯句恭和御製詩。頒味餘書室全集及諸珍綺賜之。督學浙江時奉手敕實心勉力。整頓士習。汝係大員。不應緘默。兩浙吏治民風及洋匪情形。可隨時密奏。乞養時奉手敕忠孝二字。不可歧視。知所先後。則近道矣。道光八年。回壘平。命與凱旋筵宴。賜紫禁城騎馬。賜第園明園。四次京察。諭稱其克勤克敬。矢慎矢公。均下所司優敘。十八年十二月。七十生辰。賜御書點戴延祺額。炳亮宣猷。累密勿靖。共介福錫康疆。聯句並賞戴孔雀翎。入謝時。宣宗手賜玉管花翎。詔此後御門辦事。加恩免其入班。并免其帶領引見。尋命在紫禁城乘輿進內時。賜內監二人扶掖。二十六年。賞穿黃馬褂。二十八年元日。特旨晉太傅銜。並賞用紫纓及八十生辰。復賜御書壽字。賜額曰三朝耆碩。賜聯曰望重三公。資燮理。祥開八豳。行期躋及上珍文綺。有加。並賜其孫祖蔭為舉人。二十九年。五次因病乞假。均溫詔慰留。明年三月。具疏乞休。許致任。仍食全俸。咸豐二年。重與鹿鳴筵宴。詔賞其子太常博士潘曾璋為員外郎。三年。重與恩榮宴。文宗手書瓊林人瑞。額先期頒賜。並賞其孫祖同為舉人。是歲。祖蔭成進士。授編修。科名盛事。海內榮之。明年四月。公薨。上震悼。諭稱其立品端方。學問醇正。賞院羅經被。派怡親王載垣領侍衛十人。往奠爵。並入賢良祠。其孫國子監學錄祖同。賞進士。許一體殿試。編修祖蔭。以侍讀候補。監生祖保。賞舉人。尋賜祭葬。子諡文恭。此公歷承恩遇也。道光庚子。御史賂公秉章。條陳洋務。下粵督林公。則徐等議覆。林公奏善章程五則。詔公等議奏。

尋疏言所議章程或變通舊例或循守成規應如所議行之以寬持之以恆庶民情悅服而海防可以肅清總之招徠之道得其情而後可以服其心制馭之方峻其防而後可以祛其弊未有內治不嚴而能使外夷畏威奉法者也上韙其言甲辰二月公奏請查墾甘肅新置等處地畝以裕邊儲疏言近據伊犁將軍奏報開墾荒地四十三萬畝有奇安戶升科已著成筴其甘肅各州縣及烏魯木齊所屬地方邊闕曠土必多請敕陝甘總督及烏魯木齊都統善畫水利遵員勸墾升科以本地自然之利供本處應用之需既可減調餉銀更可節省採買並以額徵所餘津貼八旗支款實為經久有益之舉如所請行庚戌三月文宗登極求賢公應詔首舉前任雲貴總督林公則徐歷任封疆有體有用所居民樂所去民思請徵召來京備用並舉前任臺灣道姚君瑩等皆一時人望此公建白之大端也公自入樞廷後造膝所陳多不形諸章疏雖子弟不獲聞故可述者止此惟上知之深倚之最切宣宗嘗手諭云潘世恩精勤襄贊一德一心夙夜在公勤勞備至朕實難以言喻烏虜是可以想見其大凡矣相傳封翁好施多隱德嘗夜坐聞仙樂鏗錫有旌幢羽葆自空下遂生公其時蔡學士之定亦夢有神人送一童子東下麾從甚盛有告者曰此吳縣潘某也將來與君同年時蔡已鄉薦後二十餘年竟與公同舉禮部云公壽八十有六著有思補堂集子曾瑩辛丑進士由編修官吏部侍郎曾統舉人官內閣侍讀曾璋刑部員外郎孫祖蔭現官禮部侍郎

清朝先正事略卷之二十四

平江李元度次青纂

名臣

趙文恪公事略

公諱慎軫字遵路號笛樓湖南武陵人乾隆己酉拔貢學使錢南園先生器之曰人英也嘉慶元年成進士選庶吉士授編修庚申辛酉兩校順天試改御史奏川楚善後事宜上偉之十年分校會試巡通州漕革陋規奏糧艘起撥事發諸積弊輒給事中十二年充江南副考官母憂歸服除補原官湖南學政某以於愷失士心欲附公自固列公諸子優等公仍奏劾之遂遣戍十七年授惠潮嘉道宣教化清獄訟優禮諸生海陽番禺民械關擄掠聚眾久官不能治公馳往捕誅之沿海民多餐居藏匪銷賊公悉編入保甲毀其棚寮水陸獲盜無數十九年遷廣西按察使慶遠秀民藍耀青假天地會結眾飲錢有廖五桂者若其侵暴思結龍虎會敵之揭帖中有平治大元帥及令地方助餉語以恐嚇村民事發布政使請往將大其事公不可自往按治誅耀青及五桂脅從皆杖釋之自首免罪民大安復為條約諭民間廣種植浚陂塘嚴守望摘律例中易犯者五十餘事刊示之廣東洋匪投誠後漸入廣西為盜水路設巡船俾商民停泊有定所衛之以兵行守令以捕盜多寡定舉劾增州縣解送囚徒路費明年遷廣東布政使故事州縣解銀及領銀

皆有規費。公革之。始至司庫貯銀四百萬。逾年乃五百二十萬。南海桑園圍石堤九千五百大有奇。里民屢修屢決。公上言民力已困。請以司庫沙坦花息及糧道庫息銀八萬發商取息。為歲修資。東省屯田五千三百餘頃。賦重累民。公請減屯糧額數。而酌加科。則極輕之沙坦六千餘頃。以抵之。督撫如議奏行。又以粵俗奢靡。刻行陳文恭從政訓俗二種遺規。躬節儉以示勸。連山縣城工銀。以裁縣故未入奏。銷公捐廉償之。或曰子產之興可勝濟乎。公曰。濟所可濟。不能盡亦不能恕也。二十三年。擢廣西巡撫。至則以農田水利為急。諭守令平疇。修陂塘。設龍骨車以挽水。山田開陰井。設井筒架作式。使民做之。粵西地接黔楚。盜出沒其間。飭屬查保甲。置望樓。練民壯。互相守望。縣建卡房數十。座府各以官會營巡緝。柳州至省會千餘里。增設水汛四十三所。每卡設哨艇。有盜則卡船舉礮。各團丁登望樓。咸出堵擣。終公任。獲盜千七百餘人。公以外盜十居七八。乃稽察客民。立各長籍之。單身流蕩者為游民。稽查遞回。山僻草寮盡毀。礦廠窰榨備丁皆立冊。有保者留。否則逐刊為省例。又動支司庫養廉空缺銀為警汛工程之用。西撫歲支養廉銀萬兩。又梧潯二關例得動用羨餘。公數曰。吾衣衣食屢足。身為大臣。復取盈萬。將安用之。當為聖主廣布仁澤耳。乃創預備倉。捐銀萬二千。令桂林府買穀積貯。以千金發典肆生息。為歲修費。愛日書院久廢。修復之。復建培風書院。課民間童子。柳州思恩。屢遠三府縣。向無書院。公出銀二千。倡捐興建。於是象州羅城天河武緣雒容興業等縣皆應之。道光二年入覲。

成皇帝諭曰。卿誠實不欺。故皇考簡用以貽朕。其益勉之。公頓首泣謝。八月除閩浙總督。公治軍嚴。重申條約。徧頒諸鎮營汛。身自考校。備弁無虛日。參將某驕蹇。浙江提督某玩洋務。皆奏劾之。手札司道諸鎮。密令查所屬文武。優劣驗之。以事信賞必罰。故所用皆得人。上游四府地僻山深。漳泉江廣人多。租山立廠為業。凡十餘萬人。游民混跡其間。於是會匪。攜匪。丐匪。群聚為害。公令各鄉就地勢聯絡。立鄉總盜至鳴。鈺逐捕。加增緝捕經費。選官弁按山。著名匪首皆就獲。浙洋商摻報劫。公既嚴責水師。復與兩撫議立海口漁船出入章程。水陸合捕。所部晏然。福州閩安鎮外有琅琦島。居民二千戶。多為奸利濟匪。公訪聞擒治。移駐水師。建礮臺等。會垣門戶益重。漳泉械鬪風未已。刊故訓導謝奎鑿治法論。頒守令行之。漳州守周鎬賢吏也。以老乞去。公手書勉留。令署汀漳龍道。尤以臺灣為慮。盡選賢能以往。未幾鳳山民楊良斌作亂。巡道孔昭燾知府孔傳楹。不一月平之。噶瑪蘭民入山伐木。歲供道廠軍工船料。匠首苛斂無已。山匠林泳春因而為變。公檄鎮將捕誅之。仍博採輿論。更定採料章程。蘭人乃服。臺灣十三營戍兵萬四千。皆自內地五十二營更替。例由廈門提督點驗分汛。其歸也亦如之。遠者相距三千里。兵弁苦之。公變通舊制。令水陸二提督及福州城守分途點驗。戍兵之困以蘇。臺本產穀地。福漳泉三府民食仰之。商運歲常百萬。江浙天津亦至焉。臺人不知蓋藏。又生莖日繁。歲稍歉米貴。輒思為亂。公令稽出口米船。月報實數。酌年豐歉定限制。俾民間常留餘。三年夏。浙江水

災。公奏請賑卹。復捐俸倡勸紳商。得穀六千。米一萬七百。銀七十萬五千。展賑限全活無算。凡就食流民。令所至州縣。詢男婦名數。給滾單撫卹。是秋。浙中米踊貴。閩撫欲運倉穀往濟。公以臺灣歲豐。乃奏弛海禁。招商販臺米濟浙。浙足而閩倉如故。閩鹽不銷。官商積困。公奏減南靖長泰二縣額引。撥入臺灣府屬。并停徵商欠。官民便之。四年。奏請以明儒黃忠端公道周從祀文廟東廡。位列羅文莊公之次。故訓導侯官謝金鑾。教授德化。鄭兼才有學行。敦崇名節。公敬異之。令舉祀鄉賢。五年。調雲貴總督。貴州獮望皆童山。近歲大吏勸民種樟樹。放蠶收繭。織紬甚有利。而守令或以為迂。公察所屬。多未行。手教勸之。且捐給工本。抵滇南。壹意以撫靖邊夷。整飭銅鹽為務。既陳銅益積弊。又以防邊之策。無逾屯田。日與滇撫考地圖。訪形勢。經營屯政。又安撫土司。建設碉堡。練丁防守。諸制以積勞成疾。五月一日薨於位。年六十五。有詔優卹。贈太子太保。諡文恪。賜祭葬。如例。公少孤。從舅氏王春楚游。教以勵行克己。後益博覽先儒格言。凡有益身心。可致用者。皆潛心體驗。聞儕輩中嘉言善行。則惕然不自已。通籍後。致力尤勤。為日記。至易簪乃已。灼知州縣之困。體卹甚至。而不可干以私。見屬吏。自道府以下。懇切訓誡。如師弟。是非賢否。喜怒不藏。曰。吾於人無私愛憎。何必使妄相揣測耶。有所詰責。其人能以理自申。必賞異之。卒從所請。遇事關民生疾苦。國家屢樂者。思之輒竟夕不寐。必得當乃已。督滇黔時。病已亟。猶疏劾貪墨吏數十人。門日屬織代者發急遽。追回滇人皆痛惜之。公嘗頌其室曰。首德。年位。

逾進功益盛。好善嫉惡。乃益真且嚴。昆明錢公所謂人英者。公真無愧也。已著奏議八卷。從政錄八卷。載筆錄四卷。榆巢雜識二卷。省管室續筆一卷。讀書日記四卷。惜日筆二十卷。詩文集六卷。

湯文端公事略

公諱金釗。字敦甫。一字勛茲。姓湯氏。先世自浙江青田遷蕭山。公生而端靖寡言。四歲患痘。幾不良於行。家世服賈。公獨奮於學。乾隆五十九年。舉省試第一。嘉慶四年。進士。選庶吉士。授編修。朝貴爭羅致之。謝不往。而時時徒步。從大興朱文正公遊。請督業過如古聖賢。相為師友。十三年。入直上書房。母憂服闋。遷侍講。視學湖南。累遷祭酒。詹事內閣學士。二十一年。仍直上書房。典試江南。遂督江蘇學政。仁宗手敕曰。江蘇士子。不患無才。但須植德。其勉力訓誨。務得真才。以佐國政。公敬謹宣諭。令多士咸喻聖意。尋遷禮部右侍郎。江陰有會匪。煽惑鄉民。以修善獲福為說。公著福善辨曉之。錄稟奏聞。諭嘉其簡明透澈。任滿。命仍在上書房行走。二十五年七月。仁宗升遐。召公赴熱河。襄理喪儀。轉吏部左侍郎。充經筵講官。初。宣宗在潛邸。尤敬禮公。公之典試江南也。宣宗及諸王子。皆賦詩贈行。公內剛外訥。師道自處。意所不可。輒變色。不真對。雖大廷亦如此。以是見憚。然亦浸嚮用。公時尚書英和公。以州縣陋規日盛。奏請分別查明。以定限制。公奏言。陋規皆出於民。州縣猶未敢公然苛索。恐上知之而治以罪也。今若明定章程。即為例所應得。

勢必明目張膽。求多於額例之外。雖有嚴旨。不能禁矣。况名目碎雜。所在不同。逐一檢察。轉致紛擾。殆非區區立法所能限制也。時總督孫公玉廷。將公攸結。尚書汪公廷珍。俱先後奏阻。公疏入。上諭曰。朝有諍臣。連章入告。使朕胸中。黑白分明。無傷於政體。朕不勝欣悅之。至下所司議叙。道光元年。兼戶部侍郎。時孫公玉庭。以南漕浮收。不能盡去。議請八折收漕。公又爭之曰。康熙中。奉有永不加賦之明詔。此大清億萬年培養國脈之至計也。前有議加徵耗米及公費銀者。均經戶部以事近加賦。議駁。今准其略為浮收。則不肖者。益無顧忌。而浮收且十倍於往日。雖告以收逾八折。即予嚴參。而前此逾額者。何嘗不干嚴譴。卒不聞為之減少。獨於新定之額。恪遵而不敢踰。無是理也。在督撫奏定之後。不慮控告浮收。在州縣縱有發覺。又將巧脫其罪。是限制仍同虛設。徒為盛朝開加賦之端。臣竊惜之。疏入。事遂寢。明年調戶部右侍郎。憂歸。起復。署禮工二部侍郎。兼倉場侍郎。仍命在上書房行走。授皇長子諱。遂自戶部左侍郎。遷左都御史。是時宣宗在位久。熟於情偽。自京師以及十九布政使司。民風吏俗之醜雜。莫不周知。凡細民含冤負勢。呼號而赴闕者。上必立遣重臣。馳傳周歷。窮治以申枉鋤強。而公以公廉強直。屢蒙委任。自七年九月。奉使山西。明年使宣化。十月使四川。明年四月。還至襄城。復奉命循漢江而東。治獄於武昌。六月抵京師。十月奉使閩中。又明年二月。使道還家上冢。前後三四年。週迴萬里。輟蕩所屆。虛衷約己。務令達下情而宣上德。上嘉公勤勞。每奉使還。還賚有加。其使山西

也。擢禮部尚書。使宣化。還賞紫禁城騎馬。自川楚歸。充上書房總師傅。使閩。還拜吏部尚書。兼戶部尚書。充廷講官。而公亦以南北征馳久。虛輔導。屬皇長子遺疾。聖心憂軫。陷公者。因巧肆機牙。以激上怒。於是有降補侍郎之命。重賴天子神聖。亮公樸誠。不旋踵眷公如初。而公信道篤。自守堅。雖獲譴謫。而當天心覺悟後。猶必從容奏對。以畢申其說。而上亦不以芥蒂。信乎古明良一德。有勝於尋常萬萬者。而人亦罕得而知也。公既降補之二年。復自左都御史。拜工部尚書。轉禮部尚書。十四年。復兼工部。先是御史許球劾陝撫楊名颺諸溺職狀。詔公往鞫。審獄有差矣。而言事諸臣。必欲傳治重罪。至謂公有所循。或構蜚語。以為名颺嘗致厚贖於粵撫梁章鉅。因以得款。由於公。將興大獄。撼公。於是公方由陝入川。清查西川各屬軍需出入。及長吏貪擅不法事。有旨令回奏。公數曰。吾豈可避嫌而亂法哉。於是條上諸言。可信與不可信者。折衷平允。累萬言。疏入。上手敕報曰。事若東公。問心無愧。何恤人言。尋命公暫以尚書權陝西巡撫事。公之治川陝獄也。署按察使李廷錫。涪州牧楊上容。江津令郭彬圖。皆公門下士。並累吏議。公當官而行。無所避就。人稱其平。十七年春。考績。得旨湯金釧品學。竊正。奉使公明。其交部議敘。蓋上益洞鑒公之志行矣。是年冬。奉使勸獄張家口。改歲勸獄大原。五月。命以戶部尚書協辦大學士。尋調吏部尚書。會安徽鳳陽府試。生童闕於官府。事聞。命公偕侍郎吳公文洛往。既而按事皖南及浙江。還至江甯。淮安稽察河漕諸利弊。御史蔡承玠。以河工償贖處分過寬。劾

公循私錯謬。公於遠次。導旨回奏。家珩復疏訴。諭兩責之。各鑄二株留任。尋偕宗令肅親王敬敏等。奏議鴉片烟吸食興販。及官吏失察。胥役賄縱。商舶窩藏。閩津偷漏。棍徒冒充官人。奸民裁贓誣陷各罪名。三十九條。得旨允行。當是時中外久安。朝廷無事。明年夷禍首發於廣東。不得遲。則東陷定海。南踞廈門。北至於天津。沿海騷動。天子以為海島遠夷。蛟螭屢蛤之性。不足與計是非。且以中國方制數萬里。豈屑與區區醜虜爭一旦之命。於不測之淵。既而事連不可解。在事諸臣無能折衝禦侮。以舒宵旰憂。而政府獨右之。遂歸咎於首任疆事之督臣。以轉圜而救敗。一日上坐便殿。從容問公以廣東事。可付託者何人。公以林文忠對。上哂之。公爭益力。坐是失上前。公亦不安於位矣。始公嘗派部郎陳起詩倉差。起詩以見有差使。呈請改派。至是起詩聞復保送。乃赴部許控。廷議坐起詩規避奪職。公亦坐錯謬。鑄四級調用。二十二年。授光祿寺卿。公以衰老乞骸骨。並自陳家無室宇。乞留京。得俞旨。賞二品頂戴。二十九年。孝和睿皇后升遐。上居苫次。公具疏叩安。賞頭品頂戴。公啟歷三朝。周歷五部侍郎。再長風憲。歷吏戶禮工四部尚書。典江南鄉試者三。順天鄉試者一。提督學政者再。總裁會試者再。總裁武會試者一。知貢舉者一。署掌院學士者三。教習庶吉士者三。命留京辦事者四。奉命釋奠文廟者三。其他朝考殿試典較閱者。不可勝數。自官翰林時。布被脫粟。後嘗不使過之。其學以治經為務。主敬為本。自明季姚江之學盛行。本朝諸儒矯矯之。遂成水火。公不立門戶。不爭異同。大約本明道敬義夾

持而兼有取於良知。卽慎獨之說。以刻意勵行爲宗。督學時。重刻彭南畝先生儒門法語。以訓士。性尤篤孝。蒸菘爲孺子慕。當年已假歸時。公年已五十。贈公猶命同床卧起。曰。吾以爲十歲兒也。其當官廉而不峻。察而不徼。務在安靜。持大體。嘗按試海州。大風發屋瓦。多士怙黷。公移坐號舍間。神色自若。其長諫垣也。有控邪教者。株連甚衆。公察其妄。卽携狀歸。而以誤燬於火。告同官。事竟熄。其鎮定皆類此。公去位。凡十有五載。雖閉戶卻掃。每遇朝廷立一法。用一人。喜感見於辭色。宣宗季年。恩眷彌篤。對廷臣垂問。再四。公子寬。出守鳳翔。陳謝日。召問公病體。增減起居飲食甚悉。文宗御極之四年。重赴鹿鳴筵。加太子太保銜。並頒給御書匾額。兩朝篤禮之盛。罕有倫比。自七十五歲後。每日晨起。鈔經二百字。十三經皆徧。日讀通鑑。周易終其身。寢疾之四日。值太夫人忌辰。猶肅衣冠。強起行禮。以咸豐六年四月十九日薨。年八十有四。遺疏入。上軫悼。諭稱公立品端方。學問醇正。卽日遣大臣率侍衛往奠。照尚書例議卹。賜祭葬如例。予諡文端。著有寸心知室存彙。子二。長寬。由陰生官知府。先公卒。次修。己亥舉人。官通政司副使。

姚文僖公事略

公諱文田。字秋農。浙江歸安人。年十六入湖州府學。乾隆五十四年。舉於鄉。五十九年。獻賦天津。行在。召試第一。授內閣中書。嘉慶四年。入直軍機處。是科成進士。殿試以一甲第一人。賜及第。授修撰。明年典廣東鄉試。又明年典福建鄉試。尋提督廣東學政。十二年典

試山東十五年提督河南學政十八年奉命入直南書房二十二年充會試副考官二十四年提督江蘇學政道光五年充順天鄉試副考官公裕學識負人倫鑑屢典文衡皆得士任督學時革除陋例斥偽體拔真才士習蒸蒸丕變由修撰四遷至內閣學士歷戶工兵三部侍郎擢禮部尚書以學行受兩朝特達之知不由推轂洵涉正卿持己方嚴而涖官以勤慎百數十年來學者咸談考據往往尊漢儒詆宋儒其弊流為瑣碎穿鑿公獨持議謂三代以上其道皆本堯舜得孔孟氏而明三代以下其道皆本孔孟得程朱氏而傳自五季以後人道不至凌夷者宋諸儒之力也至其所著之書名物象數豈遠無一誤然文字小差漢唐先儒亦多有之未足為垢病嘗作宋儒論以詔學者嗚乎是可以見公所學之正矣然公於漢學未嘗不究心也生平博綜群籍未嘗一日去書不觀所著易原春秋月日表說文聲系說文考異諸書皆入許鄭之室同時言漢學者未能或之先焉尤留意天文占驗法嘉慶十八年林清之變未起慧橫入紫微垣道光初慧見南斗下主外夷兵事公皆先事言之人服其精識涖部務通達治體不為激亢之行議論尤平易近人所為奏議多切中時弊其言曰督撫藩臬迎新送舊如衙門之整理館舍之儲待無論其為本管官即例以主客情誼亦不能盡廢履任後所屬吏紛紛晉謁事又必不可已在大吏自以為秋毫無擾而不知耗費固已多矣且大吏抵任之始諸務未能周知迨莅事稍久然後人才之賢否以明風俗之醜澆以辨本將稍有設施而瓜代者已至更有更事未深

之人。縱一莅事。動議更張。據人言為舉劾。以此博振作之名。不知地方情形。屬吏賢否。均未諳悉。見為利而弊已隨其後。見為是而不知其非。故不如久於其任。次第圖之。之為得也。又曰。自古圖治之要。惟以任人為本。近日科條過於煩濫。如某州縣得一循吏。忽有四參被議之案。不能不罷斥。又如地號難治。非得人不能勝任。然才優者。或有處分。合例者。才僅下中。亦不能不俾之受事。是為吏議所格。而吏治皆不得人。宜稍為變計者也。又曰。自數年來。關上控之端。於是刁民好逞其奸。彼見獄詞。可以聳聽。則多牽引其所不快者。以陷害之。胥吏惟利是圖。則又多方株連。以困抗之。衣食粗足之家。一經官訟連染。雖立見昭雪。而資產已蕩然矣。彼所控誣。不過一人。而牽涉常至十數。受丁胥之魚肉。往往道途相踣斃。而瘞死。雖處原告之人。以極刑於被誣者。何補。推國家慎刑之意。亦曰恐有冤抑耳。然一案未結。而事外者相踵。是一冤未雪。而含冤者且數十人。又疏陳漕務情形。曰乾隆三十年以前。無所謂浮收之事。是時無物不賤。官民皆裕。其後生齒愈繁。用度日絀。於是諸弊漸生。然在州縣。亦有不能不爾者。所得廉俸。公項斷不敷用。自開倉至兌運。其修理倉廩。葺席木板。及幕友家人書役修飯工食。費已不貲。加以運丁需索津貼。日甚一日。至其署中大小公事。動須出錢料理。又如辦一擬徒之犯。自初詳至結案。約費百數十金。案愈巨。則費愈多。復有遞解人犯。運送餉鞘等事。所在需費。為州縣吏者。以為他弊一破。其獲咎且愈重。不若浮收。尚為上下皆知。其藉此以肥身家者。不能保其必無。要之

不得已而為此者。蓋亦不少。臣見近日言事者。動稱不肖州縣。竊思州縣亦人耳。何至一行作吏。便行同尚賤。此又州縣不能上達之實情也。諸疏多蒙嘉納。海內爭傳誦焉。公薨於七年十月。年七十。遺疏上。宣宗軫悼。優旨賜卹。祭葬。益文信。著有邃雅堂文集。

盧敏肅公事略

公諱坤。字靜之。號厚山。直隸涿州人。嘉慶己未進士。選庶吉士。改兵部主事。累遷郎中。隨圍木蘭校步射。賞戴花翎。擢湖南糧儲道。調廣東山東兵備道。皆在仁宗朝。成皇帝御極。由湖北按察使。連甘肅布政使。擢授廣西巡撫。調陝西巡撫。時教匪戡定後。議者謂南山老林易數奸。不宜墾。公謂此地。漢唐皆開闢。金元始荒廢。歷舉漢書蜀志。唐書宋史。證之。且舉漢李翁。郝閎。頌為据。遂加懇治。至今賴焉。在陝丁大母憂。小祥後。會回疆有軍務。特旨以行衣陞見。馳驛往甘肅。會總督辦理轉餉事宜。時逆回張格爾據四城。精銳屯喀什噶爾。滿漢官兵三萬七千有奇。會於阿克蘇。轉烏魯木齊糧濟之。公上議曰。烏魯木齊距阿克蘇三十二站。官兵以五萬餘人。計日需糧五百石有奇。每站須置駝五百有奇。共需駝萬有六千。關內外臺站。又需駝一萬有奇。烏魯木齊雇駝七千。尚缺二萬餘。請刻期購撥出關。其內地之銀餉軍火器械。即以此駝運。又請以伊犁糧由冰嶺運阿蘇克。又議兵馬過沙漠。加給草豆。添設民夫。酌給洋茶諸事。凡十一條。皆報可。大兵自進。勤至凱旋。共用帑銀千一百餘萬。轉輸不竭。無虛糜。公之功也。服闋補山東巡撫。以回疆平。加太子少

保賞頭品頂戴。調山西廣東江蘇巡撫。遷湖廣總督。道光十二年。湖南逆匪趙金龍作亂。親往督師。密陳湖北提督羅公思舉能辦賊。時湖南提督海陵阿已在甯遠之下壩。被匪誘戕。副將游擊等皆戰歿。新田縣知縣王鼎銘死之。桂陽常陵諸土匪應賊起。眾號數萬。官兵未設糧臺。而所調常德水師。荊州滿驄。皆不習山戰。公至。始奏罷之。而改調鎮宜苗疆兵。又以衡州水陸咽喉。而常甯屏蔽。衡郡當賊衝。祁陽又入衡。永捷徑。且糧餉後路。皆派兵勇防禦。餘令堅壁清野。檄將弁分路防堵。迨湖南湖北兵大集。貴州提督余步雲雲南提督曾勝。皆率兵來助。勦距賊巢十餘里。會大雷雨。我兵乘勢進。勦賊悉眾抗拒於洋泉街。其地為入山水口。有溪通舟楫。市長數里。民去賊守。公以賊偏歸一路。且失其翻山長技。密檄各路兵進。偪合圍。於是羅公思舉等晝夜督將弁立泥淖中。仰擲火彈火弩。延燒民舍數十戶。斃賊數千。賊黨趙文鳳乞降。佯許之。攻益急。生擒其子女及頭目數百人。金龍易服來間道。為我兵所殺。獲其尸及劍印木偶。餘賊先後就殲。上嘉將賞戴雙眼花翎。世襲一等輕軍都尉。在事文武晉秩有差。方捷書之未上也。上命戶部尚書禧恩。盛京將軍瑚松額來視師。未至。軍先三日奏捷。會廣東逆匪趙仔青糾眾數千入楚界。聲言為趙金龍復仇。公即與欽使率提督余步雲總兵曾勝。移師勦辦。賊於濠江。又敗之。於銀江。擒仔青。至衡州。礮於市。時廣西逆匪盤均華亦起事。官兵殲之。芳林渡。均華為楚界防兵所執。實之法。而廣東連山黃瓜寨排。復煽惑官兵。初失利。欽使奉命率曾勝往勦。平

之上逮治粵督李鴻賓而調公總督兩廣命辦善後事宜時倭匪新定公編查戶口設倭
長搖目漢民村寨設練總改綏搖同知為邊要缺教職佐雜改邊俸皆報可未幾越南奸
民陳加海與內地游民馮生丁等在夷洋狗頭山嘯聚偷入內洋公遣官兵擊沉其八船
餘寇悉平西洋啖咭喇來越貿易夷目嘍嘍違法度公照例封艙停其市易嘍嘍遣
護貨兵船自外洋闖入虎口我兵炮擊之輒以炮拒駛至黃浦奉嚴旨督辦公檄鎮將用
大船載石橫沉水底復用大木筏塞水面多設警備斷其入省之路其後路在老洲岡復
遣將弁用大石船遏其歸復備草船火攻且脅之沿海部署皆精整禁商民無許接濟夷
船於是嘍嘍諸夷窮蹙求給牌出口詞甚恭澳門夷商加嘍咭等助之請命公固持之
良久乃令出虎門奏入宣宗手敕曰玩則懲之服則舍之尚合機宜不失國體公之經濟
表見者如此公器識凝重各歲留心經世學自官職方擢監司任封圻所在皆有名績治
案牘析及纖微而宅心忠厚曲盡人情不流為深刻至典軍御將剷除凶孽皆有實效其
餘察吏安叱弭盜救災備荒僻地設險諸善政不可殫述而其尤關國體者則在堅持定
力警服外夷驅霆躡風落其牙距固宜上契宸衷繫國安危輕重而令中外想望風采也
十五年八月以疾薨於位年六十有四帝深軫惜詔贈太子太保兵部尚書予諡敏肅諭
賜祭葬如例長子瑞黼襲世職

公諱桂楨字幹臣號樸庵江蘇上元人性忠介剛實毅然以古人自勛於外物無所動為童子時歲游饑公白大父請燬產贖鄉里大父喜甚從其請知其志趣遠大益以古人期之乾隆五十一年舉順天鄉試即度置舉子業究心古臣言行及宋明儒言性理諸書曰吾他日待用而始求之恐已遲矣嘉慶四年成進士由吏部主事累遷員外郎郎中擢御史出為鎮遠府知府其治郡專力民事力反常吏宿習同儕見之格格若不可親然無不心折者郡屢饑民將流孳思惟盡出庫藏速賑為有濟時公父芝園公迎養在署公叩頭白父願舍身拯民乞自今無更念己色甚感父愕然詰其所謂竟許之乃集士民託代奉甘旨事士民愕然不知所謂姑應之乃盡發帑項以濟饑全活無算事竣携印詣大府請罪就臬司獄士民惘然相誡曰吾儕囁太守膚以自活於心安乎誓俟秋成釀金還庫款無角火耗是歲灾實非常得公倡賑郡境千里無一人僵仆者黃平州盜發告變公曰數人鼓衆非真亂也動兵則眾駭而事成矣單騎入境呼父老縛為首者出不戮一人而事定興義苗鬪大府已勒兵公曰苗為民欺忿鬪耳願以身保萬眾使使開諭之果帖服其銳身為民謀類此苗俗惑怪魅齊動以浮言公擇一二事嚴懲釋眾懼令其地所謂焚木妖致甘雨等事是也居數年民俗丕變勤本業泯鬪訟大府甚重之公強直自遂所至能無屈其氣天子尤深鑒焉二十五年擢陝西潼商道道光二年擢浙江按察使遷甘肅布政使旋調山東三年巡撫山西丁外艱服闋還朝署禮部右侍郎七年授總督倉場侍

郎。九年授漕運總督。漕運為國家倉儲首務。歷二百載。吏丁窟穴其中。為邢利。公曲計諸弊。所由始。自收徵兌運。聞嶺倉胥諸竇。皆潛察而鼠空之。故廉入而用裕。轉運以時。無觝滯。時公有疾。以別釐積弊。廢寢食數日。形骨立。扶掖以起。見省憂之。而卒無恙。人問所藥。曰。我不知疾。惟見官事當了耳。問官事何能了。曰。我先治。我亦不知為治官事者。十年調廣西巡撫。旋兼治兩廣總督。異地接外洋。俗獷悍。玩禁令。乃申法制。釐海舶。抑外班。攘斥夷館。凡興利治弊。皆不動聲色。有所勾攝。率官弁曰。往某處。莫知其事。至則談笑就緒。故公在粵數年。秀民草面。而西洋諸國皆震龍。奉約束。惟謹。惠潮民喜械鬪。屢興重獄。公痛繩之。飭吏事自無寬濫。始有馮某者。逆強。趙金龍殲其家族。而囚其父子。未殺。亂定。在囚俘中。公一見曰。此冤民也。訊得實。立釋之。每秋審。讞囚平反尤眾。十三年夏。以病屢請告。得俞旨。且諭病痊可。速來。百姓送者空一城。或繪像以祀公。每任一官。必有數事卓卓在人口。皆古大臣所深計。而必為者。所餘廉俸。去時必留備荒。歲自奉極儉。儼為寡人所不堪。居家六年。自號覺修。日與鄉里學者。考論行誼。孝弟。睦睦諸大端。皆身先之。而平日在官。或民事不得終治者。如浙江海田。廣東械鬪之類。時取取懸諸心口。視世俗尚且之治。慨然若叢垢之被其體也。天子屢垂詢。冀其疾愈。士民望公復起。如占歲焉。十九年十一月。薨於里第。年七十有三。遺疏聞上。褒賚。照總督例。賜卹。賜祭。葬。予諡。壯恪。賞六歲子。鎮舉人。皆異數也。公宅心游目。不在三代下。其為治。以教化為主。內不動以欲。外不可屈。

以勢一意於國計民瘼孤立不懼與人交專以道誼切劘如潘布衣詔其一也涖官明而能恕所舉劾無不服其公察屬奉法非徒以嚴見憚而已其令行禁止有莫知所以然者在粵東有折毀英夷馬頭事夷心懾服相戒不敢出一言尤為人所稱仰云

鄧澗鈞制軍事略

公諱廷楨字澗鈞江蘇江甯人嘉慶六年進士選庶吉士授編修乙丑戊辰會試及戊辰順天鄉試皆為同考官十五年出為甯波知府母憂服闋補延安府調西安時南鄭韓城有死囚皆受誣公平反其獄又以全同州蔭母子事陝民歌頌由是譽流京西道光元年超遷湖北按察使權布政使請免田入江而稅銀在民者十餘萬兩遷江西布政使權江西巡撫以前守西安失察屬吏事免歸旋命以七品銜赴保定起為通永道陝西布政使權陝西巡撫六年擢安徽巡撫自嘉慶時皖中多大獄信臣覆案官吏多得罪而獄歷久愈疑鳳穎俗尤悍常以兵足變公至又值水災乃親乘舟賑卹尤精察吏所任皆得人悍民畏威餘亦不敢幻訟在安徽十年俗乃大和所舉任後多至大僚十五年遷兩廣總督時方議鴉片烟禁公議奏法行於臺貴則小民易從令嚴於中土則夷貨自絀上是之未幾林文忠公以欽差大臣至廣東啖夷遂輸烟入官甚悔罪已而中變以兵船回泊尖沙嘴進至穿鼻公飭將士迎擊六戰夷皆傷退公在任不得入虎門林公既改督兩廣自廣東外夷易犯者莫如閩故改公兩江及雲貴總督皆未行而卒調公督閩浙二十年四月夷

船泊穿山洋。及梅嶺廈門。擊之皆走。援定海。至清風嶺。得旨卻回。蓋是時夷方銳欲入閩。而閩之海防地道多。兵力散。公往來泉州廈門間。曙行宵征。籌應捷出。晝更夜牘。且詢且披。無一夕得安枕。生前在兩廣。兵吏捕烟不力。奪職戍伊犁。二十三年。召回。起為甘肅布政使。二十五年。再授陝西巡撫。時番賊屢擾蒙古游牧。公先權陝甘總督。即邀擊於疏曠。溝。得所失馬牛羊以萬計。八月抵陝時。已積勞久。時時欲乞休。以前後受恩重。未敢請也。二十六年二月。薨於位。年七十有二。得旨軫悼。賜祭葬如典。公機神高朗。外容異量。而制行內嚴。自侍從歷封疆四十年。屢起塵躡。無幾微得失。意見於顏狀。上亦諒其素而終任之。有及見公年少者。皆曰如諸生時。遇學人文士薦寵。講論不倦。於詩及古音韻學。所得尤深。至世俗好尚。一不以綴意。尤精於吏治。有神明稱。其守西安也。有漢中營卒鄭魁。坐置砒饈中殺人。論死。賣砒者。賣饈者。及隣婦之為左證者。皆具獄成。公疑之。乃密呼賣饈者前曰。汝賣饈日幾何枚。曰。二三百。一人約買幾何。曰。三四枚。然則汝日閱百餘人。曰。然百餘人形狀姓名日月。汝皆識之耶。曰。不能。曰。然則汝何獨識鄭魁。以某日買汝饈也。其人愕然。固問之。曰。我不知也。縣役來告曰。官訊殺人者已服矣。惟少一賣饈者。鄭魁為之證。訊鄰婦言為役所使。如前言。惟賣砒者為真。蓋死者嘗與鄭魁有違言。以瘋犬死。其唇青。而魁賣砒實以毒鼠也。同州蔡者。以事出其繼子。子無所歸。訟至省。公佯怒曰。此逆子也。當杖死。繫柱礎下。故久治他事。而潛令人以茶餅給其子。子以奉母。母怒不食。奉其叔。

叔食之。至日暮。公度其母見子儻然。繫庭中。時時顧日影待斃也。意且悔。乃密呼其叔曰。汝嫂癡人耳。試以我意語之。汝撫六歲兒至娶婦。婦死更娶。勞苦甚矣。願信族人言。有好兒子。將為汝嗣。汝幼而撫者不能子。願能子長兒子。彼利汝財而嗣汝。願能孝養子。汝死財與子。吾族人。有也。即汝何利。必欲出子者。明日官為汝杖決無難也。叔叩頭出。次日母子來泣謝。不復言出子事。此雖一節。可以見公之精敏矣。及為大吏。尤嚴束儉從。無妄索。嘗閱兵當塗。或問令曰。厨傳費幾何。曰。二十千。聞者以為難。子爾恒由編修官至巡撫。爾願雲南。趙州。知州。

陶文毅公事略

道光十有九年六月二日。太子少保兩江總督陶公薨於位。天子震悼。詔以公任事勇敢。不避嫌怨。堪式百辟。加贈太子太保。入祀賢良祠。予諡文毅。並敕建專祠於淮北之板浦場。明年又特允名宦祠之。請不由部議。於是公之勲績。益炳著於東南矣。東南大計。莫如鹽與漕。二百年來。官民交困。大都由文法委曲繁重。致利不歸上。不歸下。而盡歸中飽。間有講求更革。釐剔者。則中飽蠹蝕之人。交起而持之。畏事者。率卻步徐視。莫敢肩其任。道光五年。漕河大梗。詔江南大吏議海運。維時上海關僧撓於南。通倉胥吏撓於北。屯船丁役撓於中。不曰風濤。則曰寇盜。不曰霉變。則曰繁費。天子移公自皖撫。吳毅然以身任之。首致百六十萬石。由海達天津。每石僅用銀四五錢。視河運省費一倍。人始知海運利國。

利民為東南拯救第一策。不得以風盜籌費之說相籠。道光十年。公督兩江。承釐政蠹壞之後。如淮南之窩價。淮北之壟橫。兩淮之岸費。皆浮糜數百萬。仰食其間者以億計。當事洞悉其弊。而不敢動。公謂非減價不能敵私。非輕本不能減價。非裁冗費不能輕本。遂奏裁淮南窩價。岸費。場費。二百五十餘萬。淮北則創改道。不改捆之制。歸販不歸商之制。每歲暢行。倍額溢課數十萬。盡償淮北之帶殘。且劑淮南之懸引。嘗欲推廣其法於淮南。雖以衰病不果。而天下皆知票鹽減價。敵私為正本清源上策。不復為綱法所縛持矣。然方公再議海運。則南漕北倉。撓之議。裁醴費。則窩商蠹吏。撓之議。截糧私。則長蘆漕院。撓之議。改票鹽。則壩夫岸吏。撓之議。羣議沸騰。奏積盈尺。使公仔肩稍不力。上之倚任稍不堅。必且不能善後。乃知公之犯勞怨。而事未嘗不舉。蓋由遭遇聖明。而海運與票鹽後之人所宜廢其緒而恢之。以蘇東南之困。而為國家籌百世利也。公諱澍。字子霖。號雲汀。湖南安化人。嘉慶七年進士。選庶吉士。授編修。十五年典四川鄉試。著蜀轍日記。於西南形勢。利病如指掌。改御史。疏劾部員。戀棧忘親。及吏部重籤。河工冒濫。外省吏治諸積弊。又條陳三急五宜。以靖匪徒。屢稱旨。巡視中城。決滯獄八百有奇。遷給事中。巡視南漕。盡革陋規。會漕艘阻冰高郵。禱於露筋祠。一夕凍解。奏膺封祀。尋授川東道。有異政。二十五年。宣宗即位。川督蔣公攸銜陞見。奏公治行為四川第一。可大用。遂擢山西按察使。入覲時。欽交三案。令赴任審辦。是為公受上知之始。每遇京控獄。多直交臬司。不由巡撫。前此未有。

也。道光元年。擢安徽布政使。安徽庫款虧空。歷五次清查。未得要領。公悉心鈎考。分別應劾。償應豁。於是三十年轉輸豁然一清。因奏定章程十則。嚴交代。禁流攤。裁捐款。俾有司得專力治民。三年就運巡撫。太平甯國旌德三縣不通水道。漕米向民折官辦。公奏請由司庫領銀抹辦。之限徵還。以杜借墊之弊。是歲水災瀕江三十餘州縣田廬盡沒。公親勸賑。遣官赴上游買米十萬石。勸捐數十萬金。區畫周至。民不流亡。明年宿州懷遠大蝗。公禱劉猛將軍廟。有青蛙烏鵲無數。一日食蝗殆盡。奏聞特頒御書匾額。公以水災既退。水利宜興。親勸壽州之芍陂城西湖。懷遠之郭塘陂荆山口。鳳陽之花源湖鳳臺之焦岡湖及濱江之圩垸堤壩。次第籌濬。又奏設豐備倉於各屬鄉村。秋收後量力各捐。不經吏役不減糶。不出易。不借貸。歲歉即全散之。樂歲再捐。以數歲救一歲之荒。略如社倉法而去其弊。其後復於江蘇仿捐豐備倉穀各數萬石。創修省志。表章忠節。上及元明陽湖武進上元等縣。以一次而題旌節孝三千餘人。或五百餘人。創建總坊。其盡心教養多類此。五年夏移撫江蘇。值河淮交病。漕運中阻。奏請以蘇松常鎮太倉之漕百六十萬石歸海運。親赴上海籌商船。定雇值。檄崇明狼山及山東登萊諸鎮。會哨海口。以壯聲威。各艘由吳淞口出崇明十澱。轉成山。入直沽口。水程四千餘里。旬月抵天津。無一漂損者。上遣重臣赴驗米色。率瑩潔。過河運數倍。海商運漕而北。載豆而南。兩次得值。復由部發帑收買海船。耗米十餘萬石。漕項銀米。米自解津應用。及調劑旗丁外。尚節省銀米各十餘萬。事竣優詔褒。

美賞孔雀翎。明年疏陳海運章程八條。欲永甦三吳之漕困。以格於部議。未竟也。道光三年。吳中水災。由太湖入海之路不暢。吳淞黃浦劉河。即禹貢三江遺跡。自黃浦奪溜。而吳淞中幹日微。劉河則幾全淤。是以水無所泄。當事屢議修濬不果。公疏言今日治水。以吳淞為最要。治吳淞。以通海口為最要。請以海運節省漕項銀二十餘萬兩興工。得俞旨。八年三月竣工。海潮直過崑山而西。水深二丈以外。其攔潮大壩內外刮刷淤泥立盡。公復請借帶徵緩漕十餘萬石。變價為濬瀏河之用。部議未允。及遷總督。復與巡撫林公則徐合疏。言劉河與吳淞分流。東達太倉。為元時海運出口之路。其分支為白茅。受常州諸水。由常熟昭文入海。近皆淤塞。關數州縣田賦之命。若開通海口。則潮沙復虞。倒灌莫若挑成清水長河。工省而利永。其海口各建石壩。置涵洞。平時築閉。以禦渾潮。潦時放水歸海。共估劉河工十六萬有奇。借帑攤徵。白茅工十一萬。兩官民捐辦。十四年工竣。適太湖蛟水驟漲。盡啟劉河白茅海口各壩。不三日水消。歲仍大熟。父老皆歡。以為百餘年來所未有也。吳中蓮道。莫盛於徒陽蓮河。而練湖為其上游。孟瀆則其旁支。公自巡漕時。已條奏利害。及撫江蘇。並事請。永於六年大濬時。首將諸溇灘加浚。以除漕船咽喉之梗。至是復籌款二萬金。先復黃金關。為練湖關鎖。并改建丹陽之黃泥關。以蓄金湖之水。而運河之上游治矣。其常州孟瀆河。早則引江湖以灌田。潦則宣洩入江。每遇蓮河。冬月挑濬時。尤為商船出入要路。自公加濬孟瀆。及德勝溇港二河。而運河之下游亦治矣。其受總

督事也。值私梟黃玉林伏法。刑督臣大學士蔣公。及鹽政運司皆獲譴。上命戶部尚書王公鼎侍郎寶興公。赴兩淮會審。改法為課歸場。憲之計。公謂除弊即所以興利。因條上章程十五則。王尚書等。遂請裁鹽政歸總督管理。以一事權。公於是殫心力以釐積弊。其大端。著有成效者四。一曰裁浮費。以輕成本。凡公費運費。岸費窩價數百萬。其利皆不歸於納課行鹽之商。故成本日重。公一切裁減。復裁贖政陋規十六萬。有奇。繳還鹽政。養廉費五千兩。本源澄而浮冒絕矣。一曰慎出納。以重庫款。蓋庫不分正雜。虧那百出。又有總商完庫不行鹽。而專領費。甚至捐輸皆出庫墊。冒支從不報銷。公奏分二庫。以正項貯內庫。備部撥雜項貯外庫。革總商以杜侵漁。永禁印本減帖諸名目。俾勿貽後患。一曰禁糧私船。私以清網銷糧。艘回空。向帶長蘆私鹽。公力禁之。漕督以調劑窮丁為詞。奏請許帶蘆私。仍完准課。御史亦以為言。公三疏駁之。謂不但病漕。亦且滯漕。堅持定議。蘆私遂絕。至儀徵商船。有借官行私之弊。公一切禁杜。又力主散輪。隨到隨售。而久滯報淹之弊亦少。一曰革五壩十積。以清淮北。北鹽十年無課。徧地皆私商。道岸懸蓋。由運道迂而成。本重公決計改票。減稅裁費。不數月。商旅輻輳。場鹽一空。化私為官。皆從來所未有也。初淮南以十年行六綱。淮北以十年行三綱。虧帑本七百餘萬。而以帑利貽惠。後來立豫納減納帖息諸名色。以數十年後之課。豫虧之於數十年前。至道光八年十年間。則已無可那墊。無可借貸。公承極弊之後。泣事八載。完正雜銀二千六百四十餘萬兩。而在岸緩納之課。

尚不與焉。庫貯常寶存三百餘萬。又帶銷辛卯以前殘引百三十餘萬。帶徵還未銷印本積欠後價。統引殘課三百數十萬。以代償前人之欠。公自任督撫以來。若治皖之荒政。及清釐庫虧。治吳之二江水利。他人得其一。皆足名世。而海運要隘。皆百世之利。後之籌國者。必將取法焉。公受成皇帝特達之知。每述職。召對十餘次。造膝密陳。言無不盡。嘗面奏。齟務已有起色。總督事繁。請復設鹽政。溫諭不許。並垂詢里居山水。御書印心石屋四大字。賜之。兩次考績。皆優敘。十二年。捕獲烏匪。奉手赦云。卿為幹國名臣。朕亦獲知人善任之名矣。十七年。公壽六十。御賜福壽字。并賜額曰。綏豐錫祜。他珍物十六種。十九年二月。因病。疏請開缺。手諭云。卿體質本非不足。緣費心太甚。氣血不無消耗。惟望卿不日全愈。來京面晤。以副眷注。委任之表情。卿其善體之。堯年六十有二。公虬髯。山立。洪音瓌辨。絕類湘澗。陳恪勤。公生平宗仰亦在是。遇事奮發。義形於色。而胸懷洞無城府。待人表裏如一。用人必盡所長。凡所拔擢。至方面節鉞者。皆有名於時。生平嗜風雅。留心文獻。於地形水利尤究心。嘗登溱山以望淮。登虞山以望海。登雲臺山以望淮。海形勢。所至賦詩紀事。俯仰古今。隱然以一身為江淮保障。自公卒後。東南乃稍稍多事矣。公嘗建惜陰書舍於江甯。震川書院於嘉定。敦善書院於海州。以惠學者。巡城時。建悅生堂。以贍京師窮民。回籍時。捐漁稅。議禁畧斷。以利資江之行旅。他敏行不可勝紀。所著印心石屋文集五十六卷。奏議七十六卷。陶桓公年譜四卷。淵明集輯注十卷。靖節年譜考異二卷。蜀輜日記四卷。

子梳恩賞主事候選道

何文安公事略

京師冠蓋之數。高官大第。祭戟相望。獨道州尚書何公。起家儒素。游涉崇峻。宸眷優異。舉望隆碩。下為聲勢。恒祿家庭。澹靜。動履平實。門生屬吏。及鄉黨後進。環集聽教。誨劬細如老儒。諸子樸謹者學。一時魁儒雋才。靡不階進。書冊金石。不脛而至。閩內皆布衣。而壺殮欸客。論文詠古。無虛日。天下士翕然歸之。蓋以文章道德。繫中外望者數十年。告終前夕。有大星隕於庭。嗚呼。豈偶然哉。公諱凌漢。字雲門。一字仙槎。幼奇慧。年十六。州府試皆第一。補諸生。孤露寒苦。益力於學。夜不能具燈燭。恒燃松枝自照。讀經書必兼傳注。天人廖氏嘗竊祀於背。躬刈薪。致傷左目失明。州牧汪某。為加賦事。以抗糧拘諸生數十人。解永州府。太守王公宸。即拔公於郡試者。見公名曰。此真讀書人。他日必成國器。特省釋之。後案至省。久之獄雖解。而諸生已疲斃七人。汪牧由刑幕起家。能著書。廣聲氣。公恒歎酷吏之可畏。而欺世盜名如汪者。世尤多不察也。嘉慶六年。充選拔貢生。廷試一等。為禮部司官。有雜職司官被議。鐫級。聲言乾隆某年有恩詔加級。或以無冊可稽。駁之。公曰。冊雖毀。恩詔固在也。冢宰聽之。九年舉順天鄉試。明年成進士。殿試卷進呈。名在第四。上以筆墨飛舞。拔置一甲第三。授編修。十二年充廣東副考官。復命日上詳詢。與中吏治。與正考官花公杰。據所聞以對。次日奉旨查辦。明年分校順天試。十九年遷司業。轉中允。充日講起

居注官。升洗馬。轉侍講。侍讀。右庶子。二十四年。典福建鄉試。擢祭酒。道光二年。典山東鄉試。留督學政。轉侍讀學士。每試日。靜坐堂上。校閱。胥役悉閉置一室。嘗奏云。場中多一查弊之人。即多一作弊之人。又云。臣以為防弊之道。尚挈其要領。無事煩苛。手救宸許甚溼。試院中。忽產著六筮。數日高七八尺。因顏曰。瑞著書屋。並為之記。刻試牘。附以論文十三。則推本於明理養氣。令求之天人性命之際。設課程。督諸生治經。科試年總冊中。令自注。誦習何經。以便考校。故乙亥科拔貢生。多治樸學者。四年。轉。通政司副使。六年。擢順天府尹。時前尹朱公為弼。無被議事。而左遷府丞。公蒙特旨除授。召對時。有人品學問。朕所深知之。諭。蓋在帝簡中久矣。甫蒞任。聞抱養育嬰堂幼孩者。須以數十金買龍票。左革其弊。立內號簿。飭屬訊案。每月按簿催結。無留獄。八年元日。逆回張格爾就擒。上以公支應兵差妥速。兩次命優叙。順天所屬。收令。擢至四路同知。更無升途。公以人才須鼓勵。會大名府缺出。與直督會奏。得旨。以西路同知辛文止補授。遂開此例。京畿獄訟繁多。自府縣所自理外。由刑部都察院提督府奏。咨送無虛日。公盡心研究。大要以罪疑惟輕。務歸仁厚。惟兇盜案件。謂宜懲一警百。獄治皆從嚴。十年立春日。循例進春。上召問春牛顏色。起於何時。公奏。月令稱。出土牛。並無顏色。宋時。頒出土牛。經支幹各色。略與今同。始於仁宗景祐間。其博洽強記多類。此七月命。皇長子在祭孝穆皇后陵寢。公以大雨時行。橋道難恃。請改派親王大臣。上深然之。即改派。署後有廢園及亭。因時花竹。為退思之地。顏曰。佳。

晴喜雨快雪之亭。志無忘民事也。八月授大理卿。仍署府尹事。十一年署兵部右侍郎。授左副都御史。遷工部右侍郎。兼管錢法堂事。署禮部左侍郎。典浙江鄉試。留督學政。重經解。訪優行。試事整肅。士習日淳。每試得經術士。命教官補優。舉行以勵之。胥吏冒用頂戴。藉作護符。嚴示禁革。試院門前桃李。學使儀殿。阮公所署也。補植桃李數百株。蔚然成林。特命公偕督臣程公祖洛。荆山陰。會稽紳幕書。復句結舞弊一案。獄成。帝嘉其明。允。十二年調吏部右侍郎。兼順天府尹。命既來京供職。時歲試未竣也。吏部議捐賑鼓勵章程。有候補各員。准捐儘先補用一條。已具彙矣。公適由陵工歸。司員陳起詩。上說帖於公。謂如此則正途之缺。轉為捐班所有。而正途亦非挾資。不得於官方。吏治所傷實多。公曰。君言是也。議遂寢。調戶部左侍郎。兼右侍郎。管錢法堂事。再調吏部右侍郎。仍兼戶部右侍郎。時湖廣總督訥爾經額公。奏苗疆屯防變通章程。命戶部議奏。同官因係湖南事。專屬公具彙。公乃援據舊章。體察見在情形。準駁相半。總歸於遴選才能。代謀生計。同官折服。十四年升左都御史。兼府尹如故。賜紫禁城騎馬。管工部尚書。兼署左都御史。奉命查勘明陵。充經筵講官。十五年充會試副總裁。教習庶吉士。十六年奉永柱回漕鋼弊。公飭查順天各屬大小水路。繪圖籌緝。始奏定。水次鋪戶。存貯麩米。不得過十石之例。疊署吏部尚書。十七年吏部因京察。一等人員。有先由御史改官者。已議駁矣。公以不勝御史。非不勝外任者。比苛繩。恐妨言路。援筆改議。遂奉俞旨。十九年調戶部尚書。仍署吏部尚書。充順

天鄉試副考官。時長子編修紹基亦典試福建。距公使闕時。凡二十年。父子同科。與京外試。前此惟乾隆丙子科。劉文正公文清公。庚戌科。劉文定公及青垣侍郎而已。後先濟美。同列榮之。公於吏工戶三部。皆久任。遇公議。多賴公主持。從容正直。熟思利弊。鉅細一無所苟。於政體人才。特為顧惜。戶部假照案發。先後在捐納房。司員皆獲咎。公從容為上言。其中人才。甚有可惜者。而許其捐復之旨。隨下。考功司議。有近於文致者。必往復剖論。冀存寬大。工部素稱壅滯。於司員中。拔其樸實任事者。黃緣既絕。升轉之路。遂通。嘗因病起銷假。精神未甚復元。上顧而覺之。再給假十日。諭無庸具措。次日。公子紹基以編修輪直召對。上知公次子紹業知醫。詳詢進藥狀。且曰。聞汝甚能讀書。何以不知醫。紹基惶惑。伏謝。上笑曰。藥力難恃。朕所賞復枝。真老山種。固不易得。乃荆芥大黃。亦有作偽者。故用約不可不慎也。二十年正月。值孝全成皇后。優齊集西淀十餘日。歸寓。偶病寒。猶力疾趨公。尋疏請假。甫命下。遽薨。年六十有九。遺疏入。上嗟悼久之。贈太子太保。賜祭葬。予諡文安。禮部來文曰。據諡法。勤學好問曰文。止於義理曰安。國初有得此諡者。後皆追奪。二百年來。至公乃蒙恩特諡。異數殊榮。盈廷驚聳。始悟聖主知公之深。眷公之篤。迥越尋常。咸以年未古稀。不及一踐揆席。竟負霖霖之用。重為可惜也。而公之一生。履跡中。亦實堪與先儒陸文安公。金文安公。魏美云。公孝友純篤。父廩生文繪。以學行重一時。嘗授徒白牛山。遇疾。距家三十里。公昏夜疾趨。中途值雷雨。忽紅燈前導。至郭舍。一賣腐翁延入。

少憩。遣童子送至館而別。後訪之。失所在。蓋孝思所感也。設教於家。孰鶴鳴軒。教法詳盡。從游者自遠。至軒庭。至不能容。雷震庭樹。弟子皆病。悸公方靜坐。若不聞知。有井水清而苦。鹹為文。祭之得甘。既貴後。有門下士病風邪。狂舞於街市。書片紙諭之。立愈。其正直之氣類此。與兄凌瀨。手足依倚。未嘗暫離。為翰林時。嘗會文。夜歸邊。見兄坐候於門。後遜節。飲蚤歸。晚年友恭。彌篤。居兄喪。悲痛切摯。朝紳咸為愴動。時已官大司空。攝冢宰。年六十五矣。居恒社敬。刻厲無歌坐。無疾趨。獨坐必歛容。急遽時作字。必裁劃正坐。而後書。畫鄭君及周子二程子。張子。朱子像。懸齋壁。昕夕瞻仰。家範嚴肅。稱於時。通籍四十年。未嘗一干吏議。在詞館。苦攻如諸生。自官書。自立程法。國史傳志。手錄其子目。以便檢閱。於蒙古地名。滿洲人名。尤詳悉。總辦起居注。所為前後序。掌院曹文正公。稱為傑作。選誥冊文字。重大者。多屬公撰擬。以公書法。重海內。屬敬書。全唐文。御序。兩次以講官。隨園。命和御製甚多。朝鮮琉球。貢使索書。應之不倦。詩文酬答。則堅不與通。壬申戊寅大考。皆優等。賜文綺。辛未甲戌己卯。皆教習庶吉士。殿廷文字之役。派閱覆試。朝考散館試差。大考及漢教習卷。絡繹無間。前後尹京。兆最久。凡察吏安民。弭盜備荒。諸政。不勝書。任京尹時。與兼尹盧文肅公。陸文恭公。和衷相得。任兼尹時。尹京者。吳公傑。曾公望。顏。皆以精強久任。每有要事。恒就公寓。熟商。公子持紙筆侍側。具稟疏奏。不令書吏知也。在吏部時。同官如恩文肅公。卓文瑞公。精敏綜核。議事多從嚴。公常以大體爭之。初若齟齬。卒無不轉圜者。典

試督學。及教習庶常。皆請誦訓。誠如子弟。故門下士以經濟學術稱者甚眾。勳佑督修諸要工十餘次。承辦龍泉峪陵工。奉旨改派公任。每有違權。必違他職。九掌文衡。五權冢宰。四派經筵。直講以京兆。而歲賜後。紹以尚書而賜頭等。後紹六次賜福字。皆特命。入乾清宮侍書。龍光稠溼。可謂極儒臣知遇之榮矣。督浙學時。試甬波。以宋元學案發策。士無知者。因屬諸生。勤為蒐訪。原書百卷。次第從舊藏書家得之。命門人王梓材沈垚馮雲濠與子紹基校定付梓。為序以行。所著詩文曰雲腴山房集。子紹基。丙申進士。官編修。紹業。陰生。少慧。通天文算法。先公卒。紹祺紹京皆舉人。

清朝先正事略卷之二十五

平江李元度次青纂

名臣

林文忠公事略

道光三十年春。文宗皇帝既嗣服。下詔求賢。時太子太保雲貴總督侯官林公。方引疾家居。大學士潘公世恩。尚書杜公受田。文章以公應詔。奉召入都。未即至。九月上。以粵逆洪秀全等。稔亂。特命公為欽差大臣。馳赴廣西督勦。尋命署廣西巡撫事。公故嘗督粵。威惠著聞。中外想望。手承至是。力疾出。粵民額手相慶。賊黨散大半。洪秀全懼。謀遁入海。十一月。公行次潮州。竟遺疏入。上震悼。優詔議卹。賜祭葬。予諡文忠。自公薨後。軍民失所倚。賊寔不可制。未幾。踰嶺涉湘。絕長江。踞金陵為窟穴。蹂躪遍天下。又十四年。竭海內全力。塵尤不始此也。先是公總督湖廣時。鴻臚卿黃君爵滋。疏請禁鴉片以塞漏卮。有旨下中外。大臣公議。條上利害。深切著明。宣廟嘉焉。十八年。冬。命以欽差大臣。派廣東。查辦海口事務。明年補廣東總督。公宣諭德威。繕守備於虎門各海口。添建砲臺。設木柙鐵索。奏移高廉道駐澳門。撥諫水師資控馭。時通商之國。以十數。咸傾心受約。束惟啖咭喇。持兩端。九月。夷目義律等。以索食為名。糾師船犯大沙嘴。公遣參將賴恩爵擊走之。斷其接濟。尋六祀。

海口皆受懲創。義律潛赴澳門。倩西洋夷目遞說帖。求轉圜。公以其言不可信。奏請相機勦撫。並請赦福建浙江江蘇諸督撫。嚴防各海口。復奏停其貿易。俟人屬撼之不動。則大懼。既以粵之無隙可乘也。乃改圖犯浙。陷定海。掠甯波。沿海騷動。在事者莫能折衝禦侮。爭歸咎公。因中傷之事。垂成而敗。代者至。悉反公所為。恐和議之不速成也。撤公所設各隘兵。以媚之。倭人遂徑犯巢城。公知事不可為。具遺疏以待圍解。命以四品卿銜。赴鎮海軍營效力。尋調戍伊犁。海疆事自此益棘。王相國鼎湯協揆全鈞。至以死生去就爭之。卒為忌者所持。不能得。向令公得始終此事。決裂不至此。公之為天下重也。可勝道哉。公諱則徐。字元撫。一字少穆。晚號蒞村老人。父賓日。歲貢生。家貧力學。以經術振後進。有子三。公其次也。生警敏。長不滿六尺。英光四射。聲如洪鐘。每劇談。隔舍數重。聆之輒了了。年十三。郡試冠軍。補弟子員。二十舉於鄉。就某邑令。記室。閩撫張公飾誠。見所削牘。奇之。延入幕。嘉慶十六年。公年二十有七。成進士。選庶吉士。派習國書。授編修。益研究經世學。雖居清秘。於六曹事例。因革。用。人。行政之得失。綜核無遺。識者知為公輔器矣。典江西雲南鄉試。分校己卯會試。咸得士。二十五年。補御史。海寇張寶投誠。後累官副將。至是擢總兵。公慮其愈驕。蹇不可制也。疏劾之。仁宗聽其言。授杭嘉湖道。修海塘。興水利。士民德之。會聞父病。即引疾。不待命馳歸。道光二年。授淮海道。明年擢江蘇按察使。決獄平恕。民頌之。曰林清天。尋丁母憂。明年奉旨赴河南。督修隄工。工竣。仍回籍。六年夏。命署兩淮鹽政。以未

終制辭不拜。七年按察陝西。遷江甯布政。父憂歸。濟福州西湖。以惠柔祥。十年夏。補湖北布政使。尋調河南。十一年復調江甯。遂擢東河總督。疏辭。優詔不許。尋奏言。稽料為河工第一弊。端其門塼灘塼併塼諸名目。非抽投折視。難知底裏。已將南北十五廳各塼查勘。玩弊者察治。得旨。向來河臣查驗料塼。未有如此認真者。十二年春。調江蘇巡撫。吳中海。饑。公奏免通糧。籌賑卹。清釐各屬交代。盡結京控諸獄。昧爽視事。夜過半方息。數年如一。日馬會考績。疏言。察吏莫先於自察。必將各屬大小政務。逐一求盡於心。然後能舉以驗屬吏之盡心與否。若大吏之心。先未貫徹於此事之始終。又何從察其情偽。臣惟恃此不敢不盡之心。與屬僚事事求實際耳。公此言。蓋生平得力處也。先是公在江藩任內。以各屬水災。建議倡捐者。賑資送留養。收孩瘞棺。捐衣勸糶。養佃典牛。借籽種。禁燒鍋。凡十二別。經江督陶公澍奏行。至是事竣。在事者得獎叙。公之為臬司也。奉詔綜辦三江水利。以憂歸。嗣經陶公奏。允孟瀆劉河。分年籌辦。至是孟瀆工竣。公以劉河為三江之一。淤墊尤甚。請勦辦。從之。又言。江蘇錢漕倍他省。其中有緩有急。有新有舊。勢難一律清款。與其漫無區別。徒令剝肉醫瘡。莫若專嚴於提新。而暫緩於補舊。新款果能全解。是州縣無新虧。而舊欠亦可冀彌補。得旨。竭力為之。江南人文甲天下。鄉試恆萬六七千人。入鑠院時。竭一晝夜之力。不能畢。有擁擠仆斃者。公創設信炮。立燈牌。陰以兵法部勒之。日晡而畢。十七年春。擢湖廣總督。荆襄苦水患。歲以為常。公修築隄工。躬自監視。奏籌襄陽等屬盜務。

緝私事宜。及辰沅道。爲苗蠻屯務事宜。皆如議行。尋疏報南北兩省。擊獲奸民。興販鴉片。各情形。實書褒美。又以江漢安瀾。請列漢神於祀典。從之。十八年冬。入覲。賜紫禁城騎馬。遂有粵東之命。公之在粵也。秦虎門。收繳啖咭喇。楚船鴉片。已十逾其八。得旨褒叙。又奏請勦撫兼施。手敕報曰。既有此番舉動。若再不柔弱。則大不可。朕不慮卿等孟浪。但誠卿等不可畏。愈先感後德。控制之良法也。尋請停貿易。又諭曰。該夷自外生成。是彼曲我直。中外咸知。尚何足惜。公前後所陳。皆稱旨。爲忘者所中傷。卒不安其位。而天下自此多故矣。公議戍時。河決開封。首輔王公鼎出視工。疏留公督辦。工成。仍就戍。有門下士官陟迎謁公。竊爲不平。見公談笑自若。不敢言。退謁鄭夫人曰。甚矣此行也。夫人曰。子母然。朝廷以汝師能舉天下大局付之。今決裂至此。得保首領。天恩厚矣。臣子自負國耳。敢憚行乎。公在塞外。奉命勘辦開墾事宜。親歷庫車。阿克蘇。烏什。和闐。喀什噶爾。葉爾羌。及伊拉里克。塔爾納沁等城。縱橫三萬餘里。水利大興。稍暇。則以筆墨自娛。公書具體歐陽。詩宗白傅。在官事無巨細。必躬親。家居必熟訪民間利病。白諸當道。求題詠者。雖踵接不服。應也。至是始得肆意。遠近爭寶之。伊犁爲塞外大都。會不數月。繡楮一空。公手蹟徧冰天雪海中矣。二十五年秋。賜環。以四品京堂用。十一月。命署陝甘總督。會野番肆劫。先飭鎮將防護。馬廠時承平久。營政弛。公出按邊。命演巨礮。舉營無知者。一老卒能之。公授以官。士氣爭奮。尋勦捕番族及漢奸殆盡。明年。授陝西巡撫。賊中旱。民不能耕。爭殺牛以食。公曰。如此則來

歲又饑也。飭官為收牛價。其值勸富民質牛。予以息。次年乃大有秋。二十七年。遷雲貴總督。滇中漢回構釁。垂數十年。焚殺無虛日。議者各有所袒。莫能決。公至。諭之曰。止分良莠。不分漢回。適回民丁燦廷赴京。疊控漢民沈正達等。有司提犯解訊。保山民糾眾奪燦官署。搜殺回回尸。并抗驅鎮道兵。公提兵出勦。遂次聞趙州之彌渡。有客回向土匪滋事。遂就道勒彌渡。破其柵。殲匪數百。保山民股粟。縛犯迎師。公召漢回父老。各諭以恩信。復乘勢搜獲永昌順甯。歷年拒捕戕官土匪。寘諸法。得旨加太子太保。賞戴花翎。引疾歸。滇人繪像以祀。家居倡驅夷議。大忤當事。外夷方為倣迹。而當事思中傷之。會璽書召用。護者乃止。時方以西洋為憂。後進成。就公請方略。公曰。此易與耳。終為中國患者。其俄羅斯乎。吾老矣。君等當見之。然是時俄人未交中國者數十年。聞者惑焉。公之薨於行臺也。易箚時呼星斗南者。三年六十有六。公服官江南最久。以吳民苦賊重。講求漕政。不遺餘力。在粵時。中旨詢江南漕務。公條舉四端。曰。本原。曰。補救。曰。本原中之本原。曰。補救中之補救。宣宗褒許。擬俟興東事畢。次第施行。文宗之召公也。將使籌畿輔水利。即公前所謂本原中之本原者也。以二聖之知公之深。任公之重。以公報國憂民之心。一在無所卻顧。而卒不果行。惜哉。然公於政事。無所不盡心。而其尤關天下治亂之數者。則以辦夷務。勦粵寇二者為最鉅。而皆齎志以終。此海內士大夫及婦人孺子。聞公薨。所由太息流涕。共為天下惜者也。公天性孝友。事事以養志顯親為念。自奉儉。而資助族戚。歲必數千金。尤愛士。所至

必擇其秀異者。召入官署。勛以學行。家居凡族姻中子弟讀書者。約期治膳。集而課之。曰。親社性聰察。摘伏如神。馭左右嚴。每黑夜潛行。躬自微察。無敢因緣為奸。然待人以恕。接人以謙。人咸樂為之用。與人言。必令反覆詳盡。得達其情。道人善。孜孜若不及。善飲喜奕。服官後。皆卻弗御。好勤動。輿處數十年者。未嘗見其袖手枯坐也。咸豐元年。真撫請祀雲南名宦祠。陝撫據輿情入告。請建專祠。報可。子汝舟。官編修。聰彝。浙江知府。拱樞。刑部郎中。

栗恭勤公事略

公姓栗氏。名毓美。字友梅。山西渾源州人。嘉慶六年。以拔貢生。官河南知縣。遇災年。放稅賑穀。以實惠民。不以上官意為損益。遷光州知州。汝甯府知府。徙開封。歷河南糧儲道。開歸陳許道。遷湖北按察使。河南布政使。道光十五年。授東河總督。公前知武陟縣。黃沁隄馬營壩工。皆親與其役。及是。益勤詢河兵官。久於河者。以地勢水脈。及前任行事之當否。蓋北岸自武陟至封邱。二百餘里。南岸自祥符下汛至陳留。六十餘里。皆地勢卑下。多串溝。串溝者。在隄河間。其始但斷港積水而已。久之溝首受河。又久之溝尾入河。而串溝遂成支河。於是以遠隄十餘里之河。變為近隄之河。而隄河相遠之處。舊皆無工。不儲料者也。於是以無工之處。變為至險之工。故人不及覺。覺且不及防。往往潰隄為大患。公乘小舟。周歷南北。時北岸原武汛串溝。受水已寬三百餘丈。行四十餘里。至陽武汛。溝尾復入大河。又合沁河及武陟榮澤諸灘水。畢注堤下。兩汛素無工。故無橋。石堤南北皆水。不能

取土築壩。公即收買民磚。於受衝處。拋磚成壩四十餘晝夜。成磚壩六十餘所。壩甫成而風雨大至。支河首尾皆決。開數十丈。而堤不傷。公由是知磚之可用。又試之原陽。越隄及攔黃壩。暨南岸之黑崗。皆效。遂奏請減買碁石銀。兼備磚價。計千磚為一方。方價六兩。後每有工役。碎石及碁埽。用大減。數年間。省官銀三十餘萬。而工益堅。有不便其事者。特異議。語頗上聞。公前後陳奏曰。護堤之方。幸用碁埽。然埽能壓激水勢。俯蓄堤根。又易朽腐。至碎石坦坡。惟肇縣濟源。產石較近。而採運已艱。河工失事。多在無工處。所千里長堤。勢不能盡為籌備。而河勢變遷不常。衝非所防。遂為決口。磚則沿河民窯。終歲燒造。隨地取給。不誤事機。且磚及碎石。皆以方計。而石多嵌空。磚則平實。每方石五六千斤。而磚重多三分之一。一方石價。可購磚兩方。而拋磚一方。當石兩方之用。其質滯於石。故入水不移。堅於碁。故久水不腐。又土不能築壩水中。磚則能水中拋壩。即邊成。坦坡亦能緩受。急衝化險為易。或謂磚可保將生未生之工。不能用於已生之後。然使將生者可保。即別無可生之工。昔衛工之決。因攤陷埽不能施。馬營壩之決。因補隄不能得碎石。使知用埽不如拋磚。收輒易於運石。則數千萬之官銀。可省。疏入。上知公忠實可任。且綜畫周密。卒皆允之。屢詔褒賞。終公之任。五年。河不為患。本朝河臣。自朱公之錫後。若靳文襄。張文瑞。張清恪。陳恪勤。齊勤恪。岳文敏。張慈敏。黎襄勤諸公。皆有名績。然條築率仍舊法。易碁石以輒自公始。非卓識精思。身試而得。其所以然之故。不能創此法也。二十年薨於位。上聞軫悼。

贈太子太保。賜祭葬。子益恭勤。時長子恒已官刑部郎中。乃賜次子權進士。公在工勤其職。有風雨危險。必躬親之。居平河。曲折高下嚮背。皆在其隱度。每曰。水將抵某。所急備之。或以為迂且勞費。公曰。能知費之為省。乃真能省者也。已而水至。乃大服。故十五年原陽之支河。十八年盛漲八尺之水。皆決口而有餘。卒以無事。或以為天幸。然前公任三年。祥符決。公卒後二年南岸決。明年又決。則豈非人事哉。公之令安陽武陟。及守開封也。恤疲甿。懲猾吏。折疑獄如神。他人得其一足稱循吏。然於公猶非其大者。傳曰。心誠求之。公治河能通物性以盡利。誠壹哉也。況求民情也哉。公既卒。吏民思公不置。乃立廟祀之。

陳忠愍公事略

附 王剛節公錫朋

高壯節公雲飛

鄭忠節公國鴻

道光二十年。西洋喫咭喇以禁鴉片搆釁。擾海疆。上稔同安陳公有將略。由廈門提督調江南。時閩浙戒嚴。節制軍廷楨以公熟習廈門為請。上不許。蓋鑑其忠勇。故始破回。避本鄉之例。擢之廈門。復以防海需才。令移鎮江南。扼守吳淞口。公益感憤激昂。誓以死報國矣。公諱化成。號蓮峰。福建同安人。由行伍官水師守備。五遷而至金門鎮總兵。其調守吳淞也。時以夷目就撫。廣東將撤防。公獨謂款約不可恃。請留所部兵弗去。冬。雪方盛。平地積數尺。公時棹小舟往來海濱。風浪中。或踏雪按行部曲。嫗姁如家人。軍中呼陳佛。吳淞以東西砲臺為犄角。西砲臺在海口。北距寶山六里。東砲臺在其南。險與西稱。倭夷擾浙。公扼西砲臺以守。凡三閱寒暑。欽差大臣裕謙公嘗以大風雨夕偵公。見公危坐帳中。鈴

柝聲琅琅然也。二十一年八月，定海再陷。三總兵同日戰死，鎮海失守。裕公死之。吳淞民情公為固。明年四月，夷陷乍浦。戈船三十艘，震逼吳淞。時牛制軍鑑在寶山，懼商於公。公曰：無恐。以砲扼險，可決勝。公弟坐鎮，無輕出入也。公於是率參將周世榮守西礮臺，別遣將守東砲臺。公夜語世榮曰：吾與汝福皆不薄，周愕然。公曰：詰朝戰而勝，則受上賞，不然亦俱不朽。非福而何？明日夷船排江進，公登臺執紅旗揮戰，轟砲及千聲，自卯及巳。壞夷船六七艘，賊沮欲退。我軍噪而奮，制軍聞師利，趨出及三里。賊從橋上覘其幟，駕砲狙擊之。制軍跳而免，師遂潰。東路兵棄砲走，賊併力攻公急。周世榮請公奔，公拔劍叱之曰：庸奴誤識汝。世榮逸，賊登岸，礮彈雨下。中公顛復起，猶手懸巨砲，創甚，歃血死。公年六十有七。同殉者，守備龔齡增以下，合八十餘人。夷酋既入城，犒飲鎮海樓，酒酣，或作華言曰：此行良險，使有兩陳公，安能至此哉？越十日，嘉定令練廷璜購公尸，獲於積葦中。面如生，殮於武廟，百姓罷市，繪圖二，哭奠，一留吳淞，一貽其子。狀聞，詔優卹，立專祠，賜祭葬。予諡忠愍。世襲輕車都尉。三總兵者曰：壽春鎮王公錫朋、定海鎮葛公雲飛、處州鎮鄭公國鴻，皆以定海城陷同日殉。先公歿一年。

王公名錫朋，字樵傭，直隸甯河人。由武舉補兵部差官，援例得固原游擊。道光六年，從大軍征張格爾，自大河拐至回庄，力戰矢殫，其酋賞戴花翎，進戰至阿瓦巴特，賊阻渾河，澄從大軍間道渡河，入喀什噶爾城，進取英吉沙葉爾羌和闐，皆有功。十二年，徭民趙金龍

亂湖南殘常甯新田。公以臨武參將從提督羅公思舉破賊羊泉街。誅首逆。別將逐賊高家坪。大捷。回攻楊家園。圍賊殲之。賞銳勇巴圖魯名號。擢寶慶協副將。時廣東搖亦煽動。趙仔青進擾湖南。公殺賊濠江口。又破賊銀匠街。獲其酋旂仔青。反走。追獲之。及其孥。湖南平。赴廣東。大軍戰連州。大洪橋。乘勝入。火燒排之。蛇兒嶺。奪馬鞍山。遂平五排。搖又從定。蓮花汛。冷水衝。各搖。擢福建汀州鎮總兵。服闋。改壽春鎮。公自游擊從楊忠武定。回壘知名。及平搖。功居最。嘗戒諭士卒曰。戰利呼人共之。獲倍多。即人不利。趨救之。可兩全。故戰比有功。而定海事。竟以無救敗。先是英夷陷定海。去之。公以壽春兵鎮其地。二十一年八月。夷再至。出守九安門。鄭公國鴻。駐竹山門。葛公雲飛。駐曉峰嶺。相去十餘里。賊先犯九安門。不利。再攻竹山曉峰。公馳救。兩營已先敗。賊爭關。公眾且盡。所親卒及身。自盪殺數十百人。賊至益多。揮短刀陷陣死。是役也。賊可二萬。我兵止五千。公檄請益兵。大府不應。戰且五六日。勢足以待救。亦生不救。曰。吾守鎮海者也。鎮海急則又走。三總兵皆坐是敗。死。公殺賊獨多。死尤烈。事聞。天子震悼。以提督禮賜卹。諡剛節。建專祠。子承泗。襲騎都尉。葛公雲飛。字雨田。浙江山陰人。道光癸未。武進士。官守備。五擢至定海鎮總兵。父憂歸。浙江巡撫烏爾恭額。尋奏請以公署原官。公之以憂去也。嘗上書大府。言廣東禁鴉片。令方急。外夷陰險。恐為變。波及浙洋。宜先事定謀。及啖咭喇。據定海。巡撫服公先見。馳書要公。詣鎮海。詳防禦。公督耕墾。上得書。白母。遂行。時道光二十年七月也。公至鎮海。請蓋出。

勦兵扼金雞招寶兩山間。集定海濱兵。大閱海上。會夷酋安突得被執。夷大驚。提公請遂出兵復定海。當事不能從。明年許通市。夷請釋安突得等而歸定海。公與總兵王公錫朋、鄭公國鴻偕往鎮定海。定海城三面踞山臨海。無屏蔽。公議城具三面。列巨礮塞竹山門。深港使不通舟楫。增築南路土城。與五奎山諸島相犄角。當事以費鉅不允行。七月夷集廈門。公聞之。立牒大府。以土城守兵單。曉峰背負海。有間道宜增砲。及以營船備水戰。皆不省。八月夷果復犯定海。攻竹山門。賊走。明日窺東港浦。皆擊卻之。先是守兵皆駐城中。惟公自駐土城。及是王公錫朋出守曉峰鎮。鄭公國鴻守竹山門。夷船二十九艘。賊眾至二萬餘。我兵合三鎮僅四千。飛書大營請濟師。弗許。戒死守毋望援。天雨決旬。公青布帕首。麻袍著鐵齒鞋。日偕士卒往來濛濛中。屢戰卻敵。相持凡數日。會天大霧。夷全隊逼土城。公砲沈其舟。夷分道攻曉峰竹山。曉峰無砲。夷眾奪間道下攻。破竹山門。薄土城。公手擲四千斤砲回擊之。賊殊死進。公率部卒三百餘人。持刀械步鬪。夷酋安突得手執大綠旗。麾兵進。公罵曰：逆賊終污吾刀。斬之。刀折。復拔所佩刀。二衝賊隊中。至竹山門。方仰登賊刀劈公面去其半。血淋漓徑登賊賊。迸間忽有砲背擊公洞胸。穴如盃。力戰而沒。方賊之逼土城也。公行營有藥桶。二公密火納線其中。而朱書其上曰：軍餉。賊臨賊踏。公營爭取之。焚數百人。義勇徐保夜跡公尸。走竹山門。雨霽月明。以見公半面。宛然立崖石下。兩手握刀不釋。左一目猶眈眈如生。欲負之行不能起。拜而祝曰：蓋歸見太夫人乎。遂乘夜

浮舟內渡。及明抵鎮海。大吏護公喪還葬。事聞上悼甚。以提督例加卹。遣官致祭。諡壯節。鄭公國鴻。字雪堂。湖南鳳凰廳人。由雲騎尉世職。補屯守備。遷黃州協副司。道光元年起。擢提標參將。四年以將制軍。攸銛薦。擢平樂協副將。李制軍鴻賓奏。調竹山協副將。坐事。錮。起。湖州協副將。調寶慶。為周文忠天爵所器。二十年遷處州鎮總兵。所至皆能舉其職。逾年以力戰死。事聞。天子軫悼。贈提督。加用。賜卹。予祭葬。諡忠節。世鎮騎都尉。特賞其孫銛。並為七品小京官。公優於文學。工書。好窮經。著有詩經疏義行於世。

吳文節公事略

公諱文鏡。字甄甫。號雲巢。一號竹孫。江蘇儀徵人。少能文。為吳穀人祭酒。所賞拔。嘉慶二十四年進士。選庶吉士。授編修。道光二年。充山西副考官。八年典試湖北。尋督河南學政。十二年分校順天鄉試。明年分校會試。遷贊善。大考遷侍講。屢遷侍講學士。十四年督學順天。以選拔屆期疏。請通飭嚴禁招搖。革卷費冊費諸名目。所得皆知名士。累擢詹事內閣學士。除禮部侍郎。署經筵講官。典武會試。十八年充會試副考官。調刑部。奉命偕蕭山湯文端公。案事浙江。江南安徽諸行省。覆奏皆稱旨。十九年授福建巡撫。偕署總督魏公元。煇奏籌海口。查禁鴉片章程四則。下部議行。明年署閩浙總督。時英吉利夷船駛入內洋。詔遣祁侍郎。高藻黃侍郎。爵滋會同公及節制軍廷樞。籌備海防。及揀選水師將領各事宜。先是公與節公會奏。請給海防經費。至是得旨。前行。故事琉球國間歲一貢。自十九

年詔改每四年遣使朝貢。是歲中山國王尚育咨稱琉球地濱海最患多風惟朝貢以時則風雨和順每遇貢年歲必大熟又貢舶出入閩疆歲頒時憲書得以因時趨事庶務合宜又琉球不產藥材賴貢舶載回應用至航海鍼法全賴隨時習學番休更替若四年一朝則豐歉不齊人時莫挽藥品缺乏鍼盤荒疏請奏復舊制公疏聞手敕報曰據奏情辭真摯如所請行並允令陪臣子弟四人隨同貢使入監讀書公尋調湖北巡撫未赴二十一年正月以英夷反復肆擾疏請添撥海防經費又密陳廈門情形略言商民紛傳廣東有許與廈門通市之說查廈門周圍環海地方五十里北達會垣東為臺澎唇齒西為漳泉門戶係通省咽喉若令外夷闖入必益肆其占據之謀防之則已無險可扼聽之則將為所欲為害有不可勝言者上聽其言又以上年英夷駛擾廈門經官軍擊退保薦總兵寶振彪吳建勛等在事出力皆報聞五月入覲調江西巡撫汲汲以誠民弊吏為心遇災侵畢力撫恤凡疏請緩征者七借給籽糧者再民甚戀之又以文信國公學術文章節義足為萬世法疏請從祀文廟詔如其議又遵旨奏保知府倪長耀麟桂吳式芬知州周玉衡同知程燦策知縣曹士桂等報聞前後又獲青蓮教匪戴理劍古魁連及南贛會匪謝詞封等九十三人皆論如律在江西八年百廢具舉有旨調浙江浙中吏治久窳公訪悉衢州游擊許思齋貪劣狀劾戍新疆又劾罷歸安令李玉典等五人下教各屬地方大利害許條上施行蠶蠶不飭者罪無赦又時時巡行閭巷問民疾苦察長吏賢否千里外纖

悉周知。土豪猾胥皆歛跡。屬吏莫敢詭隨。風尚一變。又以浙屬各州縣多係署事之員。疏陳調署之弊。謂有一員遞署他缺。二三處久不回本任者。有卸署後不回本缺。聞住省垣者。致交代之案。愈歷愈多。莫能算結。且官無定所。即政難考。成見飭司分別勒回本任。或不堪回任者。即令揭參。其是係虛缺。或要地需才。亦祇准專員署理。不得紛紛更調。以專責成。得旨嘉勉。漁山島者。浙東濱海地。盜窟也。公牒總督會師勦捕。獲積盜百餘人。真諸法沈燬賊船。並將巢穴門口堵除。行旅大安。尋偕欽差侍郎李公芝昌清查兩浙鹽務。奏籌變通章程。七刻均從之。道光己酉。杭嘉湖嚴紹五郡大水。漂沒田廬無算。公自以奉職無狀。致召天災。上疏自劾。並力請行賑恤捐。豁招商平糶。勸輸諸政。親赴嘉湖等屬。察賑全活甚眾。江忠烈公忠源時擢秀水令。公委以賑災捕盜事。並留辦海塘工。江以憂歸。縣人憐之。卻不受公歎曰。賢如江令。可令其貧。無以歸。歸無以葬。取。遂支養廉銀五百兩。畀之。且令勿辭。明年正月。文宗登極。下詔求賢。公奏保藩司汪本泉臬司黃宗漢知府余士璜。同知畢承昭。知縣段光清楊裕潔等。江公忠源亦以賑務出力。特疏薦。均得旨錄用。五月。西陲廳北岸海決。公聞報。即往勘。時風雨暴至。公立泥淖中。失足落水。幾危。以救免。隨以先事失防。自請治罪。部議奪職。八月。塘工竣。詔予開復。復查明各屬災歉情形。分別蠲緩。並賞給口糧。許之。十一月。擢雲貴總督。咸豐元年正月。入覲。召對十二次。賜紫禁城騎馬。四月抵任。甄劾不職知縣許文綬等四人。雲南有淫祠。曰華光寺。俗稱某天子廟。凡數

十處。上人奉之唯謹。事涉不經。公毀其廬。尸其木偶於市。淫祀遂革。初永昌邊外夷匪。乘虛入邊。焚掠經官軍堵勦。至是迭戮匪犯七百餘名。俘獲五十餘名。餘匪竄雪山以外。事平。而廣西賊洪秀全等復稔亂。地與黔滇接。烽火相聞。回匪亦乘間蠢動。公徵兵。選將繕守備。扼形勢。終公任境內晏然。胡文忠公林翼時方守黎平。公才之。使練兵。除土寇。得便宜行事。保擢監司。待之以國士。三年夏。以捐備餉金萬兩。賞花翎。先是公任江西巡撫。捐河工經費銀萬兩。在浙江捐本籍賑災銀萬兩。制錢六千緡。又捐浙屬備賑銀四千兩。在雲貴捐本籍河工銀六千兩。貴州防堵銀千兩。皆得旨甄叙有加。居無何。粵賊自長沙渡洞庭。陷武昌。蹂江西。據金陵為窟穴。中原震動。上知公威望。移公總督兩湖。至則賊自下游。上犯田鎮。水陸營皆失利。省會戒嚴。城書閉。居民一夕數驚。巡撫宗綸思移營城外。為自脫計。與僚屬密議。公知之。立策馬至巡撫署。約與死守。巡撫不可。公憤甚。拔佩刀置案上曰。城存與存。城亡與亡。自司道以下。敢言出城者。齒吾刀。巡撫默然。議乃定。會賊已逼城。公即登保安門。城樓激厲將士。誓言死守。衣不解帶者數旬。圍解。巡撫內愧。公復慮公不容。乃謀先發制之。疏劾公閉城坐守。狀有詭趣。公進復黃州。而以城守青巡撫。當是時。公方調胡文忠帥。毀勇七百人。來楚會勦。而曾侍郎國藩。公戊戌典會試。所得士也。時在衡陽治水軍。公馳書約公攻黃州。侍郎許之。擬俟曾胡二軍至。大舉滅賊。而巡撫屢疏之。趣戰益急。公歎曰。吾年逾六十。受國厚恩。豈猶惜死耶。所以遲進者。以麾下將卒宜選練。

且俟黔勇與水師夾擊耳。今若此不及待矣。遂以咸豐三年臘月下旬。自帥七千人進薄黃州。壁堵城會大雲。公日行泥濘間。拊循士卒。而巡撫街公甚。遇事陰掣其肘。軍械輜糧不時至。已而賊來犯營。公督將弁力戰。都司劉富成手刃數十。兵勇繼之。殲賊數百。後兩次來犯。均擊退。未幾賊大至。正決戰間。忽後營火起。眾驚潰。公下馬於雪泥中。北向叩首痛哭。大呼曰。無以仰對聖朝。遂自投塘水死之。時四年正月十五日也。年六十有三。事聞上。悼憫。下所司議。賜祭葬。予諡文節。入祀昭忠祠。是年六月。武昌復陷。巡撫先已受代去。九月。曾侍郎復武昌。疏陳公死事情形。並追論巡撫傾陷。狀有詔。速問。巡撫服毒死。賊之自輿竄楚也。公在滇。聞報方食。投箸歎曰。虎兕出於柙矣。竟夕欷歔。不能寐。及拜楚督之命。置二子一妾於蜀。倍道疾馳。誓滅此朝食。使得如公議。待曾胡二軍。戮力並進。不過兩閱月耳。為同官所整。卒費志以終。悲夫。公臨行。復遺書曾侍郎曰。天下大局。繫於子一舉。宜加意訓練。勿造次。且勿遽以援鄂為念。公之塵懷大局。而不以己與若此。其視死直如歸耳。彼豈公者。果何為哉。公性方嚴。遇事能持正。鬚眉凜然。僚屬憚其丰采。與林文忠並負天下望。論者謂公正。直林公聰明。林公聰明。而能正直。公正直。而能聰明。是。可以得其概矣。初公撫浙時。例得鹽課羨餘銀八千兩。卻之。及殉難。家無餘貲。商人感公清德。欲以此為贖。公子養原曰。若義也。先公早受之矣。先公卻而其受之。是隳先公之德也。敢辭。強之卒不受。養原以己未副育授主事。襲騎都尉。

杜文正公事略

本朝舊學諸臣若張文端。勵文恪。徐文定。顏文端。嵇文敏。福文端。朱文端。蔡文勤。朱文正。汪文端。諸公皆以論思典學。啟沃聖聰。其裨益於主德者至深且久。越文宗朝。則太師大學士杜文正公為最著稱。公以咸豐二年七月九日。薨於淮安清江浦行臺。越二日。馳聞上諭曰。協辦大學士杜受田。秉躬端正。勵節直清。經術淵濶。體用兼備。蒙皇考特達之知。由詞林視學山西。特召還朝。入直上書房。為朕講習討論。十餘年中。日承啟迪。獲益良多。嗣洵應正卿。忠勤益懋。朕親政後。加太子太傅。以刑部尚書協辦大學士。每召見時。於用人行政。國計民生。造膝敷陳。深資匡弼。前因豐工未合。江南山東兩省躬黎。急需賑卹。特派前往查辦。督據馳報。東南賑務。均已布置周妥。念其觸暑遠征。心力交瘁。正切惓懷。而前後奏牘中。總未自陳病狀。乃以感受暑溼。遽至不起。披覽遺章。不覺聲淚俱下。非痛寔深。迴憶畫齋景況。如在目前。奉使陞辭。情尤眷戀。方冀暫襄帷幄。讓論常聞。詎料相睽兩月。晤對無期耶。其賞給訖羅經被。晉贈太師大學士。入祀賢良祠。即照大學士例賜卹。並給席儲司銀五千兩治喪。靈柩回京。沿途地方官妥為護送。准其入城治喪。屆時朕當親臨奠醴。用申悲悃。其父頭品頂戴前禮部郎杜塏。年屆九旬。猝聞此信。定深悼痛。其令恩華。前往看視。並賞給人役十兩。以資調養。其子杜翰。服闋後。以庶子用。孫三人均賞舉人。用示朕愴懷舊學之至意。未幾。禮部以郵典奏請予諡。又諭曰。杜受田品端學粹。正色立

於朝。皇考深加倚重。特簡為朕師傅。憶在書齋。朝夕納誨。凡所陳說。悉本唐虞三代聖聖相傳之旨。實能發明蘊奧。體用兼該。朕即位後。周咨時政利弊。民生疾苦。亦能盡心獻替。啟沃良多。嘉慶年間。大學士朱珪仰蒙皇祖仁宗睿皇帝鑒其品節。特諡文正。杜受田公忠正直。揆諸諡法。實足當正字。而無愧。其即賜諡文正。毋庸內閣擬請。尋賜祭葬。如典禮。其明年駕臨辟雍講學。追思往昔討論之功。特詔褒公品學。復命高郡王即家賜祭一壇。蓋公自道光十六年入直上書房。及文宗御極。前後十有七年間。朝夕輔導。未嘗一日或離上側。當奉使日。入辭涕泣。感動左右。故公遺疏中。感戀靡已。念楚氛未清。河患未平。尤以敬天法祖。勤政愛民。崇節儉。慎好惡。平賞罰。為言。上聞震悼。綴朝。手詔淋漓。悲感。柩抵京。命恭親王率侍衛十人往奠爵。及親臨賜奠。召見公文。堦。慰勞有加。特旨晉禮部尚書銜。命食全俸。恩禮優渥。蓋非徒以禮崇師傅。其君臣契合。符揆。有迥出尋常萬萬者。中外聞知。為公感泣。亦非徒謂遭逢隆備。誠以其時。文宗方嗣服。有為將起。朝野皆延頸跂踵。於上之待公。與公之所以輔翼上者。有無窮之望。又且嶺嶠盜方熾。承平久。政事多隳廢。左右臣僚。或有隱微難喻。及疏遠陳詞。多不易白者。獨恃公從容宣達於密勿之間。而公年未篤老。倚毗正未有艾。顧不謂其猝然中道而遂已也。公諱文田。字芝農。山東濱州人。父瑒。嘉慶辛酉進士。由編修官禮部侍郎致仕。公生而篤謹。敏學。由天授。踰冠。舉嘉慶庚午鄉試。道光癸未會試第一。殿試二甲第一。選庶吉士。授編修。癸巳大考。翰詹權中。允命。

督陝甘學政與陝西巡撫史譜姻親迴避調山西學政升洗馬文宗就學奉召還朝命直上書成累遷庶子侍講侍讀學士至內閣學士兼禮部侍郎特命專心講授毋庸親閣務旋升工部左侍郎調戶部管三庫事歷左都御史擢工部尚書屢充國史館提調協修官日講起居注官經筵講官道光戊子編修分校順天試壬辰充雲南副考官辛丑以工部侍郎為會試副考官甲辰以左都御史典順天試丁未以工部尚書為會試副考官辛亥以協辦大學士再典順天試所至得人中更大考翰詹及鄉會覆試朝考庶吉士散館均為閱卷大臣復充上書房總師傅實錄館總裁專司宣宗實錄彙本以刑部繁復命管理禮部事務優之也公自侍經帷歲受御書珍玩文綺之賜道光丙午公六十生辰賜御書福壽字暨諸珍物明年公父瑛年八十有四頒御書教忠篤慶鐘及福壽字如意文綺諸珍賜之自後位日宗望日益重而公敬然不自滿假亦不好為翹異平居敬慎所蒞事不煩擾而輒就理人望之如高山深林巨壑莫測其所蘊蓄也少清貧隨宦京外躬佐理家政而幼學弗為哀官京師退食猶日親諸務公父致仕後就養京邸出入告面無少間家庭雍穆於親舊間情意尤款篤母舅李壽春為心源令卒官鬻祭田以完民父立以五百金為贖復之與人坦坦無疾言遽色顧中實嚴毅人莫敢以非義干遇不躓屹不可奪在戶部時撥工籌餉推捐例者欲開增附生援納教官之條公獨為一疏罷其議尤覽擇當世賢才為上進用曾有詔保舉人才公首薦林文忠則徐周文忠天爵其他大受小知名

節較然。天下恒觀其效。而上尤眷念。公所進引。每歷試之。推信不渝。向忠武榮在粵軍時。謗議沸生。幾蹈不測。或言公實力陳輿論。數保全之。當粵寇初起。公屢以粵事詢粵人。令條所聞見上之。即採錄入告。公既尙上倚。其造膝所敷陳。有什伯千萬於此。而潛謀默運於政本之地者。語悉外弗得聞。即其門人子弟。欲於公之盛德大猷紀述一二。亦終莫得而擬議。嗚呼。不有明詔。宣示特援。朱文正公之例。以崇錫令名。又孰從而窺其底蘊哉。公薨年六十有五。子翰。道光甲辰進士。由檢討累官工部侍郎。軍機大臣。出嗣為世父坊。後翻乙未進士。由編修官至兵部侍郎。

翁文端公事略

常熟翁文端公。服官四十年。以清介正直受累。朝特達之知。由詞臣致位宰輔。凡所規畫。務崇大體。未嘗為國家言利。自庶僚以至權貴。有以言利之說進者。公抗詞執奏不少。詘生平恬於榮利。其退由力請。進由特召。出處本末較然。海內引重。今皇帝御極之初。公方以疾在告。兩宮皇太后。圖任舊人。以輔聖德。特首起用。以大學士銜。管理工部事務。有守正不阿之憂。公兩疏固辭。卒不獲請。明年春。奉懿旨。在宏德殿授讀。日侍經帷。寅入申出。十一月朔。退直後。邁寒疾。越五日薨。遺疏入。上震悼。命醇郡王率侍衛十員。奠輓。賜陀羅襪。贈太保。入祀賢良祠。予諡文端。賜祭葬。飾終之典。至優渥矣。公姓翁氏。名心存。字二銘。號遂庵。江蘇常熟人。父咸。封乾隆癸卯舉人。官海州學正。祀海州名宦。公幼奇慧。七歲能

屬文十三編誦經史。下筆累千言。隨侍學正公於海州。唐公仲冕為州牧。見而奇之。遂師事焉。十六補弟子員。越十年。舉嘉慶丙子鄉試。出湯文瑞之門。入都會試。賢士大夫聞公名。皆願納交。嘗游汴梁南昌。所至覽觀山川形勢。名賢遺跡。往往作為詩歌。以道其懷。道光壬午成進士。選庶吉士。授編修。充武英殿總纂。大考優等。升中允。充文淵閣校理。五年。典福建鄉試。督廣東學政。九年入直上書房。充日講起居注官。擢侍講。十一年分校順天鄉試。十二年典試四川。甫還朝。而有江西學政之命。十三年補庶子。遷祭酒。仍留學政任。十五年典試浙江。旋過吳門。乞假省親。適奉旨補奉天府丞。兼學政。十六年授大理少卿。十七年抵京。特旨命授皇六子讀。十八年以母年八十。乞養歸。先是公之告歸也。宣宗皇帝意方嚮用。以疏辭懇惻。不得不如所請。至二十七年。母服闋。上亟望其還朝。曾公子同書。授貴州學政。召見。上問曰。汝父豈終不來乎。廷事將以何日畢乎。同書奏。臣父受恩深重。今葬事將畢。期以明春北上。上喜曰。汝父固當速來。汝其具家書述朕意。趣其行。同書頓首謹奉詔。公聞命感泣。遂以二十九年三月抵京。召見。詢家居十年狀。七月復直上書房。再授祭酒。遷內閣學士。再遷工部左侍郎。奉旨授皇八子讀。三十年正月。文宗皇帝登極。特派偕親王大臣。恭理喪儀。調戶部右侍郎。兼管錢法堂事。賜紫禁城騎馬。咸豐元年。充順天鄉試副考官。兼署吏部右侍郎。擢工部尚書。充經筵講官。二年充寶錄館總裁。兼署左都御史。典武會試。三年調刑部尚書。旋仍調工部尚書。命兼管順天府尹事。以失

察屬盜。盜案牽連。絳吏議落職。四年二月起吏部左侍郎。計去官不及五十日也。三月調戶部右侍郎。兼武英殿總裁。九月授兵部尚書。十月仍命兼禁城騎馬。十一月調吏部尚書。教習庶吉士。復充經筵講官。五年三月。上謁西陵。命留京辦事。管理戶部三庫事。六年充國史館總裁。兼掌院學士。十一月以吏部尚書協辦大學士。調戶部。八年充上書房總師傅。九月拜體仁閣大學士。管理戶部事。九年四月。因病請開缺。予假一月。溫旨慰留。五月奉命教習庶吉士。再請解職。允之。公疏謝。並陳明在京調養。上每召見大臣。猶時時垂詢公病狀。十一年七月。文宗升遐。十月梓宮自熱河至京師。公迎謁哭臨。是月今上嗣位。公被命再出理部務。同治元年。充宸銀館監修總裁。此公生平出處。及歷官除拜之大略也。常熟翁氏自明以來多顯宦。而公先世獨潛德勿耀。學正公官海州。饋粥常不繼。先後五次奉檄賑饑。無纖毫侵冒。清介絕俗。嘗出查賑。州牧欲更所造饑民冊。饒重金於其婦。請補印。婦峻拒之。公秉庭訓。力學食貧。及鄉舉。嫉鄉人包漕陋習。歲晚出游大江南北。以避之。里黨媼笑。意夷然不屑也。通籍後。慎交遊。絕饋遺。不渝其素。典浙試。還入里門。步行蕭然。如諸生。洎告養歸。奉母讀書。邑中每有公事。縣令禮請。皆謝不往。庚子歲。邑大水。公捐貲賑饑。率紳士堦於城隍廟。有私一錢者。禍及子孫。在事者皆悚惕。無敢欺隱。寓於行誼友愛。無間言。家既貧。尤尚樸素。布衣糲食。無所擇。所至惟以書卷自隨。喜誘掖後進。有知人鑒。前後所取士。以學術政事文章氣節著者。凡數十人。主講敷文。紫陽兩書院。迪諸

生以樸學在成均。日興修南學。六館之士彬彬焉。及官卿貳為院長。薦達賢俊。不可勝數。其手疏密陳者。輒焚其藁。曰。吾為大臣。為國求賢職也。不可使外人知。今上初登極。即一再上封事。及詔下。中外大臣博舉遺逸。褒揚及公。謂不失以人事君之義。人始知公所建。白。蓋以人才為首務。云。公初入詞館。才名籍甚。然於詞賦。非所深好。獨好經史實學。儒先說理之書。及古名臣論奏。湯文端深器之。自盛京還。再直上書房。時宣宗皇帝以皇子初入學。重師傅之選。賜裘賜饌。恩遇優異。每召對。必溫諭。移時乃罷。及家居再出後。入直如故。維時文宗皇帝猶在潛邸。授讀者為濱州杜文正公。遇杜公休沐日。公亦得侍學。一日論唐史。及德宗世。於陸贄盧杞賢奸進退。反覆講晰。數百言。文宗動容嘉納焉。翌日因以宣公奏議進。其以尚書兼尹順天也。時粵寇北竄。畿輔驛騷。徵調關東索倫兵。及東三盟蒙古兵。駐畿甸外。所需車馬芻糧之屬。無算。有不給者。以乏軍儲論。公皆先期辦治。民不知役。並規度可控扼地。列柵屯守。又料簡民兵。以壯聲援。舉光祿卿宋公。太僕卿王公。司其事。百里外烽堠相望。金鼓聲四聞。寇窺其有備。遂不敢偏。其再筦大農也。值軍興。國用日絀。主計者輒巧為名色。以括克於民。公每持其事不下。所規畫。惟塞弊源。窒滲漏。以寬民力。嘗以議洋藥稅事。與尚書肅慎廷爭。緣是有隙。公既去位。肅慎方貴重用事。會戶部鈔票案起。遂興大獄。欲以奇禍中公。上以公無他。卒不深罪。當是時。徵上保全幾不測。公每與家人言及兩朝厚恩。未嘗不嗚咽流涕也。咸豐十年。京師有警。都人洶洶言聖駕

且出巡。廷臣交章固爭。公時已退居。亦上疏力言不可。上皆米納。不以為迂。公之奉詔再出也。足疾猶未瘳。有旨免帶領引見。及一切勞苦事。示優卹。直宏德殿。每出入。命內侍扶掖以行。夜中。武籠燭前導。皆異數也。每日晏授經之暇。則進講。帝鑒圖說。退直。輒細繹大。學行義。帝學諸書曰。此致君堯舜之本也。疾革時。猶惓惓以聖學早成。四方早靖為念。無一語及家事。命繕遺疏。言願皇太后調護聖躬。慎擇近侍。皇上懋修正學。親近正人。端蒙養之本。庶致中興之事業。繕畢。命子同龢恭讀一過。點頭者再。開目端坐。遂瞑。年七十有二。子四。長同書。道光庚子進士。由編修。歷任安徽巡撫。坐事免。次同爵。以廕生為兵部員外郎。湖南鹽驛道。次同餘。咸豐丙辰一甲一名進士。授修撰。遷督善。仍直宏德殿。孫曹源。同治癸亥一甲一名進士。官修撰。

李文恭公事略

太子太保欽差大臣。前兩江總督。湘陰李公之卒於軍也。遺疏言。賊不能平。不忠。養不能終。不孝。殲用常服。以彰臣咎。上覽而悲之。為厚。來中郎創卧。自恨奉職不稱。羊叔子臨危。眷眷以未平吳為言。古勞臣。殫心軍國。值時勢之鉅鎔。志決身殲。歿而猶眠。豈不以其哉。方粵盜初起。竇道光二十有九年。明年益橫肆。詔起侯官林文忠公督師。林公道卒。特赦公代之。論者謂林公不亡。賊且就殄。林公亡而得公之誠實勤密。如林公者。嗣其事。天假公年。一事權以盡公之志。必有闕識深計。扼賊吭而制其死命。而奈何天之奪公如是速。

也。公之督兩江也，戶部以連年蠲復絀度支，籌寶庫為備預計。於是廷臣條五事以上。其大者則漕糧改徵折色，入銀於京師。於奉天改撥米買以充倉庾。下直省有漕督撫議。江南財賦甲天下，弛張必自是始。公疏言州縣兼收折色以錢抵銀，本無定價。若著為令，而價示於通省，則銀價日昂。民且重困。奏入。廷臣猶以為言。再下議。公再疏言例價甚輕。北方糧賈。又水陸運費不貲。勢不得不議增。而例有明文。迥非州縣通融辦法。若就州縣分別重輕。無論各州縣情形不同。即一州一縣中亦各不同。且不能舍戶部定例。而轉執州縣之勒價為準。多則輸納不前。少則米買不足。此國計之難也。至以漕項應折若干。註明糧冊。糧票畸零細碎。開載既煩。且銀價時有長落。將今日少完。明日復多完乎。歲收時有豐歉。將今歲少取。明歲復多取乎。小民正愁穀賤。兼值銀荒。以有易無。展轉虧折。此民生之難也。至州縣之私改折色。祇以解費為辭。今若明示折改。則張目而無所顧忌。以公濟私。浮勒必益甚。而糧役之勾串詐混。亦必日出而滋弊多一名色。即多一利孔。脂膏腹削。究惟編氓任之。此防州縣浮勒吏胥詭索之難也。奏入。成皇帝寤。為厚棄其所。有而取其無。司馬溫公之諫垣倉也。若乃折眾口而輟成謀。則溫公所不能得之於其君者。而公顧以婉切之言。破膠固之議。於是數明良一德之盛。遠軼前古。而江淮之間。不至蕭然煩費者。非公孰貽之哉。公諱星沅。字子湘。別號石梧。湖南湘陰人。父疇。優貢生。桂東縣訓導。公天挺魁特。纒角如成人。以遠大自勸勵。道光十二年成進士。選庶吉士。授編

修。明年奏辦院事。十五年命督學粵東。公謂學臣所以造士。士習端則民風正。故必以扶持世教為舉職。粵中人士多健訟。劄通省府州縣學籍。生員之干訟事者。牒以文。仍詞其實。而理之士風為肅。嚴覈丁胥。禁革規費諸名目。所頒條教。大率以人才經學名義為急。下至細微。皆手自屬草。吏無敢舞弊。秩滿授漢中府知府。遷河南糧道。歷陝西四川江蘇按察使。除江西布政使。仍調江蘇。當是時。成皇帝識公於詞臣中。期練習吏事。為置圍重臣。多歷郡國。俾周知利病之原也。尋擢陝西巡撫。抵任。即奏劾牧令之尤不職者數人。或乞乞去。固原提督胡公超。戰功為世所指名。初裁西安總兵。缺。議每歲以冬春駐西安。如湖南四川。分駐半年。例公謂關中方無事。乃汰總兵。而移提督。轉令東道咽喉。半年虛曠於地。勢事勢皆不順。力持於總督。寢之。修軍政。定疑獄。尤深疾吏役詐贓。致斃命者。手劄行通省。愷切深至。皆斂手奉法。調江蘇巡撫。蘇松漕事煩重。其大弊尤在大戶小戶之不平。公至。力圖所以均之。於無錫金匱兩縣。草地總包總等名。刊石示永戒。二十六年。授雲貴總督。時緬甯回匪不靖。公亟調官兵。分道進。腹背擊之。首匪馬國海懼亡走。則潛結雲南回馬登宵海連升等。劫囚作亂。迺西大震。公定謀。徵諸將。迅擊。而縱閒散諸回之被脅者。不三月事大定。捷聞。加太子太保。賞戴孔雀翎。疏劾前迺西道羅天池。濞殺過多。未能詳慎區別。致眾回寒心。滋亂。得旨削籍。永不敘用。旋調公兩江總督。於是公三至江南矣。耆老聞公來。皆額手相告。江南武備弛。水師會巡尤不實。公撫蘇時。已引為憂。至是銳意整飭。

之奏。籌海外水師事宜五則。捐俸造蒙衝四十艘。為倡。鎮將憚公嚴明。泄沓之習一變。會俄羅斯商船抵上海。圖就地貿易。公引例卻回。有旨嘉獎。陶文毅之改淮北綱鹽為票也。既以新章取速效。而淮南課額重。自銀貴錢賤。銷數易虧。公謂引滯課蝕。不盡由私販。而欲圖補救。必以嚴治私販為首務。先後疏奏。無慮萬餘言。皆得旨褒勉。速公去江南。而淮南亦改票。並設倉於儀徵。為捷法。於是小販雜出。釐政益狼戾。不可收拾。然後知公之先見也。先是有詔。令兩江總督轄河務。如舊制。會河督缺。命公兼攝之。乃具疏力陳河工積弊。且言道廳應各駐汜。地不得萃。處清江浦。有旨察禁。二十八年秋。江淮海並漲。淹民廬萬計。公親出。籌賑撫。高目怵心。眠食虧損。疾大作。再乞假。乃憑情請開缺。會江南監司有入對者。上詢及公。盡得公積勞成疾狀。始得請。仍詔病間。即詣闕。公之以郡守陟監司也。朝廷方嚮用。公母之官。不久即遷。擢去。地方興革。有議擬未行者。有創始而未竟者。惟撫秦閩三年。督江及二年。故閔網巨目。悉修舉。矜慎刑獄。而不為煦煦仁。鋤奸暴。尤力。河南多滯獄。獄囚有病死者。公謂罪死。死於法。病死。死於官。罪非殊死。則賊命。罪當論死。則失刑。飭有司速治獄。既上。日親錄之。囹圄為空。蜀盜曰國賊。陝盜曰刀客。久為民害。公皆盡法懲之。禽其尤。置重典。凶暴用戢。其為江蘇布政使也。浙江方禦島夷。戰不利。江蘇戒嚴。提督陳忠愍公陣亡於上海。夷舶由海入江。臨丹徒。犯江甯。敗卒跳集於蘇。勢洶洶。且內紅。蘇人大恐。公告於巡撫。斬標劫者以徇。其潰兵潰勇。暫招留。令立功贖罪。免滋擾。七月

嘆夷受撫於江甯。客兵分起歸伍。公即牒請撤糧臺。改為報銷局。節浮費也。三十年正月。宣宗皇帝升遐。疾馳入臨。文宗召對恩晤。肫渥。公奏言臣病幸少瘳。而母老多疾。乞歸養。上鑒其誠。允之。十一月復奉欽差大臣督師之命。公入告太夫人。即馳赴輿。時輿西群盜如蠅。毛金田逆賊尤橫恣。公駐師柳州。疏調黔楚兵合剿。發縱指示所向克捷。時向公榮以宿將為提督。在諸將中為能戰。周公天爵為巡撫。果敢任事。公皆開誠以通之。金田賊既竄。出據大黃江。擾武宣。屢被創而勢猶熾。我軍籌進止。及駐軍地。巡撫持議多異同。於是特簡將軍總統之請。公進次武宣。疾已作。猶力疾見官吏。料簡軍書。激勵將士。如平時。憂心內楚。寢至綿懷。遂以咸豐元年四月薨於軍。年五十有五。烏岸師克在和之議。固公所日反覆於中。而特不能掬肝膈以示人。至於憊心罷精。以死報國。則伏波所稱馬革裹屍之義也。道疏入。上嗟悼。優旨嘉慰。甚至予祭葬。給白金五百兩治喪。諡文恭。賜其母陳太夫人人後十兩。子概。極令服闋後引見。飾終之典。可謂盛矣。公在翰林五年。一視學政。典甲午四川鄉試。分枝乙未會試。皆得士。公儀表瑰瑋。聲如洪鐘。自其少時。發言制行無少苟。峻整篤實。識量尤恢遠。長游四方。益廓見聞。嘗客陶文毅所。典章奏。公所創臺文毅無以易也。既通籍。受兩朝特達之知。署豫臬時。奉宣宗手敕。命無失書生本色。抵陝撫任。諭以勉力認真。勿負委任。調江蘇。疏謝。手敕報曰。朕見汝年富才明。學優品正。甚有厚望於汝。汝當體朕用人之苦衷也。及命兼司河務。諭曰。卿年力甚強。勉為之以副重寄。逾年請

述職批劄云。朕非不願與卿相晤。顧公事繁雜。難離本任。可暫停。其乞病也。手批云。一俟痊愈。即來京。朕切望之。至。卿當諒之。其受殊眷。皆類此。性至孝。歲時祭祀。哀慕不自勝。宦遊遠方。太夫人以春秋高。恒不就養。公屢恩。輒至不寐。洎陳情得請。喜得償所願。不圖時事之棘。惟艱。惟疾。遽殞其身。此公遺疏。所以憾養之不終也。公幼有異徵。應童子試時。外舅郭進士汪燦。夢入公府。見金冊列公姓名爵里物色之。遂妻以女。既館選。諸姊中有召紫姑神者。戲問公終身官秩。皆不爽。末畧云。蒼梧潭。即其後。公卒。葬於梧州。蓋前定云。所著芋香山館集若干卷。子五。杭官編修。有學行。早卒。概候選道。桓廩生。江西布政使。

呂文節公事略

呂公賢。字鶴田。安徽旌德人。贈公某。遂於經學。拔貢。官教諭。公生有至性。飭倫紀。秉正嫉邪。惡言不入於耳。道光十五年進士。選庶吉士。授編修。十七年分校順天鄉試。二十二年授御史。疏言南河工料。與其購於他處。不如取給於葦蕩。請飭所司董勸。庶險工有恃。而經費亦可省。又請申禁各省。加派勒捐之弊。俱從之。遷給事中。疏劾知州鄂雲。實緣投入揚威將軍奕經幕。誑騙欺蒙。濫支軍餉。又廣東劣幕余廷槐。盤踞多年。贖貨受賄。與訓導黃培芳。表裏為奸。藉團練乾沒軍餉。且招募匪徒充數。擬法滋事。請飭嚴察究治。如所請行。二十三年。轉掌印給事中。丁父憂。二十六年。起補禮科給事中。明年掌吏科印。以河南旱災。方籌辦賑恤。疏請將江南捐輸水改撥豫省賑災。允之。二十八年。巡視東城。時江

西安徽湖北水災。詔發帑賑卹。公疏言辦賑之弊。莫如造冊。稽延定例。水旱成災。督撫疏報。即先給饑民一月口糧。再查被災輕重。分別給賑。誠以饑寒待哺。若必待查取戶口完竣。則老弱轉徙已多。應請赦下所司。遵照定例。一面查取戶口。一面放賑。無論極貧次貧。均令先沾實惠。俟冊籍已定。即限於內具題加賑。其加賑日期。務與初賑接續。毋許間斷。至戶口或有開除。隨時具報。有任意延緩者。嚴參。庶有司不敢貽誤。而愷澤得以旁流。其辦賑急務數則。一多設粥廠。嚴杜尅扣。攬和積弊。一兼籌放錢糴米之法。一展緩恩詔。宜急宣示。一召商採買隣省米穀接濟。一收恤遺棄幼孩。一收買耕牛。疏入皆議行。尋命稽察西倉。三十年正月。文宗御極。公應詔陳言。一懋聖學。一正人心。一育人才。一恤民隱。並請將江蘇浙江等省捐米例停止。未幾遷鴻臚寺卿。咸豐元年。擢工部左侍郎。與浙江鄉試。二年。兼署刑部左侍郎。時刑部主事闕。尚書恒春擬照舊以京察一等筆帖式題陞。侍郎書元欲以候補主事題補。意見不同。有旨詢各堂官。所見與恒春書元孰同。孰異。公偕尚書周祖培。右侍郎陸應穀。遵旨奏覆。應如恒春議。經定郡王載鈺會同吏部議奏。如所請。尋公以與匪河工度支漕運。事事可危。疏請下詔求直言。略言。粵匪滋事已二年。命將出師。尚無成效。甚至圍攻省城。大肆猖獗。南河豐工未合。龍重運之阻滯。災民之屯聚。在在堪虞。河工費四五百萬。軍需費一千餘萬。部臣束手無措。公致招克股削。邦本愈搖。臣愚以為今日事勢。譬之於病。元氣血脈。枯竭已甚。而外邪又熾。若再諱疾忌醫。愈難

為救惟有開通喉舌。廣覓良方。庶可補救於萬一。應請特旨。令大小臣工。悉去忌諱。一改泄沓之故習。於時政闕失。有可補救者。各抒所見。盡言無隱。以期集思廣益。疏入得旨。申諭各院部大臣。九卿科道。有言事之責者。於政治得失。民生利病。有可補救者。各據見聞。直言無隱。八月充順天鄉試副考官。九月署工部錢法堂事務。充覆試閱卷大臣。三年正月。以粵匪忿亂。命赴安徽。會同蔣文慶周天爵。辦理團練防勦事宜。公奏請飭部撥帑備用。並請帶員前往幫辦。又奏所過地方。如查有堪備教習團練之人。請咨各疆吏。遣赴安徽軍營。以資差委。均如所請行。二月奏請飭給事中袁甲三。廣東知府趙昉。均赴安徽協理防勦。允之。尋偕署撫周天爵。奏言團練防勦三事。當分寄其任。併致其力。以圖之。團練之事。各就地方飭屬。加意辦理。激勸紳民。殲除土匪。防堵之事。於江北沿江一帶。擇精幹。拔令。稍假威權。令其練本邑之兵。團本鄉之勇。因本地之糧。以守本境之土。各固藩籬。永免徵調。察其辦理之善者。升銜加俸。不遷其職。俾得盡心固守。勦賊之事。專責之統兵大帥。如大帥駐營。去賊百餘里者。立即逮問。如此則各有責成。無所庸其推諉。疏入。得旨。嘉納。時湖北敗匪。由英山犯太湖。分股竄出洪家埠。奪船。意圖東下。旋竄踞安慶。經官兵截勦。復分股由清涼庵至十里館。犯集賢關。各路與勇接戰。失利。游擊廖音木伍登庸死之。未幾。由集賢關犯桐城。邑紳馬三俊等。率勇迎敵。敗潰。桐城陷。時公方駐舒城。誓死守。或勸曰。公無守土之責。又未轄一兵。今賊鋒銳甚。請退守。以圖再舉。公叱之曰。吾奉天子命。

治鄉兵殺賊事不濟命也。退將安之。遂納鞞刀。率父老登陣力禦。未幾城陷。公力竭死。難條屬及募佐皆殉焉。十一月巡撫江公忠源疏聞。諭曰。呂賢基由翰林科道。洊升京卿。朕因其品學兼優。超擢侍郎。令其回籍督辦團練。該侍郎年力正強。方資倚畀。乃以逆匪竄擾舒城。捐軀盡節。悼惜殊深。可追贈尚書銜。照尚書例賜卹。其子編修呂錦文。服闋後以侍讀陞用。所有隨員幕友。盡節姓名。均查明請卹。又諭曰。贈尚書銜侍郎呂賢基。素懷忠義。大節無虧。可於舒城建立專祠。以慰忠魂。而光卹典。並賞內庫銀三千兩。交呂錦文祇領。赴安徽扶柩回籍治喪。尋賜祭葬。予諡文節。並入祀京師及本籍昭忠祠。八年復入祀鄉賢祠。公力崇正學。行身植志不少苟。說隨者見之。感然無所容。在台垣。伉直敢言。感時事至。涕泣不食。每入對。痛切瀝陳。聲淚俱下。文宗屢為動容。疏出天下傳誦。何君桂珍。著續理學正宗。唐君鑑著學案小論。公皆以進呈。藉為正學之助。有議其迂者。毅然不為止。其出治國防也。自知不返。別母行。痛哭不能起。烏庠。公之志蓋夙定矣。錦文現官侍讀。兼襲騎都尉。

清朝先正事略卷之二十六

平江李元度次青纂

名臣

江忠烈公事略 附弟 壯節公忠濟

公諱忠源字岷樵湖南新甯人為諸生究心經世學不屑屑章句充道光丁酉拔貢是科舉於鄉甲辰大挑得教職新甯地接廣西民獯雜處多盜公察天下將亂倡行團練法以兵法部勒子弟是為湖南團練之始丁未秋徭民雷再浩勾廣西賊為亂鹽法道楊君炳被總兵並君俊來縣合勦議徵兵公力止之自率鄉兵擣其巢擒再浩事定賞戴藍翎以知縣用是為公以鄉勇討賊之始戊申謁選發浙江權知秀水邑被水災公勸分設賑收棄孩蠲正賦民忘其災計擒劇盜十數人邑大治巡撫吳文節公文懿侍以國士補麗水會文宗皇帝登極語中外各舉所知侍郎曾公國藩具疏薦有旨召見吳公疏留辦海塘工閱四月工訖以父憂歸時廣西賊首洪秀全楊秀清等稔亂朝命大學士賽尚阿公出視師聞公知兵疏調軍前副都統烏蘭泰公忠勇負氣與他將多齟齬一見公深相倚重公募故所用鄉兵五百人使弟忠濟帥以來號楚勇是為公以湖南鄉勇出境討賊之始始至敝衣犒瑱諸軍皆匿笑時賊氛惡甚官兵數萬莫敢櫻公築壘通賊營賊以其少且新集易與也急犯之公堅壁如不敢出賊近壘始開壁馳之斬首數百烏公拊掌語人曰君等

憊視楚勇。今何如？侍衛開隆阿者，善射，奇中，嘗射虎十數，軍中號打虎將者也。公長揖過之，意凜公。一日戰被圍，矢且盡，公登高阜望之，曰：「必開公也。」怒馬馳救之，並轡歸。開公拜曰：「活開隆阿者君也。」遂握手飲，極歡，累功擢同知直隸州，賞戴花翎。時賊萃永安，官軍環之，闕城北一面，公與烏公請極長濠，聚鐵，弗聽。明年春，以病歸。賊果由北路犯桂林，回總兵陣歿。烏公以刀刺臂，灑血盤水中，呼將士共飲，涕泣誓師援桂林。公在新甯，亦力疾起，出私背增募千人，與今直隸總督劉長佑倍道赴援。至則烏公中礮卒，城圍逾月，公進扼東岸之蘆洲，二戰皆捷。四月朔，桂林圍解，擢知府。賊趨全州，公聞道敗之。唐家司，全州既陷，銳意趨湖南。公先諸軍扼富塘埔，賊度不能越，則悉載輜重舟中，期水陸並下。公伐樹塞河，截賊蓑衣渡，鏖戰兩晝夜，逆舟挂樹不得前，偽南王馮雲山中砲死，盡獲其輜重。賊遂東走道州。初，公慮東岸空虛，白當事請分軍扼截，弗許。請躬率所部往，又不許。至是賊果由東岸竄湖南矣。方賊之奪舟而下也，天雨水漲，由永州至衡州，數日可達。程總督喬米時駐衡，聞警走長沙。知府陶君恩培留之不可，鮑提督起豹亦議去永州。會聞蓑衣渡之捷，人心稍固，總督仍還衡部。及賊路道州，衆猶不滿萬，公慮日久，衆脅衆乃建議分防，不如合勦。遂堵不如近攻。七月，賊自藍山嘉禾犯桂陽，旋陷郴州。公上言後路追勦愈急，前路攻陷愈多，請仍申合勦。當事皆漫不省。賊則益張，公在郴州，約總兵和春公由石子嶺潛師出賊前，未至賊竄永興，以萬衆留郴相牽制。公策永興賊必由茶陵

陵醴陵犯長沙。乃倍道由新州援省會。賊已踞城南及小西門。窺穴於民廬。攻甚急。南城
外天心閣地勢高。賊方柵其上。公望見驚曰。賊據此長沙危矣。急帥所部爭之。死傷二十
人。督戰益力。賊退趨移壘去。壘去賊數十武。共汲一井。擊折聲相聞。自是長沙止南門受
敵。賊築面城背水。當絕地。雖後隊踵至。無能為矣。會偽西王蕭朝貴中砲死。賊數穿地道。
又先後為副將鄧君紹良。瞿君騰龍所拒。氣少沮。逾旬。洪楊大股至。勢蹙復張。公弟忠濟
自柳尾之約。公夾擊。方戰。賊伏叢塚間。挺矛刺公。傷腓墜馬。遇救免。時新撫張公亮。甚至
前撫賂公秉章。與幫辦軍務。前湖北巡撫羅公繞典。均夙契公。就詢方略。公以官軍四面
集。惟河西一路虛。請調重兵駐龍迴塘。扼賊竄路。期盡殲。張公尤躑之。而河西諸將。遂巡
莫敢前。當是時。蹇公罷免。新帥徐公廣。縉久不至。城內外巡撫三。提督二。總兵官十。莫相
統攝。謀用不成。公憤甚。躬赴湘潭。力請於徐公。不啻卒。由龍迴塘竄出。掠舟西遁。而東南
大局壞矣。十一月。公追賊至臨資口。屬巴陵土寇起。檄公留勸事平。而瀏陽匪渠周國虞
之事起。先是國虞等。故與粵西賊共為邪會。眾萬餘人。粵賊至。即起應之。已復止。當事始
掩覆之。至是將乘官軍之下。為亂湖南。公出不意。進討。張示散。曾從。許自首。誅十二月
十八日。賊來犯。設伏敗之。斬首七百。首免者萬餘人。瀏陽平。公時以援湖南功。擢道員矣。
三年正月。張公權湖廣總督。疏調公。旋授湖北按察使。時賊棄武昌東下。公私埽地。一切
倚公辦。又平民之起為賊者。通城劉立簡。崇陽陳百斗。嘉魚熊開宇等。有眾數千。皆討平。

之。遂奉幫辦江南軍務之命。公拜疏言軍事。請嚴軍法。撤提鎮。汰弁兵。明賞罰。戒浪戰。察地勢。嚴約束。寬協從。凡五千餘言。又疏請四川湖南北三省分造戰船。習水師。令廣東籌款鑄礮。是為公籌畫東南大局之始。疏入。上嘉納之。四月。公率軍東下。廣濟賊宋關祐等抗糧為亂。戕守令。聚眾數萬。公就便征之。戰三捷。斬首五百有奇。生擒三百人。釋其半。令轉相解散。詰旦賊大至。又敗之。訊俘多。即釋歸者。乃駢誅之。五月。至九江。賊自皖江沂流上。距城四十里。憚公威名不敢近。改由彭蠡犯南昌。時公奉命援鳳嶺。即抗疏改道援江西。軍士方患暑疫。汰之得人千三百。以五月十六夜抵南昌。凡三晝夜行五百里。賊不意公乍至。驚曰。來何速也。章江門最受敵。公自當之。宿譙樓。熱城外民舍。十八日賊舟蔽江至。薄城礮擊之。稍卻。趨得勝門。以門外民居阻雨。未盡焚也。方賊至。營兵四人將縮城走。公立斬以徇。曉夜躬巡砲碎。從者首不為動。賊穴地轟城。公鑿隧道迎之。三次藥發。陷城八十餘丈。公及弟忠濟力拒之。賊死傷甚眾。不能入。上頒賜玉翎管及挾拾各二。時湖南援師先後集。賊氣沮。圖竄吉安臨江。而安福泰和萬安寇復起。公乃分軍樟樹鎮扼賊衝。撤羅公澤南等勦泰和各屬平之。時羅方以訓導援江西也。八月二十二日圍解。方公遣援時。巡撫以下皆持不可。公曰。南昌兵逾萬。留三千人不見多。若泰和賊與南昌賊勾連。上下路絕。此危道也。已獲賊謀。得其往來書。果約急攻吉安。如公言。捷聞。天子加公二品服。當是時。公義聲震天下。師及德安。聞賊上犯。公急往助守。田家鎮以二千人渡江。而令

後至者。間道趨武昌。備緩急。時司防者武昌道徐君豐。漢黃道張君汝瀛。用戰艦扼江。而南岸半壁山不設備。公至。訝之。急揮兵據險。賊已先我至。水陸交訌。師遂潰。公至甫一日也。張徐二公死之。黃州漢陽陷。惟武昌以公援應得全。賊懼公。曠其後。尋引去。初公以田鎮之失。鑄四級。至是奉命巡撫安徽。公疏請增兵萬人當一路。又念行省新改。廬州為南北樞紐。去稍遠。賊且北窺。遂以二千人先發。而湖北巡撫崇綸。強留公所遣援軍。公於是益孤矣。抵六安。適舒桐告陷。士民遮道留公。公病入城。繕守備。人心稍足。廬州警報日夕至。知府胡元煒。具言城中軍實裕。團丁可萬餘人。請速往。公乃留千人守六安。自率數百人入城。知府來謁。公詢守具。以方籌畫對。糗糧軍火一無有。公審其有異志。擬誅之。未果。越二日。賊大至。團丁烏獸散。公力疾登陴誓死守。城周二十六里。合主客兵裁二千。賊仍用地雷轟大西門。月城繼轟文昌門。公親督楚勇殊死鬪。殪賊數百人。疏陳守禦狀。上特賞公。霍隆武。巴圖魯名號。賊自十一月十二日。合圍。公堅守逾月。賊氣奪。將遁矣。有內奸以城中食乏。軍火且盡告。遂增闕隧道。以十二月十七日昧爽。併力攻。逾時。水西門城塌十餘丈。公且戰且修築。忽傳賊自城南緣梯入。人聲鼎沸。公知事不濟。掣佩刀自刎。左右持之一僕負公行。公不可。則嚙其肩及耳。血淋漓。僕創甚。委公於地。賊逼公轉戰。至水關橋之古塘。被七創。奮投橋下死之。同殉者。同知鄒君漢勳。參將馬君良勳。自六安從公入城者也。參將戴君文瀾。縣丞文君延輝。自湖北來援。乘間入者也。布政使劉君豫鈐。

池州知府陳君源。克同知胡君子錐。副將松安君。縣丞興福君皆死。而知府竟降賊。前以城中虛實告。及置梯南門。皆其勇目徐淮所為也。公因孤城時。援師十餘壁。皆不能前。十二月十二日。公弟忠濬自湖南募師來。援與劉公長佑殊死戰。不利。及再戰城陷矣。後八日。舊卒周昌發。冒死入城。負尸出。面如生。事聞。上震悼。遣贈總督。賜祭葬。予諡忠烈。封公三代如其官。命廬州及湖南江西各建專祠。公性英烈。與人交。披瀝肝胆。終始不渝。同年生武岡曾如。繼暨湘鄉鄧鶴齡。陝西鄒興愚。先後客死京師。貧不能返葬。公皆身護其柩歸。治軍推赤心待人。得其死力。所過無秋毫犯。每戰親臨陣。踴厲風發。誓不與賊俱生。尤料敵如神。能以至少擊至眾。故所向有功。居圍城每夕必巡城一周。見士卒食苦。輒呼叱著取嘗之曰。適巡城飢。與君一共此味耳。以故士卒感服。無忍背者。賊起嶺西尚蠻耳。王師且十萬。環視莫敢先。公以書生倡勇。敢軍氣為一變。其後楚軍輩出。卒克金陵。夷大亂。皆公風聲所起也。公建三省會勦議。請治舟師扼上游。今大學士曾公。卒用此肅清江面。成大功。公存亡實關天下安危。豈僅以一死激頑懦哉。初公計偕入都。嘗過曾公。語移時去。曾公目送之曰。平生未見如此人。既而曰。此人必立名天下。然當以節烈死。自公死海內。識與不識。下及婦人孺子。皆為流涕。祠祀徧江以北。公既薨之二年。上猶下前疏軍中。其知公深矣。五年。援賊屯大蜀山。上有公祠。夜見列炬燔焚。劍槊聲相磨。賊驚遁。祠得全。喪歸。柩尚在城。別賊自東安犯新甯。攻七晝夜。敗去。訊賊黨。具言酣鬪時。見藍旗軍突

出遂不支。監旗者公部向所用旗。時寔無此軍也。或謂公靈不昧。雖死猶殛賊云。公年四十有二。父上景。歲育生。昆弟四。公長。次忠濟。今任四川布政使。次忠濟。道員。陣殉。通城。次忠濟。累擢道員。子二。孝椿。以忠濟子嗣。孝棠。遺腹生。忠濟。字汝舟。幼從忠烈公學。道光二十九年。李沅發作亂。公倡募鄉勇。有復城功。咸豐二年。粵賊犯長沙。佐忠烈守城。戰甚力。三年。忠烈赴武昌。以舊部千人。屬君。與劉君長佑。留長沙。勸土匪及忠烈。勸賊通城時。崇陽嘉魚。賊竄起。忠烈兵單。君與劉君倍道進。援抵崇陽。大破賊。斬首逆陳北斗。及餘黨數百人。進攻通城。賊數萬。圍官軍數匝。忠烈拊君背曰。非弟不能破此賊。語未竟。君挾雙刀大呼躍出。眾從之。忠烈援袍鼓助戰。眾殊死鬪。賊大潰。生擒渠魁張西園等二十餘人。斬獲無算。湖北土匪平。及守江西。賊轟城垣十餘丈。君督壯士百餘。囊土築之。俄而城大圯。築者志陷君。跳而免。越二日。地雷復發。地坍八十餘丈。賊諜而登。君斬先登者二人。賊乃退。麾勇急築之。復穿地道出城。擊濠城下。引水注之。賊所為隧道盡廢。省城獲全。君先以功保通判。加五品銜。賜孔雀翎。至是圍解。詔擢知府。尋以省母歸。君弟忠淑。奉檄勦賊通城。兼督治團練。會以疾請缺。巡撫駱公命君往代。尋調赴永州。堵勦巢寇。敗賊於藍山。再敗諸嘉禾。又敗諸甯遠。連復三城。殺賊二千計。詔以道員用。六年。駐防岳州。湖北巡撫胡文忠公。請移勦通城。至則召本地團丁千餘。置後營。助聲威。出不意破賊四營。賊遂悉銳來犯。眾數萬。四面圍官軍。或勸君宜退。叱斥之。戰益力。賊從後營攻入。團勇驚散。

陣亂。君立營門。大呼殺賊。手刃回顧者數人。策馬奮砍。力竭遂死之。年三十有八。時四月四日也。是役營勇三千。死幾盡。無一降者。事聞。贈按察使銜。予卹典。同治元年。朝廷追念死事諸臣。與忠烈公同膺諭祭。特旨予諡曰壯節。

塔忠武公事略

咸豐四年三月。巢逆數萬人。自金陵溯大江而上。越安慶武昌。再陷岳州。過洞庭。以戈船徧布臨資口等處。知長沙有備。遂由湘陰破寧鄉。間導襲湘潭。湘潭居長沙上游。百貨所輾。賊掠舟萬計。分黨溯流窺衡。永當是時。賊披百勝之勢。料官軍無能挫其鋒。既得湘潭。長沙不攻自困。塔忠武公時方為副將。聞警投袂起。帥所部兵勇。會同水師。血戰五晝夜。大破賊。殲蕩弱斃燔斃數萬計。時所部千三百人耳。微此戰。賊且溯湘源以達粵。西者巢直下通金陵。首尾一江相貫注。大局將不可支。烏虜公之功在社稷。豈尋常一手一足之為。烈哉。自時厥後。公威名震天下。由湘而岳而鄂。所向克捷。雖婦人孺子。罔不知有公。使天假公年。平賊當較易。顧以暴露行間久。積勞成疾。齋志卒於軍。此朝野官吏軍民無不識與不識。莫不同聲一哭。為公悲且為天下生民悲也。公諱塔濟布。字智亭。姓托爾佳氏。滿洲鑲黃旗人。生而神識。沉毅。都統烏蘭泰公風器之。由火器營護軍。擢三等侍衛。咸豐元年。發湖南以都司用。二年。賊犯長沙。以守城功。擢游擊。賞藍翎。署中軍參將。時在籍。侍郎曾公國藩。奉命督治鄉兵。用明威繼光法。訓練束伍。每校閱。公必短後衣躡履帶。

刀侍。曾公與語奇之。試所轄兵皆精練。副將清德方忌公。嘆提督將加推辱。曾公乃劾罷副將。薦公忠勇可大用。且云塔齊布將來如出戰不力。臣甘與同罪。得旨加副將銜。三年。勦茶陵安仁土匪。賞換花翎。記名以副將用。四年二月。率所部由平江進勦湖北通城崇陽。賊會官軍失利。岳州賊乘勢上犯。曾侍郎水師退保省河。公隨有湘潭之捷。公之勦湘潭也。始至。次高嶺。賊即掩至。公手大旗麾軍士縱擊。斬偽先鋒元帥九人。賊敗潰。逐北數里至城下。明日賊大出犯。公伏兵山左右。設礮三重誘之。及賊逼砲斃以百數。賊大亂。伏起夾擊之。賊奪路走。僵尸相枕籍。逐薄城闕。殫悍賊數百。公深入。幾中伏。跌而免。虜兵塵鬪大破之。城北賊柵皆盡。其南則水師會勦。焚賊舟數千。并焚市廛。使城外賊無所止。火光燭天。三日夜浮尸蔽江下。其時領水師者楊公岳斌。彭公玉麟。及褚觀察汝航。夏同知鑾也。四月二日。賊棄城夜遁。凡六日。湘潭平。詔加公總兵銜。賞喀屯巴圖魯名號。命署湖南提督。未幾即解。先是提督鮑起豹以清德之譖。屢斥辱公。至是起豹罷。公代其位。軍民快之。時賊猶駐岳州。分黨陷常澧。公馳抵新墟。破土城三座。舟師亦敗賊雷公湖。又敗之道林磯。公與羅忠節公澤南。李忠武公績賓合軍攻岳州。敗賊於高橋。閏七月二日。盡破賊壘。賊棄城退踞城陵磯。未幾賊舍舟登陸。將據險為營。分三路來撲。公亦分三路擊之。賊抵死抗拒。良久始敗潰。追至擂鼓臺。殲賊八百有奇。公臨陣。好匹馬衝鋒。戒從者勿必從。從亦無能及者。尤好單騎薄城壘。覘虛實。賊屢馳之。瀕危得免。有天幸。一日携親卒

四人進規擣鼓臺。突遇悍酋，猛鬚睥目，直呼公名，橫矛刺其馬。欲擒公，親卒黃明魁躍起，斬酋隊馬。酋回刺明魁，傷右脇。公親刃酋殪之，獲賊旗，視所署字，知為偽丞相曾天養。天養驍桀為賊魁，自楊秀清以外，皆為之下。伏誅後，賊黨為之如齋六日者也。賊既失悍酋，奪氣退踞武昌。公與羅公自臨湘進，勦長安驛，羊樓岡，佛嶺，大沙坪等處，戰屢捷。復崇陽，蒲圻，咸甯。又敗賊於官步橋，及徐李埔，遂與羅公進屯江夏之紫坊。初，曹公在城隍磯，約諸軍會紫坊。至是，召諸將議，攻取武昌。策定，議羅公帥師攻花園賊壘，水師扼長江。公從油坊嶺趨扼洪山。山在武昌城東北，左近梁子湖，右隔湯孫湖，係絕地，為竄賊所必由。時城賊凶懼，以八月二十三日，啟東北門遊，公扼而截之。賊路斷，迎斬黃衣賊目數名，賊崩奔。悉趨山背。復麾軍圍逼於沙湖塘角間。賊爭赴水死，填尸幾滿中，多幼孩。公見之大哭，傳令拯救，得二百有奇。賊因而乞命者，又七百有奇，分別誅釋之。武昌既復，進攻大冶。戰於五里牌。斬黃衣騎馬賊，賊大奔，燬賊壘二。亡何賊反，聞伏突起，刺傷公坐馬。左右兩軍合擊，賊復大潰。爭橋渡，橋斷多墮水死。生擒百二十四人。是日，羅公有興國之捷。於是兩軍會於興國，籌進取。羅公西擣半壁山，公東勦富池口。十月二日，戰軍山，半克之。屯其地。距羅軍十餘里，中隔小河。方造浮梁濟，忽出賊千餘，逼渡處，別賊數千，陣半壁山左右。與羅公大戰。公隔河為聲，搥賊大敗。既又由富池口沿岸而上，冀襲我軍。後公擊走之。浮梁城初五日，田鎮賊渡江來犯，公與羅公夾擊之。殲賊四百餘，溺斃半之。是時賊所設橫江

鐵鎖在南岸者已斷。而北岸猶未破。十三日水師大戰。公及羅公列陣半壁山。護之。燭逆舟數千。北岸鐵鎖悉銷燬。賊遁竄廣濟。黃梅田鎮既克。得旨賞穿黃馬褂。予騎都尉世職。二十日公及羅公渡江。繞至蘄州。及賊於蓮花橋遇伏。表前軍稍卻。公匹馬突陣。手刃大旗賊。追奔數十里。遂復廣濟。而黃梅為賊必爭地。悍酋秦曰綱。陳玉成。羅大綱。併力守之。以數萬賊分布小池口。孔瓏驛。而立堅壘。於大河浦龍頭寨等處。嚴密與田鎮埒。十一月朔。師次雙城驛。賊數路來犯。公與羅公併力擊之。追奪十里。破其五壘。斃賊三千餘。生擒九十餘。越日。進次夏新橋。距城西四里。公與羅公登山。望知北門可攻。遂親進搆。我兵肉薄而登。多受創。公頭被石擊。流血被面。督戰益厲。卒克黃梅。曾公疏陳賊狀。有詔戒公輕進。公讀之。感泣。專攻孔瓏驛。南通小池口。東臨水。賊於西南北築土城。公從西南路進。攻累肩為梯。卓矛而躍。遂大破之。賊悉竄小池口。分黨奔湖口。與九江相犄角。為死守計。公遂與羅公渡江。攻潯城。十二月朔。攻西南門。不拔。驍將童添雲死之。會水師被賊襲。喪失輜重。而賊師率從江北接濟。羅公從二套口渡江。進攻小池口。公率壯士二十人渡江。督戰。以眾寡不敵。敗且退。公匹馬衝突。為諸營扞蔽。有黃衣賊酋三人。策馬來犯。公以套馬竿圍一酋。頸斬之。且奪其馬。餘賊皆靡。公俟大隊沿江上。單騎馳入鄉間。馬陷泥淖中。幾失道。有田父夙耳公名。留匿其家。時除夕前一日也。次日各軍以公未歸營。洶洶失所倚。有泣者。夜三鼓。鄉民忽送公渡江歸。曾公羅公皆躍起。跌而出。握手相勞苦。繼以

泣公談笑自若曰。飢甚。速具飯。啖我。時合營皆驚。喜。歡聲如雷。飯罷已元旦矣。五年正月六日。城賊出。犯公擊斃二百有奇。生禽二十有一。公令暗伏地雷。誘賊來。撲而陷之。果斃百餘賊。其後戰屢捷。而城終不下。六月。曾公與公約會於青山。曾公謂宜移師於東渡。勸湖口及東流建德長驅直下。公以攻具方備。誓力破此城。七月十八日。傳令攻城。忽患氣脫。日中薨於軍。年三十有九。事聞。上震悼。照將軍例賜卹。廕襲如例。許入城治喪。賜祭葬。子諡忠武。公長身火色。居平粥粥。若無能。及臨陣奮擊切齒。口角流白沫。若欲生啖賊者。所乘鐵驪極有力。湘潭之捷。殲賊酋所得也。每戰不令士卒出己前。他軍被圍。或小卻。必蹀馬馳救。背負火鎗一。腰刀二。手長矛。及套馬竿各一。技皆精絕。無虛發。每逼賊壘。現形勢。比賊覺去已遠。賊中驚。以為神。而公雅容恬退。未嘗一自誦也。天性忠孝。自擢提督。於左臂涅忠。心報國字。左右嘗以海慈窩進。公愀然曰。吾母夫人在都。不知能給朝夕否。忍甘此耶。深夜呼親卒。與絮語家事。每至泣下。偏裨小校直入內帳白事。不俟傳宣。軍紀律嚴。秋毫無所犯。輿最下卒同甘苦。德化令達。莞席以士卒皆卧草上。卻之。及薨。軍民逾時悲泣。喪車至南昌。所乘馬服鞍鞵隨行。將入城。忽滿身汗溼。人謂公靈實乘之云。湖南江西及九江湘潭均奉旨建專祠。公妻于氏生女一。無子。以弟子永承嗣。其弟莽阿布。先一年戰死獨流軍中。

羅忠節公事略

本朝武功邁前古。所用皆八旗暨東三省勁旅。各直省綠旗兵。嘉慶初。平定川楚教匪。始以鄉勇補兵之不足。然十裁二三。卑迨粵逆起。而楚勇湘勇名天下。營兵或反為世詬病。此二百年來兵制之一變也。楚勇始自江忠烈。湘勇則自羅忠節。公始。公諱澤南。字仲猷。號羅山。湖南湘鄉人。幼穎悟。十歲能文。家酷貧。溺苦於學。夜無油。把卷讀月下。倦即露宿。達旦。年十九喪母。明年大父及兄嫂歿。二十九喪次子及三子皆殤。是歲為道光乙未。大旱饑疫作。公罷試徒步歸。夜半啟門。則其妻方以哭子喪明。時飢甚。索米為炊。無有也。己亥補縣學。年三十有三矣。又八年始食廩餼。公自少篤志正學。好儒。先性理書。賀制軍長齡。唐太常鑑皆重之。制軍延課其子。咸豐元年。詔舉孝廉方正當事。以公應。二年粵逆洪秀全等犯長沙。縣令屬公練丁設防。號湘勇。明年侍郎曾公國藩奉命督治團防。適江西上猶土匪竄桂東。檄公進剿。行次衡山。忽草市寇起。眾千餘。公禽首逆劉積厚等二十餘人。進擊桂東賊。走之。時粵寇圍南昌。公帥湘勇赴援。既至。土賊陷太和安福。圍吉安。公與劉公長佑往援。賊解圍遁。公追至安福。復縣城。日夕賊大至。敗之。明日又至。我軍屢戰一當百。斬馘無數。賊竄入湖南。巡撫駱公秉章檄公回剿。賊尋遁。會永興土寇蕭曾侍郎檄公往剿。戰於油榨墟。平之。公初以湘勇三百破安福賊數千。與李公續賓分帶中右營。共七百人。至是增至千人。屯衡州。再平草市土寇。斬首逆王大漢。四年夏。湘潭賊退。公與提督塔忠武公會師東下。六月攻岳州。公以大橋路為賊所必爭。率所部扼橋守。三戰

皆捷。殲賊千。閏七月二日。破高橋賊壘九。賊退踞城陵磯。公與塔公乘勝進擊。進破賊營三。賊宵遁。是役也。公獨當大橋一面。功最偉云。尋自臨湘進駐長安驛。賊分四路來。挾公令偃旗息鼓。乘間突起擊之。賊大潰。又破賊羊樓崗。追至百花嶺。再破之。佛嶺。進屯虎爪市。連破桂口。大沙。砰賊壘。復崇陽。時武昌賊分黨由金牛入咸甯。公擊走之。追敗之。官步橋。又敗之。金牛。遂進駐江夏之紫坊。始曾公約諸軍會紫坊。及是召諸將至金口。議攻武昌。策公出所繪圖。言紫坊出武昌有二道。一洪山。大路。一沿江。出花園。當以重兵勦花園。而分兵扼洪山。防反竄。諸將未決。公請身任其難。遂自攻花園。而令塔公出洪山。時花園悍賊萬餘。築堅壘三。一枕大江。一瀕青林湖。一跨長隄。深溝。堅柵。列巨砲為固。八月二十一日。官軍水陸進攻。公直趨花園。賊憑木城轟拒。我軍伏地進。分兵奪賊舟數十。舟賊退。營賊亦亂。乘勢踰溝。摩其壘。同時並下。翌日攻鮎魚套賊營。川勇卻。公擊賊堤上。隔溪不能殺。街口賊乘勢出。還。公奮擊敗之。李公由江岸回。搃。又大敗之。賊竄洪山。為塔公所購。是夕棄城遁。二十三日。武漢城皆復。距會議時七日耳。鄂城之克。實本公謀也。九月師出金牛。敗賊於沿埠頭。克興國塔。公復武昌。大治。遂規取田家鎮。鎮居大江北岸。與半壁山斜對。為上游門戶。舊設防兵。陷於賊。賊更為鐵鑊以截水師。而重用兵屯半壁山。江以守。十月朔。公搗半壁山。賊數路來。犯公策馬衝陣。賊敗。奔江邊。感之。墜水死者千餘人。初四日。塔公造浮橋渡小河。為賊所遏。賊自半壁傾巢出。北岸賊渡江。助戰者近萬人。偽王生

將臺督戰龍濟黃蓋勢張甚時公所部僅二千六百人衆色沮有潛遁者李公飛騎追三卒回于舟之軍心乃定公令堅伏弗動度賊銳已竭突起急攻賊大潰悉奔牛壁山而後路為我軍所扼不得上皆觸石墜產死凡數千水師亦蔽江下斷橫江鐵鎖燔賊舟四千餘艘火光夜照數十里水陸夾擊田鎮平尋渡江次菩提壩塔公已先至兩次伏賊起皆擊敗之擒斬一千三百遂復廣濟十一月進軍雙城驛賊扼險而營一鼓登山平其壘抵黃梅與塔公奪柵入縱火攻之賊竄城復遂進軍濁港遇悍賊解衣出戰堆積市肆間公焚之斬馘千餘生擒數十餘賊退保孔瓏驛賊首羅大綱復從湖口卒萬人至公分兵抄襲街口賊敗歸壘攻破之大綱逸去是役以五千人破賊二萬賊遂盡撤沿江各營併力守九江矣塔公渡江圍潯城公別勦益山遏湖口上援之賊攻梅家洲賊壘不能下會水軍自湖口入彭蠡盡燔賊艘賊亦潛以小舟縱火襲我外江輜重船水師濤公回駐九江會對岸小池口有賊公與李公率勇千四百人進勦塔公往助之渡江賊大至月既接我前軍卻公急斂兵歸時十二月二十九日也五年正月北岸賊由黃梅廣濟上犯武昌復失曾侍郎入南昌別賊由浮梁陷饒州及弋陽檄公往援勦時公所部分三營李公將左營蔣君益灃將右營公自將中營唐君訓方劉君希洛各率勇從之二月大戰五里亭克弋陽賊尋陷廣信公壁城西烏石山賊三路來犯公方築壘不為動俟其疲乏乘之大獲翌日賊復大至見我軍不動亦不敢前相持兩時許忽起乘賊大敗之遂四面薄城賊

啟東門遁。初賊驟至，民不及避，殺戮甚慘。公至不三日，復其城。士民歡躍，焚香遮道迎。尋追賊至德興，復其城。賊避景德鎮。公引軍至賊遁。未幾有義甯之役。先是賊自崇通陷義甯。江西大吏命都司吳錫光往援。錫光故驍勇，至則全軍覆焉。及是檄公進勦。七月次梁口。賊分兩路來拒。我軍三伏以待之。賊潰，伏兵從山後出，賊之抄我後者，我軍反蹙其後。斃賊六七百人。越日進駐棋盤嶺，以鷲嶺為州城屏蔽。急據之。嶺距州七里。左曰鳳凰，其右最高者曰雞鳴峯。峯下即西門擺。百貨所輳也。軍據此，全城在目中矣。十四日大戰，以二千餘衆殲賊六千餘。賊奪氣，閉門不出。次日復戰，又敗之。盡焚江邊賊壘。是夕賊棄城遁。義甯既克，公上書曾侍郎。其略曰：武昌居吳楚上游，九江為豫章門戶。今皆為賊據。崇通等處群盜出沒，江西之義甯、武甯、湖南之平江、臨湘均無安枕之日。欲克九江，必由武漢而下。欲克武昌，必由崇通而入。曾公因奏派公回援武漢，而以彭三元、普承堯所部寶勇練之。九月進攻通城。悍賊萬餘人見官軍至，突出薄之。公令軍士席地坐無譁。待賊逼，大呼奮擊，斬賊將三人，乃崩潰。明日破城外三營，奪門入克之。尋進攻桂口。令會攻通城之車原、澹何忠、駿等。率平江勇駐守。而自率所部克崇陽。尋以分兵攻梯木山。有濠頭堡之敗。公校軍再戰，復大捷。進攻蒲圻。間道出公安，戰初不利。殊死鬪，肉薄登城。卒克之。遂復咸甯。自是武昌以南無賊蹤，而逆渠石達開自崇陽乘虛入義甯。江西賊勢日棘矣。十一月師抵案坊，與巡撫胡文忠公會合。又會提督楊公岳斌於金口。商進取策定議。

公率湘勇從東路壁洪山南崗。胡公從中路壁城南隄上。而令九溪營屯金口。為水師犄角。時賊於武昌城外築堅壘十三。高者與城埒。公至方修壘。胡公亦始至。悍賊二萬從十字街出。胡公擊卻之。旋至旋卻。如是者數。公與李公潛師出。賽湖隄。分兩路繞抄。胡公所部。凡湘勇至。佯敗走。賊追之。旋反擊。則公等已抄出堅壘北。遂破十字街營。盡殲追賊。無脫者。於是賊皆絕城入。盡毀城東南賊壘。公與諸將議曰。西路八步街口。為我軍通江要路。賊壘不破。則軍糧無由達。北路塘角。為賊通興治要路。壘不破。則賊糧無由斷。遂造浮橋於鮎魚套。進攻八步街。以奇兵逼望山門。襲賊壘後。立平之。於是西路賊壘亦盡。尋與胡公合力攻城。並攻塘角賊營。毀漢陽門外一壘。焚其船。殲賊千。城賊由竇出。截我軍後路。公與李公夾擊之。又殺賊數百。環西北城賊壘。皆盡。公以仰攻不易。誘賊出城戰。設伏敗之。殲賊千。賊急以大隊衝我伏兵。公督兵橫截。又焚七八百人。是夜賊於望山門外。葺石壘二。高與城等。我軍二路踞平之。李公出塞灣。截賊餉道。賊七八千人。由塘角沿湖下抄。且後。公令劉君騰、鴻等出洪山之東。自率中營。出洪山之西。夾擊之。殲賊千餘。賊自此閉城不復出。六年正月。公率中營移屯洪山絕頂。後右各營仍屯南岡。為犄角。賊乘夜襲中營。已摩壘矣。我軍築石投之。登者皆殲。嗣是每夕輒至。公設伏痛殲。斬首四百。賊始不敢復襲營。二月。賊掘賽湖隄。劉公騰、鴻出勦之。及長洪橋。遇伏。力戰乃敗之。公欲分軍扼塞灣。賊出爭。大戰於小龜山。斬級六七百。遂以二營駐其地。明日賊由武勝門出。萬餘人。與

我軍力戰隄上。殲賊數百。公追至城下。繞城審視。賊不敢出。二十九日。夜有大星隕於西北。三月朔大霧。不辨咫尺。次日城賊出。公親搏戰。走之。已而賊規我守壘兵少。大舉來犯。公追賊至城下。賊礮如雨。中公右額裏創。戰逾時。歸而劇甚。日夜危坐不寢。越三日。病甚不能起。語南啣皆時事。口占忠義祠楹聯。使人書之。忽開目索紙筆。仰臥書曰。亂極時站得定。變是有用之學。初八日晨起。汗出如瀉。握胡文忠手曰。武漢未克。江西復危。不能兩顧。死何足惜。恨事未了耳。其與迪菴好為之。迪庵李忠武字也。語畢而暝。年四十有九。公貌樸氣沈。究心濂洛之書。通知世務。期見諸施行。在軍毅然。以滅賊自任。所部將弁。皆其鄉黨信從者。故所向有功。前後克城二十。大小二百餘戰。其臨陣以堅忍勝。如其為學。或問制敵之道。曰。無他。觀大學。知止數語盡之矣。左氏再衰三竭之言。其注脚也。烏虜。此所由能以書生摧巨寇。率生徒子弟數十人。轉戰大江南北。使湘勇之名。遠出營兵上。羞武夫之顏。關其口而奪之氣。而與忠烈江公同。張大楚國也歟。公初以團練級訓導。晉知縣。平安福。晉直隸州知州。克岳州。擢知府。賞戴孔雀翎。武漢克復。遣道員。尋授浙江甯紹台道。以田鎮戰功。加按察使銜。克廣濟黃梅。賞葉普銜。額巴圖魯名號。凡勇號。皆由外請。此出特恩。異數也。義甯之役。加布政使銜。死事狀上。優旨照巡撫陣亡例賜卹。父嘉曰。賞頭品頂戴。子兆作兆升。均賞舉人。詔湖南湖北江西各建專祠。賜祭葬。子諡忠節。同治元年。詔湖南巡撫。遣官即家賜祭一壇。三年克復金陵。特旨加雲騎尉世職。所著小學顏語一

卷詩文集八卷行於世周易附說讀王弼子劉記西銘講義人極行義皇輿要覽竄藏於家

李忠武公事略

公諱續字克惠號迪庵湖南湘鄉人沈毅寡言笑身長七尺膂力過人習騎射能挽三石弓羅忠節公講學里中公折節受學依依不去咸豐三年忠節募勇殺賊公奉父命往佐之所練鄉兵號湘勇從平桂東上匪未幾粵賊圍江西行眷侍郎曹公國藩檄忠節往援公佐謝君邦翰將右營邦翰邑諸生故忠節弟子抵江西戰死公代將其營所稱湘右營者也會土寇陶太和安福圍吉安遂同解吉安圍太和安福賊皆敗潰復馳勦永新事平議叙從九品師旋假歸甫三日趨衡州勦賊油旋墟進復永興次郴州敘功進縣丞初公所部僅三百六十人至是巡撫駱公秉章命增為五百人明年駐衡州平常甯土匪時相潭賊敗竄曾公統水陸軍東下檄湘勇從六月抵岳州壁大橋時湘軍兩營才千人分防八路賊日夜來犯提督塔忠武公約會攻賊巢兵始交我軍小卻賊追騎大至公左右止數人戒曰毋走徐行陟山岡賊不敢逼已而我軍漸集公親搏戰斬大旂賊數人餘賊爭登山公曰是可取也手劍策馬大呼而進斬賊目一人奪其旂追北十餘里明日塔公三營指所部贊曰好勇好勇與公語良久嘆曰名將也公自隨羅忠節從軍循循弟子列退然若無所知人無有異之者至是始以知兵聞時官軍日與賊戰斬讎數千公與塔公曰連旬戰賊不得出掠食且盡可乘機薄其壘明日遂進兵風雨驟至眾欲退公曰天助

我也。與塔公並總督戰。頃刻破數十壘。岳州平。擢知縣。賞戴藍翎。八月同羅公克崇陽咸
角。進規武昌。二十一日。破花園堅壘。及鮎魚套賊營。明日克武漢。語在羅忠節公傳。公擢
直隸州知州。賞花翎。九月同克興國州。擒偽進士胡萬智。斬之。十月進攻牛壁山賊巢。時
南北兩岸賊無慮十萬。鑿鎖橫江。賊舟層聚。數十里。塔公師抵富池口。以賊阻浮橋不克
濟。湘勇及寶勇僅二千六百人。軍士多失色。逃者三人。公飛騎追還。揮淚斬之。軍心乃固。
適日大戰。殺賊數千。緒其巢。遂破田家鎮。擢知府。賞擊勇巴圖魯名號。授安慶知府。當是
時。公知兵之名震天下。初。陸師分南北進。勦楊制軍。需勦北岸。公隨塔公。羅公勦南岸。曾
公督水師循江下。偽丞相羅大綱守廣濟。黃梅設千壘數十。田鎮破後。偽燕王秦曰綱。檢
點陳玉成。皆往附之。勢張甚。總督不能前。塔羅兩公乃渡江北。勦公率為軍鋒。每攻壘。與塔
公逼賊壘十餘丈。席地坐。礮彈如雨下。談笑自若。忽躍起曰。進則橫厲無前。當者輒碎。遂
復廣濟及黃梅。賊濯港。再敗賊孔瓏驛。抵湖口。敗賊梅家洲。知九江未可驟下。從羅公
移營廬山。十二月。水師初入彭蠡湖。外江失利。小池口賊勢復張。湘軍退回九江。公憤甚。
請於曾公。自率千餘人。以歲除前一日渡江。攻小池口。偽城。塔公亦率二十人偕往。因眾
寡懸殊。戰不克。比暮始收隊。而塔公獨未返。公涕泣不食。誓渡江再決死戰。明日塔公竟
危舟返。無恙。時除夕三鼓矣。明年二月。武昌復陷。當賊之從江北上竄也。公知北岸官軍
不能敵。建議分南北兩軍。夾江而勦。令塔公益募勇三千。合潯軍五千。專勦南岸。別選大

將軍淳軍三千。蓋募勇五千。直趨漢口。勦北岸。南北各自為戰。一圍安慶。一圍金陵。庶大局克有濟。曾公聽其言。將以北岸屬羅公。以餉絀不果。亡何曾公入江西。饒廣告急。檄湘軍援饒。師抵章門。則饒匪已陷弋陽。三月。偕羅公進勦。賊大水橋。復弋陽。城趨陷。廣信追擊之。二日而城復。移軍景德鎮。會義甯州陷。江省大震。七月。追攻義甯。奪蒼嶺。賊隘賊大創。棄州城遁。語均詳羅公傳。傳音記名。以道員用。八月。同羅公回援武漢。克通城。崇陽。而岳州警報忽至。公分兵趨蒲圻之羊樓崗。會李君杏春彭君三元戰死。崇陽之濠頭堡。眾議馳救。公曰。死者無及矣。生者必來歸。賊乘勝遠鬪。利在速戰。宜堅守以持之。俟其疲乃可擊也。明日賊至。我軍憑壘固守。比暮賊將休。公揮眾突之。賊大潰。追北至蒲圻。翌日復其城。並復咸甯。詔加公鹽運使銜。帥師趨武昌。壁洪山。十二月。破塘角賊壘。分壁小龜山。六年二月。與劉公騰。馮扼塞灣。斬賊數千。屢戰皆捷。忽羅公中破卒。當是時。軍中新失大帥。人情洶洶。賊乘機築壘保安門外。礮子及五里墩大營。湖北巡撫胡公林翼奏以公總督諸軍。公涕泣受命。遂掃平保安門賊壘。而江西瑞臨撫建等郡。賊蔓延。北及崇通。蒲咸西及瑞昌。皆陷。賊乃分湘勇四千。屬曾公國華。劉公騰。洪等。由咸甯進勦。賊詞知之。屢出城來犯。公敗之。賽湖。隄又敗之。小龜山。雙鳳山。秋七月。偽翼王石達開率援賊大至。城賊將應之。公分兵駐魯家港。防援賊。遣壯士數百人。執所奪黃祈誘賊出城。賊信為援。至。出城。史擊。伏起。殲。賊過半。及援賊既至。禦之魯家港。鏖戰三日。城賊鑿前失。疑懼不敢。

出。援賊遂敗奔。追至小龜山。斬首八百。別將與賊慶園賽湖隄。公率師援之。賊望其旂。幟奔入城。自是堅閉不出。公募民夫開濠。掘江水入湖。為長圍。斷賊接濟。賊益困。十一月二十一日。武昌復得旨。以按察使用。尋分兵追勦。克武昌。渡江克黃州。旋渡江克大冶。興國。遂直搗九江。林榮榮者。賊中最悍酋也。前歲塔公圍攻時。堅守弗下。至是仍率眾死守。夜無更拆。望火城以內。人聲寂然。官軍潛薄之。鎗駭應聲下。七年正月。公用攻武昌法。關濠困之。賊出城阻截。閱數月。濠始成。四月。皖賊上犯。號十萬。犯蘄州及黃梅。羅田。公分兵援蘄州。賊稍退。六月。賊傾巢上犯。蘄黃告急。賊於廣濟童司牌築壘。伺我軍。公渡江。勦平之。八月。破小池口偽城。仍回九江。先是四年秋。賊奪江西戰艦。沈塞湖口。築壘石鍾山。為浮梁鐵鎖。阻官軍。隔岸梅家洲。轟偽城。環巨礮。我軍仰攻不利。其年十二月。水師陷入內湖。曾公益治水軍。章門檄彭公玉麟統之水軍。復振。至是。袁吉瑞臨。以次皆復。眾議會勦九江。公謂九江賊恃湖口相犄角。不拔湖口。九江不可得也。乃定計水陸夾攻湖口。九月八日。公遣其弟續宜。率馬步軍攻梅家洲偽城。躬率師揚言勦宿松。漏四下。迂道八里江。伏湖口後山。士卒皆捫蘿上。羣旦彭公率戰舟攻湖口。東游擊黃君翼升率戰舟攻梅家洲。提督楊公岳斌夾擊下鐘山。賊方悉銳旅拒。公率師從山椒破空下。賊大驚。遂盡殲其眾。湖口立復。梅家洲賊棄城遁。於是內外水師始會合。乘勝復彭澤。夷小姑洲。偽城得旨。除浙江布政使。返九江。適臨江逸賊竄興國。冒雪遣兵往搗。擊走之。八年春。水陸晝夜攻九

江賊守益堅。我軍穴城崩為礮石所墜。至稍遶。賊旋堵禦。公令壯士數百人擁盾自蔽。先伏城濠。四月七日。地雷復發。勇自濠內奮呼登城。城立復。殄賊數萬無脫者。啓榮死。亂軍中磔其屍九江平。加巡撫銜。賞穿黃馬褂。許東摺奏事。方九江之破也。公弟續宜率師攻麻城。未合圍。公以九江師益之。躬請假歸省。甫抵鄂。而悍酋陳玉成由安慶潛糾太英。霍賊分擾蕪黃。警報日數至。未幾賊間道陷黃安。續宜分兵馳援不下。公聞警。取道黃陂。約夾擊。敗賊黃安門外。賊遁麻城。賊亦不戰走。乃還鄂。時皖中糜爛。奉命越境勸皖。詔將軍都興阿。總兵鮑超率馬步軍由宿松趨安慶。公由英山趨太湖。乃令續宜駐軍鄂。潛自帥八千人啟行。議者謂出境勸賊宜。益兵為四翼。各三、四千人。而自帥中軍。五路並進。公以餽餉難之。會曾公奉詔墨綵起視師。與公會於蘄州。公遣將朱品隆。唐義訓。分千人為之衛。議者又謂宜調鄂中守碉勇。以換留防九江彭澤之湘軍六千人。隨同勸皖。公以更調需時。日即率守碉勇以行。抵太湖。適署皖撫李君孟羣師潰廬州。諭公及都公改道援廬。公與諸將議曰。由太湖救廬。凡數百里。廬已陷。師至。緩不能濟。急且太湖圍撤。賊由豫北竄。是腹背受敵也。遂決計取太湖。掃蕩桐舒等縣。直趨廬州。時咸豐八年八月也。是月克楓香驛。小池驛。賊巢。復太湖。乘勝復潛山。遂進擣三河集。三河集者。廬州要害也。賊築城。傳以九壘。用悍賊數萬守之。三河破。然後可進規廬州。自克桐城。後公令總兵趙克彰。率六營守之。又命副將謝永祐守舒城。於是所部僅五千人。九月二十八日。抵三河。十

月二日破賊九壘。斬馘數千計。忽僞英王陳玉成自江浦六合率大隊來援。僞侍王李世賢自廬州糾捻匪來援。衆十萬。連營金牛鎮白石山等處。烽火互數十里。諸將議退守桐城。公曰。軍事有進無退。當死戰。遂飛檄各防軍來援。未至。初九日。援賊蝟集。明日我軍迎擊。至黎家渡。突遇大隊賊。天大霧。賊用衆抄擊。我軍相繼潰。副將劉神山。參將彭友勝。游擊胡廷槐。鄒玉堂。杜廷光等。先後戰死。公傳令軍中。嚴守牆壘。無何各壘皆破。運同丁銳。義馳入湘右營。誓同公死守。武勸公突圍出。圖再振。公曰。軍興九年。皆以退走損國威。長寇志。吾當縱橫血戰。多殺一賊。即謂國多除一害。且吾前後數百戰。每出隊。即不望生還。今日固必死。有不願從死者。請各為計。諸將士皆曰。某等願從公死。日暮賊攻益急。公上馬開壁馳擊。殺賊數百人。夜二鼓。總兵李續燾。副將彭祥瑞。率屬越壘衝出。賊遂踞其壘。決河隄。斷我軍後路。公知事不濟。具衣冠望闕叩首。取所奉廷首及批摺焚之。曰。不可使宸翰辱賊手。乃躍馬入賊陣。身被重創。見黃旂。知為賊渠。曰。此吾軍命處也。馳入死之。同知曾國華。知府何公忠。駿。知州王君揆。一同知董君谷。方。知縣楊君德。闈。從九品李君續。藝。張君溥。勳。皆殉焉。道員徐君子信。興。丁君銳。義。猶激厲士卒。死守中右營。至十二日。水火俱盡。營陷。皆死之。是役也。文武官弁死者數百人。兵勇數千人。而中右一營。為尤多。云。事聞。上震悼。手敕曰。詳覽奏牘。不覺隕涕。惜我良將。不克令終。尚冀忠靈不昧。再生申甫。以佐予也。又詔曰。李續賓當賊犯長沙時。首倡團練。自後赴援。江西湖北安徽等省。皆

親歷行間先士卒。七年間先後克復四十餘城。大小六百戰。所向無前。一時諸將中。無與倫比。朕以其威望素著。特命幫辦安徽軍務。方冀肅清皖北。淨掃狂氛。乃因進圖廬郡。先勦三河。苦戰旬餘。殺賊逾萬。適江浦六合廬江逆黨。大股來援。以五千兵勇。當十萬之賊。將士傷亡。從容赴義。其忠勇義烈之氣。雖死猶生。寔深悼惜。其加贈總督。卽昭總督陣亡例。賜卹。入祀昭忠祠。其父登勝。可給一品封典。並賞銀五百兩。子光久。光令賞舉人。服闋後。送部引見。並於湖北江西安徽湖南湘鄉。各建專祠。事蹟宣付史館。以示朕褒卹蓋臣至意。尋賜祭葬。子諡忠武。公崛起田間。以平賊自任。選士以知耻奮勇。樸誠敢戰。為上每臨陣。安閒靜鎮。不苟。按刃尤能以少擊衆。大小數百戰。未嘗挫衄。在軍疏令嚴明。所至百姓懽迎。耕市不擾。轉戰江鄂時。所過州縣。不見寇。不索供。張廣坐中。言不輟發。他將多以氣節相高。公默然深藏。恒曰。事由心定。毋張皇。性至孝。克九江後。乙假省親。既不果。乃為迎養計。其父以書報之曰。軍事方殷。兒當壹意報國。勿以我二人為念。公省書掩涕。及拔營。握胡公手痛哭曰。吾無由復見父母也。左右皆感泣。軍中所餘廉俸。不以寄家。嘗督助曾公營中。及彭公玉麟水師營。曾公國荃吉安營。約二萬兩。而元度時駐軍貴溪。餉罄盡。公亦以五千金寄助。馬與諸師共事。和衷商榷。胡公撥撫標兵萬人。隸公麾下。皆心服樂為之用。其臨陣專以救敗為務。顧大局為先。遇賊則讓人禦其弱者。而已當其悍者。命軍則以强者予人。而留弱者以自隸。江楚兩軍。每言肯按帶弱兵。臨陣救人者。塔忠武

公一人而已。公薨年四十一。舒城難民覓其遺骸送霍山大營。同治元年詔湖南巡撫遣官即家賜祭。三年克復金陵賞二等輕車都尉。弟續宜字希庵以戰功累擢官至安福巡撫。

鄧忠武公事略

公諱紹良字臣若湖南乾州廳人。父士儼以歲貢任平江訓導行誼稱一時。公自幼以將略自許。充屯弁補鳳凰廳把總道光二十二年從征崇陽身被數創裳甲盡赤以功擢千總署守備。李沅發為亂新甯公帥五百人追賊深冲洞賊悉銳逆擊公為戈真前所部從之賊辟易仍據險旅拒公命將士乘晦銜枚登山噪而馳賊驚潰不知所為蹂踐死者無算。遂生擒沅發檻送京師賞揚勇巴圖魯名號。戴花翎擢都司。二十九年集賊洪秀全起金田屢敗官軍提督向公榮檄公往與為犄角連敗賊索潭陶節墟賊竄潯州駐大黃江。公麾兵渡對賊壘而軍別賊數萬自牛排嶺來會公引精騎五百橫衝其陣張左右翼繼之。兩路賊皆敗咸豐元年夏公躡賊至象州之謝官村賊築環左右皆山公選壯騎奮而上鏖戰善谷中奪其隘破走之乘勝追至永安州賊迎戰死鬪斬一酋陣稍動遂大敗。論功以游擊升用旋授楚維協副將。二年春賊由大洞竄桂林公空壁追躡一日夜馳三百里屯西城賊百道攻城不下解圍去遂入楚路道州諸路賊俱響應勢大振連陷江華永明嘉禾桂陽據郴州公追及與諸軍壁其三門相持月餘賊乃逸由永興竟犯長沙據城西南隅民舍為窟穴日鑿隧道達城下。隱隱有鋤鑿聲巡撫張公亮甚急檄公入城往

來策應。九月二十九日，魁星樓側地雷發，城圯十數丈。賊蜂擁緣陴上，公率敢死士躍而前，破洞右臂，血淋漓不少卻。與賊搏戰，移時，燈先登，悍賊百餘，餘奪氣散走。督兵累土，城復完。賊知城堅不可下，率全隊渡湘而西，陷岳州。直趨武昌，公捲甲疾馳尾賊。三年奉旨擢壽春鎮總兵，隨授江南提督。赴鎮，江勦賊，屬提賊大至，公兵不滿千，環顧無後應，遂奔上疏自劾，詔褫職，仍命助攻金陵。公率所部，由雨花臺直薄神策門，斬獲甚眾。欽差大臣德興阿擬奏，請公幫辦軍務。向公尼之，授公五百人，令援東壩。公單騎直搗賊營，瞋目大呼，賊眾潰亂，又遮敗之。米石嗣駐軍黃池，賊引眾自蕪湖奄至，公及其未定掩擊之，斬馘無算。追奔二十里，詔賞二品冠服並花翎，命赴徽州。援至則選精兵，伏要隘，獨以數騎嘗敵，賊易其少薄之。陽北伏發，賊敗走。以次復婺源、黟、石埭、蕪湖諸縣。上嘉其功，復提督銜。六年春，詔援揚州，冒雨渡江，率精銳薄城，環攻六晝夜，奮身先登，及堞而墜者數四，誓必拔。卒引卒上克之，詔援浙江提督，幫辦皖南軍務。攻賊三叉河，拔其柵，會甯國，倍道往援。先部兵駐金珂橋，扼賊旁窳，大敗之。東溪橋進，次望牛墩，毒其汲道，賊以數千人來挑戰，公堅壁不出。俟近，偏外濠乃縱擊之，斬悍賊數百。復潛師襲取七里岡，遂薄城下，毀羊馬牆，賊棄城走。旋進兵繁昌營，老鴉山賊猝至，顧一酋銳甚，躍馬刺之，賊大潰。追敗之，何家灣。公念甯國為浙藩籬，而涇尤皖南咽喉，遂屯兵遏其衝，相持至兩載，賊死爭不能入尺寸。八年春，公進壁灣，賊糾捻寇數萬，復踞黃池。公亟驅往，出賊不意，大破其眾，又敗。

之蒲塘夏村間。賊從奎潭逸。追賊之施家渡。時賊尚疑若鵝山南。分三道來攻。公亦分三道應之。賊大披靡。會浙事急。先後分兵赴援。賊乘虛突襲義橋。石桅不守。灣社腹背受敵。援師至。自金陵者復一戰。賊騎四面陵騰之。公具衣冠北面再拜。舉火自燔。其營死而浙遂不能支矣。事聞。上軫悼。賜祭葬。命建專祠。賞騎都尉。兼一雲騎尉世職。贈太子少保。子益忠。武復。公三代如其官。嗚呼。自賊起。粵西長驅而東。穴有江左。獨賴吾湖南下水軍。輸糧糗。舳艫街江千里。相望不能絕。用能乘機逐利。收奪失土。以成王誅。克夷大難。然當前嬰城時。穴火發。賊呼噪乘城。非得公奮身獨敵。何處抵擊之。城其危矣。保一隅遂全天下。公之功其偉矣哉。雖不幸齋志殞。未獲成大功。享有茅土。而比年荷社稷之靈。諸干城之力。卒平僭亂。草薶之無遺種。公亦可以無憾矣。公卒年五十有八。子亨先。襲世職。叙光禘寺署正。

胡文忠公事略

公姓胡。諱林翼。字貺生。號潤芝。湖南益陽人。父達源。嘉慶己卯一甲三名進士。官少詹事。公九歲。省詹事。公京師。即授以儒先性理書。而公少負才氣。不甚措思。如道光乙未舉鄉試。明年成進士。選庶吉士。授編修。庚子分校會試。其年秋。副文端公文慶典試江南。因事降一級調用。明年父憂歸。服闋。授例為內閣中書。捐升知府。發貴州。署安順府事。道光之季。寇亂漸萌。嶺嶠以南。駱越滇黔諸山中。奸宄亡命。狐嘯鳥嘯。四出劫掠。句結營兵。胥役為黨羽。無敢捕治。安順宋普里部也。當雲南驛路。向有冒頂大五小五諸匪。聚眾為姦。

暴公廉得其狀延訪士紳寄以耳目偵知賊黨以歲除醪飲其所公親率健捕馳至其地獲著名渠魁余饒責等其黨無一脫者在安順年餘先後擒巨盜三百有奇一郡肅然日坐堂皇訟牒至立與剖斷清積案至三百餘牘倡修義學十數區掇輯節孝八百餘人彙報請旌建總坊通衢稟裁書吏規費安順二百年有司詳報節孝自公始調署鎮遠府府境跨有濠沅所屬皆苗徃其台拱清江黃平皆盜藪效尤橫公治之如安順盜幾盡歲饑開倉平糶清社會之被侵蝕者奉檄帶兵勦黃平革夷山等處苗匪獲盜首保營等三百餘名悉平其寨以勦匪功賞戴花翎會湖南新甯奸民李沅發為亂奉檄赴黎平防堵事竣得旨補缺後以道員用文宗即位詔大臣舉司道以下可大任者雲貴總督吳文節公文鎔貴州巡撫喬公用遷皆以公名應旋署思南府事咸豐元年補黎平府府境毗連湖南粵西山深菁密盜出沒剽奪捕之輒越境竄公至日延紳民及椎結左袒諸渠率賜以酒食詳詢民情地勢令相連為堡擇立鄉正團長牌長互相稽覈捕治諸不法者是時廣西賊大起永甯懷遠融縣環黎平西南界皆賊公募壯勇扼隘防堵辦團練千五百餘寨建碉卡四百五十餘座連屯相望上言督撫請環邊要隘築堡守禦以為言戰不如言守用兵不如用民用民力以自衛不如先用地利以衛民郡城故無儲積勸富民捐穀置倉以備城守自後黎平疊被攻撲城卒不可拔皆公練勇儲粟力也三年秋甕安柳匪滋事以抗糧為名公以計解散脅從而誅其首犯劉瞎麼餘匪悉定先是粵逆出永安犯桂

林道柳桂茶攸犯長沙東下。湖南巡撫張公亮基調公辦軍務。黔撫以公現辦黔匪。關全大局。奏留之。至是吳文節公由雲貴總督調任湖廣。仍調公帶勇來楚辦軍務。而王御史發桂亦言公捕盜鉏奸。饒膽識。所練勇一可當十。請留楚帶勇勦賊。四年春。補貴東連公以黔勇千人。行次通城。而吳公已戰歿。黃州賊遂隔漢陽。以舟師上犯。隔岳州。相陰甯鄉。徑趨湘潭。湖南巡撫賂公東查。調公自平江通城。回援省城。會忠武公塔齊布及楊公岳斌彭公玉麟。已破賊湘潭。而安化土匪黃國旭等。乘機抗糧為亂。檄公往捕。討擒之。而賊之敗於湘潭者。悉所掠舟趨常德。公以所部赴勦。尋授四川按察使。仍留辦防勦事。是年今協揆曹公國藩。大治水陸師東下。公從下岳州。巡撫賂公奏請免隨東下。仍駐岳州。搭勦崇陽通城餘匪。調湖北按察使秋曾公復武漢。破田家鎮。進圍九江。檄公會勦。公自咸甯蒲圻。大治興國。東出瑞昌。與羅忠節公澤南勦賊湖口之梅家洲。五年春。湖廣總督楊需之師潰於廣濟。賊悉眾上。檄公請於曾公。以所部千餘人。回援武昌。別以副將王國才一軍隸之。未至漢陽。失。公先以軍營沌口。檄國才軍由南岸趨武昌。會授湖北布政使。甫半日。城陷。國才至。偵得城賊暗號。即夜遣驍將。詐為賊裝。賺入城。殺賊目數十。城幾復。天曙。賊聚益眾。公倉卒不能濟師。乃令國才退營金口。與彭公玉麟水師相倚。拒賊使不得上犯。旋奉命署湖北巡撫。時武昌三次淪陷。公私埽地。赤立無可措手。公以為不攻漢陽。則荆襄梗塞。不攻武昌。則咸蒲崇通。愈形滋蔓。乃添募兵勇。兼顧南北兩岸。賊謀襲金

口營。斷官兵餉道。公分兵為三路。設兵三伏。親率大隊旋繞之。殲賊七百餘。生擒偽丞相陳大為等。五月。賊分六路來撲。公遣將分路追勦。用伏兵抄襲賊尾。賊敗退屯紙坊。我軍進搗其壘。忽南風大起。礮齊發。賊狂奔入城。是役也。擒斬千餘。淹斃者無算。官軍直逼小東門。於紙坊金口犄角立營。賊伏不出。七月。由金口渡江。以火龍船毀賊浮橋。水陸夾攻。遂克濮鎮。公親冒矢石。奪大別山賊卡。未克。會別賊由漢川至。焚漢口。公軍已一月不得食。至麥山。飢潰。不數日。整軍復戰。移營大軍山。分駐新博嘉魚。其時水陸萬人。多新募。賊至常數萬。見者奪氣。公從容談笑。雖挫而其氣彌厲。州縣殘破。餉源絕。文移指撥。多不時應。為書告隣省求助。情詞深痛。人感其誠。稍資濟之。旋發其私家之穀濟軍食。是年秋。羅忠節公破賊江西之義甯州。以武昌居天下衝。長江險要所必爭。上書曾公。請赴援。曾公以塔公舊部彭三元。普承堯等軍佐之。連克通城。崇陽。蒲圻。咸甯。公親會羅軍於蒲圻。併力擊賊。夷其壘。因偕回金口。與楊公岳斌議水陸進攻策。於是公率所部。及普君承堯。唐君訓。方諸營。由中路出省城之南。駐營堤上。羅公由東路。駐營洪山南岡。留九谿營兵駐金口。護水師。以當西路。賊於五里街。再敗之。賽湖堤。復分兵攻漢陽。賊敗於龜山尾湖堤等處。其鮑魚套賊艘。亦被擊沈。自是武昌以南無賊踪。而督帥官公。以吉林精騎合眾軍營。北岸。餉道日通。軍勢亦日振。六年三月。羅公以攻賊受創卒。時與賊相持急。日夜搏戰。不少休。而軍中新失大帥。公與故浙江布政使李忠武公續賓。撫循而整飭之。氣益壯。先是

悍賊石達開由崇陽入江西。連陷瑞州臨江。又南出吉安。東趨撫州建昌。江西郡縣無完土。屢告急請援。羅公一意規復武漢。不暇應。至是公念江西方棘。而武昌卒不可復。乃遣劉君騰鴻普君承堯出瑞州應援。而令曾忠愍公國華統其軍。軍糧並資給馬。五月九江賊古隆賢領萬眾。由葛店油房嶺後路援武昌。約城賊舉火為號。夾攻我營。公謀知之。陽為賊火。城賊果出撲。伏發奮殲殆盡。乘援賊初至。遣兵連夜薄之。賊敗走。七月石達開自金陵來援。號十萬。公分派水陸力戰。都統舒保公領馬隊自江北來。大破之。平魯家巷賊壘四。毀東湖賊艘七十有奇。燔賊巢八十餘處。追逐百餘里。會襄陽土匪起。連陷樊城穀城光化竹山興山。遂與川匪合。陷宜昌。公遣舒公及唐公合數營往平之。有議撫者。公不謂然。而事亦遂定。時武昌賊窘。公先與李忠武於塘角密灣。洪山青山等處。掘長濠固守。其魯家巷花園五里墩石嘴亦如之。城賊不得出。援賊不得入。我軍安坐。以待賊糧之盡。遂以十一月克復省城。殲賊萬計。生擒偽檢點古文新等十四人。先鋒悍賊八百餘。並逆黨五千餘。得首賞頭品頂戴。寔授巡撫。遂分兵收復武黃各縣。餘賊遁入九江北岸之小池口。公計江楚唇齒相依。而九江扼長江之衝。實江楚門戶。九江一日不復。江楚一日不得安枕。乃令李忠武率全部圍之。分兵駐黃梅廣濟蘄州間。以遏江北賊。而公自駐武昌調度。當是時官私廬舍。焚毀幾盡。諸事草創。公一意振興。裁通省浮勇。以節糜費。設武昌漢重兵以固根本。慎選賢良。與民休息。設清查局。查被賊後州縣倉庫錢糧交代。設節義

局表章。歷年殉難官紳士女。設軍需局。籌備東征器械餉糈。挈提綱維。巨細畢舉。尤以亂民之生。由法度廢弛。吏敝民偷。因循苟且。以有今日。不務討賊。則亂之源不塞。不務察吏。則亂之源不清。勅道鎮守以下數十人。與屬吏更始。禁應酬。嚴分聽。崇實黜華。於是在官者。稍稍推廉尚能。知吏事矣。其善餉有三。曰錢糧。曰鹽課。曰貨稅。湖北漕政久敝。官民交困。道光中葉。以還。徵收常不及半。公三次奏減章程。民以是輸將足額。湖南北自淮鹽阻絕。率食川鹽。公分置課鹽局於宜昌沙市。又推行武穴老河口等處。視向來額課過之。仿劉晏用士人法。設局各市鎮。催收釐稅。嚴杜中飽弊。自是湖北兵與餉強天下。七年悍賊陳玉成自皖北上。犯蘄州。諸營敗潰。賊徑趨蘄水武昌大震。公急渡江赴黃州。收潰卒得數千人。而賊眾十餘萬。環巴河以東百餘里。互數十里。時巴水大漲。惟三台河有石橋可通。公念賊渡河。則勢蔓延。急派千人斷橋扼河以守。而潛師出迴龍山。逼其上。策督諸軍合擊於孫家衝馬家河等處。賊大敗。狂奔出境。斷黃陂清會將軍都興阿公及李忠武公。亦連破黃宿之賊。公視師九江。定方略。還省會。提督楊公克小池口偽城。次第收復湖口彭澤東流各縣。九江勢遂孤。塹長濠圍之。八年四月。李忠武克九江城。發地雷破之。礮偽貞天侯林啟榮等。啟榮竊據四年餘。塔忠武羅忠節屢攻不下。至是乃悉殲。雖無遺種。上嘉公調度有方。加太子少保。賊旋由六霍商城陷羅田麻城黃安。遣兵分道擊之。復其城。公以九江既復。安慶在所必爭。奏請數路進攻。楊公以水師出江面。都公由宿松望江。

逼安慶城為圍師。李忠武規復太湖潛山桐城與都公犄角。會廬州失陷。北路請援。急忠武奉旨催促。遂分營留守舒桐。自提五千人赴援。軍次三河。賊四面圍集。力竭戰沒。全軍陷焉。公時丁母憂。回籍。都公以三河之敗。由公去。軍無調度。請急起公視師。總督官公亦疏請。公聞命痛哭起行。徑次黃州。時各軍退保黃梅。人心惶惶。聞公至。皆以手加額。自壯九年二月。進營上巴河。整飭部伍。謀大舉。會石達開由南竄犯湖南。掠郴桂。而西趨寶慶。號稱六十萬。河南告急。公命李公績宜率所部往援。而以都統舒公馬隊三百佐之。又以水師二營佐湖南。水師分扼諸河。道寶慶圍速解。公之力也。已而協揆曾公由江西奉入川之命。總督官公奏請與公併力圖皖。乃定四路進兵策。曾公循江而下。為第一路。多公與鮑公超攻取潛山太湖。為第二路。公出英山霍山。為第三路。李公由松子關出商城固始。為第四路。議者以鄂撫應駐黃州。不宜出境。公謂我奪情起復。不赴前敵討賊。則此出為無名。十月移營英山。時太湖圍師方集。逆首陳玉成來援。眾數十萬。多公鮑公等志力拒戰。賊來日眾。圍鮑公營數重。聲息不通。公調金觀察國琛以八千人自松子關踰英山踰潛山之天堂橫山。冒大雪。憑高築壘。裹賊師而陣。賊聞見之大懼。而曾公亦自宿松遺師來會。十年春。台擊賊於小池驛。大破之。遂復潛太。命諸將分下。會金陵師潰。蘇常皆失守。曾公授兩江總督。携鮑公渡江。次祁門。某經理徽甯。為規復蘇常之本。乃以曾公國荃圍安慶。多公圍桐城。李公駐青草塢。為兩軍援。地廣軍分。而將軍都公。又奉旨赴援淮揚。公

悉力經畫。問兵事。曰：惟我任。胡餉事。曰：於我取。一無所委。於人。十月。多公李公大敗。援賊於佳車河。公愆。安慶久不下。自英山移營太湖。就近部署。度賊援皖不利。必謀深入腹地。以牽動諸軍。於潛桐舒霍山。隱建立。調卡。守以民兵。命副將余際昌屯霍山。防中路。總兵成大吉屯羅田。防北路。戒以賊至。勿浪戰。堅守待援。十一年二月。賊果合捻匪。由六安霍山。分路西犯。成總兵破之。松子關。賊。游擊。暗子。霍山守者。違節度。戰敗。軍潰。賊取其旂幟。陷黃州。德安。孝感。隨州。公策賊西。賊。意。在。解皖圍。皖圍解。則大勢全去。墮賊計。非宜。乃定策遣李公回援。而圍皖益急。賊復分股。回略蘄州。蘄水。黃梅。廣濟。以趨安慶。約城賊夾擊。精悍皆集。公檄成總兵。下援。曹公亦從南岸。遣將破賊集賢關。剽平赤崗嶺。賊壘四座。悍賊數千悉斬之。磔逆首劉瑤林。而援賊之由桐城來者。又連為多。公所殲。蓋安慶為金陵屏障。久陷賊中。偽王陳玉成據為老巢。室家。在焉。故救之不遺餘力。及見我懷桐潛太之師。皆屹然不動。鄂疆雖暫被擾。而黨分力弱。兇悍被殲。城中糧已垂盡。勢大蹙。遁南岸。賊復由武甯義甯內犯。輒圍大冶。南。及崇通省城。及。公病。嘔血。憊甚。率師回援。而皖圍終不解。既抵省。南岸賊聞風。遁。八月朔。遂克安慶。曾公以力王圍皖之議。推公首功。命加太子太保。予騎都尉世職。桐城廬江舒城。以次攻下之。而孝感德安黃州各郡縣賊亦先後擒斬。楚境旋清。而公則嘔血不止。病不可為。已。文宗皇帝遺詔至。公攀慕悲泣。病益劇。遂以八月二十六日。薨於武昌節署。年五十。遺疏入。優詔。悼情。追贈總督。照總督例賜。

邱。入祀賢良祠。及湖南湖北原籍。均建專祠。子子勛。倭及歲時。由吏部帶領引見。未幾復奉諭。胡林翼戮力疆場。勛勞懋著。數載以來。恢復本境。援勦鄰氛。整軍經武。以死勤事。尤宜亟予褒揚。著宣付史館。以光簡冊。胡子勛。資舉人。一體會試。用示旌篤念。蓋臣至意。事賜祭葬。諡文忠。同治元年二月。奉旨賜祭一壇。並命原籍督撫。遣官前往家祠賜祭。公狀貌英偉。目閃閃如巖下電。威稜懾人。聰強敏給。事至應機立斷。無留難。苟當理。艱煩重大。毅然自任。不以例文拘束。自言守鎮遠黎平諸劇郡。捕治盜賊。為民興利除害。皆默自程課。惟恐大吏聞有所牽掣。清釐湖北漕糧議者。以州縣公私取維積弊。且二百年。不宜驟革。公自釐定。以部足漕折為率。因其地之肥瘠。缺之繁簡。加重輕。時歲為民開省錢百四十餘萬緡。為庫項增銀四十餘萬兩。提存節省銀三十餘萬兩。民與國兩利。而為州縣裁革陋規。幾盡。使有以自給。故亦無怨者。善辦鹽課。釐稅。皆自定章程。所派官紳。各視才地所宜。時加手書訓戒。綜覈名實。精力絕人。每於理財之中。暗寓察吏之法。謂取民贖軍。使商賈同仇敵愾。即以教忠。使官員潔己奉公。即以興廉。又時時戒飭屬吏。俾知稼穡之艱難。知小民之情偽。其治軍務。明紀律。尤加意將才。曰。為統將。必明大體。知進退緩急機宜。其次知陣法。臨敵決勝。又其次勇敢。此大小之分也。又曰。兵之選者。無不能將之貪者。無不法。觀其將。知其兵。觀其兵。亦知其將。生平以天下為己任。乘機赴會。斷行無疑。援江西數千人。援湖南萬人。皆精兵。時鄂中賊方逼。函且缺。公一意調遣軍糧。皆自任之。卒收全

功武昌始復即規取九江九江復即規安慶越境千餘里討賊制其死命督撫之以全力
援勦詳省自湖北始也圍九江賊由江由皖犯鄂者三圍安慶賊由皖由江由豫全力犯
鄂州縣城陷者十餘公屹不為動或遣將分援或躬親督勦從容肆應算無遺策具於闕
屬事務大小各軍強弱以及鄰省之優劣高下燭照數計洞然於心而尤汲汲以拔人
才為事屬吏一行之善隨登薦牘手書褒美以寵異之士有志節才名潛伏不仕千里招
致務盡其用嘗密薦才堪大任者十有六人多蒙擢用又以興國布衣萬斛泉等砥礪廉
隅不求仕進奏請獎厲詔賞斛泉等七品冠服有差嘗言國之需才猶魚之需水鳥之需
林人之需氣草木之需土得之則生不得則死才者無求於天下天下當自求之故公所
特薦不盡相識也在武昌專意吏事懲貪惡任廉能吏治蒸蒸日上病急時猶引賢退不
肖數人時論皆以為允公自為湖北巡撫念國家多難而身負重任在在務繩檢其身較其
尺寸毫釐而待人一秉大公推誠相與無粉飾周旋嘗曰吾於當世賢者可謂傾心以事
矣而人終樂從曾公其至誠出於天性感人深故也然諸將弁在事者樂公之鼓舞振興
天下士從公為尤盛而其言不自足如此立寶善堂以延賢俊之至者祭其材隨宜任使
與人言虛中翕受苟可行必研窮其利害而竭盡其底蘊與所常共事文武諸公歷六七
年之久披肝瀝胆無錢微間隔遇事苦心調護俾人人有布衣昆弟之歡而自視敬然常
若不足語及人才優劣喟然曰世有伯樂而後有千里馬顧吾才智不足有為賢者終不

我應耳。庚申秋，都城戒嚴，急謀入衛。會款議成，詔止其行。文宗升遐，遠在木蘭，哀詔久未下。公憂思帝皇，中夜扶病起立，翹望京師，輒流涕。病因是加篤，然猶終日危坐。考求兵事，史事之要，汲汲施行。顧左右喚曰：聞道苦晚，今雖稍有所見，而不及行者多矣。始曾公嘗奏胡某才勝臣百倍，及上公死事狀，謂其堅持之力，調和諸將之功，綜覈之才，皆臣所不逮，而尤服其進德之猛，嗚呼！此豈今之人也哉！所著讀史兵略若干卷，奏疏文集若干卷，家故有田數百畝，自莖仕貴州，誓先人墓，不以官俸自益。至是，位巡撫，將兵十年，於家無尺寸之積。詹事公曾著弟子箴言，公承其志，為箴言書院，悉以家所藏書納其中，使人知務實學。建胡氏家學，教其族之子弟，故舊親戚，仰給於公者，歲常數十家。嗣子子勛襲職騎都尉。

何文貞公事略

附舉剛毅公金科

公諱桂珍，字丹畦，雲南師宗人。道光戊戌，成進士，選庶吉士。甫年冠，乞假歸娶，士類榮之。旋授編修，督貴州學政，擢侍講，入直上書房，公所學以宋儒為宗，柘城賣先生克勤著書明理學流，派曰正宗公續之。於朱陸異同辨最晰，又以己意增輯西山真氏大學行義，手繕進，優詔納之。廣西盜起，數抗疏言軍事得失，論前大學士某前總督某誤國，不宜發軍前，疏留中。天下想望風采，咸豐四年五月，出為徽甯池太廣兵備道，時安慶久陷，改省會廬州，仍被蹙，巡撫福濟公提督和春公軍廬屬之店埠，公所治在江南，沮於賊，大府遂疏留。

江北徽公募勇隨征餉無所出久之得二百餘人率以西至霍山號召鄉兵得三千有奇徽以忠義以十月二日破李兆受於霍城東追擊至麻埠又五日至流波墮李兆受者故河南捻匪魁也有眾數萬至是為公破又徽商城固始諸團丁扼歸路而自率所部進追檢黨大魁兆受與馬超江等相繼降散脅從萬計百姓歡呼餽糗糧不絕先是大府檄公援廬江檄未至廬江陷竟劾公落職軍民皆不能平會曾侍郎國藩督楚師克武漢大破賊田家鎮遂圍九江時通牒楚軍言戰狀侍郎具疏於朝副都御史袁公甲三時軍臨淮亦欲資公兵西與楚師會公至蘄水矣為地方吏所尼不得前居無何九江軍失利武昌再陷侍郎入江西遂隔絕不相聞公孤軍轉戰潛霍間五年正月克蘄水旋克英山殪悍酋田金爵大府檄君駐英山然公任事八閱月支見銀三百兩不足供一夕炊民兵相從日多又蓋以兆受降卒無所得食初人日餉麩一斤遞殺至四之一猶弗給五月十一日師遂潰方兆受之降也公請歷以官秩大府難之至是絕糧意不能無舛望徒感公忠誠不忍背無何超江為土人所殺兆受顯公拘其仇弗得蓋大志則設位哭弔檢黨糜集於是皖豫諸帥爭以兆受反狀聞榜於衢購兆受頭千金兆受詣公自陳公推赤心拊慰之稍定矣會當道以密書由驛達公屬先發制之書為兆受得兆受謂公賣己也遂以十一月三日伏兵牂公於英山之小南門焚其尸颺之從死者四十七人公正命時有白氣如足練自屋瓦出適時乃滅年三十有九後二年當軍復招兆受降累擢江南提督而公之死

無過問者。公以書生提空名殺賊無餉無軍資。無賞罰權。而日與反側子居。本萬萬無生理。失廬江在奉檄前遽入公罪。卒以一紙速之死。蓋公在翰林効權貴。中外久仄目。及外任。初謁大帥。備陳軍事。若將為之師者。然以是積嫌公。而公且死不之悟也。禍之從來微矣哉。同治三年秋。江南克復。逆渠盡殲。曾公疏陳公率鄉團勦賊時。飢餓艱危。歷人間未有之苦。卒以機事不密。為叛人所戕。天下冤之。在己尤引以為疚。願請加恩。程邨得旨俞行。賜祭葬。賜諡文貞。命建祠英山。予騎都尉世職。其時同一疏得請加卹者。有升用游擊臨元鎮都司呼爾察巴圖魯畢公金科。

畢公字應侯。籍臨元。文貞公鄉人也。少入伍。以征開化苗匪功。殺藍翎外委。粵賊起。隨副將王君國才。出師湖北。敗賊天門丁司橋。累擢都司。賞花翎。咸豐四年冬。曾公督師克武昌。大破賊田家鎮。檄公及國才隨忠武公塔齊布攻九江。未下。五年正月。別賊犯武昌。國才回援。忠武才公留弗遣。公驍健。亞忠武。能匹馬臨堅。奔出敵陣之背。戒從卒勿隨。伍人亦莫敢隨者。群賊幸孰視不敢動。十二月。戰臨江樟樹鎮。克之。六年正月。別將失利。功弗竟。曾公檄令防饒州。五月。大捷章田渡。與王防者不相中。公所部兵單。為所牽掣。六月。饒州陷。公憤甚。增募壯士。決死戰。未十日。復饒州。獲賞勇號。補臨元鎮都司。以游擊升用。時王者遷秩去。公獨完防務。屢破賊。殫其魁。賊畏憚之。婦孺皆德公。倚為固。會皖南賊大至。踞景德鎮。歲且暮。士不信飽。忘公者復斲騎之期。以引賊。後給餉。公憤鬱不自聊。思更立

奇功自震。繼以七年正月元旦。率千人進攻。越二日抵鎮。阻水而陣。黎旦率壯士十人濟。時賊未起。入市寂然。公舉火未及。投勒後市。伏賊起。十人者亡其七。傷者三。公喋血鬪。手格殺十數人。賊不敢逼。用火器環攻之。及王家洲死。馬年二十有五。尸被殘。閱十有八日。前傷卒三人者。始以公殮。事聞。賜卹如例。始公之赴饒也。自以孤軍千人。不足當一面。踞請於曾公。願留戲下。弗遣。曾公慰遣之。許不久調回。既而不果。調公竟死。曾公痛惜之。為勒碑記其事。至是以曾公請。得加贈總兵銜。賜祭葬。予諡剛毅。記立祠景德鎮。

趙忠節公事略

烏庠。自粵寇稱亂。以茶海以內死封疆。死職死綏者。僂指不能畢數。若其以鄉紳毀家紓難。率民兵登陴效死。抗數千萬之賊。血戰三年。解圍者三。殺賊萬計。迨行省。臨郡盡淪於賊。糧盡援絕。猶死守孤城六閱月。力竭被執。幽繫經年。百折不可回。卒罵賊以死。若湖州趙忠節公者。洵一代奇烈。為時所創見者已。公諱景賢。字竹生。歸安人。父炳言。道光六年進士。官刑部侍郎。公少豪邁。負奇氣。不拘小節。讀書慕古。仗烈士。喜任人所難。有機權。臨事輒能斷。道光甲辰舉人。以父子異籍被議。黜入貲。得復授宣平教諭。改官內閣中書。未赴。丁父憂。開山請禮。鄉人未之奇也。同郡徐中丞有壬。獨器之。曰。君有應變才。將為國柱石。慎自愛。公亦以時事多故。思得一當以自效。咸豐三年。賊陷江南。江浙震動。詔舉行團練法。公獨任其事。輸重金為眾倡。得旨加道銜。以知府發甘肅用。未幾甯國克復。湖州

得解嚴十年二月。賊覆甯郡。陷廣德。直趨湖州。公時在蘇州。聞警馳歸。與湖州守瑞春公。歸安令廖宗元。烏程令李澍等。善守御。嘗長時士皆虛伍。官無見銀計。莫知所出。公曰。事急矣。今市肆雖空。百貨未盡。徒也。宜權取充軍實。事成有以謝父老。否亦免為盜。齋耳。遂下令。有不聽取者。治以軍法。不半日。事粗集。公曰。未也。今城外民屢如櫛。賊至。益其中。城將不能守。乃縱火燬之。江南援師至。賊已圍攻西北城。公部署既足。納鞞刀。乘城死守。遂約援兵夾擊。斬賊數千。圍三日而解。時二月十七日也。有詔以道員用。賞額爾德木巴圖魯名。號賊由埭溪攻杭州。越十日。外城陷。巡撫羅公遵殿死之。將軍瑞昌公死守滿城。木下。會提督張公玉良自金陵馳援。過湖州。公遣將引道復杭州。王壯愍公有齡。繼為巡撫。壯愍夙知公才。至是深相倚。湖防事一以委公。乃益繕城隍。備器械。造戰艦。築牛馬塙。分勸各屬鄉鎮治團練。閏三月。遣將復長興。德清。安吉。孝豐。武康。五縣。時蘇常迭警。援軍皆調歸。惟存新軍三千。公悉心枝練。且添募。四月。蘇州陷。廷及嘉興。分兵駐南潯鎮。以扼其衝。未幾。偽輔王揚輔清。自宜興。溧陽。太湖來。犯眾十萬。沿城大掠。火光燭天。刁斗聲聞數十里。公閉城堅守。意氣自若。會記名道蕭公翰清。自石埭來。援。轉戰賊境五百里。將至湖州。馬蹟被害。所部敗散。入郡城。公俯而用之。兵力稍厚。時賊眾已圍五門。公親督隊開北門出。血戰數晝夜。斬敵多。賊遁。二次解圍。得旨以道員記名。簡用。五月。聞張公玉良攻嘉興。公即帥師出南潯。進攻吳江之平望鎮。踰賊十數。壘據守之。思即復蘇州。成不世功。

偽英王陳玉成。忽自太湖窺湖郡。公急回救。賊反乘之。師潰。賊復踞平望。弁犯南潯鎮。公再集民兵擊走之。六月分兵克廣德州。時杭州圍解。賊仍竄湖屬。十月省城再破。圍公。即帥師出援。圍甫解。入謁王壯愨。忽湖防告急。即馳歸。賊已至南門之岷山。副將劉仁福去。故輿臺也。自平湖潰歸。通款於賊。率廣勇二千。自昌化來。偽為援兵。謀入城內應。公偵得實。陽治具款之。而止其兵。城外陰簡精卒。令人束竹筋於腰為識。圍而盡殲之。磔仁福於市。竿其頭示賊。賊為奪氣。解圍遁。分擾西南各鄉鎮。皆擊卻之。十一月嘉興烏鎮之賊。分途來擾。雙林鎮等處。王壯愨遣副將文端來助勦。合民兵轉戰十餘日。悉破其壘。詔以三次解圍功。賞按察使銜。十一年正月。遣兵再克長興。有賊自宜興陸路來犯。敗之。會太湖之洞庭東西山失陷。全湖皆賊有。長興既不能守。而北路七十二漕港時被擾。遂於大錢口添駐水師。聯絡民兵。通譚道大小數十戰。皆告捷。五月大股賊來踞菱湖鎮。公親督水師礮船。分路夾擊。大敗之。奪賊船數百艘。生擒數百人。七月平望賊竄南潯鎮。與石門賊兩路來犯。皆走之。九月賊來益眾。乃督水陸出。鏖戰五晝夜。始敗退。適太湖賊又來犯夾浦。連敗之。回郡。忽報杭州被圍。賊營互六十里。餉道絕。遂親督水陸軍往援。連破賊卡二十有奇。終不能達城下。洞庭東山賊偵公南向。乘虛犯大錢口。公急回顧。且戰且退。既至大敗之。奪賊船二百餘艘。始遁去。而從逆之烏鎗船匪肆掠雙林鎮。復遣兵聚殲之。亡何杭州陷。公歎曰。湖郡成孤注矣。惟當效死勿去。以報國恩耳。遂與在城文武紳民。

誓死守。眾皆曰：惟公命。偽忠王李秀成遣二謀道書招降。公立斬之。以書達上海。呈江蘇巡撫轉奏。始奉簡授福建督糧道之命。時四面皆逼賊烽。惟留大錢口一線路。十二月二十七日。大雪三晝夜。冰厚數尺如平地。賊艦膠不能動。同治元年正月二日。賊乘夜來犯大錢口。遂為賊踞。自此內外隔絕。糧道不能通矣。賊屢受湖防之挫。死傷山積。恨次骨。掘公父墓。相戒勿近。先是賊陷各城。幸用地道。湖郡地勢低。掘隧三尺即見水。技無所施。又四面環大河。雲梯衝車無所用。惟築壘樹柵。漸進逼為生困計。二月朔。公選死士二千。誓解城圍。由南北門出擊。各埽十餘壘。獲賊糧入城。自是賊糧不復屯近處。而城內外水陸兵勇尚八千有奇。男女十一萬餘口。糧且盡。越二日。密奉飭赴福建新任。及賞加布政使銜之恩命。軍氣復為一振。蓋是時上甚惜公才。寄諭垂詢。江督曾公國藩密令輕裝赴任。移其捍衛秦梓之力。以固閩壘。公感泣誓死益堅。寄密帛書至上海。報其叔炳麟。有眾志成城守死善道之語。且云：使我家出一良臣。不如出一忠臣。公之志蓋素定矣。自三月以後。軍民羅雀掘鼠。食草根樹皮皆盡。公言笑如常。時縣丞某欲通賊。事露。立擒斬之。有搜掠者。仍按軍法。五月三日。城陷。公大呼曰：死無憾。死我十數萬軍民為憾耳。賊渠譚某擁至局。公冠帶見賊。喝曰：速殺我。毋殺我軍民。譚曰：亦不殺汝。公拔刀自刎。為所奪。執之去。僕陸二自刎死。公被執至蘇。幽諸獄。還禁甚嚴。求死不可得。賊凌辱脅降不屈。李世賢復為下士狀。百計誘說不為動。遂有遺歸之意。譚述不可。世賢赴江北時。誠勿殺。譚捕

稍善視之。公見輒置罵。一日攜常熟地圖以詢。遽殺之火。三年三月。賊自太倉敗歸。揚言公將襲蘇。譚逆懼。十八日晡。招公飲酒半。詰公曰。汝通妖兵耶。公曰。我本官兵。何謂通。汝欲獻蘇州耶。公曰。蘇本大清土地。何謂獻耶。又曰。汝死期至矣。公仰天大笑曰。求之一年不可得。今何幸也。連舉數巨觥。罵益厲。譚逆舉洋鎗對擊其胸而殞。年四十有二。賊具棺瘞之。公身材不踰中人。貌偉異。口可容拳。大小百餘戰。皆親冒矢石。天性好殺。嘗曰。吾得殺人下酒。乃快事耳。所俘賊皆浮白斬之。後見曾公國藩解散歌。始悟。魯從皆獲免。湖州既陷。廷首數詢公下落。死事聞。優詔褒賚。且曰。趙景賢係在籍紳士。無守土之責。集團禦侮。每戰必捷。迨至孤城困守。糧餉軍火俱盡。仍堅持數月。力盡被執。賊匪誘會百端。矢志不移。卒以身殉。勁節孤忠。可嘉可憫。其改照巡撫陣亡例。從優議卹。且賜諡於湖州建專祠。其長子趙深彥。一併附祀。事蹟宣付史館立傳。以彰忠蓋。次子趙瀆彥。潤彥。滋彥。添彥。來彥。均俟及歲時。送部引見。尋賜祭葬。予諡忠節。公在繫。作絕命詩四章。有云。亂刃交揮。處危冠獨坐時。又云。厚貌徒為爾。孤忠矢靡他。偽忠王本欲送公歸。致書以漢壽亭侯歸漢為言。公斥其儼於不倫。且曰。歸我者之為知己。不如殺我者之尤為知己也。初杭州既陷。公知事不可為。盡遣其家屬出。而身居守。深彥年甫十二。寓湖南。聞湖州失。大慟。服毒死。南撫為奏請旌卹。

清朝先正事略卷之二十六終

清朝先正事略卷之二十七

平江李元度次青著

名儒

孫夏峯先生事略附子 傳雅 卷一卷

先生諱奇逸字啟泰一字鍾元直隸容城人晚講學蘇門之夏峯學者稱夏峯先生少與定興鹿忠節公善繼友以聖學相砥礪年十四詣楊高竇補庭補庭問設在圍城中內無儲待外無救援當若何先生應聲曰效死勿去補庭忠愍公子也十七舉萬厯庚子鄉試居京師與左忠毅公光斗魏忠節公大中周忠介公順昌相尚以氣節丁內外艱喪葬一準古禮率兄弟廬墓凡六年學使李蕃以純孝疏旌其門家故貧日食常不繼嘗與鹿忠節論學自辰至日昃始得豆麪作羹怡然無不足之色自言從憂患困鬱中默識心性本原生平得力實在此天啟五年逆閹魏忠賢亂大政興鉤黨獄左忠毅魏忠節周忠介先後被逮左公弟光明魏公子學泖皆主鹿氏鹿忠節之父正世所稱鹿太公者也與先生及新城張果中各出身營救當是時高陽孫文正公承宗以樞輔督師榆關鹿忠節以職方郎贊軍事初嘗約先生至軍中徧覽山海形勝孫公將疏請任以贊畫先生語茅元儀曰古未有將相不合能立功於外者公信不愧吉甫矣奈時不可何乃辭歸至是為書抵孫公使李弟奇彥反正孫化麟齋以往書略曰左魏諸君子清風大節必不染指以庇罪

人。此何待言。獨以然類之宗。直臣之首。橫被奇冤。自非有胸無心。誰不扼腕。惟桑與梓。固浮邱舊。涖地也。遺愛在人。不止門牆之士。興歌黃鳥。昔盧次樞一莽男子耳。謝茂秦以眇布衣行哭燕市。調元美等曰。諸君子不生為慮生地。乃從千載下哀湘而弔賈乎。李獻吉在獄。何仲默致書楊遠菴。求為引手。康德涵義激同調。至不自愛。其名浮邱廓園之品。固當直踞獻吉。何次樞之敢望。其能無哭訴。尚負慙於茂秦。執事功德前無。遠菴憐才扶世之感。補一引手。且有出德涵上者。况諸君子以道義臭味之雅。受知於執事。最深且久。豈無意乎。孫公得書。具疏請入朝。面陳機務。忠賢大懼。謂且與晉陽之甲。夜達御林。汝遂以嚴旨遣諸途。尋誣左魏受熊。經略賂。各榜追之。左嘗督學三輔。又治屯田。有惠政。先生與鹿太公及果中。謀設陞建表於門。曰。願輸金救左。督學者聽。於是投匭者雲集。得金數千。齎入都。而左魏已先斃杖下。明年忠介公逮。至擬贖五千。先生復為營。盡得金數百。而忠介復杖斃矣。乃皆經紀其喪。且按籍送金。時通校嚴急。士大夫觸手糜爛。容城去京師不二百里。舉襦擊鼓。求皆為先生。危而忠賢左右。皆近畿人。夙重先生質行。無不陰為之地。者。以故卒免禍。左魏遺骨藉以歸。海內有范陽三烈士之稱。謂先生及正果中也。先生義聲震一世。御史黃宗昌。給事中王正志。交薦之。屢徵不起。崇禎九年。大清兵薄容城。先生率兄弟族黨入城。與有司及屬紳分城守禦。先生獨領西北隅。雉堞久圯。兵突至。隨禦隨築。鄰邑多陷。而容城獨完。巡撫張其平上其事。詔優秩擢用。會南都兵部尚書范公景

文亦以贊畫軍務馳聘。先生俱辭之。時畿內盜賊數駭。先生率子弟門人入易州五公山。結茅雙峯。戚族相依者數百家。乃飭戎器。備糗糒。部署守禦。又以其暇賦詩習禮。絃歌聲相聞。寇盜屏跡。時以方田子春之在無終山。爲國朝順治初。祭酒薛公所蘊。具疏讓官。以許文正相擬。遂有旨以國子監祭酒徵。有司敦趣。卒固辭。兵部侍郎劉公餘祐。巡按御史柳寅東。陳蜚交章薦。皆堅卧不應。自有明及本朝。前後十一徵不起。天下士識與不識。皆稱曰徵君。晚歲渡河。慕蘇門百泉之勝。且爲康節魯齋講學地。水部郎馬光裕奉以夏峯田廬。遂移家。蔡堂曰兼山。讀易其中。率子弟躬耕。四方來學。願留者。亦授田使耕。所居成聚。公卿持使節過。衛源輒屏驕。從以一見先生。爲快。而睢州湯文正公斌。官嶺北。違告養歸。遂從受業。凡十年。始先生與鹿忠節講學。以象山陽明爲宗。晚更和通朱子之說。其持身務自刻礪。而與人無町畦。每晨起。謁先祠。舉澄心端坐。雖疾病未嘗有情容。有問學者。隨其高下濺淙。必開以性之所近。使自力於庸行。上自公卿大夫。及野人牧豎。工商隸圉。武夫悍卒。壹以誠意接之。用此名在天下。而人無忌嫉者。山中花放。鄰村爭置酒相邀。咸知愛敬。居夏峯二十五年。卒。年九十有二。康熙十四年四月二十一日也。先生嘗語學者。吾始自分與楊左諸賢同命。及涉亂離。犯死者數矣。而終無恙。是以學貴知命而不惑也。其學以慎獨爲宗。而於人倫日用間。體認天理。嘗言喜怒哀樂中節。視聽言動合禮。子臣弟友盡分。乃終身行之不能盡者。又言自七十以往。每閱十年。而功加密。惟獨知之地不

敢自欺無或懈而已。著有四書近指、請易大旨、書經近旨、聖學錄、兩大業錄、甲申大難錄、家禮酌歲寒志、答問孝友堂家乘、鸞輔中州人物考、取節錄、孫文正公年譜、乙丙紀事。又著理學宗傳、表周程張邵、朱陸薛王及羅念庵、顧涇陽為十一子。別為諸儒考附之。蓋出獨見，非依傍舊聞者比也。河南北學者，歲時奉祀百泉書院、易州學者，就故宅為雙峯書院，而容城與劉靜修、楊忠愍同祀，保定與孫文正、鹿忠節並祀。道光八年，詔從祀孔子廟。庭弟奇茂，順治中以貢生知武城縣，有聲。子六。四子博雅最知名。孫淦，康熙壬戌進士官中書，以孝聞。博雅字君儉，幼端重不苟嬉笑。甲申後，屏舉子業，絕意仕進。徵君遷蘇門，君獨留貧無以炊，賒柿餅以供母。徒步奉至蘇門，徵君撫之喜，作詩勞之。母病不交睫，不解襟帶者三旬餘。及卒，為孺子泣。三年不見齒。徵君年漸高，偕兄弟朝夕上食，視啜嚙，夜則更卧牀前，候其欠伸，未嘗頃刻離。時從徵君游者，日眾有數百里或數千里至者。君設榻供食，各得其宜。徵君晚年重聽，諸弟子問難，必藉君轉達，反覆開示，不厭。徵君著書不下數百卷，書數易稿，皆君手書，字體古健，無一筆苟。康熙八年，詔舉山林隱逸，郡守程啟米以君名上之。大府君以父年老力能，亡何徵君卒。偕兄望雅、弟韻雅、盧墓三年，哀毀骨立，葬祭以禮。君德器純粹，與人交和易可親，見人一善，贊揚不去口。人有過，不顯言，默然端坐，間引一二古語相感發，聽者聳然。多見省改，問以時事，似不甚別白。至談古今成敗得失，瞭若指掌也。韻雅生書，被逮繫刑部獄，凡五年，將逮，君具素饘以從，病致藥餌，更

周邱其同繫者。幸朝夕相顧視。君故貧。竭產供弟。故交所贈遺。皆拒不納。同難有械繫者。君以寒。驅讓之。徒步烈日。兩足皆腫。嘗遇暴風雨。失道。幾溺。餓渴。因頓。遂病。每假寐。口中喃喃。皆其弟事也。頃之。竟不起。彌留。猶張目曰。吾弟免矣。遂卒。年五十有五。不數日。弟事漸解。竟免。流徙士大夫。高其義。稱文孝先生。所著曰。約齋集。子漢有文名。魏君一。懿字。蓮陸。直隸新安人。夏峯高第弟子也。嘗宦山西。官知州。有惠政。搜訪隱逸。折節下士。及去官。匹馬雙僮而已。蓮陸與清苑高鑄。范陽耿極等。從徵。君游最早。連時喪亂。患難與共者。餘三十年。及徵。君遷蘇門。蓮陸自山右歸。率閭閻一至。每至。必數月留。後構雪亭於夏峯。為徵君訂正年譜。曰。雪盈山。孤燈午夜。上下古今。視千秋如旦暮。及門問答語。蓮陸為多。所著曰。雪亭夢語。湯潛庵先生官京師時。蓮陸嘗策蹇訪之。見潛庵繩床破被。數椽不蔽風雨。慨然曰。此猶見雪亭風味也。因出夢語讀之。屬潛庵為之序。初徵君命蓮陸輯北學編。尋命潛庵輯洛學編。潛庵嘗以雪亭比朱子之寒泉精舍云。

黃梨洲先生事略 附弟 宗炎 宗會

黃梨洲先生宗義字太冲。浙江餘姚人。明御史忠端公尊素長子。忠端為楊左同志。以劾魏闢死。詔獄莊烈帝即位。先生年十九。袖長錐入都。訟冤。至則逆闖已殲。即具疏請誅曹欽程李寬。會庭鞠。許顯純。崔應元。先生對簿。出所袖錐。顯純流血被體。又歐應元。拔其鬚。歸祭忠端神主。前又錐殺卒。葉咨。顏仲文。蓋忠端絕命二卒手也。時欽程已入逆案。

實訴辨原疏非已。出陰致三千金賄先生。求勿質。先生發其事。復於對簿時。雖之。獄竟。借諸忠子弟。設祭獄門。哭聲達禁中。莊烈帝歎曰。忠義孤兒。可念也。先生歸。益肆力於學。經史百家。無所不窺。憤科舉之學。錮人思所以變之。既盡發家藏書。讀之。不足則鈔之。同里世學樓鈕氏澹生堂。初比南中。則千頃。喬黃氏絳雲樓。錢氏且建續鈔堂於南窗。以承東發之緒。山陰劉忠正公。倡道戴山。奉忠端道命。從之遊。而是時。越中承海門周氏之緒。餘援儒入釋。石梁陶氏爽齡。為之魁。姚江之緒。大壞。先生約吳越中高材生。力推其說。故戴山弟子。如祁忠敏公。彪。佳章。給事。正宸。皆以名德重。而四友。禦侮之助。必首先生。戴山之學。專言心性。而漳浦黃忠端公。兼及象數。人比之程邵。兩家先生曰。是開物成務之學也。乃出所學律歷諸書。相質證。弟宗炎。宗會。並負異才。先生自教之。有東浙三黃之目。及周廷儒。再召謀。翻逆案。起馬士英。督鳳陽。為阮大鍼地。於是南太學諸生。作留都防亂公。揭斥大鍼。陳公子貞。慧。沈微君。壽民。吳秀才。應箕。沈上舍。士桂。共議。東林子弟。推無錫顧景居首。瑞禍諸家。推先生為首。餘以次列名。戊寅秋七月事也。壬午。先生入都。廷儒欲薦為中書舍人。力辭免。偶遊市中。聞鐸聲曰。非吉聲也。遂南下。已而大清兵果入塞。甲申難作。大鍼驟起南中。索揭中姓氏。得百四十人。將盡殺之。先生同里有閻黨。首劾劉忠正公。及其三大弟子。則祁章二公。暨先生也。先生與臬並達。太夫人嘆曰。章妻滂母。乃萃吾一身耶。會大兵下南都。先生得免。踉蹌歸浙東。時忠正公已死節。弟子多殉之。而

孫公嘉禧熊公汝霖以一旅之師畫江而守。先生糾里中子弟數百人從之。抗世忠營請以布衣參軍事不許。授職方郎尋改御史作監國魯元年大統歷頒之浙東馬士英奔方國安營欲入朝。求言其當誅。熊公恐其挾國安為患也。好言慰之。先生曰。諸臣力不能殺耳。春秋之孔子豈能加於陳桓。但不謂其不當誅也。熊公謝焉。又遺書王之仁曰。諸公何不沈舟決戰。由楮山直趨浙西。而日於江上鳴鼓攻其有備。蓋意在自守也。嚴爾三府。以供十萬之衆。必不支。何守之能為。聞者皆韙其言。而不能用。惟熊公嘗再以所部西行。下海鹽。至是孫公以火攻營。卒付先生。與王正中合軍得三千人。正中者之仁從子也。以忠義自奮。先生深結之。使之仁不得撓軍事。職方郎查繼佐軍亂。先生定之。挈以西。遂渡海。劉潭山陳太僕潛夫以軍同行。議由海道入太湖。招吳中豪傑。抵乍浦。約崇德義士孫夷等內應。會大兵。纂嚴不得前。而江上已潰。公歸入四明山。結寨自固。餘兵尚五百人。先生駐兵杖錫寺。微服出訪監國。戒部下善與山民結。部下不盡遵節制。山民畏禍。潛執其寨部將茅翰江涵死之。先生無所歸。捕檄累下。攜子弟入剡中。已丑。聞監國在海上。乃與都御史方端士赴之。授左副都御史。亡何大兵圍健跳。城中危急。置靴刀待命。會蕩湖伯阮駿救至得免。時諸帥之悍甚於方王。文臣稍異。同其間立致禍。熊公以非命死。劉公中藻以失援死。錢公肅樂以憂死。先生既失兵。日與吳尚書鍾巒坐舟中。止襟講學。暇則注授時泰西回回三歷而已。先生之從亡也。太夫人尚居故里。當事錄其家口。先生曰。方寸亂

與吾不能為姜伯約也。乃陳情變姓名。間行歸家。是年監國自健跳至翁洲。復召先生。副馮侍郎京第。師日本。抵長埭。不得請。自是東遷。西徙。無甯居。而浙中當事得名籍。與海上有連者。即行獨難。先生於故國。位在列卿。江湖俠客。多來投。而馮侍郎等。結寨杜寨。即先生舊部。風波震撼。無虛日。先生猶披帛書。欲招婺中鎮將南樓。時方捕諸寨之通海者。山寨諸公相繼死。弟宗炎坐與馮侍郎交。逆刑有日矣。先生以計脫之。辛卯。遣間使人海告警。令為之備。甲午。定西侯張名振。間使至。被執。又名補先生。丙申。慈水寨主沈爾緒。禍作。亦以先生為首。其得不死者。有天幸。先生氣不愾也。其後海上傾覆。先生無復望。乃奉太夫人返里門。畢力著述。而四方請業之士。漸至矣。自言受學戴山時。頗喜為氣節。斬斬一流。患難後始多。得逸而追恨。為過時之學。丁未。復舉證人書院。甲戡山之緒。已而之鄞之海甯。巡撫張公以下。皆請開講。先生不得已。應之。先生謂明人講學。莫語錄之糟粕。不以六經為根柢。教學者必先窮經。而求事實於諸史。又謂讀書不多。無以證斯理之變化。多而不求諸心。則為俗學。蓋先生以濂洛之統。綜合諸家。橫渠之禮教。康節之家範。東萊之文獻。艮齋止齋之經術。水心之文章。莫不旁推交通。自來儒林所未有也。康熙戊午。詔徵博學鴻儒。葉學士方鶴齡疏薦。庶常錫嘏曰。是將使先生為臺山九靈之殺身。而力止之。會修明史。徐學士元文謂先生非可召試者。然或可聘之修史。乃與興化李公清同。徵詔督撫以禮敦遣。先生固辭。朝廷知不可錢。特詔浙中督撫抄先生著述。闕史事者送。

京師徐公延先生子百叅及萬處士斯同萬明經言任纂修皆先生門人也先生以書報徐公且諧之曰昔聞首陽山二老託孤於尚父遂得三年食薇顏色不壞今吾道子從公可以置我矣當是時聖祖表章儒術大臣多鉅人長德顧皆以不能致先生為恨魏公象樞曰生平願見不得者三人夏峯梨洲二曲也湯公斌曰黃先生論學如火馬導水導山脈絡分明吾黨之斗杓也庚午徐尚書乾學侍直上訪及遺獻復以先生對且言曾經臣弟元文疏薦老不能來上曰可召至京朕不授以事即欲歸當遣官送之徐公對以罵老無來意上嘆息不置先生卒於康熙乙亥秋年八十有六初營生壙於忠端墓旁中置石牀無棺槨作葬制或問援趙邵卿陳希夷例戒身後無得違命蓋自以遭家國之變期於速朽而不欲顯言其故也所著有明儒學案六十二卷三百年儒林之數也易象數論六卷力辨河洛方位圖象之非授書隨筆一卷則閱徵君若璩問尚書而告之者春秋日食歷一卷辨銜璞所言之謬律呂新義二卷則書取餘杭竹管向好停勺者斷之為十二律及四清聲試之因廣其說者也又以戴山有論語大學中庸解獨闕孟子乃疏為孟子師說四卷嘗欲重修宋史未就存叢目補遺三卷輯明史案二百四十四卷贛州失事一卷紹武爭立紀一卷四明山寨紀一卷海外痛哭紀一卷日本乞師紀一卷舟山興廢一卷沙定洲紀亂一卷賜姓本末一卷又次存錄一卷糾夏考功幸存錄者也歷學則少有神悟及在海島古松流水布算較數嘗言句股之法乃周公商高之遺而後人失之使西人

得以竊其傳。有授時歷注一卷。大統歷推法一卷。授時歷假如一卷。西歷回歷假如各一卷。外尚有氣運算法。勾股圖說。開方命算。測圖要義。共若干卷。其後梅徵君文鼎本周髀言歷世驚為絕學。實先生開之。南雷文案十卷。外集一卷。吾悔集四卷。撰杖集四卷。蜀山集四卷。子刻子行狀二卷。詩歷四卷。忠瑞祠神弦曲一卷。後分為南雷文定凡五集。晚年又定為南雷文約。合之得四十卷。明夷待訪錄二卷。留書一卷。則佐王之略。顧先生炎武見而嘆曰。三代之治可復也。思舊錄二卷。中多史之文。又選明文案廣之為明文海。共四百八十二卷。閱明人文集二千餘家。自言與十朝國史相首尾。而別屬李徵君鄴嗣。為明詩案。未成而李卒。又輯宋元儒學案。以志七百年儒苑門戶。又書續宋文鑑。元文枿。以補蘇呂二家之闕。未成編卒。又以蔡止甫之書不傳。作今水經。其餘四明山志。台岩紀游。匡廬游錄。姚江文略。姚江瑣事。補唐詩人傳。病榻隨筆。黃氏宗譜。黃氏喪制。及自著年譜。共若干卷。先生文不名一家。晚年忽愛謝舉羽。所處之境同也。雖不赴徵車。而史局大議。必咨先生。歷志出吳檢討任臣之手。總裁千里遺書。七審正而後定。書論宋史。別立道學傳。為元儒之隱明史。不當仍其例。朱檢討彝尊。適有此議。湯公斌出先生書示眾。遂去之。於國難諸公。表章尤力。至遺老之。以軍持自晦者。久之。或嗣法開堂。先生曰。是不甘為異姓之臣者。反甘為異姓之子也。故所許止四明周囊雲一人。弟宗會。晚年好佛。為反覆言其不可。於二氏之學。雖其有託而逃者。猶不少寬焉。晚年益好聚書。所抄自鄴之天一閣。

范氏歛之叢桂堂。鄭氏木中倦圃。曹氏最後則吳中傳是樓。徐氏然嘗戒學者當以書明心。無玩物喪志也。子百家字主一。能世其學。又從梅定九問推步法。著勾股短測解源二卷。宗炎字晦本。世稱立谿先生。崇禎中。以明經貢太學。學行與伯兄梨洲埒。而暴岸幾過之。己卯秋試報罷。與弟宗會約開闢盡請天下之書。而後出。畫江之役。步迎監國於黃嶺。兄弟毀家率子弟僮僕荷戈。婦女皆執爨以餉。所謂世忠營也。梨洲西下海昌。先生乃留龔山治輜重。事敗狂走入四明山。為馮侍郎京第參軍事。奔走諸寨間。順治庚寅。山寨軍殲。被縛侍郎之嫂。先生妻母也。匿其家。事發當論死。梨洲遠至鄞。謀以計活之。馮尚書子道濟。故人也。慨然任其責。臨刑日。哺矣。道濟潛載死囚隨之。亡何火忽滅。暗中有突出負先生去者。不知何許人也。火至以囚代之。冥行十里許。始息肩。則萬戶部履安白雲莊也。負之者。戶部子程也。時諸遺民畢集。解縛置酒。忽管絃聲出隔岸。先生棹小舟往。因自取琴彈之。曰。廣陵散幸無恙。侍郎故部。尋復合。先生仍左右之。慈湖寨主沈爾緒。又以孥寄丙申。再遣名捕梨洲。嘆曰。死矣。故人朱湛侯諸雅。六力救之。免。遂提樂麓。遊海昌石門間。或以古篆為入鐫石印。或用李思訓。趙伯駒畫法。繫之以自給。浙西傳為黃高士。畫爭購之。生平作詩幾萬首。沈冤悽結。晚稍頹唐。於象緯律呂。軌革壬遁之學。皆有神悟。善周易象辭。二十一卷。專門餘論二卷。圖書辨惑一卷。力闢先天大極圖說之非。謂周易未經秦火。不應獨禁。其圖轉為道家臧匿二千年。至陳搏而始出。謂搏之圖書乃道家養生之術。

與元陳應淵說合謂周子太極圖說圖雜以仙與說冒以易道亦與朱竹垞毛西河所考略同晚年以石涵錮所著述於其中語其子曰有急則埋之丙舍如其言子卒遂莫知所在宗會字澤望號縮齋學者稱石田先生所學同性尤狷介國變後隱於浮屠浪游名山以疾終生平讀書一再過不忘日必盡百頁有事則次日倍其常課自經史四部外釋道二藏未嘗不一周也詩文古澹而有根據所著曰縮齋集

李二曲先生事略

(附)

李相

王心敬

孫景烈

馮雲程

惠思誠

陸柳湖

先生先世無達者父可從字信吾以壯武從軍為材官崇禎壬午督師汪公喬年討賊信吾從監紀孫兆祿以行臨發挾一齒與其婦彭曰戰危事不捷當委骨沙場子其善教免矣亡何督師死事信吾衛監紀不克亦死彭聞報欲身殉以子幼制淚撫之然無以為生或謂彭曰可命兒備取直以養或令給事將庭彭不可令先生從事學修脯不具皆謝之彭曰經書固在何必師時先生年十六粗解文義母夫人日言忠孝節義事以督之母子相依或數日不舉火泊如也先生以昌明闕學為己任家無書從人借讀自經史百家至二氏之書無不觀其論學曰天下大根本人心而已矣大肯綮被醒天下之人心而已矣是故天下治亂視人心人心邪正視學術凡學在反身道在守約功在悔過自新而必自靜坐觀心始靜坐乃能知過知乃能悔悔乃能自新又言學者當先觀象山慈湖陽白沙之書闡明心性直指本初以洞斯道之大源然後取二程朱子及康齋做軒野荳庵

之書。秦索以蓋踐履之功。否則醇謹者之通慧。穎悟者之雜異。端無論言。朱言陸皆於道未
有得也。於是闕中士爭向先生問學。闕學自橫渠後。三原涇野少墟。累作累替。至先生而
復盛。當事慕其名。踵門求見。力辭不得。則一見之終。不報謁曰。庶人不可入公府也。再至
并不復見。有饒道者。雖十反亦不受。或曰。交道接禮。孟子不欲。唯何甚。曰。我輩百不能學
孟子。即此一事。稍不守孟子家法。何害。當事請主闕中書院。先生嘗謀為馮恭定公設俎
豆。勉就之。已而深悔急去之。挾撫白君欲薦諸朝。哀籲得免。督學許君孫奎議進其所著
書。亦不可。然闕中利害在民者。未嘗不為當事力言也。少墟高弟。隱淪不為世所知者。言
之當事。表其墓以傳也。初母夫人葬。信吾之齒曰。齒塚。以待身後合葬。先生屢欲之。襄城
招魂。以母老不敢速出。乙巳母夫人卒。庚戌。徒跣之襄城。徧覓道。規不得。乃為文。禱於社。
服斬衰。晝夜哭不絕聲。淚盡繼以血。襄城令張允中出迎。請通館。不可。乃亦為之禱。卒不
得。先生設招魂之祭。狂號允中。請立信吾祠。且造塚。故戰場。以慰孝子心。揚州守駱鍾麟
前令蓋屋時。師事先生者也。聞先生至襄城。謂祠事未能旦夕。竟請南下。謁道南書院。以
發願。高諸公書。且講學。以慰東林學者之望。先生應之。從者雲集。開講於無錫。於江陰。於
靖江。宜興。晝夜不獲休。忽靜中涕如下雨。捶胸自詈曰。不孝。汝此行為何事。竟喋喋於此
間。尚為有人心者乎。雖得見高願諸公書。何益。申旦不寐。即戒行。時祠事且畢。急詣襄城
宿祠下。夜分鬼聲大作。樓愴悲涼。蓋先生祝於父祠。願以五千國殤魂同返闕中故也。允

中乃為先生設祭。上祀督師汪公監紀孫公配。以信吾下設長筵。徧及死事者。先生伏地大哭。觀者皆哭。於是立碑曰義林。奉招魂之土。取冢土而歸。告於母墓。附蒿冢中。更持服如初喪。崑山顧甯人作襄城紀異詩。傳寫徧海內。癸丑陝督鄂善。以隱逸薦先生。誓死辭。書八上。皆以病為解。得旨俟病愈。敦促入京。自是大吏歲歲來問起居。先生遂稱廢疾。長臥不起。戊午。部臣以海內真儒。薦有旨召對。時詞科薦章徧海內。先生獨被昌明絕學之目。中朝必欲致之。大吏趣行益急。先生固稱疾。罵鼻其牀。至得省。大吏親至榻前。懇先生絕粒六日。至欲拔佩刀自刺。於是諸官屬大駭。得予假治疾。先生嘆曰。生我名者。殺我身。是皆生平洗心未盡。不能自晦之所致也。當道知其不可屈。姑置之。自是荆扉反鎖。不復與人接。惟顧甯人至則款之。已而天子西巡。將召見。命陝督傳旨。先生驚泣曰。吾其死矣。辭以廢疾不至。遣子慎言詣行在。進所著四書反身錄二曲集。御書閣中大儒四字。以寵之。先生學極博。嘗著十三經糾繆。廿一史糾繆。及象數諸書。既自以為近於口耳之學。不復示人。惟以反身錄示學者。晚年遷富平。學者日至。然或才士著書滿家。先生竟扃戶不納。積數日。悵然去。或出自市廛下戶。先生察其心之不雜。引而進之。當是時。北則孫先生夏峯。南則黃先生梨洲。西則先生時論。以為三大儒。然夏峯自明時已與楊左諸公為石交。其後孫高陽相國。折節致敬。易代後。聲名益大。梨洲為忠端之子。戴山之高弟。又從亡海上。資望皆素高。先生起自孤童。上接闕學六百年之絕。寒澹清苦中。耿光四出。無所

憑藉拔地倚天視二先生為尤難云。先生名顯字中孚。自署曰二曲土室病夫。陝西藍屋人。子二慎言。慎行。慎言以門戶故出補諸生。終不與科舉。後以選拔貢太學。亦不赴。先生晚年因兵氛遷寓富平。與富平李因篤。郿縣李柏。稱關中三李。門人王心敬能傳其學。因篤自有傳。柏字雪木。少孤貧。稍長讀小學。曰道在是矣。遂盡焚帖括。而日誦古書。家人強之應試。遂出走。西踰河。南入棧。適東登首陽。拜夷齊墓。復以母命就試。補諸生。旋棄巾服入太白山讀書。十年成大儒。公卿多欲薦之。度不獲行。已志卒。辭謝。听夕謳吟。拾山中櫛葉書之。門人都其集曰櫛葉集。山居力耕。日食粥。或半月食無鹽。意夷然不屑也。嘗言古之人有七日不大食者。有三旬九餐者。有食木子橡栗者。有屑榆者。有一日長坐者。有十九年餐糞嚼雪者。蓋有主於中。不動於外。所謂不忘溝壑也。其高寄絕俗類。此年六十六卒。子曰崧。女適二曲子慎言。心敬字爾緝。號澧川。郿縣人。少傳二曲之學。二曲集二十二卷。皆其所撰次也。少為邑諸生。歲試提學。遇之不以禮發憤。脫巾憤去。遂出其精雅正中。詔舉賢良。方止。總督顧忞倫年羹堯先後上章薦。兩徵不赴。及羹堯為大將軍。復召之。卒謝不佳。羹堯賤出其門下者。皆絳諺。或禁錮終身。澧川不與也。朱高安督學關中。數造廬請益焉。澧川學問淹通。有康濟之志。集中論選舉軍餉馬政區田法井利說諸篇。皆可坐言起行。非空談心性者比。子某以知縣入都。世宗見而嘉之。曰若儒子。故自不凡。乾隆元年。蒲城進士某應廷試。大學士鄂爾泰公問澧川安否。進士素昧澧川。不能對。鄂公

笑曰。若不識閩中儒者。乃亦成進士耶。秦中新除大吏來。及皇華過境。郭公必寄聲候。澧川動定。其見重當世如此。生平論學。以明新止至善為歸。著有澧川集。閩學編。澧川易說。江漢書院講義及語錄。孫先生景烈者。字西峯。武功人也。少舉於鄉。為商州教官。勤於課士。不受諸生一錢。雍正中。舉賢良方正。乾隆己未。成進士。授檢討。以言事忤旨。放歸。深自韜晦。陳文恭撫陝。奉詔舉經明行修之士。將以西峯應。固辭。主閩中書院。教生徒。以克己復禮。居平雖盛夏。必蕭衣冠。韓城王文端。亦其人室弟子也。嘗曰。先生冬不鑪。夏不扇。如邵康節。學行如薛文清。為閩中學者宗。有自來矣。又郿縣馮先生雲程。字海鵬。號峒泉。子。生七歲。而孤。感奮自立。嘗謂生平有友五人。同邑則雲木李子。蓋屋則名世趙子。郿縣則澧川王子。晚得一人。為蓋屋司訓劉子。又繼得瀟灑之文。方白趙子。二曲先生為之傳。又同時有蓋屋惠含貞先生。思誠武進陸儵公先生。卯鵠。二曲皆為之傳。咸稱其學行云。

顧亭林先生事略

附

張昭

吳任臣

亭林先生。初名絳。字甯人。江南崑山人。乙酉。改名炎。武自署蔣山備。本生父同應。有同祖弟曰同吉。早世。聘王氏。未婚。守志。以先生為之。後母夫人最孝。嘗斷指療姑疾。崇禎九年。旌於朝。丁亥。及避兵常熟。年六十矣。謂先生曰。我雖婦人。然受國恩矣。過變。我必死之。於是先生方應邑令楊永言之辟。與嘉定吳其沆同里。歸莊共起兵。奉故鄆撫王永祚。以從。夏文忠允葬於吳中。魯王監國授先生兵部司務。事既不克。永言行遁去。其沆死。先生

與莊幸得脫母夫人聞兩京皆破遂不食卒。道命誠先生勿事二姓。次年唐王起關中。以職方郎召。先生欲赴之。念母未葬不果。次年魏璩吳兆勝之禍。更欲赴海上。道梗不前。庚寅有怨家欲陷之。乃變衣冠作商賈游京口。又游禾中。次年之舊都。謁孝陵。癸丑再謁。其冬又謁而圖焉。顧氏有三世僕曰陸恩。叛投里蒙丁酉。先生四謁孝陵。歸持之急。乃欲告先生通海。先生亟往擒之。數其罪湛之水。僕塔復投里蒙。以千金賄太守。欲殺先生。勢危甚。有代乞援於錢牧齋者。牧齋欲先生自稱門下。乃許之。其人知必不可。而懼失機。乃私自書刺與之。先生急索刺。遂不得。則列揭通衢。自白。牧齋亦笑曰。甯人之下也。會故相路文貞振飛之子澤溥。為白其事。於是先生浩然有去志。至是五謁孝陵。乃東行。鑿困於章邱之長白山下。以自給。戊戌徧遊北畿。出山海關。歸至昌平。拜謁長陵以下。次年再謁。又念江南山水有未盡者。復歸六謁孝陵。東遊至會稽。次年復北謁思陵。由太原大同入關中。至榆林。是歲浙中史禍作。先生幸得脫。甲辰四謁思陵。畢。鑿困於雁門之北。五台之東。初先生之居東也。其地溼不欲久留。每言馬伏波田疇。皆從塞上立業。欲居代。北書曰。使吾澤中有牛羊千。江南不足懷也。然又苦其地寒。乃經營創始。使門人輩司之。而身出游。丁未之淮上。次年自山東入京師。菜之黃氏有奴告其主所作詩者多株連。復以吳中陳濟生所輯忠義錄指為先生作首之。書中有名者三百餘人。先生聞之。馳赴山東。自請勘訟繫數月。富平李因篤親至。歷下解之。獄白。復如京師。五謁思陵。自是往還河北諸邊塞。

者。凡十年。丁巳六謁思陵。始卜居陝之華陰。始先生徧觀四志。心耿耿未下。謂秦人慕經
學。重處士。持清議。實他邦所少。而華陰縮轂關河之口。雖足不出戶。而能見天下之。聞
天下之事。有警入山守險。不過十里之遠。若志在四志。則一出關門。亦有建瓴之便。乃定
居焉。王徵君宏撰築室延之。先生置田五十畝於華下。供晨夕。而東西開墾所入。別貯之
以備有事。又餌沙苑蕨藜而甘之。曰。咬此久。不肉不茗可也。熊公賜履。方任史事。以書來
招。答曰。願以一死謝公。最下則逃之世外。懼而止。戊午鴻詞科詔下。諸鉅公爭欲致之。先
生以死辭。次年修明史。又欲薦之。貽書葉學士方藹。誓以身殉。始得免。華下諸生請講學。
謝之曰。近日二曲徒以講學。故得名。遂招通逆幾凶。死名之為累甚矣。况東林覆轍。有進
於此者乎。少請宋史。劉忠肅傳曰。士當以器識為先。一命為文人。無足觀矣。即終身謝絕
應酬文字。李二曲求為其母傳。至再三。終謝之。嘗曰。文不關於經術政理之大。不足為也。
韓公起八代表。若但作原道諫佛骨表。平淮西碑。張中丞傳後序。諸篇而一切談墓之文
不作。豈不誠山斗乎。今猶未也。其論學。則曰。諸君關學之餘也。橫渠藍田之教。以禮為先。
孔子嘗曰。博學於文。約之以禮。而劉康公云。民受天地之中以生。所謂命也。是以有動作
威儀之則。然則君子為學。全禮何由。近日講學家。專以聚徒立幟為心。而其教不肅。方將
賦茅鴟之不暇。何問其餘。尋以乙未春出關。觀伊洛。歷嵩少。曰。五嶽遊其四矣。會年饑。渡
河至代北。復遠華下。先生既負用世之略。不得一遂。所至輒小試之。墾田度地。累致千金。

故隨寓即饒足。徐尚書乾學兄弟甥也。未遇時。先生振其乏。至是鼎貴。為東南人士宗。累書迎先生南歸。請居以別業。皆不至。庚申其婦卒於崑山。寄詩挽之。而已。康熙二十年卒於華陰。年六十有九。無子。以從孫淇慎俊高弟吳江藩。未刊布其遺書。先生耿介絕俗。雙瞳子中白而邊黑。見者異之。最與歸莊善。少共遊復社。有歸奇顧怪之目。於書無所不窺。尤留心經世學。歷觀廿一史。明十三朝實錄。天下圖經說部。以至公移邸鈔之屬。有閩氏生利害者。隨錄之。又參以躬所聞見。曰天下郡國利病書。別一編曰聲域志。最精韻學。能據遺經以正六朝唐人之失。據唐人以正宋人之失。有音學五書。李文自光地。自漢晉以來所未有。性喜金石文。所至必躬自蒐訪。有金石文字記。晚益篤志六經。謂經學即理學也。自有舍經學言理學者。乃墮於禪學。而不能知。故持論悉本朱子之說。而歸咎於上蔡橫浦象山。甚峻。有書曰。下學指南。其平時論學。曰博學於文。曰行己有恥。謂自一身以至天下國家皆學之事。自子臣弟友。以至出入往來。辭受取與之間。皆有恥之事。不恥惡衣惡食。而恥匹夫匹婦之不被其澤。故曰萬物皆備於我矣。反身而誠。其日知錄三十卷。尤終身精詣之書。凡經史粹言。皆具焉。自言有王者起。將以見諸行事。而躋斯世於古治之隆。而未敢為近人道也。先生出游。以馬二騾二載書。隨所至。阮塞即呼老兵。退卒詢曲折。或與平日所聞不合。則即旅舍中發書勘之。或經行平原大野。無足措意。則馬上嘿誦諸經。註疏。偶有遺忘。即又發書熟復之。汪鈍翁嘗言經學修明者。吾得顧子亭林。李子天生。

內行醜備者。吾得魏子瓌極。梁子曰。緝。先生廣之曰。學究天人。確乎不拔。吾不如王寅旭。讀書為己。探蹟洞微。吾不如楊雪臣。獨精三禮。卓然經師。吾不如張稜若。蕭然物外。自得天機。吾不如傅青主。堅苦力學。無師而成。吾不如李中孚。陰阻備嘗。與時屈伸。吾不如路安卿。博聞強記。羣書之府。吾不如吳任臣。文章爾雅。宅心和厚。吾不如朱錫鬯。好學不倦。篤於朋友。吾不如王山史。精心六書。信而好古。吾不如張力臣。所著書。又有左傳杜解補正。九經誤字。石經考。吳韻補正。昌平山水記。山東考古錄。京東考古錄。亭林詩文集。及二十一史年表。歷代帝王宅京記。皆行於世。力臣名詔。山陽人。精六書。貧而嗜古。尤究心金石。搜討靡遺。嘗登焦山。乘江湖歸壑。入巖下。仰讀瘞鶴銘。證為顧况書。按據甚核。後以聲廢。而考證彌勤。亭林音學五書。力臣所寫。定也。任臣吳姓。名志伊。仁和人。志行端慤。博聞強識。兼精天官樂律。康熙己未。召試博學鴻儒。授檢討。承修明史。歷志撰十國春秋。百十四卷。廣搜博引。可稱淹貫。又撰山海經廣注。字彙補。周禮大義。禮通。春秋正朔考辨。託園詩文集諸書。

王而農先生事略(附)兄 介之 (子) 哉

先生姓王氏諱夫之字而農號羹梅湖南衡陽人父朝聘副貢生以文學知名先生少負異才讀書十行俱下年逾冠與兄介之同舉崇禎壬午鄉試以道梗未與計偕明年張獻忠臨衡州士類多涉偽命其不屈者投之湘江先生走匿南嶽雙髻峯下賊執其父以為

賢先生自引刃刺其股體昇桂易父賊見其重創也免之父子俱得脫十七年北京臨先生涕泣不食者數日明年王師下金陵唐桂二王相繼稱號督師何公騰蛟屯長沙堵公允錫駐常德兩公頗不相能先生憂之上書監軍章公曠請調和南北兩軍防潰變章公不能用諸鎮卒奔覆章公以憂死順治四年王師下湖南先生走桂林大學士瞿公式相疏薦於桂王先生以父憂請終制服闋授行人是時桂王建國肇慶旋移駐武岡走靖州柳州大學士嚴公起恒皆從已復從至肇慶時朝端水火有吳黨楚黨之目主吳者為朱天麟張孝起吳貞毓堵允錫王允澄諸人主楚者為金堡丁時魁劉湘容袁彭年蒙正發諸人又其時李承棟新附於王朝政皆決於其子元允堡等五人附之吳黨目為五虎嚴公居其間不能有所匡正在梧州貞毓等十四人合疏攻五虎下湘容等於獄將置之死先生走告嚴公曰諸臣棄義填捐妻子崎嶇從王而以黨人殺之則志士將解體誰與共危亡者嚴公感其言跪王舟力救貞毓等並惡之是時化澄已為言者劾去貞毓等請召還因與合攻嚴公先生亦三上疏劾化澄化澄恚甚必欲殺先生以救得免迨桂林復依瞿公尋間母病間道歸至則母已前卒其後瞿公殉節桂林嚴公被害南甯先生知事愈不可為遂決計者牖下已而緬甸亦覆沒先生益自晦匿浪遊郴水澧邵間所至人士慕從輒辭去最後歸衡陽之石船山築土室曰觀生居晨夕杜門學者稱船山先生所著有周易內傳十二卷發例一卷周易大象解一卷周易稗疏四卷周易考異一卷周易外傳

七卷書經稗疏四卷尚書引義六卷詩經稗疏四卷詩經考異一卷詩廣傳五卷禮記章句四十九卷春秋稗疏二卷春秋家說七卷春秋世論五卷續春秋左氏博議二卷四書訓義三十八卷四書稗疏二卷四書考異一卷讀四書大全說十卷說文廣義三卷讀通鑑論三十卷宋論十五卷張子正蒙注九卷思問錄內篇一卷外篇一卷侯解一卷噩夢一卷黃書一卷識小錄一卷老子衍一卷莊子解三十三卷龍漂夜話一卷愚鼓歌一卷相宗絡索一卷楚辭通釋十四卷董齋文集十卷詩集十卷詩餘三卷詩話三卷外集四卷夕堂水日八代文選十九卷共計三百二十四卷其著錄於四庫者曰尚書引義春秋家說凡二種尚書稗疏詩稗疏考異春秋稗疏凡六種存目於四庫者曰尚書引義春秋家說凡二種先生論學以漢儒為門戶以宋五子為堂奧其所作大學衍中庸衍皆力闢致良知之說以羽翼朱子而於正蒙一書尤有神契謂張子之學上承孔孟如皎日麗天無幽不燭惜其門人未有始庶者而當時鉅公如文富司馬諸公張子以衣布貞隱無絲資其羽翼其道之行曾不逮邵康節之數學是以不百年而異說興於長究觀天人之故推本陰陽法象之原就正蒙精釋而暢衍之與有著思問錄二篇皆本隱之顯原始要終炳然如揭日月至其扶樹道教辨上蔡象山姚江之謬或疑其言稍過然議論精嚴粹然皆軌於正也先生生當鼎革甲申後崎嶇嶺表發議論攻儉邪備嘗艱險既知事不可為乃退而著書竄伏窮山四十餘年一歲數徙其處故國之戚生死不忘康熙十八年吳逆僭號於衡

偽僉有以勸進表相屬者。先生曰：亡國遺臣所欠一死耳。今安用此不祥之人哉？遂逃入深山，作被襖賦。吳逆平，大吏聞而嘉之，屬郡守醜栗帛請見。先生以疾辭，未幾卒。葬大樂山之高節里。自題墓碣曰：明道臣王某之墓。當是時，海內儒碩推容，蓋屋餘姚、崑山。先生刻苦似二曲，貞晦過夏峯，多聞博學，志節皎然，不媿黃顧兩君子。然諸先生肥遯自甘，聲望益熾，雖薦辟皆以死拒，而公卿交口。天子動容，其著述易行於世。惟先生處身猶尚，席棘鉅釜，聲影不出林莽，門人故舊又無一有氣力者為之表章。歿後四十年，其子敦抱遺書上之督學，宜興潘太史宗洛因緣得入四庫。上史館立傳儒林，而其書仍不傳。道光庚子，族孫世佺始刻行。咸豐四年燬於兵，焚同治二年，曾中丞圖荃復捐俸重錄焉。本朝經學家後先生而起者，無慮百十人，所言皆有根柢，然有矜為創獲不知為先生所已言者。四庫總目於春秋稗疏中曾論及之，實未易一二數也。兄介之字石子，號石崖，鄉舉後值國變，遂隱居不出。先生卒，著有周易本義、賢四卷、詩經尊序十卷、春秋四傳質十二卷。子敬，字虎止，操履高潔，博學有文名。康熙朝貢生，與邵陽車無咎、補旗、王元復能、愚、依縣陳之、駉、桃文、稱楚南四家。又稱楚中三王，謂虎止與能、愚及漢陽王戩、伯毅也。潘太史視學楚南，延虎止入幕，與宜興儲大文、六雅、善、晚築湘西草堂，著有蔗畦存稿、笈雲草、學者稱蔗畦先生。

陸榕亭先生事略

(附)

葉敦良

戴敬

江士龍

本朝諸儒恪守程朱家法者。推二陸先生為正宗。二陸者。一清獻公。一擇亭先生也。先生名世儀。字道威。江蘇太倉州人。少即篤志聖賢。錢忠介公肅樂收太倉時。一見奇之。曰。他日必以魁儒名世。劉念臺先生講道戴山。張受先。米嘗約先生往受學。先生即赴之。受先不果終身。以為憾。時流寇日熾。先生謂平賊在良將。尤在良有司。宜大破成格。凡進士舉。貢監諸生。不拘資地。但有文武幹略者。輒與便宜。委以治兵積粟守城之事。有功即以爲其地之牧令。如此則將兵者。所至皆有呼應。今拘吏部法重以賄賂。隨在充數。是賣封疆也。時不能用。明亡。書上書南都。不見聽。又嘗參人軍事。既解。鑿地寬可十畝。築亭其中。高臥闕謝客。其自號擇亭。以此風波既定。至四明。哭忠介。歸。始應諸生之請。講學東林。已講於毘陵。復歸講於里中。當事者屢欲薦之。力辭免。葉敦良者。字靜遠。浙之西安人。戴山高弟也。千里貽書討論。先生喜曰。證人尚有緒言。吾得慰未見之憾矣。先生少嘗從事養生之說。有所得矣。既而翻然悟。乃亟棄之。作格致篇。以自考。曰。敬天者。敬吾之心也。敬吾心。如敬天。則天人可令一矣。故敬天爲人德之門。及讀薛文清書。有云。敬天當自敬心始。乃歎曰。先得我心哉。先生教人。先小學。後大學。以立志居敬爲本。以聖經入條目爲程。主敦守禮法。講明實用。然後漸進於天人之微。旁及百家之言。其先後次序。悉朱子遺法也。所著思辨錄。凡十四類。前集曰小學。曰大學。曰立志。曰居敬。曰格致。曰誠正。曰修齊。曰治平。後集曰天道。曰人道。曰諸儒。曰異學。曰經子。曰史籍。自家緯律。應以至禮樂兵農刑。

政河漕鹽屯諸務以及歷代儒先之異同得失旁及異端莫不窮究其所以然而立論一
歸端正清獻公嘗序而刻之其景仰者至矣先生自序生平謂得力於理先於氣一言於
理氣之間盡心體驗始知太極為理兩儀為氣人之義理本於太極氣質本於兩儀理居
先氣居後理為主氣為輔條理判然既而悟理一分殊之旨恰與羅整庵之言合便灑然
覺理氣融洽性原無二然未察及人與物性同異處也既而知人與萬物之所以同又如
人與萬物之所以異於朱子所云論萬物之一原則理同而氣異論萬物之異體則氣猶
相近而理絕不同二語大有契入於是又識得天地萬物本同一體處然而性善之說則
終以先入之言為主以為孟子論善止就天命之初繼之者善處論未敢說到成之者性
既而悟成之者性以前者不得性字既云成之者性使屬氣質既屬氣質何云性善於是
曠覽天人之原博觀萬物之際見夫異異而同同者始知性為萬物所同善為人性所獨
性善之旨正不必離氣質而觀也乃取孟子前後論性語反覆讀之始知孟子當日止就
氣質中說善而程朱以後尚未之能晰也於是又取宋五子之言觀之周則無不脗合程
朱間有一二未合而合者書八九也周子太極圖說惟人也得其秀而最靈形既生矣神
發知矣形生質也神發氣也形生神發而五性具是有氣質而後有性也可見不落氣質
不可謂之性一言性便屬氣質矣先生不喜新會餘姚之學顧能洞見其得失之故而平
心以論之尤足廢諸家紛爭之說其論白沙曰世人多以白沙為禪宗非也白沙曾哲之

流其意主於澆脫閑曠以為受用不屑苦思力索其靜中養出端倪之說亦本中庸然不言戒懼慎獨而惟詠歌舞蹈以養之則近於手持足行無非道妙之意矣白沙與敬齋俱學於吳康齋本皆以居敬為主故其詩曰吾道有宗主千秋朱紫陽說敬不離口示我入德方後來自成一家始以自然為宗而敬齋則終身無所轉移是以有狂狷之分也究之所謂自然者誠也稍有不誠則粉飾造作便非自然而或者以率略放達為自然非也其論陽明曰陽明之學原自窮理讀書中來但才氣過高終屬聰明用事其言朱子格物之非謂嘗以庭前竹試之七日而病是則禪家參竹篋之法原非朱子格物之說陽明自誤會耳陽明意主簡易直捷以救支離之失故聰明者喜從之而一聞簡易直捷之說則每厭讀書窮理之繁動云一切放下而居敬之功弛矣故陽明在聖門狂者之流門人昧其苦心以負之耳其論整庵曰陽明講學在正德甲戌乙亥間整庵困知記一書作於嘉靖戊子己丑之際整庵自謂年垂四十始志學正陽明講學時也其後致良知之說遍天下而整庵書始出然則非陽明講學則整庵將以善人終其身而是書且不作朋友切磋之功其可少哉陽明工力不逮整庵之半整庵才氣不逮陽明之半於整庵吾恨其聰明少於陽明吾恨其聰明多其論陽明弟子曰姚江弟子必以緒山為巨擘其序傳習錄謂師亡未及三絕而微言日以沈晦豈非吾身踐之不力而多言有以病之耶此蓋為龍溪而發而救正王學末流之功甚大是不負陽明者緒山也終背陽明之教者龍溪也又嘗語

學者曰世有大儒決不別立宗旨。譬之大醫國手。無方不備。豈嘗沾沾然執一海上方。而謂舍此更無方無藥哉。今之談宗旨者。皆海上方也。所著自思辨錄外。有宗禮典禮折衷通治鄉三約甲申臆儀城守要略。八陣法門先儒語錄集成。明儒語錄集成。禮衡易窺詩鑑。書鑑春秋考論。讀史筆記考德錄諸書。同州共學者曰。盛先生敬。江先生士韶。敬字宗傳。號寒溪。長椿亭先生。一歲年十五。遇椿亭。一見即甚相得。與同學者三年。厭薄聲華。不事舉子業。後罹家陋。流離播徙。去稍遠。至崇禎丙子。始與椿亭及陳子確庵。江子樂園。有講學之舉。時絕學初興。慮驚世駭俗。深用韜秘。四人者。風雨聯牀。或橫經論難。或即事窮理。反覆以求。一是。甚有商榷未定。徹夜忘寢。質明而後斷。或先斷而復辨者。既而同志漸多。旬月皆有常會。必講貫終日。凡身心性命之興。天文地利河渠兵法之學。太極陰陽鬼神之秘。儒釋之辨。經史百家之蹟。罔弗根究本末。要於中正。講論之樂。嘗恨古人不及見之。退則做先儒讀書記之法。各有所錄。但日不著錄。即互相糾。以為學問進退之別。椿亭所著思辨錄。皆十二年間。俛讀仰思。有所見則疾書。以自識其所得者也。顧其所紀皆隨筆。無倫次。寒溪與樂園。乃纂輯精要。類分而書之。樂園名士詒。字虞九。其學以椿亭為歸。所纂思辨錄輯要。寒溪既序其體例。樂園復序之。其略曰。自結繩以降。太昊始之。皇農諸聖人繼之。而集諸聖之大成者。有孔子。漢唐以降。濂溪始之。洛閩諸大儒繼之。而集諸儒之大成者。有朱子。然自朱子以後。羣言淆亂。莫知折衷。其溺於詞章。牽於訓詁者。無論

已自禪學盛而二氏標榜於是異學與止學爭。自心宗盛而三教合一。於是儒者與儒者爭。浸淫至於末季。所推儒門巨璧。大約為異端立赤幟耳。或樹敵門外。或操戈室中。其指似異。其實同也。惺亭之為是書。無間寒暑。無間窮達。無間治亂。蓋十二年如一日。皆為衛道計。即則繼朱子而集大成者。惺亭何多讓焉。嗚呼。此心同也。此理同也。惺亭言之而天下萬世之人。誦之習之。或從而歌舞詠嘆之。以是為惺亭功。惺亭言之而天下萬世之人。疑之阻之。或從而訕笑詬厲之。以是為惺亭罪。而皆無容心也。道存與存。道亡與亡。聽之天而已矣。庶幾藏之名山。傳之其人。以俟天下萬世之知惺亭。而能讀是書者。

張楊園先生事略 (附) 何汝霖 凌克貞 吳嘉珍 陳祥 祝汝 沈磊

先生名履祥。字考夫。居桐鄉之楊園村。學者稱楊園先生。九歲喪父。僻踴袒括如成人。母夫人訓之成立。嘗中酒。母責之。且諭曰。孔孟亦是兩家無父兒。止為首學好人。便成大聖大賢。爾勿自棄也。年十五。補邑諸生。恥入社。讀小學。近思錄。有得。作願學詔。渡江而東。拜劉念臺先生門下。聞甲申三月之變。縞素不食。攜書麓步歸楊園。隱約闔修。益肆力程朱之書。覺人譖。獨體之說。猶近陽明。然以師故。不敢言也。澈湖何尚隱。延之家塾。出傳習錄請評。先生不敢任。既而館語。米主人以請復解之。後數年。始毅然奮筆。條分縷析。直抉其所以然。蓋自此出。而閑闕錄。因知記學部通辨。皆所謂擇焉不精者矣。吳江張嘉珍。素諸生。從先生遊。資獨鉅。故所詣爾粹。先生自亂後。益杜門寡交。病世當講學者。聘口辯。活

虛名。故於來學之士。未嘗受其拜。一以友道處之。與若上凌渝安。沈石長。及高隱。交最篤。住復終身無間。平居雖盛暑。方巾深衣。端拱若泥塑。或舟行百里。坐不少歇。晚年爲寒風。伫立圓。自題以見志。嘗云三代以上。折衷於孔孟。三代以下。折衷於程朱。於通鑑綱目。朱子文集語類。晨夕不去手。勇及讀書居業二錄。童蒙訓。警齋集。皆有評本。輯劉子粹言。於師門有補救之力。念臺之子伯緝。輯先人遺書。多折衷於先生。時黃太冲方以紹述戴山。鼓動天下。先生曰。此名士。非純儒也。痛先世殯宮。以貧不能早葬。燬於盜。雖罪人既得。斬首祭墓。袒衣猶麤麻。卒於康熙十三年。年六十有四。遺命以衰殮。濮川布衣陳梓爲作傳。輯年譜。門人祝淦。彙刻其全集。目次凡十六。曰經正錄。曰願學記。曰問目。曰備忘錄。曰詩。曰書。曰初學備忘。曰學規。曰訓子語。曰答問。曰門人所記。曰言行間見錄。曰近古錄。曰近鑑。曰喪祭雜說。曰農書。先生恪守紫陽居敬窮理之訓。實體諸人倫。日用間在前。明爲許胡之後勁。在本朝爲清獻之前茅。身處草野。日抱琴爨。荒江寂寞中。惴惴念亂。其心固未嘗一日忘天下也。嘗言人自著衣。至於解衣。終日之間。所言所行。須知有多少。過羞自解衣。至於著衣。終夜之間。所思所慮。須知有多少。邪妄有則改之。此爲修身第一事。又曰。爲學自不欺始。不欺自親長始。於親長。忍用其欺。安往而不欺者。又曰。朱子精微象山簡率。薛胡謹嚴。嚴亦緣百餘年來。陽明之學大行。遂以先入之言爲主。雖聞讀程朱書。亦止本陸

陳祥 沈益 張雨以

王之意指摘其短長而已。此種習尚不變。竊憂生心害政之禍。未有艾也。又曰。學者舍稼穡別無治生之適。能稼穡則無求於人。而廉恥立。知稼穡艱難。則不敢妄取於人。而禮讓興。廉恥立。禮讓興。而世道可以復古矣。故其所補農書。皆得諸身試者。何商隱名汝霖。武原人。凌喻安。名克貞。沈石長。名磊。皆烏程人。吳嘉珍。字佩慈。一字岵瞻。陳粹。字古民。祝塗。字人齋。海昌人。商隱嘗曰。楊園學術至正。言行無疵。至其不言而飲人以和。與人並立而使人化。尤莫如其所以然也。凌先生曰。楊園閨修一室。而聞風者悅服。覲德者心醉。惟其誠耳。陳古民曰。先生純粹如敬軒。而研窮精核。謹飭如敬齋。而規模宏遠。人齋祝氏既刻其道書。復擇粹語為一編。曰淑艾錄。以示學者。陸清獻公未獲與先生相接。及見其道書。乃心折焉。

張蒿庵先生事略 (卅) 張若羣

齊魯自伏生鞏固而逸。至東京之末。康成鄭氏始為諸經箋注。魏稱經師。爰及北宋。乃有泰山孫明復。徂徠石守道。特起為人倫師表。越六百年。復有蒿庵張先生。先生名爾岐。字稷若。濟陽人。明季為諸生。入本朝。隱居求志。當正學昌明之日。博綜載籍。以篤志力行為本。性孝友。服親喪三年。號泣不輟。殯葬皆遵古禮。以沃產讓兩弟。為代納稅賦三十餘年。及易簀。猶屬子代納。以終二弟之身。為其有廢疾也。卒於康熙十六年。年六十有六。當是時。孫鍾元講學蘇門。黃梨洲標宗姚江。皆出入白沙陽明間。先生獨守程朱說。不少變。海

內君子。如桐鄉張考夫。太倉陸道威。各以韋布躬行。任斯道之重。先生編總未遍。而風期合轍。隱然有以開陸清獻。張清恪之先。故崑山顧亭林。亦時以康成泰山。徂徠三先生相助。先生閉戶著書。所與游。自高林外。惟長山劉友生。樂安李象先。關中李二曲。王山史。四人而已。乾隆中。詔徵海內道書。其鄉人以先生所著書。上當事。進冊府。海岱經生。益知先生為三先生以後一人。吳江陸朗夫。燻陳臬山。東建菴書院。以祀先生。而額其堂曰辨志。取先生所論著。以立教也。其辨志略曰。人之生。未始有異也。而卒至大異者。習為之也。習之所以異志為之也。志異而習以異。習異而人以異。故志乎道義。未有人於貨利者也。志乎貨利。未有幸而為道義者也。志道義。則每進而上。志貨利。則每趨而下。其端甚微。其效甚巨。舜蹠之分。利與善之間。而巴人之所以孽孽而為者。志在故耳。志之為物。往而必達。圖而必成。及其既達。則不可以返也。既成。則不可以改也。於是為舜者。安享其為舜。為蹠者。縱其悔其為蹠而已。莫可致力矣。所志者。殊也。世之誦周公孔子之言者。肩相比也。周公之教。未聞有見諸行事者。豈少而習之。長而忘之。與。毋亦誦周公孔子之言者。肩相比也。志不在周孔。則所志必貨利矣。以志在貨利之人。而乘富貴之資。制斯人之命。吾悲民生之日。感也。志之定於心也。如種之播於地也。種梁穀。則梁穀種。烏附則烏附矣。雨露之滋。培壅之力。各於所種。以成。效焉。梁穀成。則人賴以養。烏附成。則人被其毒。學不正志。而勤其佔畢。美其文辭。以售其世。則所學皆其毒。人自利之藉也。嗚呼。學者一日之志。天下治

亂之源。生人憂樂之本矣。且夫志在道義，未有不得乎道義者也。窮與達均得焉，志在貨利，未必貨利之果得也。而道義已坐失矣。孟子曰：求在我者也，是求有益於得也；求在外者，也是求無益於得也。能審乎內與外之分，必得與不必得之數，可以定所志矣。其中庸論略曰：中庸云者，贊禮之極辭也。中庸一書，禮之統論約束也。夫禮抑人之盛氣，抗人之懦情，以就於中。天下之人質之所不便，皆不能安，不安恐遂為道裂，指禮之物，而贊以坦易之辭，以究其說於至深至大至盡之地，所以堅守禮者之心，而統之一途也。由禮而後，喜怒哀樂皆可以中節，中節而後可以為中庸，故其言始之天命，以著從來曰：斯禮也，命與性先之矣。不然，不汝強也，極之藝倫典則，以表大業，曰：斯禮也，帝王之所考，名教之所責，無之或二也。要之誠明以立本事，曰：斯禮也，非明無以通微，非誠無以正隱，非所以為外也。於是使愚不肖者，知所跋，而賢智者亦厭其意，而不敢求多焉。此中庸之書，所以繼六經而鞭其後也。盡六經之說，而後可以究理之說，而後可以究中庸之說，中庸者，禮之統論約說，非其詳者也。而孔子之告顏子曰：克己復禮為仁，仁不得禮無以為行，非無以為存也。吾故斷以為中庸必有所指，而所指斷乎其為禮也。漢儒取以記禮為得解矣。先生所著有夏小正傳註一卷，儀禮鄭注句讀十七卷，儀禮考注訂誤一卷，弟子職注一卷。周易說略四卷，春秋傳義四卷，蒿庵集三卷，蒿庵閒話三卷，顧亭林嘗曰：獨精三禮，卓然禮師，吾不如張稷若。又曰：稷若所著儀禮鄭注句讀，根本先儒立言簡當，以不求聞達故。

無當世名。然書實可傳。使朱子見之。必不僅謝監獄之稱許也。同時有孫先生若羣者。涪川人也。少勵品學。言動皆有則。鄉里稱小聖人。早歲成進士。謁選京師。任侍郎克溥。廷之課。子坐不易林。食不兼豆。雖盛夏亦衣冠危坐。如見大賓。侍郎知其二子應童子試。時山左學使與侍郎交善。將為之地。而不知二子名。屢欲問之。憚其嚴。終不敢發。善評。臨窮通壽夭。皆能以文決之。康熙癸丑。知交城縣事。道其子歸。灑就昏去。後見其近作時藝。嘆曰。吾子其不反矣。歸後竟卒。治交多異。此秩通遠四川。知州卒於官。

清朝先正事略卷之二十七終

清朝先正事略

卷二十七 名儒 孫若羣

十七

清朝先正事略卷之二十八

平江李元度次青纂

名儒

陳確庵先生事略

先生諱瑚字言夏號確庵江蘇太倉人明季為諸生與同里陸桴亭先生講明義理經濟之學桴亭作格致編首提敬天二字以證千聖心法先生由此用力深得要領著聖學入門書分小學為六曰入孝曰出弟曰謹行曰信言曰親愛曰學文分大學為六曰格致曰誠意曰正心曰修身曰齊家曰治平小學先行後知大學先知後行小學之終即大學之始而每日課程即以敬怠善過自考又以全史浩繁難讀乃編為四大部以政事人文別之政部分費事部分代人部分類文部分體手書巨帙各數十略能背誦又旁通當世之務河漕農田水利兵法陣圖無不研貫暇則橫槊舞劍擊弓注矢擊刺妙天下崇禎壬午舉於鄉赴禮部試不第歸時妻江湮塞水旱洊至民大饑先生上當事救荒書其預備之政四曰築圍岸開港浦廣樹藝豫積儲防挽之政四曰慎災責早奏報懲游惰勸節菽菹首之政四曰通商勸分興復阻亂軫恤之政四曰招流亡緩征索審刑獄恤病囚又陳文吾三議其議食四條曰勸義助勸轉輸格商米優米肆議兵八條曰嚴保甲練鄉民設偵探勸習射練夫役練牙兵備城守之人備城守之器議信六條曰勵士節和大戶巡郊野安典肆清獄

囚嚴督察。又上巡撫王開江書。一審勢。二經費。三役兵。四賞法。皆精切可施行。而時不能用。自言其學。如醫之治病。求之於古。猶治方藥也。求之於今。猶切脈也。按脈以求病。按病以定方。按方以用藥。故百發不爽。然主人諱疾。則良醫亦束手。與明亡後。絕意仕進。父病。刺血書疏。籲天乞身代父卒。遺產悉讓之弟。避兵行。不交人事。嘗寓崑山之蔚村。村田沮洳。導里人築圍庫禦水。用兵家束伍法。不日而成。至今賴之。晚益困。嘗至絕食。終不肯干人。嘗初冬驟寒。客有重裘者。知先生單絺。欲解以贈。竟夕不敢言。退而曰。乃知今世復有陳無已也。康熙十四年卒。年六十有三。先生之學。博大精深。以經世自任。其論學有曰。國家之盛衰。視人才之消長。人才之消長。視教化之興廢。教化興廢之關。人心生死之會也。人心不死。則天命流行。而乾坤立。人心死。則天命不行。而乾坤亦幾乎毀矣。治亂之故。豈非人心為之哉。其論日省敬怠。曰。君子莊敬日強。安肆日偷。小學不由乎敬。則無以涵養乎本原。而謹乎洒掃應對之節。與詩書六藝之教。大學不由乎敬。則無以開發聰明。進德修業。而致明德新民之功。敬也者。聖學之所以成始而成終也。有內敬。主一無適。是也有外敬。整齊嚴肅。是也有靜時之敬。戒慎不睹。恐懼不聞。是也有動時之敬。喜怒哀樂。發皆中節。是也。有一日之敬。終日乾乾。夕惕若是也。有一息之敬。終食之間不違仁。是也。有統體之敬。欽明恭己。聖敬日躋。緝熙敬止。是也。有物物之敬。手容恭。足容重。非禮勿視。聽。非禮勿言。動是也。故容有善而未必敬者矣。未有敬而不善者也。其論理財。曰。管子富

國之法。大約龍山澤之利。操輕重之權。在上不在下。使富商大賈無所牟利。桑孔之徒。師其意以為均輸平準之法。不知其合變可也。管子霸道也可施之一國。不可施之天下。苟利吾國鄰國。雖害不恤也。為天下則不然。此有餘彼不足。不足者亦王士也。此享其利。彼受其弊。弊者亦王民也。故桑孔用之漢而耗。五呂用之宋而亡。其論申韓曰。申韓刑名之學。刑者形也。其法在審合形名。故曰不知其名。復修其形。形名參同。用其所生。又曰君操其名。臣效其形。形名參同。上下和調。蓋循名責實之謂。今直以為刑法之刑。遇矣。所著書自聖學入門外。有蔚村講規。社學事宜。開江築圍書。菊窗隨筆。荒政全書。今不傳。

高棠旃先生事略

(附)

高愈

顧樞

劉乃

吳慎

范瑛

汪樞

張友

嚴毅

高先生世泰字棠旃。無錫人。忠憲公攀龍從子也。少侍忠憲講席。篤守家學。晚年以東林先緒為己任。葺道南祠。麗澤堂於梁溪。與高紫超等講習其中。祁州刁先生也。往返論學。尤莫逆。學者有南梁北祁之稱。孝感熊文端。出先生門下。儀封張清恪。平湖陸清獻。亦常與東林講會。歛人汪學聖者。所學近禪。既至東林。乃大悟前失。其同鄉吳慎。范瑛。汪燧。汪知默。陳二典。胡州。江佑。朱宏。輩。方講朱子之學於紫陽書院。因學聖以問業。東林志相得。乃作紫陽通志錄。紫超名愈。忠憲公兄孫也。十歲讀忠憲遺書。即知向學。既壯。補諸生。日誦遺經。及先儒語錄。謹言行。植身難苦。嘗言士求自立。當自不忘溝壑。始事親孝。父晉侯嗜酒。食必具酒肉。出就人飲。每道僅往候。而已屏立路旁。俟與主人別。則趨而掖以歸。以

為常。先後居親喪。不飲酒。食肉。不內寢。兩兄皆前卒。撫其孤子女。為之昏嫁。晚年益窮困。嘗餒粥七日。矣。方挈其子登城。眺望。意充然樂也。張清恪撫蘇時。延主東林書院。講會。以疾辭。有司饋之人。使不受。平居體安氣和。雖子弟未嘗訶謔。終日危坐。不欠伸。或著不裸。跌與人。食不越。籃下。著有忿爭者。至其前。輒愧悔。縣人好以道學相詆謔。獨至先生。僉曰。君子人也。卒年七十有八。生平於取與之介最嚴。年七十時。門弟子製冠為壽。猶卻之。顧棟高嘗從先生遊。說經。媿媿忘倦。所撰朱子小學注。乾隆中。尹學使會一以小學取士。頌行其書。又著周易偶存。春秋經傳日抄。春秋類。春秋疑義。儀禮喪服。或問。周禮疏義。諸書。東林為高忠憲顧端文兩公講學地。得諸君恪守遺規。其緒言益不泯於世。同縣顧樞。字所止。一字庸庵。端文公憲成孫也。明天啟中舉人。少從忠憲講朱子之學。入國朝。鞫刑道。迹不入城市。不赴講會。惟心體力行而已。淹貫五經。尤深於周易尚書。晚作易稿。折衷至當。嘗曰。吾祖於易最精。獨無著述。小子可妄穿鑿乎。於明儒服膺薛胡。而謂陳王不免差失。又謂端文主無欲。忠憲主格物。並直接宋儒。其議論之醇正。可知矣。同時山陰劉念臺先生之子灼。字伯繩。亦以清介力學稱。方念臺先生家居講學時。諸弟子聞教未達。多私於伯繩。伯繩應機開譬。聞者莫不灑然。及先生死。國難明。唐曾二玉皆遣使祭。其陰以官伯繩皆辭之。曰。父死。敢因為利。既葬。杜門絕人事。著禮經考次一書。以竟父業。有司或請見。雖道家故舊。亦峻拒之。副使王爾祿。故念臺門下士。以金三百。請刻公遺書。不受。語使

者曰。幸為我辭大夫。出處殊途。無相強。居哉山小樓二十年。所與接惟史子。虛憚仲升輩。數人。耶。或勸舉講會。不應。臨卒。戒其子曰。若等安貧讀書。守人諾。以終身足矣。人諾者。念臺所著書也。所卧榻假之。祁氏病革。強起易之曰。吾豈可終於祁氏之榻。門人私諡曰貞孝先生。吳慎字徵仲。歛諸生也。於書無所不讀。而尤盡心於宋五子書。著書三十餘種。其行世者。有周易粹言。大學中庸章句翼論。學以敬為主。自號曰敬庵。初遊梁谿時。東林書院尚守忠憲家法。徵仲與其州人施虹玉。無錫張秋紹等。同受業高彙梅先生。春秋釋奠畢。升堂開講。威儀秩然。見者莫不歛容傾聽也。已而歸歛會講。紫陽速石兩書院。興起者衆。施虹玉名璜。休甯人。少應郡試。見鄉先生講學紫陽。瞿然曰。學者當如是矣。遂棄舉業。發憤自力於躬行。每會講。先一日齋宿。務設誠以感人。教學者以九容養外。九思養內。已而遊梁谿。事高先生。將歸。與高先生期。某年月日當赴講。及期。高先生設榻以待。或曰。千里之期。能必信乎。高先生曰。施生篤行君子也。如不信者。吾不復交天下士矣。言未既。虹玉挈其子僮囊至矣。著思誠錄。小學近思錄。發明行於世。汪燧字文儀。居徵之金城。里年十六。即手錄先儒書。昕夕觀省。既長。篤於躬行。一言動必秉成法。所著書甚多。一以洛閩為宗。其讀易質疑。尤見推於時。卒年七十有四。張戛字秋紹。無錫人。隱居菰川之上。孝友力學。初受業馬文肅公。世奇之。門已而入東林書院。其為學。先經後史。博覽強記。而歸本自治。高先生既歿。推秋紹主講。湯文正公撫江蘇。與秋紹論學。建之。延至蘇州學宮。講孝經。

小學。退而著孝經解義。小學論注。及洛閩源流錄。年八十餘卒。又嚴先生毅者。字佩也。號生軒。亦無錫人。家貧。屏跡不出。性孝友。篤學好古。經史百家靡不究。尤潛心於易。春秋。嘗課其弟毅曰。讀書以明道也。吾自得高子遺書。所學乃有歸宿。既與同志。講道東林。高君棠梅。推為主席。重修道南祠。輯忠憲年譜。高子節要。東林書院志。諸書。學使慕其名。貽以額曰。力扶正學。終不一報謁也。著有生軒易說。易同春秋論。春秋集說。尚書講義。四書講義。生軒存稿。以布衣終。

沈求如先生事略

(附) 史孝咸

管宗聖

韓嵩

邵曾可

邵廷舉

王朝式

有明餘姚王文成公。講致良知之學。弟子徧天下。後或不軌。師說為訛議於世。而同邑傳其學者。推徐曰仁愛。錢緒山德洪。胡今山澹。聞人邦止。詮再傳。而得沈先生國模。國模字求如。餘姚諸生。少以明道為己任。嘗從戴山劉子會講。證人社歸闕姚江書院。與史子虛管霞標輩。申明良知之說。其所學。或以為近禪。而言行敦潔。較然不欺其志。故推醜儒明亡。聞劉子絕粒。死哭之慟。已而講學益勤。初山陰祁忠敏公彪佳。與先生善。忠敏以御史出按江東。一日杖殺巨憝。數人會先生至。欣然以告。先生字和曰。世培亦曾與曾子云。良矜弗喜乎。忠敏後嘗語人。吾每慮囚。必念求如。恐倉卒喜怒適當也。順治十三年卒。年八十有二。子虛名孝咸。餘姚人。繼求如先生主姚江書院。嘗曰。空談易對境難。於居處恭。執事敬。與人忠。三語精察而力行之。其庶幾乎家貧日食一粥。泊如也。醜潔之士多歸之。卒

年七十有八順治十六年也管宗聖標者名宗聖亦餘姚人為人孝友忠亮強氣自克言動必準於禮鄉人化之孫少保鏘始與霞標為文字交既從講聖學喟然嘆曰向嗜讀左國秦漢百家書先生為我法盡矣鏘世所稱月峯先生也自省史功後書院報講垂十年而縣人韓仁父繼之仁父名當求如弟子也其學兼綜諸儒以名教經世兢兢儒佛之辨居貧未嘗向人稱貸每言立身必自節用始出陸梭山居家制用篇授學者曰能仿此亦自足用何更外求為臨講必默對良久始發語聞者輒內媿汗下退而相語曰比從韓先生來不覺自失時又有邵曾可者字子唯性孝友愷悌少頗好書畫一日讀孟子至伯夷聖之清者也遂淡然釋去姚江書院之立也人頗迂笑之子唯厲色曰不如是使虛度此生遂往學同儕請業者多辨難子唯獨默然竟日初以主敬為學後專提致知師事子虛甚謹晨走十餘里叩牀下問疾不食而反月餘亦病同人推其誠病卒年五十有一子唯生貞顯字鶴聞鶴聞生廷采字允斯又字念魯學者稱念魯先生九歲讀史即標槩為徐達常遇春傳有法祖自外歸偶舉宋儒語語之念魯興曰其人安往邪願得而事之祖以為有志即為其不冠送之姚江書院是時求如先生年八十矣歲必一再至書院為諸生設講念魯立階下聽久之執卷請曰孩提不學不慮堯舜不思不勉同乎求如嘆曰孺子知良知矣能敬以恕吾何加焉自是從韓先生孔當受業初讀傳習錄無所得既讀劉公念臺人請曰善哉吾知學王氏學者所始事兵年二十為縣學生恥為應舉之文人則讀古

書出則古衣冠行市中。未嘗旁視。居喪不作佛事。營窆必誠必信。一慟盡哀。當是時書院諸先生相次歿。念魯抱遺書於荒江斤海之濱。守其師說不變。然貧無以自存。走嘉興。課童子自給。居數年。有施博者。與論學於放鶴洲。念魯曰。天泉四言。陽明本無極之說。儒也。龍溪浸淫無生之旨。釋也。不得以彼病此。博肅拜曰。博老矣。惟吾子崇尚正學。幸自愛。蠡吾李剛主。貽書論明儒同異。念魯答曰。致良知者。主誠意。陽明而後。願學戴山。其自信如此。初宛平孫侍郎承澤。孝感能。相國賜履。先後以闕王氏學為己任。朝野之士。譁然從之。念魯曰。是不足與辨。顧在力行耳。嘗從同縣黃先生宗義。問乾鑿度算法。會稽董先生瑒。受陣圖保定王先生正中。學西厓。施將軍琅。征臺灣。遇念魯於西湖。縱談沿海要害。施奇之。請與俱不赴。閩遊鎮江。與梁總兵化。獻講擊刺之法。一月而盡之。淮安從防河卒。問河淮離合狀。北訪黃河故道。西走潼關。喟然曰。土則古所耕也。而水利亡矣。奈何。會邑人修復姚江書院。用禮幣致之。先一日戒眾。厥明諸子及地方吏畢至。釋菜於先賢。如禮出。即講堂南向坐。童子歌詩闕。為講易艮卦。聞者肅然。父老皆喜曰。數十年今見此也。尋遊京師。商邱宋至。鄞萬經。欲招入一統志館。念魯謝曰。老矣。遂歸。康熙五十年卒。年六十有。四。先生貌豐。目有光。紗袍布履。門庭潔如。居家必正坐。酒酣談忠孝事。人人感動。平生篤於三黨。養老姑終其身。館陶家堰時。鄰婦誣聲。數出於相。聞邵先生過。輒止一年而改行。鄉里童子遺於道。必拱手立。然俗士輒貌敬之。而迂先生莫肯傳其學。既倦遊。無所遇。私

刁包 再濼

念師友淵源。愍及身而斬也。乃思託著述以自見。以為陽明扶世翼教。作王子傳。戴山功。主慎忠清。堅苦作劉子傳。王學盛行。務使合於矩準。作王門弟子傳。金鉉。祁彪佳。黃宗羲。張兆釐等。奉教守師說。作劉門弟子傳。又作宋明道氏所知傳。姚江書院傳。及倪文正。施忠愍諸傳。門人刻其遺文。為思復堂集二十卷。又姚江書院志略。凡四卷。王朝珣字金如。山陰人。亦求如弟子也。嘗入證人社。念臺先生主誠意。若守致知。曰學不從良知入。必有誠非所誠之蔽。念臺稱其志頗大而骨力堅。所成就未可量。崇禎末。浙中大饑。金如倡賑粟。全活甚衆。時天下大亂。將走四方。求奇傑士。謀治安。戰守策。不果行。順治初卒。年三十有八。

刁蒙吉先生事略 (附) 子 再濼 王餘佑 張清

先吉諱勳字蒙吉。晚號用六居士。直隸祁州人。父克俊。樂道好施。與學者稱良惠先生。先生生而穎異。教尚質行。年二十有五。舉明天啟丁卯鄉試。以古文鳴於京輔。既再上春官。不第。遂棄舉子業。力以斯文為己任。於城隅闢地為齋。曰潛室。亭曰肥遯。日閉戶讀書其中。無間寒暑。學者宗焉。執經之屨滿戶外。甲申國變。設莊烈愍皇帝主。於所居之順積樓。服斬衰。朝夕哭臨。如禮佛。命教趨先生以死拒。幾及於難。會賊敗得解。入國朝。遂不仕。日取四子五經及宋元以來諸儒書。反覆尋究。積二十年不勅。其學以謹言行為要。以程朱為宗旨。嘗謂君子守身之道。三曰言語不苟。曰取與不苟。曰出處不苟。尤篤好梁谿高忠憲。

之書曰。不讀此幾虛過一生。遂置主奉之。如事貞惠。禮偶有過舉。必展謁悔謝曰。某不肖甚。愧吾父師。不可為子。不可為人。其勇於自克如此。先是貞惠立。三日勺水不入口。母哭慰之。始勉進一盞米。鬚髮盡白。杖而後起。喪祭一準禮經。既葬。廬於中庭簷下。三年不飲酒。食肉不入內室。每朔望。已辰悲號。感行路。年六十有七。以居母憂。毀悴致不起。將卒時。肅衣冠起坐。命告辭貞惠及忠憲。主問家事不答。徐曰。吾胸中無一事。行矣。遂瞑。學者私謚文孝先生。生平木訥。似不能言。及大義所在。則正色而談。上下皆傾聽。州有大事。不能決者。必待先生一言為斷。明季流賊犯州城。先生毀家倡眾。誓固守。城得不破。時有二璫主兵事。探卒報賊勢張甚。二璫怒。其惑眾將斬之。先生厲聲曰。必殺。獲請先殺。包乃止。二璫相謂曰。使若居官者。其不為楊左乎。賊既去。流民載道。設屋聚養之。病者給醫藥。全活尤多。有山左難婦七十餘人。擇老成家人護以歸。臨行入拜。以重託。家人皆感泣。竭力衛送。歷六府。盡歸其家。尤篤於故舊。然諾不苟。與東林諸君子。及魏尚書環極為神交。各以所得相質證。孫夏峯徵君。遷蘇門。道出祁州。先生留講學於家者三月。每晨起誦易一周。輒垂簾靜坐。以為常。所著易酌十二卷。四書翼註十六卷。斯文正統十二卷。辨道錄八卷。潛室劄記二卷。用六集十二卷。先生卒後。無錫學者。祀諸道南祠。子再濂。字靜之。自為諸生。即弛置科舉業。從父友五公山人王餘佑。及顏習齋。元游手錄父遺書。又貳之。以質四方之學者。平湖陸清獻公。嘗與靜之書。乞借鈔。用六集斯文正統辨道錄諸書。靜之年逾

六十。復手錄付諸子。且誠之曰。昔蔚州魏公持節巡京畿。余以故人子。獨被渥洽。鄰邑人
送贏金而請事。余掩耳起。當然若穢污之。及吾體也。汝曹他日登仕籍。若以官富家。吾生
不受其養。死不享其祭。惟先人遺書未刻者。尚百餘萬言。必約身而次第布之。其後仲子
承祖登康熙乙未進士。累官至江西布政使。果盡刻諸遺書行世。五公山人者。字介祺。保
定新城人也。父延善。邑諸生。尚氣誼。當明末散萬金產。結客有子三。長餘恪。李餘巖。山人
其仲也。出嗣世父建善。令魯山。會闖賊陷京師。山人自魯山歸。父率三子與雄縣馬嵩建
義旗。傳檄討賊。時容城孫徵君奇逢亦起兵。共恢復雄新容三縣。斬其偽官。未幾賊敗。大
清師入。山人父為仇家所陷。執赴京。三子將從。餘恪以山人後世父不可死。揮餘巖為復
仇計。遂獨身赴難。父子死燕市。餘巖歸。率壯士八仇家。殲其老稚三十口。無孑遺。名捕甚
急。會上官有知其枉者。力為解。乃免。於是山人奉魯山公。隱易州之五公山。少勵志行。嘗
受業於孫徵君。學兵法。國變後。更從徵君講性命之學。隱居教授。不求聞達。薦紳先生往
往構講堂。具安車幣。迎受業。從遊至數百人。山人負文武才。教人以忠孝。務實學。嘗集古
人經世事。為居諸編十卷。入陣圖一卷。萬勝車圍說一卷。兵民經略圖一卷。又湧幢草三
十卷。文集三十二卷。王崑繩李綱主讀其遺書。至樞卷太息曰。此諸葛武侯之流也。卒年
七十。學者私謚文節先生。山人與刁蒙吉為先生石交。靜之遊其門最久。語詳尹少宰北
學編。同時有磁州張先生者。名潛。字尚若。年十二為諸生。順治己丑進士。壬辰選庶吉士。

與湯文正公共砥礪為聖賢之學。性至孝。聞母病。即乞養歸。躬侍湯藥。安病。遂瘵。後連丁內外艱。哀毀骨立。喪葬。皆如禮。服闋。赴補。適有祠林外轉之命。同人錯愕。君怡然歸。鍵戶請書。窮究身心性命之理。萃古人格言懿行。以勉子弟。家居二十年。不妄交遊。惟與孫徵。晉往復論辨。無虛日。嘗曰。真學問。在行誼。若知而不行。猶弗知也。又曰。除忠孝倫常外。別無道學。其所得可知矣。年五十有八卒。著有濬甯集十卷。

謝約齋先生事略

(附) 宋之盛

甘肅

章惺

黃米

黃熙

謝先生文海。字秋水。號約齋。江西南豐人。生當明季。見天下方亂。慨然有出世志。遂棄諸生。入廣昌之香山。閱佛書。一日午坐。忽如鳥飛出籠。游太虛中。自此神氣灑然。異常時。既讀龍溪王氏書。服之。復讀正陽明書。自信益篤。遂與同邑李夢林。邵睿明。講陽明之學。會於新城之神童峯。有王聖瑞者。力攻陽明。先生與爭辯累日。為所動。取羅整庵困知記讀之。始一意程朱。闢程山學舍於城西。名其堂曰尊洛。著大學中庸切己錄。及講議數十篇。發明張子主敬之旨。以為為學之要。畏天命一言盡之矣。聖人一生戰兢惕厲。曰顧諟天之明命。曰上帝臨汝。無貳爾心。昊天曰明。出王游衍。無非畏天命之心法也。學者當常提此言。注目而視。惟此傾耳而聽。惟此稍有一念之私。急當痛悔。遂自洗滌。以無犯帝天之愆。夕之人欲淨盡。上下同流。樂天境。地可得而臻也。時甯都易堂九子。星子。鬻山。七子。俱以文章節槩名天下。而先生獨反已。闇修。務求自得。其程山十則。亦以躬行實踐為主。醫

山東之盛過訪程山。遂約易堂魏禧彭任會講旬餘。於是諸子皆惟讓程山。謂其篤躬行。識道本。同縣甘京字健齋。與先生為友。已而服之誠也。遂師之。康熙二十年。先生病。自為墓志。卒年六十有七。所著又有初學先言。大臣法則。左傳濟變錄。詩文集諸書。宋之盛字未有。星子人。少孤。事兩兄如父。崇禎己卯。舉於鄉。應禮部試不第。歸結廬髻山。足不入城市。以講學為己任。其學以明道為宗。識仁為要。於二氏微言。與旨。皆能抉摘異同。非若世之闢異論者。含精而攻其穽也。與約齋交最篤。晚讀胡敬齋居業錄。持敬之功益密。戊申五月卒。同邑有查小蘇者。亦棄諸生。山居不出。年九十而終。甘京字健齋。南豐人。初為諸生。後棄舉子業。與同邑封濬曾曰都師事謝約齋。值邑荒亂。特請免荒稅。蠲賦稅。賑饑。平寇。鄉人賴之。濬曰。都均以學行為鄉里所矜式。章慥字仲贊。南城人。明諸生。隱居華子岡。灌園養母。與程山論學。有針芥之投。程山每心折焉。好讀史。衡論精審。發前人所未發者。二十一史童觀集。閩史偶談若干卷。魏叔子稱其發微闡幽。大有功於後學。黃米字亮工。南城人。孩提時。大父訓以小學近思錄。及聖賢事蹟。輒忻然聽受。稍長。言動不苟。師事程山。篤志力學。事父母純孝。繼母周得狂易疾。扶持三十餘年。如一日。及卒。亮工年邁矣。仍哀慟盡禮。居家以小學家禮倡引。後進風俗為一變。與弟曦以學道相勸勉。著有聖圖願學錄。聖學案編。卒年八十有四。子湘。丙午舉人。官信豐教諭。既歿。豐人祠祀之。黃熙字維緝。約齋同縣人。順治中進士。官臨川教諭。乞養歸。居父憂。哀感行路。蔬食三年。母喪未葬。

郝不成於火延煨料及維緝撫棺大慟願身同燼俄風返火息約齋於世世人少許可獨引君為入室弟子云

沈向華先生事略 附 姚宏任

沈先生字向華其後改名昀字朗思浙江仁和人年十六受知黎學使元寬時山陰劉忠正公講學戴山先生渡江往聽講而應先生潛齋和之甲申之變棄諸生刻苦自厲其學以誠敬為宗以適於用為主而力排二氏曰其精者傍吾儒其異者不可一日容也聞四方士有賢者輒書其姓氏冀得一見之然不肯妄交於取與尤介授徒自給三百九食以為常善絕粒數日取階前馬蘭草食之有聞之者餽米數斗不受固請則固辭時先生餓甚宛轉辭謝益困遂仆於地其人皇賦去良久始甦笑曰其意良可感然適以困老夫耳嘗展戴山墓徒步往來西陵里中子弟習知先生清節亦有好事者謀繼粟肉卒不敢取以先生必不受也潛齋嘆曰生平於辭受一節自謂不苟然視沈先生猶媿之以末世喪禮不講輯士喪禮說齋萃先儒之論定其可行者以授弟子陸寅又輯四子略五子要言家法論升降編言行錄居求編皆粹然儒者之言戴山身後弟子爭其宗旨各有煩言先生曰道在躬行但騰口說非先師所望於吾曹也疾革門人問曰夫子今日何如先生曰心中無一物惟知誠敬而已卒年六十有三無以為殮潛齋經紀其喪不知所為涕泣不食或問之則曰吾不敢輕受賻禮以玷先生也潛齋弟子姚敬恒趨問曰如某可以殮先

生乎。潛齋曰：子篤行。沈先生夙所許，殆可也。於是姚生遂殮先生，葬之湖上。子二，毅中純中，皆承家學。敬恒名宏，任錢塘人，少孤，母賢婦也。敬恒不應科舉，隱市廛，其母偶見敬恒，賀絲銀色，下劣，愠甚，曰：汝亦為此惡行乎？敬恒長跪謝，願得改行，乃受學。應先生日誦大學一過，一言一行，服膺師說，遇事必歸於忠厚。潛齋不輕受人物，惟敬恒之覲，不辭，曰：吾知其非不義中來也。然敬恒不敢多有所將，每時其乏而致之，終其身不倦。潛齋歎曰：敬恒也。如古師弟子之禮。姚江黃先生晦木，於人鮮可意者，獨許敬恒，曰：是獨行傳中人也。晚年以非罪陷縲紲，憲使慮囚入獄，敬恒方朗誦大學，憲使異之，入其室，案上皆程朱書也，與之坐，語大箴，即日釋之。然敬恒卒以貧死，平生但事躬行，不著書，故鮮知者。

應潛齋先生事略

(附)

凌嘉印

沈士剛

秦雲爽

潛齋先生姓應氏，諱為謙，字嗣寅，仁和人也。父尚倫，故孝子。先生生而有文在手，為人卦左耳重輪，右目重瞳，少即以斯道為己任，偕同志虞、駿、民、張伏生，將與恒為狷社，取有所不為也。最後交沈明思，尤稱莫逆。母病，服勤數年，母憐之，曰：吾為若娶婦以助若。先生終不肯入私室，母卒，隆喪始成，禮於遺，經皆實踐而力行之。終身無疾言，遠色，每倦而休，則端坐瞑目，寤則遊息徐行，所居僅足蔽風雨，筆紙屢空，恬如也。一日見梁上白蛇墜地，曰：此兵象也。奉親逃之山中，既遣喪，亂自以故國諸生，絕志進取，盡力著書。康熙戊午，閣學李公天馥、項公景襄以博學鴻儒薦，先生舉林以告，有司曰：某非敢卻，賤賈病不能行。

耶或舉泰山孫明復嘗從石介請以成丞相之賢謂不必果於卻薦先生曰我不能以我之不可學明復之可乃免徵范忠貞公承談繼撫浙又欲薦之先生遂稱廢疾海甯令許酉山請主講席造盧者毋不見既而曰是非君子中庸之道也扁舟報謁許大喜曰應先生其許我乎先生逡巡對曰使君學道但從事於愛人足矣彼曰說者道足以長容氣也許嘿然不怡既出先生解維疾行曰使君好事必有束帛之料拒之且益其慍受之則非心所安也杭州守嵇君宗孟數式盧欲有所購囁嚅未果及見所作元悶先生傳乃不敢言後以志局請先生辭之則請下榻郡齋數日以請益先生但一報謁而已同里姜御史圖南視鯉歸於故舊皆有饒嘗再致先生不受偶遇請塗方盛夏先生衣木棉衣蕉萃躑躅御史歸投以越葛二端曰雅知先生不受人絲粟然是受受者非自盜泉來也先生謝曰苟尚有絺綌昨偶感寒欲其汗耳竟還之先生坐卧小樓中一几一榻書冊外無長物弟子甚多因以樓上樓下為姜如馬融例里中一少年使酒忽扣門求聽講先生許之居三日不勝拘束去使酒如故偶醉持刀欲擊人洶洶莫能阻忽有人曰應先生來其人頓失魄投刀垂手汗浹背先生撫之曰一朝之忿何至此盍歸乎其人俯首謝過去先生卒於康熙二十六年春秋六十有九病革尚手輯周忠毅公傳未竟而卒平生不喜陸王之學其論性論太極於程朱亦不盡同如論易謂孔子得易之乾老子得易之坤又謂伏羲之易乾在上以天為主得之不得有命非人之所能為也先天之事也後天之易作於

文玉雖在上。以心為主。夙壽不貳。修身以俟之。易凶為吉。所以立命也。故所著周易集解。皆獨其心得之言。他若詩傳翼書。拾遺春秋傳考。禮樂彙編。古樂書論。孟拾遺學庸本義。孝經辨定。幼學蒙養編。朱子集要潛齋集。凡十餘種。各有精義。又撰教養全書四十一卷。分選舉學校職官田賦水利國計漕運治河師役鹽法十考。略仿文獻通考例。而明代事實尤詳。又有性理大中二十八卷。其論次陽明言行一卷附焉。平湖陸清獻公為之序。謂當自為一書。不當附性理後。因表而出之。曰。王學考。清獻嘗兩會先生於武林。與論學術源流甚契。先生亦命二子訪清獻於西湖。寓次其卒也。清獻祭以文。略言先生高風峻節。可比許由陶潛。然許雖高潔。文采無聞。陶之文采表著矣。而恥於翰墨。不可以為訓。惟先生閱覽博物。澹泊甯靜。許之所無。先生有之。陶之所有。先生無之。為足高視古今。先生歿後。河陽趙公士麟儀封張公伯行。刻其道集行世。門人凌嘉印字文衡。沈士則字志可。姚宏任字敬恒。能傳其學。時錢塘有秦定叟先生者。諱雲爽。字開地。著紫陽大旨八卷。專為糾陽明朱子晚年定論而作也。書分八門。曰朱子初學。曰論已發未發。曰論涵養本源。曰論居敬窮理。曰論致知格物。曰論性。曰論心。曰論太極。而陽明之論亦間載以資互證焉。

胡石莊先生事略 (附) 陳大章 劉夢麟

胡先生承諾字君信號石莊湖北天門人明崇禎末舉於鄉入國朝隱居不仕臥天門中柘

開第年誦讀書無所不窺而深自韜晦。足不出庭戶。生平無講學名。而析理至精。論事尤極平實。老繹志六十一篇。繹志者。繹己所志也。凡聖賢帝王名臣賢士與凡民之志業。莫不兼綜條貫。原本道德。切近人情。酌古而宜今。為有體有用之學。其目曰志學。曰明道。曰立德。曰養心。曰修身。曰言行。曰成務。曰辨惑。曰聖王。曰睿學。曰至治。曰治本。曰任賢。曰去邪。曰大臣。曰名臣。曰諫諍。曰功蹟。曰使治。曰選舉。曰朋黨。曰辨姦。曰教化。曰愛養。曰租稅。曰雜賦。曰導河。曰勅法。曰治盜。曰三禮。曰古制。曰建置。曰侵祥。曰兵略。曰軍政。曰武備。曰名將。曰興亡。曰凡事。曰立教。曰論交。曰人道。曰出處。曰取與。曰慎動。曰庸行。曰父兄。曰宗族。曰夫婦。曰祀先。曰奉身。曰養生。曰經學。曰史學。曰著述。曰文章。曰雜說。曰兼采。曰尚論。曰廣微。曰自叙。凡二十餘篇。言先生自擬其書於徐幹中論。顏之推家訓。然其精粹與衍。非二書所及也。李君念慈序稱先生。高有績書說若干卷。與是書相表裏。又稱有菊佳軒詩。宏深博奧。不屑為新穎秀發。以趨時尚。今皆不傳。楚北學者。後有陳大章。劉夢鵬。大章字仲夔。黃岡人。康熙二十七年進士。選庶吉士。深於毛詩。著詩傳名物集覽十二卷。徵引既衆。可資博覽。夢鵬字雲翼。蘄水人。乾隆十六年進士。官饒陽知縣。著春秋義解十二卷。大旨推本公穀。謂公穀屬辭比事。義不說於儒者。其斥左氏也。持論甚辨。

清朝先正事略卷之二十八終

清朝先正事略卷之二十九

李生光 堯成 陶世微

平江李元度次青纂

名儒

李闈章先生事略 (附) 堯成 陶世微

李先生諱生光字闈章。山西絳州人。未冠為諸生。闈辛聘君復元倡學河汾。遂往受業。質疑問難無虛日。生平篤於躬行。事親至孝。聘君深重之。甲申之變。先生北向痛哭。焚其青衿。自號汾曲逸民。構草堂。日夕燕處其中。讀書自得。諸弟子羅列其下。談經課藝。外訓以二南大義。程朱微言。所成就者眾。著有儒教辨止。崇正黜邪編。凡萬餘言。銜道之力甚要。又著正氣猶存。西山閣筆。及于集諸書。皆直寫胸臆。以淺近語。寓覺世牖民之意。其處子吟曰。東鄰有處子。夙明烈女篇。字人尚未嫁。而乃失所天。痛茲生命薄。守貞期自全。毀容絕膏沐。矢志窮益堅。愛人貴以德。姑姊莫相憐。侃辭謝媒妁。何用日譏諷。是可見先生之志矣。同州堯先生成字憲公。號冰壑。其學以朱子為宗。以明理去私為本。生平不求人知。人即知而樂道之。終非其志也。州守前後表宅里。士大夫公舉純孝。舉實學。州守賞其祖庸。先生皆若罔聞。知樞敏果公屢遺書商學業。說士品。太守袁公禮幣式問。致請闈講。范彪西先生曾揚之於觀察張公。郡守梁公先生聞之。皆避謝。意甚不悻。時以古狷者推之。其辨朱陸異同。謂論者多以陸為尊。德性朱為道。問學。此言殊未然。蓋朱子之道。問學。

實以尊德性也。陸氏則自錮其德性矣。何尊之可云。陸子嘗曰：不求本根，馳心外物，理豈在於外物乎？此告子義外之學也。朱子曰：本心物理原無內外，以外物為外者，是告子義外之學也。即此數語，可以見二家之異同矣。若粗論其同，二家皆欲扶世教，皆欲崇天理，去私欲，其秉心似無大異者。而實究其學宗，則博文約禮者，孔顏之家法，屢見於論語。朱子得其正矣。陸氏乃言六經皆在法腳，又言不識一字，管取堂堂作大丈夫，豈不偏哉。先生之語氣和平，而辨論精當，類如此。又陶先生世微，字視庵，亦絳州人，與李閻章、梁冰壑兩先生同學。平生願學孔子，嘗言一部論語，皆孔子精神所流露也。至無行不與之語，及諸弟子極意摹擬贊揚之語，較尋常答問，尤為親切。從此想像其精神命脈之所存。久之，覺夫子之真面目，雖然欲此，恍若親承提命者。然可謂極美繡之暮矣。

朱相廬先生事略

(附) 顧培 潘天成 湯之琦 全敬 王崑生

朱先生用純字致一。江蘇崑山人。父集璣，明季諸生。貢太學。大兵下江東，城陷不屈死。先生慕王哀，攀柏之義，自號曰柏廬。隱居味道，以諸生老。其學確守程朱，知行並進，而一以主敬為程。長洲徐照法與先生友，屢以書問學，辨析其至。居平精神純，識動止有常。晨起謁家廟，退即莊誦孝經，數手書其文。教學者置義田，修墓祭，友愛諸弟，白首無間。遇事變，斬然不撓。自言看得天理熟，當機立應，如離弦之矢，更不疑議，更不矜張。行所無事，康熙十七年，或欲以鴻博薦，固辭乃免。其後有司欲舉為鄉飲賓，亦弗應。有來學者，必先授以

小學近思錄繼進之以四子書。每歲孟春率諸弟子行釋奠先師禮。禮畢講四子書。進止肅恭。誠意激發。興起者甚眾。已又患學者空言無實得。復作輟講語。反躬自責。言尤痛切。其論學未嘗爭持異同。曰。知所當知。行所當行。可矣。他非所暇也。二十七年卒。年七十有二。前殤之二日。設先人位。強起拜於堂。曰。吾可告無罪於先人矣。顧弟子曰。學問在性命。事業在忠孝。勉之哉。有愧訥集。及大學中庸講義。行於世。所著治家格言。尤膾炙人口。云。同時有顧昉滋者。名培。無錫人也。少善病。母憂其不壽。命習長生家言。頗得導引術。年一十五。從宜興湯先生之錡問業。始幡然有志於學。湯先生歿。有弟子曰金敬。先生築其學山居。以延敬。朝夕講習。遵高子靜坐法。以整齊嚴肅。為入德之方。默識未發之中。久之。遂篤信性善之旨。動靜語默。無非學。與晚歲四方來學者益眾。春秋大會山居。行復七舊規。有請益者。教以默識其大原。實體諸倫物。七日期畢。釋奠於先師。習禮歌詩。歲以為常。張清恪撫吳時。詣東林講學。頗疑靜坐之說。先生往復十言。暢高子之旨。其言甚辨。清恪不能難也。年七十有九卒。又潘先生天成。字錫疇。號鐵廬。溧陽人。寄籍桐城。為安慶府學生。幼與父母避仇。相失。年十五。乞食尋親。往來徽甯萬山中。行且哭。母至一村。持糞大呼。作鄉語。觀者輒笑。至江西界。母金氏聞聲。自巷中出。遂相持哭。迎父母歸。傭販以養。備極艱苦。亦從湯先生之鐘。遂稱高座弟子。亦請業於梅傲君文鼎。遂為績學之儒。年七十四。竟窮餓以死。遺書鐵廬集五卷。其門人荆溪許重炎。傳其學。謀葬之。且刻其集。得微入四

庫錫麟之學源出姚江以養心為體以經世為用出自寒門天性真摯品最高潔而精神堅苦足以維風俗而勵人心四庫書提要稱為義理文章莫大乎是卒祀郡邑忠孝祠之錡字世調至性純篤居親喪一循古禮就地寢苫事諸父如父於儒先書無不讀而以周子主靜之說為宗以子臣弟友為教當事延主東林延陵諸講席不就有詢朱陸異同者則曰顧力行何如耳多辨論何益其卒也整襟危坐而逝金敬字廓明靖江人好高顧道書以聖人為必可學師事湯世調長世調三歲執禮甚恭後居無錫與同志靜坐讀書興起者甚衆王詰字醞杖崑山人柏廬先生弟子也康熙壬戌進士官編修授職七月告養歸絕意仕進讀書敦行檢望日重兩任邑中清文田畝事先後為巡撫湯公斌宋公舉所推重表章前哲扶持桑梓皆不遺餘力著懿言日錄張清恪稱其精深博大比之抑戒云。

劉崑石先生事略

附 姜國霖

法坤宏

劉先生名原淥字崑石號直齋山東安邱人生五歲問身所從來父奇之十四歲而孤事母至孝遇難負母而逃卒免禍明末盜賊蠶起先生與其仲兄率鄉人壘而守閉婦女一室中約戰敗則火之及賊薄壘鄉人多被創死仲兄身中九矢鬪益力先生從之發數十矢矢盡仲兄麾之去先生大呼曰離兄一步非死所也卒斬首二獲馬六賊遁一鄉得全亂定經營土疆力耕致富已而盡推膏腴與仲兄分其餘為長兄立後贍其亡姊家大贖

經史闡論論書。初閱養生家言喜之。既讀宋儒語錄乃篤信朱子之學。反覆推究四十餘年。於明學薛文清於本朝學陸清獻其餘不以為是也。嘗曰。學者居敬窮理二者皆法文王而已矣。小心翼翼昭事上帝居敬之功也。不識不知順天之則窮理之功也。又曰。讀書乃身上之用。而人以為紙上之用。居官乃辛苦之時。而人以為快樂之時。衰年正勤學之日。而人以為養安之日。科第本消退之根。而人以為長進之根。皆可嘆也。每五更起。謁祠堂。退居一室。與諸弟子講論。常至夜分。月為講會。興起者甚眾。請於有司。建朱子祠東郊。春秋祀焉。以喪祭禮廢。俗日偷。乃酌古今之宜。定為品式。祭必嚴齋戒。滋事極虔。仲兄疾。顯天祈以身代。兄卒。七日中止三食。久之。一邑皆化於禮。又為鄉人置義倉。煮粥以食饑人。嘗言人與我一天而已。何畛域之有焉。年八十二。有疾。當祭朱子。強起拜於庭。問絕良久始甦。康熙三十九年卒。撰讀書日記六卷。近思續錄四卷。冷語三卷。其冷語中。詆劉安世為僉壬。等於章惇邢恕。則以其與伊川不協之故。而未讀宋史盡言集也。繼先生而起者。有濰縣姜雲。膠州法鏡野等。皆以學行稱。雲一名國霖。少有至性。父遊京師病。雲一往省則已殤。無錢市棺。以敝衣一襲裹父尸。身負之。乞食而還。族人醵金以葬。母善怒。怒則致疾。雲一百計解之。一日怒甚。雲一跪膝前。作小兒嬉戲狀。持母手。搥其面。母笑而罷。自是不復怒。時雲一年五十矣。師事昌樂周先生士宏。士宏有高致。嘗與雲一至。喜樂其山水家。馬死即葬於墓。雲一築室其側。家極貧。七十外猶躬耕。年饑。率二日一食。貌轉脫。嘗人

恐其餓死。聞於官而遺之粟。居常蕭衣冠。謹言語。竟日危坐。無頽容。人或非毀之。至面誚夷然不為動。昌樂閭懷庭問雲。一喜請何書。曰。論語二十篇。終身味之不盡也。自言年四十始能不以貧富櫻其心。五十始能不以死生動其心。云。鏡野性法氏。名坤。堯曾祖。若真康熙已未舉鴻博。官布政使。先生性恬靜。不諧俗。遂自號迂齋。少讀先儒書。未厭也。既得傳習錄。大喜。以為如己意所出。故其學以陽明為宗。以不自欺為本。閭懷庭書辨之。鏡野曰。此無事口談也。譬之飲食。得其甘者。果其腹。飫其精者。澤其體。徒謀謀然為他人辨是非。所謂舍靈龜觀朵頤也。乾隆六年舉人。官大理評事。卒年八十有七。著春秋取義測及綱目要略。同時齊魯開學者。又有濰縣劉君以貴。德州梁君鴻。新安邱張君貞。益都李君文藻。壽光王君允中。彬彬乎稱盛焉。

白含貞先生事略

附 兗 港 王化泰 張承烈 馬嗣煜

白先生含彩。字含貞。號泊如。陝西華州人。出馮恭定公從吾之門。明末與張太乙武陸海諸君同講學。後所與游。則同州党兩一。王思若。張敦庵。馬立若。蒲城。王省庵諸君。以道誼相切劘。党兩一先生名湛。字子澄。嘗言人生須作天地間第一等事。為天地間第一等人。故自號兩一。王省庵先生名化泰。篤志理學。與党兩一為至交。互相砥礪。同時有周先生濬園。究心濂洛關閩書。立身行己。大體卓然。與白党諸先生並推關中學者。又武功張先生承烈。字爾晉。初喜任俠。三變而留心正學。折節讀儒先書。言動以之準。繩尺寸髮毫不

致荀。而同州馬先生嗣煜者。字元昭。號二岑。以古學自任。通判山東。權守武定州。敵兵來攻城。臨死之。李二曲先生謂關學自馮恭定公以後。咸推二岑先生云。

施愚山先生事略

愚山先生諱閔章。字尚白。安徽宣城人。祖鴻猷。明萬厯。閉遊鄒忠介。焦文瑞。雖近漢二先生之門。以理學顯。稱中明先生。父警。篤孝友。父喪三日。水漿不入口。杖不能起。既葬。奉木主寢室。出告反面如事生。輯父遺草。必跪書。遇諱日。白衣冠號泣終其身。母病。禱九華山神。願減算延母壽。母後竟以八十終。而警止三十有七。家法嚴重。始婚夕。客強以酒。謝弗勝。父以為忤。客目攝之。即跪謝。父遺去則退而跪於寢門。滿三下。父入見之。引其手曰。孺子執禮過矣。弟譽請書陽羨會秋薦。新叔與客會食。烹池魚。忽泣然曰。吾弟出門時。魚方二寸許。今盈尺矣。遂嗚咽廢箸。兄弟聞自為知。已嘗恐年壽不齊。月下相抱哭。願世世為兄弟。先生少孺。叔譽撫之成立。弱冠工制舉業。兼治詩古文辭。從沈徵君壽民遊。金壇周儀部鑣異其文。延之讀書其家。順治丙戌。舉於鄉。己丑成進士。授刑部主事。天子大婚禮。成上皇太后徽號。詔赦天下。公奉使廣西。徧遊嶺西諸山水。會永明王。犯桂林。殺定南王。孔有德。略地而東。先生遂至平樂。將嬰城共守。知府尹明廷曰。公使臣無嬰城。理揮之行。祇家丁祖母艱。服除。補員外郎。引繩斷獄。有疑必反覆。推求曰。如是則生者死者兩無憾也。公餘與宋荔菴嚴蘋亭。丁飛濤。張謙明。趙錦。鮑國宿。來諸君唱和。號燕臺七子。當是時。

世祖方右文選尚書即賈誼著御試高等乃得補授提學使者先生名第一。惟山東提學僉事教士以通經學古為先論文崇雅黜浮風氣一變嘗葺孟廟閔子廟伏生祠墓及孫明復石守道二祠其初至濟南也夢古衣冠丈夫揖而若有所屬者三次日遊樂山尋李滄溟墓墓蕪沒不封樹一豐碑無字仆草間恍然悟夢境即自為文勒其上其應御試也大學士劉公正宗賞薦之後屬其同年孤子竟以文不入格黜劉公語人曰學臣不受請託獨施君耳秩滿遷湖西道參議時軍餉嚴迫屬邑多逼賦追呼急輒相聚為盜先生作勸民急公歌召父老垂涕泣諭之相率輸租恐後吉水有巨壑依險自保邑令執之以叛聞先生察其枉令輸賦而遣之因徧歷穹山蓮谷閒作彈子嶺大阮歎竹源阮諸篇以告諸長吏讀者為流涕曰施使君今之元道州也臨江城地築輒潰先生禱於神越日城成會歲旱禱雨徒跣走南郭門外伏甕壇下呼天痛哭俄一人發狂叫號云某日雨及期雨果大至地多虎暴白晝噬人為文告城隍神期三日得虎次日午郊外民居兩婦方春虎突至婦以杵擲之應手斃惠自是息暇日修景賢鰲洲兩書院祀王文成郝忠介羅文恭日與諸生講學其中時屏騎從往來金牛石蓮諸洞訪前賢遺跡遊宴賦詩耆舊逸民皆出就之偶會期有具牒請質者先生曰此講習地聽訟有官署令就坐講長幼有序極陳兄弟之恩且曰某少孤終鮮兄弟見友恭者固欣然慕即見閭閻者亦心動以謂彼尚有同氣或猶可轉乖為和也言下涕泣忽末坐二客相持大慟各出袖中牒燭之蓋兄弟

訟座十年不決者曰吾小人。今遇聖賢而不洗心者非人也。遂讓所爭產為市田。居亡何。以裁缺歸。士民醵金建龍岡書院。留先生講學。三日乃去。父老遮道不可與步。而登舟。熱香哭送者數千人。所乘官舟。輒不能渡湖。民爭買石膏填之。既渡。之食。賣舟而歸。時叔譽年七十矣。先生事叔如父。有終焉之志。部檄至。引疾力辭。里居十年。詔舉博學鴻儒。相國李公燾。杜公立德。馮公溥交薦之。先生固辭。叔父強之出。召試授侍講。纂修明史。是年叔譽卒。先生哀毀成疾。擬奪喪。格於例。居平忽忽不樂。逾年。典試河南。稱得士。張公伯行其一也。請假省墓。先就叔舉葬所。哭奠三宿。然後歸。又二年。轉侍讀。先生素以文學飭吏治。自入史館。當著作之任。朝士大夫求碑版詩歌者。趾錯於戶。四方名士。負笈問業。無虛日。一一應之。不少倦。平日口期期若不能言。及談忠孝奇節。輒抵掌奮發。慷慨流涕。不能已。遇羈人才士。失志無聊。多方為之延譽。士以此益歸其門。一日退朝。端坐。草馮恭定傳。自午迄酉。移晷就簷。降草龍不能起。左右掖之。若形存者。時子彥濤以咯血歸。彥恪亦南。遂就試。妾徐氏封股和藥。以進。焚香籲天曰。主翁畜道德。名滿天下。縱必不起。亦請延待其子一訣。使竟死。妾婦手。目不瞑矣。因長號三晝夜。一夕白光如匹練。自屋上落。奇香起榻前。先生忽甦。康熙二十二年三月十七日事也。彥恪慕其侍。先是庚戌春。彥恪夢神人按籍言。司天下壽算。叩先生壽。以七十有人告。至是從容言之。先生遽曰。吾少失母。大母吳太恭人鞠之。後太恭人疾不受治。吾齋沐禱城隍神。願減一紀。延其壽。人無知者。次日同

學榜薦。臣來曰。某夢入城隍廟。見子跪階下。手一紙。哀請。聞神曰。準。達天曹矣。子豈有所求乎。吾悚然不敢應。是日太恭人竟不藥愈。又十二年乃終。以若所聞。減一紀。則今秋正限盡時也。閏六月果卒。年六十有六。先生官湖西時。叔譽往視。先生跪迎之。有不悅。必冠服。跪終日。俟其解乃起。自中明公。厯世創義田不訖。先生積俸置田二百畝。贖其族。葺里中同仁館。又修復依仁齋於白門。以推闡中明公理學之緒。蒙師劉伯陽。無子。葬之。中明墓表。歲時分祀。為生平以友朋為性命。高瀆邢孟貞。江甯顧與治。宛平楊商賢。皆文字交也。邢顧殤。皆經理其喪。刻其遺集。顧無子。邢止一孫。以屬高瀆。令買田贖之。商賢客死。疏石志其墓。嘗與同邑吳某。赴禮部試。吳有老母。下第。先生已在第中。相持泣。一若與之俱擯者。同年生李頤。官粵東。卒。無子。妻女流落東萊。為責所迫。將鬻女。先生理其責。而資送之。後十五年。遊蒼甯。聞廣陵宗鶴。問過訪詢之。則頤女夫也。大喜。偕至其家。季泣拜。至不能仰視。平樂守尹君嬰。城死。其子三十未娶。先生為娶之。嘗曰。吾去平樂時。放舟中流。迴望尹君送予。遂其前後伍伯。忽獸夫。獨一輦眇眇。隨決背。歎至今思之。猶絕痛也。應召試時。入都不通一刺於朝貴。或尤之。先生笑謝曰。吾豈矯情哉。所懼者官高一級。即人品減一等耳。先生嘗云。終日不見已。逸便絕聖賢之路。終日喜言人。逸便傷天地之和。時以為名言。所著有學餘集八十卷。年譜四卷。試院冰淵一卷。詩話雜著各二卷。青原志略補輯十三卷。行於世。孫念曾。乾隆丙辰。召試博學鴻詞科。

曹厚菴先生事略 (附) 張貞生

先生姓曹氏名本榮字欣和又字厚菴湖北黃岡人幼讀陽明書好之探索至廢寢食常屏跡山中夜半月出坐達旦怡然有得順治六年成進士選庶吉士謁館師胡此庵講明善之旨先生曰何其言之似王文成也因與往復討論此庵曰子所言皆先儒之言非心悟獨得者於子何益先生由是益究心每深思不得輒泣下閱一年豁然大悟趨質此庵此庵遂望見先生大喜曰子今大有得矣八年授秘書院編修應詔上聖學疏千餘言其略云今皇上得二帝三王之統則當以二帝三王之學為學誠宜開張聖聽修德勤學舉四書五經及通鑑中有裨身心要務治平大業者內則深宮燕閒朝夕討論外則經筵進講敷對詳明從此設誠致行君德既修自能祈天永命有詔嘉納十年擢贊善尋遷司業刊白鹿洞學規以教諸生明年轉中允又明年世祖拔詞臣中品端學殖者充日講官先生與焉十三年晉秘書院侍講轉左庶子兼侍讀日侍講帳論辨經義問無不對對無不盡尋與傅公以漸同奉詔撰易經通注九卷鑄眾說詞理簡明為說易家之圭臬先生素善病上遣御醫診視御筆仿巨然畫賜之世祖一日讀孟子至人知之亦罷器顧先生曰自得無欲汝足當之矣十四年主順天鄉試充經筵講官坐失察同考官不法革錫五級明年九月上諭吏部曰曹本榮侍講曠日久著有勤勞其令復原級十八年補翰林院侍講學士改國史院侍講學士康熙四年以疾請回籍違養卒於揚州年四十有四先生家

素貧在京師居黃岡會館布袍菜食家人不勝其苦有同年生從容謂曰今詞臣供職一兩年即假歸戴冠蓋出入烜赫為親族交遊光寵子何自苦若是先生曰吾料以為學也學貴澹泊明志使吾學纔有成得致吾君於堯舜飢困非所惜也同年生譚鳳禎卒於京師先生為之治喪其妻生子令室中婢乳之後成立魏敏果公為賦古人交行其學初從陽明入直悟心原繼加以踐履篤實之功著五大儒語錄及周張精義王羅擇編居要錄切問錄諸書其論次五大儒以程朱薛與陸王並行其卒也蘇門徐徵君慟惜之謂商周之際道在箕子宋元之際道在許子明清之際道在曹子其言不可易也病革時門下士計東在側猶諳諳語以窮理盡性之學且曰當知此道極簡易勿過求之苦且難歿之日起就沐浴更衣冠視日影方中危坐而逝行李蕭然囊無十金積賴門人購贈歸其喪計東嘗問先生曰今天下幸而前有朱子後有王陽明使心性之學大明於世倘三子不能先後生則誰為天地必不可無者先生悚然厲聲曰甯無王陽明不可無朱子其所得可知矣子宜薄由廕生舉博學鴻詞召試授檢討同時有張賁山者亦官學士與先生同以理學名賁山名貞生一字幹臣江西廬陵人順治十五年進士累官侍講學士為司業時刻鄒南皋宋儒語略頗主良知之說後與魏敏果熊文端往來講學乃一宗考亭康熙九年議遣大臣巡方幹臣言察吏安民當責成督撫大臣巡方徒擾百姓無益坐出位言事降二秩尋乞病歸然卒罷巡方之令居京邸蓬蒿滿徑突無炊烟瀕行不能具裝故人餽

贖皆弗受。家居構我師祠。又捐宅為誠意書院。學宗朱子。一以慎獨主敬為歸。嘗大書座右曰。最危是人禽之界。喫緊在義利一關。著有庸書二十卷。聖門戒律八條。及玉山道學集十四年。以原官起補。卒年五十有三。嘗言學問經濟。本非兩途。然經濟有從學問來者。學顏子之學。即志伊尹之志是也。亦有不從學問來者。則為驕吝。為器小。為執拗。甚至為奸險。非不自謂有猷。其實毒蒼生而誤國是者。即此自命經濟之人也。論者以為名言。子世坤能傳其學。著有恥言集。

耿逸庵先生事略

(附) 張沐

先生名介。字介石。號逸庵。河南登封人。性清鯁。篤於踐履。順治八年進士。由檢討出為福建巡海道。時海疆未靖。築石城以備盜。興廉去貪。革除苛政。恩信大行。康熙元年。轉江西湖東道。因裁缺。改直隸大名道。時方嚴旗。下逃奴之令。坐窩逃。就繫者。蒙蒙。在官期年。清三百餘獄。不臺累無辜。民感之。毋憂歸。不復出。詣蘇門受業於孫徵君。執弟子禮甚堅篤。志躬行。以倡明絕學為己任。與睢州湯潛菴。上蔡張仲誠。先生。往復辨難。興復嵩陽書院。士習蒸蒸丕變。二十五年。以潛菴薦。授少詹事。入直上書房。輔導皇太子。會潛菴為執政。所嫉。持摭萬端。先生引疾乞休。詹事尹泰等劾先生詐疾。因以傾潛菴。尋予假歸。復主書院。日孜孜以講學為事。潛菴疏稱其賦質剛方。踐履篤。蓋服官水。藥自矢。居家淡泊自甘。蓋實錄也。所著有理學正經。性理要旨。中州道學編。孝經易知。敬恕堂存稿。仲誠姓張氏。

名沐疏起菴順治十五年進士授內黃知縣其治以躬行為本重農桑敦教化裁革苛歛與民休息令家書為善最樂於門注六諭數言反覆譬曉雖婦孺莫不憬然易慮也朔望集諸生會講明倫堂俾自奮於學居五年坐事免以薦起知四川資縣其治如內黃屢舉廉吏之病歸從徐徵君遊與湯潛菴卷耿逸菴二先生往來講學初潛菴自夏峰道內黃與先生語大悅遺書徵君稱其任道甚勇求道甚切及以薦入京潛菴與人書又稱仲誠脚踏資地其學以主敬為功治易有心得當代真儒也其推重如此尋主遊梁書院晚年闢白龜園草宇土壁以受四方學者興起者甚眾學者稱上蔡夫子著圖書秘典湖流史學鈔一隅解諸書

汪星溪先生事略

汪先生佑字啟我號星溪安徽休甯人十歲讀四子書至孔子作春秋孟子闕聖道章夜屢夢天日晦冥舉手捫之覺而詢諸師師曰此皆聖道之榛莽楊墨之流禍汝今所讀正人心息邪說孟子良為此也稍長慕劉因氏所評周程張邵朱呂之說謂幸生朱子之鄉遂願私淑以終身焉篤好小學近思錄遵朱子半日靜坐半日讀書法明崇禎末寇事棘先生憂之著平寇十六策思效伊川詣闕上書故事以時不可為不果上遂隱居事親學日進友人楊景陶邀赴遠古書院會講先生見所講多雜陸王之說乃與同人發明程朱正學會汪君覺斯偈復天泉書院講會先生見汪君所學甚正遂授以陳清濶學節通辨

互相考究。嘗曰：有善無惡性之體，有善有惡情之動。知善知惡為良知，為善去惡為良能。擴而克之，盡其才，窮理盡性，至於命。斯為大中，至止。斯為至誠，无妄。乃陽明宗旨。反以無善無惡為心之體，何耶？顧端文有言：釋氏三藏十三部，五千四百八十卷，一言以蔽之曰：無善無惡。其害可勝言哉！紫陽書院正吾黨講學明道之壇坫也。乃與汪正叔、江衛道、汪月巖、胡飽、吳啟庵、汪石樵、吳慎先、汪枯齋、朱濟臣、陳書始、謝兼善諸君，振興紫陽大會。訂六邑同人，歲以朱子生日行釋菜禮。講學三日。一遵白鹿洞道規。嚴斥歧趨。循正軌。此外若休城、四孟會、白嶽聖誕會，各色塾月講會，皆不憚遠涉。應期必赴。蓋先生自避世以後，視富貴如浮雲，避勢利如蛇蝎，格格不諧於俗者四十年。而一時同人皆知崇尚正學，則為功多矣。所著有詩傳闡要、易傳闡要、禮記問答、禮記訂訛、大樂嘉成、四書闡要、四書講錄、五子近思錄、四子近思翼、明儒崇正錄、明儒通考、明儒性理彙編、講史筆記、星溪文集、日記家訓諸書。而尤邃者，明儒通考一書，擇精而語詳。高彙旃先生千里借鈔，以為得見此書，雖瞑目而無憾云。子鑑，安貧讀書，能嗣其家學。

清朝先正事略卷之三十

亞江李元度次青纂

名儒

范彪西先生事略 (附) 王端

范先生鎬鼎字彪西。山西洪洞人。康熙六年進士。性孝友。究心濂洛遺書。闡明絳州辛復元全之學。養母不仕。河汾人士多從之。受經十八年。舉博學鴻詞科。不出。奉溫旨。賜御書山林雲鶴四字。士類禁之。家居立希賢書院。置田以贍學者。四十二年。聖祖西巡。迎駕進理學備考三十四卷。剽取辛氏全。孫氏奇逢。熊氏賜履。張氏夏。黃氏宗義諸家之說。附以己意。上命留覽。時陳文貞公廷敬。扈從賦詩。有曰歸來屬車上。猶指以微星。謂先生也。陸清獻公嘗與先生書曰。夙聞山右辛復元之名。而未見其書。承乏恒陽。幸與山右接壤。則又聞先生出處不苟。守禮謹嚴。蓋今之辛復元也。且盡刊行辛書。大有功於世道。辱以見示。不敢私於篋衍。將攜以南歸。備告鄉後。進俾知太行之西。龍門之東。復有大儒出其間。王仲淹薛敬軒之遺風未墜。相與討論而傳習之。為惠不亦多矣。其推重如此。所著五經堂文集五卷。語錄一卷。又繼其父芸茂作續垂棘編十九卷。三晉詩選四十卷。又王先生端字子方。一字任庵。翼城人。生八歲而向學。十二能為文。十六有志於聖道。獨行獨勉。二十四而粗見大略。又二年病失明。乃益厲於學。耳聞而口誦之。所詣日遠。著有學思錄。

張武承先生事略 (附) 陳法

張先生姓字武承。順天大興人。性至孝。事繼母委曲承順。無間言。康熙九年進士。授中書。十八年召試鴻詞科。授編修。與修明史。遷贊善。先生少聰穎。讀書目數行下。及長。專心理學。篤守朱子之說。毅然以衛道為己任。著王學質疑。舉陽明傳習錄條析而辨難之。凡為卷五。其一質心即理也。其二質格物致知也。其三質知行合一也。其四質與人問答也。其五總論陽明之流弊。至於詆淫邪遁也。後附朱陸異同史法質疑二則。讀史質疑五則。其總論略曰。象山言本心。陽明言良知。其弊使人喪本心。喪良知。何也。天之道非別有一物。寄於聲臭之表。時行物生。即所謂上天之載。無聲無臭也。人之心非別有一物。在竊竊冥冥之中。視聽言動。皆心所在也。善治心者。治視聽言動。即治心也。治倫物政事。即治心也。視聽言動。倫物政事之間。講明二分。則心之本明者。復一分矣。力行一分。則心之本善者。復一分矣。積之久而悟。其皆心也。天命流行之妙。一以貫之。而無餘。即使不悟。而其持守講求於視聽言動。倫物政事間者。因各有規矩可循。而心之本明本善者。自在也。此聖學所以平穩純正。萬萬無流弊也。堯舜言人心道心而外。不復言心。但與其臣。愷典庸。禮命德討罪。教稼明倫。恤刑熙績。即無非精一。不必人人與之言心也。成湯於若有恒。性外。不復言性。但惟用人。惟已改過。不吝顯忠。遂良取亂侮亡。即無非建中。不必人人與之言性也。夫子立教。惟是文行忠信。詩書執禮。聞見擇識。知人愛人。不必人人與之言一貫也。惟

朱子善學孔子循循畏謹一字必求其文一事必審其極便焉。日有莘學黨而後已。此聖門家法也。學者徒是而謹守之。即使不皆進於高妙。要其格遷往訓。甯慎勿疏。甯拘勿肆。其敢於逞聰明。恣議論。略行檢者。無有矣。今試學朱子者。曰支離也。玩物也。義外也。以此垂教。其誰不曰吾自有良知。六經任我驅使。讀書訓詁。不足為制度儀節。不必謹。公議皆世俗之論。名教特形跡之粗。但求一念自信。不妨肆行無忌。而流弊不可言矣。故專提本心良知者。予人以假借掩飾之題。高可以陵蔑君子。下亦開不肖者以方便之路。而及其既為不肖矣。并掩飾假借。亦可不用。此必至之勢也。總之陽明天資雄放。其於循循講習。謹守規矩。實所不耐。及一旦有得於佛老。與象山旨合。喜其與已使也。遂獨闢宗旨。舉聖賢經書。皆欲以此強貫之。直謂六經注我。隨意驅駕。何所不可。此誠淫之始也。及人多不服。則借孟子良知二字。復亂入大學致知中。遂盡翻朱子之案。又以朱攻朱。著為晚年定論。實則以中為晚。以晚為中。與當日情事迥不相涉。則又曰。年歲原未深考。乃委曲調停。不得已之心。豈非適之又適乎。先生是書。陸清獻公嘗序而行之。凡宗洛閩之學者。皆奉為圭臬。而四庫書目。稱集中。朱陸異同論。不及賈董異同論。為持平。王學質疑。則未免煨鍊云。所著尚有讀易日鈔六卷。卒年六十有四。祀鄉賢。同時有陳先生法。字定齋。安平人也。由詞林外。歷郡守。官至大名道。為政以教養為先。興利除弊。力挽風氣之靡。公牘文告。皆手治。情詞懇款。既久。人猶感誦之。陳文恭公應詔舉賢才。嘗再疏舉先生。生平力崇正

學。著明辨錄其論象山合乎禪宗。曰自古聖賢教人。不過使之循子臣弟友之常。謹視聽言動之則。而求之遺經。以致其知。反之身心。以踐其實。去其外誘之私。充其本然之善。如是而已。故曰夫道若大路然。無他元妙之可言也。自達摩入而後。直指人心。見性成佛。自宗。累教人靜坐體究。而後有改頭換面之伎倆。於是好高欲速者。希冀捷獲。絕聖棄智。定慮澄心。以求之虛無曠眇之中。恟恟閑偶有所見。遂務為獨得。以為道之妙。不外乎此。乃舉吾儒所謂一貫。所謂仁。所謂天理者。皆以釋氏之本來面目當之。蓋彌近理而大亂真矣。昔楊慈湖有雙明閣之悟。象山歎其一日千里。詹子南靜坐瞑目。半月操存。一日下樓。忽見此心澄瑩中立。象山目逆而視之。曰此理已顯。且證其為智仁勇。證其為萬善皆是物。徐仲誠處槐堂一月。問之云。如鏡中觀花。象山謂其善自述。此皆禪家頓悟法。其所謂反身者。不過反觀內照。其所謂萬物皆備者。不過鏡中影象而已。至智仁勇三達德。惟聖人能不思不勉。下此皆不能無學問思辨力行之功。今乃瞑目安坐半月。而遂可以全三德。備萬善。雖顏閔且不能幾。此非所謂直指人心。見性成佛者邪。慈湖在太學。循禮齋。晝夜憶先訓。默自返觀。覺天地萬物。通為一己。至陽明在龍場。晝夜默坐。一夕大悟。汗出踊躍。若狂。陳白沙靜坐久之。見心體隱然。呈露錢緒。山靜坐僧房。凝神靜慮。倏見此心真體。將道林靜坐寺中半年。忽覺此心洞然。宇宙渾屬一身。羅念庵坐石蓮洞中。有悟汗下如雨。灑然自得。羅近溪一日忽悟。心甚痛快。直趨父榻前陳之。其父亦起舞。凡學之墮禪宗者。

無不有此頓悟之機。聖學不如是也。其辨致良知曰：昔者子思嘗言致良知矣。曰：其次致曲。孟子嘗言致良知矣。曰：擴充四端。朱子嘗言致良知矣。曰：因其所發而達明之。曰：因其已知之理而益窮之。皆由其偏而致其全。由其發見之微致之。以至於不可勝用。由其所從生致之。以至於其所終極。所謂充其本然之善也。而陽明之所謂致良知者，則謂天性之真明覺自然自有條理。又曰：吾心之良知，即所謂天理致吾心之良知之天理於事物。則事事物物皆得其理。是所謂良知者，已自然純乎天理而無一毫人欲之私。所謂致馬者，毫不假借推致之力。純任自然。所謂萬法從一心流出者也。夫以孔子生安之聖，至七十而始從心不踰矩。今欲概之人人，不學不慮，任天則之自然，其不至猖狂而妄行者幾希矣。至所著易爻辨來易錯綜之非，謂先儒雖言卦變，未有易其陰陽剛柔之實。顛倒其上下之位者，今以乾為坤，以水為火，以上為下，混淆汨沒，而易象自此亡矣。又著有河

干問答內心齋詩彙諸書

賓遜齋先生事略
自容城孫徵君遷河南中州士大夫多興於學。及其門者，潛菴湯公，逸庵耿公為最。而聞二公之風而興起者，復有三人。賓遜齋先生其一也。先生諱克勤，字敏修，一號靜庵，河南柘城人。父大任，邑諸生。為學以不欺為本。性喜成就後學。先生幼異敏，讀書每過夜中，父懼其瘁也，止之。乃以衣敝戶牖，篝燈默誦，少長偏治諸經。時徵君既歿，耿公講學於嵩陽。

往就之六年五至非父召不歸康熙十一年舉於鄉見湯公於京師學益進湯公謂師道不立由教官之失職也勸就教職得泌陽教諭乃仿朱子白鹿洞道規分立五社長月朔稽善過而勸懲之又立童子社每月五日集童子習禮儀令讀孝經小學稍長者為解性理暇則齋居讀書體劑不繼晏如也十七年成進士館選丁母憂服除授檢討尋告歸父趣之入朝踰年竟歸蓋痛母深不忍久離其父也於柘城東門外創立朱陽書院倡導正學時中州自夏峯嵩陽外惟朱陽之學者稱盛矣聖祖皇帝嘗命諸翰林作楷書先生書治法堯舜學遵孔孟其要在主敬慎獨以進上漆器之其家居大府監司守令多重其行鄉邦疾苦多賴以更除枉撓者得直故其殉也士友深慟知與不知莫不盡傷邑之頑人或匍匐赴弔哭盡哀而去先生素無疾方侍父食氣逆上有頃端坐而逝時康熙戊子閏月二十五日也年五十有六先生教行於家婦王氏執舅之喪年六十有四矣終律禮不飲酒茹葷世稱其盡禮子三人次容莊容遠皆舉人能承其父學先生著理學正宗謂自孟子後厄漢唐之世無有登聖人堂奧者故溯道統正傳必以宋儒為斷而宋儒稱孔孟嫡派必以周程張朱為歸他若南軒東萊及龜山豫章延平勉齋逸傳王何金許以及傳春秋之康侯集書傳之九峯凡有功聖道者皆詳列之而於元明則列魯齋敬軒取其最也又著孝經闡義事親庸言泌陽學條規尋樂堂家規等書皆行世柘城有專祠

先生姓勞氏名史字麟書浙江餘姚人世為農先生少就傅讀書及長躬耕養父母夜則披卷莊誦年十七讀朱子大學中庸序慨然發憤以道自任舉動必依於禮讀朱子近思錄立起設香案北面稽首曰吾師在是矣常自刻責以為天子之命我者若君之詔臣父之詔子一廢職即膺嚴譴一墜家業即窮無所歸可不慎哉請易有疑不能晰輒仰天籲朱子曰夫子其牖我乎久之觸處洞然其論學以為始於不妄語不妄動極諸至誠無息接後學委曲盡誠雖傭工下隸皆引之向道曰盡爾職分務實做去終身不懈即聖賢矣勿過自薄也聞者莫不爽然里中負版者近先生居不忍貨偽物芻兒牧童或折棄增繳毀機筭有鬪爭者就先生質往往置酒求解門人率調元自錢唐來謁論學數日將別送之曰吾壽不過三年恐不復相見行矣勉之居三年先生年五十九其年九月語門人汪鑒曰不過今月吾將去矣遂備詣親友家飯與老者言所以教少者言所以學已令家人治木飭後事晦前一夕趣具湯沐浴更衣移榻正寢炳燭宴坐如平時旋就寢明晨撫之逝矣子廷鉞有學行能食貧居喪不受賻贈先生嘗言文王陟降在帝左右此是實理深山窮谷中有真儒者出縱遊世不見知其神明亦必在孔子左右無疑也一夕調元夢先生從一大殿出執其手曰爾穉子踽踽欲適萬里程吾何能釋懷調元驚悟後十年入太學瞻大成殿如夢所見調元字伊佐號毀甫為孝子天顯之子雍正十一年進士官工部主事引疾歸有別業在東皋闢餘山書屋以友教四方之士從者雲集為人清鯁絕俗足

跡遍五嶽。晚主濼源書院。益暢師說。刻餘山道書。勞先生所著也。所自著者曰汶甫集。論語說躬行實踐錄。鑿亦餘姚人。嘗扶父櫬自雲南歸。至漢江。遇大風。舟且覆。鑿憑棺號哭。誓身殉。忽風回。得泊沙岸。乃免。眾呼汪孝子。為人矜尚志節。既從勞先生學。誠之曰英氣。容氣也。其學以銘之。先生之歿。鑿貴左右焉。

李禮山先生事略 (附) 丹規祖

先生名來章。字禮山。河南襄城人。明恭靖公敏後也。李氏自恭靖以來。世以理學著稱。先生為肖雲先生曾孫。生而穎異。於書無所不覽。年十五。入邑庠。工詩古文詞。既而一切棄去。專心濼洛之書。以興復先業為己任。從孫夏峯李二曲。兩徵君游。所業益進。康熙乙卯。舉於鄉。復受業魏庸齋象樞之門。庸齋有欲除妄念。莫如立志之語。因作書紳語略。復與張潛菴寶靜菴張起菴三先生。寓書往來。剖析經旨。其持論以不肯先儒有益世用為主。嘗謂近思錄一書。為周孔真命脈。學者不從此入手。欲求近道難矣。時徐徵君與耿誠齋諸君講學百泉。先生與耿逸菴冉蟬菴講學嵩陽書院。兩河相望。一時稱極盛焉。已主南陽書院。作南陽學規。及達天鏡。士習日上。尋以母老謝歸。葺崇雲書院。讀書其中。學者多自遠而至。毋効後謁。選知庸東連山縣。先是排犴負險跳梁。提督般化行討之。反為所乘。調重兵會勦。始就撫。距先生蒞任甫隔歲。耳人多危之。先生曰。犴雖異類。亦有人性。當推誠待之。乃仿王文成道意。日延耆老。問民疾苦。招流亡。勸之開墾。薄其賦。復深入犴穴。為

之置約延師。以至誠相感動。創連山書院。若學規。日進縣人申教之。而徭民之秀者。亦知嚮學。誦讀聲徹巖谷。臺使者交獎。曰忠信篤敬。蠻貊信可行矣。己丑。與行取薦贍。有文翁化蜀之稱。壬辰。授兵部主事。監北新倉。革運官餽遺。差竣。引疾歸。田相國從典。李侍郎先復。王侍郎企。靖。文章以實學可大用。薦得旨徵召。以疾力辭。遂不出。書言欲為聖賢。須自慎。獨始著矣。影錄。卒年六十有八。著書四十餘種。其行世者。曰禮山園文集。洛學編。連陽八排。徭風土記。陳文恭撫豫時書。以先生及夏峯。潛菴。逸菴。靜菴。起菴。合以張敬菴。再蟬菴。為中州八先生。增祀許州七子祠。并祀鄉賢。再蟬菴先生。名覲。祖字永光。中年人也。康熙癸卯。舉鄉試第一。不汲汲進取。而潛心理學。殫精者述。耿述菴。特廷主。嵩陽書院。著為學大指十八則。及天理主敬圖。以示生徒。問業者雲集。辛未。成進士。選庶常。授檢討。尋乞假歸。憊然叔處。銳意實學。時張敬菴。方闢請見書院。廷先生主教事。所著有五經四書詳說。及詩文雜著二十種。朝廷遇有纂修。或就其家採擇焉。年八十有二卒。

彭南的先生事略

(附)

弟

甯求

(孫)

紹升

先生諱定。求字勤止。一字南的。長洲人。父龍。字雲容。號一菴。順治十六年進士。授廣東長甯知縣。有惠政。以廉直不為太守所容。被誣劾歸。歸益力於學。反本守約。要於自得。晚年得梁谿高顧二子書。一以主敬為宗。畧所居曰志矩齋。中縣高子所書。程子四箴。手題其上。曰師承儼在。凝慮滿榻。靜對穆如也。先生幼承家學。又嘗師事湯文王公。康熙十二年

舉於鄉。十五年會試。及廷對。皆第一。官修撰。性恬於榮利。鯁直自遂。處公卿大夫間。弗善也。居三年乞假歸。時一庵方家居講學。先生疏請曰。兒願得閉門讀書。如童子入塾時。庶少補前過乎。於是齋居靜思。研極性命。久之慨然。以道自任。既入都。奉職權司業。設教條。正文體。杜請託。諸堂肅然。以入旗子弟為人材。所自出。宜豫教。乃集孝經古義為旁訓。譯以國書。頒諸教習。以訓於官學生。二十七年擢侍講。復乞歸。三十二年。父憂。服闋。補原官。與同列不相合。逾年引疾歸。遂不復出。其為學以不欺為本。以踐行為要。初好宋五子近思錄。已而徧讀先儒書。輯其要為儒門法語。又以生平服教最切者。尤在明七子。作高望吟七章。以見志。七子者。白沙陳子。陽明王子。東郭鄒子。念庵羅子。梁谿高子。念臺劉子。榕壇黃子也。時有作書極詆陽明者。先生憫之。以為陽明資兼三不朽。今謂良知之說近禪。則良知兩言出孟子。將并孟子病之乎。程子云。知者吾之所固有。然不致則不能得之。又云。聞見之知。非德性之知。德性之知。不假見聞。將并程子病之乎。論者謂明之亡。不亡於朋黨。不亡於寇盜。而亡於學術。意以此歸獄陽明。嗟夫。誠使明季臣工。以致良知之說。互相警覺。提撕。則必不敢招權納賄。則必不敢妨賢虐忠。則必不敢縱盜戕民。識者方恨陽明之道不行。不圖誣詆者。顛倒黑白。逞戈矛。弄簧鼓。一至於斯。極也。著陽明釋毀錄。又以人德之方。莫先主靜。大本立而後達。道行。濂溪之總。發於延平。默坐澄心。乃其要領。東林復七。其遺矩也。而昧者非之。杜方便之門。長汗漫之習。豈不謬哉。作案證錄。又以寡過之方。莫

備於易喜伊川易傳兼採程遷來氏說旁通諸家纂周易集注四十四年。聖祖南巡。大吏稱先生學行有賜御書命開局揚州。與諸詞臣共校全唐詩。時先生門人秉銓政謂銷假即可按俸遷除。先生不應。畢事還。仍開闕謝容。獨宿冰真洞中。雞鳴起。焚香靜坐。日出謁先師及家廟。以為常。視花對酒。有得輒發之於詩。灑如也。平生以獨善為恥。扶植善類。獎勵名節。棘棘不阿。張清恪巡撫江蘇。為總督鳴禮所誣。獄久不決。代者至。先生率諸耆紳。及諸生數百人。具章白張公誣。請以民情入告。事雖不行。天下猶知有清議。未幾督伏罪。張公再泣任。先生絕口不道前事。將侍郎恭崇為外吏。被訐訟繫維揚。先生詣訊所。為吳民請留時忌者虎視弗顧也。五十八年。有疾自為墓志。焚香歿。若而逝。年七十有五。同堂弟甯來。李文洽。號瞻庭。為諸生傑。一庵講學里中。康熙二十三年。賜進士及第。第三人。由編修歷侍郎。勤於其職。毋憂歸。服除不起。後以張尚書英韓侍郎炎薦。召入都。補侍講直。暢春苑。逾年以勞卒。家無餘財。至鬻居焉。子啟豐。號芝庭。會試廷對皆第一。官兵部尚書。清苦力學。事在名臣傳。芝庭子尺木。名紹升。字允初。乾隆己丑進士。能傳家學。工古文。初慕洛陽賈生之為人。思赫然樹功烈。後讀儒先書。尤喜陸王之學。及與吳縣汪摺大紳。瑞金羅有高臺山。同縣薛家鳳。皆三游。乃大開藏經。究出世法。絕欲素食。持戒甚嚴。嘗與同志集。皆為近取堂。施衣施棺。恤楚放生。鄉人多化之。又拓先世義田千餘畝。著有二林居集。其解大學格物。訓格為度量。本之舍頤篇。最為精確。又作讀古本大學說。深有裨於經。

傳。然彭氏學兼朱陸。識兼頓漸。芝庭尺木之學。頗入於禪。大紳臺山皆三論學。皆以見性為宗。意欲徹儒佛之弊。而游大同之宇。休甯戴東原。蓋嘗遺書辨之云。

李剛主先生事略

附一 顏元

王源

劉齊

張自起

劉棻

李先生球。字剛主。直隸蠡縣人。父明性。故明諸生。學者私謚孝愨先生。性篤孝。其父春秋高。日必五六食。孝愨率其婦馬雞鳴起。盥漱問安。每食必手捧持之。自奉糠粃不繼。嘗侍疾數月。衣不解帶。居喪屏酒肉。不入中門。晨興必上冢號泣。六年如一日。雍正十年。被強保定。故多儒者。容城孫徵君奇造。講學蘇門。朋祁州刁孝廉也。聚生徒里開。孝愨獨罵行。卻講。謂學貴實踐。與同邑王法乾五公山人王餘佑。相助為有用之學。晚乃得顏習齋。習齋名元。字渾然。博野人。明末其父戍遼東。幼習齋貧。無立錫地。百計負其骨歸。葬世以孝子目之。其學主忍嗜慾。苦筋力。以勤家而養親。而以其餘習六藝。講世務。以備天下國家之用。以是為孔子之學。而自別於程朱。著存性存學存治存人四編。蓋目擊明季諸儒空談心性之失。而力矯其弊也。先生弱冠。即從習齋游。躬耕善稼。穡儉歲必有收。而食必糗糲。妻妾子婦。執若身之役。舉康熙庚午鄉試。晚歲授通州學。正泱月。以母老告歸。長官不能奪也。先生博學工文辭。與慈溪姜宸英。齊名。又嘗為其友治劇邑。適年政教大行。用此名動公卿間。明索二相國嘗進先生教其子。不就。安溪李公撫直隸。薦其學行於天子。固辭而不謝。諸王交聘。輒避而之。他大興王源。字崑繩。恆奇人也。所慕惟漢諸葛武侯。僕明

王文成而目程朱為迂闊見先生大悅因與共師事習齋時年將六十矣方望溪苞誅之
崑繩曰眾謂我目空並世人非也果有人敢自侈大乎先生嘗與望溪論習齋之學望溪
曰程朱未嘗不有事於此也但凡此乃道之法跡耳使不由敬靜以探其源則於性命之
理知之不真而發於身心施於天下國家者不能曲得其次序先生色變為默然者久之
崑繩概不快意既葬二親遂漫游將求名山壑以隱身焉雖妻子不知其所之居數年忽
過望溪曰吾求天下士四十年得子與剛主而子篤信程朱之學恨終不能化予為是以
來留兼白晝發程朱之所以失習齋之所以得者望溪不與爭將行憮然曰子終守迷吾
從此逝矣望溪曰子之言盡矣吾可以言乎子母視程朱為氣息奄奄人觀朱子上孝宗
書雖晚明楊左之直節無以過也其備荒浙東安撫荆湘西漢趙張之吏治無以過也而
世不以此稱者以道德崇闕稱此轉其小焉者耶吾姑以淺事喻子非其義也雖三公
之責避之若浼子所能信於程朱者也今中朝如某某子夙所賤惡倘一旦揚子於朝以
學士或御史中丞徵子將亡命山海而義不返顧乎抑猶躊躇不能自決也吾願子歸視
妻孥流行坎止歸潔其身而已矣崑繩自是終其身口未嘗非程朱其後望溪出刑部獄
先生往唁以語崑繩者語之先生立起自責取不滿程朱語載經說中已錄板者削之過
半望溪舉習齋存治存學二編之未愜者告之先生隨更止曰吾師始教即以改過為大
吾敢留之為口實哉習齋無子先生中歲還博野為葺祠堂以收召學者望溪使子道希

從先生學博野去京師三百里先生復三至望溪家一問其母疾再弔歎終則自計長賴恐不能更出就與言別驅柴車長子習仁御往返芻秣皆載車中知望溪時憂且難也初先生喪親服闋慨然曰禮云居喪未葬請喪禮既葬請祭禮喪復常請樂章今古樂並亡當誰讀者既聞毛西河檢討精於樂律且得其竟山樂錄皇言定聲錄二書即束裝走三千里往受業凡三日盡得舊所傳五聲二變四清七始九歌十二管并器色旋宮諸道法且能正西河樂書記謬二十餘字西河大驚乃盡出所著俾論定今西河經史文集四百餘卷皆先生所編輯也所自著曰恕谷集十三卷周易傳註七卷筮考一卷鄧社考辨一卷論語傳註二卷大學中庸傳註各一卷傳註問一卷李氏學樂錄二卷大學辨業四卷聖經學規二卷小學稽業五卷竟繩一字或卷少喜任俠言兵從甯都魏叔子學古文性豪勁尚氣於文章自謂左史昌黎外無北面者年四十始遊京師徐相國元文賓禮之諸公排纂文史必就質焉明史稿兵志其所作也或病其不習時文笑曰是尚需學而能乎因就有司求試舉京兆第四人曰吾哥焉以為不知己者詎厲也晚年與李剛主師事頗習膺學禮終日正衣冠對僕隸必肅恭然自負經世學益堅曰吾所學及今始可見之行事非虛言也既而為汗漫遊見人不自道姓名適六十復歸客死山陽生平內行篤修其兄死自箴中貌若非人卒之日神色傲然無一語及家窮者有易傳十卷平書二卷兵論二卷及或卷文集詳訂孟子並春秋三卷行於世竟繩與方望溪交最篤同時論交者曰

劉言潔張彝歎古塘望溪為作四君子傳言潔名齊無錫人康熙丙寅以選貢入太學當是時昆山徐尚書以收名後進為己任祭酒司業多出其門士有為尚書所可者名輒重於太學由此雋鄉會猶厯階然惟言潔與其友三數人閉門修業孤立行己意躡而不悔久之此數人遂為清議所從出士之立名義者皆歸之雖布衣其重若與公卿相踦教習期滿例當得知縣而某少宰起荒陬至大僚欲擅風雅之譽使人禮先焉謂往見必為選首君謝不佳某銜之注籍州判某由是叢詬訕而言潔望益高或曰將飛者縮翼言潔自此遠矣君聞即日趣裝歸歸數年卒年四十七生沈毅與人居終日溫溫人皆嚴憚之偃臥一室天下士常想見其風采與方百川同祀鄉賢張彝歎名自趨高瀛人少孤課耕奉其母研究經史一以躬行實踐為本困諸生幾三十年未嘗有愠色年近五十舉康熙癸未進士而不肯試為吏性明決所不為求莫能奪所欲為雖困不以為悔也無子母疾篤時為買妾命入側室泣曰兒方寸亂矣雖入室不能合歡成子性天果不絕張氏兒何患無子其後終母喪數年妾終不孕眾乃歎其知命而不合也歲連祲死者相藉君賤價斥其田首捐二百金為富人倡晚歲家日落取菽麥雜稊稗食之或道以財終不受鄉人有不善常畏其知徐文定撫浙時聘主書院後奉召入都行至任平無疾而卒著有春秋宗未辨義劉捷字古塘江甯諸生試必歷其儒名日起獨自謂所業弗善也發憤窮經史久之出所為文眾弗善以進於有司則擯焉而君顧自喜貧甚母家給田數十畝盡以

以歸庶老而覓食自活以名在天下諸大府常不遠數千里厚幣招之年羹堯巡撫四川
國請與俗議加賦力爭而止遂以他故行曰其心神外我矣能守吾言以期月邪及督川
陝復固請以往再三見決日而歸張文端公鵬翮督學江南招入使院有故人夜詣君出千
金為其姻家請事君曰吾不意子以此等人視我其自遠方歸解裝嘗得數十百金戚族
環至視其所急而分之隨手盡朝炊不繼晏如也兄禕祖字北固康熙庚午舉鄉試第一
及辛卯君復為省元以磨勘停科癸巳赴公車適望溪以南山集被逮盡室北上君曰吾
義不可不偕行至京師已夫試期後遂不復與試

張警庵先生事略 (附) 童能宦 李國南 李成文

先生諱鵬翼字雲子晚號警庵福建連城人幼知好學塾師教以作文取科第心疑之十
四歲熟讀四書大全忽悟曰心當在身內身當在心內弱冠稽郡庠尋食廩餼越三十年
充歲貢質素弱初學導引攝生術五十後專用持敬寡欲之功神氣日固壽八十有三生
值亂離十二歲明亡播遷飢饉而學不廢追閩疆底定士務進取先生年已四十遭耿逆
之變棄舉業乃返初志是時始見近思錄及朱子全集更十年始見薛文清讀書錄連城
處萬山中無師承先生銳意問學而自治嚴整終日端坐雖跣步不苟或著不袒襦事親
養志無違居喪蔬食三年不外遊不內寢動必以禮書曰孝享易養之年乃我下惟之始
蓋使馬日有孳孳不知其老且耄也讀四子五經自識心得名說略輯濂洛關閩要言為

理學入門。又為後四書。米廐代名臣。為將相。諫三譴。綜二十二史。定史案。考古今。疆域九邊。阮葵黃河原委。著中華世統圖說。當明李學銜龐雜。海內宿老。如孫夏峯李中孚黃梨洲尚多濡染。先生與當湖陸清獻公並時。宗主程朱異地同心。生平韜晦。不自表襮。儻封張清恪公撫閩。竟罹碩彥。悔未及知先生。章浦蔡文勤公。書臨學二字表其閩。先生晚年喜與長江黃龍陽聲遊。其及門則黃建中劉偉克。傳其業。所居鄉曰新泉。男女往來分二橋道。不拾遺市中交易。先讓外客。皆服先生之教也。所著書尚有芝壇日讀小記。皆切倫常日用之逆。與林亦章霞起及童玉鉉李崑峰董若水四先生友。號曰四愚。構四愚亭於冠多山中。先生結廬獨居山之深。遂處讀書鼓琴自樂。地故無水。禱而得泉。玉鉉修山志。有二十四景。先生為之記。耿逆協將軍劉應麟欲聽琴。擔先生至郡。先生白衣抱琴不拜。應麟知其難屈。遂釋之。功三十餘年。當事題入鄉賢祠。同時入祀者有童寒泉先生。童先生諱能。字龍傳。晚號寒泉。警庵。同邑人也。為諸生好學。守程朱家法。不失尺寸。乾隆丙辰。薦博學鴻詞。累舉優行。皆以母老辭。母年登九十。兄弟白首同居。居喪以禮化。及鄉人學使者重之。欲以優行貢成均。仍不赴。乙丑主漳州芝山書院。閱七月。以微疾端坐而逝。前一夕。與學博鄒君共飯。出手書一帙。皆身後事也。年六十有三。著有朱子為學者專考。朱子為學次第。其間淺深疏密。異同曲折。逐年逐月。纖悉畢具。與陳氏通辨一書。專論朱陸異同者。稍有別云。又著理學疑問。周易贍義。樂律古義。河洛太極辨微諸書。皆從苦心。

力索得之。雷翠庭先生稱其精神與古經傳相憑依。所造深以遠。嘗再遊武夷。勦築室於邑之冠多山。翠庭嘗訪之。孤館寒燈。商訂雋學。時北壁破。風氣栗烈。以草薦障之。意怡然自樂也。連城理學。始自宋之邱起潛。明之童東臬。而警庵寒泉繼之。力敦倫紀。嚴辨朱陸異同。張清恪撫閩時。建文溪書院。祀起潛。東臬兩先生。起潛蓋長汀楊漢軒高弟。東臬則臨川吳康齋高弟也。後增建五賢書院。中祀宋五子。而以警庵寒泉配焉。李先生簡庵者。名圖南。字開士。亦連城人。性端敏。甫四齡。成誦四子書。能護容節。習舉業。工詩古文。既而歎曰。吾學自有身心性命所宜急者。可以虛名驚乎。於是究心濂洛關閩書。以反躬切己為務。居連峰。點石諸山者久之。嘗曰。學者惟利名之念。為害最大。越此庶可與共學。弱冠。饒諸生。舉康熙庚子鄉試。屢上公車不第。未嘗不自得。事父母以色。養居喪。盡禮。平居恂恂若不勝衣。遇不禮輒義形於色。邑令杜某其父。獲亦宰連城。自為生祠。既去。民改祀朱子。追令至。欲復之。眾莫敢言。君毅然白太守爭之。令怒甚。索君素行。無可瑕玼。乃已。家居讀書。彈琴。饗殮。或不繼。雍正九年。吏部檄天下舉人。需次縣令者。先赴京學習政事。君至觀政戶部。隸湖廣司。以母病亟歸。歸而竟先母卒。年五十七。好讀易。卒時自以未竟其業。命子納易於懷。以殮。雷翠庭謂學聖人必自損者始。君庶足當之。子成文。字仲鼓。性介潔。為名諸生。境極困。授徒自給。歲終以徒學三成。引為愧。束脩有不受者。有全卻者。其徒益感憤自勵。嘗應舉以贖餽。固辭。或遺其家。既而知之。即酬以古琴。蘭翠庭先生之志。徒步

清朝先正事略卷之三十一

平江李元度次青纂

名儒

朱湘陶先生事略

附

潘恬如

錢氏

任德成

朱先生澤漢字湘陶號止泉江蘇寶應人少勤學得程氏分年日程即依次讀之閱數年而徧更博覽天文輿地諸書窮竟原委久之始有志聖人之道讀朱子語類有心得反覆不厭嘗言世之名朱學者其居敬也徒矜持於言說而所為不覩不聞者離矣其窮理也徒泛濫於名物而所為無方無體者昧矣於是有所舍德性而言問學以為朱子固如是者不知從來道問學莫如朱子尊德性亦莫如朱子觀朱子中和之說可知矣故知居敬窮理止是一事窮即窮其所存之心存即存其所窮之理非有二也平居齋肅如對神明遇喪祭一以朱子家禮為法雍正六年詔公卿各舉所知直隸總督劉公思恕欲薦先生命其弟造廬請弗應晚歲得脾疾然猶五更起盥沐觀書至夜分不倦誠其子曰聖賢工夫正於困苦時驗之若稍縱弛便至墮落可不懼哉疾甚吟邵子詩別親友怡然而逝年六十七著有朱子聖學考略朱子誨人編王學辨先儒闢佛考陽明晚年定論止泉文集嘗講道錫山通書關中皆闡明紫陽之學功後學者祀之東林道南祠同時有潘恬如者字克先長洲諸生也其學切於內省聲光闡然以師道推重鄉里與彭南畝尤展成友康熙

三十五年。以疾終。年八十。先一日致書展成曰。病甚弗起矣。存吾順事。勿吾違。到此覺真實受用也。南昫歎其知命。又錢子仁名嘉定人。早孤。棄書學。既長。數為鄉里所侮。乃慨然有志於學。聞青浦有孔子衣冠墓。齋戒往禱。願為聖人之徒。其夕夢一丈夫告之曰。道不明。由後儒之說亂之也。子欲為學。屏去漢以後書。其可。既歸。取四子書力究之。時年已三十矣。題所居曰存養廬。冥坐其中。反觀默識。日有省發。陸清獻公知嘉定。子仁從之論學。又五年。復往平湖見之。清獻與語多不合。訝之。子仁曰。公從朱子入。民從尼父入耳。嘗言聖學貴本末兼盡。始終有序。大學所謂知本者。作聖之基也。誠正者。作聖之功也。中庸所謂尊德性。先也。本也。道問學。後也。末也。即物窮理。其病在於無本。六經注我。其誤在於無末。論語曰。君子務本。本立而道生。朱子以為學者不可厭末求本。教人但學其末。是所謂其本亂矣。本亂而其末可治乎。此未合乎大學也。孟子曰。堯舜之智不偏物。中庸曰。雖聖人亦有所不知焉。朱子教初學。即責以知既盡。而後意可識。又云格物者。窮事物之理如此。則意之惑滋甚。又安得而識乎。且堯舜之智不能徧物。况初學乎。是未合乎孟子也。又云今之學者。不求孔孟之實。而紛紛馬單朱陸之異同。是謂舍田而芸人之田。終亦必亡而已矣。其篤於自信如此。子仁卒於康熙中。後七十餘年。族子大昕為之狀。指紳間始有傳其學者。又任先生德成字象元。吳江諸生也。篤於儒行。奉朱子白鹿洞規。因集自漢及明先正格言。與洞規相發明者為一編。曰洞規大義。居鄉勤施濟。置社

愈創鄉塾。潛萬頃江達之太湖。里中無水患。年饑。煮粥食餓者。有偷兒夜入其室。手量米一斛。給之。命無恐。且誡曰。此危道。慎勿更爲其人叩頭。負米去。徧告其黨。相戒勿竊。任氏語頗聞於時。而象元初未以語人也。雍正初。鄂文端公爲布政使。舉君賢良方正。固辭。乃已。年八十。得疾。誡其子曰。勤讀書。勉爲善。守此兩言足矣。遂吟康節詩曰。俯仰天地間。浩然無所愧。吟罷而逝。乾隆三十七年也。後詔求天下遺書。其家以所著上之。四庫館。

徐青牧先生事略

先生諱世沐。字爾瀾。號青牧。江蘇江陰人。少孤。奉母孝。力學。自充補學官弟子。見太極西銘諸書。發憤志道。自數圍於舉子業。如井蛙耳。其學篤信朱子。切己反求。務有益於身心。其辨別異同。務歸於實踐。俾人無惑歧途而後已。其虛心抑志。不敢自是。至耄年如一日也。先生少時。猶及交太倉陸桴亭。無錫高彙稱。武進馬一庵諸先生。往來論學。無虛日。闕中李二曲南游。先生與深談久之。二曲曰。子學篤而行未廣。答曰。先生行高而學未臚。其不苟同多類此。晚以子恪選拔入都。攜之行。遂館焉。閉戶讀書。日有記注。仇君滄柱見而驚歎。颺言於衆。由是安溪李公。當湖陸公。亟與訂交。先生所著四子書。易詩書儀禮周禮春秋孝經小學。及明紀諸編。統名之曰惜陰錄。其大旨以爲聖賢之學。隨知隨行。若知而不行。雖讀盡十三經二十一史。徒散精神。其光陰可惜也。故嘗深痛舉業之驅人入鄙。欲學者實從事於聖賢之道。而勿務空知。當湖手鈔其四書中精要語。而爲之跋。謂與曾子

之尊聞行知。董生之正誼明達相表裏而自矢以餘年竭其驚純作秉燭夜游計。其為當世大儒所傾服如此。當湖以御史罷官。先生亦旋異越二十五年乃卒。年八十有三。疾革。召老友陳克艱與訣。遺命勿作佛事。息心端坐而逝。克艱與先生同里共學。繼之者則楊文定公名時也。

向荆山先生事略

附 黃良輔 程登泰

向先生璿字荆山號惕齋浙江山陰人。少攻舉子業年二十。居母喪始觀性理書。一日讀孟子。至人之所以異於禽獸者幾希。瞿然曰。吾其遂甘為禽獸乎。切己悔過。心不寧者數月。乃從王行九請業。行九者王文成公裔也。方講良知之學。先生及其門而去。以書往復者數四。益自信。集里中十餘人為輔仁會。每月朔一舉威儀。進止皆有法。先生服膺王學者六七年。讀程朱書。忽自疑。偶得高忠獻公年譜讀之。遂舍其故所學。一以程朱為宗。確守小學近思錄諸書。與學者辨析異同。其自省亦日密。嘗言事事反躬。刻刻畏天。一刻不畏天。便是罪過。一事不反躬。便涉怨尤。故其平居雖小過失。刻責甚至。日之所作。夜必告天。家貧。或終日不舉火。而手不釋書。著志學錄四書記疑。明其所得於程朱者。雍正九年卒。年五十。門人黃良輔程登泰能傳其學。良輔字序言。登泰字魯望。皆先生同鄉人。聞其論學有省。遂受業焉。始宗王學。卒歸於程朱。序言能文章。善關其師說。魯望以侍父病。得咯血疾。疾亟。讀書不輟。或止之。則曰。死命耳。以學死不愈於徒死乎。卒年二十有九。序言

後先生一年卒。

李恆齋先生事略 附 唐鑑

李先生文燭字元朗號恆齋湖南善化人幼有奇慧知向學十歲適邵城其父攜往文廟告以群賢配享從祀之故先生歎曰如此庶不枉一生十歲補弟子員博通經史舉康熙癸巳鄉試官穀城教諭與同里熊班若邵陵車補疏瀉山張石攻邵陽王醒齋諸同志共勉為濂洛關閩之學於書無所不讀讀輒務究其蘊興雖子史梵書亦必批其根柢嘗言不察二氏之所以非安知吾儒之所以是不觀諸子之有醜有駁安知吾儒之醜乎其醜不審秦漢以下之成敗得失安知三代以上帝德王猷之盡善盡美也性純孝躬行實踐篤於人倫以扶持世教為任主講嶽麓書院數年從游者眾悉訓以修己治人之學著周易拾遺六卷周禮集傳六卷春秋集傳十卷太極通書拾遺後錄三卷西銘拾遺後錄二卷正蒙集解九卷近思錄集解十四卷感興詩解一卷訓子詩解一卷家禮拾遺三卷恆齋文集十二卷傳於世其未出者語類約編聖學淵源錄四書詳說楚詞集註拾遺增刪儀禮經傳通解古文醜古詩的先生之學一以朱子為歸其通書集解序曰昔者夏周之運百家競作孔孟之徒有憂之集微言而成論語遵正學而著七篇使學者不迷於向方其功盛矣自秦漢以降道術分裂前揚王韓各駕其說而不能相一有宋周子以先知先覺之語建圖扁書弁冕群言以傳之程氏而張氏亦與有聞焉推演廣大辨析精微所謂

為天地立心。為生民立命。為往聖繼絕學。為萬世開太平者也。顧其業至廣。其說愈詳。學者乃或望洋而興歎。甚至未嘗究其顛末。而妄肆詆訶。有如陸九淵議太極之非。是大原可得而湮也。林栗攻西銘之失。是宏綱可得而絕也。程迥詆主敬之誤。是聖功可得而廢也。陳亮疑道治天下之迂。是王猷可得而雜也。朱子蓋深憫之。不得已而作近思錄。著性命之蘊。而天下之言道者有所宗。揭進修之要。而天下之言學者有所準。至於窮理居敬克己之方。齊家治國平天下之法。以逮應物教人制心之則。與夫閑邪說宗正說之歸。莫不舉之有要。而循之有序。誠可以羽翼四子而補其所未備焉。欲求四君子之道而不先之。以是書固不得其門而入矣。然其微辭奧義多未易曉。朱子雖往往發明之。而散見於群書。學者欲觀其聚焉而不可得也。竊不自揆。為之裒集而次列之。而又取其意之相類。與其說之相資者。條而附之。以備一家之言。至其所闕之處。則取葉氏陳氏薛氏胡氏之言以補之。間亦或附己意於其間。庶幾可以便觀覽備遺忘。以待同志者之取裁而已。嗚呼。學者誠能遜志於此書。則諸子百家皆難為言。而於內聖外王之道。不患其無階以升。較之役志於辭章之中。若死於訓詁之下。風靡浪旋。無以自拔。而猶自矜於衣鉢之傳者。具小大之不同量。為何如也。聊志其概。以自警云。其語錄約編序曰。大化之運。元必歸身。道統之傳。開必有會。是故修和之盛。司空告其成。謨烈之垂。亦相成其德。洙泗行其傳。命世發其蘊。斯蓋卓然自立於一代。而萬世共由之也。秦灰既烈。聖道中淪。雖董韓孫石之才。而莫能

振其緒。迨濂洛疊起。而道統於是乎中興。然合志者。未免夷惠之偏。及門者。鮮有顏曾之匹。而道術亦復為天下裂矣。藉六經以文奸言。託三代以飾虐政。盡中於君心。毒流於生民。是王氏之學也。尚縱橫之詭習。揚嵒阮之餘波。其文適足以滅賢。其博適足以溺心。是蘇氏之學也。恃履忠蹈信之資。度知言窮理之學。醞大而疵亦不細。功多而過亦不少。是司馬氏之學也。以佛乘為道岸。以禪悟為儒修。肆淫詖邪適之辭。攻蝨螻蠹賊之挾。是張氏之學也。昧心性之大原。務德業之崇廣。九層之臺。不積於累土。千里之行。不謹於舉步。是胡氏之學也。譏問學為榛塞。詆思辨為陸沈。聚精會神。而以為德性。任性率意。而以為天機。是陸氏之學也。擇善之不明。而託於渾厚。立己之不固。而流為通融。博學多聞。而不知守約窮源之要。是呂氏之學也。即器而謂之道。即物而謂之則。侈心於制度之末。繫知於文為之繁。是永嘉陳氏之學也。義與利雙行。王與霸雜用。枉己而思以直人。誣身而思以伸道。是永康陳氏之學也。神但聖伏。百喙爭鳴。於是晦翁朱子。獨與敬夫季通。左騁右介。攘別之扶持之。然後聖道大明。如日月之經天。江河之行地。從游之士。幾徧天下。而訓誨醞鬱。提撕反覆。憂之深而言之切。慮之遠而說之詳。顧紀錄之多。未免重複。識見之悞。未免舛訛。故軒篳子。蓋屢以刪修。詔後之人。而未有承其志者。竊不自揣。擇其言之精粹者。勒為一編。名之曰約。至若四書五經。大極通書西銘之說。則前民固已眾集於傳註之下。惟程張之書之發明者。則附於近思之集解。禮儀之辨晰者。則附於家禮之拾遺。故其所

編者獨此而已。其他文集則將入古文之選，而獨取知舊門人之問答，列於各傳之末，馬鳴呼。宋之道統，先知先覺，周子以之，其斯道之元乎。有典有則，程子以之，其斯道之亨乎。無內無垠，朱子以之，其斯道之利貞乎。然則讀是書者，何異聆大成之再集也哉。先生卒，祀鄉賢祠。同縣唐先生鑑，字鏡海，陝西布政使仲冕子也。嘉慶十四年進士，由檢討授御史。劾武陵令顧娘圻貪劣狀，一時稱快。出知平樂府，盡除陋規，不以一錢自污。創立犵羆義塾，陋俗丕變。遷江安糧道，置蠹脊於法。累遷江南布政使，入為太常卿。海疆事起，疏劾總督琦善者英等，直聲震天下。以老告歸。咸豐元年，文宗下詔求賢，召赴闕，奏對稱旨。辭以老，不能任職。優詔加二品銜，命回江南。主書院講席於後學。七年卒。特旨予諡。生平力崇正學，闢陽明，不為調停兩可之說。著學案小識，以示宗旨。又著畿輔水利書，召對時曾以進呈，詔嘉納焉。

王白田先生事略

王生，名懋，字子中，江蘇寶應人。世為儒家。叔父式丹，以詩文名。康熙四十二年，賜進士第一人。世所稱樓村先生者也。先生少從叔父學，即自刻厲。又與方先生望漢交，篤志經史，恥為標榜之習。康熙戊子，舉鄉試。又十年成進士。年已五十一矣。諸鉅公多物色之。先生皆堅謝。嘗云：黃陶庵有言，人止羨三年中之一人，不知更有數十年數百年之人。此語殊足念也。時太倉王公常熟蔣公補薦，二人皆館選。先生皆未一往。適蔣公五十年生辰，或

約往視亦謝之。有笑其拙者。先生曰：正欲為天地間留此一脈耳。邈年改就安慶府教授。重建培元書院以學。行造士語學者曰：人一號為名士。無足取矣。雍正元年。世宗手諭。蔡世遠王懋。竑喬崇修。均著調取來京。先生應召。特授編修。上書房行走。時同直者。滿洲福敏。公徐元夢。公高安。朱公軾。皆負一時重望。而先生尤邃於經術。原原本本。有叩即應。明年春。以母憂去官。特賜內府白金為喪葬費。諭以治喪畢。即來京。不必俟服闋。先生性最孝。善病。居安哀毀踰禮。明年入都謝恩。畢。遂以老病辭歸。時年未六十也。性耿介恬淡。少嘗謂友人曰：老屋三間。破書萬卷。平生志願。足於斯矣。歸田後。杜門著書。當路要人。雖素親厚。未嘗以竿牘及之。晚年校足朱文公年譜。於文集語類考訂尤詳。謂易本義。前九圖筮儀。及家禮。皆後人依託。非文公所作。其略云：朱子於易有本義。有啟蒙。與門人講論甚詳。而此九圖。曾無一語及之。九圖之不合於本義。啟蒙者多矣。門人何以絕不致疑也。本義之叙畫卦云：自下而上。再倍而三。以成八卦。八卦之上。各加八卦。以成六十四卦。初不敢參以邵子之說。至啟蒙則一本邵子。而邵子所傳。止有先天圖。其伏羲八卦圖。文王八卦圖。則以經世演易圖推而得之。同州王氏漢上朱氏易皆有此二圖。而啟蒙因之。至朱子所自作橫圖六則。注大傳及邵子語於下。而不敢題云伏羲六十四卦圖。其慎重如此。今乃直云伏羲八卦次序圖。伏羲八卦方位圖。伏羲六十四卦次序圖。伏羲六十四卦方位圖。是孰受而孰傳之耶。又云伏羲四圖。其說皆出邵氏。按邵氏止有先天一圖。其八卦圖後

來所推六橫圖朱子所作。而以為皆出邵氏。是誣邵氏也。又云邵氏得之李之才。李得之穆修。穆得之希夷先生。此明道叙康節學問源流如此。漢上朱氏以先天圖屬之。已無所據。今乃移之四圖。若希夷已有此四圖者。是弁誣希夷矣。文王八卦說卦明言之。本義以為未詳。啟蒙別為之說。而不以入於本義。至於乾天也。故稱乎父一節。本義以為。揲著以求爻。啟蒙以為。乾求於坤。坤求於乾。與乾為首節。皆文王觀於已成之卦。而推其未明之象。與本義不同。今乃以為文王八卦次序圖。又孰受而孰傳之耶。變卦圖啟蒙詳之。蓋一卦可變為六十四卦。泰傳變卦。儒學十九卦以為說。今圖卦變。皆自十二辟卦而來。以本義考之。惟訟晉二卦為合。餘十七卦皆不合。其非朱子之書明矣。筮儀之文。亦不類朱子士冠禮特牲饋食。少牢饋食禮。筮者皆西面。惟士喪禮筮宅。以不在廟。故筮者北面。今直云筮者北面。見儀禮。朱子豈不諳儀禮者。而疏謬若是耶。自直齋陳氏謂本義首列九圖。未著揲法。學者遂以九圖揲法為本義原本所有。而不知其為後人依託也。家禮載於行狀。其序載於文集。其成書之歲月。載於年譜。其亡而復得之由。載於附錄。似無可疑者。然李公晦序年譜。謂家禮成於庚寅。居祝孺人喪時。乃文集答汪尚書與張故夫呂伯恭書。論祭儀祭說。往復甚詳。汪呂書在壬辰癸巳。距庚寅僅二三年。家禮既有成書。何為絕不之及也。語錄云。向作祭儀祭說。甚簡而易曉。今已亡之矣。則是所亡者。乃祭儀祭說。而非家禮明矣。文集語錄。自家禮序外。無一語及家禮者。惟與祭李通書。有已取家禮四

卷納一哥之語。此儀禮經傳通解中家禮六卷之四。非今所傳之家禮也。勉齋作行狀。在朱子歿後二十餘年。其時家禮已盛行。故不欲公言其非。但其詞略而不盡。其書家禮後。謂經傳通解未成。為百世之遺恨。則其微意亦可見矣。後人雖云專用其書。實未有能行者。故其中謬誤多不及察。今按家禮云。非嫡長子。則不敢祭其父。若與嫡長同居。則死而後。其子孫為立祠堂於私室。且隨所繼世數為龕。俟其出而異居。乃備其制。此據禮支子不祭之說。然死而立祠私室。勢有難行。假令支子有四五人。而同居。則將立四五祠堂。不知何地可以容之。又云生而異居。則預於其地立齋以居。如祠堂之制。死則以為祠堂。此於古無所據。生而自為祠堂。已非人情。子為父立。則尤不可。紫陽所定之書。必不爾也。士冠禮鄭注云。廟為禰廟。主人將冠者之父兄也。賈疏家事統於尊祖。在則祖為冠主。蓋以父言。則祖為禰廟。以祖言。則曾祖為禰廟也。家禮改以繼高祖之宗子為主。其非宗子之子。則冠不於禰之祠堂。而於高祖之祠堂。而主人亦非將冠者之親父兄。不亦遠於禮乎。後世封建既廢。無別子為祖。繼別為宗之例。凡為大宗者。其始皆繼高祖之宗也。然傳之六世以後。則當云大宗。而不得僅云繼高祖之宗。其二世以下。繼高祖之宗。五世則遷。故曰小宗。今家禮一以繼高祖之宗為主人。以大小宗論。則去大宗而就小宗。以遠近論。則舍同父之兄弟。而就同高祖之二從兄弟。進退皆不可矣。告遷於祠堂一條云。族人有親未盡者。遷於最長之房。尤為無義。夫支子不祭。禮也。今使最長之房。主高祖之祭。其為繼

曾祖之宗。則向不得祭高祖者。而今反得祭其為繼祖之宗。則曾祖且不得祭其為繼禰之宗。則祖且不得祭其為繼禰之宗之支庶。則禰并不得祭。而今反得祭其高祖。此說之不可通者也。且繼曾祖之宗以下。本無高祖之龕。將別為龕以祭之子。抑竟置於所虛之龕乎。若繼禰之支庶。則並無祠堂。其將祭於寢乎。況高祖而下。必不止一房。最長之房既卒。又有一次長之房。是使高祖之玉流轉於支庶之家。而遷徙莫知所定。豈敬宗收族之義乎。此必非朱子書也。同邑朱澤澤潛心朱學。據答南軒書云。敬貫動靜。而以靜為本。謂必從主敬以透主靜消息。先生辨之曰。人之有動靜也。猶其有呼吸也。靜則必動。動則必靜。論其循環則有互根之妙。論其時節則有各致之功。朱子已發未發說。作於己丑。有以靜為本之語。甲午乙未以後。不復主此說矣。主靜之旨。出於濂溪。而朱子丙申作濂溪書堂記。己亥作隆興祠記。癸卯作韶州祠記。癸丑作邵州祠記。俱不一言主靜。蓋敬可以貫動靜。而靜不可以該動。專言靜則偏矣。先生於諸史。皆有考證。實事求是。不為抑揚過當之論。其考孟子書。齊人伐燕事。謂通鑑據孟子以伐燕為齊宣王。而宣王卒於周顯王之四十五年。又三年慎靚王元年。燕王噲始立。又七年齊人伐燕。則不可以為宣王事也。於是上增威王之十年。下減湣王之十年。以就伐燕之歲。其增減皆未有據。而仍以燕人畔為湣王時。則與孟子亦不合。不知孟子七篇所言齊王。皆湣王。非宣王也。湣王初年。兵強天下。與秦為東西帝。其所以治國者。亦必有異矣。孟子謂以齊王猶反手。王由足用為善。

皆道其寔。而其好勇好貨好色不能自克。末年之禍亦基於此。後來傳孟子者。改晉王為宣王。以為孟子諱。蓋未識此意耳。孟子去齊。當在湣王之十四年。下距湣王之歿。更廿五六年。孟子必不及見。公孫丑兩篇皆稱王而不稱諱。乃其元本。而梁惠王兩篇稱宣王。其為後人所增無疑矣。先生撰述已刻者。白田草堂集二十四卷。朱子年譜。及讀中記疑。若干卷。晚年貧甚。布衣蔬食。恬然安之。有婚嫁事。營辦苦不給。誠其子曰。此等處須撥去世俗見解。放開眼界。直以古人為法。若有一毫自歎。則非矣。疾革不亂作詩訓子曰。人之立身。惟孝與忠。恕以接物。慎以持躬。讀書考古。其益無窮。守此不失。先世遺風。垂効之言。汝其敬從。六子各書一紙給之。整衣冠。端坐逝。乾隆十六年十月也。年七十有四。

孟瓶庵先生事略 附 謝金鑾

先生諱超然。字朝樂。號瓶庵。福建閩縣人。乾隆二十四年。鄉試第一。明年成進士。選庶吉士。改兵部主事。累遷吏部郎中。三十年。典試廣西。二十三年。分校順天試。尋督學四川。廉正不阿。遇士有禮。蜀人為立去思碑。使還。以親老請急歸。年甫四十二。遂不出。巡撫徐公嗣曾。請主鼇峰書院。書院舫自張清恪。而蔡文勤為之長。相與講明正學。其後繼之者。惟林通政枝春。張編修甄陶。嚴憚有法。先生立教以誠。人自奮於學。論者謂不啻文勤主講時也。性至孝。侍父疾。必躬扶掖。執廁。鄰家居名刺不入公府。周戚族。携孤弱。助嫁娶。殯葬。雖空乏。必應。嘗歎服徐陵我猶有車可賣之言。有誇誣者。偽券者。久通者。輒置勿問。其

學以懲忿窒慾。遷善改過為修身立命之門。嘗曰：變化氣質。當學呂成公。刻意自責。當學吳聘君。又曰：談性命則先儒之書已詳。不如歸諸實踐。博見聞則將衰之年無及。不如返諸身心。其論明儒曰：明講學家宗旨最繁。王文成曰：致良知。其徒羅近溪易之曰：亦子良心。聶雙江曰：歸寂。李彭山曰：主宰。黃綰曰：良止。王心齋曰：百姓日用。耿天臺曰：常知。李見羅曰：止修。耿楚侗曰：不容已。唐一庵曰：討真心。胡廬山曰：無念。湛甘泉曰：隨處體認天理。諸家各有語錄。不可勝紀。要之陳白沙靜中養出端倪。為王氏之先驅。而焦竑李贄之佛學。即聖學亦王氏之極弊也。著喪禮輯略二卷。以正閭俗。喪葬之失。傷不莖其親者。惑形家言以速禱。取孟予掩之誠是之語。作誠是錄一卷。記檢身實踐之要。為焚香錄一卷。取周易復卦之義。歸之損益二象。為求復錄四卷。輯朱子粹語。為晚間錄一卷。輯古今殺戒語。為廣愛錄一卷。訓子孫。為家誠錄二卷。雜考經史識遺佚。為避暑錄一卷。又使粵使蜀。日記各一卷。詩文集十二卷。嘉慶二年卒。年六十有七。學者祠祀之。與同祀鄉賢者。有謝先生退谷。謝先生退谷諱金鑾。侯官人也。乾隆丙午舉人。官教諭。其學以四子書為綱。五經為輔。未冠即喜讀宋儒書。比長交陳耻齋先生。與語合。遂畢力心性之說。既復求之易書詩周官禮記。篤好胡東樵顧復初任荆溪。方望溪四家之書。謂其博通傳註。而有所領悟。折衷使學者可以修諸身。而見諸用。庶乎孔門之功臣矣。其他攷據家喜搜求古書。闢新博愈古愈廢之說。則以為愈佳。將謂唐不如晉。晉不如漢。東漢不如西漢。宋以後則鄙

夷弗屑已矣。其於聖人之經也。不求其端。不訊其未。惟以訓詁名物象數。矜考辨。以語修己致用之方。則無術焉。謂之經學。則可。不足以語經術也。若胡顧任方四家。可謂經術也。已。又言聖人之所以教人者。曰忠信。曰好學。二者盡之矣。蓋忠信則以日用實行。為憑。而無虛空高遠之說。好學則極倫常變態之迹。而無信己執一之求。故弟子大書特書曰。子以四教。文行忠信。言聖人之教如此而已。子曰。十室之邑。必有忠信。如某者。庸不如某之好學也。然則好學不尤重歟。吾於經術之言。獨取胡顧任方四家者。以四家讀經。皆汲汲於倫常日用。而非訓詁鈔錄者也。趙文恪督閩浙時。疏請以先生及鄭教授兼才。入祀鄉賢祠。所著有泉漳治法。蛤仔難記略。退谷文集。

鄭慕斯先生事略

鄭先生文炳。字慕斯。福建莆田人。少有志操。長探性命之學。作正學論。要以洛閩為歸。父光春。客游四方。音耗久絕。先生將往尋。而莫知所在。問於母葉氏。熟記其狀貌。及離家年月。以行。屐轉蹤跡。至滇南旅寓。忽相見。號泣懇俱還。不果。父趣之歸。未幾父卒。復奔赴負骸骨歸葬。子身跋涉萬餘里。一笠一橐。露宿草行。傍徨江楚。黔蜀間。屢瀕於死。人目為孝子。汪學使徵拔補弟子員。張清恪撫閩。重其學行。選入鰲峰書院。從蔡文勤學。清恪調撫江蘇。遣使聘之。至講業年餘。而歸。雍正乾隆兩舉孝廉方正。皆不就。太守欽其品。延至洞橋書院。訓迪不倦。倡修平海衛學。建五賢祠。年八十有六卒。著周易要義。明倫集。性理廣義。

省心堂集諸書。初先生之在尋父也。娶婦吳氏。裁數日。及歸婦已死。東昌守程鯤化嘉其孝。以女妻之。子士仁。有學行。善事其親。庚午舉人。其後嗣皆守道能文。鄉里咸曰鄭孝子家。

伊用侯先生事略

附 子東綬

閩南儒者。世服朱子緒言。雖親受業姚江之門。如薛行人中。雖於紫陽不敢少悖。本朝安溪李文貞公。漳浦蔡文勤公。益推而明之。文勤授甯化副都御史。雷公授同邑光祿卿。伊公其為學。以慎獨為本。其推行始於固窮。迄於成仁。取義故其道近而難至。其事實重而光明。伊先生諱朝棟。字用侯。先世自河南遷甯化。由拔貢生。舉乾隆二十四年鄉試。越十年成進士。補刑部主事。累遷郎中。擢御史。給事中。嘗奏對。純皇帝知其賢。歷除光祿少卿。通政司參議。鴻臚卿。大理少卿。最後為光祿卿。將大用之矣。病偏枯。以乾隆五十七年乞休。時長子東綬官刑部主事。予告後。遂養疴京師。嘉慶元年。扶掖以與千叟宴。其後東綬知惠州府。就養至惠州。當是時。嶺南多姦民。歸善博羅屢有為逆者。而提督標兵反。與逆大吏特諱言之也。東綬既以先事請誅亂民。觸總督吉慶之怒。劾戍矣。而亂黨遂起。先生以謂予之屈。可以不伸。而嶺南官弁縱賊及兵。與賊遁之。不可不詰。身嘗為九卿。義不得苟止。具疏將以聞。吉慶并劾先生。落職聽勘。於是亂益劇。總督倉猝自裁。勘者至。奏先生言皆實。東綬故無罪。上乃寢雪其事。起東綬知揚州府。先生從至揚州。以嘉慶十二年八月卒。年七十有九。先生少湛靜。好持身。尤耿介。歲饑。食粥。或欲周之而不能。

也。自聞雷公之學，益無光心儒，先書言動有槩。後居喪，一用朱子家禮。如蔬三年，哀感行路。相國蔡文恭公嘗曰：居貧實樂，居喪實憂者，吾見伊君而已。文恭名新，文勤公從子也。方處極困時，將會試而無資，適族子以事繫縣，持百金詣先生，求一言不可已。而事聞於縣，縣令雅重先生，竟釋族子。先生亦竟不受金。居郎舍二十年，治事甚勤恪，不求人知。獄有不平，必與同僚上官力爭之。人或悅或否，而不為易。諸城劉文正公最賢之，欲薦舉而文正旋歿。故自主事，遷御史，皆用積資自給。事中以至於為卿，皆特擢，不由論薦。高宗嘗面諭曰：福建理學之邦，汝謹厚守繩尺，朕所知也。惜以疾未竟其用。晚以秉綬官中事，為國一奮。天下覩其丰采，及先生卒，而聞學之傳，或幾乎息矣。自少好讀書，所著南窗叢書，多發先儒疑義，其為詩尤有高韻逸氣。曰：賜硯齋集。秉綬字組，似號墨卿。乾隆五十四年進士。嘉慶三年，以員外郎典試湖南。其守惠州也，下車問民疾苦，汰陋規，抑豪強，倡修學宮，建豐湖書院，課諸生有程法。嘗修朝雲墓於蘇文忠祠沼中，得德有隣堂。覩人謂文忠以覲賢守云。陸豐甲子司奸民聚黨劫人，限期勒贖，遲則支解之。乃請總督發兵，速勦幕中客多阻之不聽。總督因問策，秉綬曰：總兵錢夢虎素有威望，同知袁樹悉其地民情，如檄錢駐甲子，而令袁曉諭父老，使獻渠魁，事當濟。從之。果送七人出，未幾歸善博羅變。動陸豐不乘隙起者，誅此七人之力也。尋以擒勦歸善奸民陳亞本事，忤總督劾戍。會新督倭什布至，平反入告。仁宗以情事類劉清之於魁倫，特免其罪。旋有揚州之命，賑淮南。

災每邑置粥廠四。銀米皆親給。寢食為廢。北湖湯家洋。盜數也。擒其魁數人。餘黨解散。一攝河庫道。再權運使。皆稱職。父憂歸。闕秋水園以奉母。嘉慶二十年九月卒。年六十二。揚州土民祀之三賢祠。三賢者。宋歐陽文忠。蘇文忠。本朝王文簡。皆揚州名宦也。工詩尤善隸書。好蓄古書畫。頗究性命之學。屏謝聲色。每食必具蔬。曰。藉以清吾心耳。其被劾也。灑然若無事。值坡公生日。招宋芷灣輩設祀。懸履笠小像共拜之。賦詩飲酒極歡。高士徐鄉圃曰。嗟乎。如墨卿者。豈復有世間升沈得失之念。在其意中哉。所著曰留春草堂集。

樹懷庭先生事略

附

韓夢周

滕綱

任瑛

閻先生循觀字伊蒿。一字懷庭。山東長樂人。性穎敏。讀書過目不忘。年十八舉於鄉。其學初好佛氏。既讀宋儒書。乃一奉程朱為宗。與濰縣韓理堂講學於程符山。省身克己。刻苦自立。而藹藹致戒。近名於河津之派。為近治經不立一家言。而要歸於自得。乾隆三十四年成進士。授吏部主事。當官議事。務持大體。覈功罪。意所不可持之甚力。公署會食。率用四五簋。先生獨自買餅餅食之。同年生為外官。餽以金。不受。曰。忝居議吏之地。何敢辱君。且不可以貧故累君也。居二年引疾歸。歸一月而卒。年四十有五。先生少孤。及長。每承祭哀。慕累曰。其父母墓卑溼。值霖雨。眾水交滙。輒不食。繞墓哭。以是致羸疾。議從墓旁濬渠。洩其流。數年而事不集。久之卒。遽葬焉。蓋都李丈藻曰。當懷庭之遽葬也。啟壙時。恐水之敗其親之棺也。恐啟其棺。遂及其親之膚也。官官乎。其若欲以生殉親也。若欲以身代

親之體膚也。既見棺無恙也。依依乎若親之再生也。若孺慕于其側也。及遽葬封穴。皇皇乎如弗克見也。如親之初歿也。戚友持掖之。始克敘事焉。著困勉齋私記。西澗文集尚書讀記。毛詩讀記。春秋一得。名人小傳行於世。先生之學。以克己為玉。每發憤獨坐。嗟咨涕洟。或終夜不寐。名其堂曰去惰。為三日以自詔曰。存省勿忘。躬行勿怠。常業勿廢。自言讀書程符山中。杪秋薄暮。洛水有聲。偶出行。微雨沾袂。意悽惻久之。歸讀史記。屈賈傳。累敝流涕。忽自省曰。此非情之正也。君子憂德不感年。修身不垢俗。豈以外至累其心哉。更取儀禮讀之。時天宇漸霽。日明左扉。澹然見故人素位之意焉。程符山在濰縣西南。先生與韓先生公復居山中。師其邑人滕先生綱。同學相善也。綱字建三。歲貢生。隱居窮鄉。不稱人過。失雖貧甚。一錢之餽。尚無處。莫能強之受。母疾。嘗一日夜行五百里。求藥療。母疾良已。旁縣好學者。多從之游。先生與公復論學。皆宗程朱。斥陽明。其言曰。王氏書發明知行合一之旨。最為有味。然由其說。終任心而廢講習。言雖高而非貞則也。聖人之教人也。使人賓賓焉。於博文好古。言行禮樂之間。至性命一貫。非其時則弗語。蓋多為之。加以服擾其聰明思慮之用。及其久也。內外馴習。欲棄之而有不可得。故能強立而不返。其機之欲達。然後發其本原。使知夫道之極焉。今義理未明。持行未諳。而驟使專事其心。一念一時之至。非不適適然自得也。然過焉而易忘。震焉而易變。無所以馴習之故也。吾聞聖人之道。愚夫婦與能。其說不過高。孔孟及程朱是也。王氏不然。故竊以為非貞則也。其持論多類。

此韓公復名夢周。一字理堂。瀘人也。少孤力學。揭母不敬。思無邪。二語於齋壁。每跬步必以禮。乾隆二十二年進士。知來安縣。始至。懲蠹。復斥淫祀。勸農功。訓民節儉。逐黠商。以窳物網民者。歲饑。當賑。大吏謂可已。日一申狀。卒得請。蘇江清書院。已又立恤孤院。地故產椿櫛。以為薪。先生止之曰。是宜蠶。手訂育蠶及種樹法。募沂充工師。教其民。民用以饒。嘗欲開黑水河。以利圩田。事成。當為百世利。會鄉試。奉檄為同考官。而縣有蝗災。監司遂以捕蝗不力。罷之歸。講學程符山中。凡二十有六年。嘉慶四年卒。年七十。先生少讀諸儒書。於朱陸以來學術之辨。不得其是非。及交淮安任。先生瑗。自謂釋然無疑。生平律已嚴。教士以恥。求利達為尚。嘗言三代以上。士皆務道德自治而已矣。其措諸事業者。自治之餘也。故曰。使先知覺後知。使先覺覺後覺。春秋時。先王。道良人。各驚於功利。管晏之徒。艷稱於世。道德功名裂而為二。自是以降。各以才力相尚。漢唐君臣。乘時建樹。攷之春秋。治五霸之義。功罪各不相掩。或以其有濟於世。忘其所以致此者。皆違時過主。一切抹以時弊。而但炫於揚勳之跡。遂欲左顯右隱。議儒者不達時務。空言無補。等諸匏瓜之不合。則是顏曾劣於管晏。而孫吳商李之徒。賢於孟子也。又曰。戴東原謂程朱說性。卽理也。其視性如人心中有一物。此卽老氏之所謂空。稍變而為此說。孔孟無之。然孟子有曰。仁義禮智根於心。彼疏孟子字義。并此句。忽之何也。如此荒謬。直枉讀一世書。卑嘗有友人謁選吏部。以為貧而仕為言。先生規之曰。足下之出處。當問其義不義。不當

問其貧不貧。若遂計較於此。恐臨利害。不能無畏。則將成患。得患失之鄙夫矣。先生工古文。表章名賢忠節。皆有關於世道。所著曰理堂集。任先生瑗。字恕庵。號東澗。江蘇山陽人。年十八。棄舉子業。講學靜坐。三年見心之妙者。機既而歎曰。聖人之道。歸於中庸。極於盡性。精義入神。以致用也。利用安身。以崇德也。豈是之謂哉。乃取孔孟朱程之書。潛玩力索。久乃得於聖賢之要。作反經說。傳習錄辨。以救姚江之失。嘗佐父宗延守延平。平順昌。巨寇興。舉淮安水利。俱有成效。其措施方略。具見於遺書。乾隆元年。舉制科。高安朱文端以先生薦。比至而文端薨。廷試亦報罷。自是遂決志不復出矣。越三十九年卒。年八十有二。有纂注朱子文類一百卷。論語困知錄二卷。中庸困知錄二卷。讀編補遺各一卷。易學象數傳心錄一卷。太極圖說析疑一卷。通書測二卷。讀經管見一卷。小泉筆記一卷。困學恐聞二卷。反經說一卷。陽明傳習錄辨二卷。小泉集一卷。知言劄記二卷。朱子年譜一卷。讀史衡說二卷。史記論文史記筆談各一卷。六溪山房文稿五卷。六有軒存稿二卷。寒山吟漫錄四卷。拊缶集二卷。和陶一卷。六有軒詩漫抄二卷。嚙林一卷。大學困知錄。周易筆解如干卷。

鄧慕濂先生事略 附 宋昌圖

鄧先生元昌。字慕濂。江西贛人也。為諸生。有文名。年踰冠。得宋五子書讀之。涕泗被面。下曰。吾乃今日知為入之道也。遂棄舉子業。朔望陳五經。及宋儒書拜之。每晨起。跪讀通書。

大極圖說西銘三四徧乃起靜生。雲都宋昌圖以通家子謁之。先生喜曰。吾小友也。館之於家。昕夕論學。日程言動必記之。互相考。一日昌圖讀朱子或問首章。先生過廡下聽之。泣而拜。慟不能起。其子見之。趨掖馬。先生與昌圖相持而啼。謂昌圖曰。子年未二十。負志趣。願子勉卒之。毋蹈吾所悔。永為朱子罪人。先生有長兄。瞽而禠。大小事必稟而後行。後母性。瑣刻。每怒先生。必長跽請罪。得解乃起。後母弟早夭。弟婦有子。請於先生曰。感兄公之德。願留守。待兒之有立也。先生泣拜之。自是遂不入處室。挾其子與弟之子。寢於堂。課督之。先生有田在城南。秋熟視穫。挾小學書坐城隅。見貧人子拾東穗者。累累先生招之曰。來。吾教汝讀書。能背誦書者。吾與汝穀。羣兒爭昵趨之。始導以識字。既使誦章句。又以俚語譬曉之。群兒咸踊躍稱善。既卒。獲。群兒噪曰。穫卒。先生且歸。奈何有泣者。自是每秋穫。群兒則就學焉。故城南人無少長智愚。皆曰。我鄧先生城南人。見有衣冠問鄧先生者。則曰。是我先生客耶。爭挽留渴進飲。飢進食。市井間見先生至。必肅立端拱。俟其過。乃敢列坐云。乾隆二十年辛年六十八。

姚鏡塘先生事略 附 潘培 劉傳瑩

姚先生學塿字音堂。一字鏡塘。浙江歸安人。乾隆己酉舉於鄉。遭父喪。能盡禮。嘉慶丙辰進士官中書。母不樂。居京師。乃歸侍母。母不許。期滿任則歸。戊辰夏。擬乞終養。適奉命主黔。誠歸道聞母訃。痛不得躬養侍疾。遂終身。不以妻子自隨。服闋獨行至京。妻張有婦德。

蓄妾方氏年十七將遣侍京寓不許乃歸其父母方氏曰婦人從一者也吾有所從矣竟不嫁與張躬紡績以終先生獨居京師前後四十年若旅人之窶者衣食敝陋然冠服未嘗不整其學以修己為要每論事言必可行與潘布衣諾友善日求寡過以無玷古人從游者常滿室人至其居感然病其貧日就之乃知其樂嘗曰吾視百物皆有真趣又曰人必內自定始可應物在官惟恐曠職而恬退不務進取其不歸者母遺命也累遷兵部郎中治部事必慎毋欺既病不就寢日正衣冠坐有問者必起揖道光丙戌十一月病篤握布衣手曰人生獨知之地鮮無愧者我生平竭蹶竟如此止君亦就良矣盡所得為俟年而已遂坐瞑年六十有一潘布衣名謔字少白會稽人少卓犖讀古人書不事制舉業好獨游天下奇山水足跡踰數萬里入蜀居青城大酉適晉居統姑射在江介居龍眠九華當入峽時舟敗身僅免守令使人饋遺之不受也讀書姑射山時大吏欲識其面不能致則以計遇之留數日去與長民者言言愛人與里老言言耕鑿樹畜與士人言言孝弟忠信遇名下士則告以實行為首務尤兢兢義利之辨居惟一襪被日兩蔬食食有餘則以給人之困者自山西歸弟子贄以金皆不納有數人潛與偕行齎金為其母壽抵越而後發不可返乃各取少許同抵家其母怒曰汝見僧以如來像丐市者乎吾其為像也乃謝而盡散之少好奇節喜劭難晚年遊燕趙與姚鏡塘善惕然知人生學問未有毫末可有餘者雖聖人亦僅無欠闕耳為詩古文超曠絕俗著古文八卷詩五卷常語二卷桂林陳繼

昌歆程恩澤等為序而行之。同時劉君傳瑩字椒雲漢陽人。道光十九年舉於鄉。官國子學正。初慕顧亭林闕百詩。顧景范諸先生。考古務精博。好為詩古文辭。尤究心輿地之學。顧體羸善病。病作輒廢食。又連喪婦。或勸其少休。君自苦彌甚。志益高。嘗曰。世之困人者。獨功利耳。文章考證。豈得其深者。亦足以濫外慕而自足。要不若義理之學。自治其心性。超萬累之表。而無所挫。自是益反求諸身。不以文學人自處。所為日記多痛自繩檢。二十八年夏告歸。未數月卒。年三十有一。

清朝先正事略卷之三十二

平江李元度次青纂

經學

闕百詩先生事略

附

李鍾

楊開沅

吳玉搢

宋鑑

先生幼口吃。性頗鈍。讀書千百過不能熟。年十五冬夜讀書寒。其漏四下。堅坐沉思。心忽開。自是穎悟絕人。是歲補學官弟子。一時名士如李太虛方爾止。王于一。杜于皇輩皆折輩行與交。年二十讀尚書。至古文二十五篇。即疑其偽。沉潛三十餘年。盡得其微。結所在。作尚書古文疏證八卷。其最精者謂漢藝文志言魯共王壞孔子宅。得古文尚書。孔安國以考二十九篇。得多十六篇。楚元王傳亦云逸書十六篇。天漢之後。孔安國獻之。古文篇數之見於西漢者如此。而梅賾所上。乃增多二十五篇。此篇數之不合也。杜林馬鄭皆傳古文者也。據鄭氏說。則增多者舜典。汨作九共。大禹謨。益稷。五子之歌。嗣征典。寶湯。誥。咸。有一德。伊訓。肆命。原命。武成。旅。獒。罔命。凡十六篇。而九共。有九篇。故亦稱二十四篇。今晚出書無汨作九共。典寶等。此篇名之不合也。鄭康成注書序。於仲虺之誥。太甲說命。微子之命。蔡仲之命。周官君陳。畢命。君牙。皆注曰亡。而於汨作九共。典寶肆命等。皆注曰逸。逸者。即孔壁書也。康成雖云受書於張恭祖。然其書贊曰。我先師棘下。生子安國。亦好此學。則其淵源於安國明矣。今晚出書與鄭名目互異。其果安國之舊耶。交云古文傳自孔氏。

後惟鄭康成所注者得其真。今文傳自伏生。後惟蔡邕石經所勒者得其正。今晚出書。昧谷鄭作柳谷。心腹腎腸。鄭作憂腎。陽剽則剽剽。鄭作臍宮剽剽。頭庶剽。與真古文既不同矣。石經殘碑遺字。見於洪适隸釋者。五百四十七字。以今孔書校之。不同者甚多。碑云高宗之饗國百年。與今書之五十有九年異。孔叙三宗。以年多少為先後。碑以傳序為次。則與今文又不同。然後知晚出之書。蓋不古不今。非伏非孔。而欲別為一家之學者也。班孟堅言司馬遷從安國問故。故堯典禹貢。洪範微子金縢諸篇。多古文。詭許慎說文解字。亦云其稱書孔氏。今以史記說文。與晚出書相較。又甚不合。安國注論語。予小子履云。非真古文。湯引湯誓。其辭若此。不云此出湯誥。亦不云與湯誥小異。然則予小子履云云。非真古文。湯誥。蓋斷斷也。其注雖有周親不如仁人句。於論語則云親而不賢不忠。則誅之。管蔡是也。仁人謂箕子微子。來則用之。於尚書則云周至也。言紂至親雖多。不如周家之多仁人。其註釋相懸絕。如此。此豈一人之手筆乎。又云古未有夷族之刑。即苗民之虐。亦肉刑止爾。有之自秦文公。始偽作古文者。見荀子有亂世以族論罪。以世舉賢之語。遂竄之秦誓篇中。無論紂惡不如是甚。且三代上亦斷無此慘酷之刑也。荀卿曰。誥誓不及五帝。司馬法言有虞氏戒於國中。夏后氏誓於軍中。殷誓於軍門之外。周將交刃而誓之。當虞舜在上。禹繼征有苗。安得有會群后誓師之事。司馬法曰。入罪人之地。見其老弱。秦歸無傷。雖遇壯者。不校。忽齟齬若傷之。藥醫歸之。三代之用兵。以仁為本。如此。安得有火炎崑岡。玉石

俱焚之事。既讀陳琳檄吳文云。大兵一放。玉石俱碎。乃知其時。自有此等語。則此書之出。魏晉間又一證也。又云武成篇。先書一月壬辰。次癸巳。又次戊午。已是月之二十一日。復繼以癸亥。甲子。是為二月之四日五日。而不冠以二月。非今文書法也。洛誥稱乙卯。費誓兩稱甲戌。此周公伯禽口中之詞。指此日有此事云爾。豈史家紀事之例乎。又云書序。益稷本名棄。稷馬。鄭王三家皆然。蓋別是一篇中。多載后稷與契之言。揚子雲法言孝至篇云。言合稷契之謂忠。謨合皋陶之謂嘉。子雲親見古文。故有此言。晚出書析皋陶謨之半。為益稷。則稷與契。初無一言。子雲豈鑿空者邪。其辯孔傳之偽云。三江入海。未嘗入震澤。孔謂江自彭蠡分而為三。共入震澤者。謬也。金城郡昭帝所置。安國卒於武帝時。而傳稱積石山在金城西南。豈非後人作偽之證乎。傳義多與王肅注同。乃孔竊王非。先有孔說。而王取之也。漢儒說六宗。言人人殊。魏明帝詔令王肅議。肅乃取家語孔子曰。所宗者六。以對。肅以前未聞也。而偽傳已有之。非孔竊王而何。識者以為知言。康熙元年。游京師。龔尚書鼎筭為之延譽。由是知名。十七年。召試鴻博。不第。在都門。與注編修琬交。注著五服考異。先生糾其謬數條。注意不懌。謂人曰。百詩有親在。奈何喋喋言畏禮。先生曰。王伯厚嘗曰。夏侯勝善說禮服。謂禮之喪服也。蕭望之以禮服授皇太子。則漢世不諱喪服也。唐之姦臣。以凶事非臣子所宜言。去國恤一篇。識者非之。說經之家。可拾其餘唾乎。徐尚書乾學。因問於經。亦有徵乎。先生曰。雜記曾申問於曾子曰。哭父母有常聲乎。申曾子次子。

也。檀弓子張死。曾子有母之喪。齊衰而往哭之。夫孔子歿。子張尚存。見於孟子。子張死而而曾子方喪母。則孔子時曾子母在可知。記所載曾子問一篇。正其親在時也。徐嘆服。延為上客。每詩文成。必屬裁定。曰。書不過闕先生目。詎謬百出。合肥李天韻亦言。詩文不經百詩勘定。未可輕示人。及徐公奉勅修一統志。開局洞庭東山。先生相從最久。徐公手輯其緒論曰。閻氏碎金。先生於地理尤精。審凡山川形勢。州郡沿革。瞭若指掌。少讀孟子。疑滕定公薨。使然友之鄒問孟子。慮緩不及事。及長。親歷其地。乃知故滕國城在今縣西南十五里。故邾城在今鄒縣東南二十六里。相去僅百里。故朝見孟子。而暮即反命也。因撰四書釋地四卷。釋地餘論若干篇。又作孟子生卒年月考。嘗言孔門從祀。顏曾之外。當廣為十二哲。德行三人。閔子騫。冉伯牛。仲弓。言語三人。宰我。子貢。有若。政事三人。冉有。季路。公西華。文學三人。子夏。子游。子張。以論語孟子證之。確不可易。又謂先儒以大學傳出曾氏門人之手。但見誠意章。引曾子說。謂古者弟子於師。方稱子耳。不知禮記四十九篇。稱曾子者百。其一為曾申。餘皆曾參。則是記禮者之通稱。不必弟子謂其師也。若謂大學止一引。與它篇屢引者不同。則禮器內則。亦止一引。豈一篇亦曾子門人作乎。孟子七篇。於孔門高弟。或名之。或字之。而稱曾子者二十二。益驗其為通稱也。又言檀弓載季武子之喪。曾點倚其門而歌。為記者之妄。春秋昭公七年。季孫宿卒。孔子年十七。曾點少孔子若干歲。雖不可知。然論語序其侍坐。次於子路。則必少於子路矣。孔子年十七時。子路南八歲。

點不過六七歲童子烏有倚國相之門臨喪而歌之事乎。又嘗舉朱子論語子孟子集注之誤如季文子始專魯政不待武子。子糾兄而非弟。曾西子而非孫。武丁至紂凡九世。非七世。昭陽敗魏取八邑。非七邑。不衣冠而處。見說苑。非家語。農家者流。見漢書。非史遷。去魯司寇則適衛。而非適齊。滅夏后相則寒浞而非羿。敬叔弟也。非懿子之兄。顯史近也。非遠人之謂。魯有少施氏。則孟施當亦其氏。不當以施為語聲。聞者皆服其精確。世宗皇帝在潛邸聞其名。手書延至京師。握手賜生呼先生。日索觀所著書。每進一篇未嘗不稱善。疾草請移就外。留之不可。乃以大床為輿。上施青紗帳。二十人舁之出。安穩如牀簀。不覺其行也。康熙四十三年六月卒。年六十有九。世宗遣官經紀其喪。親製挽詩四章。有三千里路為予來之句。復為文祭之。有云讀書等身。一字無假。孔思周情。旨深言大。僉謂非先生不能當也。生平長於考證。遇有疑義。反覆窮究。必得其解。乃已。嘗語弟子曰。曩在徐尚書邸夜飲。尚書云。今晨直起居注。上問古人有言。使功不如使過。此語自有出處。當時不能答。予舉宋陳良時有使功不如使過論。篇中言秦伯用孟明事。但不知此語出何書耳。越十五年。讀唐書李靖傳。高祖以靖逗留詔斬之。許紹為請而免。後率兵破開州蠻。帝謂左右曰。使功不如使過。果然矣。謂即出此也。又越五年。讀後漢書獨行傳。索盧放諫更始使者。勿斬太守曰。夫使功者不如使過。章懷太子注。若秦穆公赦孟明而用之。乃知全出於此。甚矣學問之無窮。而人尤不可以無年也。天性頗好撰詞。科五十人中。獨許吳志伊之博覽。

徐勝力之強記。於李天生。謂其杜撰故事。汪荅文謂其私造典禮。劄記中多微文。時賢如王阮亭。魏叔子。喬石林。朱竹垞。何義門。皆不免譏評。所服膺者。曰黃太冲。顧甯人。然於明夷侍訪錄。指其詭謬者不一。甯人出日知錄相質。即為改訂數條。甯人虛己從之。先生名若璩。字百詩。山西太原人。五世祖居淮安。後改歸原籍。父修齡。平生慎行檢。以詩名。母丁氏。亦能詩文。先生又著潛邱劄記六卷。毛朱詩說一卷。及日知錄補正。喪服翼注。博學掌錄。宋劉放。李燾。馬端臨。王應麟。四家逸事。諸書。詩有春西堂諸集。子泳。官中書舍人。有文名。同時淮安學者。有李鏡。楊開沅。吳玉搢。皆山陽人。鑑。字公凱。順治十八年進士。官蓋平知縣。康熙己未。召試博學鴻詞科。授編修。累官內閣學士。著有史斷讀書雜誌。佳庵集。王漁洋稱其為有本之學。開沅字用九。康熙四十二年進士。官編修。受業南雷之門。尤明於河漕之利害。玉搢字山夫。由廩貢官訓導。著山陽志。道金石存。說文引經考。六書部叙考。又著別雅五卷。辨六書之假借。深為有功小學。非俗儒剽竊所能為也。又有宋半塘者。名鑑。字元衡。安邑人。能傳潛邱之學。以古文尚書疏證。文詞稍曼。辨乃重輯尚書考辨四卷。嘗曰。經學不明。小學不講。則形聲莫辨。而訓詁無據矣。乃采經史方言釋名。玉篇廣韻水經注諸書。為說文解字疏。詳贍辨博。又益以增備借三門。為治經者之津筏。半塘以乾隆戊辰進士。令常山。稍遷南雄。通判。子葆醞。字芝山。舉人。官助教。能世其家學。

萬先生斯大。字充宗。浙江鄞人。始祖斌。明初從龍得功。斌子鍾。世襲指揮。又四傳至淮安。總兵表。以儒將私淑新建之學。世稱鹿園先生。又二世至福建。總兵邦孚。生戶部王事泰。先生父也。戶部八子。皆受業黎洲先生之門。稱高座弟子。長子斯年。字澹菴。少為錢忠介所深契。避亂。心載書行。晝則偕老農雜作。夜擁書集于弟講習。成就者多。第五子斯選。字公擇。躬行實踐。為同堂領袖。嘗言宋儒自游楊後。雖朱陸大賢。不免沾染二氏。至明儒尤甚。其於諸儒書。彈駁疵類。至數千萬言。黎洲以為吳康齋之流。所著曰白雲集。第七子斯備。字允誠。李泉堂徵君。鄴嗣女夫也。與徵君唱和二十年。相依如左右手。著有深省堂集。第八子斯同。自有傳。先生其第六子。生逢喪亂。不事科舉業。湛思諸經。以為非盡通諸經。不能通一經。非悟傳注之失。不能通經。非以經釋經。亦無由悟傳注之失。於是融會考證。奉正朔。以批閏位。百注。遂無堅。戒舉諸家聚訟。條分而縷析之。劃如也。尤精春秋三禮。排纂說禮之言。較衛正叔為尤博。正叔無所折衷。先生則批卻導窳言之了了。為書三百卷。其別出者。曰學禮二卷。周官辨非二卷。儀禮商二卷。禮記偶箋二卷。黎洲皆序而行之。又輯春秋二百四十卷。燬於火。晚年復輯。絕筆於昭公。臨終曰。吾魂魄猶彷彿與劉原父諸人論李武子立後一事。其覃精如此。浙東經術。自深甯東發兩先生後。明初黃南山楊鏡川能承其緒。其後寔衰矣。得黎洲及先生而一振。其辨正商周改月改時。周詩周正。及兄弟同昭穆。皆極精確。為人剛毅。嗜義若飢渴。張公煌言死國難。棄骨荒郊。先生葬

之南屏山。乙梨洲誌墓。春秋野祭。效西臺之哭。父友陸文虎符。兩中所稱陸萬是也。文虎無後。兩世喪皆未葬。先生墓其六棺。嘗游武林之玉龍山。見張縉彥神主。碎之。觀者咸辟易。李杲堂嘗言。說經無雙。名擅八龍。昔有慈明。今見充宗。其推服者至矣。卒於康熙癸亥七月。年五十有一。外著有丁災田陽草各一卷。萬氏家譜十卷。子經。字授一。別字九沙。自幼濡染家學。一切世俗之佔畢。末由至前。於是授經說數百萬言。於父及諸父。受明史紀傳三百卷。及列代史表數十種。於季父及其從兄言。而又講性理於應徵士嗣寅。求漢隸源流於鄭君谷口。考地理筌釋於閻徵士百詩。其學益與博無涯矣。以康熙癸未進士。選庶吉士。授編修。方先生也。時以南山集牽連下詔獄。莫敢保出之者。九沙奮然。送狀西曹。遂釋之。舉朝高其義。典試山西。得孫公嘉誥。一見推挹。卒成魁儒。又嘗識杭君世駿。全君祖望於髫年。以為鄭仲漁之流。世稱其有人倫鑑。視學數中。還朝為忌者所中。有通州修城之役。家既罄。蕭然如布衣時。賣所作隸字。得錢給朝夕。乃增補充宗先生禮記集解。凡數萬言。以春秋定哀二公未畢。續纂數萬言。又訂從兄言尚書記輯成一篇。以成萬氏經學。又重修季野先生列代紀年。及從兄言明史舉要。以成萬氏史學。雖蔬食不給。而見義嘗必為。蒼水張公墓道將圯。竭力修之。歲必設祀墓。故充宗先生所營葬者也。會詔舉鴻詞科。趙侍郎殿最薦之。已而三禮館開。侍郎被又欲薦。使其父書。皆以老不赴。晚年家燬於火。先世遺書皆燼焉。年八十有三卒。言字貞一。號管村。少以古文名。隨諸父在講

社中。最精博。黎洲先生深器其文。謂能撫震川之古淡。而加以剡源之色澤。李野先生亦云。使吾有爾筆。班馬不難到矣。以副貢被召。修明史。獨成崇禎長編一書。出為五河知縣。忤大吏論死。尋得免。所著曰管村集。

萬李野先生事略

萬先生斯同。字李野。學者稱石園先生。浙江鄞人。戶部郎泰第八子。生而異敏。讀書過目不忘。八歲在客座中。背誦楊子法言。終篇不失一字。顧跡池不馴。戶部閉之空室中。先生竊視架上。有明史料數十冊。讀之甚喜。數日而盡。又見經學諸書皆盡之。既出。時時隨諸兄後。聽其議論。曾家課。先生欲豫焉。諸兄笑曰。汝何知。先生曰。觀諸兄所為。易與耳。因雜出經義。目試作之。千言立就。伯兄大驚。持之泣。以告戶部曰。幾失吾弟。戶部亦愕然。曰。幾失吾子。遂從黎洲先生游。為高第弟子。與聞葭山劉氏之學。以慎獨為主。以聖賢為必可及。時甬江有五經會。先生年最少。遇疑義。輒片言析之。嘗守先儒戒。以為無益之書。不必觀。無益之文。不必作。遂專意古學。博通諸史。尤熟於明代掌故。康熙戊午。詔徵博學鴻儒。巡道許鴻勳。以先生薦。力辭免。明年修明史。徐相國以文延至京師。時史局中徵士。例食七品俸。稱纂修官。先生請以布衣參史局。不署銜。不支俸。許之。諸纂修以稿至。王者皆送先生覆審。覽畢。謂侍者曰。取某書某卷。某葉有某事。當補入。某事當參校。如言取至。無爽者。徐公罷。繼之者為張公玉書。陳公廷敬。王公鴻緒。皆延請有加禮。明史稿五百卷。先生手

定也。先生病唐以後史官設局分修之失。嘗曰。昔遼固才故傑出。又承父學。故事信而言文。其後專家之學。才雖不逮。猶未至如官修者之雜亂也。官修之史。倉猝成於衆人。不暇擇其材之宜。與事之習。是猶招市人而與謀室中之事也。吾辭史局。而就館總裁所者。惟恐衆人分操割裂。使一代治亂賢姦之迹。昧晦而不明耳。又嘗語方侍郎苞曰。史之難為久矣。非論其世。知其人。具見其表裏。則吾以為信。而人受其枉者多矣。吾少館某氏。其家有列朝實錄。吾熟識暗誦。未敢有一言一事之遺也。長游四方。從故家求遺書。旁及郡志邑乘。雜家志傳之文。莫不網羅參互。而要以實錄為指歸。蓋實錄者。直載其事與言。而無所增飾者也。因其世以考其事。覈其言而平心察之。則其人之本末。十得八九矣。然言之發。或有所由。事之端。或有所起。而其流。或有所激。則非他書不能具也。凡實錄之難詳者。吾以他書證之。他書之誣且濫者。吾以所得於實錄者裁之。子盍就吾所述。約以義法。而經緯其文。他日書成。曰此四明萬氏所草創也。吾死不恨矣。蓋先生以遺民自居。而即任故國之史事。以報故國。其至京師。特以群書有不能自致者。必資有力者以成之。其心事類元遺山。其潔身非遺山所及也。其後乾隆中。大學士張公廷玉等。奉詔判定明史。皆以史稿為本。而加增損焉。先生之志。於是為不負矣。其初至京師也。時議意其專長在史。及徐尚書乾學居憂。請先生纂讀禮通考。自國郵及家禮十四經之箋疏。廿一史之志傳。漢唐宋諸儒之文集說部。無或遺者。又以其餘為喪禮辨疑四卷。廟制折衷二卷。乃知先生故深

於總徐公因請編成五禮之書。三百餘卷。當是時京師耆彥雲集。各以所長自見。而先生最闡達。自王公以下。爭相從問。古儀法。月再三會。聽講者當數十人。錄所聞。共講肄。莫不呼曰萬先生。而先生與人還任。其自署。祇曰布衣萬斯同。未嘗有他稱也。故督師之姻。方居要津。乞史館於督師。少寬假。先生屢數其罪以告之。有運餉官以棄運走道死。其孫以賂乞入死事列。先生斥之。父友馮侍郎躋仲。諸子没入勳衛家。先生贖而歸之。以康熙壬午夏卒於王尚書史局中。年六十。門人私諡曰貞文先生。於前史體例。貫穿精熟。指陳得失。洞中肯綮。劉知幾鄭樵不能及也。馬班史皆有表。而後漢三國以下無之。劉知幾謂無闕得失。先生則曰。史之有表。所以通紀傳之窮。有其人已入紀傳。而表之者。有未入而牽連以表之者。表立而後紀傳之文可省。讀史不讀表。非深於史者也。所著補歷代史表六十一卷。又紀元彙考四卷。安季忠義錄十六卷。南宋六陵遺事一卷。庚申君遺事一卷。河源考二卷。河渠考十二卷。儒林宗派八卷。石經考二卷。石鼓文考二卷。群書疑辨十二卷。書學彙編二十二卷。周正彙考八卷。歷代宰輔彙考八卷。石園詩文集二十卷。而明史稿及讀禮通考別為書。先生在京師。攜書十數萬卷。及卒。旁無親屬。編修錢名世。以弟子為喪主。兼取其書去。時論薄之。

錢田間先生事略

附

方中通

方中履

錢先生登之。字欽光。原名秉鐙。安徽桐城人。生當明季。弱冠時有御史某聞其名。巡按至

皖。盛威儀。謁孔子廟。諸生方出迎。先生忽前攀車。而攬其帷。衆莫知所為。御史大駭。命停車。而溲溺已濺其衣矣。先生徐正衣冠。昌言以詆之。闕從數十百人。皆相視莫敢動。而御史方自幸脫於逆案。懼其聲之著也。漫以為病狂而舍之。先生由是名聞四方。與雲間陳卧子。夏彝仲。嘉善魏學渠。交最深。又嘗問易於黃石齋先生。著田間易學十二卷。初從京房邵康節入。故言數頗詳。蓋石齋之餘緒也。後乃兼求義理大旨。以朱子為宗。又著田間詩學十二卷。謂詩與尚書春秋相表裏。必考之三禮。以詳其制作。徵諸三傳。以審其本末。稽之五雅。以核其名物。博之竹書紀年。皇王大紀。以辨時代之異同。與情事之疑信。即今輿記。以考古之圖經。而參以平生所親歷。其書以小序首句為主。所採諸儒論說。自注疏集傳外。凡二十家。持論精核。於名物訓詁。山川地理。言之尤詳云。先生少以經濟自負。常思冒危難。以立功名。及歸自閩中。遂杜足田間。課耕以自給。年八十有二而終。同縣方中通字位伯。明檢討以智密之次子也。明之中葉。以博洽著者稱楊慎。而陳耀文起與之爭。然慎有偽說。以售欺。耀文好蔓引以求勝。次則焦竑。亦善考證。而習與李贄游。好牽綴佛書。傷於蕪雜。惟密之先生。崛起崇禎中。博極群書。考據精核。迥出其上。風氣既開。國朝亭林百詩錫也。諸君相沿而起。一掃懸擬之空談。密之撰通雅十二卷。窮源竟委。詞必有徵。中通承其家學。以博綜稱。著數度衍二十四卷。附錄一卷。其書有數原律行。幾何約。珠算筆算。籌算尺算諸法。復條列古九章名目。引御製數理精蘊。推闡其義。其幾何約及珠

算等。大抵聚集諸家之長，而增損潤色，勤為一編。又撰物理小識十二卷，及浮山文集。中
通弟中履著古今釋疑十八卷，雖不及通雅之精核，然學有淵源，故不為弁陋也。

馬宛斯先生事略 附 王爾賢

馬先生驥，字驄御，一字宛斯，山東鄒平人。順治己亥進士，謁選京師，以文望舉為順天鄉
試同考官。除淮安推官，多所平反。裁缺改靈壁知縣，蠲荒除弊，均里甲。歲省民力，無算流
亡復業。卒於官。士民奉祀名宦。著左傳事緯十二卷，附錄八卷。先生於左氏融會貫通，所
論具有條理，其圖表亦皆考證精詳，為專門之學。又撰釋史百六十卷，纂錄開闢至秦末
之事，博引古籍，疏通辨證，雖牴牾間亦不免，而詞必有徵實，非羅泌路史、胡宏皇王大紀
所可及。且史例六家，古無此式，與袁樞紀事本末均卓然特創，自為一家之體。顧亭林讀
是書，歎曰：必傳之作也。康熙四十四年，上南巡，垂問釋史一書，命張公玉書，物色原板，明
年夏，遣官至鄒平，購板入內府。後先生而起者，有掖縣王止庵，名爾賢，字襄哉，治經宗漢
學。嘗云：鄭史滌謂漢人窮經而經亡，此言大非。漢儒有家法，七十子之微言大義，賴漢以
存窮經，而經亡當在魏晉以後。蓋荀虞之易，亂於王弼；馬鄭之書，亡於偽孔；氏賈服之春
秋，清於杜元凱。其幸存者，毛鄭之詩，何氏之公羊，鄭氏之三禮耳。窮經當以毛鄭何為王
然，後博考諸儒，擇其善而折衷焉。斯可矣。學者以為知言。

毛西河先生事略 附 陸邦烈

先生名奇齡。字大可。一字齊子。又名姓。字初晴。學者稱西河先生。蕭山人。生時母張。夢香
曾持度牒入門。四歲。母口授大學。即成誦。乃授書。使循所讀。自認之一。再遇無不識者。時
以篇首。后後厚三字。形異音同。為問。具語之。即欣然以解。既就熟讀。論語集注。至有子孝
弟章。愀然請罷讀。問何故。則曰。性中止有仁。曷嘗有孝弟。此言不忍聞也。師大奇之。總角
補諸生。與伯兄萬齡齊名。人呼小毛生。華亭陳公子龍。評為才子之文。會明亡。哭學宮三
日。時山賊起。先生竄身城南山。與同縣沈禹錫。包秉德。蔡仲光。為四友。築上室。讀書其中。
順治三年。王師下江南。杭州不守。山陰鄭秀才遵謙。與餘姚熊給事汝霖。徐副使嘉績。上
虞徐尚書人龍。括閩左為民兵。截江抗王師。會武甯侯王公之仁。保定伯毛公有倫。初以
備倭軍甯波。至是引軍西。與民兵合。號西陵軍。共推魯王監國。保定伯毛公有倫。初以
小毛生。徐尚書薦。授先生監軍。推官。力辭之。當是時。馬士英奉故福王太后奔杭州。賊方
國安軍中。號方馬軍。與西陵軍相犄角。先生謂保定曰。方馬國賊也。明公為東南建義旗。
何可與二賊共事。請絕之。國安聞言大恨。欲甘心焉。幾被獲。脫之。龜山時保定弟有倣為
靖南將軍。軍龜山也。唐王建號福州。黃公道周以蠟書招先生。又解之。亡走山寺。祝髮披
緇。匿坑中。王師破江東。戮留髮者。先生以髮免歸。母夫人泣曰。吾向夢僧寄度牒生兒。今
竟然矣。先是明李士林好為社。先生品目過嚴峻。人多忌之。至是遷越郡。詩會稽。庶常王
自超。從賊中歸。投以十詩。選其四。中有鄞城夜走及哭周介生赴西市作。先生以右丞司

戶評其爲庶常大志。謂誣其從賊。乃聚諸出社者。首先生抗命。今復抗試。且以浮屠居士林。卽壞名教。罪當死。讞者察其枉。得不生。順治八年。復諸生籍。怨家猶洶洶。布政使張某。以從賊歸。命爲今官。構者讒先生。張大恨。屬提學仍黜其籍。先生嘗效元人作詞曲。自娛。提學摘其語。以爲訕謗。謀評而殺之。制府寃之。置不問。仇者憤不得雪。適姻戚有負營丁責者。忽攫先生於途。責以代償。擁而渡江。隣人追至西陵渡。墓之還。次日。購道瑾者。橫所篡處。謂毛生聚眾殺營兵。籍捕四出。乃變姓名爲王士方。將出亡。仲兄錫齡出周易泣授曰。古賢處憂患。必知易。汝知此足矣。先生聽受教。乃避地靖江之海陵。適月渡淮。飲故人。所有客目攝之。酒半。牽之入旁舍。勞問。則故靖南將軍有傲也。具言保定死。武甯已殉節。而已以亡軍倖免。將要赴彭城。值山陽令朱禹錫聞先生至。款之。而吏部郎張新標有名園。中秋夜。會客數十人。伎樂合作。先生倚醉。扣槃賦明河篇。凡六百餘言。及旦。傳寫殆徧。施愚山參議。還自京師。見之。驚曰。此必吾友毛生者也。於是之齊之楚之鄭衛梁宋。作續哀江南賦萬餘言。嘗登嵩山。越數峯。遠望悽愴。不能上。曰。吾力衰矣。傷哉貧且多難。茫茫者安歸乎。乃復之禹州。寓故懷慶王邸之白雲樓。作白雲樓歌。未而月都下。伎館酒樓競傳唱。仇者偵知之。去之嵩山。匿道士土室中。苦無書。夜起傍徨。假寐而泣。夢有告之者曰。盍之嵩陽。閔之踰月。過嵩陽。市無書。惟高笠僧胎書一帙。則古本大學也。先生憶夢心動。叩所自來。曰。吾違人也。天啟末。全家死於兵。遂祝髮。竄海濱。少受學。義州賀凌臺先生。

凌臺為賀黃門欽之孫。講學醫巫閭。以大學古本授予曰。古學之失傳。由不知本也。大學不云。壹是皆以修身為本乎。本該體用。而統心意。及家國天下。必正心誠意。而學乃有體。必齊家治國平天下。而學乃有用。北宋祖陳博之學。講性命而略事為。則專內遺外。不知有身。南宋宗程頤之學。就事物以求心性。則登枝逐流。并不知有本。夫格物者。絜量本末。本諸身也。致知者。審度先後。以身先之也。中庸以誠意為誠身。孟子以存心為養具大體。是正心誠意無非身也。先生受學心契之。已而應湖西施參議之招。設講鷺洲書院。楚人楊洪才耻庵。來講姚江之學。使君雅不善姚江。謂不宜舍事物求心性。耻庵不之辨。會午食。使君曰。不遷怒實難。吾昨責官庖以闕供也。今又責之。直遷怒矣。宜何以治之。耻庵乃舉手肅四座曰。若此者可仍求之事物否。時四座闐然。先生大悟。即下拜曰。受教矣。歸而惺然。坐適夜不寐。踰年客崇仁。又客淮西。留三年。淮人有知小毛生者。先生曰。吾非小毛生。乃毛甦也。是時救屢下。先生之禍已解。康熙十七年。詔舉博學鴻儒。先生入都。馮文毅溥辟館相待。而李文定天鶴留先生王其家。時應召者駢集。馮公大會。臧東萬柳堂。先生援筆作萬柳堂賦。推座客第一。及試。聖祖方幸霸州。携諸卷親覽。翌日下三相國公閣。上忽問曰。馮皇補天事信乎。蓋先生卷中用此語也。眾未答。馮公奏淮南子有之上曰。徒記事邪。則楚詞列子早及之。何止淮南。第未知傳信何如耳。馮公復奏賦。王輔張古籍。宜可用。於是先生列上卷。授檢討。纂修明史。關題得安正兩朝紀傳。具草二百餘篇。時聖祖精

韻學。劉晰精嚴。闕中李檢討因篤與吳門顧處士炎武。竭終身之力。講音韻。然卒徂於陸氏切韻二百八部之說。先生誦之。嘗與檢討飲文定宅。論韻不合。李公曰。吾少讀箕子麥秀歌。惡其無韻。故凡遇論韻者。吾必曰。能押是。則言敢請。檢討未即對。先生曰。禾黍油油者。尤也。不與我好。則蕭有豪尤之通也。好者尤三聲也。有證乎。曰。有。詩云。無言不讐。無德不報。請益曰。易云。同聲相應。同氣相求。水流湓火就燥。公曰。善。檢討笑曰。韻有四聲。未聞三聲也。先生曰。四聲起於齊周顛。而沈約成之。古無有也。古人自為韻。而多以平上去三聲韻。互相通押。謂之三聲。不讀虞廷虞歌。有股肱起元首喜百工熙乎。不讀蔓草章詩。有零露漙漙。清揚婉適。我願彤弓詩。有受言藏中心。既一朝饗乎。公與檢討乃大服。先生著古今通韻十二卷。進呈。上幸南海子。携書行。覽之稱善。有旨宣付史館。并勅禮部知其事。其後嶺南楊生進沈約原韻十六卷。上疑其偽。特命取皇史宬所藏通韻本付閣臣參校。以不合斥去。丹陛樂者。黃門鼓吹曲也。設筍簾於午門旁。太常典之。而其曲多誤。上命更定之。掌院陳公廷敬。以歷代樂章配音樂議。屬先生條上。多所采用。先生於音律有神悟。二十三年。上諭群臣。以徑一圍三。隔八相生之法。先生遂極意搜討。作聖諭樂本解說。皇言定聲錄。及竟山樂錄。思進之太常。衆阻之。二十八年。上復南巡。先生進樂本解說刻本。詔傳先生至行在。朝門贊勞。并勅改刻本訛字。宣付專行。時蠡吾李璠走二千里受業。凡三日。盡得其五音二變四清七調九聲十二管。并器色旋宮之法。先生大驚。遂盡出所著。

今校輯馬時值北郊定配位。太常卿徐元珙謂南郊南向。則三祖配位。固宜以東設西向。為一配。西設東向。為二配。又東設西向。為三配。其日月星辰諸配。亦皆始東設。而次西設。何則。以崇左也。至北郊北向。則向所為左者。今在右矣。乃三祖配位。一如南郊。始東設。而次西設。其山林川澤亦如之。則在昭穆為顛倒。而在左右為偏矣。於禮不合。疏上。詔學士徐公乾學。韓公爰議覆。上實無改意。而翰林官多各持一議。李文定特召問先生。先生曰。南郊尚左。故南向。而配先左。此東設者南向之左也。北郊尚右。故北向。而配先右。此東設者北向之右也。曰。此亦有言之者矣。特以左右言。則一左一右。似乎有分。而以東西言。則一東也。天下有南北異向。而一東一西。可同偏之禮乎。曰。有之。在何經。曰。在曲禮。禮曰。席南向北向。以西方為上。東向西向。以南方為上。語未竟。李公撫掌曰。有是哉。經之無所不備也。然則仍舊貫而已矣。議遂定。先生尋乞病歸。越三年。聖祖南巡。謁禹陵。先生迎駕。西陵渡。上遙見先生。遣侍衛勞問。比還。送駕。上駐馬。問所苦。復勞之。去。及三巡江浙。先生謁行在。年老矣。命起立。勿跪。且賜御書一幅。時皇太子隨駕。亦賜書屏聯各一。其蒙恩遇如此。先生嘗痛易學未明。太史占筮。見之大傳。及春秋傳者。並失傳。而仲兄有五易之說。以移易為文王孔子造卦象詞。為春秋史官立。變解占所自始。遂推行其義。作仲氏易三十卷。推易始末四卷。春秋古筮書三卷。河洛原舛篇一卷。太極圖說遺義一卷。易小帖八卷。易韻四卷。尚書廣聽錄五卷。舜典補亡一卷。古文尚書免詞八卷。國風省篇一卷。毛詩

寫官記四卷。詩札二卷。詩傳詩說駁義五卷。白鷺洲主客說詩一卷。昏禮辨正一卷。廟制折衷二卷。大小宗通釋二卷。辨定祭禮通俗譜五卷。喪禮吾說篇十卷。春秋毛詩傳三十六卷。春秋條貫篇十一卷。春秋屬辭比事記十卷。春秋簡書刊誤二卷。論語稽求篇七卷。大學證文四卷。大學知本圖說一卷。四書臚言四卷。聖朝樂本解說二卷。皇言定聲錄八卷。竟山樂錄四卷。大學問一卷。孝經問一卷。周禮問二卷。明堂問一卷。學校問一卷。郊社禘祫問一卷。經問十八卷。彤史拾遺六卷。武宗外紀一卷。後鑒錄七卷。蠻司合誌十五卷。古今通韻十二卷。後觀石錄二卷。越語肯綮錄二卷。蕭山縣志刊誤三卷。湘湖水利志三卷。杭州志三誌三誤辨一卷。杭州治火議一卷。詩話八卷。詞話三卷。天問補註一卷。曾子問講義四卷。韻學要指十一卷。策問三卷。表一卷。雜說十卷。文一百三十三卷。詩五十六卷。合四百九十有八卷。先生少負奇才。說經長於辨駁。多與宋儒鑿枘。而雄辨足以濟之。晚益樂易。好獎借後進。或疑其歷詆古人。使氣難近。及親炙。乃爽然出意外。侍史曼殊。艷而工詩。諸名士為文張之。晚歲悼亡。忽忽不自得。先生每作詩文。必陳書滿前。及伸紙疾書。或反不用一字。夫人陳氏性妬。以曼殊故。輒詈於人前。曰公等以毛大可為博學耶。渠作七言八句。亦必獮祭乃成。先生笑曰。握筆一次。展卷一回。積久自能駭博。婦言不足聽也。嘗僦居屋三間。左右度圖史。寓眷屬。而中為客次。先生日著書其間。筆不停揮。請業者環坐。問隨答。井井無一誤。夫人在室中。時或詬詈。先生復還詬之。殆五官並用者。始甯女士。

徐昭華。讀瀨中集。感歎願受業。稱都講焉。琉球使者過杭州。以兼金購文集。且求見先生。其名動海外。若此。自明以來。申明漢儒之學。使儒者不敢以空言說經。實先生開其先路。其文縱橫博辨。傲睨一世。與其經說相表裏。自成一格。不可以繩尺求。然議論獨到處。卒不可廢。詩次於文。要亦我用我法。不屑隨人步趨者。卒年八十有五。以兄子遠宗後。康熙庚午進士。弟子陸邦烈。盛唐王錫章大來等。著錄者甚衆。邦烈字又超。平湖人。嘗取先生經說所載。為聖門釋非錄五卷。謂聖門口語。未可盡非云。

朱愚庵先生事略 附 陳啟源

朱先生諱鶴齡。字長孺。江蘇吳江人。前明諸生。性好學。遺落世事。晨夕一編。行不識路。漆坐不知寒暑。或謂之愚。因以愚庵自號。嘗箋注杜子美李義山詩。故所作韻語。頗出入二家。入國朝。屏居著述。與顧亭林友。亭林以本原之學相勸。始湛思覃力。於諸經注疏。及儒先語錄。著有尚書碑傳。禹貢長箋。讀左日鈔。詩經通義等書。尚書斟酌於漢學。宋學問長箋。作於胡朏明錐指之前。不及朏明書。而旁引曲證。亦多創獲。讀左瑕瑜並陳。不及顧亭林。惠定宇之密。詩經參停於古今之間。於國朝惟用陳啟源說。蓋啟源寔與參訂焉。其邨鄒衛三國。禹貢三江震澤太湖幡冢漢源諸辨。多有裨於考證。又著愚庵詩文集。其書元裕之集後。云裕之於元。既踐其上。如其毛。即無反詈之理。乃今之詆訕不少避者。若欲掩其失身之事。以誑國人。非徒悖也。其愚亦甚矣。其言蓋指國初居心反覆之輩。可謂知大

義矣。故源字長發。先生同縣人。著毛詩稽古編。自記謂閱時十四載。稿凡三易。乃成。引據賅博。疏證詳明。為唐以前專門之學。

劉繼壯先生事略

劉繼壯者。名獻廷。字君賢。順天大興人。先世本吳人。寓吳江者數十年。卒焉。其學主於經世。自象緯律曆。逮塞關要。財賦軍政之屬。旁及岐黃釋老。家言無不窮究。崑山徐尚書好士。多藏書。大江南北。宿老爭赴之。先生游其間。別有心得。萬徵君李野於書無所不讀。獨心折先生。引參明史館事。顧若景范黃君子鴻。長於輿地。亦引先生參一統志事。先生謂諸公考古有餘。而未切實用。其論向來方輿書。大抵詳於人事。而天地之故。概未有聞。當於疆域前。別添數則。先以諸方之北極出地為玉。定簡平儀之度制。為正切線表。而節氣之後。先日蝕之分秒。五星之陵犯。占驗皆可推矣。諸方七十二候多不同。如嶺南之梅。十月已開。桃李臘月已開。而吳下梅開於鶯螿。桃李開於清明。相懸若此。今世所傳七十二候。本諸月令。乃七國時中原之氣候。今之中原。已與七國之中原不合。則差歷為之。宜於南北諸方。細考其氣候。詳載之。為一則。則天地相應之變遷。可以求其微矣。燕京吳下水皆東南流。故必東南風而後雨。衡湘水皆北流。故必北風而後雨。山水之向背分合。皆當按籍而列之。而風土之剛柔。暨陰陽燥溼之徵。可次第求矣。諸方有土音。又有俚音。蓋五行氣運所宣之不同。各譜之為一則。合之土產。則諸方人民性情風俗之微。皆可推而

見矣。其論水利謂西北乃二帝三王之舊都。二千餘年。未聞仰給於東南。何則。溝洫通而水利修也。自劉石雲擾。以訖金元。人皆草草偷生。不暇遠慮。相習成風。不知水利為何事。故西北非無水也。有水而不能利用也。不為民利。乃為民害。旱則赤地千里。潦則漂沒民居。無地可瀆。無道可行。人固無如水何。水亦無如人何。虞學士始奮然言之。郭太史始毅然行之。未幾竟廢。三百年無過問者。有聖人出。經理天下。必自西北水利始。西北水利。莫詳於水經。鄴注雖時移勢易。十猶可得六七。鄴氏略於東南人。以此少之。不知水道之當詳。正在西北。擬取列史中關於水利農田戰守者。各詳考其所以附以諸家之說。以為之疏。俾施行者有所考鏡。又言通鑿綱目。非朱子親筆。故多迂而不切。而關繫重者。反遺之。當別作紀年一書。凡先生所撰者。其運量皆非一人一時所能成。故多未就也。生平自謂於聲音之道。別有所窺。足窮造化之奧。百世而不惑。嘗作新韻譜。自華嚴字母悟入。而參之以天竺陀羅尼。泰西蠟頂話。小西天梵書。暨天方蒙古女真等音。又證以遼人林益長之說。而益自信。同時吳修齡。自謂蒼頡以後一人。先生則曰。是其於天竺以下書。皆未得通。而但略見華嚴之音者也。先生之法。先立鼻音二。以鼻音為韻本。次定喉音四。為諸韻之宗。以喉音互相合。凡得音十七。喉音與鼻音互相合。凡得音十。又以有餘不盡者三。合之。凡得音五。共三十有二音。為韻父。而韻歷三十二音。為韻母。橫轉各有五子。萬有不齊之聲。攝於此矣。嘗欲譜四方土音。以窮宇宙元音之變。乃取新韻譜為主。而以四方土音填

之達人皆可印證。蓋是書多得之大荒以外。囊括浩博。學者或驟見而未能通也。先生與梁質人王克繩友。所嚴事者。曰梁溪顧昉。滋衡陽王而農。而尤心服者。曰南昌彭躬庵。所自著曰廣陽雜記。

清朝先正事畧卷三十二終

清朝先正事畧

卷三十二 經學 劉獻廷

十二

清朝先正事略卷之二十三

梅文鼎

經學

平江李元度次青纂

梅定九先生事略

附 孫 文 穆 梅 穀 成

先生諱文鼎。字定九。又字勿庵。安徽宣城人。年二十七。與弟文鼎。共習臺管交食法。著天學駢指六卷。值天學書之難讀者。必求其說。至廢寢食。疇人弟子。皆折節造訪。人有問者。亦詳告之。無隱。期與斯世共明之。所著天算之書八十餘種。讀元史。授時法。經數其法之善。作元史天經補註二卷。又以授時集古法大成。然舛法五端外。大率多因古術。因參校古術七十餘家。著古今天法通考七十餘卷。授時以古術。考古今冬至。取魯獻公冬至。證統天術之疏。然依其本法步算。與授時所得正同。作春秋以來冬至考一卷。元史西征庚午元術。西征者。謂太祖庚辰也。庚午元者。上元起算之端也。志說太祖庚辰為太宗。不知太宗無庚辰也。又說上元為庚子。則於積年不合也。考而正之。作庚午元法考一卷。授時非諸古術所能比。郭守敬所著法單。乃法經立法之根。括其義之精微者。作郭太史法單補注二卷。立成傳。寫魯魚。不得其法。不敢妄用。作大統立成註二卷。授時法於日經盈縮。月離邊疾。並以垛積招差之算。而九章諸書無此術。從未有能言其故者。作平定三差詳說一卷。此發明古法者也。唐九執法為西法之權輿。其後有婆羅門十一曜經。及都聿利

斯經皆九執之彙。在元則有札馬魯丁西城萬年法。在明則有馬沙亦黑馬哈麻之回回法。西域天文書。天順時貝琳所刻天文實用。即本此書。作回回法補註三卷。西域天文書補註二卷。三十雜星考一卷。表景生於日軌之高下。日軌又因於地差而變移。作四省表景立成一卷。周髀所言里差法。即西人之說所自出。作周髀算經補註一卷。渾蓋之器。最便行測。作渾蓋通憲圖說訂補一卷。西國日月以太陽行黃道三十度為一日。作西國日月考一卷。西術中有細草。猶授時之有通軌也。以天指大意。彙括而注之。作七政細草補註三卷。新法有交食蒙求。七政蒙引二書並逸。作交食蒙求訂補二卷。交食蒙求附說一卷。監正楊光先日食圖。以金環與食其時。分為二圖。而各具時刻。其誤非小。作交食圖法訂誤一卷。新法以黃道求赤道。交食細草用儀象志表。不如弧三角之親切。作求赤道宿度法一卷。謂中西兩家之法。求交食起復方位。皆以東西南北為言。然東西南北。惟日月行至午規而又近天頂。則四方各正其位矣。自非然者。則黃道有斜正之殊。而自虧至復。經歷時刻。辰轉遷移。弧度之勢。頃刻易向。且北極有高低。而隨處所見。必皆不同。勢難施諸測驗。今別立新法。不用東西南北之號。惟就人所見。日月圓體分為八向。以正對天頂處命之曰上。對地平處命之曰下。上下聯為直線。作十字橫線。命之曰左右。此四正向也。曰上左上下。曰下左下右。則四隅向也。乃以定其受蝕之所在。則舉目可見。作交食管見一卷。太陽之有口差。猶月離交食之有加減。時因表說含糊。有誤作日差原理一卷。火星

最爲難算。至地谷而始密。解其立法之根。作火緯本原圖說一卷。訂火緯表。因及七政作七政前均簡法一卷。金水歲輪繞日。其度右移上三星軌跡。其度左轉。若歲輪則仍右移。作上三星軌跡成繞日圖象一卷。天問略取黃緯不真。而例表從之。誤作黃赤距緯圖辨一卷。西人謂日月高度等。其表景有長短。以證日速月近。其說非是。作太陰表影辨一卷。新法帝星句陳經緯。刊本互異。作帝星句陳經緯考異一卷。測帝星句陳二星。為定夜時之簡法。作畧畧真度一卷。以上皆發明新法算書。或正其誤。或補其闕也。康熙間明史開局。天文志爲吳檢討任臣分修。總裁爲湯公斌。徐公乾學。經嘉興徐善。宛平劉獻廷。常州楊文言。各有增定。後以屬黃先生宗羲。又以屬先生。先生摘其訛舛。五十餘處。以天章通軌補之。作明史志擬稿三卷。雖爲大統而作。寔以闡明授時之奧。補元史之缺略。其總目凡三。曰法原。曰立成。曰推步。又作天志。贅言一卷。大意言明用大統。寔即授時。宜於元史闕載之事。詳之以補其未備。又回回法。承用三百年。法宜備書。明鄭世子之天學。袁黃之天法新書。唐順之周述學之會通回法。以庚午元法之例列之。皆得附錄。其西洋法。方今見行。然崇禎朝徐李測驗改憲之功。不可沒也。亦宜備載緣起。康熙二十八年。先生至京師。見安溪李文貞公。文貞謂曰。天法至本朝大備。經生家猶若望洋者。無快論以發其意也。宜略做元趙友欽草象新書體例。作簡要之書。俾人人得其門戶。此學庶將大顯。因作天學疑問三卷。四十一年。文貞扈駕南巡。駐蹕德州。有旨取先生書。文貞以天學疑問呈求聖

誨奉旨朕留心歷算多年。此事朕能決其是非。將書留覽。後二日召見文貞。聖祖云。昨所呈書甚細心。且議論亦公平。此人用力深矣。朕帶回宮中細閱。文貞因求皇上親加御筆批駁。改定。上肯之。明年駕復南巡。於行在發回原書。中間圈點塗抹及籤貼排語。皆上親筆也。文貞復請此書疵謬所在。諭曰。無疵謬。但算法未備。未幾聖祖西巡。問隱淪之士。文貞以關中李顛。河南張沐及先生三人對。上亦素知顛及先生。四十四年。南巡狩。文貞以撫臣扈從。上問宣城處士梅文鼎。今馬在。文貞以尚在。臣署對。上曰。朕歸時。汝與偕來。朕將面見。文貞尋與先生伏迎河干。越晨俱召對御舟中。從容垂問。凡三日。上謂文貞曰。天象算法。朕最留心。此學今鮮知者。如文鼎。寔僅見也。其人亦雅士。惜乎老矣。賜御書扇幅。頒賞珍饈。臨辭特賜績學參微四大字。越明年。又命其孫鼓成入內廷學習。五十三年十二月。鼓成奉_上諭。汝祖留心律歷多年。可將律呂正義。寄一部去。令看。或有錯處。可指出。夫古帝王有都俞吁咈四字。後來遂止。有都俞。即朋友之間。亦不喜人規勸。此皆私意也。汝等須極力克去。則學問自然長進。可併將此意。寫與汝祖知之。恩遇為古所未有也。先生所著書。柏鄉魏荔彤。蕙濟堂纂刻者。凡二十九種。鼓成謂編校不善。別為編次。更名梅氏叢書輯要。總二十五種。六十二卷。未刻者。今失傳。先生為學甚勤。李文貞命子鍾倫。弟鼎徽。及群從。皆執弟子禮。荷遺徐用錫。晉江陳萬策。景州魏廷珍。河間王之銳。交河王蘭生。皆以得與參校為榮。康熙六十年卒。年八十有九。上聞。命有司經紀其喪。士論榮之。

先生家居營祠廟申宗禁梅氏無公庭訟幾三十年族屬數千人無博戲者及卒皆弔哭失聲子以燕癸酉舉人毅成以康熙五十三年賜舉人明年賜進士選庶吉士授編修供奉內廷官至左都御史謚文穆蒙聖祖授以借根方法知與古人立天元一術相同闡揚聖學有明三百年所不能知者一二復顯於世與修明史天志著增刪算法統宗十一卷赤水遺珠一卷操縵危言一卷文鼎先生仲弟與兄共著步五星式六卷早卒文鼎其季弟也著中西經同異考一卷

薛儀甫先生事略

附

庶夢齋

薛先生鳳祚字儀甫山東淄川人嘗師事定興鹿忠節善容城孫徵君奇逢著聖學心傳發明認理尋樂之旨又講求天文地理實用初從魏文魁學天文順治中譯穆尼閣說為天步真原先生謹守成法者天學會通十餘種梅定九天算書記所謂青州之學也其曰對數比例者即西法之假數也曰中法四線者以西法六十分為度不便於算改從古法以百分為度表所列止正法餘弦正切餘切故曰四線其推步諸書曰太陽太陰諸行法原曰水火土三星經行法原曰交食法原曰歷年甲子曰求歲實曰五星高行曰交食表曰經星中星曰西法回回術曰西術表曰今西法選要曰今法表皆會中西以立法以順治十二年乙未冬至為元諸應皆從此起算以三百六十五日二十三刻三分五十七秒五微為歲實黃赤道交度有加減恒星歲行五十二秒與天步真原法同梅定九謂其書

詳於法而無快論以發其趣。蓋其時新法初行。中西文字。輾轉相通。故詞旨未能盡暢也。先生又著兩河清彙。詳究黃河運河。北自昌平通州。南至浙江等處。河湖泉水諸目。皆詳載之。又記黃河職官。夫役道里之數。及歷代至本朝治河成績。援據古今。疏證頗明。別為海運一篇。欲仿元運故道。與漕河並行。則祖邱瓊山舊說也。同縣唐先生夢賢。字濟武。順治六年進士。以檢討言事。罷歸家居。閉戶讀書。著述甚富。有銅鈔疏禁糴說。備邊策。皆留心經濟之書。

王寅旭先生事略 附 談泰

王先生錫蘭。字寅旭。吳江人。博覽群書。守義樹節。與張楊園講濂洛之學。兼通中西天學。先生生於明季。當徐光啟等修新法時。聚訟盈廷。先生獨閉戶著書。潛心測算。遇天色晴霽。輒登屋卧鷓。叩問。仰觀景象。竟夕不寐。務求精符天象。不屑屑於門戶之分。著曉庵新法六卷。考古之誤。而存其是。擇西說之長。而去其短。據依圭表。改立法數。雖私家撰述。未見施行。而為術精妙。識者莫不稱善。年五十五卒。梅處士定九曰。從來言交食者。祇有食甚分數。未及其邊。惟寅旭以日月圓體。分三百六十度。而論其日食時所虧之邊。凡幾何度。今推其法。頗精確。然則御製者。成所未定九以上。下左右算交食方向法。蓋本於先生矣。康熙以來。梅學盛行。王學尚微。蓋先生無子。傳其業者無人。又其遺書。知之者少。持平而論。先生精而核定九傳。而大各造其極。難可軒輊。而皆在薛鳳祚之上。談泰。字階平。江

甯南舉人官南匯訓導博覽勤學精於天算得梅氏算學之傳所著考證經史之書曰觀書雜識二十卷其算術之書有測量用徑正誤周髀經算四極南北游法增補武成朔閏議召誥月日譜歲次月建異同辨春秋歲次考三統術推三統術議冬至權度紀略天官節次斗分辨分野辨操縵危言正誤圓壺周徑積實祖冲之補法辨補內方非十尺辨喪服傳溢說王服經帶數等書又著古算書細草十餘種

陳泗源先生事略

陳先生厚樞字泗源江蘇泰州人康熙四十五年進士官蘇州府教授學問淵博李文貞薦其通天算法引見改內閣中書聖祖命試以算法繪三角形令求中線及問弧背尺寸先生具劄進稱旨命入直內廷授編修與梅文穆毀成同修書嘗召至御座旁教以幾何算法先生學益進上嘗問曰汝能測北極出地高下否對曰遇春秋二分用儀器測之可得高度若餘節氣又有加減之異然亦不准何也地上有勝氣之差以人目視之有升卑為高映小為大之異故以渾儀測之多不合惟在天度數則不差耳又問地周三百六十度依周尺每度二百五十里今尺二百里地周幾何徑幾何奏曰依周尺地周九萬里今尺七萬二千里以圓三徑一推之地徑二萬四千以密率推之當得地徑二萬二千九百一十八里有奇上問地圓見何書對以周髀算經曾言之問何以見其圓也對曰職方外紀西人言繞地過一周四而皆生齒所居故知其為圓且東西測影有時差南北測星

有地差皆與圖形相合。故蓋知其為圓。上稱善。累遷司業。左諭德。以老疾致仕。卒於家。先生治春秋尤究心天算。嘗補杜預長曆。為春秋長曆十卷。其凡有四。一曰歷證。備引漢書續漢書晉書隋書唐書宋史元史。左傳注疏。春秋屬辭。天元曆理。歷法新書諸說。以證推步之異。其引春秋屬辭。載杜預論日月差謬一條。為注疏所無。又引大衍歷義。春秋歷考一條。亦唐志所未錄。尤足以資考證。二曰古歷。以古法十九年為一章。一章之首。推合周歷。正月朔日冬至。前列算法。後以春秋十二公紀年。橫列為四章。縱列十二公。積而成表。以求應元。三曰歷編。舉春秋二百四十二年。一一推其朔閏。及月之大小。而以經傳干支為證佐。皆述杜預之說。而考辨之。四曰歷存。以古歷推隱公元年。正月庚戌朔。杜氏長曆則為辛巳朔。乃古歷所推之。上年十二月朔。謂元年前失一閏。蓋以經傳干支推次知之。先生則謂如預之說。元年至七年中書者。雖多不失。而與二年八月之庚辰。三年十二月之庚戌。四年二月之戊申。又不能合。且隱公三年二月己巳朔日食。桓公三年七月壬辰朔日食。亦皆失之。蓋隱公元年以前。非失一閏。乃多一閏。因退一月就之。定隱公元年正月為庚辰朔。較長曆寔退兩月。推至僖公五年止。以下朔閏。因一一與杜歷相符。故不復續載焉。杜預書惟以干支遞排。而以閏月小建為之遷就。先生明於歷法。故所推較預為密。蓋非惟補其闕佚。並能正其訛舛。於考證之學。極為有裨。治春秋者。不可少此編矣。又撰春秋戰國異辭五十四卷。通表二卷。摭遺一卷。春秋世族譜一卷。鄒平馬宛斯驪為

釋史兼米三傳國語國策。先生則皆擬於五書之外。尤獨為其難。氏族一書。與顧復初棟高大事表互證。則春秋氏族之學。幾乎備矣。此外尚有禮記分類十七史正訛諸書。今皆不傳。

胡東樵先生事略

附

葉佩蓀

黃儀

顧祖禹

先生諱澗。初名渭。生字朏明。浙江德清人。曾祖父信。明進士。有文名。世所稱思泉先生也。父公角。天啟中舉人。先生年十二而孤。母沈攜之避寇山谷間。十五為縣學生。試高等。屢赴行省試。不售。乃入太學。嘗館益都馮相國邸。會開博學鴻詞科。相國欲以先生應。堅辭不肯就。群公避嫌。以相國子師。莫敢先發。及見薦牘。無先生名。則又大驚。先生自是謝科舉。專窮經義。尤精輿地之學。徐尚書乾學奉詔修一統志。開局洞庭山。延請黃儀子鴻。顧祖禹景范。閻若璩百詩。及先生分纂。因得縱觀天下郡國之書。先生素習禹貢。謂漢唐二孔氏。宋蔡氏。於地理多疏舛。如三江當主鄭康成說。庾仲初之言。不可以釋禹貢。浮於淮泗達於河。河當從說文作沱。滎波既瀦。波當從鄭康成本作播。梁州之黑水。與導川之黑水。不可溷而為一。乃博稽載籍。及古今經解。攷其同異。而折衷之。依經為訓。章別句從。名曰禹貢錐指。凡二十卷。為圖四十七篇。於九州山川形勢。及古今郡國。分合同異。道里遠近夷險。犁然若聚米而畫沙也。漢唐以來。河道遷徙。雖非禹貢之舊。要為民生國計所繫。故於導河一章。備考歷代決溢改流之跡。且為圖以表之。嘗謂詩書禮春秋。皆不可無。

圖惟易無所用圖六十四卦一體六爻之畫即其圖也八卦之次序方位則乾坤三索出震齊巽二章盡之矣若先後天之圖唐以前書絕無一字符驗而突出於宋初由邵子以及朱子但取其數之巧合而不能指其授受所從來本義卷首九圖乃門人所依附朱子當日未嘗堅主其說至河圖之象自古無傳後人何從擬議洛書之文見於洪範五行九宮初不為易而設作易圖明辨十卷又言洪範古聖所傳漢儒常主災異以繫史矯誣之說亂彝倫攸叙之經害一洛書本文具在洪範宋儒稱為黑白之點方圓之體九十之位且謂洪範之理通於易劉牧以九為河圖十為洛書蔡元定兩易其名害二洪範原無錯簡後儒任意改竄移庶徵王省惟歲以下為五紀之傳移皇極敘時五服至作汝用咎及三德惟辟作福以下為五福六極之傳害三作洪範正論五卷又作大學翼真七卷言經文此謂知本二句當在止於信之下知本蓋知止之詭格物致知與至善釋在邦畿章內本無闕文無待於補皆卓然有得非異趣以為高者康熙四十三年聖祖南巡先生撰平成頌并禹貢錐指獻諸行在有詔嘉獎召至南書房直廡賜饌賜御書詩扇並御書青年篤學四大字賜之儒者咸以為榮五十二年正月卒年八十有二從子會恩從先生學由進士及第官至刑部尚書孫彥穎官編修彥昇進士由刑部主事改定陶知縣著春秋說四書近是叢書要錄於樂律尤有心得著樂律表徵八卷同郡葉佩蓀亦治古易不言圖書著易守四十卷於易中三聖人所未言者不加一字故曰守黃儀字子鴻常熟人精輿地

之學。謂班書地志所載諸川第言其所出入。而中間經歷之地。不可得聞。惟水經注備著之。然非繪圖。不能了然於心目。乃反覆尋究。每水各為一圖。凡郡邑建置沿革。山川險易。皆縷析而條分之。與閻百詩顧景范同修一統志。蒐討之力為多。顧景范者。名祖禹。無錫人。學者稱宛溪先生。父柔謙。字剛中。精於史學。著山居叢論一書。景范沈敏有大略。為人奇貧而廉介。樸厚。不求名於時。貫穿諸史。出以己所獨見。著方輿紀要百二十卷。據正史考訂地理。於山川形勢險要。古今用兵。戰守攻取。成敗得失之跡。皆有折衷。雖荒僻幽仄之地。皆如目見而身履之。其論之最精者。謂天下之形勢。視乎建都。故邊與腹無定所。有在此為要害。而彼為散地。在彼為散地。而此為要害者。又謂有根本之地。有起事之地。立本首必審天下之勢。而起事常不擇地。南都魏叔子。推為數千百年。絕無僅有之書。欽定通鑑擊要。於地理注中。多加采錄焉。

何義門先生事略

附

沈彤

陳景雲

陳黃中

何先生焯字記瞻。晚號茶仙。江蘇長洲人。先世曾以義門旌。學者稱義門先生。少讀書。數行齊下。為文才思橫溢。天性最耿介。廉於財。視千金猶草芥。晨炊未具。不計也。康熙二十四年。充拔貢生。時徐尚書乾學。翁祭酒叔元。方收召後進。其所善通顯。立致先生。亦及其門。而慎自待。遇不避。且相諍執。尚書待之甚厚。而為忌者所構。失歡致辨。訟於大府。祭酒之子妄人也。先生積忤之。為所寤。及祭酒受要人指劾。睢州湯文正公。舉朝憤之。莫敢訟言其

非獨慈谿姜西溟移文讓之。先生亦上書請削門生籍。天下快焉。然先生卒以是潦倒場屋。不得志。最後為安溪李文貞所知。四十一年。聖祖南巡。駐涿州。文貞時撫直隸。迎謁道左。上從容問野甯有遺賢乎。文貞以何焯對。遂召試。命直南書房。明年賜舉人。試禮部。下第。復賜進士。選庶吉士。仍直南書房。尋命侍讀。皇八子允禩貝勒府。兼武英殿纂修。然忌者滋多。散館置下等。傳旨再教習三年。明年外艱歸。旋丁後母艱。初先生選刻四書文行遠集數種。及從安溪游。得成宏先輩宗傳。復選歷科程墨。海內五尺童子。皆知其名。晚歲益有見於儒者之大原。嘗歎王厚齋雖魁宿。尚未脫盡詞科習氣。而歛然自附於不賢識小之徒。欲因文見道。以探本於儒術。蓋所得自此益遠矣。五十二年。再以文貞薦。召赴闕。仍直武英殿。明年授編修。又明年。駕在熱河。有構蜚語以聞者。上還京。先生迎道左。即命收繫。盡籍其邸中書籍。以進。交學士蔣公廷錫等檢勘。無狂謬語。又草稿中有辭吳縣令。餽金札。上覽之。怒漸解。且嘉其有守。簡數條。命內侍詣獄詰責。先生各據寔奏辯。反報僅坐免官。還其書。命仍直武英殿。方事之殷。校尉縛先生馬上。馳送獄。家人惶怖。先生眠食如平。時振襟讀易。聲出戶外。既出獄。即趨局校書如故。時諸王皆右文朱邸。所治冊府多資其校勘。世宗皇帝在潛邸。亦以困學紀聞屬先生箋疏。六十一年。病。詔賜醫藥。六月九日卒。年六十有二。上曰。何焯修書勤學好問。朕正欲用之。不意驟歿。殊可憫。遂詔復原官。超贈侍讀學士。賜金給符傳歸喪。命有司存卹其孤。先生著書數萬卷。參互鉤稽。如別

黑白。吳下多書估。先生訪講宋元舊槧。及故家善本。細讎正之。丹黃積數十過。始知近世之書。脫漏訛謬。讀者多沈迷於其中而不悟。所校定兩漢書三國志。考證尤精核。乾隆五年。侍郎方苞。奏取其書。付國子監。為新刊本。所取正先生。凡有評識。必洞徹其表裏。通核其時勢利病。無一語無根據。每讀書論世。輒思為用天下之具。故精審絕倫。若此書得晉唐人法。聖祖嘗命書四書章句集註。奉御嘉獎。命即鈔板。所著道古齋藏小錄。多刪取諸題識。為之最詳慎。繫獄時。門人某。妄意中。有忌諱語。投諸火。或謂為所乾沒云。先生與方望溪論文不甚合。望溪最惡錢收齋文。先生頗右之。謂自收齋後。更無人矣。蓋少嘗學於邵僧彌。僧彌出自廬山也。然望溪有作。必問其友曰。義門見之否。義門能糾吾文之短者。如有言。乞以告我。先生歿後。世或用兼金購所閱經史諸本。估人多冒其蹟以求售。於是何氏偽書頗雜出。邑子蔣維鈞。刻其讀書記五十八卷。行於世。先生事親孝謹。推財產於兄弟。待親故貧者。咸有恩。晚歲落官入直。芻米僕賃不給。其廉介自若也。門人有才而貧者。恆飲食於其家。而教之者。錄四百餘人。知名者三之一。吳江沈彤。陳景雲。其最著也。彤字冠雲。一字果堂。自少力學。以窮經為事。貫穿前人之異同。折衷至當。淹通三禮。論者謂亞於惠天牧。而醞於萬光宗。待人誠篤。盡洗吳中名士習氣。乾隆丙辰。以諸生召試鴻詞科。不遇。輒修三禮。及一統志。書成。授九品官。以親老辭歸。親歿。三年中。不如葷。不內寢。續喪中禮。其周官祿田考。因歐陽文忠有周禮官多田少。祿具不給之疑。後人辨者。不過以攝官為詞。冠

雲獨詳究周制。分官爵公田祿田三篇。據經起例。旁求諸注。乃適如經之所有。其精密淹通於鄭賈注疏外。可為特出。又撰儀禮小疏一卷。取士冠禮。士昏禮。公食大夫禮。喪服。士喪禮。為之疏箋。足訂舊義之訛。又撰春秋左氏傳小疏尚書小疏各一卷。其果堂集十二卷。則多訂正經學之文。其於禮經服制。足補漢宋以前注疏家所未備。又撰氣穴考略。內經本論。卒年六十有五。景雲字少章。年十七。湯文正公撫吳。試士拔第一。補縣學生。康熙中。應順天試。不過館於藩邸。三年辭歸。時年四十。以母老絕意宦游。後藩邸再遣使敦促。漕師赫公命淮安守。造廬延請。皆堅謝不赴也。凡經史子集地理制度。下及禪官家。無不綜覽。而尤深於史學。溫公通鑑略能背誦。前明三百年事。能剖決其毫芒得失。所著讀書紀聞十二卷。綱目辨誤四卷。兩漢訂誤五卷。三國志校誤三卷。韓文校誤三卷。柳文校誤三卷。文選校正三卷。通鑑胡注正誤二卷。紀元考略二卷。文集四卷。篤於內行。親喪每慟輒絕。祭必涕泗沾衣。外和內剛。不因人熱。晚歲名益高。跡益晦。終年杜門。足不踏城市。朝齋暮盥。處之怡然也。子黃中。字和叔。號東莊。乾隆初。應博學鴻詞科。不遇。乃縱游南臨洞庭。登衡嶽。東浮錢塘。入閩北。馳驅燕齊。河岱間。學益精。為海甯陳相國所知。嘗上書相國。論用人理財。養兵數大事。鑿鑿切病。無少諱。曾有詔求骨鯁魁壘之士。如古馬。周陽城者。陳公欲以和叔應詔。和叔辭焉。初客湖南巡撫幕府。土苗或小釐。巡撫欲興師勦之。屬繕奏章。和叔曰。此召亂也。撫而輟之。其可弗聽。和叔行。已而苗叛。用兵期年。乃靖。在京

師最善山陰胡稚威。稚威故奇士。傲睨當世。士鮮當意者。顧獨為和叔。所著文必以見示。輒為發其壘。別其良。未嘗不相視而笑也。和叔卒年五十有九。貧甚。至不能庀喪。具姻黨以金賻。妻張氏固卻之曰。柰何以貧故傷夫子義。遂鬻居以葬。所著宋史彙一百七十卷。新唐書刊誤三卷。國朝謚法考三卷。殿閣部院年表。督撫年表。各六卷。詩文集四卷。

惠天牧先生事略

惠先生士奇。字天牧。一字仲儻。江蘇吳縣人。父周惕。字元龍。少從徐俟齋游。復受業於堯峰。康熙己未。舉鴻詞科。丁憂不與試。卒未成進士。選庶吉士。改密雲縣知縣。卒於官。惠氏三世以經學著稱。元龍其創始也。所著有易傳春秋三禮問。及詩說。其論詩。謂大小雅以音別。不以政別。謂正雅變雅。美刺錯陳。不必分六月以上為正。六月以下為變。文王以下為正。民勞以下為變。謂二南二十六篇。皆房中之樂。不必泥其所指何人。謂天子諸侯。均得有頌魯僭。非僭。立論皆有依據。先生生時。元龍夢賁人來謁。視其刺。則東里楊文貞公。遂以文貞名之。弱冠為諸生。不就省試。或問之。則曰。胸中無書。焉用試。為於是奮志讀書。不久遂博通六藝。凡九經。經文。國語。戰國策。楚詞。史記。漢書。三國志。皆能闡誦。嘗與名流會。座中有客前請曰。聞君熟於史。漢試為誦封禪書。先生朗誦。終篇不失一字。合座皆嘆服。康熙戊子。舉鄉試。第一。明年成進士。選庶吉士。授編修。分校癸巳乙未會試。聖祖嘗問廷臣。誰工詩賦。閣學許公廷錫以華亭王公頊。於仁和湯公右曾。及先生名對。其後湯公嘗

翰林院詞臣撰擬文字。皆送先生改定。乃進呈。己亥正月。太皇太后升祔。禮成。特命祭告
友帝陵。舜陵。故事祭告。使臣學士以上皆開列。先生以編修與焉。異數也。庚子主湖廣
鄉試。冬。奉督學廣東之命。下車日。焚香設誓。不妄取一文。不妄徇一情。頒條教以通經為
先。士能背誦五經。背寫三禮左傳者。諸生食廩餼。童子青其衿。嘗言漢蜀郡僻陋。有蠻夷
風。文翁為蜀守。選子弟就學。遣雋士張寬等。東授七經。還以教授。其後司馬相如王褒嚴
尊楊雄相繼而起。文章冠天下。漢之蜀。猶今之粵也。於是毅然以經學倡。每試士。扃門後
即危坐堂上。溫經史。繞座背誦。不一字遺。諸生大驚。曰。吾屬非人矣。乃一粹於學。世宗御
極。復命留任三年。算士爭棄免團冊。通經者愈多。其為文章。郁郁芊芊。比於江浙矣。又謂
今之校官。古博士也。博士明於古今。通達國體。今校官無博士之才。弟子何所效法。因訪
輿論。得海陽進士翁廷資。即具疏題補韶州教授。部議學臣向無題補屬吏例。奉旨。惠士
奇官聲好。著照所請行。後不為例。在任。遷右中允。超擢侍講學士。轉侍講學士。任滿。還都。
送行者如堵牆。既去。粵人尸祝之。設木主配食先賢。潮州於昌黎祠。惠州於東坡祠。廣州
於三賢祠。每元旦及生辰。諸生皆肅衣冠入拜。其得士心如此。丙午還朝。丁未五月。奉旨
修理鎮江城。以產盡停工罷官。高宗即位。有旨。調取來京。引見。以講讀用。所欠修城銀得
寬免。丁巳六月。補侍講。時已垂老。耳漸聾。己未春。以病告歸。辛酉三月卒。年七十有一。先
生盛年兼治經史。晚年尤邃於經學。撰易說六卷。禮說十四卷。春秋說十五卷。其論易曰。

易始於伏羲。盛於文王。大備於孔子。而其說猶存於漢。不明孔子之易。不足與言文王。不明文王之易。不足與言伏羲。舍文王孔子之易。而遠問庖犧。吾不知之矣。漢儒言易。五喜以卦氣。京房以適變。荀爽以升降。鄭康成以爻辰。虞翻以納甲。其說不同。而指歸則一。皆不可廢。今所傳之易。出自費直。費氏本古文。弼盡改為俗書。又創為虛象之說。遂舉漢易而空之。而古學亡矣。易者象也。聖人觀象而繫辭。君子觀象而玩辭。六十四卦皆實象。安得虛哉。其論春秋曰。春秋三傳。事莫詳於左氏。論莫正於穀梁。韓宣子見魯春秋曰。周禮盡在魯矣。然則春秋本周禮以紀事也。左氏褒貶。皆春秋諸儒之論。故紀事皆實。而論或未公。公羊不信國史。惟篤信其師說。師所未言。則以意逆之。故所失常多。要之左氏得諸國史。公穀得之師承。雖互有得失。不可偏廢。後世有王通者。好為大言以欺人。乃曰。三傳作而春秋散。於是啖助趙匡之徒。爭攻三傳。以伸其異說。夫春秋無左傳。則二百四十年。盲馬如坐闇室中矣。公穀二家。即七十子之徒。所傳之大義也。學者當信而好之。擇其善而從之。若徒據孟子盡信書不如無書之說。力誅而痛詆之。吾恐三傳廢。而春秋亦隨之而亡也。其說周禮曰。禮經出於屋壁。多古字古音。經之義存乎訓。識字審音。乃知其義。故古訓不可改也。康成注經。皆從古講。蓋字有音義相近而譌者。故讀從之。後世不學。遂謂康成好改字。豈其然乎。康成三禮。何休公羊。多引漢法。以其去古未遠。故借以為泥。賈公彥於鄭注。如飛矛扶蘇。薄借纂之類。皆不能疏。所讀之字。亦不能疏。輒曰從俗讀。甚非不

知蓋闕之義。夫漢遠於周。而唐又遠於漢。宜其說之不能盡通也。况宋以後。子周秦諸子。其文雖不盡雅馴。然皆可引為禮經之證。以其近古也。幼時讀廿一史。於天文樂律二志。未盡通曉。及官翰林。因新法究推步之原。著交食舉隅二卷。言測日食者。先求食限。食限必在兩交。去交近則食。遠則否。有入食限而不食者。未有不入食限而食者也。古法不能定朔。故日食或在晦。說者謂日之食。晦朔之間。月之食。惟在望。此知二五而不知十也。日月有平行。有寔行。有視行。日月之食。亦有寔食。有視食。實食者。日月在天。相掩之寔度。視食者。人在地所見之初虧。食甚復圓也。古術或知求寔行。莫知求視行。皆知求平朔。莫知求寔朔。故不能定朔者。以此七政有高卑。故有恒星。天有五星。天有日。天有月。天古人以恒星最高。遂指恒星為天體。新法於恒星天之外。又有宗動天。合於九重之數。宗動者。七政之所同宗也。沈括謂日月星辰之行。不相觸者。氣而已。此不知厯象者也。如日月有氣而無體。則月馬能掩日哉。日高而月下。五星亦有高下。高下既殊。又馬能相觸乎。春秋日有食之既。既者。有繼之辭。非盡也。新法謂之金錢食。日大月小。月不能盡掩日光。故全食之時。其中闕然。而光溢於外。狀若金錢也。又撰琴瑟理數考四卷。其略云。十二律黃鐘至小呂為陽。蕤賓至應鐘為陰。陽用正而陰用倍。蕤賓長。小呂短。黃鐘中。自古相傳之舊法也。晉永嘉之亂。有司失傳。梁武帝始改舊法。黃鐘長。應鐘短。小呂中。由是陽正陰倍之法絕。漢魏律遂小呂一均之下。徵調黃鐘為宮。有小呂。無蕤賓。故假用小呂為變徵。黃鐘

遂之。黃鐘宮為正宮，小呂遂之。黃鐘宮為下宮，徵最小而以為宮，故為下宮。清鄭譯遂以黃鐘正宮當之，擅去小呂用蕤賓，以附會先儒宮濁羽清之說。夫宮濁羽清者，指下徵調而言，譯改為正宮，是以歷代之樂，皆患聲高，隋唐以來，惟奏黃鐘一均，而旋宮之法廢矣。古法盡亡，獨存於琴，遂孔疏密，取則琴暉，琴之十二律，起於中暉，遂之七音，生於宮孔。黃鐘遂從宮孔，黃鐘始一上一下，終於蕤賓，琴自中暉，黃鐘始一左一右，終於十暉，小呂餘遂及琴，故此書成，惟嘉定王進士怡見而嘉之，餘皆莫能解也。所著詩有紅豆齋小草，詠史樂府，及南中米蕪歸耕人海諸集，晚年自號半農居士，學者稱紅豆先生，子七人，棟最知名，自有傳。

陳亦韓先生事略 附 蔡德音

陳先生祖范，字亦韓，自號見復，江蘇常熟人，少習舉業，有師法，雍正元年，黃侍郎叔琳典試江南，所取皆一時名士，先生與嘉定張公鵬、泚，宜興任公啟運、當塗徐公文靖，才尤高，試文傳頌遍海內，其秋試禮部中式，同邑將文肅廷錫方為大學士，語之曰：子有盛名，登甲榜，而某又在朝，今歲大魁，非子而誰？先生默然趨出，即辦裝南下，語人曰：無使他日以我為依，附權門，遂不與殿試歸，明年補行正科，親友皆勸赴廷對，先生曰：吾少無溫飽之心，徒自苦矣，為及今尚可止，過此則義不當止，勢又不得自止矣，於是僻處華漚之濱，槌戶讀書，弟子著錄者日眾，聞與吟社諸老唱和，月一燕集，居數年，有詔天下設書院以教士。

諸大吏爭先延請為師。先生勉應之。在蘇州紫陽書院三年。訓課有法。士子至今思之。又主徐州之雲龍。安慶之敬敷。揚州之安定。或一年。或二年。輒辭去。曰：士習難醜。師道難立。且此席似宋時。祠祿仕而不遜者處焉。吾不求仕而久與其列。為汗顏耳。乾隆十五年。天子崇尚經術。特詔內外大臣薦舉經明行修之士。秦文恭、惠田昌言曰：不得陳某。則此舉為無光。於是雅知先生者。交章列薦。明年上命閣部大臣於所舉中核其名實。允孚者得四人。先生哀然居首。其三人則無錫顧棟高、金匱吳鼎介、休梁錫璠也。得首皆授國子監司業。先生與顧公以年老不任職。即家拜受新命。朝野咸以為異數云。又三年卒於家。年七十有九。所撰述有經咫一卷、膺薦時錄呈御覽、又文集四卷、詩集四卷、掌錄二卷。先生於學務求心得。不喜馳聘。其說與古人爭勝。尤耻勸襲成言。為己有。蓋合於論語之君子儒焉。其論易不取先天之學。謂易本隱以之顯。學易者務全顯而求隱。未求文字。先觀圖象。且帝出於震一節。方位顯然。以數往知來。為先天圖之注脚。未免牽合。儒者於經所無則信之。於經所明言則疑之。何也。論詩謂朱子不信小序。是其慎處。亦即其師心自用處。詩之體格古今不同。作詩之故亦古今不同。古時君民朝野。不若後代之濶絕。指陳時事。譏切宮闈。不若後代之忌諱。朱子以後代詩人之習。上觀三百篇。故於小序。覺其迂濶牽強而難信也。謂論語賢賢易色。王夫婦而言。賢賢如關雎之淑女好逑。車牽之令德來教。好德非好色。故云易色也。造端夫婦。其理甚大。若賢人之賢。則交友一倫。已括之。

矣。又言世俗有非禮之禮。三承重也。繼嗣也。葬服也。古者人子有為父後。不為父後之分。漢時詔令。尚云賜為父後者爵一級。為後者承爵祿。奉宗祀。而傳之以重者也。應為後之子。亡則適孫承之。而謂之承重。今士大夫不世爵。既無重可傳。而漫於喪。立長孫承重之條。遂駕名諸父之前。禮果然乎哉。古之為人後者。後其繼別之宗耳。宗不可絕。是以後之。若餘人無子。不皆立後。其資財入宗子之家。以宗子祭無後故也。自宗法廢。而收族之道亡。資財無所入。勢必立其近屬。以奉祭祀。然風俗澆薄。無資財者。委而去之。稍有餘粟之貽。即攘臂而爭。此禮所稱為人後者。與憤軍之將。亡國之大夫。同其可耻者也。古之葬有常期。過期而不能葬。則主喪者不除服。改葬則總者不可以無服。送至親也。今葬無常期。遠者至一二十年。為子者。既不能守不葬不除之禮。即吉已久。忽然返其初喪之服。而葬。是以偽事其親也。喪事有進無退。不亦舛乎。必不得已。假用改葬之總。事畢而除之。或亦亡於禮者之禮也。又與人論史記。謂班孟堅譏子長。先黃老而後六經。此子長述其父說則然。其所撰五帝本紀贊。首推尚書。列傳開端。云載籍極博。猶考信於六藝。可謂之後六經乎。列老子於申韓。而進孔子為世家。稱老子不過云古之隱者。而於孔子申。可謂至聖矣。至聖之稱。至今用為廟號。匹夫而躋世家。即世世襲封之兆也。弟子七十餘人。合為一傳。即堂廡從祀之端也。以孟荀表諸子。又隱然以孟子為王。韓退之荀孟醜疵之弊。子長已有先覺。竊謂孔氏之道。得子長而始定一尊。雖從祀廟庭。亦不為過。而班氏譏之不

能不為之白也。同縣王侍郎峻。顧主事鎮。孫主事夢遠。湯進士愈。先後游其門。皆知名。又有蔡先生德晉者。字仁錫。無錫人。如雍正四年舉人。乾隆初。楊文定公名時。以大宗伯兼領成均。薦仁錫。經明行修。授國子監學正。遷工部司務。生平覃精三禮。著禮經本義十卷。禮傳本義二十卷。通禮五十卷。雖間出新義。然大旨悉衷諸古。嘗謂橫渠以禮教人。最得孔門博約之旨。故其律身甚嚴。出處辭受。皆不苟。與方侍郎如李侍郎統。往返論三禮。其持論悉有根據。

臧玉林先生事略 附 臧庸 臧禮堂

臧先生琳。字玉林。江蘇武進人。康熙間補縣學生。其學謂不假訓詁。無以明經。治經當以漢唐注疏為主。著經義雜記三十卷。尚書集解百一十卷。別白精審。寔事求是。未嘗輕詆前哲。至於詩禮二經。王肅私竄。以難鄭氏者。尤能推見至隱。先生玄孫庸。學於盧抱經。學士。學士校經典釋文。見先生書。多引其說。庸字拜經。初名鏞堂。性沈默。樸厚。學術精審。作拜經日記十二卷。拜經堂文集四卷。又嘗輯月令雜說一卷。孝經考異一卷。樂記二十三篇注一卷。又輯子夏易傳二卷。詩考異四卷。韓詩遺說三卷。訂謠一卷。盧植禮記解詁一卷。爾雅古注三卷。說文舊音考三卷。蔡邕明堂月令章句一卷。王肅禮記注一卷。聖證論一卷。帝王世紀一卷。尸子一卷。賈堂國語注一卷。蕭該漢書音義二卷。校鄭康成易注二卷。皆有補於遺經。庸弟禮堂。字和貴。少溺苦於學。家貧無僕役。躬執爨以養父母。父病瘥。

畏寒惡火。和貴每以身溫被。父喪三日不食。三年不入內。母疾。割股以進。禱諸神。請減壽一紀以益母。母愈。而和貴竟夭矣。年止三十。其初娶也。懼婦不能孝其親。作七言辭以教婦。婦至。使人抗聲誦。俾立聽畢。而後合。朱文正公嘗稱其文行。阮文達撫浙。聘襄。詰經精舍。以持服避之。許冠墨纓。方入使院。友于兄弟。有過則諫。必改乃止。好許氏說。文作說文引經考十三卷。侵君玉裁。王君引之。皆歎其精確。又嘗錄傳記孝子孝婦孝孫諸節。行凡數百卷。尤有裨於倫紀云。

清朝先正事略卷之三十四

平江李元度次青纂

經學

顧震滄先生事略

(附)

吳鼎

梁錫璣

先生顧姓名棟高字震滄又字復初江蘇無錫人康熙六十年進士授內閣中書雍正中引見以奏對越次罷職乾隆十五年特詔內外大臣薦舉經明行修之士明年於所舉中核其名實允孚者得四人則先生及陳公祖范吳公鼎梁公錫璣也得旨皆授國子監司業先生以年老不任職辭遂賜司業銜許其歸會皇太后萬壽入京祝嘏特賜召見御製七律二章賜之二十二年高宗南巡召見行在賜祭酒銜并御書傳經耆碩四字二十四年卒年八十有一先生所學合宋元明諸儒明逕而一之援新安以入金谿為調停之說著大儒粹語二十八卷又著春秋大事表百三十一篇條理詳明議論精核多發前人所未發毛詩類釋二十一卷采錄舊說發明經義至為謹嚴又尚書質疑二卷四庫書題要謂其多憑臆斷蓋先生窮經之功春秋為最書則用力少也乾隆四十八年詔修國史儒林傳首舉先生名謂如顧棟高輩豈可不為表章館臣遂創儒林傳以先生為始其見重如此吳先生鼎字尊彝金匱人乾隆九年舉人以薦舉經學校司業權侍講學士降調侍講所著有易例舉要二卷十家易象集說九十卷宸宋俞璣元龍仁夫明來知德等十家

易說以繼李鼎祚董楷之後其東筮學案則專攻陳建學詁通辨作也其兄羅亦通經術深於易三禮梁先生錫璵字確軒山西介休人雍正二年舉人以經學薦特旨授司業與吳先生同食俸視事不為定員應官祭酒少詹事膺薦時以所撰易經撥一呈御覽吳先生並蒙召對高宗面諭曰汝等以經學保舉皆積學所致不似他途倖進朕是以用汝等教士又曰窮經為讀書根本但窮經不徒在口耳在躬行實踐汝等能躬行實踐方可教人皆頗首稱謝出尋有旨吳鼎梁錫璵所著經學著派翰林中書官各二十人在武英殿各繕一部進呈官給筆札原書仍發還其令梁詒正劉統勳董其事稽古之榮海內所希有也

徐位山先生事略

徐先生文靖字位山安徽當塗人雍正元年舉江南鄉試典試者為黃侍郎叔琳試歸語人曰他人但以榜中有狀頭為榮耳吾得三人曰任啟運陳祖范徐文靖其學皆博而醇今世大手筆也乾隆丙辰先生舉博學鴻詞科試未入格十七年復薦經學授檢討生平考據經史講求實學著周易拾遺十四卷禹貢會箋十二卷山河兩戒考竹書統箋十二卷管城頌記三十卷其言易主程氏而於漢魏之說亦有發明其說禹貢因胡舄明所已言而更推所未至故較錐指益精密惟信山海經竹書紀年太過則好古之僻也管城頌記推原許禮諸經考及子史說部語必求當全謝山嘗服其考據精博乾隆初張詹事臚

稱嘗以管城碩記山河兩戒考進呈御覽先生耄年猶健低頭據案著書不輟年九十餘乃卒。

江慎修先生事略

浙江 江城 金榜

江先生永字慎修安處婺源人少就外傳見邱濬大學衍義補中多徵引周禮卽求得周禮熟讀之為諸生數十年槌戶被徒束脩所入盡以購書遂博通古今尤專心於十三經注疏自壯至老丹黃不去手嘗一遊京師朝廷方開三禮館方侍郎苞素精三禮聞先生名願一見見則以所疑士冠禮士昏禮中數事為問先生從容置答乃大歎服吳編修絳於儀禮功頗深及交先生質以三禮中疑義往復辯難歎曰先生非常人也曾詔舉經明行修之儒有薦先生者力辭免休甯戴震少不譽於鄉曲先生獨重之引為忘年交震之學得諸先生為多乾隆二十七年三月卒年八十有二所著有周禮疑義舉要六卷禮記訓義擇言六卷深衣考誤一卷律呂闡微十一卷春秋地理考實四卷鄉黨圖考十一卷讀書隨筆十二卷古韻標準六卷四聲切韻表四卷音學辨微一卷推步法解五卷七政衍金水二星發微冬至權度恒氣注恩辨歲實消長辨恩學補論中西合法擬草各一卷其禮書綱目八十八卷哀集經傳釐析篇章足終朱子未竟之緒其近思錄集注十四卷病近本破碎仍還原書次第皆有關學術之大者先生讀書好深思長於比勘於步算鐘律聲韻尤精其論歲實消長曰日平行於黃道是為恒氣恒歲實因有本輪均輪高衝之

差而生盈縮。謂之視行。視行者。日之實體所至。而平行者。本輪之心也。以視行加減。平行。故定氣時刻多寡不同。高衝為縮。末盈初之端。歲有推移。故定氣時刻之多寡。且歲歲不同。而恒氣恒歲實終古無增損也。當以恒者為率。隨其時之高衝。以算定氣。而歲實消長。可勿論。猶之步月行者。先有平朔平望之策。以求定朔定策。而此月與彼月。多與朔策幾何。少於朔策幾何。不必計也。其論黃鐘之宮曰。呂氏春秋稱伶倫作律。先為黃鐘之宮。次制十二簡。以別十二律。黃鐘之宮者。黃鐘半律。後世所謂黃鐘清聲也。唐時風雅十二詩。議以清黃起調。畢曲。琴家正宮調。黃鐘不在大絃。而在第三絃。合於古者黃鐘宮為律本之意。聲律自然。古今不異也。伶州鳩論七律。而及武王之四樂。夷則無射曰。上宮黃鐘大。籥曰。下宮。蓋律長者用其清聲。律短者用其濁聲。古樂用均之法。雖亡。而因端可推。韓子外儲篇曰。琴以小絃為大聲。大絃為小聲。雖詭辭。以譏然。因是知古者調琴之法。黃鐘大。呂大。蕤夾。鐘姑。洗仲。呂。蕤賓。用半。而居小。絃。林鐘。夷則。南呂。無射。應鐘。用全。而居大。絃也。管子書。五聲徵羽宮商角之序。亦如此。其說易卦變曰。卦變之義。言人人殊。當於反卦取之。否反為泰。泰反為否。故曰。小往大來。曰。大往小來。是其例也。彖傳言來言下言反者。自反卦之外卦。來居內卦也。言往言上言進言升者。自反卦之內卦。往居外卦也。其論春秋軍制。云。儒者多稱井田廢。而兵農始分。考春秋之世。兵農固已分矣。管仲參國伍鄙之法。齊三軍出之。十鄉十有五。公與國子高子分率之。而鄙處之。農不與也。為農者治田供稅。

不以隸於師旅也。鄉田但有兵賦，無田稅，似後世之軍田屯田。此外更無養兵之費。晉之始，惟一軍，既而作二軍，作三軍，作五軍，既舍二軍，旋作六軍，後為四軍，以新軍無帥，而復三軍。其既增入，損也。蓋除其軍籍，使之歸農。若軍盡出於農，則農民固在，安用屢易軍制乎？隨武子曰：楚國荆尸而擊，商農工賈，不貲其業。此農不從軍之證也。魯之作三軍也，季氏取其乘之，父兄子弟盡征之。孟氏取半焉，以其半歸公。叔孫氏臣其子弟，而以其父兄歸公。所謂子弟，皆兵之壯者也。父兄者，兵之老者也。皆其素在軍籍，隸之卒乘者，非通國之父兄子弟也。其後舍中軍，季氏擇二，二子各一，皆盡征之，而貢之於公。若民之為農者，所出田稅，自仍歸之君。故哀公曰：二吾猶不足。三家雖專，亦惟食其采邑，豈嘗使通國之農盡屬已哉？陽虎壬辰戒都車令，癸巳至此。近都之民為兵之證，其野處之農固不為兵也。其論深衣之制曰：後儒為深衣圖考者數十家，大率踵裳交解十二福之譌，而續衽鉤邊，致滋異說。考玉藻篇言社當旁，則非前後之正幅矣。鄭氏注云：衽謂裳幅所交裂也。則在旁名衽者，交裂而餘幅不交裂也。續衽者，裳之左旁連合其衽。鉤邊者，裳之右旁別用布一幅斜裁之，綴於後衽之上，使鉤曲而前，以揜裳際。漢時謂之曲裾。故鄭注云：鉤邊若今曲裾也。其解論語攝齊升堂曰：古者諸侯三朝，外朝治朝，皆有位而無堂。古之朝儀甚簡。日出視朝，君與卿大夫士相揖而朝事畢。君反乎路寢，卿以下各就治事之所。君召與圖事，乃入內朝。內朝有堂有寢。孔子攝齊升堂，謂內朝。非治朝也。路門為君乘車出入之

地故考工記云。路門不容乘車之五介。治朝在路門外。若治朝有堂。礙於車行。矣禮記言
雨雪服失容則廢朝。此亦治朝無堂之證。先生於經傳制度名物。考稽精審。多類此。先生
未之辨明。則其說具載方策中。而人顧莫之見。及指以示人。則皆恍然自失。而不啻其心
所欲言。蓋其義自漢儒修補以來。歷魏晉唐宋元明二千餘年。代加修闡。有直至今日始
明者。非好學深思。不能知其意也。然先生闡述宋五子之書。凡數十卷。世皆未之見。顧僅
傳其考證之書。世之尊先生者。又豈足以盡先生哉。先生論古韻。謂考古音者。昉於吳才
老。崑山顧氏。援證極精。灑然顧氏考古之功多。審音之功淺。必按其呼等。察其偏旁。參以
古音。乃無遺恨。歿後一年。詔修音韻述微。秦尚書蕙田請於朝。令江南督臣。徵取先生所
著韻書三種。進呈。館以備採擇。家故貧。其居鄉。嘗稱春秋傳。豐年補助之義。以語鄉人。
乃相與輸田輸穀為義倉。行之三十年。鄉人不知有饑歲。同縣有汪雙池先生者。與齊名。
汪先生名統。字燦人。雙池其別字也。初能言。母江氏。口授四子書五經。八歲悉成誦。自是
讀書稟母教。未嘗從師。母歿。父淹滯金陵。泣往迎。父曰。吾無家安歸。叱之。逐先生無以
自活。為景德鎮畫盤傭。且傭且讀。旋館楓嶺浦城門。補邑諸生。父卒。慟幾絕。扶襯而歸。先
生二十以後。著書十餘萬言。旁及百氏九流。及壯盡焚之。自後凡有述作。皆從反身切己。
而此博極兩漢六代諸儒疏義。而一以宋五子之學為歸。其論格物也。謂格訓至。自程子
始。然格字本有至到之訓。如書言格於上下。格於皇天。格於上帝。皆至到之義。又如荀

格。祖考來格。則又來字之義也。詩云有物有則。上文致知致字。為推致之義。甚明。則格物為窮致物理。亦甚明矣。凡物雖在外。而物之理本皆備於吾心。但吾心之知虛而在物之理實。故欲推及吾心之知。必須實從事物上。逐一體驗。蓋凡可學而知者。即皆吾心所固有之知也。而陸王家反疑其求之於外。過矣。先生所著。有易經詮義十五卷。尚書詮義十二卷。詩經詮義十五卷。春秋集傳十六卷。禮記章句十卷。或問四卷。參讀禮志疑二卷。孝經章句一卷。樂經律呂律解五卷。樂經或問三卷。讀陰符經一卷。讀參同契一卷。讀近思錄一卷。讀讀書錄一卷。讀困知記一卷。讀問學錄一卷。先儒晤語一卷。理學逢原十二卷。山海經存九卷。詩韻析六卷。物詮八卷。帝略四卷。琴譜一卷。醫林輯略探源九卷。戊辰談兵及六壬數論若干卷。大風集四卷。詩文集十二卷。先生著書博。而用力專。不求人知。功後。門人余元邁傳其遺書。董編修桂衷表章之。得稍稍行於世。婺源居萬山中。為朱子故里。流風餘澤所被。士多治樸學。不求仕進。而江慎修及先生最著。並祀鄉賢。有專祠。金先生榜。字蕊中。一字榮齋。歛人。慎修先生弟子也。乾隆三十七年。一甲一名進士。授修撰。性恬淡。養疴讀書。不復出。治禮宗鄭康成。博采舊聞。撰秘榷要。著禮箋十卷。復刺取其大者數十事為二卷。寄朱文正公珪。文正序之。稱為解精義。藪蕊中雖最尊康成之學。然於鄭義所未衷者。必糾舉之。於鄭氏家法。不敢誣也。

任鈞臺先生事略

先生任姓諱啟運字翼聖江南宜興人居荆溪近古釣臺世稱釣臺先生生而穎異歲未周母許指壁閒字為訓翼日復之對亦以指母喜日為常六歲從大父贊讀書大父志氣慷慨常舉古聖賢豪傑事相勸道及忠孝事則掀髯奮發或涕泗交頤九歲讀孟子終飲泣不食祖問故曰焉有讀無有乎爾二語不泣者乎祖指註云程朱去孟子千五百年得絕學於遺經今去朱子止五百年小子宜自勵漸次讀九經悉通貫大義嘗夢二龍蜿蜒飲硯池水覺而竊喜自負時從父大任經學為吳中大師從請業授以中庸性天之學惺然悟其宗旨益篤志力學以聖賢為必可為年三十一始籍於校食廩錄吳中號多名士大都遠聲利志取科名先生獨抱遺經講習意夷然不屑也雍正元年舉鄉試尋應聘修江南通志十一年春詔舉經學醞儒華亭張文敏公照升順天以先生名聞於朝會中禮部試應詔試性理論稱旨翼日召對使殿問太極圖大旨先生言如泉湧若不知身在殿廷者憲皇帝稱善授檢討入直上書房侍純皇帝及和親王學一日憲皇帝詢及內典對曰臣未之學也帝曰朕知卿非堯舜之道不陳耳自是恩禮加隆駸駸將大用矣純皇帝御極仍命傅皇子乾隆元年晉中允分校順天鄉試充日講起居注官授侍講遷侍講學士擢左僉都御史宗人府丞充三禮館副總裁先生自通籍後閒歲必遣其官或一歲數遷然每優以輔導之重未嘗跬步離講席也既受命總裁三禮以為生平志業所在幸得畢力於斯發凡起例編排無閒寒暑方侍郎苞李閣學紱負宿望館中莫敢與抗時方分

得周官李分得儀禮每有議論。至齟齬不相下。必折衷於先生。得一言而兩家之論定。嘗
早朝。上顧其年老有寒色。解貂裘賜之。令內侍扶之出。俄嬰未疾。賜醫藥存問。無何竟不
起。上聞之。嗟悼。爾日。賜內帑金以斂。時乾隆九年七月日也。年七十有五。先生忠孝性生。
事親克盡。菽水歡。有學使者。以重幣來聘。卻之曰。吾館里閑。時得定省。豈忍以多金。故達
離吾母耶。告養時年已六十矣。居父憂。喪葬盡禮。撫幼弟。有恩官副憲時。適河決淮南。畿
黎四出。詔出常平倉米賑之。先生疏言直隸北境及山西等處土廣人稀。宜乘時遣南民
以墾北土。募南土之明農者。仿古力田科。使為田師。相地勢高下。畫疆畝。時蓄泄道種。統
則瘠土可轉為沃土。且溝渠浚。則水有滯蓄。不至悉注於河。而河亦易治矣。在經筵時。成
講義六十篇。以進。上嘉納焉。少博覽。強記。諸子百家靡不探討。已以為汎濫無益。乃一意
治經成禮記章句十卷。以小戴禮四十九篇。非聖人所手定。漢儒前後損益篇次。頗多混
淆。大學中庸。朱子既成章句。則曲禮以下四十七篇。皆可釐為章句。但所傳篇次。悉遵唐
孔穎達本。非劉向馬融大小戴刪并之本。其序列分錯。初無義類可從。爰仿鄭康成序儀
禮例。更其前後。并為四十二篇。或刪其目。而以文類卷入。則如郊特牲問喪等篇。或補其
文。而以義類聯綴。則如士相見義朝義等篇。事以類次。分畫較然。凡有關倫紀之大。而為
秦漢元明輕變易者。必舉著其說。以俟後之論禮者酌取焉。又以儀禮特牲少牢饋食禮
三篇。皆士禮。因據三禮及他傳記之有關三禮者。推之。成肆獻裸饋食禮五篇。曰祭統曰

吉蠲曰朝踐曰正祭曰繹祭每篇各為節次不得於經則求之注疏以補之較勉齋黃氏祭禮尤精密儀禮一經久成絕學先生研究鉤貫條理秩然可與鄭注相參不愧窮經之目又以考古者必知宮室之制而後行禮之方位節次可明因考古宮室制度成宮室考十三卷繼乃潛心學易發憤探索恒徹夜不寐雍正庚戌九月六日忽神遊乾坤圖內身如委蛇遽見八卦劃然開朗乃魁蓋越旬有七日矣至是成易學洗心傳九卷謂論語五十學易即河圖洛書中數讀易須先從圖書推究故首刻圖象圖書以後太極兩儀四象八卦先天後天與夫錯縱變雜共立十六圖而各系以說原本先儒開以己意推廣之以李鼎祚所集三十餘家為宗每解一卦則合上下內外錯縱互變伏見諸體以盡其變推之天時人事以廣其義繫辭文言則以本義為宗而旁參眾論說卦序卦則推本於先天後天圖陰陽形象動靜剛柔見聖人所以闡明卦德卦位卦象之說雜卦傳孔子之序卦也此為孔子之易逐節反對中具有覺世牖民之義終之以夬者與文王終未濟同意初先生計偕入都時季冬初先生居前室忽若電光閃爍同舍詫異迹之先生方偃臥帷中蓋頂光逆露也其所得可知矣乾隆壬辰詔開四庫館有旨取所著入中秘其他四書約旨孝經章句白虎通正誥女教經傳通纂家禮酌竹書證傳任氏世錄清芬堂文集藏於家子翔登進士官吏部員外郎以經學世其家

先生姓全氏名祖望字紹衣一字謝山浙江鄞縣人。生有異稟書過目不忘。年十四補弟子員應行省試以古文謁查初白編修編修許為劉原父之儔充選貢入都上書方侍郎遂論喪禮或問侍郎大異之聲譽頓起尋舉順天鄉試出曹公一士門臨川李侍郎統見其行卷歎曰此深甯東發後一人也乾隆元年舉博學鴻辭即以是科成進士選庶吉士不與鴻博試時詞科尚未集臨川以問先生先生為疏記四十餘人各列所長以告會首輔張文和與臨川相惡又屢招先生不起以此深嫉之二年散館先生列最下等以知縣候選方侍郎欲薦入三禮館辭之歸不復出初見江陰楊文定公公稱其博而勉以有用之學先生曰以東萊止齋之學朱子尚識之何敢言博公曰但見及此則進矣先生既歸貧且病饗餼不給而好學益厲人有所勸皆峻辭屢主戴山端溪諸書院成就人材甚眾有閒益廣修粉社掌故桑海道聞表章節義如不及重登范氏天一閣撥金石舊編編為碑目且鈔其秘書經揚州居馬氏畬經堂成困學紀聞三纂論者謂在百詩義明二家之上至湖上適杭莖甫以閔重三日修楔事至者四十二人先生與焉遂訪方侍郎於涓園時方年八十矣猶七治儀禮戒先生不當為汗漫游陳勺山太僕再以書來速出山梁繡林少師擬特疏薦皆力辭之貽詩以見志二十年七月卒於家年五十有一先生負氣忤俗有節概相傳為錢忠介公肅樂後身其學淵博無涯涘於書靡不貫穿在翰林與臨川共借永樂大典讀之每日各盡二十冊時開明史館復為書六通遺之南歸後修南雷黃

氏宋元儒學案七校水經注續選甬上耆舊詩撰丙辰公車徵士小錄及詞科旌言先之以康熙己未百八十六徵士而接以乾隆丙辰書未卒業在端州釋奠禮成祀白沙以下二十有一人從前未有之典也先後答弟子董秉純張炳蔣學鏞盧錫等所問經史錄為經史問答凡十卷足啟後學卒後秉純等哀其文為鮎埼亭集又所著有漢書地理志稽疑古今通史年表同時浙東學者有戚世佐字庸三秀水人舉人官龍里知縣撰儀禮集編四十卷彙眾解而研辨之持論謹嚴無淺學空談輕排賈鄭之習又楊復儀禮圖久行世然其說皆本注疏而時有并注疏之意失之者庸三一一是正其於諸家謬誤辨證尤詳

焦里堂先生事略

焦先生名循字里堂江蘇甘泉人世傳周易之學少穎異八歲客阮氏辨壁上馮夷字曰此當如楚辭讀皮冰切不當讀如縱阮氏奇之遂字以如年十七丁父及嫡母憂八閱月未嘗櫛沐食卧不離喪次哀毀甚阮文達元督學山東浙江旋奉撫浙之命先後招先生往遊乾隆辛酉舉於鄉壬戌復從阮公遊浙有勸應禮部試且資之者先生以生母病辭之母竟以是冬卒先生哀毀如初服除遂開戶著書葺其老屋曰半九書塾復構樓曰雕菴有湖光山色之勝足不入城市者十餘年庚辰七月卒年五十有八先生博聞強記識力精卓於學無所不通於經無所不治而於周易孟子專勤成書其於易本有家學嘗疑一號咷也何以既見於袂又見於同人一拯馬壯也何以既見於復又見於明夷密雲不

雨之象何以小畜與小過同辭。甲庚三日之占。何以蠱象與巽象同例。乃徧求說易之書。讀之。撰述成帙。甲子後。復精研舊稿。悟得洞淵九容之術。實通於易。乃以數之比例。求易之比例。於是撰擬通釋一書。丁卯病危。以易未成。為恨。病瘳。屏他務。專治此經。遂成易通釋二十卷。自謂所悟得者。一曰旁通。二曰相錯。三曰時行。旁通者。在本卦初與四易。二與五易。三與上易。本卦無可易。則旁通於他卦。亦初通於四。二通於五。三通於上。先二五後初四。三上為當位。不俟二五。而初四三上先行。為失道。易之道。惟在變通。二五先行而上。下應之。此變通不窮者也。或初四先行。三上先行。則上下不能應。然能變而通之。仍大中而上下應。如乾四之坤。而成小畜。復失道矣。變通之小畜。二之豫。五姑二之復。五復初不能應。始初則能應。小畜四不能應。豫四則能應。坎四之離。上成井。豐失道矣。變通之井。二之噬嗑。五豐五之渙。二豐上不能應。渙上則能應。井三不能應。噬嗑三則能應。此所謂時行也。比例之義。出於相錯。如睽二之五。為无妄。井二之噬嗑。五亦為无妄。故睽之噬嗑。即噬嗑之噬嗑。坎三之離。上成豐。噬嗑上之三。亦成豐。故豐之日昃。即離之日昃。豐之日中。即噬嗑之日中。漸上之歸妹。三歸妹成大壯。漸成蹇。蹇大壯相錯成需。故歸妹以須。之即需也。歸妹四之漸。初漸成家。人歸妹成臨。臨通遯。相錯為謙。履故眇。能視。跛能履。臨二之五。即履二之謙。五之比例也。易通釋既成。復撰其要。為圖略八卷。凡圖五篇。原八篇。發明旁通相錯時行之義。論十篇。破舊說之非。復成章句十二卷。總稱雕菰樓易學。三書共四

十卷先生易學既成隨筆記錄二十卷曰易餘齋錄凡友朋門弟子所問答及於易者復錄存二卷曰易話自癸酉立目錄自稽所業得三卷曰注易日記又有易廣記三卷先生易學不拘守漢魏各師法惟以卦文經文比例為主號咷密雲蹤跡甚顯藜藿樽酒假借可據如郭守敬之以實測得天行也既又著孟子正義三十卷疏趙岐之注兼採近儒數十家之說而以己意折衷合孔孟相傳之正指又著六經補疏說曰說漢易者每屏王弼之說然弼之解箕子乃用趙賓說孔穎達不能申明之他如讀彭為亭借雍為甕通孚為浮而訓為務躁解斯為廡而釋為賤役蓋以六書通借之法解經尚未達於馬鄭諸儒惟貌為高簡故疏者視為空論耳因作周易王氏注補疏二卷說尚書者多以孔傳為偽然堯典以下至秦誓其篇固不偽也即魏晉人作傳亦何不可存因舉其說之善者如金縢我之不辟訓辟為法居東即東征罪人即管蔡大誥周公不自稱王而自稱成王之命皆非馬鄭所能及作尚書孔氏傳補疏二卷毛鄭義有異同然正義往往離鄭於毛比毛於鄭而聲音訓詁疏略亦多因撰毛詩鄭氏箋補疏五卷春秋成而亂臣賊子懼左氏傳云稱君君無道稱臣臣之罪杜預且揚其詞而暢衍之與孟子之說大悖預為司馬懿女壻目見成濟之事將有以為昭飾且有以為懿師飾即用以為己飾此左氏春秋集解所以作也萬氏充宗斥左氏之嬖惠氏半農顧氏棟高糾杜氏之失然未有摘其奸而發其覆者漢春秋左傳杜氏集解補疏五卷謂禮以時為大節千萬世制禮之法而訓詁名物亦

所宜究。撰禮記鄭氏補疏三卷。論語一書。所以發明伏羲文王周公之指。其文簡奧。惟孟子闡發最詳。最覺論語一書之中。參伍錯綜。引申觸類。其互相發明者。亦與易例同。撰論語何氏集解補疏二卷。合之為六經補疏二十卷。先生游浙。因阮文達考浙江原委。以證禹貢三江。乃撰禹貢鄭注釋一卷。專明班氏鄭氏之學。謂王伯厚詩地理考繁雜無所融貫。作毛詩地理釋四卷。又仿戴東原孟子字義疏證撰論語通釋一卷。凡十二篇。曰聖曰大曰仁曰一貫忠恕曰學曰知曰能曰權曰義曰禮曰仕曰君子小人。又撰羣經宮室圖二卷。為圖五十篇。毛詩鳥獸草木蟲魚釋十一卷。陸璣疏考證一卷。又錄當世通儒說尚書者四十一家。書五十七部。仿衛湜禮記之例。以時之先後為序。得四十卷。曰書義叢鈔。先生思深悟銳。尤精於天學算術。謂梅徵君弧三角舉要。環中黍尺撰。非一時蘇復無次。戴庶常句股割圓記。務為簡奧。變易舊各撰釋弧三卷。錢詹事稱是書。於正弧斜弧次形。矢較之用。理無不包。法無不備。嘗與詹事論七政諸輪。詹事復書云。推闡入微。以實測之。數假立法象。以求其合。尤為洞徹根源。先生以弧線之生。緣於諸輪。輪徑相交。乃成三角。輪之弗明。法無從附也。撰釋輪二卷。又謂康熙甲子應書。用諸法。法。雍正癸卯應書。用精圓法。實測隨時而差。則立法亦時而改。撰釋橢一卷。又謂劉徽之注九章算術。猶許氏慎之撰說文解字。講六書者。不能舍許氏之書。講九章者。亦不能舍劉氏之書。九章不能盡加減乘除之用。而加減乘除可以通九章之窮。作加減乘除釋八卷。先生與吳縣李尚之銳。歙縣汪耆嬰。

蔡商論算學是時李仁卿秦道古之書。兩君未之見也。乙卯先生得益古演段測圓海鏡二書。急寄尚之。尚之為之疏通證明。先生又得秦氏所為數學大略。因撰天元一釋二卷。開方通釋一卷。以述兩家之學。於帶分寄母同數相削之故。條分縷晰。發揮無餘。繆自李樂城郭邢臺之後。為此說者。未知此妙也。李樂城之學。先生既撰天元一釋。以闡明之。而測圓海鏡。益古演段。兩書不詳開方之法。以常法推之。不合讀者。仍不能豁然。嗣得秦道古數學元章。有正負開方法。因作開方通釋。詳述其義。後命其子琥。列益古演段六十四問。用正負開方法推算之。因以同名相加。異名相消。用起用變之法。詳示琥。琥乃得以秦氏之法。讀李氏之書。布算推策。一一符合。六十四問。每問皆詳畫其式。先生喜曰。得此而演段可讀矣。即命名曰。益古演段。開方補。以附里堂學算記之末。先生善屬文。最愛柳州。謂唐宋以來一人而已。後人多片柳州為王叔文黨。先生為雪之。且曰。田山蘊馮山公王西莊三先生。於叔文事。皆立論平允。足洗不讀書者隨聲附和之陋習。生平於治經外。如詩詞醫學。形家九流之書。無不通覽。表章先正。作北湖小志六卷。又撮拾揚州雜文舊事。為目錄一卷。名曰足徵錄。又成刑記六卷。每得一書。必識其顛末。有所契則手錄之。如是者三十年。成禮堂道聽錄五十卷。又舉清朝人著述三十二家。作讀書三十二篇。文集手訂者。曰雕菰樓集二十四卷。詞三卷。詩話一卷。性誠樸。敦孝友。恬淡寡欲。惟以著書為事。湖山自娛。壯年即名重海內。錢辛楣王西莊程易田諸先生。皆推欵之。英煦齋家宰序其

易學。以為發千古未發之蘊。子琬能讀書傳其學。

惠松崖先生事略

惠先生棟字定宇。號松崖。侍讀學士。士奇次子。初為吳江縣學生。改歸元和籍。幼承家學。自經史諸子百家。雜說釋道二藏。靡不津逮。臨川李公紱一見奇之。曰：仲孺有子矣。學士視學粵東。先生從之。任所粵中高才生。蘇珥羅天尺。何夢瑤。陳海六。時稱惠門四子。嘗入署講論文藝。與先生為莫逆交。至於學問該洽。則四子皆自以遠不逮也。及學士被讒毀家。修城先生往來京口。困甚。遭兩喪。不以貧廢禮。中年課徒自給。行義至高。雖極困。得財輒分與同氣。未嘗輕事干謁。陋巷屢空。坦如也。每得善本書。傾囊弗惜。或借讀手鈔。校勘精密。於古書之真偽。瞭然若辨黑白。乾隆十五年。詔舉經明行修之士。總督尹文端繼善。黃文襄廷桂。交章論薦。有博通經史。學有淵源之稱。然先生於兩公。非有半面識也。五十年後。尤邃於易。謂宣尼作十翼。其微言大義。七十子之徒相傳。至漢猶有存者。自王弼興。而漢學亡。幸存其略。於李氏集解中。精研三十年。引伸觸類。始得貫通其旨。乃撰次周易述一編。專宗虞仲翔。參以荀鄭諸家之義。約其旨為注。演其說為疏。漢學之絕者。千有五百餘年。至是而燦然復章矣。書垂成而疾革。遂闕草。至未濟十五卦。及序卦雜卦二篇。孔氏正義。據馬融陸績說。以爻辭為周公所作。與鄭學異。其所執者。明夷六五。云：箕子。升六四。云：王用享岐山。皆文王後事也。先生獨辨之於明夷之五。曰：箕子。當從古文作其字。其古

音亥亦作箕。劉向云。今易箕子作亥。茲荀爽據以為訛。讀箕子為亥。茲其與亥子與亥文異而音義同。三統術云。該闕於亥。孽萌於子。該亥亦同物也。五本坤也。坤終於亥。乾出於子。用晦而明。明不可息。故云。其子之明夷。馬融俗儒不識。七十子傳易之大義。讀其為箕。蓋涉彖傳而譌。五為天位。箕子臣也。而當君位。乖於易例甚矣。謬種流傳。先於西漢博士施讎。讀其為箕。蜀人趙賓述孟氏之學。以為箕子明夷。陰陽氣無箕子。箕子者。萬物方亥。茲也。賓據古義。以難諸儒。諸儒皆屈。於是施讎梁邱賀皆嫉之。孟喜與讎賀同事。田王孫喜未貴。而學獨高。喜所傳易家。極陰陽災變書。得自王孫。而賀惡之。謂無此事。語聞於上。宣帝遂以喜為改師法。中梁邱之僭也。讎賀嫉喜。而并及賓。班固作喜傳。亦用讎賀之單詞。皆非實錄。劉向別錄。猶循孟學。故馬融俗說。荀爽獨知其非。復用賓古義。而晉人鄭湛以漫衍無經識之。蓋魏晉以後。經師道喪。王肅詆鄭氏。而禘郊之義。乖衰準毀。蔡服而明堂之制亡。鄭湛譏荀諝。而周易之學。晦郭書燕說。一倡百和。何尤乎後世之紛紜也。於升之四曰。文王文辭。皆據夏商之制。春秋傳引夏書。惟彼陶唐。帥彼天常。有此冀方。服虔云。堯居冀州。虞夏因之。禹貢冀州。治梁及岐。爾雅云。梁山晉望也。諸侯三望。天子四望。梁山為晉望。梁岐皆冀州之望。此所謂王謂夏后氏受命告祭。非文王也。其說乾之四德曰。元者天之始。說文元從一。兀道立於一。造分天地。化生萬物。乾之初九。積善在下。陽氣始生。東方為仁。故云善之長。陰陽交而後亨。乾之九二。當上升坤五為天子。故文言再言君德。

經凡言亨者皆謂乾坤交也。乾六爻二四上匪正，坤六爻初三五匪正。乾變坤，化六爻皆正，成兩既濟。故云各正性命，保合太和，即利正，即貞也。經凡言利貞者，皆爻當位或變之正，或剛柔相易，惟既濟一卦六爻皆正，故云剛柔正而位當。雜卦篇所謂既濟定也。卦具四德者，七乾坤變化而成兩既濟，屯三爻變，革四爻變，皆成既濟。隨三四易位成既濟，无妄三四易位，上爻又變而成既濟。臨二升居五位，三爻又變而成既濟。故皆言元亨利貞也。其論占筮之法曰：易稱天下之動貞夫一，故卦爻之動一則正，兩則惑。京氏筮法一爻變者為九六，二爻以上變為八。晉公子得貞也，悔豫皆八，乃三爻變，不稱屯之豫，而稱八。穆姜遇艮之八，乃五爻變，不稱艮之隨，而稱八。所謂貞夫一也。七者著之數，八者卦之數，著圓而神，卦方以知神，以知來，知以藏往。知來為卦之未成者，藏往為卦之已成者，故不曰七而曰八。春秋內外傳無筮得其卦之七者，以七為著之數，未成卦也。又因學易而悟明堂之法，撰明堂大道錄八卷，禘說二卷，大略謂說卦帝出乎震，帝者五帝也。在太微之中，五德相次以成四時，聖人法之，立明堂為治天下之大法。明堂有五室四堂，室以祭天，堂以布政。王者承天統物，各於其方以聽事，謂之明堂月令。今所傳月令是也。古之聖人生有配天之德，沒有配天之祭，故太皞以下歷代稱禘。太皞以木德，炎帝以火德，黃帝以土德，少皞以金德，顓頊以水德。王者行大享之禮於明堂，謂之禘。祖宗其郊則行之南郊，禘郊祖宗四大祭，而總謂之禘者，禘其祖之所自出故也。鄭注大傳不王不禘，及詩長

發大禘箋皆云郊祀。天是郊稱禘也。周頌雖序云禘太祖也。鄭箋云太祖謂文王是祖。稱禘也。劉歆云大禘則終王是宗稱禘也。董子曰天地者先祖之所出也。禘者禘其祖之所自出。故四大祭皆家禘名。禘禮上邇遠祖旁及毀廟。下逮功臣。聖人居天子之位。行配天之祭。推人道以接天。而天神降地。亦出人鬼格。夫然而陰陽和風雨時。五穀熟草木茂。羣生咸遂。物無疵癘。所謂既濟定也。先儒皆以明堂上有靈臺。下有辟雍。四門有太學。頽容春秋釋例云太廟有八名。肅然清靜。謂之清廟。行禘祫序昭穆。謂之太廟。告朔行政。謂之明堂。行饗射。養國老。謂之辟雍。占雲物。望氛祥。謂之靈臺。其四門之學。謂之太學。其中室謂之太室。總謂之宮。盧植注禮記亦云明堂即太廟。與靈臺辟雍古法皆同一處。近世殊異。分為三耳。而晉時袁準著論非之。昧於古制矣。王者親諸侯。或巡狩四岳。則有方明。方明者。放乎明堂之制也。亦謂之明堂。荀子所謂築明堂於塞外。以朝諸侯。戰國時齊有泰山明堂。即方明也。周書朝諸侯則於明堂。儀禮親諸侯則設方明。故虞禋六宗。而親四岳羣牧。周禮方明。而親公侯伯子男六宗。方明即明堂。六天之神。鄭氏謂天之司盟非也。自明堂之制不詳。而禘禮亦廢。鄭氏知園丘方澤之為禘。而不知為明堂六帝。王肅又誤據魯禘。故禘為宗廟之祭。無配天之事。故魏明帝謂漢氏四百餘年。廢無禘祀也。禘行於明堂。明堂之法本於易。中庸言至誠可以贊化育。與天地參。此明堂配天之義也。又有易漢學七卷。易例二卷。謂孔壁中古文。得多十六篇。內有九共九篇。析之為二十四。鄭康成所

傳之二十四篇卽孔壁真古文東晉晚出之二十五篇與漢書不合可決其偽唐人詠鄭所傳為張霸偽造者妄也今文太誓三篇具略見於太史公書史公從安國問故其載當可信唐人尊信晚出之太誓而以今文太誓為偽亦非也於春秋有左傳補注六卷自序云嘗見鄭康成之周禮韋宏嗣之國語純采先儒之說末乃下以己意令學者審其異同杜元凱春秋集解雖根本前修而不著其說又其持論閒與諸儒相違於是樂遜序義劉炫規過之書出焉今刺取經傳附以先世遺聞宗韋鄭之遺前修不掇效樂劉之意有失必規而於古今文之同異辨之尤悉云其注秦穆姬屬賈君用唐尚書說以賈君為中生妣今尹為艾獵用世本說為叔敖之凡同盟於亳城北用服虔本證亳為京之譌豎防明而守之廣里用續漢書及京相璠說以防明廣里為地名吳句餘用服虔說以為吳子餘祭萬者二人用吳仁傑說二人當為二八臧文仲廢六關訓廢為置讀如公羊廢其有聲之廢皆前人所未及道也又言公羊有嚴顏二家蔡邕石經所定者嚴氏春秋也何邵公所注者顏氏春秋也石經公羊末云桓公二年顏氏有所見異辭云云僖公三十年顏氏言君出則已入今何本皆有之又云顏氏無伐而不言圍者非取邑之辭也今何本亦無之以此知何所注者顏氏本也鄭康成注三禮引隱二年放於此乎隱三年登戾之桓十一年遷鄭焉而鄙留皆與何氏異與石經同蓋鄭所據者嚴氏本也又云應邵風俗通稱殷梁為子夏門人楊士勳謂受經於子夏案桓譚新論云左氏傳世遭戰國寢藏後百餘

年。曾穀梁亦為春秋殘略。多所遺失。然則穀梁子。非親受經於子夏矣。古人親受業者。稱弟子。轉相授者。稱門人。則穀梁於子夏。猶孟子之於子思。故魏燮信注。穀梁以為與秦孝公同時也。楊士勳言。穀梁作傳。孫卿。卿傳魯人申公。申公傳博士江翁。案孫卿齊湣襄時人。當秦之惠王。則在其後。卿所著書。言天子廟數。及賻賜祿舍之義。述春秋善胥命而言盟。詛不及三王。諸侯相見仁者居守。皆本穀梁說。其言傳孫卿信矣。隱元年。傳成人之美。不成人之惡。僖二十二年。傳。過而不改。是謂之過。二十三年。傳。以不教。民戰。是則棄其師。今皆在論語中。傳所載。與儀禮二記合者尤多。故鄭康成云。穀梁善於經也。其論語語曰。宣尼言述而不作。於魯論見之。鄉黨一書。半是禮經。堯曰數章。全書訓典。論君臣則人言不廢。譏無恒。則南國有言。於善人為邦。則曰誠哉。是言於隱。居行義。則曰吾聞其語。素絢。唐棣。逸詩可頌。百官冢宰。古典可稽。出門如見。大賓使民。如承大祭。此胥臣多聞之所述也。視其所以。觀其所由。察其所安。此文王官人之所記也。克已復禮。左氏以為古志。已所不欲。勿施於人。管子以為古語。參分天下而有其二。周志之遺文也。陳列就列。不能者止。周任之遺言也。推此言之。聖人豈空作哉。其論爾雅曰。釋詁釋訓。乃周公所作。以教成王。故詩稱古訓是式。漢時謂之故訓。又謂之詁訓。詁訓者。雅言也。周之古訓。仲山式之子之雅言。明人記之。俗儒不信。爾雅而仲山之古訓。夫子之雅言。皆不存矣。又撰九經古義二十二卷。討論古字古音。以博異聞。正俗學。益都李進士文藻。見其書而善之。為鈔板粵

中李與先生亦素不相識也。論者謂宋元以來說經之書充棟，高者遺棄古訓，自誇心得，下者勦襲人言，以為己有，儒林之名，徒為空疎臧拙之地。獨惠氏世守古學，而先生所得尤深。擬諸漢儒，當在何邵公、服子慎之間。馬融、趙岐輩不能及也。先生少時已好撰述，有王文簡精華錄、訓纂二十四卷。論者以為過於任淵之注山谷，李壁之注荆公焉。又有後漢書補注十五卷、九曜齋筆記二卷、松崖筆記二卷、周易本義辨證五卷、松崖文鈔二卷。及諸史會最、竹南漫錄諸書。先生卒於乾隆戊寅五月。年六十有二。其弟子知名者江聲、余蕭容，自有傳。

王西莊先生事略

附 弟 鳴韶 全日進 費士璣

西莊先生諱鳴盛，字鳳喈，晚號西泚，江蘇嘉定人。少警穎，為諸生時，巡撫陳文肅大受，招入紫陽書院。院長王侍御峻奇賞其才，為文鏐經鑄史，泉湧風發。乾隆十二年鄉試，以五經中式，會試不第。歸時沈文愨德潛以侍郎致仕，海內英駿皆師之。先生稱高第弟子。又其時長洲吳泰來企晉、上海趙文哲損之、青浦王昶述庵及先生妹婿錢大昕曉徵皆以博學工詩文稱。而羣推先生為渠帥。十九年以一甲二名進士賜及第，授編修。公卿禮致之。秦文恭蕙田方修五禮通考，屬以分修。而尤見重於掌院學士蔣文恪溥。二十一年大考翰詹，名第一。權侍讀學士。三十四年典福建鄉試，尋推內閣學士兼禮部侍郎。還朝坐濫用驛馬，左遷光祿卿。尋丁內艱歸，遂不復出。久之遷居蘇州。學者望風屬至。有江左十

二子皆岑諸集之刻。聲氣並廣。望並高。而健立讀書。絕不與當事酬接。家本寒素。嘗譖賣文自給。餘一介不取也。偃仰自得者。垂三十年。嘉慶二年十二月。卒於蘇州。年七十有八。先生為詩。少宗漢魏。盛唐。在都下。見錢謙石。將心餘輩。喜宋詩。往往效之。後悔。復操前說。於明李崆峒。何大復。李于鱗。王元美。陳卧子。及清朝王貽上。朱錫堯之詩。服膺無間。大抵以才輔學。粹然正始之音也。古文不專一家。於明初嗜王遵巖。繼效歸熙甫。擬經義之精奧。而以委折疏達出之。有耕養齋詩文集四十卷。早歲與元和惠定宇。吳江沈冠雲。研精經學。一以漢人為師。許鄭尤所墨守。所著尚書後案三十卷。專宗鄭康成注。鄭注亡逸者。采馬融。王肅注補之。孔傳雖偽。其訓法非盡虛造者。閒亦取焉。又著軍賦考。精深博洽。比古今疑義而折衷之。又著十七史商榷一百卷。校勘本文。補正謬。脫最詳於輿地職官。典章制度。能剖其異同。證其舛誤。其書博辨詳明。與容齋伯厚相上下。前人糾謬拾遺之作。不屑沿襲播揚也。晚作蛾術編一百卷。其目有十。說錄說字說地說制說人說物說集說刻說通說系。皆刻行於世。弟鳴韶。字鶴溪。工詩畫。為古文。以清簡為工。先生奇其才。責以制舉業。曰。兄愛我良厚。不知我名心素淡也。補新陽縣學生。時先生已入翰林。鶴溪獨侍二親。閉關絕塵事。典衣購書。額其堂曰逸野。旁闢一室。懸簑笠。以見志。嘗自作簑笠軒圖。授徒講業以終。著文十卷。春秋三傳考。十三經異義考。祖德述聞。竹窗瑣碎。共若干卷。先生次江左十二子詩。以鶴溪居其一。論者不以為私。先生嘗曰。吾門下以金子璞園為第

一。費子士璣次之。璞園名曰進嘉定諸生讀書不求聞達。十三經皆有校本。而儀禮尤精。著儀禮正訛十七卷。士璣吳江人。嘉慶戊午舉人。沿漢易。

錢竹汀先生事略

附 弟 大昭 猶子 塘 姑 洞

先生名大昕。字曉徵。號辛楣。又號竹汀。江蘇嘉定人。年十五為諸生。有神童之目。乾隆十六年。高宗南巡。獻賦召試舉人。以內閣中書用。十九年成進士。選庶吉士。授編修。大考擢贊善。尋遷侍讀。二十八年。大考。擢侍講學士。充日講起居注官。轉侍讀學士。遷少詹事。時朝廷修熱河志。續文獻通志。一統志。地球圖。先生咸充纂修官。己卯壬午乙酉甲午。充山東湖南浙江河南主考官。庚辰丙戌。充會試同考官。京察三列一等。典試河南之歲。即命督學廣東。踰年丁父憂歸。初先生以侍讀學士。特命入直上書房。授皇十二子書。每預內廷錫宴。賦詩稱旨。前後賜賚有加。上深知其學行。將大用。而先生淡於榮利。以識分知足為懷。慕邴曼容之為人。謂官至四品可休。奉諱歸里後。即引疾不出。嘉慶四年。仁宗親政。垂詢先生里居狀。廷臣寓書勸還朝。皆婉言報謝。歸田三十年。愿主鍾山婁東紫陽書院。而在紫陽。至十有六年。門下士積二千人。其為臺閣侍從。發名成業者。不可勝計。九年十月。卒於紫陽。年七十有七。卒之日。尚與諸生講論。少疲倚枕臥。不逾時。家人趨視。則已瞑矣。先生博極羣書。不專治一經。而無經不遍。不專攻一藝。而無藝不精。凡經史文義音韻訓詁。歷代典章。制度官制。氏族年齒。古今地理沿革。金石畫像篆隸。以及古九章算術。迄

今中西歷法。無不洞晰。其是非疑信。少與王蘭泉及妻兄王鳳喈同肄業紫陽書院。負文名。時吳江沈冠雲。元和惠定宇。方以經術稱吳中。先生益推而廣之。錯縱貫串。開拓心胸。謂古人屬辭。不外雙聲疊韻。而其秘寶具於三百篇中。雙聲卽字母所由始。初不傳自西域。又謂康成讀易簡之易。與變易不易。初無兩音。又謂鄭注三禮。並無麒麟皮冒鼓之說。皆信而有徵。不獨可以伸鄭也。官內閣時。與同年生褚楷升。吳苜叔。講算學。適西洋人蔣友仁以地球圖說進。奉旨繙釋。詔先生與禮部尚書。何公國宗。同潤色。何公久領欽天監事。精推步。先生與論宣城梅氏。及明季利瑪竇湯若望諸家之學。何公輒遜謝。以為不及。又以御製數理精蘊。兼綜中西法。悉心探覈。曲暢旁通。繇是觀史。則自太初三統四分。中至大衍。下迄授時。盡能得其測算之法。故於各史朔閏。薄蝕。凌犯。進退。強弱之殊。指掌立辨。悉能抉摘而考定之。時休甯戴東原亦在朝列。戴故婺源江氏弟子。江精西法。恒曲護西人之短。戴頗墨守師說。先生遺書辨之。謂江氏論歲實。論定氣。大率祖歐羅巴之說。而引伸之。其意頗不滿於宣城。而吾益以見宣城學之高。蓋宣城能用西學。江氏則為西人所用而已。乃取算術二十四條。演為答問。皆考核精詳。各具神解。更撰二十二史考異。詳論四分三統以來諸家術數。精確不刊。尤嗜金石文字。舉經史子集。以證其異同。同好如畢秋帆。阮雲臺。武虛谷。黃小松。孫淵如。或月記撰。而先生熟於歷代官制。損益地理沿革。以暨遼金國語。蒙古世系。故其考據精審。多出數公之外。其論易先天後天之說。曰說卦。

傳言震東方。巽東南。離南方。乾西北。坎正北。艮東北。惟不見坤兌二方。兌為正秋。則必正西方矣。坤介離兌之間。亦必位西南矣。伏義以來。蓋已有之。伏義以木德王。而傳稱帝出乎震。是震東巽東南之位。必出於伏義。不當別有方位也。宋初方士始言先天圖。而儒家尊信其說。欲取以駕乎文王周公之上。毋乃好奇而誣聖人乎。天地水火雷風山澤。各自相對。本無方位之可言。後儒援天地定位四語。傳會先天之說。尤為非是。夫天高而尊。地下而卑。古今不易之位也。地勢北高而南下。君位北而南面。臣位南而北面。信如乾南坤北之說。上下顛倒甚矣。安得云定位乎。論孔壁書。增多二十四篇。康成既親見之。何以不為之注。曰。漢儒無無師之學。古文尚書。初得之屋壁。莫有能通之者。孔安國始以今文讀之。而成孔氏之學。然安國非能自造也。亦由先通伏生書。古今文本不相遠。以此證彼。易於閭闈。惟文義不能相通者。乃別為之說。以名其學。若增多之書。既無今文可參考。雖亦寫定。而不為訓詁。故馬融之逸書十六篇。絕無師說也。自安國以及衛賈馬諸君。皆未有說。此逸篇者。康成又何能以無徵不信之說。著於竹帛乎。即如禮古經五十六篇。鄭亦親見之。其注儀禮。多以古文參定。而不注增多之三十九篇。亦以無師說故也。左氏得劉子駿初通大義。故流傳至今。而逸書逸禮無師說。故皆亡於永嘉。自東晉古文出。乃有安國承詔為五十八篇作傳之語。夫使安國果為逸篇作傳。則都尉朝庸生輩。必業受之。何以馬鄭以前。傳古文者。皆上二十九篇已哉。朱文公疑康成不解逸禮三十九篇。予向亦未

喻其故。今因論古文逸篇。而并悟及之。論詩毛傳多轉音。曰古人音隨義轉。故字或數音。如謀夫孔多。是用不集。與猶咎為韻。韓詩集作就。於音為協。毛公雖不破字。而訓集為就。卽是讀如就音。書顧命克達殷集大命。漢石經集作就。吳越春秋。子不聞河上之歌乎。同病相憐。同憂相救。鶯翔之鳥相隨。而集瀨下之水。回復俱留。是集有就音也。如藐藐昊天。無不克覲。傳訓覲為固。卽轉從固音。與下句後為韻也。又如匪且有且。傳訓且為此。卽轉從此音。與下句茲為韻也。顧亭林泥於一字。祇有一音。遂謂詩有無韻之句。是不然矣。漤消之漤。當作漤。說文漤水出鄭國。引詩漤與消方渙。渙今是也。今毛詩作漤者。讀漤如漤。以諧韻耳。漤卽漤之轉音。不可謂詩失韻。亦不可據詩以疑說文也。魯頌烝徒增增。傳云增增衆也。本爾雅釋訓文。而小雅室家漤漤。傳亦云漤衆也。增漤聲相近。轉增為漤。亦以諧韻。與漤消作漤消同也。論春秋曰。孟子謂孔子成春秋。而亂臣賊子懼。愚嘗疑之。將謂當時之亂賊懼乎。則趙盾崔杼之倫。史臣固已直筆書之。不待春秋也。將謂後代之亂賊懼乎。則春秋以後。亂賊仍不絕。書於史策。未見其能懼也。孟子之言。毋乃大而夸乎。然孟子固言春秋者。天子之事也。述王道以為後王法。防其未然。非刺其已然也。太史公曰。撥亂世反之正。莫近乎春秋。又曰。有國家者。不可以不知春秋。前有諍而不見。後有賊而不知。為人臣子者。不可以不知春秋。守經事而不知其宜。遭變事而不知其權。春秋之法行。而亂臣賊子無所容其身。故曰懼也。凡篡弑之事。必有其漸。聖人隨事為之。杜其漸。

隱之弑也。於鞏帥師戒之。子般之弑也。於公子慶父帥師伐餘邱戒之。此大夫不得專兵柄之義也。尹氏立王朝。在昭公之世。而書尹氏卒於隱之策。崔杼弑君。在襄公之世。而書崔氏奔衛於宣之策。此卿不得世之義也。齊侯使其弟年來聘。再見於春秋。為無知之弑。君張本也。母弟雖親。不可使踰其分也。趙盾弑君。而以趙盾主惡名。穿之弑。由於盾也。胥甲父與穿同罪。盾於甲父則放之。於穿不惟不放。且使之帥師侵崇。盾尚得辭其罪乎。侵崇小事。不必書而書之。所以正盾之罪。且不使穿得漏網也。鄭公子宋弑君。而以歸生主惡名。歸生正卿。且嘗帥師敗華元矣。力足以制宋。而從宋之逆。較之趙盾。入甚焉。不得託於本無逆謀也。楚公子比之弑君。棄疾成之。而比獨主惡名者。好君位也。而棄疾之惡。終不可掩。故以相殺為文。著其罪同。然比與棄疾。皆楚靈之弟。靈逐比。而任棄疾。卒死二人之手。先書比奔晉。又書棄疾帥師圍蔡。明君之弟。不可以愛憎為子奪也。衛孫甯出其君。而以出奔為文。行有失國之道也。貶行則嫌於獎剗。故先書公孫剗來聘。以見義。公孫而干正統。其罪不可掩也。楚商臣祭般之弑。子不子。父亦不父也。許止不嘗藥。非大惡。而特書弑。以明孝子之義。非由君有失德。故楚祭之君不書葬。而許獨書葬。所以責楚。蔡二君之不能正家也。楚成之事。與晉獻略同。子孝則為申生。子不孝則為商臣。而晉亦葬有異齊。卓子之弑。未有家不齊而國治者也。書閹弑吳子餘祭。戒人君之近刑人也。書盜弑蔡侯申。戒人君之疏大臣而近小人也。樂盈之人曲沃。趙鞅之人晉陽。書之以戒大都。耦

國之漸。人臣不可專其私邑也。楚子虔弑於乾谿。書其地。著役之久也。君親出師。久而不歸。禍之不旋踵。宜矣。楚之強。莫強於虔。伐吳。執虔。封滅頓。滅陳。滅蔡。史不絕書。而無救於弑者。無德而有功。天所惡也。宋襄公用鄭。楚襄公用蔡。世子皆特書之。惡其不仁也。且以徵二君之強死。非不幸也。宋公與夷。齊侯光。楚子虔。以好戰而弑。晉侯州蒲。以誅戮大臣而弑。經皆先文以見義。所以為有國家者戒。至深切矣。左氏傳曰。凡弑君。稱君。君無道也。稱臣。臣之罪也。後儒多以斯語為詬病。愚謂君誠有道。何至於弑。遇弑者。皆無道之君也。其賊之有主名者。書名以著臣之罪。其微者。不書。不足書也。無主名者。亦闕而不書。史之慎也。非怨臣之罪也。聖人修春秋。述王道以戒後世。俾其君為有道之君。正心修身。齊家治國。各得其所。又何亂臣賊子之有。若夫篡弑已成。據事而書之。良史之職耳。非所謂其義則其竊取之者也。秦漢以後。亂賊不絕於史。由上之人。無以春秋見諸行事。故爾。故曰。惟孟子能知春秋論孟子決汝漢排淮泗。而注之。江。先儒以為記者之誤。曰。趙邠卿注。孟子於此文未嘗疑。宋以後儒乃疑之。子謂孟子長於詩書。豈不能讀禹貢。且生於鄒嶽。淮泗之下流。近在數百里間。何至有誤。蓋天下之水。莫大於海。而江即次之。故老子以江海為百谷王。南條之水。皆先入江。後入海。人第知毘陵為江入海之口。不知鉤山以南。餘姚以北之海。皆江之委也。漢水入江。二千餘里。而尚有北江之名。淮口距江口五百里。其為江之下流。何疑。禹貢云。沿於江海。達於淮泗。此即淮泗注江之證。注江者。會江以注海。與

導水之文。初不相悖也。說文云。江水至會稽山陰為浙江。浙江者。漸江也。漸江與江水不
同源。而得名。江者。源異而委同也。國語吳之與越。三江環之。韋昭以為吳松江錢塘江浦
陽江也。錢塘江即浙江。吳松浦陽亦注江。而後注海。故皆有江之名。漢儒去古未遠。其言
江之下流。不專指毘陵一處。如知會稽山陰。亦為江水所至。則無疑乎。淮泗注江之文矣。
此先生說經之大略也。所著廿二史考異百卷。通鑑注辨正二卷。三統衍衍三卷。補元史
氏族表三卷。補元史藝文志四卷。元詩紀事五十卷。金石文跋尾二十五卷。金石文字目
錄八卷。十駕齋養新錄二十卷。養新餘錄三卷。三史拾遺諸史拾遺各五卷。洪文惠洪文
敏陸放翁王伯厚王弇州年譜各一卷。疑錄錄恒言錄聲類地球圖說若干卷。潛研堂文
集五十卷。詩集二十卷。皆行世。先生學究天人。秦文恭公輯五禮通考。及奉勅修音韻述
微。皆延請相助。與弟大昭以古學相切劘。猶子曰塘。曰坵。曰侗等。皆有著述。能具其一體
文學。萃於一門。其流澤可謂遠矣。大昭字晦之。一字竹廬。淹貫經史。著書滿家。刊行者惟
後漢書補表八卷而已。嘉慶初。舉孝廉方正。賜六品服。塘字學淵。號澆亭。少與諸殿綸汪
綱青王鶴谿王耿仲相唱和。為西莊蘭泉所激賞。顧不欲以詩名。孟肆力經史。乾隆四十
五年進士。官江甯府教授。專務撰述。於聲音文字律呂推步之學。皆有神解。著律呂古義
六卷。辨秦勛以漢尺為周尺之非。又有明算篇。較度篇。皆極精核。又著史記三書釋疑。於
律歷天官家言。皆究其原本。而以他書疏通證明之。律書上九商八羽七角六宮五徵九

數語。注家皆不能究。小司馬疑其數錯。塘據淮南子太元經證之。始信其確不可易。又以淮南天文訓一篇。多周官馮相保章遺法。作補注三卷。以闡其旨。又作春秋古義。以糾杜氏之謬。其所作文曰述古編。凡四卷。帖字獻之。溉亭弟也。少穎敏。精小學。游京師。朱晉河學士。延為上客。乾隆甲午副貢。客關中。畢中丞所與。方子雲。洪稚存。孫淵如。討論訓詁。與地之學。後官乾州州判。著詩音表。車制考。各一卷。論語後錄。五卷。十經文字通正書。十四卷。新料注地理志。十六卷。工小篆。不在李陽冰徐鉉下。晚年右體偏枯。左手作篆。尤精絕。嘗注史記。詳於郡縣沿革。山川疆域。陝督松筠公重其品學。親至榻前。問疾。索未刊著述。獻之以史記注付之。且曰。三十年精力。盡於此書。侗字同人。弱冠舉於鄉。能傳先生愿算之學。先生撰四史朔閏考。將成。遽捐館舍。侗覆加編次。證以羣書。數百種。金石文字二千。通編閱釐補。其非月朔而有干支。可逆推者。如各帝之生日。聖節。金之射柳。及擊毬。并御常武殿。臨幸東宮。元之廷試。皆有一定日期。又如偽齊劉豫用金正朔。其朔可考。計與金必同。共增輯一千三百餘條。至廢寢食。乃獲成云。

清朝先正事略卷之三十五

平江李元度次青纂

荆溪許時庚幼莊重校

經學

朱竹君先生事略

附 李咸

先生諱筠，字東美，一字竹君，號笥河，大興人。文正公珪兄也。年十三，通七經十五，與文正同補諸生。負文名。順天尹蔣公炳招劉文定綸、程文恭景伊、錢文敏維城、莊侍郎存與、莊學士培因。及先生兄弟飲，試以崑田雙玉歌。諸公激賞。乾隆十九年成進士，選庶吉士，授編修。二十六年分校會試。丁父憂，哀毀骨立。先生素無宦情，服闋欲偏遊天下名山，已乞假矣。上召見，文正詢家事，曰：翰林無定額，汝兄當補官，不比汝需缺也。文正以告掌院索假呈歸。曰：兄實無疾，恐上再詰問，不敢欺。其強為弟起，先生不答。既而蹶然曰：弟欺我清與矣。是年授贊善。明年大考，推侍讀學士。充日講官，知起居注。戊子分校順天鄉試，已丑分校會試。庚寅典福建鄉試。辛卯分校會試。是年秋，提督安徽學政。安徽故多樸學，先生重刻許氏說文，以詔學者，謂為學必先識字。躬拜奠婺源江永汪紱之主祀之鄉賢，以勸士。先生初為劉文正統勳所知，以為疏雋奇士。及在安徽，會高宗下詔求遺書，先生奏言翰林院貯有永樂大典，內多古書，世未見者，請開局使校閱，且言搜輯之道甚備。時劉文正在軍機處，頗不喜，謂非為政之要，欲議寢之。而金壇于文襄敏中獨善先生奏，與文正

固爭執。卒用先生說上之。四庫全書館自是開矣。館開凡十有三年而書成。共存書三千四百六十種。計七萬五千八百五十有四卷。其得自永樂大典者凡五百餘部。皆世所不傳本也。先生又請倣照漢熹平唐開成故事。擇儒臣校正十三經文字。勒石太學。高宗手勅曰。朕緩緩酌辦。未幾坐事左遷。編修入四庫館。纂修曰下。舊聞時文正薨。金壇總裁館事。尤重先生。會以館書橐本往復辨析。欲先生往就見。而先生執翰林故事。總裁纂修相見於館所。無往見禮。又時以持館中事與意見。金壇大憾。一日見上語及先生。上遽稱許。朱筠學閥文章殊過人。金壇默不得發。第言朱筠辨書頗遲。上曰。可令蔣賜榮趣之時。蔣方以舊侍郎直武英殿也。尋督學福建。至閩以經學六書訓士。口講指畫無倦容。其生為攝令。其坐以殺人。鍛鍊成獄。先生雪其冤。士林頌之。逾年上使文正代之。歸數月。遂卒。年五十有三。天性孝友。博聞宏覽。書無所不通。說經宗漢儒。諸史百家皆考證。其是非同異。古文法班馬。而參以韓蘇。詩出入唐宋。不名一家。先生既久次。望益重。則大言翰林官以讀書立品為職。不宜修小禮。曲意委順於達官貴勢。願篤好交遊。一言之善。稱道不容口。卽有過輒覆掩之。後進多因以得名。陸君錫熊。程君晉芳。任君大椿。皆其所取士。而黃君景仁。洪君亮吉。輩則北面稱弟子。戴君震。汪君中。兀傲不羣。好雌黃人物。在先生幕中。獨無閒言。孫君星行。以未見先生為恨。屬洪君為紹。願遂執弟子禮。先生許之。其督院學也。延名宿十二人司校閱。聯鑰出國門。賓從稱盛。室中自晨至夕。未嘗無客。與客飲酒。連

舉數十觥不亂談笑窮日夜酒酣論天下事自比李元禮范孟博激揚清濁別邪正聞者悚然生平擬唱風雅振拔單寒後進天下士歸之如市所居室曰椒花吟觴亂草不除誰花滿徑聚書至數萬卷金石文字千種嘗對客屬文其文才氣奇縱所欲言無不盡尤愛山水使車所至嘗再登黃山武夷峭壁不通樵徑必攀蘿造其巔題名鏤石而後返所著有筍河文集子錫庚字少白乾隆戊申舉人候選直隸州知州讀書好古精左氏春秋能世其學先生高弟自陸程任黃孫洪外有李威字畏吾龍溪人戊戌進士官廉州知府深於六書之學著說文解字定本十五卷

廬抱經先生事略

附

孫志祖

丁杰

先生諱文瑤字召弓號抱經其先自餘姚遷杭州父存心恩貢生召試博學鴻詞有白雲詩文集母馮氏山公先生景女也公生而穎異濡染庭訓又漸涵於外王父之緒論長則桑先生調元壻而師之馮桑二公皆浙中懋學之士故其學具有本原乾隆戊午舉順天鄉試壬午考內閣中書壬申以一甲第三人成進士授編修丁丑入直上書房由中允薦授侍讀學士乙酉典廣東鄉試旋授督湖南學政戊子以學政言州縣吏不應杖辱生員左遷明年以繼母年高乞養歸先生好校書終身未嘗廢在館閣十餘年歸田後主講書院凡二十餘年雖耄孳孳無怠昧爽起縮閣點勘朱墨並作几閉蘭闥無置茗盃處日且暝始出戶散步庭中俄而篝燈如故至夜半而後即安祁寒酷暑不稍閒宦俸脯修所入

不治生產。僅以購書聞。有舊本必借鈔之。有善說必謹錄之。一策之閒。分別遠近。諸本之乖異。字細而必工。今抱經堂藏書數萬卷。皆是也。校讐之事。自漢劉向揚雄後。至聖朝極盛。公自以家居。無補於國。而以刊定之書惠學者。亦足以裨益右文之治。出所定經典釋文。孟子音義。逸周書實誼新書。春秋繁露方言白虎通荀卿子。呂氏春秋。韓詩外傳。獨斷諸善本。鏤板行世。又苦鏤板難多。則合經史子集三十八種。如經典釋文。例摘字而注之。名曰羣書拾補。以行世。所自為書。有文集三十四卷。儀禮注疏詳校十六卷。鍾山札記四卷。龍城札記三卷。廣雅注二卷。皆能使學者誤正積非。蓄疑渙釋。先生治經。有不可磨之論。其言曰。唐人之為義疏也。本單行。不與經注合。單行經注。唐以後尚有善本。自宋後附疏於經注。而所附之經注。非必孔賈諸人所據之本也。則兩相鉅錙矣。南宋後又附經典釋文於注疏閒。而陸氏所據之經注。又非孔賈諸人所據也。則鉅錙更多矣。漢人必比而同之。則彼此互改。多失其真。幸有改之不盡。以滋其鉅錙。啟人考覈者。故注疏釋文。合刻似便。而非古法也。其讀書特識類此。乾隆乙卯卒。年七十有九。平生事親孝謹。喪繼母時。年七十三矣。居喪猶盡禮。待弟召音極友愛。罵師友之誼。而性尤伉直。方士申殿試時。對策中。力言直隸差徭之重。純皇帝為動容。飭總督方觀承申奏。自勅士論偉之。同縣孫志祖亦以著書為事。志祖字詒穀。乾隆三十一年進士。官御史。所著讀書脞錄七卷。考論經子雜家。折衷精審。不為武斷之論。家語疏證六卷。證王肅之偽。又著文選考異四卷。文選

注補正四卷補正姚之駟輯謝承後漢書五卷又歸安丁志字升衢一字小尺乾隆四十六年進士官教授肆力經史旁及六書音韻算數長於校讐於胡次禹貢錐指摘誤甚多四庫館開朱竹君戴東原皆延之助校勘所著書曰周易鄭注後定大戴禮記繹小酉山房文集

邵二雲先生事略

邵先生晉涵字與桐一字二雲浙江餘姚人先生以禹貢三江其南江從餘姚入海遂自號南江浙東自陽明以道學顯而功業風義兼之念臺忠諫著大節其弟子黎洲覃研經史博洽於文辭先生生其鄉私淑三先生故性質貞亮而經緯史涉獵百家不懈而進於古乾隆三十年舉於鄉典試者為錢少詹大昕得先生文謂非老宿不辦及來試年裁踰冠叩其學淵博無涯淡少詹拊掌曰不負此行矣三十六年會試第一成進士廷試二甲歸部銓選三十八年詔開四庫館時高宗崇聲實學思得如劉向揚雄者任之大學士劉公統勳首薦先生特旨改庶吉士充纂修官踰年授編修五十六年遷中允擢侍講轉侍講厯左庶子侍讀學士充日講起居注官直文淵閣厯充咸安宮總裁萬壽盛典八旗通志國史館三通館纂修官又為國史館提調兼掌進獻文字典試廣西者一教習庶吉士者二生平至性過人執親喪哀毀骨立與人交始終如一未嘗以博雅自矜惟以非義干者不待語竟即拂衣起人以此嚴憚之少多病左目微盲清羸如不勝衣而獨善讀書

數行俱下。寒暑舟車。未嘗頃刻輟葦。於四庫七略。無不研究。而尤能推極本原。實事求是。在館時。總裁問以某事。答曰。在某冊第幾葉中。百不失一。咸訝以為神。蓋自元明以來。儒者務為空疏無益之學。六書訓詁。屏斥不談。於是儒術日晦。雖閒有能讀書如楊慎朱謀埠者。非果於自用。卽安於作偽。立論往往不足依據。迨本朝興。而樸學始輩出。顧處士炎武。閻徵君若璩。首為之創。然與宋未盡闢也。乾隆之初。海宇又平。已百餘年。魁儒鉅公接踵。惠徵君棟。戴庶常處。其學識始足方駕古人。及四庫館開。先生與戴君首膺其選。由徒步入翰林。於是士大夫始重經史之學。言經學推戴君。言史學推先生。海內駸駸然趨實學矣。然先生尤以浙東三先生為宗。每上下古今。凡政治得失。人才消長。君子小人之元黃水火。皆能挾其弊之所由。始與害之所由終。尤熟於前明掌故。於朋黨奄禍。及唐魯二王起兵始末。口講手畫。往往出正史之外。每語一事。輒垂稱三先生不置。蓋其學之所本。又心儀其人。而欲取以為法者也。豈徒以旁通訓詁。方名象數。及草木蟲魚之多識。謂足盡先生也哉。先生於經深三傳。及爾雅。以宋邢昺爾雅義疏。無淺。遂別為正義一書。以郭景純為宗。而兼采舍人樊桐李孫諸家。凡三四易。彙始定。如以九府之梁山。卽今衡山。釋草蔡忠奚為。卽今欽東。同人皆歎為絕識。又有孟子述義。殷梁古注。韓詩內傳考。並足正趙岐范甯及王應麟之失。而補其所遺。嘗病宋史是非失實。又久居山陰。四明。習聞三先生緒言。初為南都事略一編。詞簡事增。過正史遠甚。嘗語人曰。南宋諸傳。最無理法。其

彙創於袁稱桷與史氏中外故於甬東諸人多鄉曲之私今讀南宋諸雜史及稱清容集始知其論之確也畢制軍沅撰續宋元通鑑先生為刪補考定之制軍歎曰今之道原賁父也有方輿金石編目皇朝大臣謚迹錄輯軒日記南江詩文彙等書所校官書如薛居正五代史則採自永樂大典中參以冊府元龜太平御覽并通鑑長編諸書辨證條繫悉符原書一百五十卷之數書成奏御館臣請仿劉煦舊唐書之例列於廿三史刊布學宮至分校石經先生職春秋三傳所正字體亦較他經獨多為文操筆立就與衍淵懿學者宗之卒於嘉慶元年六月年五十有四

戴東原先生事略

附 段玉裁 龔震正

戴先生震字東原休甯人。生十歲始能言。書過目不忘。甫投大學章句。問塾師此何以知為孔子之言。而曾子述之。又何以知為曾子之意。而明人記之。師曰。朱文公說也。問文公何時人。曰宋人。孔子曾子何時人。曰周人。周宋相去幾何時。曰幾二千年矣。曰然則文公何以知其然。塾師不能對。自後讀書。每字必求其義。得許氏說文解字。大好之。遂盡通十三經注疏。能全舉其辭。嘗曰。經以載道。所以明道者辭也。所以成辭者字也。學者當由字以通其辭。由辭以通其道。其自十七歲時。有志聞道。謂非求之六經孔孟不得。非徒事於字義制度名物。無由以通其語言。為之數十年。灼然知古今治亂之源。在是。宋儒識訓詁之學。而輕語言文字。是猶度江河而棄舟楫也。時婺源江先生永治經稱大師。先生年二

十。以所學就正。江先生驚異之。齊侍郎召南見所作考工記圖曰。奇書也。年二十九補縣學生。有狡豪侵佔祖塋地訟之。豪倚財結縣令。欲文致先生罪。乃脫身挾策入都。時紀編修昫。王編修鳴盛。錢編修天旰。王中書昶。朱編修筠。皆甲戌進士。以學問名一時。見先生皆擊節歎服。遂館於紀氏。作勾股割圓記。秦文恭蕙田延致之。與講觀象授時之學。五禮通考中。全載其勾股割圓記。以集古今算法之大全。尋館王文肅安國家。公子念孫從受學。能得其傳。南歸。識惠先生棟於揚州。時盧編修紹弓為鹽運使。見會校刊大戴禮。先生數指其謬。遺書與任進士大椿論禮經。舉康熙壬午鄉試。是時秦文恭用江慎修及先生之說。疏請刊正韻書。薦先生與錢君大旰任其事。高宗以相沿已久。未允也。先生以宋儒言性言理。言道言才言誠言明言權言仁義禮智言智仁勇。皆非六經孔孟之言。而以異學之言糅之。故就孟子字義開示。使人知人欲淨盡。天理流行之語病。於是作孟子疏證。及原善論性諸篇。嘗言朱子注大學。開卷言虛靈不昧。使涉異學。其言以其眾理。應萬事。尤非理字之情。古人曰。理解者。尋其腠理而析之也。曰。天理者。如莊周言依夫天理。卽所謂彼節者有間也。古聖賢以體民之情。遂民之欲。為得理。今人以己之意見。不出於私為理。是以意見殺人。咸自信為理矣。中庸注言性卽理也。其可乎。論語開卷言學以明善。而復其初。復其初。出莊子。絕非孟子以擴充言學之意也。其持獨見多類此。朱文正珪雅善先生。為山西布政使時。聘修汾州府及汾陽縣志。先生正舊志之謬。謂汾陽於漢為茲氏。

縣數國時屬趙不屬魏漢時屬太原郡不屬西河郡後魏太和八年改六壁鎮置西河郡治茲氏城而西河之名移於此鄭道元注水經以武侯浮西河事繫之夏陽子夏陵及廟室繫之郟陽而於謁泉山及文水絕不涉及子夏設教事張守節李吉甫輩始指為魏之西河子夏退老居此皆非其實吉甫又謂黃初二年於漢茲氏縣置西河郡卽今州治不知魏晉之西河皆治離石非茲氏吉甫又謂周宣帝於此置汾州大業三年廢汾州不知周隋之汾州皆非西河郡境吉甫元和郡縣志敘述最有法而猶有舛謬甚哉地理之難言也乾隆三十八年詔開四庫全書館于文襄敏中以紀文達昉表文達曰修之言薦先生於朝上素聞其名遂以舉人特召充纂修官首校水經注別經於注正唐以來經注混淆之失高廟寔嘉御製詩冠首蓋先生之受主知深矣乙未會試不第上命一體與殿試賜同進士出身授庶吉士先生起自孤寒獨以文學為天子所知出入著作之庭館中有奇文疑義輒就咨訪先生為考究顛末各得其意以去晨夕討論靡間寒暑竟以積勞致疾卒於官年五十有五時四十二年夏五月也先生所校定官書自水經注外曰周髀算經謂此古蓋天之法自漢及元明皆主渾天明時歐羅巴入中國始稱別立新法其實皆出於周髀所謂天子失官學在四夷者也曰孫子算經張邱建算經夏侯陽算經五曹算經海島算經五經算術九章算術皆王寅旭謝野臣梅定九諸公所未見者先生悉心讎正高宗皆製詩題卷首刊行而古九數之學大顯矣曰儀禮釋官儀禮識儀禮集釋項

氏家說蒙齋中庸講義大戴禮揚子方言皆能正其闕誤所自著書曰原善三卷孟子字義疏證三卷勾股割圓記三卷策算一卷原象一卷考工記圖二卷聲韻考四卷聲類表十卷文集十卷續天文略二卷水地記一卷方言疏證十三卷毛鄭詩考正四卷考正鄭氏詩譜一卷吳藻詩經補注二卷大學補注一卷儀禮考正一卷歷問一卷古歷考二卷六書論三卷爾雅文字考十卷屈原賦注九卷孔戶部繼涵為刊戴氏遺書弟子段君玉裁復刊之先生無他嗜好惟專力於讀書雖詞義鉤棘難曉者一再讀之輒泮然冰釋旁觀驚為宿悟要由精誠所致其學長於考辨每得一義初若創獲及參互考之確不可易後儒多言易亂於費直先生以漢書證之曰藝文志易經十二篇施孟梁邱三家十二篇者經上下二篇十翼十篇此三家所同也儒林傳云費直易無章句徒以象象繫辭十篇之言解說上下二經蓋費氏不自立章句其解經即用十篇之言而十二篇之目未嘗改後人誤讀儒林傳輒咎費氏之改經不察之甚也周禮太駁右祭兩軼祭軌注云故書軼為軼杜子春云軼當為軼軼謂兩軼或讀軼為軼斧之斧先生辨之曰軼當讀如斧杜君改為軼與軼內之軼二名混淆非也以韉釋軼端之軼亦非也軼者車輪軼者軼末韉者軸末後代字書并軼字無之矣祭軌字刊本多譌為軌毛公釋詩云自轉以上為軌說文軌從九車軼也軌從凡車式前也依詩意宜音范以韻考之又不合疑漢時軌軌二字相濶毛公殆誤併為一歟其述明堂之制曰明堂五室十二堂故曰明堂月令中央曰太室正

室也。一室而四堂。東堂曰青陽。太廟南堂曰明堂。太廟西堂曰總章。太廟北堂曰元堂。太廟四隅之室。夾室也。四室而八堂。東北隅之室。元堂之右夾。青陽之左夾也。其北堂曰元堂。右个。東堂曰青陽。左个。東南隅之室。青陽之右夾。明堂之左夾也。其東堂曰青陽。右个。南堂曰明堂。左个。西南隅之室。明堂之右夾。總章之左夾也。其南堂曰明堂。右个。西堂曰總章。左个。西北隅之室。總章之右夾。元堂之左夾也。其西堂曰總章。右个。北堂曰元堂。左个。凡夾室前堂或謂之箱。或謂之个。左氏傳實饋於个。杜云个東西箱是也。个者兩旁之名也。古者宮室之制。前堂後室。有夾有个有房。惟南嚮一面。明堂四面闡達。亦前堂後室。有夾有个而無房。禮婦人在房。明堂非婦人所得至也。四正之堂。皆曰太廟。四正之室。其一太室。故曰太廟。太室。世之言明堂者。有室無堂。不分个夾。失其傳矣。春秋昭二十二年十月。王子猛卒。而其夏秋已兩書王猛。說者莫得其解。先生曰。王猛與鄭忽皆以國次者也。王者諸侯目王畿之辭。非天子之號。春秋凡書王。猶列國之書其國。書天王。猶列國之書爵。故王人與列國書人。同為微者。王猛與鄭忽。同為以國次。忽未即位而出奔。歸不得書爵。書世子。正其復國也。王子猛未即位稱王。故卒稱王子。若先正其號曰王。不得復稱王子矣。今人所用三角八線之法。本出於勾股。而尊信西術者。輒云勾股不能御三角。先生折之曰。周髀云。圓出於方。方出於矩。矩出於九九八十一。三角中無直角。則不應乎矩。無例可比矣。必以法御之。使成勾股而止。八線比例之術。皆勾股法也。又言治經宜自兩

雅始。如釋言枕充也。六經無枕字。鄭注樂記孔子閒居。皆訓橫為充。橫枕古通用。書光被四表。漢書引作橫被。今孔傳猶訓光為充。文譌而義不殊也。釋言麻蔭也。卽詩不可休息之休。釋木桑柳醜條。卽詩蠶月條桑之條。莊子云。已而為之者。已而不知其然。當從釋詁解。已為此。其考證通悟類此者。不可枚舉。璿璣玉衡。為古觀天之器。久失其傳。先生神悟於二千年後。令巧匠為之。且詳其制。於原象篇所繪地圖。尤精核。清朝言地理者。有顧景范。顧亭林。闢百詩。胡朏明。黃子鴻。趙東澗。錢竹汀。諸家。然皆以郡國為主。而求山川。先生則以山川為主。而求郡縣。故精審能出其上。歿後十餘年。一日高宗校刊石經。命小璫問南書房諸臣。戴震尚在否。對曰。已死。上歎息久之。先是總督方恪敏觀承。聘先生修直隸河渠書百十一卷。未成而恪敏薨。臺藏周制軍元禮家。嘉慶己巳。吳江王履泰。以貨為通判。得書。攘為己有。刪其半。益以乾隆己丑以後事實。易名畿輔安瀾志。進於朝。仁宗謂此有用之書。命武英殿刊行。實履泰同知。發永定河試用。先生嗣子仲孚。攜原藁入都。欲為辨正。不果。亦可見先生經世述作。身後猶見賞於朝廷云。段先生玉裁。字若膺。一字懋堂。金壇人。東原高第弟子也。年十三。受知學使尹元孚先生。為諸生。授以梁谿高愈所著小學。遂究心焉。乾隆庚辰舉人。貴州玉屏知縣。越三年。改四川巫山知縣。辛丑引疾歸。遂不復出生。平講求古義。精小學。著書滿家。行世者有說文解字注。尚書撰異。毛詩傳小注。詩經小學錄。經韻樓文集。其女夫曰龔。麗正字闡齋。仁和人。嘉慶丙辰進士。官郎中。以懋堂

為師能傳其學者有國語韋昭注疏

孫淵如先生事略

先生諱星行字淵如江蘇陽湖人父勳舉人官河曲知縣大母許夢星墜於懷舉以授其母金比旦遂生先生幼有異稟書過目成誦河曲授以文選全誦之未冠補諸生與同里楊君芳燦洪君亮吉黃君景仁齊名袁君杖曰天下清才多奇才少淵如天下奇才也遂相與為忘年交先生雅不欲以詩名深究經史文字音訓之學旁及諸子百家皆通其義錢少詹大昕主鍾山書院深器之會陝西巡撫畢公沅招入幕府一時名宿踵至先生譽最高畢公撰關中勝蹟志山海經注校正晏子春秋及校刻惠徵君諸書皆先生手定乾隆五十一年朱文正珪典試江南在都與彭文勤元瑞約曰吾此行必得注中孫星衍及摻遺卷得其經文策曰此必注中也拆卷得先生而注實未就試明年賜進士第二人授編修充三通館校理五十四年散館試屬志賦用史記餽餉如畏語大學士和珅疑為別字置二等以部費用故事一甲進士改部或奏請留館時和珅知先生名欲令屈節一見先生不往曰吾寧得上所改官不受人惠也遂就職又編修改官可得員外郎前此吳文煥有成案或謂君一見當道即得之先生曰主事終權員外何汲汲為自是編修改主事遂為成例補刑部主事總辦秋審先生掃室焚香為諸名士燕集之所高麗使臣樸齋家入貢見先生所校古書特謁先生書閣字堂額賦詩以贈五十八年遷員外郎次年扈蹕

五臺。逾年。扈蹕天津。會太風御舟。陞上改御步輦。至行宮。先生約同僚步行卅里。赴宮門治事。特賜段匹。五十九年。遷郎中。何文成。胡莊敏二公。皆器先生。每有疑獄。輒令依古義平議。行所平反。全活甚多。甲有竊主財逾貲。請其友乙匿其數。以告分金而逸。事發。乙得知情。藏匿罪人。罪應流。先生謂律稱知情則坐。乙不知滿貲也。應以所知數坐。減闕徒大司寇詰。以乙所言無實證。如獲甲言。實告以逾貲奈何。先生曰。此名例所謂通計前罪以充後數也。乙卒減徒。先生又言律文稱囚者在繫之各稱罪人者。犯事在官之各。令或未到官。輒名為罪人。或藏匿罪人。問擬縱囚。非正名之義。湖廣有子。護嫁母傷人。至死獄。勅下法司議。或以嫁母期。減於母。則護嫁母不得與母同科。先生謂古者父在。為母亦期。屈於所尊。嫁母服期。因宗子主祭。非謂情當殺也。引宋王博文請封嫁母。又為行服。謂子無絕母理。又引唐八座議。凡父卒。母嫁。有心喪三年之制。子無絕道故也。護嫁母出母。均當與母同議。減闕殺罪。甲有馳車犯乙者。已當過失殺罪。甲恐以無故。馳驟車馬。獲重罪。介所知以兼金求免。先生曰。吾不受暮夜金也。君罪止過失殺。無為人所誑。甲慚謝去。有孝子為父報仇。殺縣役坐死。其父姊控部。弟實為縣役。逼斃。請檢尸傷。當道為緩頰。先生曰。吾豈能枉法殺孝子哉。其持正類此六十年。授兗沂曹濟道。先生以濟陰湯陵在曹南。其山西榮河縣。湯陵雖列祀典。實宋以來相沿之誤。因編考諸書。據漢崔駰。魏皇覽。晉伏滔。湯陵在濟陰之說。移山西布政司。並考榮河之陵。出後魏小說。家言張恩破陵得鉤附。

會殷湯。未為典要。宜申大府改正。後再官山左。卒。令曹縣令修葺湯陵廟屋。以祭田奉祀。立碑紀事。嘉慶元年。曹南水漫灘。潰決單縣地。先生偕按察使康君基田築塞之。鳩工集夫。五日夜。從上游築隄。過禦之。溜歸中涵。不果橫決。康語先生曰。吾治河數十年。未見決口能卽堵閉者。曹南之役。吾與君成之。省國家帑金數百萬矣。曩署按察使事。以整肅吏治為己任。親問囚。定爰書。矜慎庶獄。甲與乙有姐。共飲。乙醉。墜火坑。吐燒酒。引火銃灼爛。至死。甲醉臥不知。讞者以甲奪壺斟酒。有爭鬪形。擬鬪殺罪。先生曰。甲主乙賓。奪乙壺勸之飲。名奪實讓也。改甲坐過失殺。出其罪。有婦因姦謀命。獄其婦某家妾也。夫遠出。主母惡之。會僕婦死。誣以謀毒。讞者又實以姦夫言。妾淫。主婦令僕婦守之。惡而行姦。已具獄。先生鞠婦。以其日歸寧。僕婦後二日。以子孺與夫爭。忿自盡。出寃婦於獄。囚有共歐人至死。過堂呼寃者。自言本緯夫。途遇有眾歐人。勸止之。不從而去。越數月。邑令忽拘訊之。酷刑誣服。下手歐人。先生詰以眾中有相識者否。答曰。有甯氏某為縣役。在旁知狀。密拘縣役詰之。乃因姦殺人。縣令回護。聽其屬甥認罪。始以鬪殺傷輕。緩其死。上官駭詰。改擬傷重入情實。囚知死乃不承。先生誡縣官。乃以失察處分。枉人命。吾為若輩止陰禍也。有誑詈婦女致死獄。先生以事在一月前。不得謂之忿激。鞠得婦自與夫毆詈。自經狀。出其罪。凡權臬七閱月。平反數十百獄。活死罪誣服者十餘人。亦不以之罪縣官云。縣官實不盡明刑律。皆幕客誤之也。山左風氣為一變。先生又以先儒伏生及鄭康成。功在傳經。可比

七十子身通六藝皆宜立五經博士後大吏奏請鄭議格而伏允行其議自先生發也灘
縣有武人犯法杖厚力求脫令不可干因賄通和坤門下屬託大府先生訪捕鞠之械和
門來者於衢巡撫不使其所為因奏言河防任重宜令回本任上俞之時各屬感先生廉
正卻陋規相率集貲餽賸皆不納是年江南曹工及山東曹工同時漫溢先生以無工處
所得疏防咎大府請嚴議上以兼管官特予留任故事道員嚴議無特旨予留者異數也
曹工分治引河三道先生與濟東登萊二道各治二十里先生治中段廣深中程嚴於察
弊不煩苛不染指畢工較上下段引河共省帑三十餘萬凡河工堵築決口須於將合龍
時放引河則水疾下而無停淤時隄未大塞而巡撫欲放引河康河督力止之不得既放
水河盡填淤於是復抽溝而曹工遂不能合矣四年巡撫奏先生熟習刑名操守廉潔惟
河務非所長請以守巡道留補得俞旨先是河工分賠之員或得羨餘謂之扣費先生不
取悉以給引河工費仍取領結存庫是時曹工尚未合河督及巡撫亟奏合龍移先生任
尋又奏稱合而復開開則分賠兩次壩工銀九萬兩當半屬後任司事者并責諸先生先
生亦任之曰吾無寸椽尺土然既兼河務不能不為人受過也未幾母愛歸僑居金陵六
年浙撫沈公元開詎經精舍於西湖聘先生及王侍郎昶送主講席以經史疑義課士旁
及小學天部地理算法詞章各聽搜討書傳條對以觀其器識請業者盈門未十年舍中
士擬巍科入館閣及撰述成一家言者不可勝數先生淡於宦情服闋後游吳越數年終

以河工償項故不得已再出。有旨仍發山東以道員用。十年署登萊青道。補山東督糧道。山東衛河。經臨清閘口。夏秋水漲。高於閘內之汶水。卽開閘。謂之閘口。糧艘阻滯。先生知德州哨馬營。及恩縣四女寺。舊有兩支河。合流入老黃河。卽鉤盤高津故道。經樂陵至海豐入海。請開濬以洩衛水。異漲德州。舊設滿營。駐防官兵五百口。一口為一戶。增至二千七百餘口。而額餉無可加。每年例支道倉米七千八百石。內有折色米三千餘石。石支銀一兩。糧價昔賤今貴。折色不敷其半。官兵日苦累。而道倉支贖餘米。歷年運交通倉。需運費銀二千餘兩。先生請以存給官兵本色除折色。不獨恤滿兵。且省運費。皆從之。十二年署布政使事。時侍郎廣興奉使山東。供張煩擾。先生慎守庫帑。獨無所餽。後廣以賄貶。豫東二行省。以支帑獲罪者衆。先生不與焉。十三年督運北上。請訓仁宗溫諭。移時面奏。乞假三月。省迎老父於江南。允之。抵江甯。糾族衆。建孫子祠。回任。自郟城取道費縣。訪季桓子得蹟羊井。銘於縣署。又訪曾督南城葬處。及澹臺子羽墓。立碑季桓子井上。始先生之官山東。考太平寰宇記。先賢閔子墓在范縣東。今所傳在懸城者。誤也。曾檄縣令。訪求遺墓。迨嘉慶八年。再蒞東省。以察賑。按行范縣。會河溢不能詣墓所。及官糧運。忽夢浚井出古丈夫。自稱閔子。覺而異之。因出貲屬縣令。唐成訪廢墓。申禁權採。修祠堂。並訪義士左伯桃。羊角哀。墓於縣之義城寺東。皆為文紀其事。十六年引疾歸。尋客揚州。運署。校刊全唐文。累主鐘山書院。生平立身行事。皆蹈儒術。廉而不刻。和而介。屢以剛正不獲於上官。

早歲文詞華麗。繼乃沈潛經術。博極羣書。喜聲借後進。所至士爭附之。尤好聚書。聞有善本。借鈔無虛日。金石文字。及古彝鼎書畫。皆能窮其源委。文在六朝漢魏間。不欲似唐宋八家。嘗病古文尚書。為東晉梅賾所亂。撰集古文尚書馬鄭王注十卷。及逸文三篇。又為尚書今古文注疏三十卷。蓋積二十餘年而後成。其專精如此。又有周易集解十卷。夏小正傳校正三卷。魏三體石經殘字考一卷。倉頡篇三卷。孔子集語四卷。史記天官書考證十卷。寰宇訪碑錄十二卷。平津館金石萃編二十卷。孫氏家藏書目內編四卷。外編三卷。續古文苑二十卷。問字堂文彙五卷。岱南閣文彙五卷。五松園文彙一卷。平津館文彙二卷。詩集若干卷。所校刊者。有周易口訣義六卷。尚書考異五卷。春秋釋例十五卷。孫子十家注十三卷。元和郡縣志四十卷。景定建康志五十卷。唐律疏議三十卷。卒於嘉慶二十三年正月。年六十有六。配王恭人。名采薇。工詩善書。有長離閣集。

洪稚存先生事略

附 趙懷王

莊炳

劉達祿

洪先生亮吉。字稚存。陽湖人。生六歲而孤。家貧以副貢客公卿間。宋學士筠督學安徽。先生從遊最久。旋客浙江。學使王文端未。幕中。資館穀養母。母卒時。方按試處州。弟諱吉不敢起。詭言母疾甚。趣之歸。先生亟行。距家二十里。舍舟而徒。方渡橋。遇賃僕之父仇。三得家狀。號踊失足。落水中。流數里。汲者見。髮颯水上。攬之得。人有識先生者。昇至家。久之乃甦。以不及視。含殮。故遇忌日。輒不食。年四十五。成乾隆庚戌進士。賜第二人及第。授編修。

明年充石經館收掌官以舊書十三經多謬俗白總裁欲更正之未能從也壬子分校順天鄉試闈中拜視學貴州之命故事詞臣未散館無授學政者異數也在貴州疏言禮記宜以鄭康成注易陳灝為部議所格教士以通經學古為先黔士向學先生有力焉嘉慶元年入直上書房先生初第時大臣掌翰林院者網羅人才以傾動聲譽先生知其無成欲早自異遂於御試征邪教疏內力陳中外弊政發其所忌隨引藹吉之喪以古人有期功去官之義乞病歸其後座主朱文正珪有書起之復入都供職嘉慶己未教習庶吉士先生長身火色性超邁歌呼飲酒怡然每興至凡朋儕所為皆學亂之為笑樂至論當世大事則目直視頭皆發赤以氣加人不能堪會有與先生先後起官者文正公並譽之先生大怒以為輕已遂邑邑不樂復乞病行有日矣時川陝賊未靖先生欲有所獻替顧編檢例不奏事乃上書成親王暨當事大僚言時事冀其轉奏謂故貝子福康安所過繁費州縣吏以洪億致虛帑藏故相和坤擅枋時達官清選多徇膝門下列官中外者四十餘人未復指斥乘輿有羣小熒惑視朝稍晏語成親王以聞有旨軍機大臣召問即日覆奏落職交刑部治罪先生就逮西華門外都虞司瑩議洵謂且以大不敬伏法其友趙中書懷玉見先生縲紲藉藁坐大哭投於地不能言先生笑字謂趙君曰味辛今見罹存死耶何悲也頃之承審大臣至有旨毋用刑先生聞宣感動大哭自引罪坐身刻待從用疑似語誘君父大不敬議斬立決奏上免死戌伊犁將軍其妄測聖意奏請俟君至覽

以法。先發後聞。得旨嚴飭不行。明年京師旱。詔減釋軍流不雨。朱文正奏安南黎比二臣忠於其主。久繫獄請釋之。又不雨。上乃手詔赦先生。是日沛然雨。遂頒諭言天人感應之理。至捷。誠臣工弗以言為諱。御製得雨紀事詩。有亮吉原書無違礙之句。有愛君之誠實。足啟沃朕心。已將其書裝演成卷。常置座右。以作良規之注。仁宗之容直臣。超越前古。而先生諒節。實能上格天心云。先生在戍所。不及百日。自獲罪至戍。還文正公常調護之。既歸。自號更生居士。丁卯歲大祲。有司勘不成災。饑民剝樹皮以食。先生力請當道設賑局。捐金為之倡。所全活數十萬計。性嗜山水。遊嵩華黃山。皆躋絕壁。題名家居十餘年。卒年六十有四。其學無所不窺。詩文有奇氣。少與武進黃景仁仲則齊名。江左號洪黃。仲則客死汾州。千里奔其喪。世有巨卿之目。其後沈研經術。與同邑孫星衍李遂論學相長。人又稱孫洪云。所著左傳詁十卷。公羊穀梁古義二卷。比雅十二卷。弟子職箋釋一卷。六書轉注錄八卷。漢魏音四卷。乾隆府廳州縣圖五十卷。三國疆域志二卷。東晉疆域志四卷。十六國疆域志十六卷。詩文集共六十四卷。行於世。趙君懷玉字億孫。一字味辛。武進人。乾隆庚子。召試舉人。授內閣中書。出為登州府同知。好學深思。書無所不讀。工詩古文。著亦有生齋詩文集。同時為漢學者。有莊君炘字虛庵。乾隆戊子副榜。官知州。深於聲音訓詁之學。校刻淮南子為之注。又有劉君達祿字申甫。嘉慶丁卯舉人。淹通經傳。皆先生同郡人。

洪初堂先生事略

附 洪梧

程瑤田

汪龍

汪萊

羅永符

洪瑩

洪先生榜字汝登一字初堂。歙人。年十五為諸生。乾隆乙酉拔貢。與兄樸同應召試。兄授中書。而先生未遇。梁文定公國治時。督學安徽。皆賞異之。先生從文定游。至山西舉乾隆戊子鄉試。丙申應天津召試。冠其伍。授內閣中書。少與同郡戴東原金輔之交。粹於經學。因鄭康成易贊作述贊二卷。又著明象未成書。其解周易詁訓本兩漢行文類。先秦。又撰四聲韻和表五卷。示兒切語一卷。先是江先生慎修切字六百十有六。是書增補百三十九字。又以字母見溪等字。注於廣韻之目。每字之上。以定喉吻古齒唇五音。蓋其書宗江戴二家之說。而加詳焉。又著周易古義錄。書經釋典。詩經古義錄。詩經釋典。儀禮十七篇。書後春秋公羊傳例。論語古義錄。初堂讀書記。初堂隨筆。許氏經義諸書。留心奇道之術。以其術犯造物忌。病中舉所著火之。惟新安大好紀麗久刑行。先生律身以正。孝友著於鄉。生平所學。服膺戴氏。戴氏作李字義疏。證讀者不能通其義。先生稱其有功於六經。孔孟之言甚大。使後之學者無馳心於高妙。而明察於人倫。庶物聞必自戴氏始也。撰東原行狀。載其與彭尺木書。朱竹君謂可不必載。戴氏可傳者不在此。先生上書論之。詞甚辨。弟梧字桐生。乾隆庚子。召試舉人。授中書。庚戌成進士。選庶吉士。由編修官沂州知府。博通古今。工詞翰。亦邃於經學。同邑學者有程易疇。注螽泉。注孝嬰。羅子信。洪賓華。皆以經術名。易疇程姓名瑤田。乾隆庚寅舉人。太倉州學正。著有通藝錄行世。螽泉名龍。乾隆丙午舉人。著毛詩申成。毛詩異義。孝嬰名榮。優貢生。大學士祿康薦修國史天文志。官石埭訓

任大椿 任兆麟 李端 宋傑初

導十三經注疏能背誦如流水而又能心通其義有問者觸類旁通無空礙尤善應算通中西術著術齋算學行於世子信名永符乾隆辛未進士選庶吉士善讀書通經史工詩古文時推流雋奇士賓華名瑩為初堂族子嘉慶己巳一甲一名進士賜及第授修撰恬於仕進五經各有撰述皆欽人

任子田先生事略 附

任兆麟 黃承吉

李端 許所

宋傑初 汪光燠

秦恩復 李鍾泗

任先生大椿字幼樞又字子田江蘇興化人祖陳晉乾隆四年進士以通經聞著易象大意先生少工文詞既乃專究經史傳注乾隆三十四年二甲一名進士授禮部主事三十八年修四庫全書充纂修官禮經衰輯為多提要多出其手尋以郎中授御史五十四年卒年五十有二先生家貧盡色養讀書守道義素不欲以空言講學服官行已無愧古人所學淹通於禮尤長名物著弁服釋例八卷深衣釋例三卷釋縉一卷吳越備史注三十卷小學鈞沈二十卷字林考逸八卷詩集六卷先生初欲薈萃全經久之知其浩博難罄因思即類以求一類既費乃更求他類所著深衣釋縉諸篇皆博綜羣籍衷以己意或視為爾雅廣疏實禮經別記之意學者能推其意廣所未盡以類窮之可以會經之全矣族弟兆麟嘗采獲百五十條為字林考逸補正云兆麟字文田一字心齋震澤諸生舉孝廉方正嘗注夏小正本鄭仲師周官注移主夫出火一條在三月又移時有見稀始收一條在五月又補入采芑雜始乳二條王西莊序以為確當所著曰有竹居集時江北學者有

李先生愷號孝臣高郵人治經通敏尤深於詩及春秋三傳晚好懸算通宣城梅氏書與同郡劉端臨王懷祖汪容甫善力倡古學篤內行恂恂退讓遇友朋惠難則執義不回久困諸生以高第將舉拔萃科試之前夕執友賈田祖死往經其喪遂罷試舉乾隆庚子進士注選知縣尋卒著歷代官制考考工車制考說文引書字異考左傳通釋杜氏長懸補渾天圖說羣經識小錄諸書又宋君絲初字守端亦高郵人乾隆丁酉拔貢官訓導遠經術尤長於說詩著韓詩內傳徵四卷子保字定之廩生精聲音訓詁之學又秦君恩復字數夫一字澹生江都人乾隆丁未進士官編修讀書好古所居玉琴仙館蓄書萬卷丹鉛不去手校刊陶宏景鬼谷子注盧重元列子注及隸韻諸書與人謙抑口不談學問是以世無知者又黃君承吉字春谷亦江都人嘉慶乙丑進士官知縣天資過人為漢儒之學研究精微通應算能辨中西之異同尤工詩古文能自出機杼空無依傍又儀徵許珩者字楚生能詩治經有心得著周禮獻疑七卷又汪君光燧字晉蕃儀徵諸生父棣進士官員外郎與惠定宇戴東原王述庵王西莊錢竹汀為莫逆交晉蕃承庭訓該聞諸老宿緒論遂博通經史嘗辨惠氏易爻辰圖之謬又作美稗釋人服其精核又李君鍾泗字濱石甘泉人書一覽不忘治經精左氏春秋撰規規過一書抑劉申杜佳里堂見而歎服嘉慶六年舉人與晉蕃皆早世

孔驥軒先生事略

附 孔繼涵

郝懿行

鄭鴻慈

趙曾

先生諱廣森字眾仲。又字樛約。號臞軒。孔子六十八代孫。居曲阜。乾隆三十六年進士。官檢討。年少入官。翩翩華胄。一時爭與之交。然性恬淡。耽著述。累足不與要人通謁。告養歸。不復出。及居大母與父喪。竟以毀卒。時乾隆五十一年也。年三十有五。先生聰穎特達。經史小學。沈覽妙解。少受經於戴東原。所學在公羊春秋。唐陸德明云。魏晉以來公羊久成絕學。先生沈深解剝。著春秋公羊通義十一卷。於胡毋子都董仲舒何邵公條例師法不墜。其自序曰。昔我夫子有帝王之德。無帝王之位。又不得為帝王之輔佐。乃思以其治天下之大法。損益六代禮樂文質之經制。發為文章。以垂後世。而見夫周綱解弛。曾道陵遲。攻戰相尋。彙倫或熄。以為雖有繼周王者。猶不能以三皇之象刑。二帝之干羽。議可坐而化也。必將因衰世之宜。定新國之典。寬於勸賢。而峻於治不肖。庶幾風俗可漸。更仁義可漸。明政教可漸。興一於春秋乎。託之春秋之為書也。上通天道。中用王法。而下理人情。不奉天道。王法不立。不合人道。王法不行。天道者。一曰時。二曰月。三曰日。王法者。一曰讖。二曰貶。三曰絕人情者。一曰尊。二曰親。三曰賢。此三科九旨。既布。而壹裁以內外之異例。達近之異辭。錯綜酌劑。相履成體。而傳春秋者。三家粵惟公羊。比有是說焉。漢初求六經於燼火之餘。時則有胡毋子都董仲舒。皆治公羊春秋。以其學鳴於朝廷。立於校官。董生授弟子。嬴公。嬴公授陸孟孟。陸孟授東海嚴彭祖。魯國顏安樂。各專門教授。由是公羊分為嚴顏之學。方東漢時。帝者號稱以經術治天下。而博士弟子因瑞獸。妄言西狩獲麟。是庶姓

劉季之瑞聖人應符。為漢制作黜周王魯。以春秋當新玉其說皆絕不見本傳。重自註其師。以召二家之糾繆矣。然而孟子有言春秋天子之事也。經有變周之文。從殷之寶。非天子之囚。草耶。而服之。君三等。播衛之君七等。大夫不世。小國大夫不以名氏通。非天子之爵祿耶。上抑杞。下存宋。寔滕薛邾。儀父。賤穀鄧。而貴盛郟。非天子之黜陟耶。內其國而外諸侯。內諸夏而外四裔。始所謂天下之本在國。國之本在家者。非耶。愚以為公羊家學。獨有合於孟子。乃若對齊宣王言小事大。則紀季之所以為善。對滕文公言效死勿去。則萊侯之所以為正。其論異姓之卿。則曹羈之所以為賢。論貴戚之卿。又實本於不言。割立以惡術之義。且論語責輒以讓國。而公羊許石曼姑園戚。今以曼姑擬皋陶。則與贛腹殺人之對。正若符契。故孟子最善言春秋。豈徒見稅。欽伯於陽。兩傳文句之偶合哉。晉唐以來。公羊穀梁。皆成絕緒。唯左氏不絕於講誦。啖趙橫。與宋儒踵扇。加以鑿空懸擬。直出於三傳之外者。淺識之士。動為所奪。其嘗毀三傳。率撫捨本例。而膚引例。不可通者。以致其詰董生不云乎。易無達占。詩無達詁。春秋無達例。夫唯有例。而又有不圍於例者。乃足起事同辭異之端。以互發其蘊。記曰。屬辭比事。春秋之教。此之謂也。十二公之篇。二百四十二年之記。文成數萬。其問數千。應問數百。操其要歸。不越乎同辭異辭二途而已。矣。當其無嫌。則鄭忽之正。陳佗之宣。展之賤。曹羈。宋萬。宋督之為。大夫未嘗不同號。祭伯奔而曰來。祭公使而曰來。介葛盧朝而曰來。齊仲孫外之而曰來。未嘗不同辭。入者為。篡天王入於

成周乃非篡出者為有外。天王出居於鄭。乃非外。此無他。正名天王。灼然不嫌也。夫人婦
姜。夫人氏。夫人孫於齊。則辭有異。楚屈完來盟於師。齊侯使國佐如師。則辭有異。衛侯言
歸。以成叔武之意。曹伯言歸。以順喜時之志。而或加復。或不加復。則同辭之中。猶有異。此
言負芻出惡。已見於伯討。成公出惡。未有所見也。若是之屬。有不勝俚指述者。諸滅同姓
莫名。獨衛侯燬名。諸葬稱公。獨蔡桓侯不稱公。諸來稱侯。獨武氏子毛伯不稱侯。一難而
乃異一殺。而言次之先後異。一人之名。而曼何之有無異。一年之內。而糾與子糾異。凡皆
片言榮辱。筆削所繫。不可不比觀。不可不深察。春秋有當略而詳。當詳而略。詳之甚者。莫
如錄伯姬略之甚者。莫如鄭蔡仲之事。蔡仲權一時之計。紆宗社之患。君子取之。亦與其
進不與其退之意為兩。若左傳所載。忽之弑。釐儀之立。仲猶無能匡救。苟並存其迹。將
不可為訓。故斷至昭公復。正厲公居櫟。取足仲仲之權。而止。此春秋重義不重事之效也。
董生曰。正朝夕者視北辰。正嫌疑者視聖人。聖人以蔡仲易君。季子殺母兄。皆處乎嫌疑
之間。特殊異二子於眾人之中。而責而字之。而不名。尚猶有援左氏之事。以駭公羊行權
之義者。蓋思仲之稱字。正逆知天下後世。必有吶吶議仲者。乃大著其善也。孔子之脩春
秋也。至於上下內外之無別。天道人事之反常。史之所書。或文同事異。事同文異。春則皆
假日月以明其變。決其疑。大抵以日為詳。以不日為略。以月為詳。則以不月為略。其以
不日為悞。則以日為變。以日為悞。則以不日為變。甚則以不月為異。其以月為悞。則不月

為變以不月為怪則以月為變甚則以日為異將使學者屬辭比事以求之其等哀勢分甚嚴善惡淺深奇變極亂皆以日月見之如示諸掌善哉自唐迄今知此者惟趙汭一人者推舉其概及齊平及鄭平均平也而一信一否荆伯姬來歸杞叔姬來歸均出也而一有罪一無罪月不月之判也城楚邱之不嫌於內邑以其月也晉人執季孫行父何以別於齊人執單伯以其月也晉人入曹何以別於宋人入曹以其日也武宮亦立煬宮亦立而如季隱如之為之者以其不日也諸侯相執例時始見於宋人執滕子嬰齊則惡而月之公如例時襄昭如楚則危而月之會例時終桓公之篇悉危而月之可得謂無意乎常辭偏戰日詐戰不日獨至於穀詐戰而亦日讀其經曰辛巳晉人及姜戎敗秦於穀癸巳葬晉文公背殯之罪日之而並見復歸未有言日者獨衛獻公日讀其經曰辛卯衛甯喜弑其君剽甲午衛侯衍復歸於衛護弑之跡亦日之而並見春秋雖魯史舊名聖人因而不革必有新意焉春者陽中萬物以生秋者陰中萬物以成善以春賞惡以秋刑故以是名其經丙戌之再也疑於衍而非行夏五或無月十有二月或無冬疑於脫而非脫春以統王王以統月月以統日春秋所甚重甚謹者莫若此世俗之說曰譏貶當各就其事而傳說有先事貶者有終身貶者得無乖論語不逆億之訓且疾惡已甚乎是未知春秋之用譏貶當事而施者小過惡耳至於末事而先貶既事而終絕則蹈名教之宏罪犯今古之極惡有雖孝子慈孫百世不可改者中人之情固有始善終咎先後易轍惟若公子肇

之媚桓弑隱公子招之脅君亂國充其惡可以至於此極則平日處心積慮久已不範於禮義先師言春秋天子之行事也向使夫子與鞏招並時立朝必不待其弑君亂國早已放流之戮殛之又何不逆億之有以誅不待教之罪人而且使之出師而且使之會諸侯之大夫是則陳魯之君無知人之明以自召其禍也故招於鄆敗鞏於伐鄭伐宋以戒後世之為人君者若曰有臣如此則不可以長三軍而使四方豈惟決二公子之羣而已聲公子也而勿謂公子招弟也而弗謂弟存公子焉若曰疎者弗良當絕其徯親者不良但不當任之亦弗可失其貴此深中之深微中之微也俗儒不知春秋病在不能探深窺微鞏在所傳聞之世訟言貶之遂在所聞之世唯一貶於其卒逮所見之世隱如疑不得貶矣然而辭不屬不明事不比不章昭公之篇一曰隱如至自晉一曰叔孫舍至自晉同事而氏不氏異氏者賢不氏者惡亦因得見端焉且遂卒而貶猶夫終身貶也春秋之義人道莫重乎始終用致夫人弗曰其始則終身不免為篡成風之合盟會葬王弗稱天則終身不正其為小君其於追命桓公亦然故鞏招貶之於始仲遂貶之於終皆言乎罪大惡極足以貫其沒世者也譏貶皆不概掩每就人情所易惑者而顯示之法人莫知大夫不敵君而後以楚人書人莫知卿不得憂諸侯而後以晉人宋人書漢梁以降大夫交政未嘗貶也卻缺之從義公子側之偃望宜若有善焉轉發其專卑專廢置之罪而以人書不盍惟是入因是以知士句公子結專其所可舉得免於貶雖於召氏之外未有加焉固

已祭矣。鄭襄公背華附楚，賤之曰：「鄭伐許，與吳伐邾，狄伐晉，文無以異。至其子衰，經歸，成則正言之。」曰：「鄭伯伐許，以為不恃貶絕爾。」第未若狄之顯也。故襄公書葬，悼公不書葬，其葬猶之突也。其不葬也，猶前之接後之輪而祭之胗也。傳曰：「春秋不恃貶絕而罪惡見者，不貶絕以見罪惡也。貶絕然後罪惡見者，貶絕以見罪惡也。」又曰：「春秋見者不復貶，皆讀此經之要法也。」楚子虔哆然自以為討賊而取絕於春秋，何則？般之弑，父易見，虔之誘討難知也。名虔矣，般可以無誅乎？則又見諸絕，世子有絕有矣。蔡之臣子，可釋恨於楚乎？則又見諸葬，蔡靈公以為盧仲其復讐之志，凡義無常，唯時所當。方君義屬固，則般也。賊及君，義屬般，則虔也。譬以其比在刺渠，館譏猶繹。王姬可以無逆，不可以逆而外之，遂不宜為大夫。既為大夫，即不得薄其恩禮。生殺不相悖，天以成其施，刑賞不偏廢，王以成其化。非春秋孰能則之撥亂之術，譏於貶絕備矣。而又曰：「為尊者諱，為親者諱，為賢者諱，惡如可諱，何以裨惡聞之有虞氏貴德，夏后氏貴爵，殷周貴親，春秋監四代之令，撥建百王之通軌，尊尊親親，而賢其賢，尊者有過是不敢譏，親者有過是不敢譏，賢者有過是不忍譏，爰變其文而為之諱，諱猶譏也。傳以諱為譽，符為譏，重是也。所謂父子相隱，直在其中。豈曲佞飾過之云乎？無駭貶去氏，故人極不嫌，非滅承徐人伐吳氏，則滅項不嫌，非齊書戍鄭虎牢於下，乃可以不繫鄭書孟子卒於後，昭公取夫人，乃可以不書，其諱文而存實，有如此者。於紀侯大去，見諸侯以國為體，於入曹見同姓滅之當殺於公孫會，見司寇有

八議之辟。於防於豎於處。父見君臣無相為盟之法。其假諱而立義。有如此者。世爭則示之以讓。世詐則示之以信。是以美召陵。高滋。霍而於讓國公子。三致意焉。衛子之諱殺也。捷之諱宋也。三亡國之諱亡也。其緣賢者之心。而隱惡。有如此者。將因其所諱。達之於不諱。則會稷成亂。以嚴君臣之分。乾時伐賊。以隆父子之恩。子般忍日。以正世及之坊。然乃知祖之速聞。所以為始。為將推而達之。而後得盡其辭。又炳炳彰彰。如此嘗病左氏規隨。擬議。讀經三年。顧云。齊陳恆執其君。實於舒州。夫凡伯以天子之使。諱不言執。況可加之其君乎。斥言成叛。抑非圍棘。取運內邑。不聽之例也。故曰左氏之事詳。公羊之義長。春秋重義不重事。斯公羊傳尤不可廢。方今左氏舊學。湮於征南。穀梁本義。汨於武子。惟此傳相沿。以漢司空掾任城何休解詁。列於註疏。漢儒授受之旨。譜可考見。其餘公羊墨守。穀梁廢疾。左氏膏肓。春秋漢義。文諡例等。尚數十篇。惜無存者。解詁體大思精。詞義奧衍。亦時有承訛率臆。未能醕會。傳臆三世之限。誤以所聞始文。所見始昭。遂強殊異。我於決而季姬季友公孫慈之日卒。皆不得其解。夫大夫奔例時。諸侯出奔。無罪時。有罪月。內大夫出。無罪月。有罪日。功過之別。內外之差。宜然也。何劭公自設例。與經詭戾。而公孫棼之日。歸父之不日。兩費辭焉。叔術妻嫂。傳所不信。劭公反張大之。目為非常。異議可怪之論。亦猶傳本未與。輒拒父雋。不疑詭引。以斷衛太子之獄。致令不曉者。為傳詭病。此其不通之一端也。七十子沒而微言絕。三傳作而大義昏。春秋之不幸耳。幸其猶有相通者。而三家

之師。必故各異之。使其愈久而愈歧。何氏屢蹈斯失。若盟於包來下。不肯援穀梁以釋傳。叛者五人。不取證左傳而鑿造諫。不以禮之說。又其不通之一端也。今將祛此二惑。歸於大通。輒因原注存其精粹。刪其支離。破其拘窒。增其隱漏。冀備一家之言。依舊帙。決為十卷。竊名曰通義。胡毋生董生既皆此經先師。雖義出傳表。卓然可信。董生緒言。猶存繁露。而解詁自序。以為略依胡毋生條例。故亦未敢輕易也。昔韓文公遺殷侍御書云。近世公羊學幾絕。何氏注外。不見他書。聖經賢傳。屏而不省。要妙之義。無自而尋。非先生好之。樂之。味於眾人之所不味。務張而明之。其孰能勤勤拳拳若此。固鄙心之所最急者。如遂蒙開釋。章分字斷。其心曉然。直使序所注挂名經端。自託不腐。其又奚辭。蓋自有唐巨儒惜此傳之墜絕。而望人之講明也。如是。今殷侑之誥已復不存。更以穴知孔見。期推測於千百禩之後。安得有道如昌黎者。而就正其失也。鑽仰既竭。不知所裁。先生又著大戴禮記補注十四卷。詩聲類十三卷。禮記危言六卷。經學危言六卷。少廣正負術內外篇六卷。又喜屬文。工篆隸。著儀鄭堂駢體文三卷。江都汪中讀之。歎為絕手。孔君繼涵。字莊谷。與軒之叔也。乾隆辛巳進士。官戶部郎中。深於三禮。校刻微波榭叢書。同時有郝君懿。行春字尚允。棲霞人。嘉慶己未進士。官主事。撰山海經注。為實事求是之學。又濟甯許君鴻魁。字漸逸。進士。官江蘇同知。深於輿地。凌次仲。亟稱之。其雪帆雜著。皆辨駁地理之說。不在臚明景范下。與萊陽趙君齊名。趙君名曾。字止嵐。乾隆己酉舉人。官知縣。好金石文字。及

古錢治經深於三禮及古文尚書左氏春秋皆山左翹楚也

清朝先正事略卷三十五終

清朝先正事略卷之三十六

平江李元度次青墓

荆溪許時庚幼莊重校

經學

周書昌先生事略 附 桂觀

周先生永年。字書昌。其先餘姚人也。高祖始遷山東之歷城。生而好學。棄廩營書。凡積五萬卷。見藏書家易散。有感於釋道藏約。桂君朱谷。築借書園祠祀漢經師伏生。叔重諸先生。聚書其中。以招致來學。與李君文藻同修歷城縣志。朱學士瑀稱其詳慎。乾隆三十六年成進士。欲入山治儀禮。特召修四庫書。改庶吉士。授編修。典試貴州。能得士。與程君晉芳。丁君和。邵君晉涵。善借館中書。屬朱谷為四部考。鈔胥數十人。朝夕校治。會祭借官書。遂止先生之學。淹博無涯。湊於先正雅慕。願亭林李榕村閻潛邱方望溪於鄉人。稱張稷若。自謂文拙不存。亦不著書。朱谷名韻字冬卉。曲阜人。於書無不窺。尤邃於金石六書之學。少以優行貢成均。交翁軍漢學士。詣並進。又與濟南周書昌友。誘接後進甚篤。乾隆五十五年進士。知永平縣。卒官。年七十。永平故滇之邊邑。君臥閣以治政。簡甚。因以其餘為經生業。嘗謂訓詁不明。不足以通經。日取說文與諸經之義相疏證。為說文義證五十卷。又繪許祭酒以下。至二徐吾邱行之屬。為說文統系圖。題書室曰十二篆師精舍。著禮樸十卷。緣篆分韻五卷。晚學集八卷。詩集四卷。

程縣莊先生事略

程先生延祚字啓生號縣莊先世本歙人遷江甯少好學十三經二十二史諸子百家書無不讀年十四作松賦七千餘言驚其長老弟嗣章字南耕深於史先生獨好治經而於天文輿地食貨河渠兵農禮樂之事皆能竟委探源性端靜迂緩其衣冠傳先生語人見之如臨高山氣為之肅弱冠補諸生鄉試輒不利乾隆丙辰召試鴻詞科有要人慕其名欲令出門下屬密友道意曰主我試必入選先生正色拒之竟不用自此不復應鄉舉惟閉戶窮經而已自王輔嗣注易盡掃圖緯之說宋元儒尊希夷河洛圖書及變互卦氣之說又或拘執爻位陰陽乘承比應之體易學轉晦先生乃著易通及大易擇言三十卷晚年作彖爻求是說六卷自成一家言少時見西河毛氏古文尚書冤詞乃作冤冤詞以攻之又著晚書訂疑推拓其說別成尚書通議三十卷青溪詩說二十卷魯論說四卷春秋識小錄三卷禮說二卷多能發前人未發之覆同時方君望溪鍾君厲巽皆感推之卒未詔舉經明行修之士先生被薦入都復報罷自以家近青溪其出處與劉嶽兄弟相類乃自號青溪居士云卒年七十七所著經學外有詩文各三十卷嘗言墨守宋學已非墨守漢學者尤非孟子不云深造之以道欲其自得之乎又曰宋人謂孫復疏經多背先儒非如夫不救先儒之非何以為孫復其持論若此

崔東壁先生事略

附 陳復和

崔先生述字武承號東壁直隸大名。乾隆二十七年舉人。嘉慶元年。授羅源知縣。武弁多藉海寇邀功。誣商船為盜。先生屢平反之。於是奸徒控其擅釋巨盜。臺使者故知先生得免。議四年調上杭。關稅向贏數千金。先生悉解充緝盜公費。未幾投劾歸。著書三十四種。而考信錄一書尤生平心力所專。法其上古考信錄二卷。謂易傳僅溯至伏羲。春秋傳僅溯至黃帝。不應後人所知。反詳於古人。凡緯書所云十紀。史記所云天皇地皇人皇。皆妄也。謂龍馬負圖出緯書。乃方士之言。謂庖羲非太皞。神農非炎帝。以五行配五帝。乃陰陽家言。謂楊墨欲高於儒者。故稱述上古。以求加於唐虞三代之上。凡稱引上古。多異端假託之言。不可為實事。謂上古各君其國。各子其民。有聖人出。則天下尊之為帝。既沒則已焉。自唐虞而後。有禪。自夏商而後。有繼。不可以後世之事例上古。其唐虞考信錄四卷。謂舜事統於堯。古但有堯典。今本割慎徽五典以下為舜典。始於齊代姚方輿。其謬有三。謂堯非帝。誓于堯之德能協和萬邦。故天下歸之。非藉父兄之業。謂歷數在貳。非聖人之言。聖人豈有置人事不言。而以歷數為據。使後世聞于者。藉為口實乎。謂舜以前未有州。舜始設之。故曰肇十有二州。其後水患既平。乃併其三。而為九。偽孔傳謂禹別九州之後。舜改為十二州者。謬。謂舜竄三苗於三危。何以復命禹征之。何以舜之德久不能格。舜干羽而七旬。遂格。此偽書采韓詩外傳而增飾之耳。其夏商考信錄四卷。謂彭蠡別一地。非鄱陽。彭蠡自在江北。為漢水所匯。鄭樵以東匯澤為彭蠡。東為北江入於海。十三字為行。

文固謬。朱子蔡傳不疑。以鄱陽為彭蠡之誤。而反疑經為誤。亦非。謂庭堅非舉陶。當是兩人。謂允征乃偽書。羲和廢職黜之可也。何必興師。且羲和黨羿。羿必助之。仲康安能征之。至六卿分掌六師。甘誓所記甚明。自周官始言司馬掌六師。而偽書周官篇因之。夏時必無是語也。謂冪盪舟。非陸地行舟。乃力能搖盪。尋之舟而覆之也。謂元鳥生商。當從毛傳。春分元鳥。至祈於郊禱而生契。不當從史記吞鳥卵之說。謂湯誓言率割夏邑。則知夏之政不行於諸侯。言夏罪其如台。則知桀不能囚湯。湯固未嘗立桀之朝。為桀之臣也。謂外丙仲壬。當從孟子。不當從偽孔傳。削去外丙仲壬。兩代。程子胡氏之說皆謬。謂祖甲乃武丁子。非太甲。當從馬鄭。其豐鎬考信錄八卷。謂夏商周未有號。為其公者。公亶父相連成文。猶所謂公劉公非公叔類也。古公亶父。猶言昔公亶父也。謂太王流離播遷之不暇。何暇謀商。閔宮詩語夸誕。僖公乞師於楚。以伐齊。而此詩反謂荆舒是懲。則翦商一語。豈可信以為實。謂齊魯韓三家皆以闕雎為康王時詩。闕雎取興河洲。而岐陽距河絕遠。況序但言后妃。尚未指為何王之后。安得據一言而廢三家之說乎。謂周自立國於岐。與商無涉。文王未嘗立於紂之朝。所謂服事殷者。不過玉帛皮馬卑禮以奉之耳。非委質而立於其朝也。謂文王羨里之卮詩書不言。論語孟子亦不言。至易傳始言之。易傳本非孔子所作。是以汲冢周易有陰陽篇而無十翼。卽所云大難亦未言為何難。謂武王牧野以前。其事殷之心。與文王不異。孔子言周之德。周者文武之統稱。況上文所記者。武王之言。以為

論武而兼文則可。若以為專論文而不及武。則上下文不相屬矣。謂為秦誓云。惟十有三
年春。不書月而反書時。尚書有其文體乎。又云。惟戊午。王次於河朔。蒙日於時。而反無月。
不特尚書。即春秋亦無此文體也。謂周介戎狄之閒。乃商政所不及。至寢昌寢大。又商所
不能。臣紂與文武原無君臣之分。但為名號正朔所存。故論文武者。但問其實為紂臣與
否。而不必問其伐商不伐商。果君臣也。則曹操雖不篡漢。而罪與丕無殊。非君臣也。則武
王雖伐商。而至德與文王不異。謂雖有周親二句。承周有大賚而言。言周雖有親戚。不敵
善人。故大賚之也。上句周指武王。下句周豈可指紂。謂唐叔乃成王母弟。周公之東也。唐
叔實往歸禾。則成王非幼明矣。蓋成王居喪不言。周公以冢宰聽政。後人但聞周公攝政。
遂誤以成王為幼耳。謂管蔡二叔以殷畔。漢以前皆不言霍叔。至晉皇甫謐始稱監殷有
管蔡霍三叔。而偽尚書采之。謂微子之命。難於措辭。而語皆通套。其偽尤易明。謂儀禮非
周公之制。古禮臣拜君於堂下。雖君有命。仍拜畢乃升。今儀禮君辭之。乃升成拜。是拜上
非拜下矣。古者公之下不得復有公。今儀禮諸侯之臣。所謂諸公者。是春秋之末。大夫僭
也。覲禮大禮也。聘禮小禮也。今儀禮聘禮之詳。反十倍於覲禮。蓋周衰。覲禮缺失。而聘禮
通行故也。王穆后崩。太子壽卒。晉叔向曰。王一歲而有三年之喪。二焉。今儀禮喪服篇為
妻期年。果周公所制之禮。叔向豈有不知。何以所言喪服與儀禮迥異。且十七篇多徐士
禮。而文繁物奢。已如此。然則此書之作。當在周末文勝之時。周公所制。必不如是。謂周禮

條理詳備。然以為周公所作亦非也。書曰：「徧成五服，至於五千。」孟子曰：「海內之地，方千里者九。今周禮封國，諸公方五百里，侯方四百里，伯三百里，子二百里，男百里。」天子邦畿之外，分九畿，畿每面五百里。海內安得如許地而封之畿之耶？古者建國，必本大而末小。今周禮天子之地僅四諸公，而諸公之地乃二十五倍於男邦。正實證所謂脰大如腰，指大如股者。是豈先王之法制乎？孟子其實皆什一也。公羊曰：「什一者，天下之中正也。今周禮乃云遠郊二十而三，甸稍縣都皆無過十二，其非周公之法明矣。」孟子曰：「屨無夫里之布，是正賦之外，無課於民者。今周禮使不毛者無職事者，出夫里之布，其非周公之法又明矣。」古者止有一郊祭天，乃如郊祭地，則如社。今周禮云：「祭天南郊，祭地北郊。」果爾，則周公於洛，何以一郊？即兼祭天地，且南北郊，亦不當同日。春秋書郊凡九，皆但書郊。果有南北兩郊，不應混而同之，謂共和者。因周召二相和衷共攝而稱之，以為共伯和者，謬。謂龍策事荒誕不足信，謂伯夷叔齊無扣馬諫伐紂事，辟紂故餓，故思養而歸於周，論語但言餓於首陽，不言餓死於首陽。蓋戰國時楊墨橫議，常非堯舜，薄湯武，以快其私。毀堯則託諸許由，毀禹則託諸子高，毀孔子則託諸老聃。毀武王則託諸伯夷。太史公尊黃老，故好采異端雜說。學者但當信論孟，不當信史記。其洙泗考信錄四卷，餘錄三卷，謂今論語非孔子論語之原本，亦非漢初魯論之舊本。齊論語章句多於魯論，是魯魯互異也。張禹本被魯論，晚講齊論，後刪而合之，號張侯論。然則今之論語，乃張禹所更定也。禹但知媚王氏

以保富貴耶何足以知論語。其不當刪而刪。不當采而采。蓋不少矣。如公山佛肸兩章。蓋戰國之士。顧自使其私。故誣聖人以自解。而張禹誤采之。夫佛肸叛。乃趙襄子時事。其時孔子已卒矣。何往之有。此誣聖之大者也。謂孔子家語。原書已佚。今之家語。乃魏晉間人雜取子史中孔子事跡。增益而成者。謂孔子事。見於異端雜說者。人猶不信。至世家及家語載之。而人始信之矣。至孔子年譜。則又采之。世家家語。及諸雜說者。其謬尤甚。謂左傳言孔子相者。相禮也。非相國也。史記誤以為相國之相。謂匡為宋邑。似畏匡過宋。本一事匡人。其如子何。桓魋其如子何。似一時一室之言。記者小異耳。謂孔子無刪詩書之事。先儒以春秋為託南面之權。行黜陟之事。其說亦非。蓋春秋所關者。天下之治亂。所正者。天下之名分。不可仍以諸侯之史目之。故曰天子之事。耶。春秋得孔子修之。則善不待褒而自見。惡不待貶而自明。大義凜然。功罪昭著。故曰成春秋而亂臣賊子懼。謂孔子所謂一贊。曾子以為忠恕。是卽忠恕也。先儒釋之曰。一理渾然。此渾然者。果何物乎。從曾子之言。則學者皆有所持循。從宋儒之言。則聖道反入於虛杳。吾寧從曾子。不敢從宋儒也。謂南容非南宮敬叔。以為一人。其誤有六。語詳本書。謂論語左邱明。非作傳之左邱明。作傳之左邱明。未嘗親炙孔子。劉歆謂親見夫子。無所據。其論語餘說一卷。謂天下之理皆寓於事。非聞見閱歷不能知。故聖人教人多聞擇善而從之。多見而識之。曰我非生而知之者。好古敏以求之者也。又曰以思無益。不如學也。至宋儒始好以窮理為說。以靜坐為功。以明心見

性為道然則聖人何為教人多聞多見乎。其孟子事實錄二卷謂孟子至梁不在惠王三十五年。當在後元十二年。襄陵既敗之後。蓋惠王三十七年。始僭稱王。惟既稱王。故孟子稱之曰王。惟既敗。故有喪地之語。謂後人疑孟子當尊周室。不當勸齊梁行王政。不知周顯王時。周已失國。至東周西周各判為兩國。已降同諸侯。是時民困已極。孟子急欲救民。故勉以王政保民之事。此時而責以尊周。是不識時勢而妄議也。其三代正朔考一卷謂孔子修春秋以尊王室。斷無改本朝正朔之理。王正月即周正月也。謂三正並行於侯國。列國自用其曆。聖王不強使從。故周十二月。卜偃謂之十月。周三月。絳老人謂之正月。可見周用周正。晉自用夏正也。其三代經界考一卷謂聖王治天下。惟期安民。必不紛更。以擾民。夏貢殷助周徹。各因其宜。至諸侯之國。各仍其舊。公劉當夏殷之際。而徹田為糧。可知夏殷貢助。不盡行於天下也。謂方田法。田不盡方。而算自方。井田之制。亦若是耳。其禘祀通考一卷謂禘見於春秋者二。閏二年吉禘於莊公。僖八年禘於太廟。觀此則太廟羣廟皆有禘器。非祭始祖所自出之帝也。禘見於左傳者三。昭十五年。將禘於武公。二十五年。將禘於襄公。定八年。禘於僖公。此三事皆禘羣廟。非祭始祖所自出也。禘見於論語者二。所以不欲觀。所以不答。或問之。故皆無明文。禘見於王制。禮運郊特牲。明堂位。祭統。祭義。皆無祭始祖所自出之說。惟喪服小記及大傳云。王者禘其祖之所自出。以其祖配之。亦無祭始祖所自出之說。加始字於祖之上。其誤始於趙匡。謂國語多自相矛盾。不足

據卽據國語稀譽之文亦以其有功而祭非以其為始祖所自出而祭也祭法一篇出於漢儒蓋襲國語之文其謬有三其詩風偶識四卷謂齊魯韓毛均出於漢三家之詩雖亡然見於漢人引述者有之於今詩序互異毛詩獨可信而齊魯韓皆不可信耶謂前人以詩序為子夏毛公所作非有實據而衛宏作詩序則後漢書實有明文夫申公說詩疑者不傳衛宏在後何以每篇皆能悉其為某人之事謂風雅南皆詩之體江沆汝漢皆在岐周之東不當言化自北而南其古文尚書辨偽二卷謂東漢以後杜林賈逵馬融鄭康成傳古文尚書皆止二十九篇史記所引尚書皆二十九篇之文並無今書二十五篇一語謂後人尊偽書不敢廢者以人心道心數語為宋以來理學諸儒所宗也不知危微二語出荀子荀子凡引詩書皆稱詩云書云獨此稱道經曰人心之危道心之微則知荀子所見秦火以前之尚書無危微二語也先生之學考據詳明如漢儒而未嘗墨守舊說而不求其心之安辨析精微如宋儒而未嘗空談虛理而不核乎事之實山陽汪文端序稱其書為古今不可無之書其功為世儒不可及之功其心折如此先生卒於嘉慶二十一年年七十有七弟子陳履和雲南石屏舉人遇先生於京邸見考信錄卽執弟子禮先生殤為刑其遺書

張皋文先生事略 附 董士錫

阮文達居館職時創立國史儒林傳其序述前代師儒分合及本朝理學經學諸儒源流

甚晰。而亟稱近世張惠言之於孟虞易說。與孔廣森之於公羊春秋。皆為專家絕學。蓋自惠氏棟作周易述。大旨遵虞翻。補以鄭荀諸儒學者。以未能專一少之。漢人之易。孟費諸家。各有師承。勢不能合。張先生傳虞氏易。卽傳漢孟氏易矣。是以為孤經絕學也。先生名惠言。字皋文。江蘇武進人。少孤貧。年十四卽為童子師。舉乾隆丙午鄉試。教習景山官學。期滿例得引見。聞母疾急歸。遂居母憂。嘉慶四年。睿皇帝始親政。試天下進士。加慎先生中試。時大學士朱文正公。以先生學行。特奏選庶吉士。充實錄纂修官。蓋前後七試禮部。而後遇年三十有九矣。六年散館。以部屬用。文正復特奏。改授編修。七年卒。年四十二。先生清癯鬚眉作青紺色。面有風稜。而性持和易。至義之所在。必達而後已。鄉會試皆出文正之門。未嘗求私見。以所能自異。默然隨羣。弟子進退而已。文正潛察得之。則大喜。故屢進達之。而先生斷斷以善相諍。不敢隱。文正言天子當以寬大得民。先生言國家承平百餘年。至仁涵育。遂出漢唐宋之上。吏民習於寬大。故奸孽萌芽。其閒宜大伸罰。以肅內外之政。文正言天子當優有過大臣。先生言庸猥之輩。倖致通顯。復壞朝廷法。惜全之當何用。文正喜進淹雅之士。先生言當進內治官府。外治疆場者。與同縣洪編修亮吉。於廣坐諍之。文正不以為忤也。為庶吉士時。嘗奉命詣盛京。纂列聖加尊號玉寶。言於當事者。宜自京師下所司等。上上玉刻成。遣使奉藏其舊藏寶。不得磨治。當事以為然。格於例。不果。奏又言翰林官乃皇帝侍從。奉命纂列聖寶。宜奏請馳驛。不得由部給火牌。亦格於例。不

果奏先生歎曰。天下事皆如是耶。吾位卑能言之而已。篆書初學李陽冰。後學漢碑額及石鼓文。嘗曰。少溫言篆書如鐵石。陷入屋壁。此最精。晉書篆勢是晉人語。非漢中郎語也。少為詞賦。嘗擬司馬相如揚雄。及壯為古文。效韓氏愈。歐陽氏修。言禮主鄭氏康成。言易主虞氏翻。所著周易虞氏義九卷。虞氏消息二卷。其虞氏易序曰。自漢成帝時。劉向校書。考易說以為諸家皆祖田何。楊叔丁將軍大義略同。惟京氏為異。而孟喜受易家陰陽。其說易本於氣。而後以人事明之。八卦六十四象。四正七十二候。變通消息。諸儒皆祖述之。莫能其當。漢之季年。扶風馬融作易傳。授鄭康成。康成作易注。而荊州牧劉表會稽太守王朗。潁川荀爽。南陽宋忠。皆以易名家。各有所述。惟翻傳孟氏學。嘗作易注。奏上之。獻帝翻之言。易以陰陽消息。六爻發揮。旁通升降。上下歸於乾元。用九而天下治。依物取類。貫穿比附。離根散葉。免茂條理。後儒罕能通之。自魏王弼以空言解易。唐立之學宮。而漢儒之說微。獨李鼎祚集解。頗採古易家言。而翻注為多。其後古書盡亡。而宋道士陳搏以意造為龍圖。其徒劉牧以為易之河圖洛書也。河南邵雍又為先天後天之圖。宋之說易者。翕然宗之。以至於今。牢不可破。而易陰陽之大義。蓋盡晦矣。清興百年。元和徵士惠棟始考孟京荀鄭虞氏古義。作易漢學。又自為解釋。曰周易述。然徽拾於已廢之後。左右采獲十無二三。其所述大抵宗彌虞氏。而未能盡通。則旁徵他說以合之。蓋從唐五代宋元明朽壞散亂。千有餘年。區區修補。撫拾。欲一旦而其道復明。斯固難也。翻既承世學。又具見

馮鄭荀宋氏書考其是否故其義為精又古書亡而漢魏師說可見者十餘家惟鄭荀虞三家略有梗概可指說而虞又較備然則求七十子之微言田何楊叔丁將軍之所傳者舍虞氏之注其何所自焉故求其條貫明其統例釋其疑滯信其亡闕為虞氏義九卷又表其大旨為消息二卷庶以探頤索隱存一家之學其所未寤俟有正道正焉耳先生又撰虞氏易禮易象易候易言及周易鄭荀義易表別錄易圖條辨儀禮圖說文諧聲譜若柯文集共數十卷生平修學立行敦禮自守嘗言文章末也為人非表裏純白豈足為第一流哉弟子從受易禮者十數甥董士鏘字晉卿能傳其學

汪容甫先生事略

附

賈田祖

江德量

顧九苞

顧鳳毛

鍾果

汪先生中。字容甫。江蘇江都人。生七歲而孤。家酷貧。冬夜譖薪而臥。旦供爨給以養。親力不能就。外傳。母鄭授以小學。四子書。稍長。傭書村塾。中代學子為文。塾師大驚。異久之。就書賈借讀經史百家。觸目成誦。遂為通人。弱冠補諸生。杭堇甫沈椒園皆賞異之。學使朱竹君禮為上客。同時鄭炳也。王德甫。錢竹汀。盧召弓。並為延譽。乾隆丁酉。謝侍郎壻督學江蘇。選充拔貢生。每試別置一椽。署名諸生。前謂所取士曰。若能受學於容甫。業當益進。又曰。予之先容甫以爵也。以學則止面事之矣。先生以母老。竟不朝考。絕意仕進。丙午。朱文正以侍郎典試江南。語人曰。此行必得汪某為選。首不知其不與試也。文正旋督學浙。汪先生往謁。問及揚州文獻。作廣陵對三千餘言。文極奇偉。畢尚書沅開府湖北。禮先生

入幕屬棋琴臺銘黃鶴樓記甫脫橐好事者爭傳誦之先生治經宗漢學謂清朝諸儒崛起接二千餘年墜緒若顧亭林閻百詩梅定允胡朏明惠定宇戴東原皆足繼往開來經學自亭林始闡其端河洛圖書至胡氏而絀中西推步至梅氏而精力闢古文者閻氏也專治漢易者惠氏也及東原出而集大成焉擬作六儒頌未成好金石碑版嘗射陽湖項氏墓得漢石闕孔子見老子畫像因署其堂曰問禮性伉直不信釋老陰陽神怪之說謂周禮天神地亦人鬼今合而為一如文昌天神也東嶽地亦也先聖先師也人鬼天神地亦世俗必求其人以實之豈不大愚乎尤惡淫祀見人邀福祠禱者輒罵之聞者掩耳走而先生自喜益甚於時彥不輕許可見負盛名者必譏彈其失或規之則曰吾所罵皆非不知古今者或且求吾罵焉不得肆事母至孝家無甌石儲而滄澁必具侍母疾晝夜不交睫廁牖皆親滌焉晚歲屨使全德耳其名延請鑒別書畫甲寅校四庫全書於浙江之文宗閣疾終西湖葛嶺僧舍年五十有一先生少工詩治古文不取韓歐以漢魏六朝為則著述學內外篇及廣陵通典周官徵文左氏春秋釋疑子喜孫字孟慈嘉慶丁卯舉人能讀父書長於考據同時學者有賈君田祖江君德量顏君九苞鍾君襄皆與先生善田祖字稻孫號禮耕高郵人廩膳生好學多所瞻涉喜左氏春秋未嘗去手旁行斜上朱墨爛然與陽湖洪稚存同里王懷祖李孝臣友善於立名節極志疾邪蓋篤學力行之士也德量字成嘉一字秋史儀徵人世父昱字賓谷江都諸生讀書好古為聲音訓詁之學

著有松泉集韻歧瀟湘聽雨錄諸書。秋史少溺苦於學。與汪容甫為文字交。所業並進。乾隆庚辰一甲二名進士。賜及第。授編修。改御史。精於小學。好藏碑版名書。畫古錢。著泉志三十卷。又撰廣雅疏。未成而卒。九苞字文子。興化人。洽聞強記。長於毛詩。三禮。母任氏。子田侍御之祖姑也。博通經史。文子之學。得諸母教為多。舉乾隆辛丑進士。尋卒。子鳳。毛字超宗。亦受經於祖母。年十一。通五經。著有毛詩集解。楚詞韻考。入聲韻考。乾隆甲辰。聖駕南巡。召試列二等。後舉戊申副榜。早世。鍾襄字啟崖。甘泉人。優貢生。與阮文達。元焦孝廉。循善。共討論經學。實事求是。君淡然無欲。以讀書為樂。生平篤實。敦善行。嘗撰漢儒考。較陸元朗所載。增多十餘人。文達為刻考古錄四卷。

凌次仲先生事略

凌先生廷堪。字次仲。安徽歙人。六歲而孤。家貧。年十二。棄書學賣。偶讀唐詩選本。及詞綜。遂能詩詞。見者大異之。二十餘始復讀書。懼時過難成也。著辨志賦。以見志。慕其鄉江慎修。戴東原之學。復從翁覃溪。阮文達遊。於禮經用力最深。不輟寒暑。二十餘年。於史則大事本末。地理官制沿革。及元史姓氏。有問者。從容置答。如數家珍焉。乾隆五十五年成進士。出朱文正王文端二公門。例選知縣。改甯國府教授。便於養母。治經也。著禮經釋例十三卷。謂儀禮委曲繁重。不得其經緯塗徑。雖上哲亦苦其難。苟得其中材。可勉赴焉。經緯塗徑之謂何。例而已矣。如鄉飲酒。此飲食之禮也。而有司徹祭畢飲酒。其例亦與之同。尸

卽鄉飲酒之賓也。有卽鄉飲酒之介也。主人獻尸。主人獻侑。主人受尸酢。卽鄉飲酒之主。人獻賓。主人獻介。賓酢主人也。主人酬尸。奠而不舉。卽鄉飲酒之主人酬賓。奠而不舉也。旅酬無算爵。卽鄉飲酒之旅酬無算爵也。此異中之同也。有司徹獻尸獻侑。及受尸酢。有簋豆牢俎。七清肉。清燔從諸節。鄉飲酒獻賓。獻介及酢主人。但薦與俎而已。有司徹獻尸獻侑之禮。主人主婦上賓。凡三獻。鄉飲酒但主人一獻而已。有司徹獻尸侑畢。復有獻長壽。主人自酢及酬賓之儀。鄉飲酒但獻衆賓而已。有司徹旅酬。使二人舉觶於尸。侑以發端。鄉飲酒但使一人舉觶於賓而已。有司徹無算爵。賓當則用主酬賓之觶。主人黨則用兄弟後生所舉之觶。以發端。鄉飲酒則但使二人舉觶。與賓與介而已。此同中之異也。推之於士冠禮。冠畢醴賓。以一獻之禮。鄉飲酒鄉射。明日息司正。特牲饋食禮。祭畢獻賓。其例皆大約相同。而鄉射之同於鄉飲酒者。更無論也。又如聘禮之聘享。執此賓客之禮也。而聘畢問卿面卿。及士昏禮納采納徵之屬。其例亦與之同。問卿授束帛。昏禮授雁。卽享禮之授璧也。問卿及昏禮納徵。庭實用皮。卽享禮之庭實用皮也。昏禮使有禮畢。主人禮賓。卽聘禮之聘賓禮畢。主國之君禮賓也。面卿幣用束錦。庭實用馬。卽私覲之幣用束錦。庭實用馬也。聘賓面卿畢。介面衆介面。卽聘賓之私覲畢。介覲衆介覲也。此異中之同也。聘用圭享用璧。面卿及昏禮。無授玉之事。但用束帛及雁。如享禮而已。聘禮聘賓至。昏禮使者至。皆設几筵。問卿賓及廟明。不几筵。但積者請命而已。聘禮既享。未覲之際。則禮賓。

問卿畢不儻但行面卿之禮而已聘禮禮賓侑體以幣昏禮禮賓但酌醴禮之而已聘享聘賓主國之君皆皮弁服有褻褻之殊問卿聘賓主人但朝服昏禮使者主人但元端而巳聘禮受玉於中堂與東楹之間問卿則受幣於堂中西昏禮則受雁於楹閒而巳此同中之異也推之於士相見禮及聘禮郊勞致館歸饗餼其例皆大約相同而聘禮之同於覲禮者更無論也是故鄉飲酒鄉射燕禮大射不同也而其為獻酢酬旅酬無算爵之例則同也聘禮覲禮不同也而其為郊勞執玉行享庭實之例則同也特牲饋食少年饋食不同也而其為尸飯主人初獻主婦亞獻賓長三獻祭畢飲酒之例則同也鄉射大射不同也而其為司射誘射初射不釋獲再射釋獲飲不勝者三射以樂節射飲不勝者之例則同也不會通其例一以貫之祇厭其膠葛重複而已耳烏視所謂經緯塗徑者哉於是區為八類曰通例上下二卷曰飲食之例上中下三卷曰賓客之例一卷曰射例一卷曰慶例一卷曰祭例上下二卷曰器服之例上下二卷曰雜例一卷共為卷十三至於第十一篇自漢以來說者雖多由不明尊尊之旨故罕得經意乃為封建尊尊服制考一篇附於慶例之後不別立宮室之例者宋李氏如圭等已詳故也先生又著燕樂考源元道山年譜校禮堂集又著魏書音義宋成先生雄於文九慰七戒兩晉辨亡論十六國名臣序贊諸篇上擬騷選鄉射五物考九拜解九祭解釋牲詩楚茨考旅酬下為上解諸篇皆說經之文發古文所未發其尤卓然可傳者則有復禮三篇唐宋以來儒者所未有也復禮

上曰夫人之所受於天者性也性之所固有者善也所以復其善者學也所以貴其學者禮也是故聖人之道一禮而已矣孟子曰契為司徒教以人倫父子有親君臣有義夫婦有別長幼有序朋友有信此五者皆吾性之所固有者也聖人知其然也因父子之道而制為士冠之禮因君臣之道而制為聘覲之禮因夫婦之道而制為士昏之禮因長幼之道而制為鄉飲酒之禮因朋友之道而制為士相見之禮自元子以至於庶人少而習焉長而安焉禮之外別無所謂學也夫性具於生初而情則緣性而有者也性本至中而情則不能無過不及之偏非禮以節之則何以復其性焉父子當親也君臣當義也夫婦當別也長幼當序也朋友當信也五者根於性者也所謂人倫也而其所以親之義之別之序之信之則必由于情以達焉者也非禮以節之則過者或溢於情而不及者則漠焉遇之故曰喜怒哀樂之未發謂之中發而皆中節謂之和其中節也非自能中節也必有禮以節之故曰非禮何以復其性焉是故知父子之當親也則為醴醢祝字之文以達焉其禮非士冠可賅也而於士冠焉始之知君臣之當義也則為堂廉拜稽之文以達焉其禮非聘覲可賅也而於聘覲焉始之知夫婦之當別也則為笄次悅擊之文以達焉其禮非士昏可賅也而於士昏焉始之知長幼之當序也則為盥洗酬酢之文以達焉其禮非鄉飲酒可賅也而於鄉飲酒焉始之知朋友之當信也則為雉脰奠授之文以達焉其禮非士相見可賅也而於士相見焉始之記曰禮儀三百威儀三千其事蓋不僅父子君臣夫

婦長幼朋友也。卽其大者而推之，而百行舉不外是矣。其篇亦不僮士冠聘覲，士昏鄉飲，酒士相見也。卽其存者而推之，而五禮舉不外是矣。良金之在升也，非稟氏之模范不能為量焉。良材之在山也，非輪人之規矩不能為車焉。禮之於性也，亦猶是而已矣。如曰舍禮而可以復性也，是金之為量不必待模范也，材之為車不必待規矩也。如曰舍禮而可以復性也，必如釋氏之幽深微渺而後可。若猶是聖人之道也，則舍禮奚由哉。蓋性至隱也，而禮則見焉。春性至微也，而禮則顯焉。故曰莫見乎隱，莫顯乎微。故君子慎其獨也。三代盛王之時，上以禮為教，下以禮為學。君子學士冠之禮，自三加以至於受醴，而父子之親油然矣。學聘覲之禮，自受玉以至於親勞，而君臣之義秩然矣。學士昏之禮，自親迎以至於徹饌成禮，而夫婦之別判然矣。學鄉飲酒之禮，自始獻以至於無算爵，而長幼之序井然矣。學士相見之禮，自初見贊以至於既見還贄，而朋友之信昭然矣。蓋至天下無一人不圓於禮，無一事不依於禮，循循焉，日以復其性於禮，而不自知也。劉康公曰：民受天地之中以生，所謂命也。是以有動作禮儀威儀之則，以定命也。故曰天命之謂性，率性之謂道，修道之謂教。夫其所謂教者，禮也。卽父子有親，君臣有義，夫婦有別，長幼有序，朋友有信是也。故曰學則三代共之，皆所以明人倫也。復禮中曰：記曰仁者人也，親親為大義者宜也，尊賢為大親親之經，尊賢之等，禮所生也。此仁與義不易之解也。又曰君臣也，父子也，夫婦也，昆弟也，朋友之交也。五者天下之達道也。知仁勇三者，天下之達德也。此

道與德不易之解也。不必舍此而別求新說也。夫人之所以為人者，仁而已矣。凡天屬之親，則親之從其本也。故曰：仁者人也。親親為大，亦有非天屬之親，而其人為賢者，則尊之從其宜也。故曰：義者宜也。尊賢為大，以喪服之制論之，昆弟親也。從父昆弟則次之，從祖昆弟又次之。故昆弟之服，則疏衰裳，齊期。從父昆弟之服，則大功布衰裳，九月。從祖昆弟之服，則小功布衰裳，五月。所謂親親之殺也。以鄉飲酒之制論之，其賓賢也。其介則次之。其眾賓又次之。故獻賓則分階，其俎用房，獻介則共階，其俎用肫脰。獻眾賓則其長升受，有薦而無俎，所謂尊賢之等也。皆聖人所制之禮也。故曰：親親之殺，尊賢之等。禮所生也。親親之殺，仁中之義也。尊賢之等，義中之義也。是故義因仁而後生，禮因義而後生。故曰：君子以義為質，禮以行之，孫以出之，信以成之。禮運曰：禮也者，義之實也。協諸義而後生，故曰：禮雖先王未之有，可以義起也。郊特牲曰：父子親然後義生，義生然後禮作。董生曰：漸民以仁，摩民以義，節民以禮。然則禮也者，所以制仁義之中也。故至親可以掩義，而大義亦可以滅親。後儒不知，往往於仁外求義，復於義外求禮，是不識仁，且不識義矣。烏覩親先王制禮之大原哉？是故以昆弟之服，服從父昆弟，從祖昆弟，以獻賓之禮，獻介獻眾賓，則謂之過，以從祖昆弟從父昆弟之服，服昆弟，以獻介獻眾賓之禮，獻賓，則謂之不及。蓋聖人制之，而執其中。君子行之，而協於中。庶幾無過不及之差焉。夫聖人之制禮也，本於君臣父子夫婦昆弟朋友五者，皆為斯人所共由，故曰：道者所由適於治之路也。天下之達道

是如若舍禮而別求所謂道。則杳渺而不可憑矣。而君子之行禮也。本之知仁勇三者。皆為斯人所同得。故曰德者得也。天下之達德是也。若舍禮而別求所謂得。則虛懸而無所薄矣。蓋道無跡也。必緣禮而著見。而制禮者以之。德無象也。必藉禮為依歸。而行禮者以之。故曰苟不至德。至道不凝焉。是故禮也者。不獨大經大法。悉本乎天命民彝而出之。即一器數之微。一儀節之細。莫不各有精義。彌綸於其間。所謂物有本末。事有終始是也。格物者格此也。禮器一篇。皆格物之學也。若泛指天下之物。有終身不能盡識者矣。蓋必先習其器數儀節。然後知禮之原於性。所謂致知也。知其原於性。然後行之出於誠。所謂誠意也。若舍禮而言誠意。則正心不當在誠意之後矣。記曰。自天子以至於庶人。壹是皆以修身為本。又曰。非禮不動。所以修身也。又曰。修身以道。修道以仁。即就仁義而申言之。曰禮所生也。是道實禮也。然則修身為本者。禮而已矣。蓋修身為平天下之本。而禮又為修身之本也。後儒置子思之言不問。乃別求所謂仁義道德者。於禮則視為末務。而臨時以一理衡量之。則所言所行。不失其中者鮮矣。曲禮曰。道德仁義。非禮不成。此之謂也。復禮下曰。聖人之道。至平且易也。論語記孔子之言備矣。但恆言禮。未嘗一言及理也。記曰。道之不行也。我知之矣。知者過之。愚者不及也。道之不明也。我知之矣。賢者過之。不肖者不及也。彼釋氏者。流言心性。極於幽深微渺。適成其為賢知之過。聖人之遠。不如是也。其所以節心者。禮焉。不遠尋夫天地之先也。其所以節心者。亦禮焉。不侈談乎理氣之

辨也是故冠昏飲射有事可循也揖讓升降有儀可按也豆籩鼎俎有物可稽也使天下之人少而習焉長而安焉其秀者有所憑而入於善頑者有所檢束而不敢為惡上者陶淑而底於成下者亦漸漬而可以勉而至聖人之道所以萬世不易者此也聖人之道所以別於異端者亦此也後儒熟聞夫釋氏之言心言性極其幽深微渺也往往怖之愧聖人之道以為弗如於是竊取其理氣之說而小變之以鑿聖人之遺言曰吾聖人固已有此幽深微渺之一境也復從而闢之曰彼之以心為性不如我之以理為性也嗚呼以是為尊聖人之道而不知適所以小聖人也以是為闢異端而不知陰入於異端也誠如是也吾聖人之於彼教僅如彼教性相之不同而已矣烏足大異乎彼教誠儒釋之互換實始於此矣詩曰鳶飛戾天魚躍於淵說者以為喻惡人遠去民得其所即中庸引而伸之亦不過謂聖人之德明著於天地而已曷嘗有化機也子在川上曰逝者如斯夫不舍晝夜說者以為感嘆時往不可復追即孟子推而極之亦不過謂放乎四海有本者如是而已曷嘗有悟境也蓋聖人之言淡求之其義顯然此所以無過不及為萬世不易之經也深求之流入於幽深微渺則為賢知之過以爭勝於異端而已矣何也聖人之道本乎禮而言者也實有所見也異端之道外乎禮而言者也空無所依也子所雅言詩書執禮顏子問仁子曰克己復禮為仁請問其目曰非禮勿視非禮勿聽非禮勿言非禮勿動顏淵曰夫子循循然善誘人博我以文約我以禮聖人舍禮無以為教也賢人舍禮無以為學

如詩書博文也。執禮約禮也。孔子所雅言者也。仁者行之盛也。孔子所罕言者也。顏淵大賢。具體而微。其問仁與孔子告之為仁者。惟禮焉耳。仁不能舍禮。但求諸理也。子貢曰。夫子之文章。可得而聞也。夫子之言性與天道。不可得而聞也。文章。詩書執禮也。性與天道。非不可得而聞。即其於詩書執禮之中。不能託諸空言也。夫仁根於性。而視聽言動。則生於情者也。聖人不求諸理。而求諸禮。蓋求諸理。必至於師心。求諸禮。始可以復性也。顏淵見道之高。堅前後幾於杳渺。而不可憑。迨至博文約禮。然後曰。如有所立卓爾。即立於禮之立也。故曰。不學禮。無以立。又曰。不知禮。無以立也。其言之明顯如此。後儒不察。乃舍禮而論立。縱極幽深微渺。皆釋氏之學。非聖學也。顏子由學禮而後有所立。於是馴而致之。其心三月不違仁。其所以不違者。復其性也。其所以復性者。復於禮也。故曰。一日克己復禮。天下歸仁焉。夫論語聖人之遺書也。說聖人之遺書。必欲舍其所恆言之禮。而事事附會於其所未言之理。是果聖人之意耶。後儒之學。或出釋氏。故謂其言之彌近理。而大亂真。不然。聖學禮也。不云理也。其道正相反。何近而亂真之有哉。先生此論。與張高庵之中庸論。皆古今絕識。大有功於聖學者也。其燕樂考原。由燕樂以通古樂。江君鄭堂謂其思通鬼神焉。先生卒於嘉慶十四年。年五十有五。

余古農先生事略

附

江藩

汪允亮

袁廷椿

鈕樹玉

先生諱蕭客。字仲林。別字古農。吳縣布衣也。年十五通五經。家貧不能蓄書。有苕溪書賈

徐姓借以左傳注疏讀兩月還之。徐訝其速，曰：「孰讀矣？」徐試之，背誦終卷無誤。大駭，曰：「子奇人也。」贈以十三經注疏十七史說文解字玉篇廣韻。於是閉戶肄經史，博覽羣書。性癖古籍，聞有異書，必徒步往借。以郭注兩雅用舊注而掩其名，謂之攘善無恥。乃採孫炎李巡舊注為之釋書，未成。先成注雅別鈔八卷，專攻陸佃新義。埤雅及羅願爾雅翼之誤，兼及蔡卞毛詩名物解。沈宗伯德潛見其書，折節與交。年逾冠，以注雅別鈔就正於惠氏定宗。定宗曰：「陸佃蔡卞乃安石新學，人人知其非，羅願非有宋大儒，均不足辨也。凡讀書撰著，當務其大且遠者。」先生矍然，遂執贄稱弟子焉。吳縣朱文游藏書最富，先生館其家，得偏讀四部書。又嘗聞道藏於元妙觀，閱佛藏於南禪寺。朝夕手一編弗輟，致力虧損，或令坐暗室中，目蒙藍布，存想北斗七宿。一年後，目復明，然讀書但能讀大字本而已。方恪敏觀承，延至保定，修畿輔水利志。遊京師，與朱學士鈞紀文達駒胡文恪高望善，咸謂其學在深甯亭林之間。因目疾復作，舉戴氏震自代，遂南歸。以經術教授鄉里，閉口操時江震滄孝廉筠亦以目疾授徒，人並稱盲先生。同郡以經義詩古文相論難者，薛家三汪愛廬彭尺木汪竹香諸君上下其議論，風發泉湧。先生貌奇偉，頂有二肉角，疎眉大眼，口侈多鬚，如軌草家懸鬼谷子像。同社中戲呼鬼谷子云。卒年四十有七。所著述甚多，兩雅釋注雅別鈔及文選音義均悔其少作，不以示人。別撰文選雜題三十卷，皇侃論語義疏選音樓詩拾各若干卷，其古經解鈔沈已採入四庫書。弟子江藩字子屏甘泉人博聞強記。

心貫羣經。纂國朝漢學師承記八卷。使兩漢儒林家法之承。挽本朝經學之源流。釐然可考。又作宋學淵源記三卷。分北學南學。附記共若干人。又取諸家撰述。凡專精漢學者。做唐陸元朗經典釋文傳注姓氏之例。作國朝經師經義目錄一卷。於易取胡氏。渭之易圖。明辨。惠氏士奇之易詭。惠氏棟之周易述。易漢學易例。及本義辨證。洪氏榜之易述贊。張氏惠言之虞氏義。虞氏消息。顧氏炎武之易音。於書取閻氏若璩之古文尚書疏證。胡氏渭之禹貢錐指。惠氏棟之古文尚書考。宋氏鑒之尚書考辨。王氏鳴盛之尚書後案。江氏聲之尚書集注音疏。尚書經師系表。於詩取惠氏周揚之詩說。戴氏震之毛鄭詩考正。顧氏炎武之詩本音。錢氏站之詩音表。於三禮取沈氏彤之周官祿田考。惠氏棟之禘祫說。江氏永之周禮疑義舉要。戴氏震之考工記圖。任氏大椿之弁服釋例。錢氏站之車制考。張氏爾歧之儀禮鄭注句讀。沈氏彤之儀禮小疏。江氏永之儀禮釋官譜。增注。褚氏寅亮之儀禮管見。金氏曰追之儀禮正譌。張氏惠言之儀禮圖。凌氏廷堪之禮經釋例。黃氏宗羲之深衣考。惠氏棟之明堂大道錄。江氏永之深衣考誤。禮記訓義。擇言。任氏大椿之深衣釋例。惠氏士奇之禮記說。江氏永之禮經綱目。金氏榜之禮箋。於春秋取顧氏炎武之左傳杜解補正。馬氏驥之左傳事緯。陳氏厚耀之春秋長歷。春秋世族譜。惠氏棟之左傳補注。沈氏彤之春秋左傳小疏。江氏永之春秋地理考實。惠氏士奇之春秋說。於論語。孟子。取閻氏若璩之四書釋地。江氏永之鄉黨圖考。戴氏震之孟子字義疏證。錢氏站之論語。

復錄劉氏台拱之論語駢枝於諸經總義取顧氏炎武之九經誤字惠氏棟之九經古義
江氏永之羣經補義臧氏琳之經義雜記余氏蕭客之古經解鈎沈氏億之經讀考異
證劉氏台拱之經傳小詁於爾雅取邵氏晉涵之正義戴氏震之方言疏證江氏聲之釋
名疏證續釋名任氏大椿之小學鈎沈氏考逸桂氏馥之說文解字義證吳氏玉楷之
別雅於音韻取顧氏炎武之音學五書江氏永之古韻標準音學辨微四聲切韻表戴氏
震之聲韻考類聲表洪氏榜之四聲均和表示兒切語於樂律取江氏永之律呂新論律呂
闡微錢氏塘之律呂考文凌氏廷堪之燕樂考原皆專宗漢學凡言不關乎經義小學意
不純乎漢儒古訓者皆不著錄亦可謂篤信謹守者矣又汪君元亮字竹香元和人少與
同郡余古農薛香聞結詩社城東脾晚餘子不可一世乾隆壬午與戴君東原同舉於鄉
相親善乃究心經義及六書之學生平論學推東原及程易疇論詩文推古農從游者多
振科第去而君獨以著述終又索君廷禱鈕君樹玉皆吳縣人廷禱字壽階家楓江有小
園饒水石之勝又得先世所藏五硯為樓棄之蓄書萬卷皆宋元槧刻及金石牌版法書
名畫之屬又得徐健庵留植洞庭山之紅蕙種之名其室曰紅蕙山房與錢竹汀王西莊
段懋堂王蘭泉諸公以經學相質證生平無書不窺尤精於小學樹玉字非石家洞庭山
隱於貴博極羣書亦深小學者說文解字校錄三十卷說文新附考七卷

江良庭先生事略

附 顧廣圻 徐頌 稽寅亮

江先生諱聲字叔濤江蘇吳縣人少與兄筠同學不事帖括讀尚書怪古文與今文不類又怪孔傳庸劣支離安國不應若此年三十五師事惠松崖徵君得讀所著古文尚書考及闡百詩古文疏證知古文及孔傳皆晉時人偽作乃集漢儒說以注二十九篇漢注不備則旁考他書精研故訓成尚書集注音疏十二卷附補誼九條識偽字一條尚書經師系表一卷凡經文注疏皆以古篆書之疑偽古文者始於宋之吳才老朱子以後吳草廬郝京山梅鷺皆未得其要鍾至本朝闡惠兩徵君乃能盡發其作偽之跡勦竊之原若刊正經文疏明古註則猶未之及也先生出而集大成焉其辨泰誓尤精核多闡惠二君所未及精於小學以許叔重說文解字為宗說文所無之字必求假借之字以代之生平不作楷書筆札皆用古篆俗儒非笑之不顧也嘗著六書說一首自書勒石其說轉注以五百四十部為建類一首以凡某之屬皆從某為同意相受實前人所未發又恒星說一卷讀者睽如指掌喜為北宋人小詞亦以篆書書之先生性耿介不慕榮利交遊中若王西莊畢秋帆王蘭泉皆重其品藻而先生未嘗以私干當事益重其人嘉慶元年詔開孝廉方正科江蘇巡撫費文恪公首舉先生賜六品冠服卒年七十有八晚年因性不諧俗取戾背之義自號良庭學者稱良庭先生子鏡字貢廷名諸生孫沅字鐵君優貢生世傳其學弟子數十人元和顧廣圻長洲徐頌最知名廣圻字千里號湖濱邑諸生天資過人無書不讀經史小學天文歷算輿地之學靡不貫通又能為詩古文詞及駢體為海內所推

重頤字述卿。嘉慶乙丑以第二人賜進士及第。官編修。先生老友中。來往親密者。自錢宮
詹大昕外。推褚部郎寅亮為最。寅亮字楷升。號鶴侶。長洲人。乾隆十六年召試舉人。由內
閣中書。遷刑部員外郎。與錢宮詹為同年友。深於經學。從事禮經。數三十年。嘗謂宋人說
經好為新說。棄古法如土苴。惟儀禮一書為樸學。空談義理者。不能措辭。而晦庵勉齋信
齋又崇信之。故鄭氏之學。未為異哉所汨。至元吳興教繼公撰集說。雖云采先儒之言。其
實自注疏而外。皆自逞私臆。專攻鄭氏。學者苦注疏之難讀。而喜其平易。乃盛行於世。至
說有不通。每改竄經文。以曲就其義。蓋幾於無所忌憚矣。著儀禮管見四卷。其說之最精
者。如鄉飲酒記。北面者東上。教改東為西。駁之曰。注明言統於阡門在東。則不得以西為
上也。鄉射記。勝者之弟子。洗醴升酌。南面坐奠於壘上。降袒執弓反位。教以袒執弓。向為
行。駁之曰。勝者之弟子。即射賓中年少者。以是勝黨。故袒執弓。非衍文也。燕禮。勝觶於賓
。教改觶為觶。駁之曰。凡獻以爵者。酬以觶。燕禮。宰夫主獻。既不以爵。則酬亦不以觶矣。安
可破觶為觶乎。大射儀。以耦左遷上射於左。教依鄉射改為於右。駁之曰。上射位在北下
射位在南。鄉射大射位所同。但鄉射位在福西。從福向西。則北為右。大射次在福東。從福
向東。則北為左。教比而同之。昧於東西之別矣。喪服記。公子為其妻緦冠。教改緦為練。駁
之曰。練冠之紕亦飾以緦。故開傳云。練冠緦緣。就其實言之曰。練冠就其紕言之曰。緦冠
。母重故言其質。妻輕故言其紕。非有二也。士虞禮。明齊醴酒。教以醴酒為行。大駁之曰。注

明言有酒無醴據下文普薦醴酒亦專言酒不及醴豈得妄解明舜為醴輒刪經文字乎特牲饋食禮三拜眾賓眾賓答再拜教改再為一敬之曰鄉飲酒眾賓答一拜者大夫為主入也有司徹之答一拜者大夫為祭主也此士禮安得以此相例乎先生精天文歷算之術尤長於句股和較相求諸法作句股廣問三卷錢少詹著三統術衍先生校正刊本誤字少詹服其精審早年為公羊何休之學撰公羊釋例三十卷謂三傳惟公羊為漢學孔子作春秋本為後王制作嘗議公羊者實違經旨又因何邵公言禮有殷制有時王之制與周禮不同作周禮公羊異義二卷又著十三經筆記十卷諸史筆記八卷諸子筆記二卷名家文集筆記七卷乾隆五十年卒。

鄒叔勛先生事略

鄒先生漢勛字叔勛湖南新化人兄弟六人少秉庭訓皆以才稱而先生為最年十五通左氏義佐伯氏纂左氏地圖說十六七佐伯氏纂博物隨鈔佐仲氏纂山經集譜諸書十八九纂六國春秋鄉居苦書少輒詣郡學借觀手錄口誦於天文推步方輿沿革六書九數之屬靡不研究而制舉業不循繩尺繁或千言簡不盈幅久因童子試道光十七年學使試以三江九江考異之拔補郡學生旋食廩餼亦先耳其名故也當先生孜孜為學時人無知者惟同縣鄧顯鶴湘皋深異之惜其靈繡里閨無繇出與名流結納以擴見聞招至甯鄉學舍同編蔡忠烈公遺集旋校刊王而農先生遺書數十種先生知名自此始湘

皋修寶慶府志。先生與焉所論述多。郡守黃君宅中。量移黔中。招先生往。至則爭相延致。而貴陽大定興義安順諸郡志。以次蒞事。其中形勢。詭循吏傳。皆洞中日後情事。羅文僊統典。胡文忠林翼時方官黔。深與契合。先生居黔五載。歸里而有邵陽之獄。初族中有枉死者。令不為申理。諸生某爭與縣庭。先生隨眾往觀。令并執而幽之。將中以法。湘皋力救之。事得解。是歲為咸豐元年。先生舉鄉試。明年禮部試報罷。東之淮上。訪同郡魏源。默深於高郵。互出所著相參訂。越歲賊陷江甯。默深界以遼史及尚書未定彙。促以閒道歸長沙。時南昌告警。先生弟漢章已隨江忠烈公援江西。侍郎曾公國藩新募楚勇千人。令江君忠淑偕先生率以往圍解。叙勞以知縣用。未幾忠烈擢安徽巡撫。約先生相從。遂同及於難。先是省會移廬州。賊由桐舒往。柘忠烈道病。至六安益劇。所部勇僅開化鎮軍數百人。倍道前進。先生守大西門。賊三為隧道攻之。城塌數丈。登陴矣。先生力擊卻之。忠烈專疏上其功。有詔褒獎。以同知直隸州用。賞戴花翎。時援師營城外五里。不得入。而廬州守所部勇自徐淮久與賊通。臘月十六夜過半。賊緣北城入。詰旦忠烈投水自盡。先生命酒。左手執杯。右手持劍。大呼殺賊。賊至格鬪。閉甕賊數人。賊怒。刃中項。血淋漓。項偏折。兩卒掖之前。走數武死之。時年四十有九。事聞。贈道銜。予卹。禮祀廬州及湖南昭忠祠。先生生時。母氏夢虎驚而寤。少溺苦於學。罔舍晝夜。衣履垢敝。不稍修飾。兄弟互相師友。志在勵名節。敦魚。諒前後館穀所入。不下數千金。悉供購書。周急之用。家無戲石。儲弗計也。所纂

貴陽府志百十二卷。大定府志六十卷。興義府志二十四卷。安順府志五十卷。皆刊行。又
學藝齋文集三十六卷。詩詞十六卷。讀書偶得三十六卷。穀梁傳例十四卷。廣韻表十卷。
說文韻聲簿十六卷。夏小正義疏一卷。易象隱義二卷。雜卦圖說一卷。卦象推廣一卷。六
國春秋二十四卷。顧頊憲考二卷。帝繫誌一卷。詩序去害祥滯發微四卷。凡十四種。藏於
家。

清朝先正書略卷三十六終

清朝先正事略卷之二十七

平江李元度次青纂

文苑

侯朝宗先生事略

明啓禎間。逆閹擅柄。日戕賊善類。一時才俊雄傑之士。身不在位。奮然以東都清議自持。春曰四公子。四公子者。桐城方以智。密之如皋。冒襄。辟疆。宜興陳貞慧。定生。及商丘侯方域。朝宗也。而朝宗先生尤以文章著。先生祖執蒲。官太常卿。父恂。戶部尚書。季父愷。官祭酒。皆以東林忤閹黨。先後除名。先生幼從父官京師。習知中朝事。而於君子小人。門戶。始終之故。尤熟悉。懷富阮大鍼。故魏閹義兒也。屏居金陵。謀復用。諸名士共獄大鍼罪。作留都防亂揭。定生及貴池吳應箕。次尾主之。大鍼愧且恚。然無可如何。知先生與二人者。相善也。私念因侯生以交於二人。事當已。乃屬其客來交。懼先生覺之。謝客弗與通。而大鍼家有伶一部。能歌所演劇。號燕。子。葵。者。會諸名士以試事。集金陵。先生置酒高會。徵阮伶。大鍼心竊喜。立遣伶往。而令他奴誦之。方度曲。四座稱善。奴走告大鍼。心益喜。已而抗聲論天下事。語稍及大鍼。遂戟手罵。詈不絕。大鍼乃大怒。而恨三人者尤次骨。甲申。南都擁立大鍼。驟枋用。興大獄。將盡殺黨人。捕定生入獄。次尾亡命。先生夜出走。渡揚子。依鎮帥高傑。得免。先生家。遺不羈。多大略。少嘗與楊公廷樞。夏公允彞。醉登金山。臨江悲歌。指評

當世人物。而料事尤多奇中。方尚書公之督師援汴也。先生進曰。大人受詔討賊。廟堂議論臺制。願破文法以賜劍。首誅一甲科令守之。不應徵辦者。而晉帥許定國師噪。當斬以徇。軍事辦。威立疾馳渡河。收中原土寨圍結之眾。以合左良玉於襄陽。約陝督孫公傳庭。犄角並進。則汴圍不救。自解矣。尚書叱曰。此跋扈也。小子多言。趣遣歸。道遇永城叛帥劉超。挾之。先生曰。君所坐不過殺一御史。奈何遽反。今畿輔有警。君率所部疾走勤王。必可轉禍為福。即不然。亦湔洗惡名。失此則身死名裂。超不能從。先生既負才不試。以明經累舉於鄉。輒報罷。順治辛卯列副榜。初放意聲伎。已而悔之。發憤為詩古文。倡韓歐學於舉世。不為之日。嘗遊吳下。將刻集。集中文未脫囊者。一夕補綴立就。人益奇之。順治十一年卒。年三十有七。方密之國變。後以僧服終。定生在南都被逮。大賊敗脫歸。後與辟疆俱卒於家。而次尾當王師下金陵。謀起兵。被執不屈死。

魏叔子先生事略

附 兄

際瑞

弟 曾樞

彭士望

林時益

李騰蛟

甯都三魏伯曰祥。字善伯。改名際瑞。季曰禮。字和公。而叔子先生禮尤著。先生字冰叔。號裕齋。父兆鳳。字夫民。以孝聞。居喪哀毀如古禮。家故饒於財。好施與。急人之難。逾於己。崇禎初。薦舉徵辟。皆不就。學者稱之曰徵君。先生負異稟。年十一。為諸生。甲申之變。愍帝死。社稷先生瓶慟。日哭臨。縣庭憤咤。不欲生。謀從曾給事。應遴倡義兵。不果。乃棄諸生服。隱居教授。先生形骸修。願負才略。善畫。盡理時事。前決成敗。懸策而後驗者。十常八九。方流

賊之熾也。承平久，人不知亂，且謂寇遠梓難及。先生獨憂甚，移家翠微峯，距甯都四十里，四面削起，百餘丈，中經坵，自山根至頂，若斧劈然。緣坵鑿磴道，梯而登，因置閣為守望士，友稍稍依之，而彭士望、彭庵、林時益、確齋亦至，皆與先生立談定交。挈妻子來，家翠微，世所稱易堂諸子也。其後數年，甯都被寇，翠微峯獨完。先生既謝諸生，益肆力古文辭，喜讀史，尤好左氏傳及蘇洵，其為文主識議，凌厲雄傑，遇忠孝節烈事，則益感慨，摹畫淋漓，年四十乃出遊，涉江湖，至吳越，思益交天下奇士。於吳，明交徐枋、金復明，西陵交汪灝、乍浦交李天植，常熟交顧祖禹，毘陵交惲日初、楊瑀，方外交藥池稿木，皆道民也。當是時，南豐謝文游講學程山星子，宋之盛講學警山，弟子著錄者皆數十百人，與易堂相應。和論者謂西江自歐陽、鄒、魏、宗、陽、明講性學，陳艾依復社，工帖括，其聲力氣，皆足動一時。易堂起，獨以古文實學為歸，風氣一振，由先生為之領袖云。康熙戊午，詔舉博學鴻儒，先生被徵，以疾辭，有司督催就道，不得已，昇疾至南昌，就醫，巡撫疑其詐，以板扉昇至，先生絮被蒙頭，臥稱疾，乃放歸。後二年，赴揚州，故人約，卒於儀徵，年五十有七。其婦謝氏，絕食十三日，以身殉。彭躬卷及其未死時，執贄拜牀下，奉為女師。易堂九子，自三魏及躬卷，確齋外，曰李騰蛟、成齋、邱維屏、邦士、彭任中、叔會、燦、青菘，敦古友誼，如骨肉子弟，無恒父師，高僧無可，嘗至山中，歎曰：「易堂直氣，天下無兩矣，無可明檢討，方公以智也，凡戚友有難進之言，或處人骨肉間，先生批卻導窳，一言輒解其紛，或訝之，先生曰：『吾每遇難言事，』

必積誠累時與其精神相貫注夫然後言所著有文集日錄左傳經世諸書

伯子性敏善強詔為諸生於兵刑禮制律法皆能窮析原委遇難事剖決如流客潮鎮劉伯祿幕時大兵圍潮久不下主兵者怒約城下日盡屠之伯子力言於劉劉叩頭力請乃免范忠貞公撫浙禮為上客凡蠲荒賑饑諸善政伯子宣力為多康熙丁巳賊將劉大任踞韓當事議撫之大任揚言非魏善伯來吾不信也時伯子客總兵哲爾肯所遂遣之友人及諸弟皆勸弗往伯子慨然曰鄉邦之禍烈矣願梓此身圖之遂往甫入營官兵遽從東路急攻大任疑實已曰先生來將為賈林乎抑效鄴食其也伯子無以應被拘留十月大任變計走降聞拔營日伯子遂遇害于世傑字興士邑諸生聞變徒跣往迎喪抵家拔佩刀自刎左右持之遂日夜椎胸哭死血結少腹下目上眇不能立呼號二十日而死年三十有三入比之何炯謝蘭云伯子著文集十卷雜俎五卷興士所著曰梓室詩文集季子少叔兄五歲父命叔子授以書答罵皆樂受曰叔兄愛我也此弱冠更刻苦自勵學日進兩兄儼然以畏友待之既棄諸生乃並事遠遊歷閩粵度海達瓊崖北抵燕京返轍夷門過洛陽南浮漢沔入秦關涉伊水經鳳滁道中足跡幾徧天下所至必交其賢豪尋訪窮巖道佚之士嘗省故人於韓城往觀砥柱三門聞高士彭荆山居華山絕嶺直上四十里手鐵絙躡飛磴訪之高韓昌黎痛哭處十里性慷慨好義所得金輒隨手盡居翠微峯頂榜曰吾廬更以自號年六十六卒有詩古文集于世傑字昭士世儼字敬士皆有集

能世其家

彭躬菴名士望。一字樹麇。南昌人。少有雋才。究心經濟學。喜結客。立義聲公。卿開崇禎己卯。父哲病且草。閱邸鈔。見漳浦黃公道周。平臺召對語。拊枕數日。漢也。顧謂兒當師之。躬菴治喪畢。卽裹糧往謁。時黃公已下詔。欲為傾身營救。會太學生涂伸吉上疏。訟公冤。并下獄。解連躬菴。禍幾不測。黃公論戍。事乃解。尋參揚州軍幕。未久辭歸。在易堂中所學。尤以躬行為本。名其文曰躬堂集。鄉人有死節者。其子幼被掠。傾橐贖之。為娶婦。篤風義。至老不衰。卒年七十有四。

林時益字確齋。本明宗室。名儀壽。與彭躬菴同里。國初江淮間。數被兵。兩人謀卜居。躬菴與叔子一見定交。極言金精諸山。可為嶺北耕種處。乃變姓名。攜家往。先是父統鎮以崇禎丁丑進士。令江夏卒官。嘗支帑金數萬。修城點吏。匿其籍。確齋觀。縷追憶條。寫而目算之。無纖毫爽。攝印者驚以為神。然自是得嘔血疾。比遷甯都。已盡破其產。結廬冠石。備田而耕。非其力不食。子楫孫。附人吳正名。任安世輩。皆帶經負鋤。歌聲出金石。過者如觀古畫圖焉。冠石宜茶。確齋以意製之。香味擬陽羨。所謂林界者也。康熙七年。詔故明宗室子孫眾多。有竄伏山林者。悉歸田廬。姓氏皆復舊。而確齋寄籍甯都。久不樂歸。山居三十年。卒。工書。喜為詩。晚好禪悅。著冠石詩集五卷。

李君騰蛟字力貞甯都人。明季諸生。與臨川陳際泰羅萬藻甯化李世熊同邑。邱維屏為

文會。晚入翠微於易堂中。年最長。請小兄事之。嚴敬母。敢數後。別居三嶽峯。以經學教授。著周易贖言。年六十卒。

邱邦士。名維屏。三魏姊婿也。性高簡率樸。讀書多元悟。弱冠為諸生。督學侯忠節公奇賞其文。值變。避亂翠微峯。家故居甯都之河東。多古松。望之蒼鶻無際。邦士著書其下。稱松下先生。叔子嘗從之學古文。邦士之學原本六經。左國史漢。旁及諸子百家。顧獨有得於秦西之書。心悟神解。僧無可來。易堂常與布算。退語人曰。此神人也。青州翟世祺守饒州。傲僻藐天下。獨心折邦士。七聘乃往。北面事以師禮。邦士主其署齋。為演易數。偶乏紙。即用牌票紙背書之。翟悉以錦軸裝潢。其草臺。青州馮相國欲邀一見。邦士卒不往。嘗絕炊。婦令借米鄰家。久不至。覘之。則方負手立池上。看往來行人。乃別措米炊。召之食。輒大嘆。亦不問米所由來也。著有周易勸說及文集。康熙己未卒。年六十有六。先是淮安關再彭。以帛脩書。求邦士為其妻銘墓。未作也。卒之日。命家人取帛出曰。以付叔子。選淮安關再彭。曾君燿。字青蒸。一字止山。明給事中。應遴仲子。與兄聯。並工詞章。喜然諾。方明季多故。思以功業自見。折節下士。士翕然歸之。歲乙酉。楊文正公廷麟。竭力保吉。贖給事。公以闖嶠山澤閒。有眾十萬。俾往撫之。既行而給事病卒。贖亦破。乃解散去。尋祝髮為僧。遂遊閩浙。兩廣閒。大母陳母温念煤成疾。乃歸甯都。以大母命受室。築六松草堂。躬耕不出。後乃入易堂。少有詩名。選海內名家詩二十卷。統過日集。僑居吳下最久。著止山集。西庵草堂詩。

客遊燕市以卒。

彭君任字中叔一字遜仕甯都諸生少與同邑溫應博友應博死難時兵燹蒼黃人莫敢畫行中叔獨往購其尸哭而殮之鼎革後結廬岷山名所居曰一草亭足不履城市自入易堂後嘗一訪其友謝文海甘京於南豐之程山未嘗再他適也著禮記類編及草亭文集嘗論朱陸異同謂學者之病不在於辨之不明而在於行之不篤其持論最平卒年八十有四。

梁質人者名份南豐人彭躬菴魏叔子高弟也少從兩先生講經世之學嘗隻身遊數萬里西盡武威張掖南極黔滇徧歷趙秦晉齊魏之墟覽山川形勢訪古今成敗得失遇荒軼事一發之於文方望溪王崑繩皆重之為人樸摯強毅退守窮約至老不少挫年八十有九卒著懷葛堂文集。

宋荔裳先生事略

附

田雯

曹貞吉

顏光祿

王萃

徐夜

謝重輝

宋先生琬字玉叔號荔裳山東萊陽人順治四年進士授戶部主事監督蕪湖關潔已恤商歲額逾於舊遷吏部郎選人無滯抑之歎出為隴西道值地震後修城垣瘞屍賑糶不遺餘力隨督隴西學政清慎公明稱得士歷永平兵備及甯紹台道駁駁嚮用矣族有不逞子以夙憾飛章告密被逮對簿西曹久之事得白流寓吳越居無何天子祭其寃起四川按察使會入覲留京師而吳逆叛成都失守妻子皆在蜀憂憤而卒性孝友虛懷下士

工詩古文詞。威名滿天下。有南施北宋之目。施謂愚山也。所著有安雅堂集。同時山左詩家。自漁洋外。有田山籟。曹實。卷顏。修來。王秋史。徐東。癡。謝方山。張慰友。

山籟。姓田氏。名實。字紫綸。德州人。康熙三年進士。授中書。中書號丞相掾。舊以資郎充選。有御史言機務重地。宜用進士。始開此例。累遷工部郎中。督江南學政。力崇古學。所取皆雄駿通偉之士。風氣為一振。每按試。從兩驢。蒼頭二人。隨戒有司勿供張。自市蔬菜十把。脫粟三斗。遠近稱之。調湖廣督糧道。遷光祿卿。巡撫江甯。會秋南積陰。漕米色多變。民艱輸納。特疏以請。得隨時交兌。又請動帑金。大濬京口運河。以省歲挑之費。蘇常民皆德之。並請減湖田稅。免銅課。俱次第允行。調撫貴州。時苗种猖獗。粵督方議會勦。公移書制府。謂制苗之法。犯則治之。否則防之而已。無庸動眾勞民也。議遂寢。丁憂。起補刑部右侍郎。調戶部。以疾歸。康熙中。王漁洋負海內重名。山籟天資高邁。記誦亦博。負其縱橫排募之氣。欲以奇麗駕漁洋而上之。故詩文皆組織繁富。鍛鍊刻苦。成一家言。著有古懽堂集。長河集。曹實。卷名貞吉。字升六。安邱人。山籟同年進士。官禮部郎中。詩格道鍊。其黃山諸作。極為宋牧仲所推。著有實菴詩略。顏修來。名光範。字遜甫。曲阜人。康熙六年進士。官吏部郎中。好讀書。善鼓琴。精騎射。尤耽山水。水性孝友。勤於睦族。年四十卒。生平不信浮屠星命之說。嘗言軀體猶炭。神氣猶火也。火傳於炭。然後能為功。炭當風則易燼。扇之則立燼。置密室覆以灰。則後燼。然則謂人可長生者妄也。謂死有時不可先不可後者。亦妄也。所著

曰樂圃集元光獻光毅皆進士。歷官中外有文名。王秋史名某。歷城人。康熙丙戌進士。所居聖水泉。元千欽所品七十二泉之第二十四也。少有狂名。王漁洋田山。鍾賞其詩。並奇其人。有王黃葉之目。所著曰二十四泉草堂集。徐東癡名夜。新城人。年二十九棄諸生。埵阴土室。絕跡城市。有朱桃椎。杜子春之風。薦鴻詞科。以老辭。詩格清峭。近章左司。孟東野。謝方山。名重輝。德州人。官刑部郎中。有杏村詩。漁洋稱其去膚存骨。去枝葉存老幹。真賞甚稀。存之篋中。以待元次山。杜清碧其人。定相賞於絃指之外。其傾倒至矣。歷友。張姓名篤慶。淄川人。學殖淹博。下筆千言。諸老宿稱爲冠世才。不虛也。充選貢生。廷試不遇。歸隱崑崙山。不復出。杜明著書。有八代詩選。班范肪截。五代史肪截。兩漢高士贊等書。詩以感唐爲宗。著有崑崙山房集。

能次侯先生事略

附

劉子壯

金德嘉

顧景星

張仁熙

劉麟曠

熊先生伯龍。字次侯。湖北漢陽人。祖籍進賢。晚自號鐘陵。示不忘祖也。少博學。工文章。順治六年。賜進士及第。第二人。由國史院編修。累官內閣學士。兼禮部侍郎。屢司文榜。皆得士。自少至老。手一編不置。在朝籍。恂恂如儒生。歷官二十年。不妄交游。不立崖岸。易簣時。惟以未得澤被生民爲憾。其制舉文。與同年生劉克猷。修撰。齊名。雄渾雅健。開國初風氣。天下號曰熊劉。而先生古文尤工。著有毅貽堂文集。集中代言諸作。尤樸茂。有東京之遺。特爲時文所掩。耳克猷名子壯。字稚川。黃岡人。順治六年。廷對第一。官修撰。九歲失怙。

每念母輒為孺子泣遂以祀思名其堂所著曰祀思堂集克猷生明季早負文名嘗夢登甲第出朱之弼門下偶見童子自塾歸甚穎儻訊之則朱姓之弼名訝曰吾豈當為弟子耶及遭寇亂奔竄山崖水涘間不獲與計偕入國朝始大魁天下其時分校禮部試者果之弼也自熊劉後楚北文章家推金會公檢討為最著會公名德嘉號豫齋廣濟人五歲而孤事母孝以主敬存誠為學康熙二十一年會試第一官檢討與修明史表章殉節諸臣分撰一統志於楚中郡邑考訂尤精核丁卯典貴州試所拔多名宿致仕二十年足跡不入城市益鍵戶著書時同郡顧景星張仁熙劉騷傑沿王李餘習追摹秦漢嘗震川會公獨守韓歐家法著有居業齋集續纂元明名臣言行錄卒年七十有八顧景星字黃公蘄州人記誦淹博才氣尤橫肆不羈詩文雄贍稱霸才著有白茆堂集又有讀史集論九卷脾池錄一百十八卷南渡集來耕集共七十三卷皆錄入四庫張仁熙字長人廣濟人諸生共論詩謂時弊雖深救之者輒變而加厲公安救應下失之佛克陵救公安陷於虜時以為允宋牧仲通守黃州於雪堂築東齋延長人說詩著有鶴灣集卒年八十有四劉騷傑字千里號廓菴亦廣濟人生而有文在手曰應性方直以歲貢入都與魏敏果公講業極愷或勸之仕曰吾不任此也遂歸著有芝在堂集及學庸古本解諸書

汪堯峯先生事略 附 補纂

先生名琬字若文號鈍菴江蘇長州人學者稱堯峯先生少孤讀書五行俱下順治十二

年進士。觀政通政司。未幾假歸。肆力古文辭。嘗慨然念前明隆萬以後古文道喪。乃由南宋以上溯韓歐。卓然思起百數十年文運之衰。尋補戶部主事。分司大通橋。歲滿改刑部員外郎。遷郎中。坐江南奏銷事。降兵馬司指揮。復為戶部主事。公退無時不以古文自娛。嘗與龔端毅鼎華李文定天顧王文簡士禛陳文貞廷敬宋尚書華劉戶部體仁董待御文驥等。以詩文相切劘。陳公待直禁廷。聖祖問今能為古文者。其誰。輒舉先生以對。先生因文見道。務為經世有用之學。故歷官皆有名蹟。可紀其為刑部郎也。河南民張潮兒以報母仇。殺其族兄三春。罪坐死。詔法司核議。先生以潮兒母先為三春所殺。著復讎論。引律文。祖父父母被殺。而子孫擅殺行凶人者。杖六十。又罪人應死而擅殺者。杖一百。為據。他疑獄。必引經附律。務毋枉縱。其降為北城指揮也。強直不渝所守。某閩學欲并其鄰人居。會郡人母自經死。閩學欲重其罪。其門下生適以御史巡城。屬先生文致。先生卒白其誣。閩學怒。必欲置諸理。先生力爭乃解。旗人與民爭縛。民至司。其黨數十人。臥踞廳事。官出岸然不動。先生卒直民。而紬旗人。關壯繆廟祝。為人所殺。無主名。禱於神。神告以夢。鞠一替者得其情。卒獲犯。實諸法。道死者親為收瘞。奸民以假命啗人。豪家奴恃勢脅良。善皆重筮之。任滿且去。北城民執香。攜酒送者。填溢衢巷。達官呵殿至。擁塞不得行。問之曰。民送兵馬司也。兵馬司秩卑而職冗。士大夫左遷。類偃蹇不屑意。前此未有得民心留去後思如先生者。其再入戶部也。王尚書宏祚。夙重先生。會姚總憲文然。疏請夏稅以五

六月秋糧以九十月。下部察國儲果否足支一季餉。先生集同官窮日夜會計。得見銀二百四十萬兩。以復於王。公曰。兵餉可無虞。緩徵。使逐輯書曰。兵餉一覽。既而廷議格不行。書存篋中。先生曰。異日有為緩徵之政者。吾書可取視也。議輸漕五米十銀為官收。官兌法。而旗弁之橫。愆議裁。吳三桂兵餉。而強藩之勢。阻其端。皆先生發之。權江甯西新倉。上羨餘金若干。無纖毫染指。亡何病免歸。結廬竟峯。居九年。並閉戶著書。康熙十七年。詔徵博學鴻儒。陳文貞疏薦先生。宋尚書德宜亦別為疏。同日以薦。比試。上親拔其文。授編修。與修明史。先生以道德文章為己任。雖與一時賢士遊。而流俗往往不悅其所為。深中者尤忌畏之。在史館六十日。選史彙百七十有五篇。杜門稱疾。逾年仍假歸。所居竟峯。擅山水之勝。蕭然野服。手一編。屹屹窮年。曰。吾老猶冀有所得也。嘗語學者曰。學問不可無師。承議論不可無根據。出處不可無本末。其文根抵六經。出入廬陵。震川。閉於易書詩春秋三禮喪服。咸有發明。性下急。不輕許可。嘗與宋荔裳爭辯。歸而恚曰。吾柰何與彼同。各然坦中無城府。人有一言之善。不難僂首至地。生平淡於榮利。難進易退。自登仕籍。前後閒居二十餘年。泊然自樂也。二十三年。聖祖南巡。偕在籍諸臣迎駕。上溫諭垂詢。撤御前餅餌。賜之。諭巡撫湯斌曰。編修汪琬。文名甚著。居鄉不與聞外事。朕深嘉之。可特賜御書一軸。上嘗與近臣論本朝文學。欲行之儒。首稱數先生。其受知如此。卒年六十有七。所著堯峯文集五十卷。同邑褚先生篆字。卷書。為諸生。淳厲古學。屏棄舉子業。天爵自尊。韓文

懿公。以父執敬禮之。康熙二十六年。聖祖南巡。召見於行。在命書箋二幅。御書海鶴風姿。額賜之時。年九十六。兵起歲卒。著有海鶴堂集。

王于一先生事略

明 陳宏緒 徐世溥 歐陽忞元

王先生獻定。字于一。號軫石。江西南昌人。選拔貢生。父時熙。明士。官太僕卿。天啓中。名在東林。先生工詩古文。為人個儻自愛。少時馳聘聲伎。狗馬陸博。神似迂怪之事。無所不好。故塵為之傾。晚寓浙中。西湖僧舍。為文多鬱勃。如殷雷未奮。又如崩崖壓樹。村榭盤礴。旁枝得隙。突然干霄。書法亦重一時。自明季公安竟陵之說盛行。文體日瑣碎。先生與新建陳士業。徐巨源。歐陽憲。萬輩。均能獨開風氣。所著曰四照堂文集。

士業。陳姓名宏。緒號石莊。父道亨。明進士。官兵部尚書。楊忠烈。連以劾魏閣削籍。公抗疏申救。不納。遂投劾歸。卒贈太子少保。謚清襄。士業性警敏。家集書萬卷。晝夜講肄。以任子薦。授晉州牧。時真定屬邑多被兵。閣臣劉宇亮出督師。欲移師入晉州。士業拒不納。遂被劾。緹騎逮問。士民哭闕下。頌其保城功。得釋。謫湖州。經歷署長興。李豐二縣事。有惠政。魯免歸。入本朝。屢薦不起。移居章江。輯宋遺民錄。以見志。著有石莊集。恒山存藁。寒衣集。周易備考。詩經尚書義等書。

巨源。名世溥。姓徐氏。父良彥。明進士。官宣天巡撫。忤崔魏。削籍。戍清浪。崇禎初。起大理卿。遷工部侍郎。巨源年十六。補諸生。時東鄉艾南英。以文名。與巨源約為兄弟。江左錢謙益。

姚希孟里中萬時華輩皆以杓斗歸之。明南贛巡撫潘曾紘得祥符王維儉所修宋史屬巨源及晉江曾異撰重加更定。巨源才雄氣盛一往自遂屢躋於鎖闥。入本朝遂絕意進取。順治初溧陽相枋政欲修傲辟故事直指使親式其閭又作手書道司理持禮幣往山中致之拒不納所著曰榆溪集

歐陽憲萬名斌元幼奇慧讀書日十行下終身不忘為諸生受知學使蔡忠襄懋德侯忠節炯曾二公皆禮以國士姜公曰廣楊公廷麟尤相推重稱為奇才博學王景略之亞與樂平王綱南昌彭士望為兄弟交講求經濟以學業相砥礪嘗為南左司馬呂公大器草疏劾馬士英二十四大罪又嘗佐督師史公可法幕府史公薦擢推官士英知呂疏出君手街之憤弗用尋歸隱順治乙丑卒年四十四有文集十二卷

梅瞿山先生事略 附 梅庚 高詠 袁谷旭 朱書

梅先生清字潤公號瞿山安徽宣城人少讀書竟夜不寐既長英偉豁達以博雅稱順治十一年舉於鄉再赴會試不第即絕意進取所至士爭推轂王尚書阮亭徐相國立齋尤傾服焉主盟騷壇最久後學多藉以振起康熙三十六年卒年七十有五先生所為詩凡數變年壯氣盛叱咤成篇久之芟舊作過半而沈至之意見於巖棲旅食者為多長洲宋晉寶顛序之以為鏗鏘發金石幽眇感鬼神風灑乎調天然之律呂有天延閣前後集晚年編為瞿山詩略共三十三卷尤工畫仿顏魯公楊少師畫有奇氣嘗寫黃山圖極煙雲

變幻之趣。墨松蒼雄險勁。阮亭稱其山水入妙品。松入神品。更數十年後。斷紈素。素當不減。蘇黃云。宣城梅氏。自北宋聖俞先生後。世多名人。有梅庚者。生後於先生。與齊名。庠字鶴長。生三歲而孤。家故貧。母劉媿。以成立。資穎特能。奮於學。善八分書。作畫曠逸。有雅韻。尤長於詩。同邑施愚山一見稱賞。引為忘年交。客京師。公卿咸折節倒屣。而性操介。不妄投一刺。人益重之。康熙二十年。舉鄉試。為朱竹垞所得士。後遊阮亭門。屢因公事。阮亭主禮闈。仍被黜。阮亭至作詩自訟。彙知浙之泰順縣。以經術飾吏治。邑苦歲修海船。鶴長莅任。五年累不及民。民德之。嘗作修船謠。人以比春陵行焉。未幾引年歸。其詩原本雅頌。下逮漢魏三唐。盡馳騁之致。卒不敢溢於法外。時宣城又有高詠表。啓旭工詩而好遊。同著聲都下。詠字阮懷。號道山。幼有神童之目。其學無所不窺。詩名與愚山埒。人號宣城體。年近六旬。始貢太學。與愚山同舉詞科。授檢討。未幾假歸。詩近體極淡遠。歌行奇肆。愚山稱其優入古人。以兼工書畫。世稱三絕。有遺山堂。若巖堂等集。啓旭字士旦。其詩踔厲頓挫。足抗衡古人。弁其集者。亦宋君實。穎謂以秦風之悲壯。兼楚騷之哀怨。前輩惟梅村先生可以方駕。近則其年得其豐腴。漢槎得其英概。其推挹如此。以國子生終。有中江紀年彙。

又朱先生書。字字緣宿松人也。文章雅健。尤熟於有明遺事。抵掌論述。不遺名地。康熙丙寅。以選貢入太學。聲譽益赫。然公卿閒。榮未進士。官編修。乞假歸。築室其邑之西山曰杜谿。

丁游 陸圻 柴紹炳 毛先舒

將著書以終。老年五十一卒。著有杜谿文彙。

丁葑園先生事略

附

陸圻

柴紹炳

毛先舒

毛際可

孫治

張綱孫

丁君名澎。字飛濤。號葑園。浙江仁和人。順治十二年進士。官禮部郎中。少有隸才。與弟景鴻。滌。並稱三丁。吳梅村贈詩。有兄弟文章入選樓之句。早歲有白燕樓詩。流傳吳下。士女爭採。燕以畫衫袖。婺州吳器之贈詩云。恨無十五雙鬟女。教唱君家白燕樓。其為時傾倒。若此。初與同里陸圻。柴紹炳。毛先舒。孫治。張綱。孫吳百朋。沈謙。盧黃昊。陳延會諸君。稱西冷十子。通籍後。與宋荔裳。施愚山。張謙明。周釜山。嚴灝亭。趙錦帆。酬唱日下。入號燕臺七子。後以事牽索。謫居塞上者五年。卜築東岡。躬自飯牛。吟嘯自若。所作詩話。多忠愛。無怨誹之意。其所養可知矣。著有扶荔堂集。陸圻字麗京。一字講山。居錢塘。少與弟培。培咸以文章經世。自任海內稱三陸。又與陳君子龍等為登樓社。世號西陵體。事親孝。到股療母病。久而知醫。莊鍾史禍作。麗京與查繼佐。范驥皆被株連。事白歎曰。今幸得不死。奈何。不以餘生學道耶。弟培進士。官行人。死甲申之難。麗京親殉。後棄家遠遊。不知所終。子寅往來萬里。尋之數年。卒不得。竟以死。時稱其孝。麗京生平不言人過。有語及者。輒曰。我與汝姑自盡。毋妄議他人。為著有威鳳堂集。西陵新語詩禮二編。柴紹炳字虎臣。號省軒。在西湖十子中。文名最著。持躬尤端謹。有省軒集。毛先舒字稚黃。一字馳黃。出陳臥子先生門。又嘗從金堂劉子講學。其詩音節瀏亮。有七子餘風。著聲韻叢說。韻學通指。韻白匡牒。漢

書聖學真語。小匡文鈔。思古堂集。螺峯說錄。東苑文鈔。蒸雲晚唱。諸集。與西河。鶴舫。齋名。時人謂曰。浙中三毛。文中三豪。西河自有傳。毛鶴舫名際可。字會侯。遂安人。順治十五年。進士。官彰德府推官。其學不及西河之博。亦不至如西河之悍僻。古文辭。香南。豐所著曰。松峯全集。孫治。字字台。錢塘人。以著述稱於時。其文如商彝周鼎。剝蝕之餘。尤怪並露。生平篤友誼。陸驥武死。以孤女託為擇。吳檢討任臣妻之。又為立嗣。以甥女嫁焉。吳錦。夷宰南和。客死。往經紀其喪。著有鑑菴集。張綱。孫字祖望。改名丹。錢塘人。美鬚髯。恬淡不樂交遊。好為詩。古文詞。喜山水。窮幽躡險。其詩悲涼沈遠。有小雅之遺。論詩謂少陵七律能用比興。他人雖極工。鍊不過賦。取所著曰。秦亭集。吳百朋。字錦夷。舉人。官南和知縣。少奇敏。讀書五行並下。為文數千言立就。居官有異政。歿後。百姓建祠祀之。著有樸菴集。沈謙。字去矜。少穎慧。工詩古文。初喜溫李。後乃循漢魏。以窺盛唐。其意貞而不溢。其聲和而不流。著東江草堂集。虞黃。吳。字景明。錢塘人。康熙丙午舉人。官教諭。十歲。即善屬文。嘗游柳州。乞巧文。更作辭巧文。識者知其遂到。

清朝先正事略卷三十七終

清朝先正事略

卷三十七 文苑 毛際可 孫治 張綱

九

清朝先正事略卷之三十八

平江李元度次青墓

荆溪許時庚幼莊重校

大苑

計甫草先生事略 附 潘耒 徐銳 吳兆騫

計先生東字南草號改亭吳江人幼跳盪不羈父憂之先輩吳翮一見曰非常兒也尋受業張西銘之門年十五補諸生文譽日起以馬周陳亮自比遭世變不應科舉家產取十三經二十一史諸書盡讀之求義理指歸治亂得失之要下至權術兵法陰陽占候之術靡不通曉弱冠著籌南五論上闕部史公公奇之其深明大略陳同甫莫能過也順治八年中乙榜貢太學十四年舉順天試名動長安三試春官不第江南奏銷案起挂名被黜並浪遊四方嘗自京師北走宣雲南歷洛漳邢魏東之濟交徧覽名山川所至結交賢士大夫故其詩文日閑富務極其才力而後已

在吳中與徐健菴汪堯峯尤西堂諸君狎主齊盟然內行修謹篤孝友重然諾友人吳兆騫流徙出關先生周恤其家以愛女字其弱子有才子曰準早夭隸思子亭以孝貞女宋氏合葬宋氏準聘妻年十三未婚守志者也先生少負奇氣過鄴城尋謝茂菴葬處得之南門外二十里盡斥橐中金為修墓立石誌之曰明詩人謝榛墓固請當事其權微又過順德憇逆旅念歸處川昔嘗佐郡有廳記二篇求遺址不得乃入署旁廢園中設瓣香再拜流涕而去道旁觀者皆大笑以為狂生至

吳門稱明生於黃孝子向堅。至禾中金明寺。上陶朱公書。自稱世通家。索其始祖計然七策。以為致富之方。其落拓自奇。若此。卒年五十有二。逾歲。天子開鴻詞科。而先生不及待矣。所著曰改亭集。次子黻。字希深。以詩文遊四方。名滿日下。同邑有潘次耕先生者。與黻名。潘次耕。名耒。號稼堂。父凱。列名復社。兄禮。能文。負氣節。茗中史獄起。蒙難死。先生資稟絕人。有聖童之目。從顧亭林。徐侯齋。戴耘野三先生遊。故其學貫穿淹洽。無所不通。旁及日曆算數。宗乘道藏。悉有神會。詩古文尤精博。無涯涘。嘉定陸翼玉。平湖陸稼書。交口許為淹洽。康熙己未。以布衣舉博學鴻詞。官檢討。纂修明史。充日講起居注官。其時與館選者皆起家進士。先生與朱竹垞。嚴孫友。獨由布衣入選。文又最有名。凡館閣經進文字。必出三布衣手。同列忌之。先生尤精敏。敢言。無稍避。避為忌者所中。坐降調。以母憂歸。遂不復出。四十二年。聖祖南巡。復原官。澤州陳文貞公欲薦起之。先生曰。止。止。吾分也。賦老馬行。以謝焉。先生嘗應詔陳言。謂建言古無專責。歷代雖設臺諫之官。其實人人得上書言事。梅福以南昌尉言外戚。柳伉以太常博士言程元振。陳東以太學生攻六賊。楊繼威以部曹刻嚴嵩。本朝舊制。京官並許條陳。自康熙十年。憲臣奏請停止。凡非言官而建言。為越職言事。例當降調。夫人主明目達聰。常懼有所壅蔽。故宜導之使言。今乃禁之。使不得言。豈盛世事。臣請除越職言事之禁。俾大小臣工各得獻替。進言之途廣。則罔上行私之徒。不得人人而把持。結納之。庶有所忌。而不敢為。於此輩甚不便於國家。甚便也。其在

外監司守令等官。若大利大弊。果係真知灼見者。亦許條奏。地方災荒。督撫不肯題報。若州縣官徑得上聞。如此則民閒疾苦。無所不周。知矣。更請許臺諫官。得風聞言事。以作敢言之氣。其大奸大貪。不經糾彈。別行發覺者。請將言官一併處分。有能奮擊奸回。不畏權禦者。不次超擢。庶紀綱振而萬事集矣。馮文正公撫吳。先生贈以文力言浮賦之害。為畫三策。文正具疏。陳得酌減。蓋用先生首策也。先生初被徵。以母老辭。不獲命。除官後復牒吏部。以獨子終養。請代題者。三卒格於議。連居喪。哀毀骨立。兄邁禍。募金贖其姪。為師門之讜。侯爵歿。周卹其孤。孫數十年如一日。刻亭林日知錄。並詩文集。應遊羅浮天台。雁宕武夷。黃海匡廬嵩巖。盡尋其勝。各紀以詩文。有遂初堂集三十九卷。又因亭林音學五書為類音八卷。與次耕同時薦舉者。為同邑徐電發。電發名軌。由國子生召試詞科。授檢討。會當外轉。遽乞歸。後以原官起用。不就。卒年七十三。生平好古博學。弱冠天才駿發。搢筆數千言。襲芝麓尚書奇賞之。尚書臨歿。謂梁真定相國曰。負才如徐君。可使之不成名耶。後卒與薦舉者。南州草堂集三十卷。嘗刻菊莊樂府。朝鮮貢使仇元吉見之。以餅金購去。且貽以詩。電發既工倚聲。輯詞苑叢談十二卷。晚年續唐人孟榮本事詩。皆取緣情綺靡之作。時比諸洛陽紙貴焉。吳君兆。字漢極。亦吳江人。童時作膽賦。累千餘言。長繼復社主盟。才名動一世。順治丁酉。領鄉薦。以科場事中蜚語被斥。流徙尚陽堡。二十餘年。作長白山賦。有研京鍊都風力。宋文恪徐健菴捐金贖之。得歸。著有秋苑集。

黃忍菴先生事略

附

周策

顧渭

許旭

王撰

王德

王昊

王傑

唐謙華

黃先生與堅字廷志江蘇太倉州人順治十六年進士康熙十八年召試鴻詞科授編修

遷贊善著有忍菴集錢牧齋序其詩謂長安金陵雜感諸篇頓挫鉤鏤纏綿惻愴在韓致

堯元裕之之間吳梅村祭酒嘗選婁東十子詩以先生為冠十子者周子缺顧伊人評九

日王異公王虹友王惟夏王端士王懌民王次谷也子徽名肇著有東岡集伊人名渭著

水鄉集九日名旭著秋水集吳公名撰著三餘集虹友名據著蘆中集惟夏名昊已未召

詠以年老授官正字歸著有碩園集端士名揆順治乙未進士著有芝屢集懌民名忭次

谷名曜升皆有集一時風流文采稱極盛焉而惟夏諸君又鳳洲司寇之後太原王次昆

季多亦不啻過江王謝在十子中皆錚錚有聲又吳元朗者名璫梅村先生子也工詩近

體清穩尤稱雅音康熙戊辰進士與館選累遷給事中著有西齋集同時同州以詩古文

鳴者又有崔不雕郁東堂唐實君諸子

崔華字不雕順治丁酉舉人漁洋尚書極賞其詩有句云黃葉聲多酒不醉時目為崔黃

葉與歷城王秋史並稱郁東堂名植字大本八歲應試作五倫論梅村祭酒見而奇之既

長研窮古學為漁洋所賞識康熙己未以諸生舉鴻詞科未應試卒詩宗盛唐不落元和

以下唐實君名孫華與吳元朗為同年進士官吏部主事有東江詩鈔年九十餘乃卒

馬章氏先生事略

附

鄭忠倚

張承恩

繆彤

陸肯堂

汪輝

王式丹

王殿升 吳傑 葉華 卞伍 唐源華 馬世俊 卞志倚 孫承恩 繆彤

馬先生世俊字章氏一字甸臣江蘇溧陽人順治十八年一甲一名進士賜及第授修撰
遷侍讀貢士對策多隨題敷衍先生獨侃侃直陳稱王者天下為家不宜示同異時論偉
之何義明嘗云我朝殿撰前劉後韓公居其間鼎足而三先生工書畫有二右之目謂右
軍右丞也初先生下第留京師落拓甚以行卷謁龔芝麓尚書尚書奇賞之曰李嶠真才
子也歲暮贈白金八百明年乃及第性樸素釋褐之日策蹇驢一老蒼頭攜宮袍隨其後
士林傳為佳話先生敏於詞翰著有匡菴集國初吳中以大魁著望者自徐立齋彭南畝
韓慕廬彭芝庭外無錫則鄒君忠倚常熟則孫君承恩汪君繹吳縣則繆君彤長洲則陸
君肯堂王君世傑寶應則王君式丹皆以文章名通志並列文苑而長洲錢君榮獨以三
元起家鄒君忠倚字于度順治己丑進士壬辰廷對第一授修撰詩古文皆春容靜細未
幾卒官孫君承恩原名曙字扶桑文工六朝體詩學溫李順治戊戌賜進士第一人授秘
書院修撰數被顧問從辛南海子嘗賜騎御馬未幾卒上大嗟惜賜金歸葬繆君彤字歌
起康熙丁未一甲一名進士授修撰遷侍講以艱歸淡於宦情開明不干時事立三畏書
院刊曾月川家規蔡虛齋密箴劉念臺人譜以教學者所造就甚多著有雙泉堂集陸肯
堂字遠升才氣磊落自喜康熙乙丑會試殿試皆第一由修撰遷侍講卒官清朝連擢會
狀者始黃岡劉克猷次則韓慕廬彭南畝而遠升及王樓村彭芝庭汪潤民繼之皆吳陸
也世推科名盛事云繹字玉翰汪姓號東山康熙庚辰對策第一賜及第授修撰年少擢

高第名籍甚。而謙退不矜。蘊藉多風。誦臚傳曰。馬上口占有句。云浮生止辦十年官。旋子告歸。乙酉奉命校全唐詩於揚州。尋卒。時以為詩讖。所著曰秋影樓集。王君式丹字方谷。號樓村。康熙癸未會試殿試皆第一。授修撰。生平績學嗜古。久躋名場。近六十始登鄉薦。通籍後淡於仕進。未久移疾歸。有樓村集。宋牧仲選刻江左十五子詩。樓村其最也。世罕字寶傳。王文恪公鑒八世孫。久銓。字東發。康熙庚午鄉舉。官給事中。敦氣諫。重然諾。工書善繪事。為時名人。寶傳舉康熙壬辰進士。臚唱第一人。授修撰。歷侍講。督山東學政。崇實學。斥浮偽。青齊文體為一變。累遷少詹事。視學未竣。以勞疾卒。官工詩古文。兼善書畫。能世其家學。錢君榮。字湘舫。乾隆己亥鄉試領解額。庚子會試。冠其偶。殿試以一甲一名進士。賜及第。授修撰。臚唱日。高宗御製詩紀事。有清朝經百載。春榜得三元之句。丙午分校順天鄉試。明年入直上書房。己酉分校會試。遺贊善。甲寅充廣東副考官。明年遷侍讀。充日講起居注官。嘉慶二年。權庶子。尋除侍讀學士。典試雲南。命提督學政。拔推公明。士論翕服。四年晉內閣學士。仍留學政任。卒。官。自後繼先生為三元者。曰臨桂陳君繼昌。

葉橫山先生事略

附

顏有李

鈕瑒

李重華

顧我錡

葉先生。字星期。號已畦。江蘇吳江人。籍浙之嘉善。康熙九年進士。知寶應縣。修決堤。免無名之稅。出誣服殺人者。直仇陷附逆。而冀沒其田廬者。以伉直不容於上官。不二年落職。欣然曰。吾與廉吏同登白簡。榮於遭除矣。時嘉定令陸清獻公同被劾也。既歸築室橫

山下。學者稱橫山先生。著有已畦文集二十卷。詩集十卷。其論文謂議論不蹈襲前人。卓然自吾立。不為立言。論詩曰。生曰。新曰。深。凡一切庸熟陳舊浮淺語。須一掃空之。所作詩意必鉤元。語必獨造。寧不諧俗。不肯隨俗。於同時諸家外。能拔戟自成。一際時。吳中稱詩者。多宗范陸。究所獵者。范陸之皮毛。耶。先生著原詩內外篇四卷。力排其非。吳人士始多警。警之既効。乃爭從其說。汪編修琬居堯峯。說經。經。與先生持論。鑿枘。問下士亦互相。試諛。汪効。先生曰。吾向不滿汪氏文。亦謂其名太高。意氣太盛。故麻別其失。以規之。非謂其。修。蓋於聖人也。且汪効。誰識。彈吾文者。乃取向所摘。汪文短處。悉燔之。沈歸愚尚書少。從受詩法。守之不變。王新城司寇嘗致書先生。稱其獨立起衰。後見歸愚詩。復稱賞之曰。橫山門下。尚有詩人。其推重若此。同時同縣。以詩文著稱者。自南草稼堂諸君外。有顧汝倫。鈕玉樵。李實彦。顧湘南。諸君。顧有孝。字茂倫。吳江諸生。居釣雪灘。以選詩為事。唇律及國朝近體詩。皆有選本。名滿大江南北。鈕瑋。字玉樵。官知縣。博雅多聞。所著觚臚。能舉見聞異詞者。折衷之。可補正史之闕。詩亦變風之遺。著有臨野堂集。李實彦。名重華。雍正甲辰進士。官編修。天賦傑才。復得張匠門持。操性好遊。入巴蜀。客山左。留覽秦關楚塞。登臨憑吊。詩益嶽嶽。歷落得江山之助。著有玉洲詩集。其詩話二卷。可與昌穀談藝錄並傳。顧相南。名我。籍邑廩生。鄂文端任江蘇布政時。以古學試士。得五十三人。湘南為冠。遂有南邦。恭獻集之刻。後博學鴻詞科。乃文端奏請。若為湘南設也。及詔下。而湘南歿矣。有才

無命。文端歎息稱傑。所著曰湘南詩集。

陳元孝先生事略

附

屈大均

梁佩蘭

程可則

嶺南三家首陳先生元孝。而屈翁山梁無字次之。元孝名恭。丹順德人。父邦彥。明季以閩部殉難。事具明史。時先生才十餘歲。比長。遂隱居不仕。自號羅浮布衣。與李元仲魏叔子季子彭躬卷諸君善。皆道民也。工詩古文。兼精書法。未冠賦。姑蘇懷古諸詩。傾動一時。名大起。其詩清迥拔俗。得唐賢三昧。古體閒入選理。一時習尚。無所染着。有獨澗堂集。王漁洋趙秋谷二公至嶺南。於廣州詩人。尤推重先生。其後杭堇甫來主講席。題先生遺像。傾服尤甚。洪稚存論嶺南三家有句云。尚得古賢雄直氣。嶺南猶似勝江南。其推挹至矣。翁山屈姓名大均。番禺人。著有翁山詩集。子明洪。字甘泉。貢生。官教諭。亦以能詩聞。梁藥亭名佩蘭。字芝。五南海人。童時日記數千言。通經史百家。年二十六。領順治十四年鄉試。解額。詩名已播海內。康熙二十七年成進士。選庶吉士。同榜均以前輩事之。明年卽假歸。周遊名山。與海內諸名宿相酬唱。演洋竹垞及潘次耕。皆推重之。著有六堂堂集。程先生可則。字周量。一字涅溱。號石厓。南海人也。年輩在三家前。順治九年舉會試第一。官內閣中書。改內秘書院。康熙己酉。以主事分校順天試。累遷郎中。出知桂林府。著有海日堂集。少與漁洋。荔藜。袁愚。山西。樵茗。又及沈輝堂。曹顧菴。稱海內八家。其詩俊偉騰踔。聲光能。亞於漁洋。品在劉公。敬董玉。虬之右。稱魯衛者。惟西樵云。

趙秋谷先生事略

附

吳安

馮廷

馮班

程可則 趙執信 吳安 馮廷樞

先生名執信字伸符號秋谷山東益都人穎悟絕倫九歲捉筆為文有奇語里中為文祕先生初不與通輒自攜紙筆入塵眾以其幼也易之移晷立就數藝乃大驚號為聖童同里孫文定公廷銓奇其才命作海棠賦曰大器也以女孫字之年十四為諸生康熙十八年成進士選庶吉士授編修二十三年典試山西遷右贊善充明史纂修官預修大清會典會典體例多沿明舊理藩院初自國朝分纂者皆遞謝先生肆圖畫取檔案附以文義典制釐然同局皆服其才方先生通籍時詔開鴻詞科當世所稱能詩者屢集簞下新城王尚書久以詩古文雄長壇坫一時鴻生俊才多出門下先生掉臂其間自樹一幟古詩自漢魏六朝至初唐諸大家各成韻調談藝者多忽不講與古法戾新城自負妙契先生著聲韻譜以發其秘所著談龍錄持論顯與新城齟齬而新城心折其才不以為亢也同時如朱錫鬯吳天章陳元孝皆折輩行與之交先生天才駿厲視儕輩無足當意獨善德州馮大木廷樞所師承者常熟馮定遠班嘗曰吾生平師友皆在馮氏矣名曰高忌者亦曰眾朝士某以詩集編貽臺館先生甫展卷立還其使其人銜次骨錢塘洪昇昉思以詩詞遊公卿間所演長生殿傳奇初成置酒高會名流畢集時尚在國恤銜先生者因騰章入告偏及同會先生至考功獨任之在座者得薄譴而先生罷職既歸益放情詩酒所居因園依山構亭榭清泉秀石喬木各極天趣歸田時年未三十兩親俱無恙其甘旨承色

笑者二十餘年性好遊嘗踰嶺南再陟嵩少五過吳閭寓維陽金陵久所至流連文讎乞
詩文法書者全至後進疑先生宿世人而先生與酬接諳狎無少忤徜徉林壑踰五十年
卒於乾隆九年年八十有三同年生萊陽張庶常罷歸以事為有司所窘避地依先生及
卒殯而歸之常執仲生依先生十九年卒於館次為論定其詩文擇地葬之其為於故舊
如此著鉛山堂文集六卷集詩十七卷詩餘雜著若干卷吳天章名夷山西蒲州人也
初隱居中條山之玉溪李義山故里也後遊京師未知名漁洋尚書見其詩奇賞之待滿
朝房誦其句於葉詵卷閣學葉下直卽命駕造詠康熙己未舉鴻博滿相國溥以篋索之
天章大書二絕句應之其坦率如此卒以不遇不悔也遊燕趙齊魯吳越秦楚足跡半天
下晚年買圃鄭谷之口有竹數百挺黃梅數十株橘三株中作草堂面雷首肘太華悠然
自忘其老趙秋谷謂其詩才特超妙其鄉自元遺山後一人而已王尚書則謂漢魏以來
二千年間詩家號為仙才者曹子建李太白蘇子瞻三人耳本朝作者如林獨以仙才許
天章焉馮大木名廷樾康熙壬戌進士官中書性孤介不入大僚之門平生深契春惟秋
谷朝士有得諸葛銅鼓者兩人各賦長歌諸名士皆閣筆漁洋欲褒兩人酬唱詩為二妙
集馮定遠名班號鈍吟所著定遠集其說詩力排嚴羽尤不取江西宗派而論事多達物
情論文能究古法秋谷於近代文章家多所訾謗獨折服定遠一見鈍吟雜錄卽歎為至
論至具朝服下拜嘗展其墓以私淑明人刺卽冢前焚之

孫豹人先生事略

附

王人旦

李念慈

張恂

王宏撰

李楷

屈復

李念慈 張恂 王宏撰 李楷 屈復

關中人文自中孚雪木天生三李外。推孫先生豹人。先生名枝蔚。三原人。其字也世。為大賈。業鹽。奕甲申之亂。年二十有四。散家財。求壯士。起義。不果。隻身走江都。折節讀書。遂以詩文名天下。年六十舉鴻詞科。時有奔競執政之門者。先生恥焉。求罷。不允。促入試。不終幅。而出會。特詔布衣處士。有文學素養者。老不任職。事者授京銜。以寵其行。及格者八人。先生與焉。部議正字銜。聖祖少之子中書舍人。初吏部集驗於庭。獨臥不往。旋被敦促。乃遂巡入。主爵者見其鬚眉皓白。引使前曰。君老矣。先生正色曰。未也。我年四十時即如此。且我前以老求免試。公必以為壯。今我不欲以老得官。公又以我為老。殊可怪也。當事愕謝。卒以老官之。先生性伉直。初以世亂好談兵。家毀於賊。自京師歸。復居江都。所著曰。澆堂集。從遊者皆有聲海內。而王又旦為最著。又旦邵陽人。字幼華。弱冠舉於鄉。令潛江。履畝定賦。杜豪強侵占。葺長堤。柱漢水決。噓。建傳經書院。築說詩臺。豹人時居江都。迎之受詩。比入為給事中。詩名已振。豹人增。疏陳湖北堤工協濟之害。令荆郢分界。治堤以絕委卸。典試廣東。還過南海花山。建議於其地設縣治。奪盜淵藪。皆報可。朱竹垞稱其詩能兼綜唐宋人之長。年五十一。卒於官。有黃湄詩集。當是時。關西之士。恥效章句。皆以通經學古為尚。其卓然名家者。涇陽則有李念慈。張恂。念慈字屹瞻。嘗為令。薦博學鴻詞。不第。隱居峪口山。詩曰。峪口山房集。恂。一字壺山。以進士為江南推官。善畫。落筆片紙。

值千錢與三李約人黃湄輩往還酬答而名稍後惟華陰王宏撰朝邑李楷與三李等聲名楷字叔則一字岸翁著河濱全集由舉人令寶應以直廢康熙二年賈撫軍漢復請董陝志宏撰尚為諸生從叔則編摩叔則善古賦文樸茂錢牧齋亟稱之著書百卷文名冠一時人稱河濱夫子宏撰字無異一字山史與三李同時於叔則為後進而叔則獨喜從山史遊山史讀書華山顧亭林嘗主其家共建朱子祠於雲臺觀好易精圖象學者宗之得一言以為重凡碑版誌銘非三李則山史而山史工書法故尤多於三李焉又有屈復者字見心號海翁蒲城人也年十九試童子第一忽棄去走京師學詩者多從之遊先生作客約不迎送不作寒暄語其論詩於興賦比之外專以寄託為主謂陶之飲酒郭之遊仙謝之登山左之詠史彼自有所以傷心之故而借題發之未可刻舟而求劍也張尚書廷樞欲上章薦力辭不就乾隆元年楊尚書超曾舉應鴻詞科楊未見屈亦不報謝所著弱水集甚富無子妻死不再娶人以比林和靖云

邵青明先生事略

附

董以甯
儲大文

解祇讓

陳玉璫

儲欣

儲在文

儲維文

青明先生名長蘅字子湘江蘇武進人少稱奇童讀書目數行下十歲為諸生試必高等應行省試輒不售乃棄舉子業益潛心六經三史及唐宋諸大家文鑽穴寢餽爬梳剔抉久之融釋貫串大放厥辭論者謂國朝布衣以文鳴者自商邱富都外惟先生可鼎足並先生內行愷篤居親喪力行古禮嘗獨力初始祖康節先生祠族子被略為豪家奴捐金

賸之性坦易。與人交。煦然以和。意所不可。卽髯張面。亦不能為媿。姍朝貴。有物色之者。非先焉。不往也。在都門。與阮亭愚山健菴鈍翁。其年竹垞西溟。編長諸公友。聞人談登州海市之奇。忽跨驢走二千里之海上。登蓬萊閣。望所謂三神山者。然卒無所見。復走京師。友人強之入太學。試吏部。宋文恪德宜得其文。驚曰。今之震川也。拔第一。例授州同。不就。後客宋徵仲中丞所。最久。談道論文。敷布衣昆弟之好。嘗選有明何李王李四家詩。矯牧齋偏駁之論。而以程孟陽詩為纖。佻識者趨之。尤愛武林湖山。數往遊。擬結廬放鶴亭側。又欲營一榭。載筆牀釣。具浮家吳越閒。所著曰青門集。阮亭稱其文為荆川後一人。卒年六十有八。同邑董文友。鄒訐士。陳椒峯。工詩古文。皆有名。董君名以甯字。文友邑諸生。少與鄒訐士齊名。善詩文。於歷象樂律方輿之情。多所發明。晚年悉棄去。專重窮經。尤深於周易春秋。著書滿家。恤交遊。重然諾。弟子恒數百人。所著曰正誼堂集。訐士名祇謨。號程村。順治十五年進士。性穎特。書過目不忘。事母以孝聞。母教之極嚴。先生卽以讀書娛其姑。其上有自經籍子史及天文宗乘百家之書。古今人壽里姓氏世次年譜。無不悉記。其於詩文乃益工。甯都魏叔子兄弟。治古文山。中程村一見。歎曰。今乃有如是文乎。逢人輒稱。蓬海內知有三魏者。實自程村始也。著有遠志齋集。椒峯名玉璣。字慶明。康熙六年進士。官中書。著學文堂集。少有大志。凡經世之書。莫不講求精熟。為詩文下筆千言。旬日閒動至盈尺。每讀書至夜分。兩眸欲合。輒用艾灼睛。其苦學如此。

又儲先生欣字同人宜興人少孤率兩弟苦讀博通經史早歲負東南文望年六十始領
康熙庚午鄉薦一試禮部不遇遂杜門著書及明多達者選唐宋十家文風行海內乾隆
中御選唐宋文醜蓋因其本而增益之所著古文曰在陸草堂集從子在文字禮執康
熙丁未進士官編修雄文字記雲康熙辛丑進士皆以文名禮執尤工制舉業大文字大
雅康熙辛丑舉會試第一官庶吉士精輿地形勢之學著存研樓文集言方輿要隘者居
多皆同人弟子也

清朝先正事略卷三十八終

清朝先正事略

卷三十八 文苑 儲應文 儲大文

十六

清朝先正事略卷之三十九

彭孫通 倪燦 汪壽 徐嘉夫

平江李元度次青纂

文苑

彭羨明先生事略

附

倪燦

汪壽

徐嘉夫

沈琦

方象瑛

陳鴻禧

康熙十有七年。天子法古制取士。詔中外諸臣各舉博學之彥。無論已仕未仕。徵請闕。月給太倉祿米。明年三月朔。召試太和殿。發題賦序詩各一。學士院散官敏光祿布席。賜宴體仁閣下。上親推五十人。皆入翰林。而以羨明先生為首選。先生名孫通。彭姓。字駿。孫。浙江海鹽人。順治己亥進士。由中書分校順天試。至是以第一人授編修。應官吏部右侍郎。兼掌院學士。充經筵講官。時修明史。久未成。特命為總裁。賜專勅。異數也。年七十致仕。歸御書松桂堂。額賜之。遂以名其集。先生少工詩。與王漁洋尚書齊名。時號彭王。南昌重建滕王閣。落成。名流競賦詩。推先生作為冠。嘗步遊蕭寺。僧方製長明燈。請為賦。先生諾之。僧退。煮茗以餉。茗未熟。而賦成。其敏捷如此。尤工詩餘。漁洋推為近今詞人第一。時兩浙耆宿與先生同舉詞科者。自竹垞。西河。雅坪外。有倪君燦。字闇公。上元籍。錢塘人。康熙丁巳舉人。召試授檢討。汪君霰。字朝采。號東川。平湖籍。錢塘人。康熙丙辰進士。官行人。召試授編修。官至戶部侍郎。徐君嘉炎。字勝力。號華隱。秀水人。由監生授檢討。在史館中著作多不與人同。辛酉。王師收滇黔。羣臣獻頌甚夥。勝力獨倣鏡歌鼓吹曲。自聖人出。至文德。

舞止。凡二十四章。每章因事立名。與修襲韋昭何承天輩相上下。乙丑元夕。上於南海子。大放燈火。使臣民縱觀。羣臣皆有詩。獨勝力作紅明花火記。皆稱旨。官內閣學士。有抱經齋集二十卷。沈君珩。字昭子。海甯人。康熙甲辰會試第一。由中書召試。授編修。假歸。寓秀水之鴛湖。時嘉興同知孫曰恕。督修海船。訪昭子於僧寺。昭子引唐代轉運船塢之利病。見於眉山之論者。以為說孫大稱善。後水師平海寇。如掃落葉。賴曰恕所部檣櫓之助。居多。用昭子言也。所著有耿巖文選。沈君筠。字開平。仁和人。康熙己未進士。以庶吉士召試。授編修。閱三年卒。學博行修。未究其用。方君象瑛。字渭仁。遂安人。康熙丁未進士。候選中行評博。召試。授編修。癸亥典四川鄉試。乞假歸。自號金明大隱。著健松齋集三十四卷。陳君鴻績。字子遜。鄞人。順治十四年舉人。毛君芳升。字允大。號乳雪。遂安拔貢生。召試。皆授檢討。乳雪著古獲齋集。邵君遠平。字戒三。仁和人。康熙甲辰進士。選庶吉士。官光祿少卿。召試。授侍講。官少詹事。兼侍講學士。著有戒菴詩集。同時李君來泰。字石臺。江西臨川人。順治壬辰進士。乙未督學江南。所拔皆知名士。尋任蘇松常道。歷官清慎。能持大體。以疾歸。康熙己未召試詞科。授侍講。古文與博不肯一語。猶人。詩獨以平正通達稱。著有石臺集。祀江南名宦。

尤西堂先生事略

附 馮勛 沈必英 錢中諧 曹禾

長洲尤先生侗。字同人。更字展成。別字悔菴。晚自號良齋。以鄉貢除永平推官。坐撻旗。丁

降調少嘗為游戲之文順治戊戌王學士熙侍經筵上偶談及學士以先生文對上立索
覽學士以鈔本進復索刻本上覽竟親加批點數為真才子者再因問出身履歷為太息
久之他日又摘集中討蚤檄示學士曰此奇文也問有副本否對曰無遂命內府購之坊
間不得已亥先生入都使者跡至旅邸攜一冊去裝潢進呈上大喜亡何有以所著讀離
騷樂府獻者上亦讀而善之令黎園子弟播之管絃以比清平調云徐公元文及弟上知
為先生門人從幸南海子上忽駐馬問爾師尤侗年幾何以何事降調當補何官垂詢再
三復語木陳禪師曰士多有高才不遇者如徐元文之師尤侗最工文僅以鄉貢入仕旋
罷官豈非命耶木陳因言君相能造命上曰朕意亦然蓋有意召用之矣世祖升選先生
自傷數奇康熙戊午召試博學鴻儒聖祖親擢五十人悉入翰林纂修明史先生授檢討
年最長入院以齒序四十九人皆坐其下留史局三年分撰志傳三百篇嘗偕諸儒臣進
平蜀詩文上見其名曰此老名士先生刻二語於堂楹曰真才子童皇天語老名士今上
玉音觀者榮之子珍壬戌成進士選庶常先生乃告歸家居以詩文練絲請者戶外屨恒
滿時同縣汪編修居堯峯以古文自矜見俗子議文章者恒面斥之以是人多畏懼而樂
先生之和易也已卯天子南巡先生獻萬壽詩平朔頌御書鶴袖堂三大字以賜時年八
十有二癸未車駕復幸吳賜御書一幅即家晉侍講明年六月卒年八十有七是歲朱
檢討彙尊偕徐侍讀倬謁見皇太子於行殿令旨賜坐謂曰老成易謝茲來又失一尤展

成矣。字而不名。其見重如此。所著西堂雜俎。良齋雜記。鶴栖堂文集。百餘卷。與先生同縣。且同舉詞科。春有馮勛。范必英。等勛。字勉。曾父六。皆遭耿逆之亂。客死閩中。勉曾以布衣召試。授檢討。纂修明史。卽請假歸。入閩尋父。視時亂甫平。白骨縱橫。失其處。勉曾伏地慟哭。忽有老父告曰。瀋西有半寸釘者是也。諦視。題識宛然。遂扶以歸。必英。字秋濤。號伏菴。順治甲午拔貢。丁酉舉於鄉。召試。授檢討。分纂明史。畢。卽謝病歸。自號杜圻山人。居鄉廉靜。足不履公府。築萬卷樓。藏書二十四積。皆手自校訂。工詩古文詞。好汲引後進弟子。著錄者數百人。又錢君中諧。字官聲。吳縣人。順治戊戌成進士。召試。授編修。以詩古文鳴。曹君禾。字頌嘉。江陰人。康熙甲辰進士。選鴻詞科。官至祭酒。與田綸。露。宋。汝。仲。汪。季。用。顏。修。來。王幼華。謝千仞。曹升六。丁澹。汝。葉。井。叔。稱詩中十子。

朱竹垞先生事略

附 嚴繩孫

康熙己未。詔開博學鴻詞科。其時以布衣除檢討者凡四人。富平李因篤。天生無錫嚴繩孫。孫友吳江潘耒。次耕。而其一則秀水朱彝尊竹垞也。未幾李君告養歸。三布衣均預纂修明史。越二年。上命添設日講官。知起居注。則三布衣悉與焉。而竹垞先生為之魁。先生為明太傅文恪公國祚曾孫。本生父茂曙。學者稱安度先生。先生生有奇稟。數歲時嘗見諸神物異怪。狀不類人世。及他人視之。輒無有。書過眼不遺一字。年十七棄舉子業。肆力於古學。凡天下有字之書。無弗披覽。以飢驅走四方。南踰嶺。北出雲朔。東泛滄海。登之罘。

經甌越所至叢祠荒冢金石斷缺之文莫不搜剔考證與史傳參互同異其為文章益命
 既入祠館日與諸名宿掉鞅文壇時王漁洋工詩而疏於文汪蒼文工文而疏於詩閩百
 詩毛西河工考證而詩文皆次乘獨先生兼有諸公之勝所為文雅潔淵懿根柢盤深其
 題跋諸作實跨劉敞黃伯思樓鑰之上詩牢籠萬有與漁洋並峙為南北二大宗論者謂
 王才高而學足以副之朱學博而才足以運之皆篤論也在史局屢奏記總裁官言體例
 悉從其議預修一統志多所釐訂典試江南為文矢於神杜請託入直南書房為忌者所
 中鐫一級罷尋復原官引疾歸聖祖南巡御書研經博物四大字以賜家居十有九年藏
 書八萬卷著述不倦四十八年十月卒年八十有一先生少貧值歲凶日午無炊煙而書
 聲琅琅出戶外比鄰王氏有老僕訝之叩門餉以豆粥先生以奉父而忍飢讀自若嘗集
 里中高才生周贊修泳王胡沈進李絕遠良年符等為詩課家餘一布袍每會則付質庫
 其婦以紡績出之後會復然客遊南北必橐載十三經廿一史自陸孫侍郎承澤過先生
 寓見插架書語人曰吾見客長安者爭馳逐聲利其不廢著述者秀水朱十一人而已比
 召試相國馮公溥得其文歎曰奇才奇才先生嘗謂孔門弟子申黨薛邦不當以疑似妄
 為廢斥鄭康成功在筮䟽不當以程敏政一言罷從祀王文成道德功業文章具三不朽
 不得指為異學皆有功名教之言所著日下舊聞四十二卷經義考三百卷乾隆中詔儒
 臣增輯高宗賜詩題卷端又曝書亭文集八十卷明詩綜百卷瀛洲道古錄五代史註禾

錄各若干卷。子昆田。孫稻。孫皆有集。稻。孫字稼翁。舉乾隆丙辰鴻博。能世其家。而其二布衣者。次耕。坐浮躁降調。蓀友累遷中允。以疾歸。蓀友當召試。賦成省耕一詩。賦序皆置不作。文未盈卷。為天子所特拔。尤異數云。嚴蓀友名繩。孫明刑部侍郎一鵬。孫也。六歲能作徑尺大字。以詩古文擅名。早棄諸生舉制科。力辭不獲。既入史館。分纂隱逸傳。容與。蘊藉。蓋多有道其志行云。歸田後。自號鵝蕩漁人。工書善繪事。尤精畫。屬晚歲。以詩文圖畫請者。槩不應。暇輒掃地焚香而已。卒年八十。著秋水集二十卷。子泓曾。亦工詩畫。

陳其年先生事略

附 吳綺 章藻功

先生姓陳氏。諱維崧。字其年。號迦陵。江蘇宜興人。祖于廷。明進士。官侍郎。忤魏忠賢。削籍。後起左都御史。加太子少保。以言事忤周延儒。再削籍。嘗從顧端文講學。東林直聲動天下。東林推服之。忌者因指為黨魁。父貞慧。字定生。少用文學。著聞。最善金壇。周禮部鑣。貴池。吳秀才應箕。相與掀髯抵掌。下上其議論。其於國家治亂。中朝士大夫賢不肖。無不根極始末。纒纒數千言。可聽。諸名士慕其氣節。皆師事少保公。而與定生相親愛。延儒本其邑人。適家居。欲釋故憾。交歡少保父子。且為定生致通顯。定生固拒之。隙益深。會忠賢義兒阮大鍼久覩謀起用。諸名士數其罪。為文檄之。大鍼恨次骨。南都建號。大鍼驟起用。事將盡。殺東林黨。時少保前卒。周禮部首被逮。定生營救萬端。乃併捕定生及應箕。應箕亡。定生出詣獄。下鎮撫司。禍且不測。而劉儵者。愍皇帝時舊錦衣也。以片紙付馮鎮撫。謂此

東林後人勿撈掠以是得稍稍解。未幾江南亡。大賊走死。定生得脫歸。而禮部已先被殺。定生既歸。廬少保公墓左。凡十二年不入城。尋卒。有子五。先生其長也。少奇穎。過目成誦。十歲代少保作楊忠烈像贊。少保奇賞之。諸名士皆折輩行與交。時吳門雲閉。常湖大興文會。先生入座。索筆賦詩數十韻立就。或時用六朝俳體作記序。頃刻千言。鉅麗無與。比咸驚歎以為神。先生少清臞。冠而子思。鬚浸淫及顛。準士大夫號陳髯。由是陳髯之名滿天下。年三十始出雅遊。龔芝麓尚書愛重髯尤甚。唱酬無虛日。性個蕩。視錢帛如土。每出遊。餽遺隨手盡。垂囊而歸。歸無資。急命質衣物供用。至無可質。輒復遊。率以為常。先生以詩古文詞為海內推重。吳梅村有江左三鳳。鳳之曰謂先生及吳江吳漢極雲。開彭古晉也。常自中州入都。偕朱竹垞合刻所著。曰朱陳村詞流傳入禁中。蒙聖祖賜問。客如舉主。冒辟疆水繪園最久。辟疆愛其才。進聲伎適其意。嘗有日者謂之曰。君年過五十當入翰林。康熙己未召試鴻詞科。由諸生授檢討。纂修明史。時年五十有四矣。越四年卒於官。易箒時吟斷句曰。山鳥山花是故人。振手作推敲。勢而遊相傳為善卷。山中聽經椽再世云。所著湖海樓詩文詞集共五十卷。國初以駢體名者。推先生及吳園次。其次則章豈績然。園次才稍弱。豈績欲以新巧勝。二家又適為別調。譬諸明代之詩。先生導源廣信。才力富健。如李崕峴之學。杜園次追步李義山。如何大復之近中唐。豈績純用宋格。則公安竟陵之流亞也。先生嘗曰。吾胸中尚有駢體文千篇。將未暇寫出耳。汪堯峯曰。唐以前不敢知。

自開寶後七百年無此等作矣。堯峯固少許可者也。園次名綺。號聽翁。江都人。貢生。薦授中書舍人。奉詔講椒山燕府。遷武選司員外郎。蓋即以椒山原官官之。寵異至矣。出守湖州。多惠政。廉得大猾。所在單舸擒而戮之。歡聲動地。凌忠節公未葬。為捐俸卜地葬焉。湖人稱爲三風太守。謂多風力。尚風節。饒風雅也。以失上官意。罷歸。貧無田宅。購廢園以居。凡索詩文者。多以花木竹石為潤筆資。不數月成林。因名種字林。性好客。與諸名宿結春江花月社。詩才富。蠶繅香在玉溪。樊川開。詩餘亦工。所著曰林蕙堂集。又有宋金元詩選。及嶺南風物記。豈續名藻功浙江錢塘人。康熙癸未進士。官庶吉士。有思綺堂集。

李天生先生事略

先生名因。字子德。號天生。陝西富平人。明季為諸生。見天下大亂。走塞上。訪求奇傑。士與殺賊報國無應者。歸而鍵戶讀經史。貫穿注疏。負重名。與盤屋李中孚友善。崑山顧亭林至關中。常主其家。甲申乙酉閒。與亭林冒鋒刃。閉關至燕京。兩謁莊烈帝。擢官。康熙己未。薦博學鴻詞。以母老辭。東鈞者聞其名。必欲致之。大吏承風旨。縣官敦促。先生將固拒。母勸之行。始涕泣就道。試授檢討。甫就職。以母老且病。具疏乞終養。格於通政司。先生自齋疏。跪午。明外三日。遂得俞旨。許歸養。疏曰。竊惟幼學而壯行者。人臣之盛節。辭榮而乞養者。人子之苦心。故求賢雖有國之經。而教孝實人倫之本。伏蒙皇上勅諭內外諸臣。保舉學行兼優之人。內閣學士項景襄。李天馥。大理寺少卿張雲翼等。旁采虛聲。先後以臣

因篤姓名。聯慶薦薦。獲奉諭旨。吏部遵行。陝西督撫促臣應詔赴京。臣母年逾七旬。屬歲多病。又緣避寇。墜馬左股。撞傷。晝夜呻吟。久成廢疾。因頓床褥。輾轉需人。臣祇一弟。因林從幼出繼。臣叔分奉小宗之祀。臣年四十有九。克女並無母子。焚燬相依。為命。躬親扶持。跬步難離。隨經具辭。次第移咨吏部。吏部謂咨內三人。其中稱親。援病。恐有推諉。一概駁回。竊思已病。或可偽言。親老豈容假借。臣雖至愚。不肖。詎忍藉口所生。指為推諉之端。痛思臣母遲暮之年。不幸身膺殘疾。臣若貪承恩。語背母。遠行。必至倚門倚閭。風病增劇。況衰齡七十。久困扶床。輦路三千。難通嚙指。一旦禱北辰而已。遠迴西景。以無期。萬一有人子所不忍言者。則毛義之捧檄。不逮其親。溫嶠之絕裾。自忘其母。風木之怨。何及。竊嘗之。恥。奚儻。卽臣永為名教罪人。虧子職。而負朝廷。非臣愚之所敢出也。皇上方敬事兩宮。聿隆孝治。細如草木。咸被矜容。自能宏錫類之仁。推之士庶。寧忍子然。母子。欽泣向鴻。奪其烏鳥私情。置之任途。蓋閣臣去。臣最遠。故以虛譽。揀臣。而不知臣之有老母也。臣雲翼與臣皆秦人。雖所居里閭非遠。知臣有老母。而不知其既病。且衰。委頓支離。至於此極也。卽部臣推諉之語。概指臣等三人而言。非謂臣必舍其親。而不之顧也。且臣雖蕭陋。而同時薦臣者。皆朝廷大臣。其於君親出處之義。聞之孰矣。如臣獵名達母。則其始進已乖。不惟潰數天倫。無顏以對皇上。而循該負疚。躁進貽譏。則於薦臣諸臣。亦為有醜面目。去歲臺司郡邑。絡繹遣人。催臣長行。急若風火。臣趨朝之限。雖迫於戴星。而聞履之私。倍懸於愛

日。然呼天莫應。號泣就途。志緒荒迷。如墮雲霧。低頭轉瞬。輒見臣母在前。寢食俱忘。肝腸並裂。其不可瀆官常而干祿位也明矣。況皇上至聖至仁。以堯舜之道治天下。敦倫厚俗。達邁前朝。而臣甘違離老親。致傷風化。有臣如此。安所用之。乃臣自抵都以來。屢次具呈。具疏九重。嚴遂情壅上聞。隨於三月初一日。扶病考試。蒙皇上拔之前列。奉旨授臣翰林院檢討。與臣同官。纂修明史。聞命悚惶。忝竊非分。臣銜茅下土。受皇上特達之知。天恩深重。何忍言歸。但臣於去秋入京。奄更十月。數接家信云。臣母自臣遠離鄉下。哀痛彌侵。晝夜思臣。流涕無已。雙目昏眊。垂至失明。臣仰圖報君。俯思諒母。欲留不可。欲去未能。瞻望闕廷。進退維谷。乃於五月二十一日。具呈吏部。未蒙代題。臣孺切下情。惟有哀祈君父。查見行事例。凡在京官員。家無次丁。聽其終養。臣身為獨子。與例正符。伏願皇上特沛恩慈。許臣還歸養母。叨沐聖澤。以終天年。臣母殘病餘生。統由再造。臣母子銜環。縷骨。永矢畢生。而報國方長。策名有日。益圖力酬。知遇務展。涓埃矣。論者謂清朝兩大文章。葉忠節公映榴絕命疏。及先生陳情表。皆令讀者油然而生忠孝之心焉。先生子告後。奉母家居。晨夕不離。後遂不復出。著有壽祺堂集。其學以朱子為宗。時李中孚提倡良知。晚年移家富平。與先生過從最密。然各尊所聞。不為同異之說。性樸直。博學能擧記。初入都。南人多易之。一日宴集論杜詩。先生應口誦。或曰偶然耳。詰其他。輒舉全部無所遺。時阮亭堯峯主盟壇坫。先生與抗禮。蕭山毛大可亦李閣學所薦也。北面稱弟子。先生獨序齒。稱之曰兄。與

大可論古韻不合。大可強辯。先生氣憤填膺不能答。遂拔劍斫之。大可駭走。時傳以為快。顧亭林是先生而非大可。亭林著音學五書。先生與討論所著詩說。亭林稱之曰。毛鄭有嗣音矣。其春秋說。堯峯亦心折焉。亭林在山左被誣陷。先生走三千里入都。泣訴當事。脫其難。

汪舟次先生事略

附

汪懋麟

汪先生楫。字舟次。江蘇江都人。歲貢生。署贛榆訓導。康熙己未。開詞科。召試中第。授檢討。與修明史。言於總裁官。先仿李壽長編。凡詔諭奏議。邸報彙輯之。由是史材皆備。二十二年。充冊封琉球正使。賜一品服。臨發。條奏七事。其一謂本朝文教誕敷。方頒御書於封疆大吏。宜併及海外屬國。聖祖允其請。齋宸翰以往。比至。宣上威德。國王及臣民咸大悅服。瀕行。例有餽遺。概卻不受。國人建卻金亭志之。歸。撰使琉球錄。詳載禮儀。暨山川景物。又因諭祭。故王入其廟。默識所立主。兼得琉球世繼圖。參以明代事實。為中山沿革志二卷。又奏言琉球子弟。願入國學。上允之。久之。出知河南府。治績為中州最。嘗置學田於嵩陽書院。聘少詹事耿公介主講席。士風丕變。推福建按察使。遷布政使。居五年。民戴其惠。內召入京。途次得疾卒。性伉直。意氣偉然。能力學。所作以古為宗。以清冷峭犖為致。見者比之斬新花葉。尤工書。得楊少師米海嶽之神。著有悔齋詩文集。觀海集。時江都汪君懋麟。詩名亦著。與先生同舉鴻詞科。值居憂。不與試。懋麟。字季角。號蛟明。康熙六年進士。受內

閣中書。楚人朱方旦恃邪法傾動公卿。蛟門著辨道論。力詆其妄。後再論薦。以刑部主事入史館充纂修官。一日禁中出宮箋百番。命羣臣書。擇其尤得二十四幅。供御屏用。蛟門與焉。所撰述最多。吏才尤通敏。城南武某以車一馬一。販米於南花園。宿董之貴家。貴家利其質。殺之以車載。尸鞭馬曳之他去。武父得尸於道。得車馬於劉氏之門。訟諸官。謂劉殺其子。蛟門曰。殺人而置其車馬於門。非理也。乃微行緝其馬。至之貴門。跳躍悲鳴。衝戶入。卽令收之。責一訊而伏。時驚以為神。無何坐事罷。歸鍵關謝賓客。晝治經。夜讀史。日有程課。銳意成一家言。歸三年。遽卒。彌留時。命洗硯磨墨。烹佳茗。以進。自言香沁心骨。口占二絕。大笑呼奇絕而逝。性孝友。款內行。作品峭刻。摹介甫。詩法韓蘇。時出新意。在都門與德州田實商邱宋牧仲等相唱和。號十子。受業王阮亭門。而才氣縱橫。視阮亭為別格。有百尺梧桐閣集二十卷。

李漁村先生事略

附

龐垲

米漢雯

秦佑

崔如岳

李先生澄中。字渭清。別字漁村。山東諸城人。生時父夢李攀龍入室。少與劉子羽稱石交。子羽見薛臣七子圖。謂貌似于鱗。先生亦嘗夢人授文一卷。曰此汝作也。醒憶之。乃于鱗華山記也。幼與摩兒戲。輒坐忘。其胷中時時見太古深山二境。移時乃如故。既作工詩。與青州楊笠雲。吳江洪去蕪。相唱和。康熙己未。以拔貢召試。既至京。擁書臥僧舍。不謁朝貴。投檢計。與修明史。嘗召赴瀛臺。泛舟賦白蓮詩。稱旨。賜子稠疊。相國真定梁公奇其才。屬

為文操紙千言立就。梁公歎曰：真青蓮也。庚午典雲南試，或以多金遮馬首。先生叱去之。曰：敢以此污我耶？有李約山者，自滇南學使幕歸，與朱竹垞論滇中人材，列所取知名士二十有二人。署壁間，占先生取舍。既試錄至，其不與者裁三人耳。竹垞臨風，醉酒南向，為君得人壽。累遷侍讀，請告歸。足跡不入公門。遇事關民瘼，乃侃侃直陳，一以興利除害為念。卹其孀嫂孤姪，為外曾祖邱簡肅公立後，置祭田。坐是家益困。茅屋數椽，僅蔽風雨。恬如如在史館十三年。與龐公塏交最篤。詩文格往往互似。所著臥象山房集，顯不類滄溟。塏字霽公，號雲崖，直隸任邱人。康熙乙卯舉人。七歲時，父中蜚語被逮，母每夕禱天，隨泣拜不輟。已未試鴻博，授檢討。時有明都御史某裔，夜懷金求勿入魏黨，傳力拒之。未幾改內閣中書，遷工部主事。再晉郎中。出守建甯府。會浦城令以嚴苛激變，邑人乘夜焚冊局，殺冊書。罷市。君聞之曰：緩則變成矣。遂兼程赴浦，立召紳士集明倫堂，數浦令罪，諭士民無得生亂。查倉庫，及未焚餘冊，變遂定。時制府惡民俗刁悍，欲借浦城示威，而浦令仇邑紳以結黨為辭，相傾陷。君曰：彼令實甚，吾可殺人媚人耶？坐重辟一人。流二人。浦人立書院祀之。九仙山後告歸，兩親猶健，在閉戶讀書。其為詩主於平正沖澹，不求文飾。有叢碧山房集。又米君漢雲，字紫來，宛平人。明太僕少卿萬鍾孫。順治辛丑進士。應知長葛建昌二縣。康熙己未召試，授編修。典試雲南，邊中允好學工詩，兼善小令。書畫承其家法。時呼為小米家。蓄古硯，太僕物也。嘗渡江沈於水，遺沒人求之弗得。將解纜，忽紅霞起水面。

光燭天。舟人索之。視隨手出焉。袁佑字杜少。號霽軒。東明人。少警敏。下筆數千言。以拔貢授中書。舉詞科。權編修。乞養歸。闕小園奉母。母疾革。籲天乞減算益母壽。竟愈。年九十二乃終。君喪盡禮。服除終不食肉。後遣中允典試浙江。稱得士。著有詩文集及詩禮疑義。左史。後議老子別注。離騷荀揚文中子補注。莊子注。論杜詩注。駁數十卷。崔如岳字岱齋。一字青峙。復鹿人。康熙己卯舉人。己未召試授檢討。詩古體蒼堅。英拔絕句神似龍標。嘉州著有坐嘯軒集。

喬石林先生事略

附

邱象隨

李鎰

張鴻烈

鄧漢儀

吳嘉紀

喬先生榮字子靜。號石林。江蘇寶應人。康熙六年進士。授中書。分校順天試。乞養歸。十七年召試詞科。授編修。與修明史。典廣西鄉試。上再試詞。臣賞其文曰。喬榮學問優長。文章古雅。遂遷左中允。晉侍講。轉侍讀。充日講官。知起居注。清朝漕運沿明制。自淮入河。以達會通河。既失故道。從安東入海清口。日淤淮泗泛濫。由洪澤以南諸河下注。而治河使者又開減水壩洩之。淮揚七州縣蕩析離居。天子覽臺臣奏。濬海口以鴻積水。遣使者相度還報可。乃出帑金。命按察使子成龍董其役。而河督靳輔上言。海口高於雲梯關五尺。疏海口則引潮內侵。大不便。因請築堤束水。使高置二閘於邵伯鎮南。高郵州城外。泄洪澤盱眙天長之水。俾入堤。自車邏鎮築橫堤一道。抵高郵。自州城東築大堤二。慮興化白駒場至海口。東所洩之水入海。計需銀二百七十八萬有奇。請先給帑。而徐取償於田畝子。

粒細鹽又請設官二百七十餘員。擇才能者任之。疏入。詔下廷臣議。多是河臣言。適先生入直。閣臣奏事畢。上顧閣先生以濬海口事宜。先生直前奏。河臣言非是。上悅。曰。此爾一人意見耶。對曰。淮揚人所見。皆與臣同。翼日與給事中劉國黻等十人合疏言。河臣議有四不可行。海口原有故道。第令塞者通之。淺者濬之。俾積水得趨海。斯已耳。河臣議開大河。築長堤。堤在內地者。高丈六尺。河寬百五十丈。近海者。堤高一丈。河寬百八十丈。勢必毀村。濬蘆舍。掘冢墓。慘有不忍言者。不可行一。河臣之議。先築圍埝。用桔槔汲去埝內之水。取土築堤。不知臣鄉地卑。原無乾土。沉積潦已久。一旦取土積水中。投諸深淵。工安得成。雖成且易壞。不可行二。河臣欲以丈六之堤。束水一丈。是堤高於民。閉蘆舍多矣。伏秋風雨驟至。勢必潰。潰而南。則邵伯以南。皆為魚鼈。潰而北。則高郵以北。靡有孑遺。卽當未潰之時。潛水於蘆廬之上。豈能安枕而臥乎。不可行三。至七州縣之田。向沒於水。今束河使高田中之水。豈能倒流入河。不能入河。卽不能歸海。淹沒之田。何由復出。不可行四。議上。聖祖是其言。議遂寢。大學士梁公清標方長戶部。歎曰。江淮間可謂有人矣。然河臣議實執政主之。先生以是叢忌。屢未幾。坐喜事罷歸。歸治廢園。壘石疏池。刺小船往來。讀易其中。著易俟二十卷。縣志二十卷。詩文集十六卷。先生家居孝弟。謹事師友。疏於財。好同人。急後進。有一善。誦之不去口。其初建議也。于公頗德之。及出領河務。恆以地方利弊相諮詢。先生直言無隱。終不于以私。卒年五十有三。同時江淮間與先生同舉詞。

科者曰邱君象隆李君鏗張君鴻烈皆山陽人鏗傳別見象隆字季貞號西軒順治乙未進士與兄象升齊名號二邱以拔貢生召試授檢討遷洗馬性孝友以積俸建宗祠置義田有西山紀年集象升字曙戒順治十二年進士官大理寺丞有白雲草堂諸集鴻烈字毅文由廩生試授檢討康熙二十三年黃河漲發淮水倒灌淮南七州縣受害御史李時謙奏請疏浚淮揚下河以救七邑之民適聖祖南巡發帑遣官督治毅文上疏言淮揚水患關係運道民生淮安以南則山陽鹽城高郵寶應興化泰州江都七屬受害淮安以北則清河桃源宿遷邳州睢甯沐陽安東海州八屬受害臺臣止知淮南七屬之害而不知淮北八屬之害其苦一也止知七屬之民田昔受決口之水今受滾壩之水而不知八屬之民田在黃河岸以內者其苦尤甚也臣世籍淮南何忍不為八屬生靈再請命聖主之前乎得旨命河臣確勘議廢毅文工詩詞短章秀卓其絕句從樂府得來風韻尤絕同時有鄧漢儀者字孝威泰州人也己未召試以年老授官正字歸孝威與國初諸老游洽聞廣見所選詩觀凡四集投贈稱盛其度梅嶺詩為漁洋尚書所激賞又吳君嘉紀字寶賢號野人亦泰州布衣居安豐場瀕於海苦吟無知者周櫟園侍郎盛稱之由是陋軒之名與諸家埒漁洋亦絕重之所著曰陋軒集

清朝先正事略卷三十九終

清朝先正事略卷之四十

陸采 陸奎勳

平江李元度次青纂

文苑

陸雅坪先生事略 附 兄子 奎勳

陸先生采字次友號雅坪浙江平湖人原名世枋幼時值大兵南下收平湖父被執先生奔赴求代將軍馬其指扇上詩示之曰兒能誦此卽救爾父先生朗誦曰收兵四解降王縛教子三登上將臺此宋人贈曹武惠王詩也將軍不殺人卽今之武惠矣將軍喜立釋其父被與俱北欲子之將為議婚以先問名於楊解尋歸遂補諸生入國學試授中書康熙六年成進士官內秘書院典籍十八年舉鴻詞科中選授編修分纂明史遷贊善二十九年典福建試得士稱盛尋直南書房嘗召至乾清宮暖閣出五臺山金蓮花限韻賦詩立就蒙優獎三十三年試翰詹諸臣於豐澤園上親拔第一諭曰連次詩文無出汝右者一歲七遷應講讀庶子至內閣學士總管諸書局嘗在閣一日批紅本七十有奇長至奏句法本請出於疑二十餘人未幾告歸性簡易尤篤孝友伯兄南雄守世楷先卒撫孤姪如子族黨有寄金者殺遠徼其子歸送之封識如故年七十卒所著雅坪文集十卷詩集四十卷詞譜三卷兄子奎勳字聚侯號星坡世楷子也康熙六十年進士選庶吉士授檢討修明史撰擬制詔多稱旨以疾乞休主廣西秀峯書院創立學規仿朱子白鹿洞遺法

成就甚衆。平生淡榮利。不為嶄岸峻絕之行。而秉持不貳。薄田未足供飢粥。無戚戚容。惟一意說經。嘗言六經注我。而後可以我注六經。且合六經以注一經。著有陸堂易學十卷。得力在序卦一篇。足該全易。而以坤以藏之章。為歸藏象帝出乎震章。為連山象。又言商之歸藏。本於神農夏之連山。本於黃帝。人知畫卦重卦。皆由伏羲。不知黃帝始立著數。及乾坤八卦之名。至屯蒙諸卦名。則堯舜始增。序卦之錯綜。則文王始定也。詩學十二卷。不取正變之說。不特楚茨十詩。斷為成康盛世之音。凡斯干無羊考室考牧。均歸正雅。淇澳楚邱緇衣蟋蟀。均歸正風。騷鄭氏詩譜。時代舛錯不倫。歐公強為釐正。猶多牽合。周召二南。以地不以人。王風乃時為之。非有意於貶。其持論與明何楷詩世本古義相近。且以為不宗孔孟之傳。第守毛鄭之學。極詩之用。不過三百而止。是以有魯詩補亡之作。今文尚書說三卷。參蔡傳之疑闕。所解惟伏生二十八篇。而古文則置之不用。元吳澄書經言例也。戴禮緒言四卷。能糾正漢人穿鑿附會之失。春秋義存錄十二卷。凡經傳子緯。所載孔子之言。盡援為義。力辨春秋非以一字褒貶。能掃公穀拘例之失。與宋儒深刻之論。其說胡傳而信左氏。亦足破以經解經之空談。詩文自弱冠撰述已富。後乃以餘事為之。有文集二十卷。詩二十四卷。

杜紫綸先生事略

附 潘高 許廷鑑 李果 咸錦 俞照 黃之雋

杜先生詔字紫綸。江蘇無錫人。康熙二十一年進士。官庶吉士。著有雲川閣集。先生以詩

受知於聖祖會試下策特賜進士入詞館士林榮之逾年告養歸遂不復出晚與高僧結九龍三逸社有廬山東林之風嘗選唐詩叩彈集行世皆中晚名作故生平得力亦在大應以下也當是時吳中詩人最著者曰潘南村許子遜李客山盛青樓翁朗夫南村名高字孟升金壇人其詩古淡生新絕去雕飾而自然合度陳其年嘗寓其詩寄滌洋尚書盛稱之遂名於時金陵詩社賦秦淮曉渡詩諸名流咸集南村曰我年老才盡止絕句二十字眾皆斂手甚有袖詩不出者所著曰南村集許子遜名廷鑾長洲人康熙庚子舉人官武平知縣少英敏精刀槊徧遊四方交海內知名士在官有善政去後人並歌思之詩嚴於唐宋之界五言律七言絕句尤工高文良公每對客誦子遜佳句文良有作與子遜商權必盡言無隱藝林兩賢之著有竹素園集李客山名果長洲布衣著有石間集陳恪勤公之羈管京口也客山投詩造謁公遂與定交後大理李君欲任以鹽筴力卻之李君被罪諸任事者皆罹禍客山超然人服其有識詩格蒼老有一二字未安屢改不倦晚年文譽靈壽過吳門者爭識其面幾以曾靈光目之盛青樓名錦字廷駉吳縣諸生著有樓詩鈔詩從大應以下入手風格漸高至入蜀集沈雄頓挫直摩漁洋之壘以上窺少陵客京師王公以下多折節下之不耐冗雜歸沈歸愚歸田後時引為同調翁朗夫名照江陰人國子生著有賜書堂詩文集朗夫有謙辭雖僕隸下人不衣冠不見事上接下必以誠語文恭高文定兩相國先後以鴻博經學薦皆不遇晚與歸愚相約耦耕結廬有日矣未幾

卒。友生為位，哭多失聲者。詩識力俱高。有虞伯生老吏斷獄之目。同時黃先生之雋。字石牧。華亭人。康熙辛丑進士。官編修。著有唐堂集。雲開詩自陳黃明振興後。俱能不入歧趨。自盧文子後。又日就衰頹。鮮所宗法矣。唐堂學殖富。而才力又足驅使之。故能自開生面。仍不失正軌。時推為詩學中興。

湯西涯先生事略

附 嚴沆

徐倬

李鄴嗣

汪文柏

沈用濟

方榮如

湯先生右曾。字西涯。浙江仁和人。康熙二十七年進士。性伉直。以文學重於時。與方望溪、李穆堂諸公善。由編修累官吏部侍郎。兼掌院學士。先生在諫垣。所條議甚衆。而據荒政、釐運儲、緩煨鑄、糾督撫、監司、養蠶蠶民。其語尤著薦紳。閉丙子典試貴州。丙戌分校禮部。試皆廉公號得人。視學中州。杜苞直請託。然毫不取之官中。及貳吏部。侃侃持正議。忌者訕之。上最重其文學。索近詩。以所作文光果七言律。進御製詩。賜之。目為詩公。聞者驚羨。著有懷清堂集。浙中詩派。前推竹垞。後推西涯。竹垞學博。故能變化。西涯才大。故能恢張。後有作者。莫能越兩家之外也。兩浙詩人。其年輩科目。前於先生者。有嚴子餐、徐方虎、李杲堂。後於先生者。有汪季青、沈方舟。皆越中魁宿。云子餐。名沆。餘姚人。順治乙未進士。官至戶部侍郎。生平斂抑。冲退。雖踐九列。不殊寒素。有識彈其詩者。應時改定。遠近稱為德人。方虎。名倬。德清人。康熙癸丑進士。官侍讀。後家居。特旨加禮部侍郎。異數也。著有養村集。杲堂。姓李。次名鄴。嗣鄞人。明諸生。入清朝。棄巾服。日以著書為務。所著續世說中。寓筆

李抑嗣 汪文柏 沈用濟 方蔡如

削予奪。鄭人多師事之。南東詩社。延景堂定甲乙。糊名易書。一聯之賞。遠近喧傳。榮於九
錫。詩品刊。浴凡庸。不肯一語。猶人。蓋浙人中。獨開生面者。汪季青。名文柏。桐鄉人。官指揮
使。著有柯亭餘唱。朱竹垞序其詩。謂匪僅開宋元之奧。突直造唐人之室。而嚼其韞。其雅
挹至此。沈方舟。名用濟。錢唐人。國子生。母柴氏。名靜儀。著有凝香室詩鈔。得性情風雅之
正。方舟東母訓。少以詩鳴。足跡半天下。至廣南。與屈翁山。梁藥亭定交。所詣益進。歷遊關
塞。客右。北平最久。詩皆燕趙聲。入京師。見重。安世子紅蘭。主人名大著。釐下一時名流。幾
莫與抗行。然以詩質同人。有一字一句未安。輒從改削。所錄完善無罅漏也。著有方舟集。
又方先生蔡如。字文翰。浙東富安人也。邃於經學。工古文。於制舉藝尤獨闢畦町。康熙乙
未進士。官知縣。被議歸。雍正八年。議開博學鴻詞科。方侍郎苞疏薦先生。及南昌龔孝水
纓。歙縣余西麓。華瑞。嘉善柯南陔。愷眾以為宜。有謂先生挂吏議。例不得與。其三人皆就
毫微之必不能至。即至亦不能入試者。侍郎曰。雖然。使士知寶至而名附。無求而志自適。
於風教亦小補焉。及撤下。南陔已疾亟。孝水病不能行。至者惟西麓。既報罷。執政欲用為
太學六館師。兼泰一統志。西麓以老辭。而先生卒格於部議。不入試。所著曰集虛齋集。

姜西溟先生事略

附 嚴虞惲

姜先生宸英。字西溟。一字湛園。浙江慈谿人。少工詩古文辭。精書法。為諸生名。徵九重。聖
祖嘗謂侍臣曰。聞江南有三布衣。尚未仕耶。三布衣者。秀水朱彝尊。無錫嚴繩孫。及先生

也。又嘗呼先生之字曰。姜西溟。古文。當今作者。會徵博學鴻儒。掌院學士。葉公方。謫韓公。英。約。聯名薦。適葉公以宣召入禁中。決月既出無及矣。於是兩布衣皆入翰林。先生不豫。舉以爲纂修明史。食七品俸。仍許與試。主試者爭欲得先生。顧先生性疏縱。醉後違科場。式累被斥。又嘗於謝表中。用點竄堯典。舜典語。受卷官疑所出。先生曰。我山詩未讀耶。受卷官怒。竟擯之。翁尚書叔元。故人也。雅重先生。嘗曰。吾名不見于集中。是吾恨也。及尚書官祭酒時。余國柱方排睢州。湯文正公尚書受指使。劾睢州僞學。遂擢少詹。以睢州故兼詹事也。先生發憤爲文。謂古者輔教太子。有太傅少傅之官。太傅審父子君臣之道。以示之。少傅奉太子以觀太傅之德行。而審諭之。今詹事有正貳。卽古太傅少傅之遺也。翁君貳詹事。其正實睢州湯公。公治身當官。立朝斬然。有法度。吾知翁君必能審諭湯公之德行。以導太子矣。尚書見之。憮然曰。某知罪矣。然願子勿出也。越日先生刊布之。徧傳輦下。尚書恨次骨。始睢州典試浙中。歎息語同事。暗中摸索。勿誤失姜君。竟弗得。自後每榜發。無不以失先生爲恨者。相國明珠長子性德。甚才。從先生學。頗欲援以登朝。相有辛僕曰安三。勢傾京外。先生不少假借。性德乘閒言曰。家君過先生厚。然卒不得大有所助。某以父子之親。亦不能爲力者。蓋有人焉。願先生少假顏色。則立誼。先生大怒。擲杯起。絕弗與通。於是時相子百計請罪。先生始終執禮。而安三知之恨甚。時相遂與尚書比。而兄先生。徐尚書乾學。能進退天下士。平生故人。並退就弟子列。獨先生與爲兄弟。稱健菴罷官歸。

猶領一統志。先生豫志事。相從南歸。於是構健菴者。亦惡先生。以故連蹇不得志。康熙丁丑年七十矣。試禮部。卷復違格。主者慕其名。為更正之。成進士。及廷對。上問進呈十卷中。有浙人姜宸英乎。韓公奕審公書蹟。奏曰。第八卷當是。上曰。宸英績學能文。至老不倦。可置一甲。為天下讀書人勸。遂以第三人賜及第。授編修。已卯副修撰。李蟠典順天鄉試。比揭榜。為御史鹿佑所糾。蟠遣戍。先生以目昏不能視。為同官所欺。牽連下吏。舉朝知其無罪。未置對。遽病卒。王尚書士禎曰。某在西曹。使湛園以非罪死獄中。愧死矣。先生論文。以為周秦之際。莫衰於左傳。莫盛於國策。聞者頗賦之。先生年長。方望溪以倍。見望溪文。歎曰。吾輩當讓此人出一頭地。遂不介。而過望溪。屬討論其文。且曰。吾自度尚不止於是者。以困於科舉業。不能盡其才。又嘗言吾老矣。後會不可期。吾自少嘗恐為文苑傳中人。而蹉跎至今。子他日志吾墓。可錄者。獨數事耳。卽論常熟。及拒時相子語也。先生文雅健。有北宋人意。甯都魏叔子謂朝宗肆而不醇。堯峯醜而不肆。先生在醜肆之間。時題其論。詩宗浣花。而參之玉局。以盡其變。書法鍾王。入神品。著有江防總論。海防總論。各一卷。葦閒詩集十卷。湛園未定稿八卷。札記二卷。丁丑榜一甲第二人。為嚴君虞愷。亦以文學著稱。嚴虞愷。字寶成。號興菴。江蘇常熟人。九經三史。幼卽成誦。既及第。授編修。館閣應奉文字。多出其手。已卯科場。獄興。寶成子姪皆中選。而西溟及蟠。皆其同年友。用是置吏議。錮秩歸。尋起大理寺副。通倉盜米案。有以私怨入人罪者。寶成持不可。乃已。俄有內務府殺

人移獄事實成先上書本寺卿。歷指疑狀復出不意執其人訊之吐實。獄始定。累遷太僕少卿。典試楚蜀皆稱得人。卒於位。著讀書質疑三十一卷。附錄十五卷。為文陶鑄。摩言與歐曾為。迎江南人士刻其集。以繼震川。蓋本同郡。而震川官止太僕。名位又相埒云。

查初白先生事略

附 查昇 查嗣珠

先生初名嗣璉。字夏重。後更名慎行。字海餘。晚號初白。浙江海甯人。性穎異。五歲能詩。十歲作武侯論。同里范驥稱為曠世才。既長游熱洲先生門。所學益進。深於經術。邃於易。於書無所不窺。而生平癖好尤在詩。及山水朋友。其於進取榮利之途。泊如也。少受詩法於錢田開。為諸生。從黔撫楊公雍建。出入牂牁夜郎。及齊魯燕趙。梁宋閩。又嘗渡彭蠡。過洞庭。登匡廬五老峯。探武夷九曲。尋無諸尉遺蹟。其詩益富而奇。康熙癸酉。舉順天鄉試。以相國張公玉書。李公光地先後奏薦。壬午特召直南書房。癸未成進士。尋授編修。比歲西巡。賡歌載筆。凡幽阻之區。甌脫之境。為從古詩人所未歷者。盪胃賦目。悉於五七言發之。每奏一篇。聖祖輒動容稱善。駕幸南海子捕魚。命羣臣賦詩。先生詩有云。笠屨餐袂采生夢。臣本煙波一釣徒。詞意稱旨。忽內侍宣召。煙波釣徒查翰林。蓋同時有聲山學士。故以詩別之。與唐韓翃春城無處不飛花。可同作玉堂佳話也。頗常懷引退志。供奉七年。即告歸。家居二十餘年。嘯歌自適。弟嗣庭官侍郎。坐訕誘伏法。盡室赴詔獄。世廟知先生端謹。無他尋放歸。著敬業堂集五十卷。熱洲先生嘗以比陸放翁。卒年七十有八。所著別有

汪份 吳廷楨 張大炎 顧嗣立 黃越 王步青 俞長城

周易玩辭集解十二卷及經史正誦江南通志皆行世聲山學士名昇字仲章康熙戊辰進士官少詹事書法得董文敏之神入直南書房聖祖屢稱賞之時中貴人有氣餒者斯夕銜命至君接之無加禮人服其品著有澹遠堂集嗣珠字德升亦初白弟也康熙庚辰進士官侍講著有查浦詩鈔

汪武曹先生事略 附 吳廷楨 張大炎 顧嗣立 黃越 王步青 俞長城

汪先生份字武曹江蘇長洲人年十四隨大父希汲任沂州牧大父以官通繫獄先生侍側讀書連日夜不輟獄吏奇之為文辭氣雄邁康熙四十二年癸未成進士選庶吉士以繼母憂歸築室城東隅家居近十年癸巳授編修甲午典廣東鄉試辛丑冬命督雲南學政未之官卒年六十有七當丁卯戊辰間吳中以文學知名者先生與常熟陶子師同邑何妃瞻稱最皆與桐城方望溪遊時崑山徐司寇常熟翁司成方收台後進其所善名稱立起舉甲乙科若操券然三君皆吳人素遊其門而自矜重不求親昵子師成進士名冠其曹不與館選先生及妃瞻屢躋於舉場天下士益以此重之其後妃瞻交絕於兩家子師與翁亦忤惟先生無違言先生氣和而性伉直遊太學時嘗與益都趙秋谷會廣坐中趙年少負才名傲晚一世坐人或為所陵不能堪君忽憤發面數其失趙雖交誼而氣為之奪望溪初至京師見時輩言古文多稱錢牧齋嘗私語先生牧齋文穢惡藏於骨髓一如其人有或效之終不可滌濯子師妃瞻皆不謂然先生亦訝之既老乃曰今而知望溪

非過言也。所訂四書大全。唐宋八家文。明以來時文。皆行世。著有過喜齋集。晚歲辨春秋。書爵非寔。書人非貶。為書三卷。義多先儒所未發。弟鈞。字右衡。壬午舉人。士銓。字文升。工詩。古文兼書法。丁丑會試第一。官至右中允。從弟俠。字安公。弱冠。文名藉甚。平未進士。官編修。同縣負文名者。曰吳山掄。張日容。顏汝君。而上元黃際飛。尤與先生善。

吳山掄。名廷楨。夙慧。工文。宋牧仲選其詩。入江左十五子中。康熙丙子。舉順天鄉試。以寄籍。黜。已卯。聖祖南巡。歡迎鑾詩。上稱善。命登御舟賦詩。賜復舉。人有旨召入南薰殿。癸未。成進士。累官左諭德。戊子。典試江西。李穆堂寶鎮解額。尋纂修佩文韻府。月令輯要。教習庶吉士。以勞卒。官著有南村集。張日容。名大受。父慶。徐順治甲午舉人。治精舍。匠明漢上。聚徒說經。學者稱履素先生。日容弱冠。即能文。韓慕廬極稱之。康熙庚午。鄉薦。闈牘海內。傳誦。喜汲引。後進四方。造明請業者。無虛日。有負之者。弗與較。且若弗知也。己丑。進士。官檢討。督學貴州。卒於官。著有匠明集。

俠君。名嗣立。姓顧氏。康熙壬辰。進士。選庶吉士。改中書。以疾歸。博學有才名。尤工詩。關秀野草堂集。四方知名。士觴詠其中。輕財好施。與家日貧。而風流文雅。照映一時。家有古酒器。三大者。受十三斤。餘遞綈。秀野署門曰。凡酒客過門。請與三雅。話朝相見。決雌雄。蓋終其身。無與抗者。時目為酒帝。嘗箋註溫飛卿韓昌黎詩。又有元詩選。網羅浩博。一一採自本書。可謂一朝巨觀矣。所自著曰秀野集。閩邱集。

際飛黃姓名越未入庠序。即為學使者所知。名稱壓其長老。康熙己丑成進士。官編修。居京師。與方望溪汪武曾友。以古誼相切劘。逾年告歸。開特室。潛心宋五子書。而以餘力評選制舉文。盛行於時。自國初。排纂四書義疏。紬繹先儒之緒論。為世所宗者。稼書此瞻武曾外。際飛其一也。繼之者。金壇王罕皆而已。罕皆。名步青。一字己山。雍正癸卯進士。官。又俞君長城。字桐川。浙江桐鄉人。康熙壬辰進士。官編修。工古文。論古尤有識。四書文獨闕畦町。嘗選制藝百二十家。始王荆公。迄國初諸老。每家各為小序。允為大觀。

周青士先生事略

附 王翊 范路 朱一是 沈道 李麟友 李良年

周先生質。字青士。一字簞谷。居嘉興梅會里。少孤。喪祭盡禮。以孝稱。遭亂棄舉子業。受廩賣米。有括故家遺書。鬻於市者。買得一船。積樓下。每日中交易。箕筭斗斛。權衡堆滿肆。撥亂書讀之。糠粃中。有都丞行署。與先生鄰。先生吟誦達旦。丞不能寐。恚甚。遣吏白攝。將扶之。有士夫解而免。其為詩。楚儻拔俗。不襲前人一語。時同里王樹范路。路弟子。終泳交賞。君詩。會朱竹垞移居市南。而海甯朱一是亦至。里諸生沈進。布衣李麟友。皆與先生相唱和。先生奉母孝。膳必具酒肉。人有匱乏。傾囊給之。戴其鬻女於巨室。及笄。將以配。僕君。君亟贖以金。釋壻嫁之。采石估載米八百斛。得直千金。貯君筥。估則獨往。破石中道溺死。君具棺殮。手書呼其子至。還之。歲澄。率私錢散米以食餓者。性好施。生計日漸窘。遂浪遊不復問家人產。嘗歲除泊舟亭泉山。訪僧靈章。遂入西湖。又嘗元日攜子。既至武康銅井山。

轉入徑山時已昏暮踏雪走二十里與叟相失遙見林莽中燈修修就之則僧墨浪所居也僧曰山多虎居士遠來得不心動乎君曰吾行不失信道心一動則飽虎口矣僧方煨芋魁因啣君圍爐話清靜理尋陟山巔徧歷七十二精舍還又嘗獨行魏塘附船入三泖就九峯訪故人比及泖則已暝船人促之登岸投僧廬拒之先生周步琉璃燈下觀壁間所錄詩牋有已作指示寺僧曰吾詩人非賊也乃炊飯止君宿詰旦自泖達九峯抵華亭訪高士吳騏王光承之居兼旬乃返客京師未嘗投資人一刺朝士願納交者非先焉不往徐健菴尚書好延攬海內士徐秀才善主其家先生嘗就善同臥起尚書欲見之終不可得其歸也某給事削三緘贈行曰挾此可得百金笑卻之歸舟抵宿遷晨起捫頰水一笑而逝年六十五著采山堂集二十四卷詞緯三十卷今詞綜十卷析津日記三卷

王翹字介人家故業染一手挾書一手數錢與布商萊傭相應答久之學益進遂以布衣稱詩天崇時詩歸盛行人沿竟陵派介人毅然獨尚唐音見賞於陳臥子先生一見擊節曰此今之高三十五也因為之序所著曰秋槐堂集

范路字遵甫自蘭谿遷長水經亂賣藥於市有靈蘭館集

朱一其字近修崇禎壬午舉人兵後披緇衣授徒主文社者為可堂集

沈進字山子嘉興縣學生早年詩尚清麗與青山同調鄉人目曰周沈晚編所作為藍村集歸於冲澹性稍介喜寂靜故沈思刻意下筆有幽致又輯文言會粹行國錄袁漢大業

等書。

李麟友字振公揚州學官自明次子也史公可法兵敗自明自縊學官振公求父骨不得遂棄舉子業其詩志肆激昂不落凡近著有醒齋吟草

李良年字武曾秀水人少與兄繩遠弟符齋名號三季武曾又與朱竹垞齋名人稱朱季以國子生召試鴻博未遇徐健菴尚書開志局於洞庭西山聘主分修著有秋錦山房集

藍鹿洲先生事略 附 朱仕瑋 黃任

藍先生鼎元字玉霖號鹿洲福建漳浦人少負不羈才工詩古文通達治體語經濟必曰諸葛武侯言文章必曰韓吏部受知張清恪公講洛閩之學篤於內行朱一貴反臺灣從兄廷珍以提督進討先生參軍事為之謀主凡七日而平著書曰平臺紀略言善後策尤詳以選拔貢成均朱大端蔡大勤兩公奇其才方修歷代名臣傳屬先生具草以為得召見例赴吏部試同列皆踧踖故事先生奮筆上五千言陳五事世宗下其議多施行特旨授普臨知縣諭樞臣曰以彼其才任道府綽有餘矣在官有惠政聽斷如神暇則與邑士之秀者講明正學俗丕變未三年以忤監司削籍或勸其委蛇以紓禍先生曰吾嘗涉大海歷澎臺出沒驚濤開冒矢石采入窮簞觸惡瘴毒霧不稍懼今為命吏肯頰首媚監司哉遂坐官逋千七百金士民斂金代納留三年潮州守延修府志制府禮為上客事多諮訪而行代刻其古文二十四卷又輯所自治官書為鹿洲公案輯講學語為棉陽學案

藍鼎元 朱仕瑋 黃任

閩中古文家自鹿洲後推朱梅崖詩家推黃莘田稱最梅崖名仕瑒建甯人乾隆庚午鄉試領解擬明年成進士選庶吉士與同年生朱文正公珪及始興林穆菴明倫以古文相鏘礪名重京師梅崖落落自如散館改知縣其落落如故尋改教授以歸與兄明經仕玠相唱和為樂其論文謂始當力抗周秦兩漢與荀屈揚馬諸子博必伏而監其腦然後導而匯之韓柳歐陽王曾姚虞以下若首受而尾逆也及晚而反覆連巖震川諸家心愈降而容氣盡於是奇辭與旨不合道者眇矣所著文曰梅崖居士集莘田姓黃氏名任永福人康熙壬午舉人官四會知縣以詩名天下享大年著有香草齋集芬芳悱惻能移人情乾隆壬午重賦鹿鳴筵宴閩人士推魯靈光焉

王九溪先生事略

附 郭煇 羅典 余廷燦 唐仲冕

王先生文清字廷鑑號九溪湖南甯鄉人少工文學舉雍正二年進士官岳州府教授母憂歸哀輒踰禮乾隆元年召試博學鴻詞未入選以薦為三禮律呂各館纂修官補內閣中書遷宗人府主事考授御史告養歸旋丁父憂年六十餘矣猶哭踊如孺子慕主獻麓書院十餘年多所成就撰儀禮分節句讀以句讀為主略為箋註不欲其繁又周禮會要六卷亦約括注疏諸說疏通字義以使學者又著考古源流二百卷年九十二卒祀鄉賢并祀祀嶽麓屈原祠郭先生煇字昆甫善化人少負文名貢成均胡宗緒襲參為祭酒奇其文七試皆冠其偶襲參與方望溪善說士於望溪欲合往見先生曰某士也若趨謁公

卿之門。非噉名即附勢。何取焉。卒不位。望溪轉益重之。乾隆九年。舉鄉試第一。著有羅洋詩文草。及制藝行於世。羅先生與字微五。號慎齋。湘潭人。乾隆十六年進士。由編修官鴻臚少卿。督四川學政。盡革陋規。以經學造士。文體為一變。諸生其為縣令。誣陷寘之獄。同學生為公辯。令遂以聚眾聞。先生至。立為昭雪。任滿告養歸。主講嶽麓二十有七年。造就人才甚眾。性剛而介。任工科時。值大工作。總役希冒銷賂以三千金。拒勿納。仍痛懲之。按款核銷。無少假。嘉慶丁卯。重赴鹿鳴筵宴。明年卒。年九十。著有凝園五經說。及詩文集。余先生廷燦。字卿雲。號存吾。長沙人。乾隆二十六年進士。官檢討。充三通館纂修。以母老告養歸。家徒四壁。立取與不苟。母卒。啜粥寢苦。值暴雨。入倚廬。地沮洳。家人藉以片板。塵去之。先生學有本原。於天文律曆。句股六書之學。俱能鉤元提要。成一家言。與戴東原紀曉嵐相切磋。所著詩古文。尤醞茂。有存吾文集。卒年七十。唐先生仲冕。字六松。號陶山。善化人。乾隆五十八年進士。任荆溪知縣。調吳縣。推知海州。權松江及蘇州府。所至勤求民瘼。振興士氣。與大利。除大弊。措理裕如。又以其暇。修治古蹟。接禮賢。曠意趣。超然軒冕外。嘉慶五年。由候補道權按察使。晉陝西布政使。三權陝西巡撫。以疾歸。進居金陵。卒年七十有五。性孝友。自以其父官平陰。貧甚。母殤。不能歸葬。葬肥城之陶山。因以陶山自號。嘗結廬墓側。孜孜著述。撰岱覽三十二卷。輯湖南詩徵。未就。著有陶山文集。吳門滄浪亭。有五石。百名賢像石刻。首吳泰伯。終唐陶山。其為時推重如此。

清朝先正事略卷四十終

清朝先正事略卷之四十一

平江李元度次青纂

文苑

鄒小山先生事略

附

黃勤敬公錄

先生名一桂字原稟號小山江蘇無錫人雍正五年進士選庶吉士授編修十年典試廣西尋改御史十三年督貴州學政疏陳科場之弊乾隆七年轉給事中上命許容巡撫湖北疏言許容誣奏謝濟世奉旨奪職總督藩臬以下承審官皆罷斥不特湖南得見天日天下臣民罔弗頽手稱慶此彭癯之公吏治所由知戒也昨有旨仍命巡撫湖北中外聞之莫不驚駭乞降旨宣示臣民俾曉然於黜陟之所以然疏入上遂寢其事十一年秋賜宴瀛臺特命與焉遷大理少卿多所平反脫死罪二人再遷本寺卿疏言律載獄具全圖均有定式今司獄者多用非刑夫囚有應得之刑國家有常用之法法不當罪不可以為法矧令其死非法之刑哉詔下所司察治十四年詔舉經學以同邑顧棟高薦咸以為得人遷內閣學士十七年充會試副考官明年以老告歸御製詩寵行後三年請闕恭祝皇太后聖壽賜杖命與香山九老會又十年以祝聖母八十壽加尚書銜俸再與九老會歸次東昌萬年八十有七先生歷官數十年挺挺直節家巷屏跡不入官府時策杖尋佳山水飲酒賦詩工繪事得文待詔遺法官御史時朝貴有索畫者先生曰吾不能受人役不

應然先生畫流傳頗多亦未嘗故自矜重也所著曰小山文集自先生後以書畫繼稱者推重文恭及黃勤敏二公黃先生敏字左君一字左田當塗人幼旅寄居外家補諸生為朱文正公所激賞挈游京師自是奔走衣食無虛歲乾隆五十四年成進士觀政戶部尋告歸主書院十年審廟聞其名有旨特召由主事超擢贊善入直南書房十年中官至禮部尚書屢典鄉試督學政者再晚年乞病歸人比之董華亭云先生工書善畫所進畫幅久邀睿賞與富陽相國稱董黃二家內府名蹟均經其鑒定晚歲名益重屢作雜出有購得者轉求其自定真偽予告後年九十餘目失明自號盲左猶能作書既薨帝悼惜賜祭葬予諡勤敏著有西齋集

張南華先生事略 附 曹仁虎

張先生鵬翀字天扉號南華江蘇嘉定人雍正五年進士授檢討十三年充雲南副考官遷侍講乾隆六年典河南鄉試遷庶子充日講起居注官九年晉詹事先生有宿慧詩才敏捷嘗應乾清宮御試日未亭午諸臣方構思先生即納卷高廟天縱多能筆不停綴詞臣罕能賡和者至是心賞之尋進萬壽聖德詩百章經史法戒詩五十章又陳十慎箴皆稱旨兼工畫捷如其詩嘗繪春林淡靄圖題六絕句以進上依韻賜和先生即於宮門前疊韻謝恩繼進日長山靜畫扇賜詩八章繼命和望雲思雪意詩宣上御舟特賜坐復命隨輦入朝賦紀恩詩四章復命和澄海樓望海禁體詩後屢勅御舟作畫賜御畫祀祀折枝

及松竹雙清圖。最後賜御書雙清閣額。皆有詩恭紀其他進詩。與諸臣同和者。不下數百篇。前後賜賚不勝絕。十年乞假省墓。賜白金百兩。御製詩一章。以寵其行。舟抵臨清。卒年五十有八。帝深惜焉。先生性孝友。敦明內行。尤好山水。事事灑落。人呼漆園散仙。有南華山房集三十卷。同縣曹習菴學士。名仁虎。字殷來。後先生三十年。成乾隆辛巳進士。少與王述菴。吳企晉。趙璞函諸君唱和。所刻詩流傳海舶。日本國使臣以餅金購之。入詞館。後每遇大典。禮應奉文字。皆出其手。官至侍讀學士。性至孝。督學廣東。聞母訃。以毀卒。著有宛委山房集。

諸襄七先生事略

附

楊度汪

沈廷芳

夏之蓉

徐士璠

周長發

諸先生錦。字襄七。號草廬。浙江秀水人。雍正甲辰進士。由庶吉士改知縣。就金華府教授。乾隆丙辰。召試鴻詞科。列高等。授編修。遷贊善。少貧。無買書資。聞吳下書賈甚愛客。詣之。留數日。主人敬其好學。謂曰。觀君舉止。欲竟此架上線裝書耶。先生笑而領之。後益博聞強識。出李穆堂門下。詩法山谷。後山。而志節嶽然。甘守寂寞。足不履權貴門。著有毛詩說。響禮補亡。夏小正注。及絳跼閣集。其詩說以小序為主。序文惟用首句。用蘇轍例。不釋全經。惟識所心得。用劉敞七經小傳例也。同時召試入詞館者。自董甫。白山。次風外。曰楊勛。齋。沈椒園。夏醴谷。徐泉亭。周蘭坡。勛齋楊姓。名度。汪無錫人。由拔貢召試。授庶吉士。改德興知縣。少從其世父綱章先生游。及入詞垣。益砥志於學。著有雲迥樓詩集。沈椒園名廷

芳。一字晚叔。仁和監生。召試。除庶吉士。授編修。改御史。以言事被黜。乙丑起視漕山。左擢登萊道。遷河南按察使。乞養歸。先生為查聲山宮詹外孫。受詩學於初白。受古文法於望溪。尤究心經術。嘗以監本十三經注疏多訛脫。著十三經正字八十一卷。校勘極精。檢又著隱拙齋詩文集。夏醴谷。名之。容字芙蓉。高郵人。雍正癸丑進士。丙辰召試。授檢討。嘗典試福建。督學廣東及湖南。於治經外。以古文之學校士。錄其尤為汲古編。解組後。主鍾山麗正書院。憐才訓士。汲汲如不及。著有半舫齋詩鈔。卒年八十有八。泉亭姓徐。內名士璠。仁和諸生。召試。授庶吉士。改部曹。出知瑞州府。周蘭坡。名長發。號石帆。會稽人。雍正甲辰進士。由庶吉士。改廣昌知縣。丙辰召試。授檢討。遷侍講學士。在廣昌時。久雨。山水暴漲。城垂沒。先生以黃紵書街。鈐以印。朝服登城。稽首哀籲。願以一令保闔城。婦子。雨霽水消。得亡恙。詩才敏捷。不亞張南華。嘗應制賦覺生寺大鐘歌。稱旨。著有賜書堂集。

杭皇甫先生事略

附 屬稿 符曾 汪沆

先生名世駿。字大宗。皇甫其別字也。仁和人。少負異才。於學無所不貫。所藏書擁牘積几。不下數萬卷。枕藉其中。目睇手纂。幾忘晨夕。與同里厲鶚。陳兆崙。汪大坤。梁啓心。張燾。龔鑑。嚴球。諸名輩。結讀書社。舉雍正甲辰鄉試。受聘為福建同考官。乾隆元年。召試鴻詞。授編修。校勘武英殿十三經二十四史。纂修三禮義疏。先生博聞強記。口如懸河。時方望溪負重名。先生獨侃侃與辨。望溪亦遜避之。有先達以經說相質。一覽曰。某說見某書某集。

拾唾何為學子有請益者聞其所業以一經對則以經詰之復以一史對則以史詰之皆窮乃曰某於西晉末十六國事差能詳耳先生曰汝知是時有慕容垂子垂長若干尺得年幾何其人慙沮去以此頗叢忌嫉改御史條上四事下吏議尋放還然高廟仍納其言數十年來天下督撫漢人參半是四事已行其一也其論直省藩庫宜有餘款存留以備不虞亦篤論然先生已削橐其語多不傳罷歸後杜門奉母自號秦亭老民偕里中耆舊及方外友結南屏詩社後迎駕湖上賜復原官性通脫不事修飾主粵秀安定兩書院最久好獎借後進自言吾經學不如吳東壁史學不如全謝山詩學不如厲樊榭而齊次風侍郎特嗜先生作嘗集蘇詩及先生詩為一卷題曰蘇杭集句著有禮例續禮記集說石經攷異續方言史記攷異漢書疏證補晉書傳贊北齊書疏證經史質疑詞科掌錄榕城詩話桂堂詩話兩浙經籍志續經籍攷道古堂詩文集晚年補金史特構補史亭成書百餘卷實賦方鏡詩二十四首傳誦輦下和者自王公卿相至方外閨秀幾及數千家

厲樊榭名鶴字大鴻錢塘人少孤貧僦居東園讀書不徹為詩精深峭潔截斷眾流於新城長水外自樹一幟湯少宰西崖最所激賞性耽閑靜愛山水康熙庚子舉於鄉需次縣令將入都道經天津查蓮坡留之水西莊同撰周密絕妙好詞箋遂不謁選乾隆初舉鴻博報罷南歸與鄉閭諸老酬唱容揚州有馬氏藏書最富延主其家盡探其秘牒大江南北主盟壇坫凡數十年尤工詩餘擅南宋諸家之勝著有東城雜記湖船錄秋林琴雅及

樊榭山房集若干卷。又仿計敏夫例。為宋詩紀事百卷。撰遼史拾遺。採摭羣書。至三百餘種。最稱博洽。先生無子。歿後四十餘年。其粟主委榛莽中。何春渚淇取歸。送黃山谷祠。灑掃一室供之。王蘭泉侍郎屬同人於忌日。薦酒脯焉。符先生嘗字幼魯。樊榭同縣人。由國子生試鴻博。不遇。後官郎中。著有春鳧集。其詩超妙絕俗。如冰雪在口。沁入齒牙。汪先生流字西灝。號槐塘。亦錢塘人。少從樊榭受詩法。博極羣書。與幼魯同試詞科。報罷。客天津。查氏水西莊。南北稱詩者。奉為主。泉著湛華軒雜錄。讀書日札。新安紀程。全閣米風錄。蒙古氏族略識小錄。泉亭瑣事。汪氏文獻錄諸書。

齊次風先生事略 附 陳允齋

齊先生台南字次風。號瓊臺。晚號息園。浙江天台人。幼稱神童。十二歲登巾子山作詩。識者即以公輔器目之。新城何瑞簡公世璠嘗稱於眾曰。此我朝奇士。當以王姚江一輩相侍也。雍正七年副貢。乾隆元年舉鴻詞科。授庶吉士。修一統志。及明鑑綱目。授檢討。充校勘經史官。晉中允。侍讀。憂歸。命在籍編纂陸績經進服。除補原官。修會典及續通考。晉侍讀學士。戊辰分校會試。入直上書房。大考翰詹名第一。權禮部侍郎。高宗於甯古塔。得古鏡。先生具析原委。并及款識。上謂左右曰。是不愧博學鴻詞矣。西苑侍班。御射十九矢。皆中的。上顧蔣尚書溥及先生曰。不可無詩。乃立進四章。上即俯和其韻。尋充續通考副總裁。兼修通禮。十四年夏。自圓明園歸。墜馬。觸巨石破腦。上遣中官就視。賜藥。令蒙古醫治。

之病少定。天語屢垂問。尋請歸養母。優旨慰留。再三請。乃報可。掖家太夫人適患疾。疾聞其至。勿藥而愈。主數文書院十一年。成就人才甚衆。高宗兩次南巡。俱迎駕。又入都祝嘏。賜賚有加。族子周華。以黨呂留良。遣戍。及歸。刻其書。呈巡撫熊學鵬。誣列公十罪。詔磔周華。并遠先生入京。部議籍廬。上僅落其職。先生未遇時。于忠肅公嘗示夢云。景泰帝易儲。吾具疏力諫。不從。後人不知妄議。今皇史宬中。吾疏尚在。于他日當出之。以雪吾冤。又曰。子終身宜戒食牛。教子命者牛也。後修明史綱目。親至史宬。徧覽忠肅疏。不可得。而墜馬時。蒙古醫以牛腦易髓。則其語有徵。先生卒後。朝廷輯四庫書。邵學士晉涵習聞先生言。復至皇史。求疏亦不得。得明通政使進本檔冊。載景帝其年月日子其一本。為太子事。此卽忠肅疏諫之明證也。先生觀書。目十行下。一覽終身不忘。應徵北上。過某邑。宰架上。有異書八冊。以借觀。請許之。詰旦將行。以書進。先生曰。吾已閱訖矣。主人未之信。覆詢之。則皆探喉出。不一字差。乃大驚服。然自腦裂後。亦不甚省記矣。最精輿地之學。謂鄒注水經。明於西北而闇於東南。且域外諸水皆未詳。因撰水道提綱三十卷。又有史漢功臣侯第考一卷。歷代帝王表十三卷。後漢公卿表一卷。宋史目錄及賜硯堂詩文集若干卷。自力勝人。瞳極小。而能遠視。每登山。見江船。能辨舟中人物服色。及壺觴杯學之屬。皆不爽。夏棧萬松山中望雲。能尋其根。雲彷彿如絲。繫於山。跡而挖之。得雲根石。多花草鳥篆形。後漸多。因以作譜。尤異者。一石具先生名字。卒年六十有六。同時應詞科起家者。有陳星齋。

劉大櫟 方世舉 方貞觀

太僕。與先生齋名星齋。名兆崙。字白山。錢塘人。雍正八年進士。觀政海鹽。非其好也。並發為詩歌。以自灑濯。及召試入詞林。游登瀛寺。官至通政使。入直上書房。兼戶順天。而意致蕭散。有山澤閒儀。京師士大夫奉為文章宗匠。嘗自言吾書法第一。文次之。所著曰紫竹山房集。

劉海峯先生事略

附 方世舉 方貞觀

劉先生大櫟。字耕南。號海峯。安徽桐城人。生而好學。工詩古文。當康熙末。方侍郎苞。名大重於京師。見先生文。大奇之。語人曰。如苞何足言。同里劉大櫟。乃今世韓歐才也。自是天下皆聞劉海峯。然試輒不過兩中。順天副榜。乾隆丙辰。召試鴻博。與千舉經學。皆報罷。京朝官提督學政者。率聘之。校文。因歷天下佳山水。為歌詩。自發其意。晚官黟縣教諭。又數年。歸歙。陽不復出。卒年八十三。先生古文喜學莊子。尤力追昌黎。詩格亦高。為文名所掩。著有海峯詩文集。姚姬傳實從其游。世遂有桐城派之目。同縣方先生世舉。字扶南。一字息翁。博學篤行。於書無所不規。性疏曠。不求仕進。好為詩。鎔鑄古今。自開生面。晚年注韓詩。略嗜其體。薦舉鴻博。固辭不就。方恪教撫浙。以舊好招之。亦不赴。年八十餘。精采不少。減著有春及堂集。與從弟南堂齋名。南堂名世泰。字貞觀。以字行。邑諸生。孫文定。薦舉鴻詞科。不就。少以南山集壘累。隸旗籍。後放歸。讀書數行。並下詩格清醇。深得唐賢微旨。著有南堂詩鈔。

胡稚威先生事略

附 周大樞

萬光泰

王景

陳撰

丁景

胡先生天游。字稚威。號雲持。榜姓方。後始復姓。山陰人。少有異才。書無所不窺。雍正癸卯。副貢生。乾隆丙辰。任尚書蘭枝。薦舉博學鴻詞科。才名冠一時。四方文士雲集。每稠人廣坐。獲筆輒數千言。文成輿博。見者嗟服。以持服不與試。丁巳補考。鼻衄。納卷出。先生於文工四六。得唐蕪許二公之遺。詩雄健有奇氣。未嘗挾一刺于公卿。一統志成。當進御。鄂張兩相國。屬表於彝。檢討召南。檢討推先生。鄂文端驚歎其文。欲招之。檢討曰。稚威奇士。豈可招耶。卒不至。後文端延為三禮館纂修。居京師十餘年。四方求文者。輦金幣踵門。隨手輒盡。諸公卿爭欲令出。門下每試入棘闈。策文至二千言。論或數十字。與常式格格不合。復置順天乙榜。乾隆十六年。再舉經明行修。梅總憲鼓成。觀之上御別殿。問今年經學中。有胡天游如何。眾未對。大學士史公貽直。奏天游夙學有名。上曰。得毋奔競否。史公曰。以臣所聞。太剛太自愛。上默然。自後薦舉。遂無敢及之者。而先生亦既老矣。與田侍郎懋有舊。田家山西。招之往。修志太原。卒年六十有三。著石筍山房集。嘗言古今人皆死。惟能文章者不死。雖有聖賢豪傑。魂意琦行。雖文章則其人皆死。誠快論也。先生有妹石蘭。次景素。次臥雲。俱有雋才。工詩。時比之劉家三妹。表簡齋同。應召試。獨心折先生。嘗曰。吾於稚威則師之矣。於元木。循初則友之矣。其他某。某則事我者也。元木者。周君大樞。一字元牧。稚威同縣人。應鴻詞科。不遇。壬申。舉於鄉。官教諭。著有居易堂集。幼工詩。與稚威在江東。

詩社中。最稱傑出。尤與秀水萬光泰善。以詩文相切劘。果毅阿公。延為上客。每公暇。命講通鑑數則。其雅度可想見云。光泰字循初。號柘坡。乾隆丙辰舉人。穿穴六藝。排比百家。而尤精於周髀之學。上自注疏。旁及諸史。以至明之三曆。呵龐喝利。布算了了。時稱絕才。梁蘄林少師。續修通考。延循初董其事。詞科報罷。客津明查氏。著韓注緒言。漢音存正。遂初堂類音辨諸書。其詩文曰柘坡居士集。同時以布衣舉鴻博。未赴者。有金先生農。陳先生撰。丁先生敬。農字壽門。一字冬心。錢塘人。嗜奇好古。收金石文千卷。足跡半天下。詩格高簡。有奇氣。工畫梅。閒寫佛像。分隸獨絕。一時著有冬心集。撰字榜山。號玉几。鄞人。砥行讀書。璨然古處。詩冲逸高妙。工書畫。精賞鑑。所居玉几山房。慘賦最富。著有補缺集。故字敬身。號龍泓山人。錢塘人。隱市廛。喜酒。好金石文字。宮崖絕壑。手自摹搨。證以志傳。著武林金石錄。工分隸。精篆刻印章。然非性命之熱。不能得一字也。著有龍泓山館詩鈔。

沈東甫先生事略 附 弟 炳謙

乾隆丙辰之舉詞科也。先後應召者二百餘人。而著書之多。推歸安沈東甫為最。先生名炳震。字寅駉。篤志古學。窮年著書。其最精者有新舊唐書合鈔二百六十卷。折衷二史之異同。審定之。莫善於宰相世系表之正錄。方鎮表之補列。拜罷。承襲諸節目。全謝山謂可援王氏漢書藝文志之例。孤行於世者也。又撰九經辨字讀蒙十二卷。以正九經文字。其一卷為經典重文。二卷為經無重文。三卷為經典傳講。四五卷為經典傳異。六卷為經典

通借七八九卷為先儒異議十卷為異音通義十一卷為異音異義十二卷則注解傳述
人也又有讀史四譜及唐詩金粉等書皆博而能精其自為書曰增默齋集先生季弟名
炳謙字幼牧與先生並應召試人謂庶幾厚齋盤洲伯仲之風臨川李侍郎見其所著書
驚喜曰不意近世尚有此人亟欲推挽之會左遷不果先生兄弟亦放還未一年先生卒
又六年嘉善錢侍郎陳羣以唐書奏進於朝有詔付書局時方令史館校勘唐書諸公得
之大喜盡采之卷中論者謂先生生不得附劉向荀勗之後審正七略中經之籍身復猶
得邀採掇之餘以肩隨於應劭如淳薛瓚之後著錄四部俯視實草董衡一輩亦可瞑目
於九原矣

馬秋玉先生事略

附 馬曰璐

趙昱

趙信

馬先生曰瑄字秋玉一字懈谷祁門人江都籍候選知州嗜學好結客與弟半槎同以詩
名家有叢書樓藏書甲大江南北四庫館開先生進書七百七十六種優詒褒嘉賞古今
圖書集成一部其園亭曰小玲瓏山館曰街南老屋四方名士過邦上者鴈詠無虛日時
廬雅南都轉提唱風雅全謝山符幼魯陳楞山厲樊榭金壽門陶篁村陳授衣諸君來遊
皆主馬氏結邦江吟社與昔之主塘玉山塔高宗南巡幸其園賜御製詩海內榮之所著
曰沙河逸老集半槎名曰璐字佩兮國子生詩筆清削著有南齋集馬氏兄弟同薦博學
鴻詞科皆不就名重一時同時兄弟並應召試者有浙中趙谷林意林昆仲谷林名昱字

馬曰贈馬曰贈趙豆趙信

功千。原名殿昂。仁和貢生。性耽風雅。築春草園。有池館之勝。異本書數萬卷。同時蔣繡谷
吳尺鳧亦好藏書。每得秘牒。必互相校讎。有小山堂酬唱集。與揚州馬氏相應。和其好客
亦如之。弟信。字辰垣。園子生。意林其號也。意林從兄鐵巖。與臨川李穆堂同官侍郎。意林
投以南宋雜事詩。穆堂奇其才。欲以鴻博薦。意林讓其兄谷林。而亦為趙通政之垣所舉。
報罷南歸。與谷林溫經研賦。謄訪秘編。時有二林之目。卒後所藏書畫悉歸馬氏。為谷林
著愛日堂集。意林有秀觀齋吟稿。

清朝先正事略卷四十一終

清朝先正事略卷之四十二

平江李元度次青纂

文苑

趙然乙先生事略 附 汪越

趙先生青藜字然乙安徽涇人。生而穎異。九歲能文。乾隆元年會試第一。選庶吉士。授編修。尋改御史。在臺五年。有直聲。能持大體。不為激切之語。時沈侍郎德潛舉諫垣。著望者為五君子。詠先生與焉。章凡數十上。如請清屯田以歸運下。請弛米禁以濟民食。請仍耗羨歸公。請興西北水利。皆有關於生民利病。又劾總督高斌。侍郎周學健。奏開捐納。謂此風一行。將見言利之徒。接踵起為害甚大。上嘉其有見。其合糾彭協。按維新奪情。議尤侃侃。十三年奉命察賑山東。還朝以耳疾乞休。後高宗南巡。伏道左。蒙存問者再。年八十餘卒。先生兩典浙江一典湖南試。所得多知名士。生平以不欺為本。接人外和而內嚴。不可私干。訓迪後學甚眾。為古文受義法於方侍郎苞。風格似之。侍郎稱及門有所祈嚮。而可信其操行之終不迷。惟先生為最。詩自漢魏及宋元靡不畢賞。獨宗工部。晚乃歸於昌黎。性喜遊。往來黃山白嶽。匡廬。明蕭然自適。著有漱芳居文集十六卷。詩集三十二卷。其學尤長於史。所作史論有特識。著讀左管窺二卷。於二百四十二年事實。穿穴甚深。先是先生同郡。以史學稱者。推南陵汪越。越字季超。康熙四十四年舉人。所著詩古文詞。冲淡

典博。後進戚則之。有綠影堂集。毛詩集略諸書。其讀史記十表。病史家諸表可資考證。而不可以誦讀。學者往往不觀。因排比舊文。鈎稽微義。使讀史者了然於心目。父性嚴毅。能曲得其歡心。伯兄早世。撫遺孤備至。行社倉法於里中。官給印籍。而自謹其出入。可為後人法式焉。

黃靜山先生事略

附

陳道

魯九皋

陳用光

吳嘉賓

黃先生永年字靜山。號崧甫。江西廣昌人。少好學。以文章自名。雍正六年。舉孝廉方正不就。乾隆元年進士。授刑部主事。乾乾隆治案牘。於疑獄多所平反。有廣東客謁私第。鬪者入刺弗識也。及見伏地叩頭謝。問其故。曰。某項以某事陷冤獄。非公已入鬼錄矣。徐出珠一盒獻之。曰。謝公大德。先生變色。曰。我為刑官。據法出無辜。職也。何比於汝。而乃污我為客。大慙。遂巡去。既公卿交章以御史薦。宣城知縣段雲翮以迂謹失上官意。會有築城之役。委他官代治之。雲翮故勤民。民愛戴之。訛傳雲翮被劾。且受代。相率罷市。關於府。巡撫以變聞。坐雲翮指使罪。上以御史言。命先生往鞠之。但請以雲翮改教官。諸囚並減死。十年授平涼知府。以親老辭。改知鎮江。歲餘改常州。其為政寬而有體。尤盡心溝渠之利。在常州。濬德勝。凜港。溉田二十餘萬畝。行部所至。必咨訪高才。尊禮有德。事上官未嘗屈節。黃制軍廷柱初至江南。知府以下迎者。俱道旁跪。先生長揖而已。後黃以開武至常州。供其頗約省。黃弗善也。以他事奏罷其官。待獄於蘇州。日閉門課文史。焚香默坐。泊如也。十六

年夏遭疾卒。年五十有三。巡撫雅公知其貧。令屬官致贖。子光理曰。此豈先人志耶。辭之。喪歸。嘗啓出門人陳道云。初先生在京師。與方望溪雷翠庭諸先生討論文學。以志節自勵。大學士鄧文端嘗與翠庭論當世人才。翠庭稱先生之為人。文端以是識先生。為嘗官時。得稍行其志者。文端力也。天端薨。先生竟以黜死。所著詩古文曰南莊類稿。道字紹沐。號漱齋。新城人。乾隆戊辰進士。不謁選。後詔舉經學。亦固辭。嘗以宋儒之學。啓迪後進。置義倉義田。以贍鄉族。聚書教子孫。多奮於科第者。同時魯絜非先生亦新城人也。以文名。魯絜非名九皋。原名仕驥。為人敦行謹。謹於規矩。嘗踰嶺至建甯。謁朱先生梅崖。受古文之法。又嘗渡江至懷甯。問業於姚姬傳先生。其文冲夷和易。持論尤中正。里居授其學於子弟。及鄉之雋才。又授於其甥陳用光。且使用光及姬傳門。用光凝齋先生孫也。新城數十年中。古文之學頗盛。其源實自絜非始。乾隆辛卯成進士。歸養十餘年。畢力於學。尤孜孜為善於一鄉。既終養。乃出就官。知山西之夏縣。縣當孔道。值後賊用兵。使驛往來。日不絕。營分二十餘里。以次出錢供役。曰里差。吏因為利。民重困。乃減其得己者。而重禁侵蠹。民大便之。其見民煦煦然。告以義理。所當從違。不作長官威厲狀。民益欣然聽其教。居二年。以積勞致疾。卒。年六十三。時五十九年三月也。所著文曰山水居士集。陳用光字碩士。凝齋次子。陳州太守守詒之子。嘉慶六年進士。由編修累官禮部左侍郎。分校會試。二校順天鄉試。一典河南江南鄉試。督福建浙江學政各一。督浙學時。以宋臣孫觀權忠助邪。

表林

奉祀其專祀訓諸生必本古儒先警戒之遠篤於師友證以千金五百金為會聚非姚姬傳兩師置祭田同年生孤女幼撫嫁之以學行重一時著有衲被錄太乙舟文集凡若干卷同郡吳君嘉賓字子序南豐人少博覽能詞章道光壬午副貢入京師以文名戊戌進士選庶吉士被編修坐事牽連落職戍軍臺既歸益肆力於古咸豐乙卯丙辰閒治鄉兵緩賊賞內閣中書加五品銜以餉無所出功弗竟從兄嘉言猶子昌籌均戰死同治甲子金陵竄賊據江西君以鄉兵禦之眾寡不敵或勸之去堅不可遂死之全家及於難得首優卹君遂於經為古文宗師傳梅崖尤得震川法著有五經說四書說行世昌籌字伯俞未冠補諸生亦工古文詞

袁蘭齋先生事略

附 王文治

先生諱枚字子才號蘭齋錢塘袁氏世稱隨園先生年二十一省叔父於廣西巡撫幕中巡撫金公鉞一見奇之試以銅鼓賦立就甚瑰麗會開鴻詞科即舉先生應詔時海內徵士二百餘人惟先生最少及試報罷舉乾隆三年順天鄉試次年成進士選庶吉士散館以未嫻清字改發江南為知縣初試溧水調江浦沐陽再調江甯先生嘗言為守令者當嚴束家奴吏役使官民無壅隔則百弊自除其為政終日坐堂堂任吏民白事有小訟獄立判遣無稽留者多設耳目方略集鄉保詢盜賊及諸惡少姓名出所簿記相質證使不能隱則榜其姓名許三年無犯消雪之奸民皆斂迹方山谿洞外兩派爭地無契券訟久

莫能斷。先生視案牘山積，笑曰：「此左氏所云晉鄭之閒有隙地，玉暢頓邱是也。」訟久則破家，吾當為若了之。乃盡去舊牘，別給符驗，使各開墾升科。聞者皆歎賞。有貴人販布江行，舟觸戰船，溺一兵死，衆兵縛控舟子，兼及客。先生心知過失，殺無罪而累客，必傾貲乃令乘風張帆，作觸舟狀縱之去。以埋葬錢發兵完案，尹侍郎會一督學試江甯，有兩騎衝其前，墜且嫚罵，稱某親王家奴。他縣尹不敢問。先生立擒治，則為大將軍投書制府者也。按其篋，得關節書十餘封，悉焚之。重杖遣去。江甯將軍遺廝投來縣，狂居無狀。先生立杖之。十三年江南災，銅井民運米至吳門，以被劫告。先生以荒政當弛刑，召其魁詢之。乃土人遇難非劫也，諭以情法，追米還之。其敏而能斷類此。當是時，尹文端為總督，最知先生不遇事得盡其能，既而引疾家居，再起發陝西，與黃制軍廷桂臭味差池。上書萬餘言，不啻尋乞病歸。先生本以文章入翰林，有聲，而忽擯外。及為縣，著才矣，而仕卒不進，自陝歸。年甫四十，遂絕意仕宦。闢隨園，江甯城西，足跡造東南山水佳處，皆徧。其瑰奇幽澗，一發於文章。以自喜其意，四方士至江南，必造隨園，投詩文無虛日。其園館水石幽深，視聽至樞。檯器具皆精好，所以待賓客者，其感見人善，稱之不容口。後進詩文一言之美，輒能舉其詞，為人誦焉。先生古文四六體，皆能自發其思，於詩尤縱才力。所至世人心所欲出，不能達者，悉為達之。故隨園詩文集，上自公卿，下至市井負販，皆重之。海外琉球有來購其書者，仕雖不願，而世謂百餘年來，極山林之樂，享文章之名，蓋未有及先生者也。先生長

身鶴立性通脫時有近於湯佚處後進或藉口效尤然其生平於倫常骨肉之際天性最篤事母孝友于姉弟母年九十四乃終迎養寡姊年至九十妻亦曰髮齊眉有三妹皆能詩一家之中怡怡如也嘗為亡友沈凡民鳳司祭埽三十年如一日程編修晉芳死負五千金往弔焚其券且翼其孤其初涖溧水也迎養其父父歿子年少無吏才試匿名訪諸野皆曰吾邑有少年袁知縣乃大好官也父喜乃入官舍在江甯嘗朝治事夜召士飲酒賦詩市人以所判事作歌曲刻行四方而先生以為絕不足道卒於嘉慶二年十一月年八十有二文集中所述名臣狀誌傳聞時有謠舛然其逸事多足以裨益見聞酬贈諸詩尤能以才運情使筆如舌蓋先生長技也襄勤伯鄂容安公死事先生挽詩有云男兒欲報君恩重死到沙場是善終傳文忠見而賞之語人曰我不識袁某何人乃能作此語同時王先生天治字禹卿號夢樓江蘇丹徒人自少以文章書法稱天下全侍講魁周編修煌嘗奉使琉球邀與俱往琉球人傳寶其翰墨歸舉乾隆三十五年進士以一甲第三人授編修壬午分校順天試癸未分校會試其年御試翰詹第一權侍讀充日講官旋出為臨安知府數年以屬吏事鐫級去任其後當復職矣而先生厭吏事遂不復就官時袁簡齋壯年引退以詩鳴江浙間先生應之聲華與相上下高宗南巡幸錢塘僧寺見先生所書碑大賞愛之內廷臣有告之先生招使出者亦不應自滇歸買僮教之度曲行無遠迹必以歌伶一部自隨其辨論音律窮極要眇客至張樂共聽窮朝暮不倦海內求書者歲

有醜遺率費於聲伎人或諫之不聽其自喜顧彌甚也然至客去無散默然禪定夜坐暫未嘗至席持佛戒日食蔬果而已如是數十年其用意不易測如此為文尚瑰麗至老一歸平淡其詩與書尤能盡古今之變而自成體嘗自言吾詩與字皆禪理也嘉慶七年四月跌坐室中遊妻女子孫來訣不為動容問身後事不答所著曰夢樓詩集

寶東臬先生事略 附 趙佑

寶公光鼎字元調號東臬山東諸城人幼有神童之目家貧貸書於人覽輒成誦年十二讀文選卽操筆為琅琊臺賦尋補弟子員乾隆七年進士選庶吉士授編修十三年御試翰詹閱卷者刻先生四等故事大考置劣等降黜有差先生奉特旨遷右中允生平被上知自此始累遷侍讀學士御試一等晉內閣學士督學河南憂歸起補副都御史督浙江學政還朝以爭秋獻事吏議錫級詔留任命祭告南海所至卻餽遺尋授順天丹屏絕苞苴鉏猾吏貶權貴劾州縣之尤不職者時京縣為蘭公第錫李公湖皆經公薦擢後官督撫有名居四年坐事免起通政司副使遷宗人府丞復視學浙江推吏部右侍郎會詔遣重臣清釐浙屬倉庫並有旨問先生先生以實告且劾平陽令黃梅科歛病民狀為梅所反噬大吏右之誣陷先生幾不測復侶侶論列上卒直先生還其官梅按治如律調禮部侍郎又出為浙江學政晉左都御史命充上書房總師傅凡御製詩文輒命先生閱因事納忠無雙言六十年典會試以所錄首卷多語疵被勘議降四品銜予休先生立朝五十

卯青表 王太岳 劉星輝

餘年揭揭然柴立無所附。惟以誠悃結主知。嘗言學貴有用。如昌黎折王庭濬。陽明平宸濠。乃真學問。故於書無所不窺。而風節尤挺勁。疊司文柄。所取皆知名士。每試牘。闡藝出。學者奉之如泰山北斗。詩宗少陵。古文法退之。制藝如古傳誼。深得立言之旨。工學。稟書望。而知為端人正士。論詩謂淵源三百篇。近人有賦而無比興。此詩之所以衰也。所著有省吾齋詩文集。卒年七十有六。同時趙鹿泉先生名佑。字啓人。仁和人。後東舉先生十年。成進士。亦由編修。歷官左都御史。屢典文衡。工品藻。文望與東舉埒。同以制舉業名天下。著有清獻堂集。

邵荀慈先生事略 附 王太岳 劉星輝 吳錫麟 曾煥 吳嘉

乾隆中葉。海內能為東京六朝初唐之文者。稱邵先生荀慈。荀慈與其同歲生定與王芥子善。芥子初亦好為駢體文。見荀慈作。數為天授。遂輟不作。而規史漢及韓柳。二君同年。蓋同官翰林。同以文學相引。靈而又同放歸。未幾芥子起用。而荀慈則竟死矣。荀慈名禛。壽號叔山。江蘇昭文人。生之夕。父夢明祭酒馮夢楨以名刺來。謁磨而生。先生幼異。歛乾。隆七年第進士。其闈中文。騰播輦下。人皆口傳。以熟。後有效者。輒大獲。時目為邵體。君聞之不為忤也。既入詞館。纂修書局者。再分校。順天試者。再嘗獻東巡頌。時稱為班揚之亞。屢公爭欲致之。閣下。先生落落寡合。年三十六。即罷歸。乙酉南巡。詔徵在籍詞臣試闕下。以母老辭。卒年五十有二。先生意度夷曠。章草入晉人室。嚴冬喜脫屣。擁爐坐客。至舍卒。

覓履不得。隨取躡之。履互異。旁觀匿笑。居覺之。亦自笑也。性愛才。主毘陵書院。好獎借。後學。有玉芝堂文集。兄齊烈。弟齊然。乙丑同榜進士。皆與館選。季弟齊能。舉人。授中書。

王芥子。名太岳。字基平。與荀慈同舉進士。弱冠入翰林。世共推其文學。而獨有志於經世之務。由編修累官雲南布政使。左遷司業。在西安留心水利。著涇渠志。在雲南。開銅政之弊。於是旁撻博訊。補救釐剔。厥功甚偉。滇人祀之。七賢祠。詩古文卓然名家。氣格高闊。著有清虛山房集。同時與荀慈同為駢儷之文者。有武進劉國三。錢塘吳穀人。南城曾賓谷。吳山尊。嘗選四六。合隨園雅存淵如。驥軒為八家與荀慈並列焉。

國三。名星煒。字映榆。乾隆十三年進士。官兵部侍郎。著有思補堂集。

穀人。名錫麒。字聖徽。乾隆四十年進士。由編修官至祭酒。浙中詩派。自竹垞初白後。大宗太鴻起而振之。及兩公祖謝。嗣音者。鈇先生詩境。超妙為朱查杭厲之後勁。既工駢體。兼善倚聲。試律體尤能獨開生面。館閣風氣為一變。名重中外。所著有正味齋集。高麗使臣出餅金爭購。獻肆為之一空。

賓谷。名煥。字蔗菴。乾隆四十六年進士。選庶吉士。改主事。由員外郎。超授兩淮運使。遷湖南按察使。進廣東布政使。巡撫貴州。乞養歸。道光二年。授兩淮鹽政。以五品京卿內召。卒年七十有二。著賞雨茅屋集。撰江西詩徵九十四卷。賓谷任都轉時。關題襟館於刊上。公暇。與賓從賦詩為樂。數體稱盛。其詩清轉華妙。文擅六朝。初唐之勝。晚年尤多健作。山尊

所選蓋未盡其美云。山尊名蘄字及之號抑菴安徽全椒人。嘉慶四年進士官侍講學士少為朱文正公激賞謂合邱遲任昉為一手。駢體文沈博絕麗詩以孟韓皮陸為宗。五言長古尤足推倒一世。歸田後主講揚州書院著有夕葵書屋集。

翁方綱先生事略

先生名方綱字正三號覃溪順天大興人年十二補府學生十五登鄉薦二十成進士。選庶吉士是為乾隆十七年壬申。尋授編修。典江西鄉試二十七年。典湖北鄉試。越二年督廣東學政。凡三任。前後八年。四十四年。典江南鄉試。擢司業。遷洗馬。四十八年。充順天鄉試副考官。五十一年。督江西學政。五十五年。扈蹕山東。擢內閣學士。明年命督山東學政。嘉慶元年正月。賜千叟宴。先生與焉。賜尚方珍物十三種。四年。左遷鴻臚卿。十二年。重預鹿鳴筵宴。得旨賜三品銜。十九年。重預瓊林宴。賜二品卿銜。時年八十二矣。又四年卒。先生精心汲古。宏覽多聞。於金石譜錄書畫詞章之學。皆能抉摘精審。所著兩漢金石記。剖析毫芒。參以說文正義。幾欲駕洪文惠而上之。詩宗韓杜。蘇黃多至六千餘篇。其論詩謂漁洋拈神韻二字。固為超妙。但其弊恐流為空調。故特拈肌理二字。蓋欲以實救虛也。所為詩。自諸經注疏。以及史傳之考訂。金石文字之爬梳。皆貫徹洋溢於其中。雖辦香在少陵東坡。初不以一家執也。蓋真能以學為詩者歟。書初法平原。繼學率更。隸仿史晨。隸勅諸碑。嘗鈎摹舊帖數十本。海內求書碑版者。畢歸之。嘗得宋軀蘇詩。施顧注本。因以寶蘇

名其室。自為補注。好宏獎後進。一篇之美。稱道不去口。晚歲罷官家居。歸然為海內魯靈光。著有精義考補。復初齋全集等書。本朝耆舊重賦。鹿鳴者多矣。若重宴瓊林。則惟乾隆辛未黃侍郎叔琳。庚辰史文端公貽直。庚戌嵇文恭公璣。繼之者先生。自先生以後。惟咸豐壬子潘文恭公世恩而已。

蔣心餘先生事略

附

子

知廉

知讓

揚反

汪勳

吳嵩梁

樂鈞

蔣先生士銓。字心餘。一字苔生。號清容。其先為錢氏。自浙江長興。遷江西之鉛山。始姓蔣。父堅。字適園。有奇節。類東漢獨行之士。先生生四歲。母鍾授以四子書。及唐人詩。斷竹篔為波磔。點畫攢簇。成字教之。鍾號甘荼老人。著有柴車倦游集。先生十一歲。父縛之馬背。遊太行。讀鳳臺王氏藏書。冠而歸。補縣學生。學使金公德瑛。以孤鳳凰稱之。先生天稟英絕。有覽輒記。握筆如天馬。怒馳超塵絕跡。乾隆丁卯。舉於鄉。甲戌。考授中書。丁丑。進士。選庶吉士。授編修。在官八年。乞假養母。愿主戴山崇文安定三書院。灑然有終焉之志。初入京師時。才名藉甚。東文達以先生與彭文勤並薦。及文勤召見。高宗屢問蔣某何在。文勤以母老對。上賜文勤詩。兼及先生。有江右兩名士之目。先生感主知。母服除。入都。以御史用。旋患風痺。還南昌。先生秀眉長身。風神散朗。如魏晉閒人。而激揚風義。甄拔寒賤。有古烈士風。遇忠孝節烈事。輒長歌紀之。淒愴激楚。使人雪涕。遇不可於意。雖權貴。幾微不少假借。其胸中非一刻忘世者。趨人急。若鷲鳥之發。恩繆寡者。父無所靳。在戴山時。力言於

大府借帑修治三江閘。曰事雖非山長責。然食越人粟則視越人如一家焉。有駭生者。負鹽課客死。先生連夜作十三札。飛遞嶺南。俾其孀孤扶六棍得歸。詩古文詞。負海內盛名。而最擅長莫如詩。古詩勝近體。七言尤勝。蒼蒼莽莽。不主故常。高麗使臣嘗餉墨四笏。求其樂府以歸。卒年六十一。是夕無雲而雷者三。相傳其生時亦然。著忠雅堂文集十六卷。詩集三十卷。銅絃詞二卷。填詞九種。子知廉。字修鵬。由拔貢署臨清州同。遇秋潦為災。有詔賑濟。知廉親履勘。乘小舸。霜行草宿者三旬。得水腫疾。吟五言絕句四章。而卒年四十。蓋以死勤其事也。有弗如堂詩集。次子知讓。字師退。召試舉人。官唐縣令。有妙吉祥詩集。皆得先生家法。同時與先生至交。以詩唱和。曰楊堂汪軻。後先生而起者。曰吳嵩梁。樂鈞。字子載。本天全。六番。招討宣慰使孫雍正初。改土歸流。安置江西。遂為南昌人。九歲以詩名。與汪君軻相伯仲。時稱兩才子。軻。字魚亭。武甯人。優貢生。少從邑明經戚護。雲巢遊。雲巢治古文。有聲。魚亭獨好為詩。古體追漢魏。近體師太白。襄陽。皆尚高格。凌廉訪。壽彭方伯家屏。皆才之。金學使德瑛。拔冠其曹。省試屢不售。新城陳進士。遠招與諸子共學。從入都。輒自放於酒。酒酣罵座。目張炬。與人爭辨。抵案碎。豈不肯屈。已而痛哭。呼死友趙山南。不置。客不能堪。皆避去。陳氏資之入貨。為吉水訓導。卒於任。著魚亭詩鈔。凡二千餘首。心餘先生弱冠時。因子載以交魚亭。三人相親如昆弟。出入必偕。患苦相與。卹子載嘗瘞於鄉。應禮部試。訖不第。心餘尤推服其詩。早卒。未竟其用。吳嵩梁。字蘭雪。東鄉人。以諸生

應乾隆甲辰召試。不過逾年舉於鄉。以質為國子監博士。改內閣中書。詩才與黃仲則埒。特冠入都。王述菴翁輩漢法梧門諸公。咸稱之。自是徧交海內名流。酬唱無虛日。袁簡齋最自負。亦心折其詩。所著香蘇山館集。傳播外夷。朝鮮吏曹判書金魯欲以梅花一籠供奉之。稱為詩佛。日本賈人斥四金購其詩扇。其名重若此。樂鈞初名宮譜。字元澍。號蓮裳。臨川人。嘉慶六年舉人。著青芝山館詩集。與吳蘭雪同為翁覃溪弟子。同以才名遨遊王侯公卿間。晚歲吳名感於樂。然吳詩應酬投贈。外心較多。不若青芝多內心也。

陸耳山先生事略

附

嚴長明

吳泰來

趙文哲

程晉芳

乾隆中。詔開四庫全書館。校永樂大典。又廣求天下遺書。存書至萬餘種。其時總其事者。一為紀先生曉嵐。一陸先生耳山也。陸先生名錫熊。字健男。江蘇上海人。生有萬夫之稟。獲識博聞。乾隆二十六年進士。明年車駕南巡。獻賦行在。召試列一等。賜內閣中書。直軍機處。初奉命編通鑑輯覽。繼為四庫全書總纂官。遷宗人府主事。累遷刑部郎中。三十八年。以所撰提要稱旨。特擢侍讀。遷庶子。晉侍讀學士。充日講起居注官。直文淵閣。四十二年。孝聖憲皇后崩。凡大祭殷奠。上尊諡典禮。嚴重。應奉文字。閣臣屬先生撰進。均被旨嘉賞。應除光祿太常卿。終副都御史。典浙江山西廣東鄉試各一。分校會試。二。撰寶福建學政一。先生以文學受特達之知。自四庫全書通鑑輯覽外。若契丹國志。勝朝殉節諸臣錄。唐桂二王本末。河源紀略。應代職官表。初編輯者。又二百餘卷。每書成。降旨褒敘。或賜

文綺筆硯之屬。奏進表文。多出其手。上覽而益善之。特召預重華宮。小宴聯句。並賜書畫。及如意等物。五十七年春。因盛京所藏四庫書。多脫誤。奏請自往覆校。比至而病卒。上悼惜之。先生自以蒙恩。遇逾常格。不當以詞臣自畫。晚年益單心經海學。嘗取杜氏通典。馬氏通考。合以本朝會典。凡食貨農田鹽漕兵刑諸大政。皆審其因革利弊。口講手繕。未就而卒。其後有欽定皇朝通典。通考諸書。由先生發其端也。其同歲召試得官者。曰嚴冬。友吳企晉。趙損之。程魚門。皆彬彬著作之選。有感名。冬友嚴姓諱長明。一字道甫。江甯人。幼有奇慧。年十一。李穆堂典試江南。見之。隨舉子。夏命對。即應聲曰。亥唐。李大奇之。謂方望溪曰。國器也可善視之。遂受業望溪。明。尋假館揚州。馬氏盡讀其藏書。乾隆二十七年。車駕南巡。以諸生獻賦。召試。賜舉人。授內閣中書。直軍機處。君在軍機。凡七年。通古今。工於奏牘。劉文正公最奇其才。戶部奏天下雜項錢糧名目繁多。請去其名。併入地丁徵收。君曰。雜項既經折色。即為正供。若併去其名目。他日吏忘之。謂其物官所需。必且再徵。是重民困也。文正曰。善。乃奏廢之。大金川逆命。大學士溫福公往督師。招君從行。固辭。退有咎君者。君曰。是將敗沒。若之何從之。人頗甚。君言。軍卒潰。隨往者皆盡。卒卯會試。文正為考官。值軍機事。有當關白。君趨鼓入。闈得見。既出。同考官朱學士筠曰。甚哉。冬友不相就試。而肩肩治吏事。為文正曰。士亦視有益於世否耳。即試成。進士何足貴。當是時。軍機有數大案。賴君在。直任其勞。獲成議。而雲南糧道羅源浩。以分償屬吏虧銀不完。將論死。去

限期才十日。君袖疏橐入。請文正奏寬之。羅得出獄。然君固不識羅也。推內閣侍讀。嘗扈
蹕木蘭。大雪中失橐駝。并所裝物。越日有牽駝至。且謝罪者。則故軍機吏坐事遣成者也。
問何以知為吾物。曰軍機官披羊裘止公一人。問既竊何復還。曰恐公寒耳。勞而遣之。君
治事眾中。獨勤辦。然以是頗見疾。憂歸。遂乞病。築室三楹。曰歸求草堂。藏書二萬卷。金石
文字三千卷。日哦其中。閒遊秦中大梁。居畢中丞所。為司奏牘。撰西安漢中二府志。遊太
華終南。詩文益奇縱。還主廬陽書院。乾隆五十二年卒。年五十有七。君於書無不讀。或擊
閏無不能對。應充通鑑輯覽一統志。熱河志。平定準噶爾方略。纂修官。其自為之書曰歸
求草堂詩文集。西清備對。毛詩地理疏證。五經算術補正。三經答問。三史答問。淮南天文
太陰解。文選課讀。文選聲類。尊聞錄。獻徵錄。錄知白齋金石類籤。金石文字跋尾。石經考
異。漢金石例。五岳貞珎考。五陵金石志。平原石蹟表。吳興石蹟表。素靈發伏墨緣。小錄。南
宋鑑奇觚類聚。八表停雲錄。養生家言。懷袖集。吳諧志。凡二十種。子觀晉。皆以讀書世其家。
吳君企晉。名泰。來號竹嶼。長洲人也。少由副榜。選拔官。襟期蕭曠。愛松滋山水。句留竟歲。
羸病免歸。大父吉安太守銓。歸築遂初園於木瀆。饒水石之勝。父用儀。購書數萬卷。藏其
中。君寢饋其間。凡十餘年。乾隆庚辰成進士。召試。賜內閣中書。而君自少無官情。壯益甚。
遂不赴補。同年生畢中丞沅。招主闕中書院。攜家往後。又偕至開封。年六十餘卒。著有淨名
軒集。損之。姓趙。次諱文哲。號璞函。上海人。乾隆壬午。上幸江南。進詩。召試。賜舉人。授中書

直軍機處。劉文正公統勳。夫定公綸。皆嗟異其才。坐與紀學士昀。王比部昶。泄漏兩淮鹽運使盧見曾事。奪官。會尚書阿桂公。以副將軍總督雲貴。請以君及王君掌書記詒許之。尋從果毅公阿里袞。進征緬甸。降之。方撤兵。而大小金川不靖。詔尚書溫福代阿公帥師入蜀。進勦。君在溫公幕。以功復原官。晉主事。癸巳六月。師潰於木果。溫公死。君與其難贈光祿少卿。賜祭葬。入祀昭忠祠。著有媵雅堂。城隅等集。君於文無所不工。尤以詩詞名天下。在軍中所見殊方絕徼。可驚可愕。狀一發之於詩。尤瑰瑋絕特。性機警。善析人情物態。代作奏記文字。各恣所欲言。以是見重諸公。聞其死事也。天下惜之。魚門程姓。晉芳其名。戴園其自號也。歛人業。醜於淮。乾隆初。兩淮殷富。程氏尤豪侈。君獨好儒術。罄其貲。購書五萬卷。窮日夜討論之。天子南巡。君獻賦。行在召試第一。賜舉人。授中書。年四十餘矣。尋舉進士。授吏部主事。四庫館開。以薦為纂修官。書成。權編修。分校會試。稱得士。君性嗜學。見長凡閤案。輒心開。庚卷其上。百事不理。又好周戚里。求者應。不求或強施之。鹽務日折閱。付會計於家奴。被侵蝕了不勘詰。以故逋負山積。勢不支。乞假赴陝。將謀請畢中丞。為歸老計。抵關中。一月卒。年六十有七。君秀眉方頤。鬚飄飄。左右拂。與人言。惟恐傷之。遇文學人。懽然意下。延譽不容口。京師為之語曰。自竹君先生死。士無談處。魚門先生死。士無走處。其聲華之盛如此。著周易知旨。尚書今文釋義。左傳翼疏。禮記集釋。如干卷。勉行齋文十卷。載園詩三十卷。

清朝先正事略卷四十二終

清朝先正事略卷之四十三

平江李元度次青墓

文苑

趙甌北先生事略 兩 鄭燮

趙先生翼字耘松號甌北江蘇陽湖人生三歲日能識字數十十二歲學為文一日成七藝人皆奇之乾隆十五年舉順天鄉試才名動輦下劉文正延至家纂修宮史以明通櫟授內閣中書入直軍機處傳文忠汪文端咸倚重焉每扈從行在或伏地草奏下筆千言應奉文非先生莫辦三十六年成進士進呈一甲第一而韓城王文端杰居第三純皇帝謂自國朝以來陝西未有以第一人舉者遂與文端互易而先生之才固已心識之矣先是庚辰科大魁為畢君沅次諸君重光皆軍機中書也忘者因為蜚語上聞比先生應廷試劉文正文定兩公又以軍機大臣充讀卷官先生慮其以嫌擯也乃變易書法作歐陽率更體既首選文定微疑之以語文正文正笑曰趙君書吾能辨之此必非也既揭曉乃歎曰能者固不可測耶遂以編修任撰文修通鑑輯覽士午分校順天試癸未丙戌分校會試皆得士尋授鎮安知府地居廣西極邊民醇訟簡而倉穀出入吏緣為奸先生痛革其弊鎮民悅服每出巡村民輒界入其村謂我公至矣進酒食如家人父子所至皆如之初鎮民與安南民入雲南土富州為奸事發捕獲百餘人而其魁農付奉願逸去前守坐

罷官。已而付奉死安南。獲其子并其尸驗之信。總督李侍堯疑其為前守地也。斥之。先生申辯。李怒而劾之。適官軍進剿緬甸。詔先生赴滇督畫軍事。乃追劾疏。遂明年返。鑠會李調兩廣。乃示意監司。欲先生稍折節。而移之守廣州。自助。先生不可。遂以他屬。而適奉特旨調廣州。監司乃服。先生之有守也。在廣州。獲海盜百有八人。按律皆當死。先生詳讞。辟三十八人。餘遣戍。辛卯擢貴西道。坐他獄降秩用。遂乞養歸。丁未臺灣林爽文作亂。李公赴閩治軍事。道過常州。邀先生偕往。時兵將雲集。謂不日且湯乎。先生請李公密調粵兵為備。既而總兵郝壯猷敗遁。游擊鄭嵩戰死。賊勢大振。而粵兵四千適至。人心始安。已乃籌海運。增雇直給衣裝。奏輒報可。李公夙以綜核為政。先生濟以寬。大事平。先生力居多。始先生贊畫滇軍。傳文忠為經略。擬大軍由憂鳩江進征緬甸。而命提督五福由普洱進。先生曰。憂鳩普洱。按圖相距不過三寸。實則四千里而遙。兩軍聲息不相聞。進退維谷。此危道也。去歲明將軍不返。由不得猛密路消息耳。文忠懼然。問計安出。先生曰。大兵欲渡憂鳩江。則偏師宜由蠻暮老官屯夾江下。造舟通往。庶兩軍可以互應。從之。其後渡憂鳩之兵。遭瘴多病。而阿文成所統江東岸一軍。獨完。遂具舟迎文忠於猛養。渡江而歸。又數賊於蠻暮。老官屯得事焉。臺灣之役。鎮臣柴大紀守城半年。以易于折骸入告。而督臣尚未渡臺。上得鎮臣奏。憐臺民死守。而大兵不時至。飛諭鎮臣。以兵護遺民內渡。命督臣折閣。仍封錢李公以示先生。先生曰。某目昏。虧於帳外。就明視之。遂失所在。閱二時始至。李公

怒先生曰。明公尚欲封發耶。禁總兵久欲內渡。畏國法。故不敢一棄城。則鹿耳門為賊所
有。全臺休矣。且以快艇追賊兵。澎湖其可守乎。大兵至。無路可入。則東南從此不可開。宜
封還此旨。某已代繕摺。與李公濬。從之。翼午。接追遠前旨之諭。及批摺回。李公膺殊賞。而
大將軍福原安。續至。遂傳由鹿耳門進兵。破賊。皆先生策也。臺灣既定。李公欲奏起先生。
時年六十一矣。固辭。因游武夷。徧歷浙東山水。一發之於詩。先生固善詩。自少將館閣。與
諸名流相酌。唱歸田後。主安定書院。日與朋游。故舊賦詩為笑樂。其詩與袁、明齋、蔣心餘
齊名。江督費公淳。漕督蔣公兆奎。皆門下士也。每過存。先生咨詢風土。言不及私。兩公益
欽重之。嘉慶庚午。重赴鹿。賜筵宴。得旨賞三品服。又四年卒。年八十有八。先生家居數十
年。手不釋卷。著廿一史劄記三十六卷。皇朝武功紀盛四卷。陔餘叢考四十三卷。甌北詩
集五十三卷。簷曝雜記六卷。十家詩話十二卷。同時鄭先生燮。字克柔。興化人。板橋其號。
也。為人疏宕灑脫。而天性極厚。乾隆元年進士。官知縣。有惠政。以歲饑。為民請賑。許大吏
罷歸。工畫蘭竹。書法以隸楷行三體相參。古秀獨絕。詩近香山。放蕩有鄭虔三絕之目。詞
猶勝於詩。弔古憶懷。激昂慷慨。與集中家書數篇。皆不可磨滅文字。所著曰板橋詩鈔。

姚姬傳先生事略

附

吳定 姚姬

劉開

吳德敏

梅曾亮

管同

先生名鼐。字姬傳。一字夢穀。世為桐城。姚氏瑞洛公文然元孫也。少家貧。體羸多病。而嗜
學。世父鼐。學者稱薑塢先生。與同里方之川。葉花南。劉海峰善。諸子中獨愛先生。令受業。

泚川尤喜親海峰。客退輒肖其衣冠談笑為戲。臺瑪嘗問其志曰。義理考證文章。闕一不可。遂以經學授先生。而別受古文法於海峰。乾隆二十八年進士。選庶吉士。改禮部主事。三十三年。充山東副考官。擢員外郎。逾年充湖南副考官。明年分校會試。改權刑部郎中。四庫館開。劉文正公朱竹君學士。咸薦先生。遂為纂修官。時非翰林與纂修者八人。先生及程魚門任幼植為尤著。于文襄雅重先生。欲令出門下。謝不往。三十九年書成。當議選官。文正以御史薦記名矣。會文正薨。先生乃乞養歸。梁階平相國屬所親語先生曰。若此。吾當特薦先生婉謝之。當是時學者多尚新奇。厭薄宋元以來儒者。詆為空疏。培擊不遺餘力。先生獨反覆辨論。嘗言讀書者。求有益於吾身心也。程子以記史書為玩物喪志。若今之為漢學者。以搜殘舉碎。人所罕見者為功。其玩物不尤甚耶。懶行。翁覃溪學士來乞言。先生曰。諸君皆欲讀人所未見書。某則願讀人所常見書耳。先生嘗見國家右文之治。遠軼前代。而洛閩義理之學。尤有關於世道人心。不可誣也。願學不博。不足以述古。言無文。不足以行遠。孤生俗儒。守其陋說。屏傳註不觀。固可厭薄。而矯之者。乃專以考訂名物象數為實學。於身心性命之說。則詆為空疏無據。其文章之士。又喜逞才氣。放恣理法。以講學為迂。是皆不免於偏蔽。思所以正之。則必破門戶。敦實踐。倡明道義。維持雅正。乃著凡經說。以通義理。考訂之郵。撰古文辭類纂。以盡古今文體之變。選五七言詩。以明振雅祛俗之指。集中贈錢獻之序與曹賓之論文諸書。皆其宗旨所在也。歸里後。主梅花鍾山。

紫陽敬敷諸講席。凡四十年。所至士以得及門為幸。與人言。終日不忤。而不可以鄙私干。有來問。必竭意告之。汲引才傑。如不及。雖學術與先生異趣者。見之皆親服。錢塘袁簡齋。負詞章。好非毀宋儒。先生遺之書曰。儒者生程朱之後。得程朱而明孔子之旨。程朱猶吾父師也。然程朱言或有失。吾豈必曲從之哉。程朱亦豈不欲後人為論而正之哉。正之可也。正之而詆毀之。訕笑之。是詆訕父師也。且其人生乎不能行程朱之行。而其意乃欲與程朱爭名。安得不為天之所惡乎。紀文達撰四庫書目錄。頗詆宋儒。先生直斥其妄。貌清臞。神采秀越。淡榮利。有超世之志。王蘭泉稱其藹然孝弟。有儒者氣象。而文名尤重天下。禮恭親王。薨。遺教必得姚某為家傳。新城魯挈非。以文名江右。始受學建寧朱梅崖。梅崖於當世之文。少許可。獨心折先生。挈非乃渡江造訪。使諸甥陳用光等問業焉。自望溪方氏。以文章稱海內。上接震川。推文家正軌。劉海峰繼之。先生親問法於海峰。然自以所得為文。不盡用海峰法也。論者謂望溪之文質。恒以理勝。海峰以才勝。學或不及先生。則理與文兼至。三君皆籍桐城。故世或稱桐城派云。嘉慶十五年。先生與陽湖趙公翼。重赴鹿鳴筵宴。詔加四品銜。二十年九月。卒於鍾山。年八十有五。著九經說十九卷。三傳補註三卷。老子章義一卷。莊子章義十卷。惜抱軒文集十六卷。文後集十二卷。詩集十卷。書錄四卷。法帖題跋一卷。筆記十卷。古文辭類纂四十八卷。今體詩鈔十六卷。先生主講。及分校。得士皆稱盛。錢御史澧。孔檢討廣森。其最也。在揚州。與歙吳殿麟居最久。有所作。以示殿麟。殿麟所不可。

輒竄易至數四。必得當乃已。殿麟名定。海峰弟子也。嘗語陳君用光曰。先生庶懷善取於
為文。尚如是。其為學可知矣。從孫瑩。字石甫。董瑞先生曾孫也。嘉慶戊辰進士。官福建知
縣。洵擢臺灣道。道光二十二年。坐夷務被誣。隨逮。下詔獄。凡十有二月。而事白。以同知發
四川。由蓬州牧累遷湖南按察使。卒於官。工詩古文。留心經世學。遇事激昂奮發。銳欲有
所為。著東槎紀略五卷。康輜紀行十六卷。寸陰叢錄四卷。識小錄八卷。東溟文集二十六
卷。詩集二十卷。同邑劉君開。字明東。號孟塗。諸生。幼孤。年十四。以書謁姬傳先生。先生大
奇之。曰。此子必以古文名世。望溪海峰之墜緒。其復振乎。遂從姬傳游。為人脫略不羈。與
人言無不盡。家貧。客公卿間。藉脩脯以為養。試輒不利。客死亳州。年四十一。妻倪氏。以身
殉。姚石甫為合刻其遺詩三十二卷。文十卷。駢體文二卷。當嘉道間。傳惜抱先生古文法
者。有吳仲倫。梅伯言。管異之。諸君。而邑子戴存莊。其一也。仲倫。名德旌。宜興人。諸生。以古
文鳴。與暉子居呂月滄。以文相詆讎。詩亦高淡絕俗。有初月樓集。伯言。名曹亮。上元人。道
光壬午進士。官戶部郎中。古文紹姬傳之緒。詩天機清妙。皆為同人推服。己酉秋告歸。主
揚州書院。金陵亂後。依楊至堂河帥。河帥為刻其柏視山房集。異之。名同。梅先生同縣人。
道光乙酉舉人。著有異之詩文鈔。存莊。名鈞衡。號容洲。道光己酉舉人。自謂生望溪海峰
姬傳之鄉。不敢不以古文自任。與同邑蘇厚子愷元重訂望溪文集。增集外文十之四。為
功於方氏甚鉅。咸豐癸丑。避寇北行。卒於臨淮。年未四十。所著曰容洲集。

張紫岷先生事略

附 張九鏡 張九鏡 張九鏡

張先生九鏡字度西號紫岷湖南湘潭人父坦河曲知縣無子禱南嶽而生先生生有異稟七歲能詩文十二補弟子員初由選拔中副榜乾隆二十七年舉順天鄉試先生得名最早年十三登采石磯賦長歌人呼太白後身其再入都也值西師奏捷朝廷行郊勞禮方洛敏公觀承總督畿輔葉亦勞臺先生為賦樂歌大書其上復為良鄉居民賈氏作凱旋榜貼千餘紙一夕立就才名動一時二十九年以知縣發江西初攝南豐補峽江調南昌母艱服闋知廣東之始與保昌海陽三縣坐盜案錫級歸在官講求農田水利荒政不為少懈攝南豐時歲歉請平糶部例大縣存七糶三先生驟半之上官嚴檄切責幕僚以為病先生曰積貯民命也吾能墨守舊制坐視民餓死耶倉米絀則勸邑紳捐助牒買隣境米廩至全活者多南昌西北瀆彭蠡秋潦為災先生力請賑親履勘散給晝夜駐墟上凡六閱月動帑十二萬有奇邑人建生祠祀之豫章諸水循城下勢甚急潦則衝齧為患城內有湖恒汜濫唐觀察使韋丹築捍江堤疏為斗門以洩內外水曰十門九津宋時開長溝甃以磚石曰豫章溝明寧藩奪民地為苑囿溝盡塞後為豪猾所踞水患益鉅先生屢請疏濬新城陳君守訓願捐私財修復先生喜曰此百世利也而豪猾輩百口阻撓當事幾搖動先生以十二利九便議抗爭於臺使者卒賴其力成鉅工在保昌時有希大吏愾為民蠹者先生擒治之同官揣揣先生不為動既罷職徧游嵩洛偃鞏閉舉生平磊落抑

塞之氣一洩之於詩。先生詩文宏博浩瀚。縱其力之所至。而一軌於正。畢制軍沉重其名。迎至節署。集名流為東坡生日。修祀酒再巡。先生援筆為長歌。四坐歎服。著陶園文集八卷。詩集二十二卷。詩餘二卷。歷代詩話四卷。峽江志。偃師志。鞏縣志。永寧志。晉南隨筆。若干卷。俱禁行。先生七歲游南嶽。毘盧洞寺。寺僧以其貌類先師。出句曰。心通白藕。先生應聲曰。舌湧青蓮。僧大駭。言其師示寂時。留此句云。有對者即其後身。因鳴鑼集眾膜拜。馬卒年八十有三。易簀時。口占有前身南嶽一枯僧之句。蓋脗合云。同堂弟九鍵。字石圃。乾隆辛酉舉人。官隆平縣知縣。亦工詩。著漱石園詩集。九鑿。字橘洲。丁巳進士。官至川東道。性忱直。嘗發夔州守某侵蝕闕稅狀。尋引疾歸。築園曰退谷。著有退谷詩鈔。詩在諸張中。能拔戟自成一隊。九鑿。字竹南。號蓉湖。乾隆己酉進士。官編修。著有望雅堂集。其詩春谷名貴。尤邃於經學。於羣經多所辨證。

鐵冶亭先生事略 附 夢麟 李鐸 朱孝慈

國家文治較前古。列朝御製如日月之經天。朱印親藩。類皆揚風扞雅。至八旗士大夫。能詩書者尤眾。特未有薈萃一編。以導揚美感者。嘉慶中。鐵冶亭先生。手輯八旗詩。上溯崇德。至乾隆六十年止。得詩數百家。表上之。詔錫嘉名。曰熙朝雅頌集。詹廟親為製敘。潤足。彰右文之盛治矣。先生名鐵保。字冶亭。號梅庵。滿洲正白旗人。乾隆三十七年進士。由編修官至兩江總督。少與百菊溪制軍。法時帆學士。並稱三才子。館選後。偕其弟聞峰。並以

詩名。菊溪稱其詩。如王子晉向月吹笙。聲在雲外。至其氣韻宏深。如河流之發源天上。其
推挹至此。所著曰梅庵集。尤工書法。北人論書者。以劉石庵相國。為草漢閣學。與先生鼎
足。而三生平敬賢禮士。推人倫。冰鑿為鄂文瑞後一人。長白詩家年輩。在先生前者。有夢
文子侍郎。李芳青山人。朱子穎都轉。夢麟字文子。蒙古人。乾隆十年進士。官至工部侍郎。
工詩。樂府宗漢人。五言古宗三謝。七言古詩宗杜韓。皆能具體。一時臺閣中。無出其右者。
惜早世。未竟其才。李鏡字鐵君。號芳青山人。隸漢軍。本勲臣後。當得官不就。其婦翁為大
傅索額圖。當帝氏祔用時。替勢隆赫。山人遠避之。盡以先世產業。屬二昆。偕其配隱於盤
山。買田為峯下。構草舍。雖山毗以耕。其尤貧者。授之田。而無所取。蔬材果實。與眾共。賢聲
遠聞。嗜茗飲。過山谷幽邃處。輒埽葉煮。竟日忘返。見者曰。此寺山人茶烟也。嘗舉鴻詞
科未遇。既老。歲一至京師。然一二月即歸。人罕見其面。詩古奧峭削。自關門徑。高者胎源
杜陵。次亦近孟東野。著有合中集。及尚史彙。朱孝純字子穎。漢軍旗人。父倫瀚。官副都統。
工詩。子穎由進士官知縣。累擢奉安知府。再遷兩淮鹽運使。其詩才力雄放。姚姬傳王夢
樓感推服之。著有寶扇樓詩集。

秦小峴先生事略 附 管世銘 路德

秦先生灑字凌滄。一字小峴。號蓬庵。江蘇無錫人。高祖松齡。康熙中舉。鴻詞科。官諭德。先
生負異稟。讀書能薰人。為詩古文。千言立就。乾隆丙申。高宗巡幸山東。以舉人獻賦。行在

列一等。賜內閣中書直軍機處權侍讀。遷郎中。癸丑授溫處道。權浙江按察使。調湖南。士
氏引疾歸。嘉慶九年補廣東按察使。權浙江布政使。入覲乞內用。補光祿少卿。遷太常卿。
尹順天府。權刑部侍郎。左遷光祿卿。權左副都御史。戶部右侍郎。總督倉場。尋命為副都
御史。遷內閣學士。晉兵部右侍郎。調刑部。以目疾乞歸。卒年七十有九。先生少以文名。而
勇於任事。且勤其職。直樞垣。雖不為和坤所喜。仍以簡缺道府薦。其特異以繁劇者。純皇
帝知公深也。在溫處時。除永嘉數十年。以生監充莊長之弊。民既免役。而賦亦無逋。提刑
浙江。軍紹台大水。歲饑甚。有司匿不請賑。公力言於巡撫。乃得請。及調湖南。先一年衡州
歉。必有司匿不報。至是陝西奏撥兵米。其派及湖南者。衡州與焉。公言災傷如是。奈何不
議賑而議餉。力請於撫軍。得截留他縣兵米。而減價平糶。民乃定。提刑廣東。擒治亂民梁
修平。而以功讓總督。治吳艤喜之結黨於順德者。撫黎民之為亂於瓊州者。懲賭博之流
稱白鴿標者。在浙江。平反定海難民蔡長興十二人之非盜。兩上書巡撫得釋。又海盜江
文五。誣其族與某通。實則某嘗首文五於縣。有縣牘可證。巡撫既以入告。而卒聽公言。以
釋某人。尤以為難。又嘗促水師提督援定海。番院之盜警。巡撫難之。而總督卒用公策。以
戢盜。其貳司寇。屢有平反。而糧船運下盜米事發。有謂用藥置米。立溢者。公試之不驗。以
入告。則仁宗已手試其藥。不驗。知其枉。因益器公。蓋知公之仁恕。取直。能任事也。生平於
詩文。皆力追古作者。而能有所自得。少為齊次風。抗董商所知。既得舉。見重於寶東。泉居

京師與姚姬傳。王陽甫。曹山木。陳碩士。以文字相質證。著小硯山人集三十六卷。已未詞科錄十卷。又無錫金匱縣志四十卷。淮海公年譜六卷。同州管君世鏡。字緘若。號韞山。武進人。乾隆戊戌進士。由戶部主事。充軍機章京。累遷郎中。授御史。君會試出于公敏中門。于好士。所援引或數年陟卿貳。君未嘗獨求見于公。卒。和坤浸用事。君憂憤形詞色。和坤微聞之。而阿文成。方倚公如右臂。莫能中傷。既擢御史。構疏。彙未成。得旨留軍機。君自言愧負此官。文成慰之曰。報稱有日。何必急以言自見耶。蓋期君大用。不欲君以擊奸獲譴也。嘉慶己未。朝廷行大賞罰。君已先一年卒矣。君工制舉文。居京師。從游之士凡數百。多發名成業以去。尤精詩古文。深於經術。特為時文所掩耳。著有韞山堂詩文集。行世。自艱山後。以制舉業課士。稱極盛者。則推關中路先生德。字潤生。藍屋人。少工詩古文。嘉慶二十四年進士。選庶吉士。改戶部主事。入直軍機處。遷郎中。以目青歸。主關中各書院。數年後。目忽明。弟子著錄二三千人。每抉摘疵類。排俗體。必極言其所以然。風氣一變。其評騰改竄。皆閉口。口授侍書者。脫欲脆。而汨汨不能休。秦士擬甲乙科。皆其及門。或私淑弟子也。著有檀花館及仁在堂十數種。

法時帆先生事略

附 王芭孫 何道生

先生名法式善。字開文。號時帆。原名運昌。奉旨改今名。蒙古正黃旗人。乾隆四十五年進士。官侍讀。自登仕版。即以研求文獻。宏獎風流為己任。在詞館。著清秘述聞。槐廳筆記。在

成均著傳遺錄其未刻者尚多。皆有資於掌故。所居在厚載門北。明西涯李文正公畏吾村舊址也。背城面市一畝之宮。有詩龕及梧門書屋。藏書數萬卷。閉以書法名畫。蘇竹數百本。寒聲疏影。儵然如在巖壑間。生平以詩文為性命。士有一藝之長。莫不被其容接。王壇坫幾三十年。人以為西涯後身。不愧也。其為詩。質而不靡。清而能綺。論詩用漁洋三昧之說。王孟韋柳。尤工五言。與王鐵夫交最善。嘗自刻詠物詩一種。鐵夫偶弗之。喜遂止不行。其莫逆如此。所著曰存素堂彙。鐵夫。王姓。名芭孫。字念豐。一字惕甫。嘗欲買田築室於楞伽山。又號楞伽山人。江蘇長洲人也。乾隆五十三年。召試舉人。官華亭教諭。客京師。館董文恭家。六年客睿邸。又六年中間。往來梁文定。王文端。劉文清。彭文勤諸家。為諸公代削草。居浚園。每歲出關。居熱河。雖未挂朝籍。而朝廷有大典禮文章之事。未嘗不操筆。與其陋性簡傲。不肯從諛。一介不苟取。遇公卿若平交。或病其狂。實狷也。其詩灑然。以瘦。憂然以清。與法時帆。張船山。何蘭士。諸君相唱和。為南北時望所推。尤工書。婦曹氏。字墨琴。能詩。以翰墨聞。有十三行臨本行世。鐵夫論古文。謂必極其才。而後可以裁於法。必無所不有。而後可以為大家。自非馳騫於東京六朝。沈博絕麗之塗。則無以極其才。而所謂法者。徒法而已。以徒法而語於文。大羊之鞵耳。宋以後。歐曾虞范。數公之文。非不古也。以視韓柳。則其氣質之厚薄。材境之廣陬。區以別矣。蓋韓柳皆嘗從事於東京六朝。韓有六朝之學。一掃而空之。融其液而遺其滓。遂以窺絕千古。柳有其學而不能空。然亦與韓為

輔望漢方氏宗法昌黎心獨不愜於柳亦由方氏所涉於東京六朝者淺故不足以知之
今雖謂歐曾數公之文勝於柳可也。使歐曾數公執筆為柳氏之文吾知諸公謝不能也。
所著曰淵雅堂集墨琴之寓韻軒集附焉。何蘭士名道生字立之山西靈石人乾隆二
十五年進士。與元元琅同時為部曹相代為御史。蘭士官至九江知府有方雪齋集其詩
疏爽雄健出入昌黎劍南。尤善鐵夫有所譏彈輒應時改定。山右自澤州相國以來若
蓮洋居士清妙則有餘。排算則不及也。元琅字硯農進士以詩文鳴著有硯農集。

惲子居先生事略 附 李兆洛 湯貽汾

先生姓惲氏諱敬字子居號簡堂江蘇武進人幼負異才持論好出獨見長老皆驚異焉
舉乾隆四十八年鄉試充官學教習居京師與同州張惠言舉文友商榷經義治古文五
十九年授富陽知縣銳欲以能自效矯然不肯隨羣輩俯仰大吏憚其風節欲裁抑之令
督解黔餉先生曰王事也怡然就適返役調江山縣父憂去官嘉慶五年補江西新喻縣
新喻吏素橫黠先生痛懲之人疑其治過猛也已乃進其士之秀異者與講論文藝士民
懷德滄感俗大變十年調瑞金縣諸生楊儀招倚富逼姦佃戶女事發願進重金求脫罪
峻拒之至以萬金相贖先生曰吾自作令以來苞苴未嘗及門。今若此吾豈有遺行耶。卒
論如律舉卓異十七年守南昌府吳城同知逾年以好民誣告家奴得賦失察罷先生為
人負氣矜尚名節所至輒興上官忤上官以其才高每優容之而忌者益眾既充官士大

夫之賢者。咸悅惜先生。一不以綴意。益務為文自壯。張皋文之殉京師也。先生聞之慨然曰。古文自元明以來。漸失其傳。吾向不多作者。以有皋文在也。今皋文死。吾當併力為之。先是皋文與湯文端金釗講宋儒之學。時先生方究心於黃梨洲之明儒學業。有所見。輒筆記之。未及與皋文辨論往復也。及是始致書湯公。其略曰。濂洛關閩之說至明而變。至本朝康熙間而復。其變也多歧。其復也多仍。多歧之說足以眩天下之耳目。姚江諸儒是也。多仍之說足以束縛天下之耳目。平湖諸儒是也。二者如揭竿於市。以奔走天下之人。故自乾隆以來。多懸置之。懸置者非也。揭竿於市者亦非也。且如彼此之相訾。前後之相搏。益非也。夫所謂濂洛關閩者。其是耶。其撥之聖人。猶有非是者耶。其變之仍之者。是非其孰多耶。蓋先生嘗自言其學。非漢非宋。不主故常。於陰陽名法。儒墨道德之書。靡無所不讀。又兼通禪理。皋文嘗稱其亦狂亦狷。亦隘亦不恭。其治古文。得力於韓非李斯。與蘇明允相上下。近法家言。叙事似班孟堅。陳承祚。而先生自謂吾文皆司馬子長。出子長以下。無北面者。卒於嘉慶二十二年。年六十有一。著大雲山房文集八卷。書事二卷。其治獄劄有子居決事四卷。同縣李君兆洛字申者。嘉慶乙丑進士。選庶吉士。改官鳳台知縣。工詩古文。精考證。著書甚富。尤精輿地之學。罷官後。主講暨陽諸書院。成就人才甚眾。著有養一齋文集。湯君貽浚字雨生。亦武進人。祖若父。尚節臺灣。張雲騎。宦至樂清副將。工詩善畫。視曹景堂李思訓。有其過之。居金陵葺精舍。焚香鼓琴。儼然出塵外。海內名宿皆從其游。

著有畫梅樓詩集咸豐三年粵逆陷江甯作絕命詞死之事聞賜祭葬諡貞愍

舒鐵雲先生事略 附 王雲 孫源湘

舒先生位字立人號鐵雲直隸大興人祖大成康熙壬辰進士官檢討先生幼承家學工詩古文丰神散朗如魏晉間人逾冠舉乾隆五十三年鄉試屢試禮部不第客黔西王觀察朝梧所會神苗反威勤侯勒保檄觀察從征先生為治文書侯大賞異之數召至軍中與計事侯移督四川遷先生同行以母老辭既歸貧無以養仍羈滯近地歲歸省母母壽至八十八而終先生年已五十以毀卒距母喪兩月餘耳生之父母沈夢一僧執桂花自裁囑來故小字屏禪云當乾嘉之際海內詩人相望歸愚守宗法隨園主性靈先生以奇博閎遠之才橫絕一世法時帆登瀛喜以先生及王雲仲瞿孫源湘子蕭並稱為三君作三君詠云龍么妹者貴州司龍躍妹也勒侯征神苗檄調士兵適躍病命么妹帥兵馳抵軍門妹年十八長身白皙結束上馬出入夫石闕所戰必捷秦良玉不是過也事平侯為么妹執柯將以歸先生先生婉辭之復為詩紀其事時傳為佳話先生所著曰瓶水齋詩集身後揚州巴光誥為梓以行世王雲字仲瞿一名良士浙江秀水人乾隆五十九年舉人好游俠通兵家言善弓矢上馬如飛慷慨悲歌不可一世著有烟霞萬古樓集寶東皋評所撰西楚霸王廟碑曰二十年來無此手筆矣吳侍郎省缺仲瞿座師也館和珅家時和方怙勢仲瞿三上書於侍郎請劾和珅書具存集中張南山嘗曰漢有建安之于唐

初有四家。余欲選王仲則詩。王仲瞿文合刻之。題曰乾隆二仲。孫子瀟名源湘。江蘇昭文人。嘉慶十年進士。官編修。有天真閣集。年十五隨父任。出山海關。登醫巫閭。援筆賦詩。已
有驚人句。丙辰會試下第。歸途與舒鐵雲王仲瞿兩孝廉同行。三人者。才相若。唱和無閒。
詩名若鼎足焉。子瀟詩沈鬱不及船山。卻無其叫囂。敏贍不及隨園。卻無其游戲。婦席氏。
名佩蘭亦工詩。著有長真閣稿。

清朝先正事略卷之四十四

平江李元度次青墓

文苑

張船山先生事略

附

彭端淑

李調元

船山先生張姓。閩陶名。字仲冶。四川遂寧人。相國文端公鵬翮曾孫也。生於山東之館陶。幼有異稟。工詩。有青蓮再世之目。其存詩有十五歲始。乾隆五十五年。庚戌成進士。尋授檢討。詔選翰詹三十人。各書扇五柄。又選十二人。分書養心殿屏幅。先生皆與焉。庚申秋。分校順天鄉試。明年教習庶吉士。乙丑改御史。巡視南城。己巳分校會試。未幾改吏部郎中。明年七月。授萊州知府。與上官齟齬。鬱鬱不自得。逾年病免歸。時年四十九。罷官後。僑寓吳門。顏所居曰樂天。天隨鄰屋。時往來大江南北。未幾卒於客舍。先生狀似猿。自號蜀山老猿。亦稱老船。其詩生氣湧出。沈鬱空靈。於從前諸名家外。又闢一境。其質難題。壁十八首。指陳軍事。得老杜諸將之遺。傳誦殆徧。書法險勁。畫近徐青藤。不經意處。皆有天趣。其婦亦能詩。有句云。修到人間才子婦。不辭消瘦似梅花。先生和之。有夜窗同夢筆生花句。佳話也。著有船山詩草。國朝二百年來。蜀中詩人。以船山為最有。彭樂齋者。以詩古文名蜀中。年輩在船山前。名相埒。樂齋詩近體不及船山。五古蒼健沈鬱。有杜意。論者謂在船山之右云。樂齋彭姓名端淑。丹棱人。雍正十一年進士。官吏部。淡無好也。獨肆力為

古文詞自文選司郎中出為肇羅遠未幾歸主錦江書院有白鶴堂詩文集其詩質實厚重不為鞞帳之習文亦如之又李君調元字雨村號墨莊縣州人乾隆二十八年進士官潼商道著有重山詩集雨村詩話藏書數萬卷愛才若渴嘗輯函海一書多至二百餘種表彰楊升庵著作為多又選刻朝鮮四家詩四家者李書九洛瑞柳得恭惠風樸齊家次修李德懋懋官也而樸齊家之名尤著

黃仲則先生事略 附 楊芳燠 楊燠

黃君景仁字漢鏞一字仲則江蘇武進人生四歲而孤八歲試為文援筆立就為諸生冠其儕君風儀玉立慕與交者爭趨就君君或上視不顧人多以為狂未冠遇洪稚存逆旅中始共學為詩同游邵編修齊燾門下旋客湖南提刑王君太岳所是時君已攬九華陟匡廬泛彭蠡沂洞庭每獨游名山經日不出值大風雨或瞑坐大樹下牧豎見者皆以為異人自湖南歸詩益奇肆後稍變其體為王李高岑又出入北宋諸家卒其所詣與青蓮為近大興朱竹君督學安徽延君及稚存入幕三月上已會於采石之太白樓授閒賦詩者十數人君年最少著白拾立日影中頃刻數百言徧跡坐客客為之閣筆居半歲異同事者謀不合徑出使院質衣買輕舟訪秀水鄭編修虎文於徽州追之已不及矣嘗自憾其詩無幽并豪士氣遂游京師翁學士方綱紀學士昀王廉訪昶馮吉士敏昌皆奇君與定交他貴人招之不往也乙未高廟東巡召試入二等在武英殿書簽側得主簿入貲為

縣空。先是陝撫畢公沆奇君才，厚資之。至是為債家所迫，復抱病踰太行，出雁門，將復將陝。次解州，卒於河東。蓮使沈君業富官署，年三十有五。畢公厚賻之，雅存奔其喪。所著曰兩當山房集。同時楊君蓉，名芳燦，無錫人。母顧夢五色雀，集庭樹而生。君詩文少，即華瞻。學使彭文勤大異之，子以兄女。由拔貢，應廷試，得知縣補甘肅之伏羗。回民田五為亂，起石峯堡。縣民馬稱驥應之，未發。君先期募鄉勇設防，會馬映龍以賊謀告。君立捕殺稱驥。賊遽至，與映龍等登陴守五日，圍解。映龍稱驥甥也。君治縣溫溫，若不任事者。坐堂皇訊事罷，即手一編就及讀，人笑之。而其應變敏決，乃若是。初，蘇四十三之亂，獄詞連伏羗，人大恐。君力請於提刑，得未減。及石峯堡事平，賊首張文慶子泰懣映龍洩其謀曰：映龍故與吾父通，其助守城，欲於五日後獻城也。阿文成逮映龍，至靜寧。君曰：映龍果欲獻城，曷為以謀告？且伏羗無兵勇，昏烏合聚，亦無俟五日後力始竭。文成悟，立出之獄。君以功擢知靈州。嘗單騎諭散奪米飢民，請借口糧設粥，啟以安眾。大府才之。君願不樂外吏，入貲為員外郎，居戶部。與修會典，公餘擁書縱讀，益務記覽，為詞章。詩出入義山、昌谷，闢而自成其體。又工儷體文，雋才絕豔。世謂盈川復生。嘗曰：色不欲其醜，氣不欲其縱。沈博莫匹，斯儷體之能事也。守伏羗時，王蘭泉廉使統師長武，嘉其偉節，賦詩飛達圍城。君立和之，并上伏羗紀事百韻，其整暇如此。丁母憂，貧甚，鬻書以歸。主衡杭及閩中書院數年，入蜀修四川通志。主錦江書院，弟按知安縣，往省之，卒於其署。年六十有三。著有吟翠軒初

馮敏昌 溫汝道 趙希璜

彙揆字荔裳乾隆庚子召試舉人少擅風雅與其兄容震齊名由中書從嘉勇福公征衛藏所歷熊耳山星宿海諸勝其境天開詩格與之俱進累官四川布政使著有藤華詩

黎二樵先生事略

附

張錦芳 馮敏昌

溫汝道

趙希璜

胡亦常

呂聖

嶺南自三家後風雅寥寥繼起者為張太史錦芳馮戶部敏昌溫侍郎汝道趙大令希璜而必以黎二樵先生為最先生名簡字蘭民號二樵順德人十歲能詩峻拔新峭李商隱令潮陽一見奇之曰必傳之作也乾隆己酉充選貢生父憂未赴廷試足跡不逾嶺海詩名日起鉅公求粵者咸折節下之性好山水屢入朱明洞天窮其幽勝朋儕罕當意者惟與德清許周生無錫孫平叔友所居曰百花村亭曰泉香閣曰藥烟生平擅詩書畫三絕其詩由山谷入杜而取鍊於大謝取勁於昌黎取幽於長吉取難於玉溪取僻於閻仙取瘦於東野鍾鑿鍛鍊自成一家言書得晉人意畫直造元四家堂與者有五百四峯草堂詩鈔藥烟閣詞鈔芙蓉亭樂府注莊等書張君錦芳字榮夫號樂房順德人乾隆五十四年進士官編修初以優貢入都鉅竹汀紀曉嵐見之目為奇士性孝友淹貫羣籍通說文分隸得漢人法兼工繪事而於詩所詣尤深與欽州馮敏昌同縣胡亦常稱嶺南三子又與黎蘭黃丹書呂堅號嶺南四家著有逃虛閣詩鈔南雪軒文鈔馮君敏昌字伯求號魚山欽州人乾隆戊戌進士由庶吉士改戶部主事生平偏將五嶽九名山川烟雲變滅波濤起伏之狀盤薄胸次一發之於詩其詩由昌黎山谷以上追李杜又穿穴諸家自關面

目。所著羅浮草堂集。歸然為嶺南一大宗。溫君汝遠。號員坡。順德人。乾隆四十九年進士。由編修直上書房。累官兵部右侍郎。歷典廣西四川山東鄉試。督陝甘學政。其詩詞氣和平。肖其人品。著攜雪齋詩文鈔。及曲江年譜。咫聞錄。韻學紀聞。日下紀游等書。趙君希璜。字渭川。長寧人。乾隆己亥舉人。官安陽知縣。著有四百三十二峯草堂詩。少讀書羅浮山。噓吸雲烟。洒淪肌骨。詩絕無塵俗氣。又嘗為黃仲則刻全集。風義尤篤。胡君亦常。字同謙。一字多甫。順德人。年二十五。即以詩鳴。舉乾隆辛卯鄉試。早逝。著賜書樓集。黃君丹書。字虛舟。順德人。天安秀。穎書過目不忘。學使李調元拔之。充優貢。廷試歸。築聽雨樓。隱居養親。乾隆乙卯舉於鄉。下第。朝貴爭延之。不就。嘗曰。貧與富交。則損名。賤與貴交。則損節。朱文正公撫粵時。尤加寵重。工書善畫。與其詩並稱三絕。詩出入唐宋。於蘇尤近。呂君堅字介卿。號石帆。番禺人。歲貢生。有遶剛集。入嶺南四家詩鈔。

宋芷灣先生事略

附 張維屏

宋先生湘。字煥襄。號芷灣。廣東嘉應人。九歲見諸伯叔為文會。即取片紙學為文。下筆有奇氣。乾隆壬子。舉鄉試第一。嘉慶己未進士。選庶吉士。授編修。丁卯典四川試。戊辰典貴州試。癸酉授曲靖府知府。所屬馬龍州。地瘠民貧。先生捐俸購木棉。教婦女紡績。尋署廣南府。城內地高飲水艱。為度地鑿東西二塘。權運西道。所屬大饑。為捐俸賑恤。署永昌府。練鄉兵除暴。郡有書院久廢。先生興復之。捐廉千七百兩。有奇。灣甸者所屬土州也。土

知州某死無嗣有景在東者遠族也乘間奪其汛專殺自恣不附己者死如是五六年當事法不敢發賊謀襲土職招匪黨千餘將攻保山縣先生慮為前明二莽續誓除之商之營不濟請諸鎮帥又不濟賊偵知益猖獗民夷皆赴愬先生曰爾等能為我殺賊乎眾曰能先生曰果爾爾糧我任之患難我同之遂懸重賞練鄉兵殺賊民夷踴躍於是江有防隘有備又以計散其黨竊賊懼宵遁擣其巢大索七日獲在東斬之自捐軍需銀八千兩不費公家斗粟邊陲以靖郡人建生祠祀之道光五年遷湖北糧道明年卒年七十有一先生襟抱豪邁下筆具個儻雄奇之態詩磊磊落落從真性情全涌而出自成一家言者有不易居齋集豐湖漫草燕臺滇蹄諸集性伉爽見人一藝之工稱譽不容口與番禹張子樹稱莫逆嘗索觀已刻詩良久掀髯笑曰一唱三嘆入人心脾我不如子哀樂無端飛行絕跡子不如我子樹姓張氏名維屏一字南山父炳文嘉慶辛酉舉人官四會訓導事節母以孝聞南山舉道光二年進士官黃梅知縣遇大水小舟勘災急溜衝去得樹免於溺與歌有官要救民神救官之詞調廣濟濬捻非折色規費無所出先生曰理不直則氣不壯吾盍舍官以伸氣引疾去汪文端語人曰縣官不願收管世所罕見也外艱歸被例改同知權南康知府公暇至白鹿洞與諸生講藝蘇季二公祠建於廬山祀太白東坡未幾罷郡歸少負才名以風雅飭吏治為蔣礪堂劉豐溪馮魚山吳山尊及芷灣先生所激賞與楊春諱康侯香山黃子實稱粵東三子性愛松自號松心子既歸寓居花球閉戶著

書自號珠海老漁有聽松廬文鈔詩話及松心日錄松軒隨筆老漁閑話諸書行世而所輯國朝詩人徵略尤有功於文獻云

鮑覺生先生事略 附 程思澤

鮑先生桂星字雙五一字覺生安徽歙人八歲能詩文十五補諸生嘉慶己未進士選庶吉士授編修御試高等遷中允每撰進奉文字輒拜文綺之賜甲子典試河南遂督河南學政擢洗馬晉侍讀戊辰典試山西庚午擢侍講學士督湖北學政遷少詹事於未晉詹事除內閣學士既受代聞林清之變疏陳十事馳入京仁宗亟稱之且曰已次第施行矣丙戌擢工部右侍郎充武英殿總裁條奏武英殿事劾提調及副管不職狀提調撫先生平日語中之遂落職令閉門思過越五年復官編修宣宗即位以編修召對諭之曰汝所劾者朕令褫其職矣既由侍講擢通政司副使上召見復諭曰欲爾習練諸事也甲申擢詹事召對詢年齒甚悉明年卒於位先生邃於文學質厚性直有明斷才敢任事少從吳澹泉定學詩古文因以溯劉海峯後師姚姬傳於為詩力守師說姬傳稱之曰是能合唐宋之體而自成一家者也著進奉文鈔二卷詩八卷詠史懷人詩十卷文嘗用司空表聖說輯唐詩品八十五卷同縣程春海侍郎稍晚出與齊名程先生思澤字雲芬春海其號也父昌期乾隆庚子進士官侍讀學士春海幼穎異毀齒經傳皆成誦尤好讀古書剖析疑義同縣曹文敏公金輔之殿撰皆語學士曰此子非凡才也嘉慶辛未成進士選庶吉

士授編修。道光元年。命直南書房。諭曰。汝父蘭翹先生。朕昔年最敬其品學。汝之聲名。朕亦知之。宜更勵素行。同列皆榮之。旋奉勅校刻養正書屋集。是年典四川鄉試。遷中允。校刻御製詩文初集。三年督貴州學政。擢侍講。再遷侍講學士。六年調湖南學政。回京。遷祭酒。母憂服闋。仍值南書房。十二年典試廣東。時以候補祭酒。未與開列。異數也。是年冬。命在上書房行走。課惠親王諱。王敬禮師傳。詩古文書法。皆日有進。甚相益。上與王論先生為人。有和而不同之目。十三年擢內閣學士。明年授工部右侍郎。調戶部。十七年充經筵講官。卒於任。遺疏入。上嗟悼久之。詔優卹。賞其子德威為舉人。先生學識超時俗。六藝九流。皆深思而得其意。工篆法。熟精許氏學。督學貴州時。勸士民育蠶。其利大行於民。又重刻岳河五經以訓士。奉詔纂修春秋左氏傳。推本賈服。不專守杜氏一家言。所著述惟國策地名攷二十卷。已定本。餘多未成書。不自料其年不永也。詩文雄深博雅。於金石書畫考訂尤精。嘗謂近人治祿法。由九章以通四元。可謂發明絕學。而儀禮罕有傳者。乃與鄭君復光約修復古儀禮。所撰國策地名考。謂孟津在河北。非今孟津縣。亦非古河陽縣。蒲坂非舜都。乃衛蒲邑。以嘗入秦。仍歸。故謂之蒲坂。諸條皆確不可易。阮文達校毛詩。有椒其馨。謂椒當作馥。其說久在六朝。然先生曰。詩必分孝。祀韓詩作馥。分孝祀馥。字毛詩。兩見。形聲不謬於六書。尤確證也。卒年五十有三。

許周生先生事略

許君宗彥字積鄉一字周生浙江德清人父祖京乾隆戊子省元己丑進士官廣東布政使先生生有異質九歲能屬文劉文正公謂他日必為名儒費文恪公譚古愚中丞皆異其才王侍郎種作積鄉字說贈之嘉慶己未成進士授兵部主事是科得人最盛幾與康熙己未乾隆丙辰兩詞科相埒朱文正公曰經學則有張惠言等小學則有王引之等詞章則有吳鼎等兼之者其許生宗彥乎先生性孝友不忍離其親觀政兩月即假歸體素羸兩執親喪哀毀過情氣彌弱遂絕意進取顏其齋曰澹止水以見志杜門著書垂二十年先是君以英親故隆冬周歷穹山感寒疾戊寅冬益劇至臘月不能穀食日飲水食瓜果神明不亂力疾為汪家禧楊鳳苞嚴元照作三文學合傳已為絕筆詩坐而逝年五十有一生平寡嗜好惟喜購異書不惜重值於書無所不覽旁及道藏釋典名物象數必躋其奧而後已獨不取考訂以為無裨實學尤精天文得西洋推步秘法自製渾金球別具神解所著澹止水齋文集十二卷詩八卷集多說經之文其學說能持漢宋儒者之平其周朝統考世室故能發韋元成劉敞鄭康成王肅所未能明其他如日行諸觚能辨玉實旭戴震之誤禮論治論諸篇皆獨具神識未經前人道及阮文達目為通儒而陳恭甫謂足躡梨洲而跨董甫蓋非何好云配梁氏字楚生相國文莊公孫女少司空敦書女工詩著有古春軒詩鈔

鄧湘皋先生事略

附

歐陽格

魏源

湯鵬

鄧先生顯鶴字子立。一字湘皋。湖南新化人。八歲能詩。舉嘉慶甲子鄉試。屢試禮部不第。遂絕意進取。博究羣書。足蹟半天下。凡海內薦紳大夫。才俊士。多慕與為友。晚投甯鄉訓導。尋乞病歸。時因事至長沙。治旁舍。舍客造請詩文者。日相踵。悉能副其所求。歸然稱楚南文獻者。垂三十年。先生嗜書。其天性自幼時聞長老稱述鄉邦。巨入長德。輒欣然聽之。比其長也。搜討楚故。尤不遺餘力。楚南值鼎革之際。其毅然殉白刃。躍溝壑者。不可勝數。迨殊世久遠。尺牋寸楮。多隨水火劫奪。以佚若滅。若沒委同草莽。國朝風教日盛。士尤爭以文術志節相高。往往抱幽守獨。至老死。且嘗其書牖下。不求名於時。先生網羅散失。每得殘編短簡。如獲異珍。驚喜狂拜不自己。所纂沅湘耆舊集。千七百人。詩萬五千六百八十首。各為小傳。以詩存人。復搜刻蔡忠烈遺集。王船山遺書。增輯周聖楷楚寶重修寶慶府志。編校歐陽文公圭齋集。重訂周子全書。至議建會城前後五忠祠。及邵州前後五忠祠。尤欲舉貞臣烈士。為邦人勸。俾各動其忠義之心。用意尤深。且達焉。先生內行醇篤。事其先顯。鵠極友愛。嘗作聽雨圖。及南村耦耕圖。以見志。撫元子勤於己子。尤篤風義。喜振拔孤寒。所為古文。詳贍灑灑。壹意表章先哲。凡子奪失寶者。必力為昭雪。時以比全謝山之結琦亭集。其為詩也。稟精竭慮。與同里歐陽礪。乘切劇辨析。不少假。咸豐元年八月卒。年七十有五。郡人祀之。邵州十先生祠。著南村草堂詩鈔二十四卷。文鈔二十卷。資江耆舊集六十四卷。沅湘耆舊集二百卷。楚寶增輯攷異四十五卷。武岡州志三十四卷。寶慶府志

百五十七卷末子五忠祠傳略改正一卷五忠祠續傳一卷明李湖南殉節諸人傳略二
卷易述八卷次子璠字小舉以拔貢舉於鄉詩文皆有家法纂沈湘耆舊集前編極精審
後先生一月以毀卒歐陽礪東初名紹洛易名軫字念祖博學多通書過目不忘少孤貧
非其力不食有梁伯鸞徐孺子風乾隆甲寅舉人屢試春官不遇南走粵北為劍代之游
與法旆帆錢裴山曾賓谷諸人唱和其澁鬱剛介嚴凝之氣一寓於詩其詩初從義山窺
少陵摹而為昌黎混而為東坡晚乃跌宕昭彰自出一隊然不多作嘗言作詩當自瀛胸
中之天不期而與古人合陶文毅嘗刻其詩集於吳中湘皋之輯者舊集也清朝二百年
間其稱詩老者惟張陶園及礪東二先生云同郡魏先生源字默深邵陽人嘉慶癸酉拔
貢己卯及道光辛巳兩中副榜壬午舉順天鄉試冠南籍試卷進呈宣廟手批嘉賞名甚
籍入賞為內閣中書改知州甲辰第進士發江蘇以知州用權東台興化縣事己酉大水
河帥將啟閘先生力爭不能得則躬赴制府營鼓陸制軍建議閘報立往勘始得免啟上
州縣士民皆德之未幾補高郵州坐驛遞遲誤免尋以緝獲梟匪功經袁副憲甲三奏
復其官咸豐六年卒先生文筆真行熟於掌故尤悉心時務精輿地之學其論河務謂宜
改復北行故道咸豐五年銅瓦廂之決河復北流由大清河入海適與所論相合蓋播及
見之云所著有曾子章句二卷聖武記十四卷海國圖志十卷詩古微十卷書古微十卷公羊微十
卷春秋繁露注十二卷清夜齋文集二十卷選皇朝經世文編及論學文選若干卷方先

清朝先正事略 卷四十四 文苑 魏源 湯鳳 陳洪範 六

生之舉京兆也。文譽颯起。典會試者。爭欲羅致之。得一卷文筆絕類先生。揭曉則同年生益陽湯海秋也。海秋名鵬。豪於文道。光榮未進士。所為制舉藝。列市肆中。士擬取科第者。相踵而君於是時。已專力為詩歌古文。詩凡三千餘首。初由禮部主事。直軍機處。遷戶部員外郎。晉御史。意氣踔厲。所慕惟李文饒張太岳一流。於是勇言事。未逾月。章三上。以劾宗室尚書某。破議罷御史。仍回戶部。循資遷郎中。廉校禮部試。英夷擾海疆。求通市。君已黜。不得建言。猶條上夷務三十事。乞尚書轉奏。皆報聞。其後未利堅求改關市約。有奏中不可許者數事。人以是服其精。非空言無實者比也。君既負才不試。則益務著書。以自暴白於天下。所作浮邱子。立一意為幹。幹分為支。支之中又有支焉。則支又復為幹。支幹相潰。以遞於無窮。大抵言軍國利病。史治最要。人事情偽。凡九十餘篇。疑四十餘萬言。每遇人輒曰。能過我一閱浮邱子乎。而其友魏默深則曰。是書可傳也。甲辰七月卒。年四十有四。

陳章侯先生事略 附 崔子忠 羅聘

陳先生洪綬。字章侯。浙江諸暨人。年四歲。就塾婦翁家。翁方治室。以粉壁壁。先生累案登其上。畫漢前將軍關侯像。長十尺餘。拱而立。翁見之大驚。下拜。遂以室奉侯。既長。師事劉念臺先生。講性命之學。已而縱酒挾妓。自放。頭面或經月不沐。客有求畫者。雖罄折足恭。勿與。至酒闌。召妓。輒自索筆。畫小夫稚子。無弗應也。嘗客杭州。友人招飲西湖。先生赴之。遇他舟。徑登其席。坐上座。餽主人徐察之。知為章侯也。亟稱其畫。先生大駭。曰。子與我不

相識如拂袖去。崇禎壬午。充國子監生。明年遠里。既遭亂。跡浮屠間。自稱老蓮。亦稱海。蓮亦稱老蓮。縱酒狎妓。如故語。及身世亂離。輒慟哭不已。後數年以疾卒。先生能詩。為畫名所掩。著有寶綸堂集。時有崔青蚓者。與齊在京師。號南陳北崔。崔先生名子忠。字開子。一名丹。別字青蚓。明末補順天府學生。負才名。尤善畫。畫尚書其昌異之。謂非近代所有也。益自重。凡以金帛請者。概不應。有友人官吏部。屬選人以千金為壽。先生投之地曰。乃以選人金污我耶。史忠正公家居。過其舍。見先生方絕食。乃留所騎馬。徒步歸。先生售馬得十數金。呼其友與痛飲。曰。此酒自史道邨來。非盜泉也。一日而金盡。絕食如故。好讀書。通大戴禮。發為詩古文。真博奇。地非近世所有。流氓陷京師。先生出奔。鬱鬱不自得。會人有贖其意者。走入土室中。匿不出。遂餓而死。先生二女。皆善畫。而童侯妾胡淨。亦能畫。花卉。云羅君騰。字遜夫。號雨峰。歙縣布衣。寓江都。為金冬心弟子。畫入高格。尤喜畫鬼。有鬼趣圖。為時所重。詩亦超然物外。重靈寺純廟。祝釐地。畫壁至今存。蓋饒商持數百金。倩兩峰所作也。王述菴謂其畫大阿羅漢。及摩訶薩。像足與陳重侯。崔青蚓相上下。洵不誣云。

王石谷先生事略 附 黃鼎

國初畫家有三王之稱。三王者。大常卿時敏。字烟客。廉州太守。鑑字元照。而其一為石谷先生。其後又稱二王。謂先生與麓臺侍郎原祁也。先生名翬。字石谷。別號耕烟。宋忠臣。臣堅之後世。為常熟人。童時無嗜好。常引狄畫壁作山水。即生動。會廉州過虞山。於壁間見小幅。驚

喜甚。問誰作。知為王氏子。年甫冠也。歸語太常。具舟迎之。館於西田。盡出唐以後名畫。俾坐卧將泳其中。盡得古人秘奧。而一以靈心運之。垂二十年。遂成大家。先是館西田時。做古入神品。廉州推服曰。此非吾弟子也。三百年罕觀此人矣。而一時耆宿。若錢牧齋。吳梅村。周樸園。王阮亭。宋漫堂諸公。爭作詩古文。張之推為大家。無異辭。有詔徵召。以布衣供奉內廷。嘗繪南巡圖。天下能手駢集。咸遠巡莫敢下筆。先生至。口講指畫。咫尺千里。令眾分繪。而已總其成。圖成。上覽之稱善。欲授官。以不能任職辭。出都日。公卿祖餞。多賦詩贈行。先生薦孝友。慎交游。尤敦風義。太常廉州歿。歲必省其墓。乞畫者。必擇人而與。否則巧取豪奪。不能得。晚歲烟雲供養外。吟風弄月。終其身。康熙丁酉卒。年八十有六。武進。懌壽平。少寫山水。見先生畫。數日。吾讓子為一人矣。遂專工花卉。稱絕藝。同縣有黃尊古先生者。稍晚出。名與先生齊。尊古名鼎。字曠亭。世居常熟之唐墅鎮。生平好游覽。嘗之齊魯。登岱。歷燕趙。韓魏入秦。登太行。終南。太華諸山。又出塞垣數千里。經于闐。近身毒國。乃還。後居黃山。游匡廬。羅浮。九疑。陟嵩衡。升峩嶠。巔攀岷山。窮長江之濼。已乃入天台。雁蕩。武夷。諸勝。凡詭奇怪偉之狀。一寄于畫。論者謂石谷看盡古今名畫。下筆具有淵源。尊古看盡九州山水。下筆具有生氣。並稱大家焉。尊古客京師時。有故相延之。與均禮。然見其傾軋者多。恐將及難。堅辭去。及故相罹禍時。尊古在粵中。走六十餘里入都。相與哭別。晚歲有制府。條舊識。具書幣。招往秦中。既至。聞其縱恣無度。遂策馬還。竟不往。見途中。惟寫終南。

雲氣武功太白諸圖以壯行色聞者高之性老矣獨力築大父母父母兄子貧無歸分產給之養姊姝之寡者四方餽遺隨手盡不為後日憂髮訖少從邱高士嶼雪學書後師麓臺然每與人言必曰我邱先生弟子也卒於雍正八年年七十有一。

鄧完白先生事略

先生姓鄧氏字石如其名以恭避仁宗廟諱故遂以字行而更字頑伯安徽淮甯人居皖公山下又號完白山人少讀書好刻石仿漢人印篆甚工弱冠孤露即以刻石游性廉介無所合客壽州適梁大令獻主壽春書院以工手書名天下先生為其門下生刻印又以小篆書諸生箋渠見之歎曰此子未諳古法耳其筆勢渾熟余所不能充其才力可獨步一時矣因為治裝而致之江甯梅孝廉銀孝廉為文穆公季子梅氏自北宋以來為江左甲族弄藏甚富文穆又受聖祖殊遇得內府珍秘尤多秦漢以來金石善本備在焉先生既得縱觀推索其意窮雅俗之分好石鼓文李斯嶧山碑太山刻石漢闕母石闕燧燧大字碑蘇建國山碑及皇象天發神讖碑李陽冰城隍廟碑三墳詔臨摹各百本又苦篆體不備手寫說文解字二十本復旁按三代鐘鼎及秦漢瓦當碑額以縱其勢博其趣窮日夜忘寒暑五年篆書成乃學漢分臨史晨前後碑華山碑白石神君張遷等碑各五十本三年分書成嘗自謂吾篆未及陽冰而分不減梁鵠蓋萬論也先生客梅氏八年學既成編游名山水仍以書刻自給游黃山至歙需篆於賈肆武進張編修惠言方授經金修

撰榜家編修故深究秦篆。見先生書語修撰曰。今日得見上蔡真跡。修撰驚問語以故遂
胥兩偕詣先生於古寺。修撰延爲上客。金氏家廟甚壯麗。其楹皆貞石。而刻聯及懸額修
撰精心編作。蓋百易而後定。謂莫能加也。及見先生書。即鳩工斲其額。而石楹既豎。不使
磨治。乃架屋而卧。極屬先生書之刻成。乃重建。其傾服至此。編修從先生受篆法。一年修
撰稱之於曹文敏公文。極文敏屬先生作四體千文橫卷。一日而成。文敏歎絕。具白金五
百爲壽。未幾文敏入都。強之同往。先生獨戴草笠。策蹇。後文敏三日行。文敏次山
東。相值于湖山。時巡撫以下。命吏郊迎文敏。先生策蹇過轅門。門者呵止之。文敏遙見先
生。趨延入。讓上坐。徧贊於諸公曰。此江南高士。謝先生也。其四體書皆爲國朝第一。諸公
乃大驚。爲具車從。先生卒辭不肯同行。時都中工書者。推劉文清。而鑿別則推陸副憲錫
熊。見先生書。皆大驚。踵門求識面。且曰。千數百年無此作矣。先生遂留都門。未幾文清左
遷。副憲暴卒。而翁閣學方例。風擅篆分。以先生不至其門。乃力詆之。耳食者和其說。先生
尋出都。文敏爲治裝。致之於畢制軍。沈時吳中知名士。多集節署。表馮都麗。先生獨布衣
徒步。居三年辭歸。留之不可。乃爲置田宅。爲終老計。文敏病篤。語其子曰。吾即遊御山人
必有悅聯。至即以勒吾墓。華表及專祠。前楹足矣。涇人包世臣慎伯。推先生篆書爲神品。
嘉定錢坫獻之。自負其篆。爲直接少溫。與慎伯同游焦山。見壁上篆書曰。此非少溫不能
作。而楮墨似百年物。世間豈有此人耶。此人而在。吾不復搨管矣。既知爲先生二十年前

作乃撫其不合六書處以相誦。陽湖錢伯垌魯斯。故服先生篆分。推為純業。復見其行草。歎曰。楊少師神境也。遂因慎伯見先生。及與論運腕法。不合。助獻之說。先生甚力。而陽湖李兆洛申者。獨以慎伯所推為當。先生卒於嘉慶十年。年六十有三。子傳密。能承其學。申者。藏先生各體書。為勒石以傳之。

清朝先正事略卷之四十四終

清朝先正事略

卷四十四

文苑 鄭元白

九

清朝先正事略卷之四十五

道逸 徐枋 戴易

平江李元度次青纂

道逸

徐侯齋先生事略

附

戴易

巢鳴盛

沈慶生

先生姓徐氏名枋字昭法江蘇長洲人侯齋其別字也父忠節公沂崇禎戊辰進士官諭德南都立遷少詹事屢疏詆馮阮為所劾乞病歸乙酉六月蘇州破正衣冠投虎邱新塘橋下死之事具明史先生弱冠舉崇禎壬午鄉試忠節公將殉國先生號泣欲從死忠節曰吾不可以不死若長為農夫以沒世可也自是隱居終其身足不入城市初避地汾湖已遷蘆區遷金壑往來靈囂支硎間終於湖上草堂地當天平山麓後人就草堂立祠祀焉先生興宣城沈壽民嘉興巢鳴盛稱海內三遺民性峻潔鍵戶不與人接書法孫過庭畫宗巨然湖法倪黃自署秦餘山人海內得其遺墨爭寶之蔡制軍毓榮慕其名具書幣屬其友人通意卻之湯文正撫吳屏驕從徒步造門者再卒不見嘆息而返所往來惟壽民及萊陽姜實節崑山宋用純同里楊无咎山陰戴易寧都魏禧門弟子吳江潘耒暨南嶽僧洪儲諸人而已黃岡杜濬於並世人獨重先生及壽民自愧不如先生耐寒飢不納人一絲一粟惟洪儲時急而周之曰此世外清淨食也嘗絕糧數日黃九烟造之出畫簾俾灑於市無售者則曰此黃九烟詩畫也乃得銀數錢歸而先生及九烟皆怒以為

洩九烟名。趣返其直。先生秦驢甚馴。通人意。日用間有所需。則以所作書畫卷。置於驢背。驅之。驢獨行。及城闔而止。不闕出一步。見者爭趣之。曰。高士驢至矣。亟取卷。以日用所需物。如其指備。而納諸麓。以為常。康熙三十三年卒。年七十有三。遺命不受弔。商邱榮華時撫吳。以不得一致。購槌於先生為憾。所著居易堂集二十卷。文辭健拔。意在扶植世教。無一諛墓駢應之作。又有二十一史文彙。通鑑記事類聚。讀史稗語。讀史雜鈔。建元同文錄。管見等書。子文正。文行有父風。早卒。戴昂字南枝。山陰人。從劉念臺先生學。游吳門。年七十餘矣。與先生一見。相得稱老友。先生歿。僅一孫。饋樹不繼。謀葬諸祖塋。不獲。南枝曰。吾為侯齋任此事。相度經年。得地於鄧尉之西。真如搗謂潘耒曰。地在梅花深處。與高士宜。第索直三十金。耒先以十金成券。會有黃山之游。南枝募於人。無應者。迺矢願賣字。以給之。南枝故善八分書。非其人不可得。至是榜於門。每幅銀一錢。貧遂集。又相旁地。并買之。南枝貧。無隔宿炊。冬月常衣給。其質字也。銖積寸累。不妄費一錢。一蒼頭。飢不能忍。輒逃去。已則寄食僧舍中。語及徐先生。必流涕云。巢鳴盛字端明。號崆峒。幼孤。事母至孝。崇禎丙子。舉於鄉。甲申。明亡。母亦歿。即築室於墓。顏其草堂曰永思。閣曰止闕。而自號止園。三十七年。跬步不離墓。康熙十九年卒。年七十。侯齋為定私謚曰貞孝先生。洪儲字退翁。興化李氏子。出家住靈巖。最久。南都覆。吳越艱。義旅。退公實左右之。辛卯。被逮。諸義士爭救之。久而免。好事如故。或戒之曰。憂患得其宜。湯火亦樂國也。侯齋先生曰。母歲

三月十九日。退翁必素服焚香。北嚮慟涕拜。蓋二十八年如一日耳。退公嗣法弟子滿天下。其最曰正志。故大學士嘉魚熊公開元也。初入山。執爨事。退公一見。輒知為非常人。其次曰宣城沈慶生。故監司壽嶽子。壽嶽死國事。慶生抱王哀之痛。遂祝髮事退。公後居洪江名大

沈耕巖先生事略

耕巖姓沈氏。諱壽民。字眉生。世為宣城人性孤峭。不妄言笑。為文好深湛之思。江右艾千子至宛陵。盛稱之一時。聲華之盛。江上二沈遂與吳中二張埒。二張渴天如。受先二沈謂。竟銅及先生。不以名位為甲乙也。明崇禎丙子。詔行保舉法。巡撫張國維以先生應。詔時流寇蹙中原。特起楊嗣昌於苦壘。倚以辦賊。而嗣昌以能文燦之招撫。為嘗試道邊。司馬堂先生伏闕上疏。謂綱常正而後可以正世風。金革奪情。乃陋儒之曲說。即嗣昌迫於君命。亦應躬履。爰行。枕戈秣草。而乃支吾旦夕。安坐京師。軍旅之寄。一付諸文燦。以招撫為上策。天下有不殺人而能生人者乎。有投柄於賊而可懼賊者乎。將來釀禍誤國。嗣昌之內。其不足食矣。疏為通政所格。再上。留中不報。黃忠端公道周數曰。此何等事。朝臣不言。而草野言之乎。吾輩媿死矣。於是臺臣何楷。錢增林。蘭友詞。臣劉同升。趙士春。相繼劾嗣昌。最後忠端有廷辨之事。皆先生發其端也。先生上書報罷。遂棄經生業。與周鹿溪。魏鏡。閻求。佐王之學。從游者數百人。無何而黨禍作。阮大鍼者。魏蘭義兒也。以新聲高會。招來天下士。冀復起先生於劾嗣昌疏中。及之。於是顧杲。吳應箕等。推先生之意。作留都防亂。

揭以攻之大鉞恨甚。及得志。按揭中姓名。將盡戮之。而以先生為首。先生變姓名。入金華山中。南都亡。遂匿跡深山。採藜藿以自食。有知而餉之者。皆峻卻曰。士不窮無以見義。不奇窮無以明操。郡守朱元錫致十金。辭不獲。度置壁中三年。未當一發視也。梁陽陳名夏。雅善先生。既入相。將特疏薦之。遣使寫書。先生不發。函對使焚之。梁陽意猶未已。先生遺書曰。襲勝謝枋得。智非不若皋羽所南也。而卒殞軀者。由多此物色耳。今之薦僕者。直欲死僕也。梁陽歎息止。自是避人愈堅。足不履城市者三十年。當事或逮之。及非道望。望然去。康熙乙卯五月卒。年六十九。疾革。命門人劉堯枝施閨章戴筆曰。以此心違天地。此身逐父母。此學逐孔孟。語畢而瞑。生平重然諾。友人周梅骨死海外。子幼。先生渡海葬之。鹿溪之歿也。貌孤為逋負所傷。先生鬻田以償。始有完明。與黃黎洲交最篤。別四十餘年矣。臨歿為書永訣。去易簣十有三日。卑遺集若干卷。閩道錄若干卷。

汪魏美先生事略

汪先生諱灝。字魏美。浙江錢塘人。少孤貧。力學。與人落落寡語。人號曰汪冷。舉崇禎乙卯鄉試。與同縣陸公培齊名。太守錢君以女妻之。初盛飾入門。先生誠之。乃屏侍婢。以疏布躬操作。明亡。遂棄科舉。姻黨欲強之試禮部。出千金脈其妻。俾勸駕。妻曰。吾夫子不可。吾亦不屑此金也。嗣因兵亂。奉母入天臺。海上師起。羣盜滿山谷。始反錢塘。僑寓北郭外。室如懸磬。處之真如。當時是湖上有三高士之目。先生其一也。當事皆重之。監司盧高允

下士。一日遇先生於僧舍。問汪孝廉何在。先生應曰。適在此。今已去矣。盧悵然不知應者。即先生也。盧嘗遣人通殷勤于三高士。約置酒湖船。以世外禮相見。其二人幅巾抗禮。盧相得甚歡。惟先生不至。為恨事。已知其在孤山。放船就之。終排牆遁去。先生不入城市。有司或以俸金為壽。不得。卻埋之。里貴人請墓銘。饋百金。拒弗納。始居孤山。遷大慈菴。又遷寶石院。匡牀布被外。殘書數卷。鍵戶出。或返或不返。莫可踪跡。遇好友。飲酒一斗不醉。氣象瀟灑。塵事了不關懷。然夜觀乾象。晝習士遁。知其耿耿者。猶木下也。康熙丁酉。黃先生梨洲遇之于孤山。頗講龍溪調息法。各賦詩三章。明年同至葛仙祠。又明年笑魯菴中坐。月至三更。是夜寒甚。菴中止布被。先生與梨洲兩背相摩。得少煖氣。明日梨洲入雲居。訪仁菴。先生矢不入城市。至清波門別去。魏叔子自江西來訪。先生謝勿見。叔子留書曰。魏美足下。吾寧都魏禧也。欲與子握手一痛哭。耳足下以尋常游客拒之。則可謂失人。先生省書大驚。一見若平生歡。臨別執手涕下。先生嘗從愚庵和尚。究出世法。叔子曰。君事愚庵。護豈有意。為其弟子耶。先生曰。吾甚敬愚庵。然今之志士。多為釋氏牽去。此吾所以不肯也。乙巳七月三十日。終於寶石僧舍。年四十有八。臨歿舉書卷焚之。詩文無一存者。起視日影曰。可矣。書五言詩一章。投筆就寢而逝。詩曰。大化無停晷。道術久殊轍。住世守頑飛。聞途猶未徹。至人本神遠。可會不可說。冰泮水遠清。雲開月方潔。一旦破樊籠。逍遙從此別。

郭此庵先生事略 附 陶汝鼎 郭金臺

此庵先生姓郭。名都。字天明。湖南益陽人。父諱以卿。貢知開縣。夙有志於道學。從吉州鄒先生守益游最久。先生幼穎異。天啟二年進士。授行人。嘗冊封閩藩。七年分校順天鄉試。得史可法等六人。歷官員外郎。出為四川參議。督江西學政。分守嶺北道。崇禎十五年。巡撫江西。黜貪墨。擢循吏。汲汲如不及。時張獻忠已偏境。賊騎充斥。先生晝夜繕守禦。兵餉無措。乃大會屬僚。凡官司一應供給。皆捐以助餉。左良玉屯兵九江。驕蹇觀望。先生惡其淫掠。檄歸之。而自募士兵為戍。語見明史。良玉傳。會有凡之者。遂乞病。棄官入廬山。逾年。北京陷。悲憤不食。南都建號。史公開闢揚州。薦授南京。搢江。辭不赴。桂王立肇慶。以兵部尚書召先生。而已祝髮為僧矣。先是洪承疇坐事落職。先生奏請起用。至是承疇入清朝。經畧西南。以故舊謁先生於山中。既得見。餽以金不受。奏携其子監筆。亦堅辭。先生見承疇時。故作目眊狀。承疇驚問。何時得目疾。先生曰。始吾識公時。目故有疾。洪默然。無都魏禧。先生撫江西所得士也。禧嘗上書曰。先生抱道履德。二十年間。所著述之文。與所交游。造就之士。必有偉論。奇人。足以振天下之矇矓。開後世之太平者。其推重如此。論者謂先生門下。史忠正之節義。經濟。魏叔子之文章。得一已足不朽。可想見師友淵源之盛矣。先生篤至性。哀樂過人。嚴而介。風骨嶄然。博學強識。工詩文。書法瘦硬。兼善繪事。寫竹尤入妙。人得其片紙。隻字。爭珍奇之。祝髮後。號頑石。又號此庵。如苦無定居。初依熊魚山。開

元尹洞庭民興於嘉魚住梅熟庵已流寓沔陽築補山堂前後十九年歸結草廬桃花江復以詩累客死江寧承天寺有女名純貞許字黔國公沐氏國變後音問梗絕遂終於家純貞能詩自署曰郭貞女先生所著有衡嶽集止庵集秋聲吟西山片石集破草鞋集補山堂集些庵雜著等書時有陶密庵者與齊名陶先生汝彞字仲調一字雙友寧鄉人也少奇慧甫就應童子試督學徐亮生驚喜得異才拔冠湖南數郡崇禎九年充拔貢生會 upper 幸太學羣臣請復高皇積分法祭酒顧九疇奏薦先生才莊烈帝特賜第一詔題名勒石太學除五品官不拜乞留監肄業於酉舉於鄉兩中會試副榜南渡後由翰林待詔改職方郎任監軍復授檢討南都覆先生獲髮滿山號忍頭隱生平內行篤父殉哀慕終身事母曲盡孝義處族黨多厚德嘗為人雪奇冤冒險難活千餘人然不自言也詩古文有奇氣書法險勁名動海內有楚閩三絕之目所與游皆天下名士而與些庵先生尤篤著有廣西涯樂府嘆古集寄雲樓集褐玉堂集嘉樹堂集若干卷些庵為序之有生同里長同學出處患難同時同志之語楚南遺獻以此庵密庵兩先生為最著云同時郭金台字幼隄湘潭人本姓陳氏恪勤公之祖也年十二遭家難匿中表郭氏符脫郭初學遂子之生而狀貌奇偉見者目為異人弱冠有聲黌序居家孝友淵默至博慨談天下事議論風生諸監司郡縣旌幣踵至吉藩延至邸館置醴賦詩常為倒屣崇禎己卯壬午兩中副榜會舉行積分法屢薦不起例授官亦不就陸武南渡登鄉舉督師何公騰蛟巡撫堵公允錫

先後論荐授職方郎中再監司倉事皆以母老辭時獻賊陷湖相閩賊潰卒復相繼蹂躪縣百里無人洞方請於督師命編裨練鄉兵為守禦全活以萬計能歸隱衡山者書授徒口不談世事惟論列當時強難諸人輒歎歎流涕及卒自題其阡曰道民郭金鑿之

何仲淵先生事略

先生名宏仁字仲淵浙江山陰人陶文簡公望齡甥也幼習外家教復從念臺劉忠正公游明崇禎丁丑進士官建平令有異盜歲久旱大江以南飛蝗食禾殆盡獨不入建平界未幾以憂去蝗遂入北鄉民益神之尋任高要縣興水利清閹權方銳欲有所施設復以父艱歸隨遭甲申之亂浙東事起強以御史召不得已就職建白數萬言或行或不行而事勢已不可支矣丙戌五月江上師潰公棄官至剡之白峯自恨不及從亡作詩投崖而絕久之復甦土人守之得不死隨後難從方外游入陶介山事山主雲藏禪師隨眾樵汲晝夜作苦同事者為先生難之先生曰吾視出沒風濤閉胸息生死者何如而敢言勞苦哉然先生猶謂去人境不遠復瓢笠往來縉雲義烏諸山與樵翁衲子侶行歌獨哭從此游益遠入山益深崎嶇崖壑醞鹽並絕所過皆留詩紀歲月遇高僧郭蓮峰徵君李松霞結廬外之交館留崇聖寺藜林風雨三人者相對嘿語終日人不測其所以居數月而病作先是已丑四月先生謂李徵君曰居此久幸稍安顧此中常有戚戚者行別子飛錫白雲之鄉耳今留一廬與家人訣違其來則示之至是病困令出所緘書讀之曰吾和齋志

奉厥所生。毀傷莫贖。於國而不忠。于家而不孝。死後勿棺殮我。當暴野三日。以彰不忠之罪。三日後火化入塔。勿附葬先隴。以彰不孝之罪。讀竟而絕。推先生之心。蓋無日不以爲可悲。而得死之足樂也。然其家仍返葬會稽玉几之祖阡。以先生本非出世者。從初志也。卒未進士。余公增遠者。字若水。志節士。亂後躬耕山中。自匿跡不與人接。先生之葬玉几山也。公子拜求其題主。余公即許諾。至期以舟迎之。來不赴。項之自棹一小艇。徑詣墓側。取舊衣冠拜墓上。事訖下山。賓主不交一辭。主人使客延之。懇留飲。則舟中已度粥一盂。羹菜一豆。取噉畢。急解維去。會葬者百餘。訖皆目送數息。謂非先生高節。余公且不易致云。

李奮園先生事略 附 鄭嬰垣 劉承錫 陸元泓

李因仲諱天植。學者稱奮園先生。浙江平湖人。先世多隱德。崇禎癸酉。舉於鄉。性蕭散自得。視世事泊如也。嘗曰。無欲則心清。心清則識朗。識朗則力堅。時時以誨學者。癸未。子諸生觀卒。先生自以有隱。慙痛自刻責。遂絕意仕進。改名確。字潛夫。國變後。家具蕩然。遂與妻別。隱陳山。絕跡不入城市。訓山中童子。自給。自署曰。邨學究。老頭院。居山十年。有僧開堂以避咥。始反其奮園。賣文自食。不足則與其妻為椶鞋。行售以佐之。好事者約月供薪米。力辭不受。有司慕其高。往訪之。輒踰垣避。所著詩文。皆弔甲申以來。殉節者。奮園者。乍浦勝地。可望見海市者也。又十年。家益困。不復能有其園。宿身僧舍。戚友贖奮園歸之。始復與妻居。時年七十矣。子震亦棄諸生。非義一介不取。二老相對。時絕食。則數曰。吾生本

贅耳待盡而已有飽食者非其人終不受或問以身後曰楊王孫之墓何必棺也又十年
鬻園僅存二楹兩耳龔文苦下墜終日仰臥客至以粉版書相問龔魏叔子來自江西造
其廬先生視姓字則強起張目視之泣叔子亦泣時方絕糧叔子探囊得銀兩贈之五
反不受固以請曰此非盜跖物也始納之買米為炊共食而別叔子屬周布衣貧曹侍郎
溶糾同志為之繼粟且謀其身後事吳門徐昭法聞之曰李先生不食人食聽其以餓死
可也已而先生果堅拒未幾卒叔子聞之曰吾淺之乎為丈夫已乍浦有鄭嬰垣者孤介
絕俗與先生稱金石交先二年凍死雪中至是先生以餓死臨歿曰吾無愧於老友矣時
康熙十一年也年八十有二墓牛橋所著鬻園集佚續修乍浦九山志世有傳本又有劉
騰庵者名永錫字欽爾魏縣人亦先生友也崇禎丙子舉人授長洲教諭署崇明縣事庭
無留獄未幾遭鼎革隱居相城有大吏造其廬欲強之出騰庵祖楊疾視曰我中州男子
年二十渡漳河登大玉躍馬鳴鞘雨河豪傑誰不知我乃以此相徇將謂我畏死耶取壁
上劍將自刎門人抱持之得解尋移居陽城湖之濱率妻女織席以食累日不舉火有遺
之粟者非其人不受老奴從魏縣來勸之歸曰室廬故在也騰庵曰吾非不欲歸奉君命來
此君亡義不可歸取乃命其子偕老奴歸時歲荒得食愈艱雜糠粃作食妻病不能下咽
竟餓死一女許字同邑某氏子某氏宦於粵音問阻絕十餘年至是請於父曰兒不辰遭
家國之變翁家存亡不可知留此身以累大人無為也遂自經死而其子之歸中途亦死

於盜是日山間適至。贖庵既無家，乃買破船一，往來江湖間。時從諸遺老游，嘗泛舟中流，鼓柁而歌曰：白日墮兮野茫茫，逐鳥雁兮侶牛羊。壯士何心兮歸故鄉，風水蕩激歌聲伊鬱。聞者哀之，錢收齋念其窮，招之往贖庵。曰：彼為黨魁受主眷，杖下時。天子以伊傅期待，今豈忘之耶？卒不往。後數年，以窮餓死。友人陸元泓葺諸虎邱之山塘，元泓字秋玉，常熟人，以志節自勵，無家園，已像於水墨尺幅中，自號水墨中人。

邵得魯先生事略 附 張廷賓

邵先生名以贊，字得魯，餘姚人。性狷潔，明季石梁陶文覺公之學，政行姚中。沈求如史子虛，其高弟也。顧頗參以禪悟。先生亦從之游，獨講求有用之學。歲饑，糾同志為義倉，桑梓德之。已而國艱作，先生欲死之，以母老不果。遂祝髮為頭陀，狂走入雪竇山中。妙高臺僧道巖者，故鄞廣文張廷賓亦姚產，而沈史講會中人也。先生依之，苦身持力，不與人接。鄞故都御史高公斗樞物色得之，曰：異人也。遣其二弟從之游。周公囊雲亦以僧服居白坑。時時過從，尋以省母返居潭上園。黃忠端公仲子澤望志節夙與先生近，至是來居園中。夜共讀謝皋羽游錄，而慕之曰：方今豺虎滿天下，五嶽之志不可期矣。四明二百八十峯近在卧樹峰，峰有吾兩人夜齒，於是始偏走山中。然山寨方不靖，所在多邏卒，而二公冠服奇古，頗遭詰難，顧不以為苦。亡何入絕谷，不知所向，方茫然求故道，不可得。俄而峰回路轉，松竹梧桐甚盛，有雞犬聲，趣就之。茅舍一椽，中有幅巾者出，問客何來，則語之以里。

宅笑曰。吾亦姚人。避世居此。不虞君之涉吾地也。乃止宿。則告曰。是為石屋山。僕故孫公。碩膚監軍陳從之也。孫公死海上。吾無所依。來此山中。遂與人世絕。因相顧歎曰。是真桃源矣。澤望書曰。得魯自甲申後。輔頰間無日不有淚痕。其稍開口笑者。則游山耳。未幾澤望卒。先生無所向。是自益下急。棄家投四明山之楊庵。時尚有一妾。先生去。亦為尼庵中。每日晨昏。各上堂禮佛。此外雖茗粥不相通。久之皆卒於庵。先生詩文甚富。散佚無存者。

余若水先生事略 附 周齊曾

余先生諱增遠。字謙貞。一字若水。會稽人。明崇禎癸未進士。除寶應知縣。劉澤清開府淮南。凌轢郡縣吏。先生投牒棄官歸。畫江之役。補禮部主事。遷郎中。事去。逃之山中。郡縣徧之。出。見乃輿疾城南。以死拒。久之事得解。草屋三間。不蔽風雨。以繫甲。承漏。聚村童五六人。授以三字經。卧榻之下。牛宮雞埽。無下足處。晨則秉耒。出與老農雜作。未嘗因其貴人。而讓畔也。同年生王天錫。為海防道。欲與話舊。先生以疾辭。天錫披帷直入。先生擁衾不起。曰。不幸有狗馬疾。不得與故人為禮。天錫執手勞苦。出門未數武。則已與一婢子。担糞灌園矣。天錫遙望。見之歎息去。冬夏一阜帽。雖至泥者。不見其科踈。先生慨世路偏仄。遂疑首鄉性惡之說。為確。至欲著論。以非孟。康熙己酉十月卒。年六十有。蓋二十有四年。不出城南一步也。疾革。苗先生黎洲造其榻前。欲為切脈。先生笑曰。某祈死二十年前。反祈生二十年之後乎。黎洲泣然而別。同時有周唯一先生者。名齊曾。字思沂。鄞縣人。先

生同年進士也。知廣東順德縣事。變社倉為義田。而以社倉之法行之。又倣西北方箭社法。修僕區。沈命之盜術。一發無脫者。國變後。棄官歸。遊入剡源。盡去其髮。為髮冢。架險立瓢榜曰囊雲。自稱無髮居士。剡源饒水石。與山僧樵子。出沒瀑聲虹影。洞天錫求。覓拒之。曰。咫尺清輝。舉目有山河之異。不願見也。為詩文。機鋒電激。汪洋自恣。寓言十九。然清苦自立。胸中兀然。有所不可。與若水先生無二也。黎洲嘗倣葉水心誌陳同甫王道甫之例。為兩先生合誌其墓云。

清朝先正事略卷四十五終

清朝先正事略卷之四十六

平江李元度次青墓

遺逸

潭遜庵先生事略 附子壽平

先生諱日初字仲升號遜庵武進人也舉崇禎六年鄉試副榜久留京師十六年應詔上備邊五策不報知時事不可為乃歸攜書三千卷隱天臺山中三年而兩京亡唐王立福州魯王亦監國紹興吏部侍郎姜垓薦先生知兵魯王遣使聘之先生意以監國為不然固辭不起大清兵下浙避走福州福州破走廣州廣州復破乃祝髮為浮圖曰明曇已復至建陽是時大兵席卷浙閩粵三行省唐王被執死魯王亦敗走海外湖廣何騰蛟江西楊廷麟等皆前後破滅而明遺臣民尚擁殘旅遂奉永明王金壇人王祈聚眾入建寧屬縣多響應於是建陽士民數百人噪於先生之門固請不得至建寧見王祈非初志也先生曰建寧入關門戶能守則諸郡安然不扼仙霞關建寧終不守也欲取仙霞宜先取浦城乃遣長子楨隨副將謝南雲先趨浦城失利皆死而御史徐雲兵連入數州縣銳甚先生說令夜襲浦城督兵繼進會大雷雨人馬衝泥淖行不能速將至城下已黎明軍遂潰大清總督陳錦手率泰統重兵來圍建寧永明王使兵部尚書揭重熙赴援先生上書揭公請運取浦城斷仙霞嶺餉道徐與圍中諸將夾擊之揭公至邵武不能進建寧遂破王

祈力戰死。先生收散卒，走廣信，尋入封禁山中。數月糧盡，喟然曰：「天下事壞散已數十年，不可救正。然莊烈帝殉社稷，薄海茹痛，小臣愚妄，謂即此可延天命。今迺至此，徒毒百姓，何益？遂散衆，獨行歸常州。」久之，張煌言與鄭成功軍薄江甯，敗走。訛傳張公弟鳳翼乃先生門人，從師匿。縣官將收捕，先生色如常，曰：「吾當死久矣，既而事解。」卒年七十有八。康熙十七年戊午也。先生少與楊建樞錢禧交，為文章，縱馳於百代，無所不覩。尤喜宋儒書，及從劉念臺先生游，學益進。嘗上書申救念臺，義聲振天下。丙戌以後，累至山陰哭祭，為之行狀，近十萬言。晚歲不得已歸常州，仍服浮園服，而言學者多宗之。無錫高世泰、忠憲公從于也。重葺東林書院，先生與同志習禮其間。知常州府路鍾泰，屢求見不納。去官後與一見，言中庸要領，喜而去。曰：「不圖今日得聆大儒緒論也。」次子極，在建甯被掠，而不知所終。三子格、懌，格字壽平，後以字行，改字正叔。自號東園草衣生。又曰白雲外史。既老，稱南田老人。陳錦破建甯時，年才十三，被掠，錦無子，其妻愛其聰穎于之。後從錦游杭之靈隱寺，遇避庵於塗，避庵因與寺主誦禪謀，俟錦妻入寺，始言此子宜出家。不然且死。錦妻故佞佛，留之寺中泣而去。自是始得歸，以父死忠于明，不應舉。惟攻古文詞，其於畫天性也。山水學王蒙，既與常熟王學交，曰：「君獨步矣，吾不為第二手。」遂兼用徐熙黃筌法，畫花鳥自為題識書之。世稱南田三絕。宋尚書學曰：「南田畫吾暗中摸索能辨之。」王太常時軌道使招至，以方出游不時至。至則太常已病革，喜甚，榻前一握手而逝。家甚貧，風雨常閉門。

餓。然非其人不與。晝視百金猶土芥也。所居甌香館。倡酬皆一時名宿。卒年五十四。四若百兩田集

祁奕喜先生事略 附 魏耕

先生諱班。孫字奕喜。小字季郎。山陰人。祁忠敏公次子也。忠敏諱彪。佳明。蘇松巡撫。少從劉忠正公游。南都破。死節。明史列傳。有子二。長理孫。以大功。兄弟第。次其行。稱祁五公子。而呼先生為六公子。初。忠敏夫人商氏嘗夢老衲入室。生公子。美志容。白如瓠。而雙足重跖。頗惡劣。日能行數百里。又時時喜跣。舉朱氏故少師忠定公燮元女孫也。忠敏靖節之月。東江兵起。恩卹諸忠。而忠敏贈兵部尚書。祁氏瘞從之。長曰鴻孫。故嘗與忠敏同受業。戡山。至是將兵江上。思以申忠敏之志。而先生兄弟罄家餉之。事去。先生之婦翁戒曰。勿更從事于焦原。突不聽。祁氏自夷度先生。以來藏書甲江南。其諸子尤憂喜結客。講求食經。四方警履屬集。及先生无弟。以故國喬木自任。屠沽負販之流。兼收垂蓄。家居山陰之梅墅。其園亭在厲山。柳車踵至。登其堂。覆壁大隧。莫能詰也。慈谿布衣魏耕者。狂走四方。思得一當。為亳社計。桑榆。先生兄弟。則與之誓天稱莫逆。耕之談兵也。有奇辭。非酒不甘。非妓不飲。禮法之士。莫之許。先生獨以忠義。故曲奉之。時其至。則盛陳越酒。呼若耶溪。姓以侑觴。又發淡生堂。子適劍術。諸書。供採擇。又徧約同里諸遺民。如朱士雅。張宗道輩。以疏附之。或告變於浙之幕府。刊章四道捕耕。有首者曰。若上乃其婦家山陰之梅墅。乃其死友所嘯聚。大帥急發兵。果得之。縛先生兄弟去。既讞。兄弟爭承。祁氏客謀曰。二人併命。不

更慘乎。乃納賂而宥其死。先生遠戍遼左。其後理孫。竟以痛弟鬱鬱死。而祁氏家爲之
破。然君子則曰。是不愧忠教子也。當是時。禁網尚疏。寧古塔將軍得賂。則弛約束。原熙丁
巳。先生脫身。適歸里社中。漸物色之。乃祝髮於吳之堯峯。尋主毘陵馬鞏山寺。所稱悅林
明大師者也。好議論古今。不談佛法。每及先朝。則掩面哭。然終莫有知之者。癸丑十一月
十一日。忽沐浴曳杖繞室。曰。我將西歸。入幕端坐。逝。發其篋。有東行風俗記。紫芝軒集。且
得其遺教。欲歸。祔乃知爲山陰祁六公子。自關外來者。遂得返葬。先生性好奇。其東歸也。
留一妾焉。披緇時。亦累東游。東人或與談禪。受其法。稱弟子。嘗曰。寧古塔磨菇天下第一。
吾妾所居籬下出者。又爲寧古塔第一。令人思之不置。東人至今。誦其風流。婦朱最工詩。
其來歸也。與君姑商夫人。似張氏。小姑湘君。時相唱和。商夫人字家婦。曰楚孌。字介婦。曰
趙壁。以志閨門之盛。先生被難。朱尚盛年。孤燈獨帳數十年。未嘗一出廡扉。自先生兄弟
歿。淡生堂書星散。論者謂江東文獻大厄運也。

沈斯庵先生事略 附 張士柳

高序。滄桑改革之際。貞臣遺老。有託而逃者衆矣。而踪跡莫奇於四明沈先生。先生名光
大字文開。一字斯庵。鄞人也。少以明經貢太學。乙酉。據於畫江之師。授太常博士。丙戌。浮
海至長垣。再豫瓊江。諸軍祿。晉工部郎。戊子。閩師潰。而北。扈從不及。聞粵中方建號。乃走
肇慶。累遷大僕卿。辛卯。由潮陽航海至金門。聞督李率秦。方招徠故國遺臣。密遣使以書

幣招之先生焚其書返其幣時粵事不可支先生遂留閩思卜居于泉州之海口浮家泛
宅忽颶風大作舟人失維飄泊至臺灣時鄭成功尚未至而臺灣為荷蘭所據先生從
之受一壘以居極旅人之困弗恤也遂與中土晉耗絕海上亦無知先生生死者辛丑成
功克臺灣知先生在大喜以容禮見時海上諸遺老多依成功入臺亦以得見先生為喜
握手相勞苦成功令麾下致餼且以田宅贍之亡何成功卒子錦嗣頗改父之臣與此軍
亦日削先生作賦有所譏或說之幾至不測乃變服為浮屠逃入臺之北鄙結茅羅漢門
山中以居或以好言解之於錦得免山旁有伽溜灣者番社也先生於其間教授生徒不
足則濟以醫數曰吾甘藪飄零絕島棄墳墓不顧者不過欲完髮以見先皇帝於地下耳
而卒不克命也夫已而錦卒諸鄭復禮先生如故癸丑王師下臺灣諸遺臣皆物故先
生亦老矣閩督姚啟聖招之先生辭姚公貽書問訊曰管寧無恙因許遣人送先生歸鄭
會姚公卒不果而諸羅令李麟光賢者也為粟肉之繼旬日一候門下時耆宿已盡而寓
公漸集乃與宛陵韓文琦閩中趙行可無錫華袞鄭廷桂榕城林奕丹山陽宗城螺陽王
際慧等結詩社所稱福台新詠者也尋卒于諸羅葬焉後人遂居臺番行成族先生居臺
三十餘年目見鄭氏三世盛衰前此諸公述作多佚于兵燹惟先生得保天年於承平後
海東文獻推為初祖所著花木雜記臺灣賦東海賦槎賦桐花賦古今體詩志臺灣者皆
取資焉也子全謝山嘗令游臺者訪先生文集竟得之以歸凡十卷錄入甬上耆舊詩焉

序。先生依依故國。與蔡子英之在漠非同。然以子英之才。豈無述作。卒委棄於絕域。識者惜焉。先生靈光巋然。得以其集重見於世。為臺人破荒亦少慰。虞淵之恨。與同時有張先生士柳者。惠安人。崇禎癸酉副榜。明亡。遊跡臺灣。居東安坊。杜門不出。日以書史自娛。辟穀三年。惟食茶果。壽至九十九乃終。

陸周明先生事略

先生姓陸。名宇燦。字周明。浙之鄞人也。父世科。明大理卿。先生少與錢忠介公肅樂共學。抗慨有大志。忠介江上之師。先生實左右之。祥興航海。風帆浪楫。得棹蓬金。鰲壯蟻附。皆一時遺臣烈士。出死力奉之。以終贖水殘山之局。雖劍踵焦糜。軀湛族不計也。方事之殷。餘姚黃北生。黎洲昆弟。亦嘗戮力共事。先生嘗偕其客十數人。過黎洲。與共計畫。客皆知四方名士。黎洲亦聞至其城西。田舍。複壁柳車。雜賓死友。每食咄嗟立辨。仰視天。俛畫地。耿耿者未嘗一日忘。其後黎洲知事不濟。自屏於窮山。先生亦不相聞問。然喜事乃益甚。江湖間多傳其姓名。以為異人。康熙癸卯。先生為降卒所誣。捕入省獄。獄具。先生竟得脫歸。未至廬而卒。先生既以好事聲其家。廬室中所有。惟草薦敗絮。及故書數百卷。詠問家人掃除其室。得布囊於亂書之下。發之。則人頭也。其弟春明。識其面目。捧之而泣。曰。此故少司馬篤庵王公頭也。初司馬兵敗。懸首於南之城闕。先生思收瘞之。每徘徊其下。一日見暗中。有頓首而去者。迹之。走入破屋。先生曰。子何人。對曰。吾漁人也。先生曰。子

必有異。無吾隱其人曰。余毛明山。曾以卒伍事司馬。今不勝故主之感耳。先生相與流涕。共詣江子雲。計所以收其頭者。江子雲者。故嘗與先生共學。又錢忠介部將也。失勢家居。會端陽競渡。將人雜沓。子雲紅笠。握刀。從十餘人。登城游擊。至梟頭所。問守卒曰。誰戴此頭也者。卒以司馬對。子雲佯怒曰。嘻。吾怨家也。亦有今日邪。拔刀擊之。繩絕。墮地。先生及明山已據立城下。方是時。龍舟噪甚。人無回面易視者。先生以身蔽明山。拾頭雜稠人而去。先生得頭祀之書室。蓋十有二年矣。而家人無知者。至是春。明始瘞之。昔李固死。汝南郭亮。左提章鉞。右秉鉄鑊。詣闕上書。乞收其屍。南陽董班亦往哭。固殉屍不肯去。樂布奏事。彭越頭下。祠而哭之。彼皆門生故吏。故冒死不復顧。先生於司馬。非有是也。徒感其忠義。遂不惜櫻當世之文網。豈不尤賢乎哉。始先生讀書時。有弟子訟其師。師不直。先生詣文廟。伐鼓慟哭。卒直其師。而後止。歸震川嘗叙唐欽堯爭同舍生之獄。以為荀生兩漢時。即此可以顯名當世。在先生視之。尋常瑣節耳。先生卒後。黎洲先生誌墓石。其文固不後震川也。先生有子二女。適同邑萬斯大。

周德林先生事略

周先生諱元愬。字柱礎。別字德林。鄞縣人。尚書文穆公應賓猶子也。以文穆任。累官南京。吏部郎中。推揚關。奉使蜀中。歸。出知貴州。思南府。母憂未赴任。而國難作。先生跌宕自喜。初欲以文章發名成業。以受門資之寵。非其好也。都御史廖大亨曰。門資豈足屈人。在人

自主耳。李衛公非起家任子者乎。唐中葉宰相無其匹矣。先生乃大喜。嘗王建國東江。先生服未闕錢忠介公招之。固辭不出。而破家輸餉無少吝。丙戌六月。家人自江上告失守。先生慟哭。自沈於水。以救得甦。乃祝髮入灌頂山中。先生故善飲。至是益縱酒。又不喜獨酌。呼山僧。不問其能飲與否。強斟之。夜以達旦。山僧為所苦。皆逃匿。則呼樵者與飲。樵者以日暮。長跪乞去。固持之。尋亦逃。先生無與共。則斟其侍者。已而侍者醉卧。乃呼月。醉之。月落。呼雲。醉之。灌頂去。先生家且百里。酒不歸。至。又穹山。難覓酒徒。乃返其城。西枝隱軒。每晨起。輒呼子弟飲。子弟去。則呼他人。或其人他去。則呼酒極之。於所往。斟之。不遇。則執途之人。斟之。於是環所居。浮石十里間。望見先生者。相率引避。不得已。乃獨斟。先生既積飲。且病。勸止酒者無所。輒張目不答。或叱去之。准江湖俠客。以事投止者。雖酣醉時。輒屢然起。接之。無失詞。罄所有輸之。惟恐後也。以是盡喪其家。庚寅。嘔血不可止。竟卒。年四十。妻俞亦以毀卒。前太常博士王公玉書哭之曰。德林兀然狂放於鞠檠間。箕踞叫號。俾畫作夜。幾不知身在何世。身外有何天地。舍此且不知吾身置於何所。昔人詩云。酒無通夜力。事滿五更心。德林爛然長醉。蓋期於無復醒時。以自全也。先生不死于水。而死于酒。其宗皇甫東生之流歟。浮石周氏。國變後披緇者三人。通城伴狂。以死。所謂顛和尚者也。順德苦身持力。畢生不入城市。所謂苦和尚者也。而先生獨以醉和尚稱。

傳青圭先生事略

陽曲傅先生山字青竹改字青玉別署公之宅亦曰朱衣道人又字晉廬六歲啖黃精不
樂穀食強之乃復飯少與孫公傅庭共學讀書過目成誦明季天下將亂諸號為縉紳先
生者多齷齪不足適憤之乃堅苦持氣節不少婚娶提學袁公繼成爲巡按張孫振所誣
孫振閹黨也先生約同學曹良直等詣通政使三上書訟之不得達乃伏闕陳情時巡撫
吳公姓亦直袁竟得雪先生以此名聞天下馬文忠世奇爲作傳以爲裴瑜魏劭復出既
曹公任兵科先生貽書曰諫官當言天下第一等事以不負故人之期曹公懷然即疏刻首
輔周延儒錦衣衛駱養性直聲震一時先生家世以學行師表晉中得其山川雄深之氣
思見諸實用時蔡忠襄懋德撫晉寇已亟講學三立書院亦及軍政軍器之屬先生往聽
之曰近故公言非可起而行者也甲申國變夢天帝錫之黃冠乃衣朱衣居土穴養母明
年袁公有九江羈燕邸以難中詩遺先生曰不敢愧友生也先生省書慟哭曰嗚呼吾亦
安敢負公哉甲午以牽連被逮抗詞不屈絕粒九日幾死門人有以奇計救之者得免然
先生深自吃恨謂不若速死爲安而其仰視天俯畫地者未嘗一日止如是者二十年天
下大定始以黃冠自旒稍稍出土穴與客接有問學者則告之曰老夫學以莊列者也仁
義禮樂即強言之亦不工又雅不喜歐公以後之文曰是所謂江南之文也乎定張濟者
亦遺民以不謹得疾死先生撫其尸哭之曰今世之醇酒婦人以求必死者有幾人哉嗚
呼張生是與沙場之痛等也又自歎曰彎弓躍駿之骨而以估畢朽之是則埋吾血千年

而君不可減者矣。或強以宋諸儒之學。則曰必不得已。吾取同甫先生。工篆隸書畫。弱冠學晉唐人。不能尚。得松雪墨跡。稍習之。遂亂真矣。已乃愧之曰。是如學正人君子。軌苦其難近。降與匪人。將不覺日。幾于是。復學顏太師。謂書竄拙母巧。竄醜母媚。竄支離母輕滑。寔真率母安排。君子謂先生非止言書也。趙秋谷推先生書為本朝第一。顧深自愛惜。不輕為人寫。母喪。貴官致賻。作數行謝之。貴者喜曰。此一字千金也。吾求之三年矣。先生既絕世事。而家傳故有禁方。乃資以自法。子曰。屨字壽髮。能養志。每日樵山中。置書檐上。休擔則取書讀之。中州有吏部郎者。故名士。訪先生。問即君安。在先生曰。少需之。且至矣。俄有負薪歸者。先生呼曰。孺子前來。蕭客。吏部頗驚。抵暮先生令伴客。獲則與叙。中州文獻。淄淄不置。吏部或不能盡答也。詰朝謝先生曰。吾甚慚於郎君。先生喜。苦酒自稱老藥。禪眉乃自稱小藥。禪或時出游。眉與子共挽輿。暮宿逆旅。仍篝燈課讀經史。驢選諸書。詰旦必成誦乃行。否則子故。故先生家學。大河以北。莫有窺其藩者。嘗批集古錄曰。吾今乃知此老。真不讀書也。康熙戊午。詔舉博學鴻儒。給事中李宗孔以先生薦。時年七十有四矣。眉已前卒。固辭不可。乃稱疾。有司令役夫舁其床以行。二孫侍。將至京師三十里。以死拒。不入城。於是馮相國溥首過之。公舉畢。至先生卧牀。不具迎送禮。魏公象樞乃以其老病上聞。詔免試。放還山。先生與杜徵君。越尤篤老。命各加中書舍人。以寵之。馮公乃詣先生曰。思命逾常格。其強入一謝。先生不可。馮公令賓客百輩說之。遂稱疾。薦乃使人舁以入。望見

午門。淚涔涔下。馮公強掖之使謝。則仆於地。魏公進曰。止。是即謝矣。翼日歸。相國以下。皆出城送之。先生歎曰。今而後。其脫然無累哉。既而曰。使後世或妄以劉因輩賢我。且死。不瞑目矣。聞者咋舌。自京師歸。大吏咸造廬請詩。先生自稱曰。民冬夏著一布衣。帽以糞。或曰。君非舍人乎。不應也。及卒。以朱衣黃冠殮。所著霜紅龕集十二卷。眉詩附焉。先生嘗走平定山中。為人視疾。失足墮崩巖。僕大驚哭曰。死矣。先生旁皇四顧。見有風峪甚深。中通天光。百二十六石柱林立。則高齋所書佛經也。摩挲終日出。欣然忘食。其嗜奇如此。顧甯人嘗曰。蕭然物外。自得天機。吾不如傅青主。

張白雲先生事略

張先生怡。字瑤星。初名鹿微。上元人。父可大。明季總兵。登萊死國難。先生以諸生。授錦衣衛千戶。甲申流賊陷京師。遇賊將不屈。械繫。將肆掠。其黨或義而逸之。久之始歸故里。其妻已前死。獨身寄攝山僧舍。足不入城市。鄉人稱白雲先生。當是時。三楚異。越耆儒多立名義。以文行相高。惟吳中徐昭法。宣城沈眉生。躬耕躬鄉。雖賢士大夫。不得一見其面。然尚有楷墨流傳人間。先生則躬樵汲。口不言詩書。學士詞人。無所求取。四方冠蓋往來。日至茲山。而不知山中有是人也。方處士仲舒。余處士公佩。歲時問起居。入其室。架上書數百卷。皆所著經說及論述史事。請貳之。弗許。曰。吾以盡吾年耳。已而市二簣。下棺則併藏焉。卒年八十有八。平生親故。夙市良材。為具棺槨。疾革。聞而歎曰。昔先將軍致命危城。無

親屬視含殮。雖改葬。親身之禭。未能易也。吾忍乎。願從孫某。趣易棺。定附身衾衣。乃卒。乾隆初。詔修三禮。求遺書。從孫某以書詣郡太守。命學官集諸生。寫之。久之。未就。書遂亡。無傳

李向若先生事略 附 真法

先生名灌。字向若。陝西郃陽人。幼警敏。讀書日盡數千言。明崇禎癸酉舉人。甲申之難。痛哭北上。與呂孝廉得璜。約同死。王事渡河如晉。其父以書止之。乃不果。棄家東渡。至角北寺。遂薙髮為僧。放浪太華黃河間。山采樂。或累歲不知所向。或黃冠緇衣。行哭都市。識者曰。此必李于向若也。迹之果然。已翩然遁矣。國初徵書累下。皆引疾不起。行踪奇誕。多寄跡僧房梵宇。與田夫牧豎。伍又自給茅庵於河澗。終歲屢空。宴如也。性至孝。負經濟才。博極祕緯。詩文清雄奇宕。自成一家。與人言。闕行浩渺。一歸本於忠孝。長吏求一見。不可得。晚歲於乳羅山。鑿石室以居。得田數十畝。名小桃花源。居數月遁去。嘗游華山。至落雁峰。方移目。有異人飛空而至。與語久之。且曰。要知未來。但觀已往。語似有道者。先生卒。雲中郭君匡廬。為題碣曰。逸民李向若先生之墓。路徵君振飛書也。同時箕柏岩者。名滋。字季騰。自號寧鳩山人。與先生同邑。少補諸生。性古執木強。言動不苟。邑賢令范公器之。招入西河書院。日與講學。論文雅好。古工考證。發明四禮。於喪祭尤為國變。後盡室入山。家卧虎岡之北谷。為土室。終歲尸居其中。間或登梁山。臨清泉。鳴琴寤。非其人。脚進去。足連。清朝先正事略卷四十六終。

清朝先正事略卷之四十七

平江李元度次青纂

遺逸

夏叔直先生事略 附 郭履謙

夏先生汝弼字叔直號蓮峰。一號蓮社道人。湖南衡陽人也。生有異稟。明季為諸生。剛介負氣。鼎革後。佯狂高蹈。無定踪。歲丁亥。衡湘兵亂。忽有稱蓮冠道人者。携一童子。囊琴至湘鄉之車架山。徼僧樓而止焉。日就古木鳴泉間。藉危石。彈琴舒嘯。已登白石峰。銅梁山觀瀑布。輒數日不返。問其姓字不對。人亦莫能測也。邑士蕭常庵見而識之。延至家。或歌或哭。與語及時事。即閉目不答。居月餘辭去。莫知所往。後聞其挈家入九嶷山。絕粒死。先生與王船山交最摯。有遺詩曰。車架山同父堂作。父堂船山自號也。船山集中與先生唱和詩尤多。車架山在湘鄉西南九十里。其對峙者曰白石峰。先生嘗與船山同游峰巔。為之記。其略曰。夫以是峰之特立。出於羣山之表。而其上蒼蒼無窮者。且如彼。是果有所謂天耶。抑無所復名之。而姑謂之天耶。天者果有所情與。則亦宜有所不情者存。何居乎。其必憐之荒遠。而始以為大乎。則吾未知其定有天焉者否也。於是兩人者。選石而坐。不能去。不能留。歌無聲。言無謂。相視久之。不得名其故。日已晚矣。乃遵所登之路而返。讀者謂不減楚騷。天問云。同縣有郭季林先生者。名履躔。崇禎壬午舉人。國變後。隱居石獅嶺下。

足不入城市。竹塢藥欄。日吟嘯其中自樂。所著涉園草。王船山南窗漫記中。咸稱之。今不

唐汲庵先生事略 附 瞿龍躍

侯先生諱字周之號汲庵。湖南武陵人。以桂林籍中崇禎壬午鄉試第一。瞿忠宣公式親見所對五策。說為異人。永明時。特疏奏授庶吉士。掌制誥。備顧問。上六代中興法戒書。奉敕入楚南。聯絡數鎮。既知事不可為。乃痛哭祝髮。華食苦庵以終。號食苦和尚。自為之記。其略云。和尚早遭荼苦。十歲遭父冤中遭刑。已伸復蹶。今蹶已甚。和尚所遭。尚未有艾也。和尚三游燕。四入雒。一過秦。再歷吳。越。晉。趙。閩。粵。乃反楚。賦帝京。託華山。訪侯嬴。豫讓墓。吊姑蘇之臺。問五湖之棹。漁舟不返。屈宋同歸。每入名山。喜獨游。夜游。雨游。雷游。雪游。石喜。壽喜。喜瘦。喜然。炬夜坐大石上。喜卧佛閣。反鎖鬼叩門。飢鼠竄。和喜與古人遇。牽其裾。平反其獄。不受古人欺。和尚喜築庵。凡過山水佳處。誅茅葺竹。負土洗石。扶石起。對立如人。與揖與談。語與默坐。然後置庵。庵成居十餘日。即厭棄別徙。如前庵前高竹數本。短竹百數十本。庵側水高二尺。來自二溪。至庵合。去復分。野草無算。白鴨一足。跛庵後。峻嶺無人跡。有木客。有大猿。時似老翁。咳。窮奇。龜。黿。鼉。鼉。野。狸。狔。狔。元。免。白。鹿。之。屬。無。算。和。尚。每。早。起。白。飯。二。盂。苦。茶。十。二。盃。酒。無。算。詩。或。一。二。首。或。數。十。首。喜。怒。笑。罵。發。狂。無。聊。往。來。昌。和。益。無。算。和。尚。以。有。明。萬。曆。四。十。五。年。丁。巳。十。月。朔。二。日。生。行。年。三。十。有。一。歲。又。八。十。八。日。為。戊。子。元。旦。築。麥。苦。庵。成。乃。告。母。兄。及。妻。妾。暨。友。人。自。今。以。往。呼。我。食。苦。和。尚。以。

戊子元旦始。元旦後六十九日。寒食前一日。記又瞿天門先生者。名龍躍。汲庵同縣人也。崇禎時拔貢。性嗜游。兀傲自喜。鼎革後常出亡不歸。所至有題詠。自鐫絕壁上。納橐瓢中。自號一杓行脚道人。詩有奇氣。多棘塞之音。與汲庵相近。

張命士先生事略

附 申涵光

殷岳

張先生蓋字履輿。一字命士。直隸永年人。少教氣節。以能詩聞。年早書甲申之變。謝去學官。弟子悲吟。僦鎖遂成狂疾。嘗游齊晉楚豫間。歸自閩土室中。飲酒獨酌。醉輒痛哭。雖妻子不得見。惟同里申涵光。難澤殷岳。至則進入土室。談甚洽。其為詩哀憤過情。恆自毀其稿。或作狂草累百。過至不可辨識。乃已久之狂益甚。竟死。涵光輯其遺稿。僅得百篇。其五言詩尤高簡。方詣古人。涵光字和孟。一字愚盟。父節愨。公佳。允死國難。事詳明史。愚盟少以詩名。河朔間。與殷岳。張蓋。稱畿南三才子。以理學訓其兩弟。皆能立身揚名。明亡後。絕意進取。晚年名益高。著有聰山集。荆園小語諸書。岳字宗山。難澤舉人。父太白。明末官陝西副使。忤楊嗣昌。坐法死獄中。宗山上疏為父乞骸骨。比歸。而京師陷。遂入西山。與其弟淵謀。舉義事。洩淵被害。宗山匿愚盟家。得免。順治初。吏部按舊籍。除知隰寧縣。甫之任。愚盟勸之歸。慨然曰。吾豈肯以一官易吾友哉。遂投劾歸。與愚盟晨夕唱和相樂也。其能詩。自魏晉以下。屏不觀。尤不喜律詩。所作惟古體。莽莽然。尚其為人。

李元仲先生事略

先生姓李。勝國諸生也。福建寧化人。名世熊。字元仲。自號寒支子。少豪宕不羈。自經史子集及秦漢唐宋近代百家無所不覽。獨好韓非屈原韓愈之書。故其為文沈深峭刻。與博雖奇。如悲如憤。如哭如笑。雖非盛世和平之音。蓋自稱其所遇也。當天啟崇禎間。金甌未缺。若預知有甲申以後事者。每論古今興亡。儒生出處。及江南北利害。備兵屯田水利諸大政。輒慷慨激。齟齬。懷有所屬望。為諸生時。九試冠同列。典闈試者。爭欲物色。李生為重。竟不可得。我朝定鼎。閩中尚擁唐王。未歸命。故大學士黃公道周。何公楷。並薦先生。徵拜翰林博士。辭不赴。嘗上書劉念臺先生。悲憤時事。及念臺靖節走福州。請寢郵。時聞其孤。薦于亥王。師入閩。序應歲貢。辭。自是杜門居。絕迹塵市。有齟齬於郡帥者。帥遣某生移書逼入郡。先生復之曰。天下人無官者十九。豈盡高尚。來書論不出山。慮有不測禍。夫死生有命。豈遂懸於要津。且某年四十八矣。諸葛瘁躬之日。僅少一年。文山盡節之辰。已多一歲。何能抑情違性。重取羞辱哉。時蜚語騰沸。先生矢死不為動。疑謗亦釋。先生既以文章氣節著一時。名大震。辛卯。壬辰。閩建昌潰賊黃布孕。剽掠過寧化。有卒摘先生園中二橋。布孕立鞭之。駐馬園側。視卒盡過。乃行。粵寇至。燬民屋。火及先生園。其魁劉大勝遺卒撲救曰。奈何。壞李公居。當是時。雖盜賊亦知有寒支先生矣。先生積壘堦。胸中侮放浪山水。以寫其牢騷不平之概。嘗詣西江交魏叔子彭躬庵諸君。相與泛彭蠡。登廬山。絕頂。追維闖賊橫行時事。太息流涕。不自知其所以然也。乙卯。耿精忠反。遣偏使覲。先生嚴拒。

之自春徂冬。堅卧不起。乃得免。先生自國變後。山居四十餘年。鄉人宗之。有為不善。曰。無使李公知也。晚自號媿庵。顏其齋曰。但月。所著寒支集。寧化縣志。錢神志。史感物感木行錄。經正錄。各如千卷。年八十有五卒於家。

董月廷先生事略

董先生名說字雨若。號媿庵。又字月山。浙江烏程人。前明尚書份曾孫也。負異才。年十七為諸生。撰大湯篇。以自勵。嘗受三易之學於石齋黃子。國變後。祝髮為僧。號南潛。從繼起大師受佛戒。盡焚其少作。繼起者興。化理宏儲。退翁也。本李氏。父嘉兆。恥與賊自成。同姓命之曰。吾祖泉陶為大理氏。所由出也。其復氏理。退翁遭國變。出家浙東。起事。諸公命者多主之。為書卷。連染幾及禍。于是眾徒皆定。而先生獨從不去。先生所與共事。繼起者為藥庵。天齋。藥庵者。明大學士嘉魚熊公開元。天齋者。宣城沈公麟生。其父壽。以故監司死節者也。先生雖遁于僧。顧海嗜文字。老益篤。相與賞析者。若江夏黃周星。九煙。吳徐枋。昭法。金陵民孝章。顧苓云美。吳江顧有孝。茂倫。徐松松之。烏程韓曾駒。人。數嘉興葉鳴盛。端明。桐鄉張履祥考夫。皆道老。遁世无悶。而皆與先生善。先生所著書。有易發八卷。河圖挂版詩律表各一卷。周禮緯律呂弦。歲差。分野。餘六書發。甲申野語補。船長語。夢史。殘雪錄。掃葉錄。西荒詩。拂烟集。草庵實雲諸集。凡三十餘種。合題曰。補樵書。補樵亦先生自號也。先生往來淳溪堯峰間。不常住持。述退翁之言。欲其無所繫。而道行教立也。其詩

清淡荒遠草書尤奇逸其首陽詠曰草笠古鬚眉首陽一樵子担柴入都城胡語青峰裏云有兩男地飢死西山趾白髮齊太公淚滴青蘋水逸顧召公言采薇人已矣讀者可以知其寄託焉

芮巖尹先生事略 附 湯泰亨 戴笠 徐白

芮先生城字巖尹江蘇溧陽人少負異才博極羣書文行為一時冠陳名夏高世倅皆師事之及明亡棄諸生躬耕窮山中高隱杜門足不履城市者四十年名夏以大學士歸鄉求一見卒不可得貽書侯問亦不發視曰山澤之臞一與貴人接便喪所守矣時人目為真隱順治十七年海寇犯江甯重先生名禮聘之先生峻謝不往所著有易象傳解四詩正言禮記通識綱目分注拾遺滄浪吟等書與同縣湯泰亨善析疑問義無虛日泰亨亦高士隱白盤山歲遇君親子卯日輒屏食堅卧不起年八十五自知死期別親友手題墓志沐浴而逝又有戴先生益徐先生白皆吳江人同以高逸著笠字耘野明諸生國變後入秀峰山為僧旋反初服隱居朱家港教授生徒土屋三間炊烟有時絕而編纂不輟潘檢討未嘗出其門白字介白亦棄諸生隱靈巖山之上浣種蔬執果据撫以自給詩畫蕭疏無俗韻政舊玉掃葉烹泉而已三十年未嘗出山一步也

李筠叟先生事略

李先生魁春字元英晚號筠叟長洲人故明諸生與潛忠先生許玉璽以異甥而莫逆交

當是時流寇披猖中原播蕩先生與潛忠論古今節義事背裂髮誓恨不能以諸生效死疆場間甲申之變莊烈帝凶問至非向號哭家人知其有死志日夕環守不得死後聞潛忠死歎曰玉重必救何顏獨生既生而無以安玉重曉我益滋戾乃收其骨葉白公隄畔撫卹其家福王南渡與同學白富路贈翰林典籍私謚曰潛忠不負同志也先生死志未遂故身雖存而心實等於死方袍角巾屏跡郊野時直指李某按吳重先生名微服過訪相見道姓名知前進士赫然為達官者也直指示勸駕意先生曰昔堯稱則天不屈頽陽之高武稱蓋美能全孤竹之潔揚子雲曰鴻飛冥冥人何慕焉今鴻已冥矣人猶不忘慕耶願全薛方逢明之節拜賜寶笈否則有死而已且君子愛人以德既已自誤又復誤人知公不為也直指慙謝去繼以高隱鴻儒額相贈先生笑而裂之遂寘李石如先生實令長洲棄官後僑寓吳門往來無間時沈君欽圻亦棄諸生與劉判庵學博及先生善三人者或終日相對默坐或慷慨歌泣外人莫能測也先生喜種竹方曲屏障悉畫竹名其齋曰竹隱蓋別有寄託非山濤王戎意也生平纂述甚富鼎革後委諸燼今存春秋三傳訂疑行於世卒於康熙丁巳年八十

陳狂楚先生事略 附 第 親

陳先生名南箕字狂農江西安福人舉崇禎丙子副榜甲申之變欲以身殉國不果遂棄妻子入歐公山山界江楚開懸崖峭壁人跡所不到先生與弟勸偕隱其中二十餘年幾

與人世隔。性奇癖。厭俗。嘗不語有所欲。則弟視其顧盼。指畫。輒喻意。朋有來訪者。與之言。不應拱揖而已。或貽以書。不發視。即焚之。偶有題詠。亦未嘗存稿。不垢敝。不澣濯。糜粥下充。恬如也。陳觀字二止。丙子舉人。偕兄隱。兄歿。慟甚。仍獨處萬山中。手一編不輟。人罕見其面。邑令張召南心慕之。凌晨徒步往訪。以一役自隨。入門。闢無人。問吳僮。以深入窮巖。對召南噴然曰。固知爾主不戒見也。但得一登堂足矣。先生弱冠時。即與弟同營墓域。為左右穴。中通以橋。冀死後得時相見。暇則携書挈壺。讀且飲於穴中。其曠達如此。

清朝先正事略卷之四十八

平江李元度次青纂

遺逸

鄧起西先生事略

先生名大臨字起西一號丹邱常熟人曾祖鼐明嘉靖中舉於鄉以母老不上春官及母
服除仍不上曰吾向以母在不往今往是利母之歿也時稱為真孝廉先生幼孤稍長能
力學受業江陰黃介子繁祺之門順治乙酉江陰城堅守不下介子與其門人起兵竹塘
應之先生募兵崇明事敗介子亡命淮南以官印印所往來書為人告覺捕入金陵獄先
生職納索饑獄急介子以其所著小游仙詩園中草授先生坐化而逝當軍戮其尸先生
號泣守喪贖其首並棺殮送歸當時稱介子之門有徐趨鄧大臨趨則抗節而死者也先
生自師死後徧走江湖本得奇才劍客而友之卒無所遇歲辛丑餘姚黃太冲先生讀書
雙瀑隱先生忽造訪雙瀑在萬山中人跡殆絕太冲問子何以知之笑不答問其所自曰
南泉視其行幃作道士裝曰吾已竄軍為黃冠矣唱和旬日與偕至武林先生上玉皇山
去甲辰太冲至虞山先生以精舍館之道侶數人曰張雲崖顧石簣皆遺民也隨訪熊先
生魚山於烏目李先生膺公於亦岸皆先生導之比太冲反棹先生送至城西楊忠烈祠
下揮涕別後遂獨游名山卒佯僚而死論者謂桑海之交逃於禪者多矣黃冠中絕少先

生在元明苦身持丸心耿耿者未嘗日下可謂無愧師門矣。崑山顧景范嘗為作傳。太冲志其墓而銘之以比西漢楊匡云。

張蒼巒先生事略 附弟 若仲

張先生若化字雨玉號蒼巒福建漳浦之丹山人弱冠師事黃忠端公得聞明誠之學崇積丙子舉於鄉兩上公車不第而弟若仲以庚辰捷南宮因留京師時忠端公以言事下非寺獄先生微服雜廝役中時時進獄問起居左右之燕都陷唐王入闕徵拜御史數月乞歸事父母以志養食貧如苦嘗搗柏葉代園蔬諸孫嘗之喀喀不下咽先生如而甘之山居四十年足不及城市未嘗以姓名通有司勵志獨行不標講學名疾惡守義懷不可犯雖骨肉至親不少假而惻隱所周悉力於人者不少新時值兵荒盜賊蜂起羣相戒曰慎勿犯張公廬終其身盜不入境鄉人多依以避難丹山在群山中巉巖阻絕日夕雲霧往來茅茨數椽上漏下溼豺虎交橫時或杖登陟徜徉泉石間嘯歌自得年六十六正襟危坐無疾而終子士楷能繼父志隱居不仕潛心性命之學稱儒宗焉若仲字聲玉號次變其學以不欺為本一嘖笑不苟作止語默持以敬若性成焉崇禎丙子與兄蒼巒同舉於鄉庚辰成進士例選州牧性廉靜不願任煩劇改投益府長史居官清儉所費益潘敬禮之以母病乞休歸母歿廬墓三年鼎革後山居五十年清修獨善藝圃一區菜蔬薯蕷度給賓祭餘悉種梅竹栽時灌漑身自為之時義著牽犢飯隴畝與野夫雜處晚歲

益勇爲教。爲飲人以和。遇鄉里有爭訟。勸之以誠。久而化焉。邑濱海。有蝗起。羣飛蔽天。闕未稼。草木葉噉盡。民多聚訟。或泥首禱之。獨先生所居數里外。無蝗患。里賴以安。時康熙二十九年也。丁卯秋。夜風雨大作。所居屋盡拔。先生獨寢地上。黎明。人視之。毛髮爲悚。年八十四以壽終。鄉人稱其兄弟爲丹山二先生。同祀鄉賢祠。

夏元真先生事略

附

李孔昭

張翼星

杜越

夏先生道一字元真。直隸大名。人明崇禎中舉人。性高潔。兩上春官不第。輒隱居自放。甲申後。絕意仕進。率子弟耕。前迹不入城市。食不給。每操斤斧。作紡車自衛。或携婦績。隄易薪。米市人利其精細。爭購之。口不言值。得錢入懷袖。輒短衣行歌。旁若無人。家居自爲詩。文寓赫蹠紙十許。有窺之者。即投之水。火。諸子皆不令讀書。鞭牛負薪而已。同時畿輔間。以高逸著者。曰李潛夫。孔昭。張三。明翼星。杜紫峰。越。孔昭字潛夫。荊州人。性孤峭。前崇禎癸未進士。見時事日非。不赴廷對。以所給牌坊銀百二十兩。留助軍需。去隱盤山。甲申都城陷。白衣冠哭田間者。三載入本朝。貞隱不出。會詔求遺賢。巡撫列名以薦。得旨召用。謝不赴。事母至孝。嘗封股愈母疾。妻王氏。於荊州城陷時殉節。義不再娶。子居教授生徒。所成就者衆。及卒。門人私謚安節先生。翼星姓張氏。字三。明。左衛人。崇禎末舉人。精理學。尤長於易。家貧不仕。隱於卜肆。日獲百錢以自給。衣履常不完。盛夏猶絺冠。氈笠。晏如也。從弟元錫。官總制。屢迎不一往。有所遺。擇其小且劣者受之。其孤介類此。杜越字君異。號紫

張翼星 杜峯 杜芥

峰。客城人。邑諸生。為同郡鹿忠節公高弟。與孫夏峰徵君友。互相砥礪。學成不求聞達。毅然以繼。往開來為仕家。貧布衣蔬食。授徒自給。一時才俊士。無近遠咸師事之。康熙十七年。詔舉博學宏詞科。有薦先生者。徵至都。以老疾乞歸。

杜茶村先生事略 附 弟芥

杜先生濬字子皇號於村。湖北黃岡人。明季為諸生。避亂居金陵。少儻。嘗欲赫然著奇節。既不得有所試。遂刻意為詩。以此聞天下。然不欲以詩人自名也。於並世人獨重宣城沈眉生。吳中徐昭法。自媿不如。其在金陵與方君仲舒善。旦晚過從。非甚雨疾風無間。仲舒望溪先生父也。金陵為冠蓋輻輳之衝。諸公貴人求詩名者踵至。先生多謝絕。錢牧齋嘗造訪。至閉門不與通。惟故舊或守土吏。徒步到門。則偶接焉。門內為竹圃。先生午睡。或治事則外鍵之。關外設坐約客。至視鍵閉則坐而待。不得叩關。雖大府至亦然。及功令有排門之使。有司注籍優免。先生曰。是吾所服也。躬雜廝與夜巡繚。眾莫能止。嗜茗飲。嘗言吾有絕糧無絕茶。既有此塚。因拾踐茗聚封之。謂之茶邱。年七十有七卒於揚州。喪歸。故人謀卜兆于世濟曰。吾有龜。而以葬事奪二三君子。是謂我非人也。亡何世濟亦卒。又數年。陳公滄洲來守金陵。始葬諸蔣山。北梅花村。先生詩最富。世所傳不及十一。手定者四十七冊。吳梅村嘗云。吾五言律得茶村焦山詩而始進。闕百詩於時。賢多所訾。獨許先生五律。稱為詩聖。已刻者曰變雅堂集。弟介字倉略。號些山。明季諸生。與兄茶村辟難同。

居金陵。二先生行身略同而趣各異。於村峻嶺。孤特自逸。遇名貴人。必以氣折之。於眾人。未嘗接言語。用此叢忌嫉。然名在天下。詩每出。遠近爭傳誦之。先生則退然自同於眾人。所著詩歌古文。雖子弟弗示也。方壯喪偶。遂不復娶。所居室漏且穿。木榻。敝。惟數十年。未嘗易室中。終歲不掃除。每日中不得食。兒女啼號。客至無酒。擿意色。閉無幾微。不自適者。行於途。嘗避人。不中適與人言。雖兒童。廝與。惟恐或傷之也。後茶村七年卒。年亦七十有七。有些山集。

王倫表先生事略

王先生大經字倫表。江蘇東臺人。好學。勵名節。明季嘗應童子試。鼎革後。授徒養親。不復出。康熙間。巡鹽御史魏雙鳳見先生文。曰。當世軼才也。薦諸朝。辭不起。會詔舉博學鴻詞科。太僕卿郝君浴將薦先生。力辭。乃得免。嘗為巢父許由論曰。天下何為而亂也。王子曰。亂生於求。求生於欲多。所欲則多。所求強者。求之以兵。兵弱者。求之以色。笑人求之以智力。詐偽。物求之以爪牙角毒。於是。有敗倫壞紀。寡廉鮮恥。傷類。圮族。剝膚橫噬。伏屍流血之事。而天下馴至於大亂。堯舜治亂之聖人也。其為道。孜孜皇皇。已飢已渴。誠恐天下後世。有急功利。鶩聲華者。必藉口堯舜。以陰濟其欲。而明騁其求。天子是生。許由巢父。使與堯舜並世。而處有堯舜。而養人之欲。給人之求。使天下安然。各得其所。欲各遂其所求。而天下之亂。以治。有許由巢父。而一無所欲。一無所求。使天下之貪者。廉。躁者。靜。競者。

讓淡焉各懷一無欲無求之意以去泰去甚而天下之亂又以治然則堯舜巢許者皆治亂之聖人也孔子之贊堯舜也曰巍巍不與曰蕩蕩無名彼堯舜者絕不以天下介其中而不翦不斷監門臣虜堯舜之心曠然一巢許之心也其所異特用耳雖然堯舜以有用為用而許由巢父以無用為用終不可謂堯舜有巢許之心巢許遂無堯舜之用也是故堯舜巢許者皆治亂之聖人也嗟乎大庭粟陸之世其民功功穡稼老死不相往來人人皆許由巢父也自世道漸降大樸漸漓而嗜欲日開營求日甚膺時遺會者乘便邀利而無真事功授徒講學者希榮稽古而無真學術砥飭高行者世味實深而無真名節則皆巢許之罪人也不觀南陽之卧龍乎澹泊明志寧靜致遠方其躬耕隴畝若將終身及應聘而出卒能輔昭烈定漢室稱王佐之才繼而託孤寄命鞠躬盡瘁推古今臣節第一嗚呼孔明天下奇才吾不難其才而難其用才之心然則孔明者有巢許之心而出為堯舜之用者也使無其心縱有才亦不可用國家尚何賴有才臣哉故吾謂學堯舜者必先自學巢許始先生所著周易釋箋毛詩備考三禮折衷四書逢源錄史論字書正偽醫學集要諸書皆佚惟文集八卷存又嘗輯泰州中志十八卷卒年七十二

吳野翁先生事略

先生姓吳氏名光宇與嚴武進人十齡喪母哀毀如成人幾滅性比就傳日誦數千言有文名久之厭帖括究心經濟務為有用之學所論著自成一家言甲申之變慟哭求死不

得取所擬時務策並雜著火之自是絕意人事。結廬於滬東僻壤日閉門讀易倦則徐步隴畝與田夫畚耨較量晴雨。話桑麻嗒焉自放於山水間。大吏物色之堅謝弗出。作野翁傳以見志。其略曰。野翁無姓氏。問其年亦不記。甲子性不喜城市。雖居城市胸中自謂有邱壑也。故自號曰野翁。翁為人少可而多怪。落落然寡語。然實平易近情。雖樵夫牧豎未嘗有所怍。少讀書。得古人大意。晚年一切束高閣。編茅插籬廬於中田桑柘間。將終身焉。不復問人。閔世亦不復知有人。閔世或訝其作古。翁笑曰。吾自樂此不疲也。暇則把壺自傾。不覺歌呼為。而翁更未嘗以詩酒問世。所最適意者。荆扉畫掩。抱膝靜坐。曰。吾今日猶能置身羲皇以上也。標技野廬庶未遠乎。既自號野翁。人亦稱之曰野翁。野翁云。先生所著有弄丸吟一卷。大學格致辨一卷。論孟合參一卷。中庸說一卷。讀書錄鈔一卷。五願齋文集耕娛集。遂初集。野翁記共若干卷。而易相十笈。兼窮象數義理。所得尤深。其盤屋李二曲先生善。二曲為作傳。以比吳康齋所述之龍潭老人焉。

陳逸子先生事略

附

朱之宣

李嘗也

陳先生名五監。字逸子。湖南攸縣人。父來學。兄弟罵賊死甚烈。逸子終身痛之。性兀傲。意所不可。雖貴人必面折其非。少補弟子員。國變後。痛君親之難。遂祝髮。號南雲行脚。一號衲拾殘。錢受之。宗伯。吳梅村官詹。與先生結方外交。相唱和。工詩。廣致書畫古玩。嘗游吳越。行笈一肩。瓶鉢外皆經史書籍。意氣抗慨。有古俠士風。其胸中浩浩落落。嬉笑怒罵。皆

別有故人莫能測也。年五十五卒於西泠。湘潭王山長為之傳。同時有朱子昭者。與齊名。子昭名之宣。湘陰人。少有學行。負氣節。鼎革後。隱於樵。自號砍柴行者。戊子。義師之役。楚人多與其謀。事後。因之成大獄。湖湘遺老。株連繫累者。三百餘人。子昭與焉。獄數年。始解。集中有釋繫奉別陶密庵年丈詩。指其事也。李先生嘗之。字百艱。湖南平江人。家天岳山之麓。明季為諸生。入本朝。棄巾服。躬耕讀書。生負異才。有智略。兼精士道術。綏遠將軍蔡毓榮耳其名。致聘入幕府。削平黔滇。先生謀居多。功成。擬奏授官。力辭歸。見親知貧窶者。立解裝周之。隨手盡。遂徧游衡岳九嶷武當天台武夷諸名山。居武夷最久。與高僧遺老結方外交。工詩古文。書得晉人神韻。人爭寶之。著有百艱詩文集及布帆集破草鞋等集。

八大人事略

八大人者。逸其名。故明宗室也。為諸生。世居南昌。弱冠遭國變。棄家遁奉新山中。祝髮為僧。住山二十年。從學者常百餘人。臨川令胡君亦堂聞其名。延之官舍。年餘。意忽忽不自得。遂發狂疾。忽大笑。忽痛哭。竟日一夕。裂其浮屠服焚之。遠走會城。獨身伴狂。市肆閉。嘗戴布帽。曳長領袍。履穿踵。決拂袖踰墻行市中。兒隨觀譁笑。人莫識也。其狂甚。曾止其家久之。沃良。已。山人工書法。行楷學大令魯公。狂草頗怪偉。亦喜畫。水色墨色。焦。怪石花竹。及蘆雁汀鳥。翰然無俗韻。人爭寶之。飲酒不能盡二升。然喜飲貧士。或市人屠沽。邀之飲。輒往。任飲輒醉。醉後墨濡淋漓。不甚自愛。惜數住城外僧舍。離僧爭鬪之。素畫。至牽袂。

捉衿不拒也。士友餽遺之亦不辭。然貴顯人欲以數金易一石不可得。或持綾絹至。直受之。舉懷素語。謂將以爲鞭。以故貴顯人求山人書畫。乃反從貧士山僧屠沽兒購之。一日忽大書啞字。署其門。自是對人不交一言。然善笑而喜飲益甚。或招之飲。則繒項撫掌笑。聲啞啞然。又喜爲藏鉤拊陣之戲。賭酒勝則笑啞啞。數負則拳勝者背笑愈啞啞。不可止。醉則往往泣下。邵青門客南昌。見山人於非蘭寺。握手熟視大笑。夜宿寺中。剪燭談。素筆書几上。相酬答。山人有詩數卷。藏篋中。秘不令人見。題跋尤古雅。閑雜以幽泣語。不盡可解。嘗與非蘭寺僧澹公數札。不減晉人語也。山人面微頰。豐下而少髭。初爲僧號雲窗。後更號曰人屋。曰驢漢。最後號八大山人云。山人負重名。世多知之。然竟無知山人者。山人胸次滂滂鬱結。別有不能自解之故。如巨石室泉溼絮之遇火。無可如何。乃忽狂忽癡。隱約玩世。假令山人遇方鳳。謝翱。吳思齊輩。其搥腕痛哭當何如也。而世乃目之曰狂士。曰高人。淺之乎。知山人矣。悲夫。

一壺先生事略

一壺先生者。不知其姓名。亦不知何許人。蓋前明遺老。若雪庵和尚補錫匠之流亞也。衣破衣。戴角巾。佯狂自放。常往來登萊閩。愛崂山之勝。居數載去。久之復來。莫可得而跡也。好飲酒。每行以酒一壺隨身。人稱之曰一壺先生。知之者飲以酒。即留宿其家。閑一讀書。輒歛歛流涕而罷。不能竟讀也。與即墨黃生萊陽李生善。兩生知其非常人。皆故事之。或

就先生宿。或延先生主其家。然先生對兩生。每矐目無語。輒曰。行酒來。余爲生痛飲。兩生度其胸中有不平之愆。而外自放于酒。嘗從容叩之不答。一日。亭生策蹇山行。望見桃花數十株。盛開臨深溪。一人獨坐樹下。心異之。曰。其一壺先生乎。比至。果先生也。方提壺下馬。與先生共飲。醉別去。先生踪跡既無定。或留之。乃去。去不知所之。已而又來。康熙二十一年。去即墨久矣。忽又來居一僧舍。視其容貌蕉萃。神氣惝恍。異前時。問其所自來。不答。每夜半即放聲哭。哭竟夜。閱數日。自經死。時年垂七十。

清朝先正事略卷之四十九

平江李元度次青纂

循良

駱挺生太守事略 附 崔宗泰

駱君鍾麟字挺生號連浦浙江臨安人順治四年中進士副榜官吉州學正遷陝西藍屋知縣高政先教化臨事裁決如流察微洞隱若家至戶曉人畏之如神渭水決壞城郭廬舍君齋沐臨禱請以身當其衝河卒他徙每春秋大會明倫堂進諸生迪以仁義忠信之道增刪藍田呂氏士約頒諸學舍朔望詣里社講聖諭十六條訪耆年有德孝弟著聞者召使見與均禮歲時勞以粟肉立社學擇民間子弟授以小學孝經飭保伍修社倉百廢具舉民有爭訟後悔願寢事者令兩造得自言愆遣之所禁治即豪右居間莫能奪俗多錮婢女至老不嫁君下令禁止里婦有拒教自裁者為具棺殮葬率僚屬為文祭之李中孚先生縣人如君數造其廬事以師禮攝興平郭兩縣俱就理興平豪右分四門為部黨健聞訟捕吏短長前令不能制君按治主者黨皆散擢兵馬司指揮歷西安同知遷常州知府常州絲賦重科條繁多吏緣為姦前官屢以積逋去君立法鉤校清積逋吏受成事而已漕運官常歲餽金三千君曰利若金如吾民何卻之諸漕卒皆斂手奉法册延陵書院迎李先生於藍屋講學其中率諸僚屬及薦紳學士北面聽講問為治之要李先生曰

天下之治亂在人心。人心之邪正在學術。公能大明此學。人心正。風俗移。治道畢矣。君書其言。名曰匡時要務。終身誦之。已而靖江江陰無錫諸有司。爭迎李先生會講。明倫堂李先生為發明性善之旨。格物致知之說。遠近士蒸然向厥。吏治亦丕變。康熙九年大水。發倉廩勸富人出粟賑。民無流亡。明年夏復旱。君蔬食。高衣草屨。步禱二旬不雨。則詣獄長跪責躬。籲天。就獄中引見屬吏。耆老言太守不德累吾民。涕淚并下。雨大至。尋丁母憂去官。數千人號哭乞留。不可。至罷市。既歸。連遭父喪。勞毀卒。年五十有三。士民咸為位尸祝之。繼君而起者。有崔太守宗泰。遼東人。由松江郡丞遷守常州。性明察嚴毅。有幹略。始至會征閩。大軍十餘萬駐郡。牧馬數町。人情懼。君先期儲待。供張立辦。嘗令獄囚丸泥數斛。左右莫解。忽將軍馳騎郊外。索彈丸。君立取以應。其纖悉預備。皆此類也。有游騎十人。入村落。逐婦女二人。溺河死。君聞之。夜叩營門。白將畢戮一人。貫七人耳。鞭隊伍長十餘人。一軍肅然。又時單騎按行城外。遇小有剽賊。遣隸傳呼曰。崔太守來。則皆引避。去。有求輒應。將卒亦以是德君。令甲郡。漚以推官監兗。時推官懦。而衛弁橫甚。君以法繩之。卒聚而譁。會兵備。迫缺。台檄君攝理。并令監兗。弁惶恐。謝君。賞其罪。命急。兗漚無病。竟事無譁。未幾左遷去。民奔號能。可遠詣闕。請留者萬人。不得。後再過思陵。父老爭餽。疏米使難。君謝之。為受一二。皆泣叩頭去。論者以駱君治行類黃帝朝。而君比之趙廣漢。張敞云。

白林九刺史事略

白君登明字林九遼東蓋平人隸漢軍鑲白旗順治二年以貢生受柘城令禽諸盜渠按以法設條教勸民耕講政最遠知江南太倉州釐賦祕除耗羨雪諸冤獄時海墻民居困亂蕩析君召民開墾復成聚落十年海寇犯劉河堡闖入內地君備禦甚力寇逾十六年夏海寇破鎮江犯江甯敗走急攻崇明火礮聲三晝夜不絕巡撫蔣國柱治兵策應欲先遣一人往以師期告莫敢前君乃駕一檣夜半渡絙城入眾知援兵將至守益力寇遂遁州有劉河久塞君按劉河北支有朱涇春宋范文正新塘遗迹在焉請於院司開鑿五十里巡按李森先知其能令大開劉河六十里復故道於是震澤東北諸水並得入海居民賴之崇明民田舊有加征蘆課銀萬三千餘兩力請於院司以免有大吏按州索賄弗予先是寇棘時需餉無出以雲南協餉應之卒為大吏所糾落職州人列治狀上院司乞為申請弗得遂立祠生祀之坐廢二十餘年會臺灣用兵許入貨贖誑誤福建總督姚公啟聖巡撫吳公興祚素知君代為入貨復任高郵州值湖決築清水隄君設法授食禁吏胥剋減役人踴躍院成命曰永安歲荒請蠲賑勸富民分食明年復大水再請蠲賑溺者拯之病者拊之以勞疾卒官高郵人醵金以殮哭聲震野太倉人聞之亦巷哭設祭於生祠康熙二十六年入祀名宦祠其鄉鎮諸民各肖像立生祠凡四處

宋其在刺史事略

宋君必達字其在湖北黃州人。順治八年進士。知甯都時。經寇亂。民多遷徙。地不治。乃請
蠲通以來之貸。以半穀。甯二歲田盡闢。縣瀕河。夏雨水暴漲。城且沒。君禱於神。水落乃按
故道濬之。自是無水患。康熙十三年。耿精忠反。自福建出攻江西。羣盜多響應。甯都故有
二城。南民北兵。君曰。古有團練保甲。義勇弓弩社。民皆可兵也。王文成破宸濠。嘗用之矣。
遂以其法訓練。得義勇八千。及盜前鋒薄城下。營將劉某邀君計事。曰。人眾食乏。奈何。君
曰。人臣之義。有死無二。賊本烏合。掩其始至。可一鼓破也。劉遂率所部進。少卻。君以義勇
橫擊之。盜奔。已復率眾來攻。君嬰城守。會援軍至。圍解。或謂巡撫縣若堡多。從賊請擊之。
巡撫已發兵。君刺血上書。爭之。乃止。事定。彙以註誤去。道出豫章。為盜所得。脅之降。大罵
不屈。繫旬餘。夜半有甯都民數十人。持兵踰垣入。擁以去。得脫。既歸里。時江督董衛國。已
移鎮湖廣。見之。歎曰。是死守孤城者邪。吾為君咨部。還故職。且以軍功敘。君進謝再三。既
而語人曰。故吏如棄屨。忍自媒乎。褐衣蔬食。終其身。甯都民歲時祀之。

趙天羽給諫事略

趙君吉士。字天羽。安徽休甯人。寄籍杭州。補諸生。順治八年舉鄉試。康熙七年。選山西交
城知縣。縣北有交山者。巖谷阻遠。與靜樂永甯所隸諸山相屬。袤延八百里。自明季為盜
窟。順治二年。巡撫馬國柱招降諸賊渠。盜稍戢。五年。禁民間養馬。交山故產馬。千總路時
運奉徵。巡山索有馬者。金不訾。土人情。殺時運。以作亂。於是靜樂永甯諸盜並起。巡撫

祝世昌遣兵三千討之。熾其渠且盡而大同總兵姜瓖反。撤兵去。餘盜復熾。六年春。交山盜與瓖黨姜建雄合。兵破交城。天水汾州清源徐溝太谷數州縣。官兵敗之。復諸州縣。瓖誅。建雄走。餘盜匿山中。招納亡命。與靜樂永甯諸盜相糾結。潛出劫掠。日滋蔓。官兵不能制。君性伉慨。喜立事。又沈深善謀。其將之官也。或問若何靖盜。君曰。百年通寇。猝難盡除。其必先撫後勦乎。不先撫無以攜其黨。不終勦無以絕其根。到官日。輿從甚盛。及旬。山民投撫者數十人。人給一示。令招徠其黨。大閱於南門外。分鄉營兵列左右。士民願與杖者聽得技優者百人。賞錢萬。退而喜曰。民可用也。其年飢。錄山中貧民七十人。完廩舍。使家人與雜處。日狎。詢羣盜陰事。悉白。遂申警備。集鄉大夫於明倫堂。諭以守城不嚴。俾家出一丁。與民均徭。分夕巡。每夕得百二十人。設城總督之怠者。罰城中廩。然遂行保甲團練法。十家為甲。設牌遮輪。輪者為甲長。十甲為保。保有練總。百家以上聯為鄉。鄉有督。有犯法者。甲長告練總。練總告鄉督。達於縣。匿者連坐。不入甲者。以姦民論。法既行。却盜相戒。毋入交境。交賦額二萬二千。山賦居大半。率抗官不償。有河北都賦倍諸都。是年旱。雨雪傷麥。臣君從數十騎。入河北都。道險。抬易輿而騎。已而步行山中。聞官至。出餅酒為供。君為陳朝廷威德。當力耕保妻子。慎勿為盜。取族滅。聞者踈慙。日暮宿土窰中。有告訐者。平其曲直。時左右給侍多賊黨。君若弗知。明日復深入。陰察地勢險易。與民情順逆。至木樂窰。把總蘇成民率兵迎之。乃偕出。就輿歸。是歲山中民無通賦者。交山饒材木。異時居民

歲米伐設廠山口通商販康熙初為文水民所訟禁不得立廠商人多趨文水山民重困益去為盜君白大吏復聽民立廠交易如故不一月流民復業者數百家是年八月充鄉試同考官而蘇家崖礦盜起眾至二十君還縣或請急發兵捕之君曰此飢民逐利非有劫殺人罪也吾當計散之但發粟數紙令廣買糧卒賊謂官兵且大舉奔散去捕得數人置之法未幾交山賊楊芳林芳清等劫汾陽劉氏傷數人火其居官兵至乃卻九年正月君入山勸農有惠崇德者故從姜瓖反瓖敗亡命至是跪馬前自首願效死君好語撫之為易名重生明日至惠家莊宿重生家詢二楊所在得實又明日大饗山中民命二卒立禽二楊至杖二十繫之而密遣數卒從間道械二楊入城時山民數百皆賊黨愕視不知所為徐命酒徧飲山中民度二楊行既速乃整伍出山去及暮行八十里賊渠任國鉉鍾斗等糾眾尾君聲言欲奪二楊君整伍反賊懼還走入山頃之有陝西叛弁黃某部眾二百餘入葫蘆川與任國鉉鍾斗合葫蘆川有東西兩川四山環之最險隘賊分踞其中黃弁至共劫汾陽朱氏羊萬頭日殺羊饗眾圍起事君欲以計開之遣山民持書一函時共會飲付斗國鉉黃弁得書先發視則大驚遽起立大罵斗國鉉率眾馳馬西出山去先是君請於太原副將朱龍調守備祖光顯率兵三百屯交城東關至是將入山搃盜城中父老請緩師先往說之時國鉉已失黃弁則恐率屬千餘詣縣自訴無反狀願就撫乃罷兵還太原靜樂李宗威者踞周洪山為盜主畜兵馬糧草甚盛九年春遣其黨趙應龍等

劫清源溫氏。過教官李開秀殺之。君聞。令練總率鄉兵要其歸。困之馬鞍山。已而逸去。復劫汾陽劉氏。為官兵所賊。於是君購賊胡蘆川。復三人。訊之。得應龍。劫汾陽狀。乃遣惠重生入山。說國鉉等。謂官兵且勦胡蘆川。若能得趙應龍。以獻者。可脫罪。國鉉信之。致書李宗威。給應龍。至縛之。付重生。詣縣獄。應龍恨為它盜所賣。乃盡發諸盜陰謀。謂欲靖盜。非先除宗威不可。且為君畫計。君乃械應龍赴太原。而自往勦宗威。期甯武協兵三百。自北入。而太原協兵。聲言自東入。令把總蘇成甫率兵自南入。駐兵惠家莊。君繼之。別遣重生往說國鉉等。俾毋動。羣盜見官兵勢。咸皆洶懼。又聞所購止宗威。率自保。莫為用。宗威窮蹙。挾數十騎。西南走成甫。追及之。縛以獻。宗威既禽。賊黨益渙。兩胡蘆賊。日夜為備。且謀劫縣城。君乃從容治文書。行鄉飲酒禮。與諸僚友登山燕飲。泛舟城南湖。為歡樂。賊備少弛。以城中民多為賊耳目。禁不得入山。兩胡蘆去縣治百六十里。近胡蘆口三十里有廢堡。曰靖安。宗禎聞。築以屯兵者也。順治初廢。君言於大吏。復之。十年秋。鳩工興築。會總督奉廷旨。以交山盜屢發。宜酌調官兵。勦殺淨盡。君至太原。言於上官曰。交山有名劇盜。不過十餘人。其它率烏合。一聞勦殺淨盡之語。竊恐山中向化之民。畏罪自疑。反甘為賊。用今靖安堡初復。但請協兵三百。統以守備。以駐防為名。刻期入山。賊可一戰禽也。從之。冬十月。君自太原偕守備姚順。率兵至縣。期十三日進。初八日大閱。明日大享賓。夜半席未散。君起上馬出南門。則姚順蘇成甫已統兵集門外矣。既會師。令疾驅之。未五鼓行四

十里至水泉灘飲犒畢始語順等曰此行也奉詔討交山賊非為駐防來少違且得罪遂令百總王國振率騎兵五十步兵百由西冶川進襲東葫蘆蘇成甫統兵二百襲西葫蘆君偕順率兵四百進駐東坡底語順等曰賊謂吾由堡進兵逆堡以東必設備今由間道得至此此地為兩葫蘆要道據此則東西之援絕矣國鉉等初聞執順刻期進堡各戒嚴計分其黨偽就撫以餌順及期遣賊至堡迎順既至寂然賊大驚疾走還大呼官兵入山矣兩葫蘆賊聞兵至皆走上三座崖三座崖者居兩葫蘆中間勢陡削賊傳語山中民官兵至且番山急上崖可免從之者千餘人君帥兵進前鋒報曰滿山皆盜君令安營止宿明日令人至崖下語崖上人曰官謂汝等皆良民毋為賊脅官且按戶稽查不在者即以賊論至日中眾稍稍去及暮在者約二百餘人君曰此真賊矣然賊踞險吾兵仰攻必多傷賊乏食且走禽之易矣乃分兵為四要賊去路君收軍駐橫嶺已而崖上賊果走伏兵起禽獲頗眾君復益兵進獨石河入爛圍山而水甯盜馮養成知葫蘆賊勢不敵糾眾來援官兵大敗之餘賊多逃入鄰境君馳報太原府發諸縣兵夾勦而已收兵駐獨石縱諸降賊質其妻子俾捕它盜以自贖已而它盜先後俱就獲生得者三十二人其餘或降或自到入山旬有六日交山盜悉平乃召山中民始終不作賊者三十七家資以羊酒立為約正其素不與徭役者千四百三十家編其籍入都圖自後交山無賊患初君患山中路深陞命山中民都具一圖圖列山溝徑遂鱗比為大圖日召山中父老詢其曲折注圖附

以次及永甯靜樂所隸諸山。較若指掌。每得賊善遇之。詰以諸賊去來蹤跡。益悉以故所向。輒得賊。其在上官前。預設方略。無不酬。而太原知府周令樹。策君必能辦賊。上官深倚之。未嘗拘以文法。卒能成功。居官廉。軍中賞賚。悉出私財。班師日。鄉大夫餞金五百為犒。卻之。治交城五年。百廢具舉。論平賊功。徵入為戶部主事。以母憂歸。服除。補故官。復以父喪歸。再起為戶部主事。二十五年。權戶科給事中。有忌者劾君父子異籍。下吏議被黜。旋補國子監丞。四十五年卒。官年八十。交城祀之名宦祠。著有文集及寄園寄所寄諸書。

李伯若明府事略

李君名麟。字伯若。湖北孝感人。順治九年。以貢生。知將樂縣。始至拜龜山先生於書院。新其祠。刻先生遺書。名諸生肄業院中。嘗曰。禮讓不興。國何由理。每朔望。率僚佐詣觀化亭。為縣人講鄉約。春秋行鄉飲酒禮。時至邨落閒。問氏所疾苦。收豎婦女。皆環集導之。以善。肫然如家人。期月。縣人悉向化。境內無賊盜。訟庭稀。鞭扑聲。初至官。與家人約曰。在官俸金外。皆贓也。不可以絲毫累我。官廨有桂二株。方花開。君指之曰。此亦官物也。擅折者必治之。自是家人不敢簪桂。花嘗出郭省飲。從僕摘道旁一橘。顧見之。責曰。豈可壞法自汝始。立下馬杖之。命償其直。居三年。上官有索餽者。無以應。遂去官歸。縣中人數萬。焚香擁馬首。行至境上。皆號哭。返家繪像祀之。君性和易。未嘗厲聲色。與僮僕語。款款。惟恐傷其意。家居時。策蹇驢過戚友家。飲酒微醉。嬉笑而返。宅前有柳數株。時坐其下。與田父角博。

滿為樂。及卒。貧不能具棺。戚友醵金以殮。子孫累日不舉火。至采藜藿以食云。

任千之寺丞事略

任辰旦。字千之。浙江蕭山人。順治十三年進士。康熙初。授上海知縣。清苦自勵。敏於聽斷。月必書所行事。告城隍神。有疑獄。禱於神。神輒以夢告。以意推驗。悉得實。民家失火。方大。風。君至。拜伏。泥中。祝曰。天欲吾長是方耶。請滅火。不然。吾有謝去耳。頃之。風愈甚。而火遽熄。異時。縣徵漕。追逮繁。敲扑無虛日。君削木為版。有應逮者。書其姓名。使都亭長召之。即應期。至於是。爭先輸納。嘗詣倉。隸人曳筆。在徒手。至呼杖。則寄筆中途。酒家知其非常。用也。吳松江黃龍浦。為入海要道。去浦口三里。先建閘。資蓄泄。尋地巡撫。慕天顏。檄縣修治。故事。修閘。必築壩。竭水。費不貲。君募浙匠。做折地為梁法。度基廣狹。約丈尺。伐石識石。甲乙。下之水。使善泅者。厝之。悉中程。即故址。疊石為門。廣左右。護隄。束水。就閘。十月而工成。民不病役。上海沒水。田六千餘畝。賦額未除。輸者。率破家。前官屢勘。虛實。貿亂。至是以募公。請得旨。覆勘。君喜曰。是吾志也。日往來。泥沙中。遂首垢足。按魚鱗。舊冊。復畝。丈量。釐其荒者。閱二月。悉白。費皆自辦。俸不足。銀釧。帛布。償之。籍上。得減除。額征。有差。康熙十八年。舉博學鴻儒。放還。故官。復以良吏。薦入為工科給事中。論切直。改大理寺丞。母憂歸。以前廷推事。註誤落職。老於家。

楊匡齋太守事略

楊朝正字匡齋。漢軍鑲白旗人。由侍衛出知東昌府。既至訪民間利病。銳意興革。臨清舊有額外銀米稅。君白巡撫聞於朝。減歸正賦。東昌濬河。向有額夫率憚役求免。至是改為均役。有訟者輒自剖決。未嘗委屬吏。民憚其嚴明。獄事日損。月朔望宣講上諭。春秋徧歷郊野。課農桑。歲暮訪高年者資之。其賢者尤尊異焉。東阿牧諭王璜。事繼母孝。歲荒救飢民數百。監生崔允璧。建橋通濟。開設兩渡船。君請於布政司。並旌其門。氏有蠲金治道者。置酒勞之。由是人爭向義。府治西南地窪下。遇大雨泛溢。五六十里。溺者眾。君自蠲金八百兩。勸大石橋。治道六十丈。益增堤禦。水患愈。康熙二十四年旱。君宿齋戒。除壇與妻磨麥為粉。作供具。然香籲天曰。若知府有罪。願身受譴。無累百姓。伏壇前。自子及亥。大雨偏四境。明年復旱。於倉平糶。復蠲金資粥。以食餓人。王璜崔允璧等。各蠲米數百石。為助。民得不害。卒祀名宦祠。子宗仁仕至湖廣總督。宗義至河南巡撫。語在名臣傳。

陸蔚文明府事略

陸君在新字蔚文。江南長洲人。為人磊落尚氣節。刻苦自勵。順治初為諸生。躬耕彭山之。下。雞鳴起。然薪為燭。屬文畢。仰天而嘯。向晨荷鋤出。暮歸讀書。康熙五年。詔以策論取士。君故以經濟自豪。遂得舉。尋除松江教授。教諸生以質行為先。具以金贖者卻之。用不足。知府魯君時分俸助之。湯文正公為巡撫。察其廉勤。以卓異薦。是歲江南七府一州諸長吏。被薦者獨君一人。人以此服湯公知人也。詔賜蟒服。遷廬陵知縣。單車就道。始至誓於

城隍神。不以一錢自污。晨起設香案。令貧裡生誦戒石銘四句。已跪而聽之。四拜起。然後治事以為常。錢穀耗羨。革除殆盡。傍水設五倉。便民輸納。建問苦亭於衙西。朔望坐亭中。訪求民隱。時裹糧攜供具。歷山谷間。勞苦百姓。軫其災患。而導之於善。修學校。進諸生。考論德執。如為教官時。設四門義學。刻孝經小學頒行之。二十六年。江水泛溢。民多溺者。君急出錢募民船往救。身為倡率。出入洪濤中。全活無算。君之始受事也。前官虧帑盈萬。大吏謂曰。第受之。我等行相助君。以為信受之。已而奏銷無所抵。憂甚。遂得咯血疾。臨終北向謝恩。手書教條示民。及寢而卒。初君將赴官。子孔奐在京師。感然曰。吾父此行。必殉是官矣。亟從之。君數諭使還。涕泣請留。乃止。卒之日。惟孔奐在。驚書數篋。以殮。廬陵人為罷市三日。會哭者萬餘人。孔奐猶以前事被羈。閱五年。始以喪歸。而生產盡沒為官物矣。廬陵合辭請於官。祀吉州名宦祠。長洲人亦以鄉賢祀之。

清朝先正事略卷之五十

平江李元度次青纂

循良

張牖如通守事略

張君名壘字牖如江蘇長洲人以官學教習需次縣令遷河南登封縣為人耐清苦練世故愷悌積中見義勃發登封自明季遭寇亂入本朝比歲不登民多失業君至誓於嶽神革除私畝招流亡督之耕種相土宜分種木棉及諸果實莅官甫五月大修學宮會諸生明倫堂深言萬物一體之義以為在天曰元在人曰仁天人混念生化絪縕誠能廓推蔽障蕩乎無垠覺性周流恫瘝乃身達天之要於是焉存矣故其為政一以敬恕為基期於使民各得其所復嵩陽書院延耿先生介為之師導諸生以程朱之學自縣治達郊鄙立學舍二十一所課諸童子以時巡閱止句讀導以揖讓進退之禮月再集民讀法置善惡簿為勸懲開策卷驢歷民舍問所苦恤其焚獨有小爭訟輒從阡陌聞決之進父老子弟教以孝弟忠信廉恥禮義之節聞者莫不灑然易慮也縣西境有呂店者俗好訟難治君察里長張文約者善士也舉為鄉約禮遇之俾行化導俗為一變及文約將終語其子曰張公厚我謂我好入又能勸人作好人也爾其勉之甲長申爾瑞負稅且受杖路拾遺金二兩視其封則輸稅金也疾走衙前俟失金者反之君聞詰爾瑞曰爾既拾遺盡充稅可

免責。而乃反人為對曰。小人安命。甯受責。終不敢利人之財。君曰。義哉。此奇男子也。舉為鄉約。旌其門。其後有王進寶。魏光大。秦瓚者。皆拾遺金而反失者焉。高鵬舉死。妻孟氏年少。勇欲強嫁之。孟氏哭夫墓。將自縊。君微行遇之。問其故。勸還家。給之銀布。免其徭。歲時存問。救其舅養之終身。縣故多衝霄。時獄訟日夥。姦偽無所容。諸胥稍稍自引去。其在者更番執事。退則操耒耜為農。或在官無所得錢也。開萼嶺二百里。復古轅轅路。建古賢令祠。修鄔公墓。繚以垣。歲三月率民致祭。鄔公名廷誨。崇禎末為登封令。守城抗賊。死者也。歲飢。煮粥以賑。復移粟四鄉。分給老弱。仍輸麥數百石。俾及時種。馬康熙二十一年。自春徂夏不雨。君因服繫頸暴日中。拜表引罪。步登少室東峽。冒夜行達旦。汲泉水反獻廟。叩頭呼籲。慘切俄而雨大注。山有虎。鄉長郭九合者。將赴縣輸稅。夜夢父告曰。爾有虎厄。明當避之時。方緩征且過限。九合念不往。是負張公也。路出金星廟。果一虎當道。九合叱曰。畜生。我不懼死。獨慮達張公限耳。虎俯首避。俄大吼向山南逝。自此境內無虎患。在官五年。民知何方。生聚日盛。家設位旦夕。尸祝大書官清。民樂於門。耿先生稱之曰。年來嵩嶺間。別一世界矣。其程張二子。晉城雲巖之匹亞乎。二十二年。以卓異薦。遷廣西南甯通判。去之日。民遮道痛哭。既去立四祠於四鄉。肖像以祀。榜曰。天下清官第一。至南甯。未幾乞歸。旋遭母喪。服除赴京師。卒旅館。年五十有六。

董任庵都憲事略

董君宏毅字士超。號任庵。奉天人。隸漢軍正紅旗。康熙甲寅。由監督授奉新知縣。時耿逆倡亂閩中。新昌甯州所在。盜蜂起。十月。新昌賊大至。君集兵弁約曰。吾雖文吏。今賊臨城下。當冒矢石。與諸君共生死。乃戎服率賊獲二十餘人。各挽強弩。登敵樓。把總胡來朝率營兵武舉王顯先領鄉勇防禦甚固。時賊眾新集。利速戰。君堅守圍數日。不得下。民情洶洶。君意城內必有應賊者。夜半下偵之。老僕楊天爵。執火從至儒學門。有飛刀來斫者。君大驚。辟易走。天爵揮刃斷賊左臂。賊怒。隻手聞天爵益奮。君繞學宮。踰後垣出。刺賊背。天爵斬之。賊失內應。有退心。十一月朔。君出民兵與賊前鋒戰。發一矢。斃偽左將軍某。賊潰。追奔數里。斬賊亡算擒賊將六人。還初賊之至也。僕盧大成私計曰。城破主人必殉。奈何。斬忠臣祠。乃陰變服為道士。負君幼子國瑛。逾塗遇賊。欲殺之。卒以黃冠免。同時安義。靖安皆陷賊。惟奉新勦殺聲最著。無何賊復合。靖安甯州諸盜掠及縣境。君捍禦益力。乙卯冬。賊眾萬餘來犯。君與分巡道李世昌領兵大破賊於寒婆嶺。招降偽參將劉應連等七十九人。賊兵六百六十九人。安集流亡男婦萬四百餘人。一城安堵如故。時兵荒。後民苦輸餉。君力請蠲豁。民因始蘇。越五年。以循良擢莊浪同知。去之日。民閉號泣走送。聲震數十里。繪董公殺賊圖以獻。既歷官四十餘年。仕至左都御史。卒年八十有二。祀奉新名宦祠。

劉行泗明府事略

清朝先正事略

卷五十一 循良董宏毅 劉繼聖 衛立鼎

二

劉君繼聖字行泗山東濰人。以歲貢生授廣崇訓導。遷孟縣教諭。正己率人。士習丕變。遷知湖廣慈利縣。初滇賊反。慈利被兵尤劇。賊既平。人民彫敝。君以寬為政。不輕用刑。與民語。常呼為兒。有罪人被杖而呼。君感然曰。兒再忍一板。慈利人皆相傳。戒毋犯法。戚我爺也。尋病癘。將告上官求去。民間擁使者數輩。皆不許往。乃使其子偽他適者。竟得告。慈利民數萬。詣上官乞留。上官遣人視之。實病。乃謝罷。民謁君流涕。為吮癰。曰。信也。奈何。時流亡新集。方編審戶口。民請君畢是役。乃行。慮代者之擾也。及行費不給。慈利民人出一錢以饋之。凡數萬。康熙四十三年卒於家。

衛慎之太守事略

衛君立鼎字慎之山西陽城人。康熙中。官盧龍知縣。地當兩京孔道。驛使旁午。君悉自營辦。一不以擾民。先是縣中徵糧。勺抄以下。皆用升合量。徵草以銀代。仍買草民間。而低昂其直。君令輸戶合奇零。統歸斗斛。及額而止。納草者不用代。民甚便之。會聖祖命魏敏果公偕吏部侍郎科爾坤巡察畿內。至盧龍。已治具不食。但啜茶一甌。曰。令飲盧龍一杯水。吾亦飲令一杯水。諸大獄悉以咨之。君引經準律。敏果大稱善。格文清公為直隸巡撫。以事至其縣。謂之曰。令之苦無異秀才時。然做秀才自苦耳。今自苦而百姓樂。非苦中之樂乎。疏薦盧龍治行第一。靈壽令陸君隴其次之。內遷戶部郎中。秩滿。遂福建知府。以年老致仕歸。

遼簡堂明府事略

遼君維坤字簡堂漢軍正白旗人。康熙中任山東聊城知縣。月以三十八日召諸生課文禮其賢者能者。問政事得失。歲以三七月巡行畎畝視田之荒易加賞罰焉。額征冊有逋稅八百兩。以問吏。故無田主。歲雜取他戶代之。君言於大吏。以新墾荒地補稅額。代者悉免。故事縣有役。按戶徵夫。吏因緣為姦。君令復徵出錢二。改為僱役。上官下其法於他州縣。御史嚴有犯必痛治之。縣常多賤陰倚捕役為主。君杖殺其桀黠者一人。賊皆遠竄。設櫃徵銀。令納者自投其中。耗羨無所取。官府興作。必如直給工匠錢。又人與之食。買器物一從市儂商民頌之。卒祀名宦祠。

張物齋太守事略

張君克巍字偉公。自號物齋。山西聞喜人。敦實行。遂於經學。康熙十八年進士。選庶吉士。改刑部主事。累遷郎中。有獄連執政族人。諸司莫敢任。君請獨任之。內務府以其人出使為辭。君鈎提益急。牒問奉使何地。歸何期。至再三不答。力請於長官。謂宜入告。事雖格。聞者肅然。尋出守廣西平樂府。徭獍雜居。盜不可詰。君至浹月。以信義服苗酋。獲巨盜二人。斃其一。宥其一。責令偵緝。終君任盜不敢窺。改知潮州府。屬縣賊蜂起。或稱明商。聚眾千餘人。君聞即日馳至其地。命吏士速據白葉祁山。設疑兵嚴守。而張軍聲。賊不敢偏。會夜半大風起。簡健卒二百。斫其營。呼曰。大兵至矣。城中鼓譟出兵以助之。賊奔祁山。要擊之。

斬巨魁三人。眾散。乞降。巡撫將上其功。君曰：此盜耳。而稱明為。興大獄。株連多。轉恐生變。乃以盜業結。潮有大豪。戕親迎者於路。而奪其妻。拒捕經年。君微行迹而得之。獄成。當大辟。監司銜大府命為之請。且曰：稍逾緩之。當以黃金四百鎰。潛至君家。君曰：吾官可罷。獄不可驚也。卒寘諸法。或假親王命以開礦。大府不敢詰。君縛執之。其人出龍牌。眾色然駭。君命繫之獄。以牌申大府。情既得。立杖殺之。丁父憂。遂不出。或勸之曰：吾性拘。幸而得歸。畏途可復即乎。年七十有六。卒於家。子在堪。有學行。能立名義。從方望溪先生遊。

王慎夫廉訪事略

王君諱縉。字慎夫。河南睢州人。少警敏。年十六。補弟子員。康熙丙寅。起家東明知縣。未一年。母憂歸。庚午。補復鹿縣。尋入為戶部員外郎。遷郎中。己卯。授江南糧儲道。辛巳。晉江蘇按察使。以疾告歸。其在東明也。縣錢糧多欺隱。居民流亡。君至。易甲長法。大戶用其族長。催之。於是兼併不行。流亡者復業。縣分四十里。里養馬一匹。以備官用。民苦其累。君勒石禁之。賈五雲。梁進者。盜魁也。君至。諭之曰：吾知若名素矣。五雲汝為練總。進汝為保長。邑有盜汝緝。不用命。即究汝。盜自是絕跡。有馮化者。向逃人。証其鄰某。君密令鄰匿他所。別令一人跽堂下。名逃者。謂曰：汝識某。可執以出。逃實不識也。見一人跽堂下。執之。眾皆譁。逃技窮。乃曰：馮化給我。眾中有欲遁者。君曰：必化也。追之。果然。重杖遣之。安某客於外。繼妻高氏。與前妻之女在室。高通於劉某。忘女圖。并亂之。女不從。共戕女以滅口。君曰：高母

道已絕。應照故殺妻前夫之子律論斬。庶足戒為繼母而淫兒者。巡撫建其議。具題報可。若為例。東明距睢州百八十里。君奉諱歸。縣人赴睢弔奠。白衣冠數千人。城巷填塞。觀者嘆異。獲鹿為山陝衝衢。君治驛有法。民不知有供億苦。時有陝西寡婦。兵還京。頗驛驗。并陞令吳煥。巡撫檄君併料理。兵戢不譁。歲歉出穀以活飢人。值編審戶口鱗次。面訊里長。不得上下為姦利。在戶部時。吏弊不得行。尚書陳公廷敬倚任之。持薦其才。其為糧道也。所屬舊有倉規銀鉅萬。並虐取之。民監司利其人。百姓疾苦弗問。歲遣一役。馳一檄。塞巡漕故事而已。君至。皆謝絕。轉漕時。扁舟巡察。懲其濫收者。宜興僻處萬山中。一夕忽至。百姓訝曰。吾民不見糧道四十年矣。今乃飛至耶。因號曰飛糧道。道庫歲收銀八十五萬兩。為修船及弁丁運費。前運丁預支行糧。例扣月息。丁益困。君悉除之。丁立碑頌德。仲雍墓在虞山。久不修。城隍廟瀆祀者眾。演劇享神。歲糜金錢數萬。君曰。教化監司責也。乃葺墓而封閉廟門。其遷按察使也。十五衛四十九幫官丁。咸請留。不遂。去之日。泣且拜。以送。與其鄉先正湯文正公撫蘇內名時略同。胥門外有坊。曰民不能忘。為湯公建也。民鑄公姓氏於其次。蓋公少學於湯。公深契之。其政事有本末。非偶然者。為按察時。宿州某生攜妻子授徒某氏家。其妻臨產。妻兄之女來眎。數日。妻子皆中毒死。館人曰。若與妻兄有隙乎。曰有之。曰是矣。必令其女致毒也。生控於州。女不勝刑。遂誣服獄具。君疑之。問館中來往何人。女曰。止一十二歲某徒耳。名而曲誘之。曰。師扶我急。因致砒粉中。生之妻兄乃得。

釋無錫民某與攻皮之匠毆已而匠死有僧故與某仇證為傷重致死令據僧言擬抵君
察聞毆月日在保辜限外因詰曰傷久何得不醫具言醫矣檢所用方則匠死傷寒耳僧
乃伏罪所平反多類此癸未聖祖南巡君力疾迎覲上顧巡撫宋公華云朕聞王繡督糧
儲時甚好隨遣太醫臨視賜藥一器次日賜御詩一幅溫旨再下敕以調攝甚備君叩謝
感泣謂臣受國恩今疾無以圖報塞上因書世恩堂額賜之尋告歸家居十有八年集州
士為文課延處士田先生蘭芳主之士風日盛又設祭田百五十畝以美餘助昏葬及夏
艱者卒年六十有八子澄思舉人澄慧於未進士官郎中

劉孜子方伯事略 附陳玉登

劉君諱榮字孜子山東諸城人父必顯官戶部員外郎乞歸遂不出君年十一補諸生康
熙二十四年登進士三十四年出知長沙縣居官廉惠見義奮發尤喜應變時城中誤傳
將裁兵撫標千餘人皆震恐環轅門而噪君謁巡撫出為好語解之即令齊赴縣倉預給
三月糧示必無裁意眾乃帖然居三年遷知甯羌州是歲關中大飢君至餓殍滿野而州
倉無見糧即入府謁監司丁珩請假廳倉粟以活州民許之府州相距三百里秦州民能
運斗粟者予之三升不十日而三千粟盡入州倉悉以賑明年春復詣府監司謂曰吾欲
依君法以賑一府而洋縣地廣人眾今年老思以累君君曰方春民困已急必欲見委春
請假以重權乃可監司即授以徽役數十人從君即持徽發粟從水運令役持徽分調數

縣丞簿而已。單騎至洋，先徧歷郊野，驗戶口多寡，已入城語洋，今日吾發官粟至此，必春貸秋還，倘秋不熟，我兩人可代任之。縱以此破家所獲多矣。今日諾還分還丞簿。按戶檢粟數日而畢，將去。閩縣老穉持香擁馬首塞路，越三日乃得行。及秋，洋氏曰：劉翁活我，我忍負劉翁乎？弟赴廳倉納粟，贏故額百石。甯羌民貧多通糶，遂聽民使，粟筭成，悉充糶而自賣家中田代之輸。下車之日，居民僅七家，期年而輻輳矣。一日出郭，見山多樹，樹宜蠶，乃募里中善蠶者，載繭種數萬至，教民蠶繭成，復教之織，州人利之，名曰劉公綢。其後桂林陳文恭為陝撫，請下其法於他州縣。由是陝人之蠶者益眾，立義學，購賣人載書賣之，親為正句，講釋其大義。甯羌士始有得第者，四十年，遠甯夏中路同知，未行，丁母憂，負債不能歸，致書其弟，令亟賣所遺田。弟曰：兄田已去大半，所餘瘠土，直幾何？吾不忍袖手視，乃益以己田，擇其腴者，易金致兄所。甯羌人聞之，爭輸金為助。君示以家書曰：吾田已去矣，無及也。乃止。居三年，服闋，召見，授平陽知府。四十八年，九卿奉詔舉才，守具足者，知府中舉，君及陳公鵬年以對，即擢君天津道副使，累遷四川布政使，每治事暇，喜讀宋儒書。曰：吾晚讀此等書，轉益有味。五十七年有疾，語諸子曰：吾夜誦屯之三爻，易象告我矣。為我具奏乞休，勿誤國事。居數日，移榻中堂，就寢而逝。年六十二。子統勳，孫壙，官皆至大學士。語在名臣傳。又陳君玉瑩，山東歷城人，進士，乾隆三年，任遵義知府，郡故多榔樹，以不中屋材，第供薪爨。君出巡，見之曰：吾得以利吾民矣。乃遣人歸歷城，取山蠶繭種，且

以蠶師來行抵沅湘。蛹出不克就。六年復遣人往取。期歲前到。蛹得不出。明年治繭於郡。治側西小邱。大獲。乃遣蠶師分教四鄉。授以種。且給工作費。民爭趨。若取異寶。至八年秋。民間所獲繭至八百萬。自是郡善養蠶。而遵細之名。遂與吳綾蜀錦爭儔。乾隆十三年。正安州吏目徐君階平。亦自浙江購繭種來。教民蠶。至今皆食其利云。

陶子師刺史事略

陶君元溥。字子師。江南常熟人。為諸生。能文章。有經世志。性伉慨。喜立事。以名節自厲。康熙二十三年。舉順天試。二十七年。會試。主者定第一。策陳會推之弊。語侵執政。稍抑之。及殿試。論西北賦輕而役重。東南役均而賦重。願減浮額之糧。罷無益之費。閱者怪其言。黜置二甲。部選瓊州昌化令。三十三年到官。定賦役均糧以畝。均役以糧。罷徭差革雜。征自坊里。供帳始度。隙地。勅立墟市。大招流亡。勸開墾。予以牛穀不起征。縣故與黎為界。舊設土舍。制其出入。官吏因緣為姦。以規物產。至是撤去。揭榜山崗。有冤者得詣縣陳訴。一權量。定法度。黎民樂業。時步行村落。問民疾苦。煦嫗如家人。縣故有田四百餘頃。沒水且百年。君具陳始末。請免賦。上官難之。君因撰昌化浮糧考上之。後布政使魯君許為上請。而君遽卒。不果行。在昌化之明年。攝知崖州。游擊余虎縱屬為暴。守備黃鎮中用非刑殺人。索黎人獻納無厭。君至得訴詞百。遂列六款上。余虎以百金餽。卻之。因造蜚語。聞於總督。下瓊州總兵平之。君申憤曰。私揭不應發審。鎮臣不應侵官。卒不住。方鞫鎮中獄。鎮中

令甲士百人帶刀突入。左右駭遽欲走。君怒叱曰。守備反耶。吾奉命治事。而敢令甲士劫持。是無上官也。無上官。是無天子也。非反而何。鎮中氣懾。疾揮去。徵成鎮中得罪。崖人為語曰。雖有余虎不敵陶公一怒。而總督滋不悅。坐君檢驗失實。援赦免。尋以大計當黜。會巡撫蕭公永藻新受事。惜其去。為言於總督。留之。每以事至府。總兵輒戒其下曰。陶昌化至矣。無生事。在官日。市韭一束。饗殮常不繼。喜接諸生講論。率至三鼓。尋以禱雨病寒。泄寢劇。三十七年九月卒。年五十三。喪歸渡海。遇瓊士赴省試者百人。護柩行。莫敢先過。陽春有悍卒爭渡。諸生並譁曰。此吾師也。誰敢先者。卒懼而竄。

The image shows a large rectangular area filled with vertical lines, suggesting a redacted table or a placeholder for data. The lines are evenly spaced and run from the top to the bottom of the page. On the right side, there are some small, irregular shapes that appear to be artifacts from the scanning process or the original document's layout.

193-630

循良

莊復齋副使事略

復齋莊君為安溪李文貞公門下士。舉康熙二十七年進士。授山東濰縣令。母就養。卒於塗歸而廬墓三年。自是不忍一日離其父。父既卒。隱居教授。若將終焉。乾隆元年。楊文定公以大宗伯掌成均。薦授國子助教。相國西林鄂公。海寧陳公。嘗問士於方望溪。望溪首言君。次某某。非禮先焉。不可得而見也。海寧徧往拜西林。使人達意。至再三。君曰。吾往見是某。勢也。相國何取焉。將命者以告。西林瞿然曰。吾非安坐而相招也。願吾非公事。未嘗出內城。恐時人以為疑。吾平生惡市交。莊君以老諸生。視我則不妨顧我矣。君始入。見志相得。然卒未嘗再往。君自助教。遷吏部主事。每執彙。與長官爭。是非或齟齬。侶侶直陳。無懼色。其舉進士。由余府丞。向謝御史濟世門。二君夙以抗直者。君能繼其武。權貴多陰憚之。六年。有薦君學行。宜居言路者。引見上。意甚相屬。越日。命赴湖廣。以同知用。補德安同知。逾月。擢知徐州府。蘇松道。汪某以危法中沛令。某督撫具白簡矣。命君補牒。公牒稱沛令不侮鰥寡。不畏疆禦。汪聞後。而止。果毅公訥。親巡江南。勢烜赫。監司皆躡膝跪迎。君獨長揖。訥責問曰。非敢惜此膝於公。奈會典所無何。訥默然。徐仍歲水災。君至相川澤。諮

耆民請廣開上游水道以洩異漲且告石林可危狀未及措注而石林決沛縣城將潰民逃竄君立起駕輕初行告父老太守來與爾民同難爾民將安往親率眾堵築七日夜城完在徐三年兩遇大荒勤賑事寢食皆廢九年遷淮海道副使嘗巡所屬邑僕隸數人從皆自飲其馬邑令病之則跪辭曰公視奴輩如兒子不告而受不安告必命辭是仍虛君惠也強之皆指心誓先是大府巡屬於巖若神及去庫為之廢公至平易近人無角尖耗淮海承屢被後凋敝不異於徐公嘗曰吾聞古循吏精誠能反風滅火每對遺民中心愧畏夢寐中猶操辟呼嗟也海州有鹽河蓄水通商運雖異漲非徧告大府監司不敢開洩及得請則田禾已不可救矣君陳於制府定議遇水漲守土吏先開洩而後報聞十年冬巡視災賑賑盡始回徐十一年正月卒年六十有一君諱亨陽字復齋福建靖南人學行為賢大夫所重泰安趙公國麟梅閣請王麓峰書院以持父喪辭家居來學者歲以百計在大學六堂之士多宗之九年京察詔大僚各舉一人自代李閩學清植舉君公論大脹其卒也士民罔不痛惜著有秋水堂集河防算法書妻戴氏事舅姑以孝聞

陳莘學少卿事略

陳君汝成字莘學浙江鄞人父錫敬以通經有名於時官編修君幼從父學康熙三十年會試第一成進士選庶吉士散官改知漳浦縣縣中賦役故責戶長為主辯黠者緣為姦利君定三百畝為一户令民計產為清供自立徵戶糧多者為戶長以次輪催由是吏無

追呼民無逋稅均保甲以三百家為一保第其口多寡籍以供役五年一編下而役法平民有被訟者肖紙為隸立期限令訟者自召之一訊即決閩俗言鬼而賊醫病者占藥服之往往致死君為分別病證示以經驗方調諸藥以與病者全活甚眾月以初三十八日萃諸生於明倫堂講五經性理綱目諸書試以古今文詩賦擇其賢者才者為義學師以教於鄉里屏天主及無為諸異教改其堂為育嬰堂斥城東淫祠鞭其像而毀之漳浦瀕海多盜君設方略禽獲甚眾上官以南靖盜未靖移君治之縣民列狀請留不得數百人者環而守乃夜以兩騎疾走出門縣民覺追送十里許號泣而歸歸則構祠城北門名曰月湖書院歲時祀之治南靖一年擢刑部主事晉御史論海防事宜多見采納五十一年海賊陳尚義遣黨赴兵部請就撫君素知尚義為賊魁請身入海撫之廷議御史近臣不宜輕入海乃令郎中雅奇率君所薦阮生蔡生同往遂降尚義及其黨百餘人海患以平以左都御史趙恭毅薦擢通政司參議累遷鴻臚少卿奉詔賑饑甘肅路見餓莩遂不御酒肉散私錢數十千給飢民疾馳至平涼發倉以賑積勞卒年五十有七

佟信侯刺史事略

佟君國瓏字信侯遼東人以祖從龍入關隸漢軍為世族康熙三十年君由筆帖式授山東文登知縣文俗故愚悍或勸君尚嚴峻君曰為政在誠心愛民興利除害化導之而已嚴峻非邑之福也副將某隄一妓日遣營兵為役又剋蝕軍餉合營衷甲大譟夜半斬關

出屯東郭。君聞變，披衣出。家人止之，不聽。吏役皆股栗莫敢從。君乃單騎陟山巔，厲聲曰：「吾與軍民同疾苦，有冤當訴我，何妄動至此！」眾猶洶洶。君當礮立曰：「吾不忍見爾曹族誅，請先試。」若礮眾色動曰：「公廉明，軍何敢犯！」然事已至此，奈何？君力任保全，再三覈其故，得實狀，疾遣吏縛妓，至扶於旗鼓之間，眾泣拜而散。副將尋被劾去，輿論快之。矣未大饑，奸民所在騷動，將不測。公率數十人，徧詣村墟曉諭，捕斃凶渠，旋給賑。民賴以安。事竣，得首列薦章云：「邑豪宋某兄弟三，鄰婦貸其錢，不能償，身豪殺之。君廉得其寃，而吏役得豪金，皆巧為掩覆，尋倩人持千金賂君，君大怒，答其人，立覆驗，得重傷，然無確證，忽有小婢倚門，君鞫之，得實狀，遂寘三人於法。」邑肅然。邑故濱海，閩商泊舟島嶼間，副將林某縛數十人，指為寇，君訊之皆釋，乃更捕真盜四十餘人，殺之。海壘救謫，而海舶繼至者皆德君。丁亥，聖祖南巡，君二次扈從，受優賞。辛卯，擢澤州知州，屬歲祲，大發常平倉穀借民，秋成刈期，輸還無爽者。又為減耗羨，革陋規，省徭役，平物價，民情大悅。時太原守挾威勢，能傾軋人，君獨與之抗。太守乃陰嗾某驛丞誣揭君坐罷任。州民譁然，鳴鐘鼓罷市，欲詣闕留時。康熙五十二年六月事也。既而得旨，留原任。州民歡躍，會平陽民變，略如君，罕文登時。撫軍檄君往撫，許以兵從。君曰：「兵行是速亂也，請單騎往。」既至，民皆額手曰：「公至，吾屬無慮矣。」乃入城，撫諭安堵如故。州城圯，捐俸千金為倡，集僚屬紳民議修築。凡兩年工竣，民咸其德，立生祠。君禁之，不能止也。君去六、七十年，春秋俎豆弗衰。庚子，引疾去。州民攀

號聲震郊野亡何以舊屬高平令虧節被逮責償萬餘金君故廉貧無所出先是君在州辦軍需數年未嘗尺寸擾民民感次骨至是憤泣公捐五千金投州庫君復竭蹶斥舊產越五年始得完項歸自是布衣疏食終其身恬如也乾隆三年卒子四人皆為顯官

夏存齋明府事略

夏君照漢字為霖號存齋江西新建人父鞠莊以進士任刑部主事曾講學於易堂程山之間歿時君方七歲家貧饑粥不繼母督之學或乏膏油則危坐默誦年十七奉母命游學京師從韓慕廬孫菽山諸先生遊見聞益廣時高文良公官庶常舅氏周翁託為擇塔晤先生喜而訂交吉舅氏以女字焉康熙三十九年成進士同考官靜庵寶公更進以身心之學兼博覽史書求實用謁遷得廣東增城縣時邑大水田疇成巨浸既受事報水災用言發帑表行井淤築丈數千石更勸富民捐貸民以不困秋大熟民相率輸倉至冬缺二百餘石吏請追比君弗忍代還之聽訟之暇振興學校購書籍聘名師聚邑人子弟教之邑介海區有靈山復嶺層嶂僻徑逶迤潛通七邑為諸盜逋逃藪鄰封追捕急咸嘯聚剽掠禽人民索金帛粟米出偽牒邀贖君與同城武弁計曰俟報上官往返經旬日賊糧足守險益難奪出不意攻之兵法也我領敢死士先君繼之合隊夾攻賊穴可速破武弁唯唯君戎服佩刀糾眾夜發武弁遂巡山口乃分鄉兵為二隊直搗其巢賊聞鼓破聲不辨眾寡奔散過半追殺十餘賊生擒其魁男女擄者悉解縛奪歸當是時武弁恐形其短不

以白上官上官亦諱言用兵功抑不純君素以清介自持凡上官胥吏婪索絕不一應百計中傷之族以監覈盜犯過多被劾罷時斃者十二人臬獄四府獄三皆歸獄於縣增城老幼咸嘆息泣下歸葺老屋居寡嫂及二兄做數椽自居淡飯黃齋讀書不輟聞出遊蕭然獨往歷名山川訪異人畸士至老不倦年七十餘終於家

沈觀如明府事略

沈君光榮字觀如漢軍正白旗人以歲貢試授筆帖式康熙四十年出知河南河內縣專務德化月朔望集城中居民宣講上諭翼日單騎歷郊野召鄉民徧告之往復懇到聞者莫不感動微科不用敲朴設盒酒花帛召諸里老令通課者跪堂前斟酒進他里長之舉輸者飲之為簪花被帛鼓吹導出中門由是輸者畢至有李家窪者地斥鹵多通君為引溝渠開稻田招流民復業給以牛穀種改名藏富村遂成沃土民有訟令兩造要而來立剖決遺胥攝事按日給錢絲帛不得擾民時出俸錢行諸利益事夏設茶衝路冬施棉衣病者藥之死而裸露者棺之三年去任士民懷其德祀名宦祠

陸麟度觀察事略

陸君諱師字麟度浙江歸安人少負文名究心先儒書講求實用康熙四十年進士授河南新安知縣下車修學校集諸生說經談藝童子能應縣官試者免其徭民興於學鹽使者下縣取鹽犯四十人君曰律以人鹽並獲為真法今勘犯止二人何濫為縣境響馬賊

李國王者。為患久。君廉得斃之。杖下築米根亭。後圃拔其蔬。以遺僚屬。曰。不可不知此味也。父夏歸。既成行。忽前逢塵起。六七騎挾弓刀。驅牛車載婦女三十餘人。稱某將軍家。自歸德買來。飢民君叱止之。令官還婦女於其家。白將軍收其騎卒。或謂君已解職。胡開罪將軍為。君曰。吾一日未出境。能以饑民婦女媚將軍耶。服除補江蘇儀徵縣。縣彫瘵。又淮鹽所匯。奸民窟其中。君一反前政。每日晨起。判爭訟。有神明稱。盜自引民某為黨。君突至某家。見敗器物滿道。言有凶人食此不償直。因而鬪毆。公語其人狀。與盜負事。遂白。春徵先勸富戶輸。既徵即以解。秋則減其耗。令自封棧城內外數。火。或言有崇。公移牒城隍神。欲毀廟示罰。火遽燹。每不雨。步禱輒應。疫起。出俸錢購醫藥施民。故事。上官往來。驛夫臨時取給鋪戶。倉卒滋擾。君一切革法。但令鋪戶日賦一錢歸驛。不勞而事辦。有吏以私事銜知府。命來索船。君曰。知府至吾富。腰笏引舟。若吏也。胡為者。并其名紙抵之地。揚州五屬饑。督撫下知府。各以五千金糴。款借賑。符既下。具舟車往。則虛而歸。君知府意欲縣官藉補所虧。帑也。親往力率。卒得請。於是五縣皆買穀以賑。始至卻鹽商。例饒商。固請君曰。然則吾以給公用耳。乃立印簿。登其入。修學宮。作明倫堂。具鐘鼓。尊義樂舞。祭器。泮池。植之桃李。又以其餘建倉。厩。潔治園囿。為別屋。以居女犯。縣故有文信國公祠。新其宇。賈庫相沿。書票有月無日。勿論久近。必取一月息。君辭其歲餽。令視他處。月讓五日。荏吳節婦門。修孝婦祠。以敦女教。縣稅領之稅大使。惟籍稅隸於縣。歲贏千金。君除之。渡江。船人多載。

重常易溺君為定其程度以時察之凡所釐剔彰瘴視新安之治尤詳課最奉行取部檄至民男女空一縣奔號上官請留弗得前闔城門塞牙署不聽去既去乃為像尸祝之比入對聖祖溫諭有加試制舉文一首取第一授驗封司主事遷員外郎掌選有要人求官君力持不可尋奉命督視山東礦務條上開採無益疏罷其役還擢御史又命巡河獄鞫均稱旨未幾河督陳恪勤公奏請以君為克沂曹道有旨趣之行已得疾不起康熙六十年三月也年五十六君性孝友以儒者自命好讀書再充鄉會試同考官皆得士居儀徵築江寒草堂延邑士及過客之有文者居京師與方望溪包儲中子在文何義門焯友善尤契張清恪公清恪過訪必手自叩門君能辨其聲云兄弟子皆少孤撫之如所生養同年生遺孤字以弟女卒成其名著巢雲書屋米碧山堂玉屏山樵諸集祀克州新安儀徵名宦祠

張天申明府事略

張君士琦字天申江南嘉定人早歲舉於鄉以文學知名大學士徐公元文引入史館與修明史康熙四十一年選江西永新知縣前今故貪縱征斂橫出君至革除溢征銀三千餘兩米二千餘石捕逐豪右懲諸姦胥遇平民輒與溫語不輕筆一人月置酒召諸生致論德藝士民翕然居三年大饑君發倉以賑不足出私錢佐之縣西簷山有三都者俗曉悍屢險阻為盜前令時糾眾數百劫掠至縣城令稿以酒食散遣之而已君至為設練長

嚴約乘至是復聚眾彊糴官粟格鬪有傷者君禽其渠餘黨逸去遂列狀白大吏請設兵西鄙為鎮壓計或言長官諱盜久矣今遽以盜聞如吏議何曰拌一官絕吾民後患吾甘之矣已而部議下君果以誑誤去縣民間其將去樹大旗城中央及四門以集眾集者數千人負土塞縣衙城門不啟罷市者半月相率詣南昌請大吏乞留君不省會聖祖南巡復集眾詣蘇州具章欲上不得達竟罷職新令至以君前發倉粟貧民未盡償不聽去民間設櫃醜金輸者畢集遂盡償之比歸餞送者塞衢巷或追至百里不絕五十八年復游京師得疾卒年五十六

陳密山方伯事略

陳君德榮字廷彥號密山直隸安州人祖澐字半十順治庚子舉人從孫徵君講學河漳義俠著州部當明末盜起流離相屬於道收養難婦數十人事定遂歸又遍收塗間棄兒哺之全活者眾大名史某以事繫於官拯之出一日攜女為謝正色辭之父鶴齡字鳴九康熙甲子舉人為學宗陽明及鹿忠節而加以實踐父卒故舊巧奪其產弗與爭高陽李相國壽常延至京師一日念母即謝歸官正定教諭從學者數百人君少負文名與博野尹元孚為檢身制事之學逾冠登康熙五十一年進士出趙恭毅徐文定門皆器君榜下充武英殿纂修時陳恪勤掌殿中修書事嘗語方公望溪後進中有為有守者以君稱首初授湖北枝江令鄰省大府即思得君守巖州劇郡既典郡即思得君為監司故論薦者

如爭。其以黔西州服闋引見。世宗即命赴貴陽以收守用。其守大定。以江西巡撫薦。遂命補道府。皆前此所罕見也。君服官二十餘年。勛績尤著於滇黔。其為政急民之病。如其私而務以頌其衣食為本。在枝江。修百里洲隄。除解餉入川雜派。攝饒九蓮。別潯陽大孤兩關。銅鑿辨誣獄。出無辜者七人。未數月。經略張廣泗以貴州按察使保奏。方是時。羣苗文煽。軍旅四出。古州姑盧朱洪文叛。案非君莫能定也。逾年。攝布政使。黔地多山阻。少穀。兵餉半移調於鄰省。民尤貧瘠。君奏給工本築壩堰。引山泉以治水田。貴筑貴陽開州威甯餘慶施秉。開不數年。報墾升科者三萬六千餘畝。遂課種桑。募蠶師教民蠶。出署內所登繭於大興寺。繅絲織作。使民豔其利。開野蠶山場百餘所。比戶機杼聲相聞。又以其間大修城郭。壇廟。學舍。廣置栖流。所以收行旅之病者。益四食。方冬寒恤。老疾羸孤之無依者。躬課諸生。開以立志為己之學。立義學二十四所於苗蠻。其始至貴陽也。署威甯府事。踰年。威甯改州。大定改府。會烏蒙土司謀叛。東州鎮雄附之。威甯為夷獯出入要隘。地仍令馳赴威甯。督州牧完守。君至。見城西陴頽。舉步可踰。乃聚民間米桶。實土石層累。大餘然。後比次。焚築壩堞。屹然。羣夷縱火牛光燭天。君言笑自如。日夜為戰守計。賊不敢偏會。總兵哈元生兵至。賊敗遁。鄂文端總制滇黔。君其所舉任也。常以此自詡。其知人。方威甯危急時。公慮賊兵趨大理。屬州牧陳嘉會分守大理。執其手曰。吾死此分也。但遺老母憂。齋志重泉矣。及君陳臬於黔。苗蠻初定。當事遽興屯。以威扼之。將吏多以刻急見。能謂此異。

類勸絕不足惜。丁巳正月望，省城大火。君入見張經略曰：天意如此，宜修葺。屢苗亦人類也。毋恣戮，經略大為感動。申戒承事者，未幾遷江南布政使。徐鳳水災，流民爭趨金陵。君竭俸賜編棚蓋席，以栖災黎。重建陽明書院，以實學開羣士。其卒也，官吏士民皆雨泣。生平孝友任恤，仁於故舊僚友。懿行不可備書。弟惠華，雍正甲辰一甲一名進士。授修撰。子策，乾隆丙辰進士。筠筌皆舉人。

周子振太守事略

周君諱中鏐，字子振，浙江山陰人。康熙中，起家崇明縣丞，累權六合、宜興、上海諸縣事。有惠政。後九年，遷知華亭縣。民有被誣殺人，久繫獄，君立出之。而坐其實殺人者，提標兵死盜前令，莫敢問。君捕治伏法，咸受信。一時，後三年秋，靈海水大上，漂數縣。君具衣糗材，櫬救卹之。又為請賑弛租，全活甚眾。明年，以催科不及格罷。縣民無萬數，遮言上官聞於朝，得復職。時高安未公，以總憲治海塘，知君賢，一以事付之。塘成，丁內艱，民復籲留，而憲皇帝先已擢君松江知府。及是，予假治喪，還視府事。明年，朝議濬淞，渠諸水以君攝太倉州。董其役，方築壩淞江，一再潰，與千總陸君晝夜凌險，指麾倉卒，覆其舟。既亡，而築合。是為雍正六年二月二十九日。君年四十有九，賜祭葬，贈太僕少卿。當君令華亭時，奉賢猶隸境內。其後析為縣，君適為知府。至是，民懷其澤，奉君為奉賢縣城隍之神。歲時祈報者，靈異。長洲王邑孫為廟碑紀其事。

清朝先正事略卷五十一終

平江李元度次青纂

循良

施筠瞻明府事略

施君昭庭字筠瞻一字寄篋江蘇吳縣人康熙五十四年進士知江西萬載縣萬載地險僻山嶺繚互有客民自閩粵來居之累數十年積三萬餘人曰棚民溫尚貴者臺灣逸盜也其黨亦散處山中為拳勇師與棚民往來雍正元年閩中移捕盜黨急尚貴度不免謀為變始君之至也以棚民為慮縣人易廉野富而才君厚禮之使交於棚民而偵其所為於是廉野大積業貸棚民還不取息或免償如是者數年棚民大悅棚民之材者嚴林生等數從廉野遊由是盡得山中要領尚貴將舉事召棚民林生遞告廉野聞於君君集勇敢三百人即以林生統之為要約以待而棚民多受廉野慫不忍往然往者猶數百人尚貴有眾二千大掠山村聞時三月十三日也君謂林生曰賊易破也然吾慮賊或擾旁近縣旁近縣無備必使向萬載破之必矣會得賊謀四人厚撫之使告尚貴曰萬載人盡逃城虛可唾手得也賊遂決意向萬載則又張疑兵伏諸境中時鳴鼓譟器樹大旗見旂或連繫數十馬相跟嘶或焚草若炊烟賊欲由徑攻我後疑不敢入遂由官道來而棚民多受林生計使趨捷者數十人分曹持刀挺仗叢棘中賊過突躍出大呼擊賊賊驚走輒追殺

之伏數發賊疑駭欲卻則又懼棚民之躡其後也於是濡被為省以進君望見笑曰彼已
懾矣則使火鎗二十餘迭擊之一戰獲尚貴尚貴起二日而敗又二日而撫營兵至初棚
民嘗入市欺市人人積畏之尚貴叛道路洶洶指棚民君謂林生曰撫營兵至必搜山吾
負棚民奈何則又曰吾以免死帖與諸降者汝及今趣棚民具不從賊結狀來其免乎兵
至果搜山如君計不戮一人而巡撫初到官聞警張其事入奏既見君申又不合使請於
總督查弼納欲改追之君曰吾不忍迫棚民使叛而殺之以為功也不可改巡撫乃檄君
謂棚民匿盜已久又從亂罪皆死今雖赦之必驅歸本籍君乃使人徧諭棚民無恐而請
於督撫曰棚民者閩粵之貧人耳來居山中種麻自給惟其貧苦以席為屋故曰棚民非
刀手老瓜賊之比也歷年多生齒日眾與居民間有爭訐皆細故不足深懲今日之亂由
臺灣逸盜不闕棚民而探賊動止離賊黨羽誘賊就縛悉賴棚民力請覈戶口編保甲列
齊民泯其主客之形寬其衣食之路長治久安為計便查公許之巡撫尋亦悟悉如君策
棚民乃安事聞世宗臨朝諭九卿曰知縣以數年心力辦賊巡撫到官幾日豈得有其功
耶獨下總督疏交部議欽以主事知州用君尋引疾歸後十餘年卒於家

葉維一太守事略

葉君新字維一浙江金華人少補府學生己復冒順天籍入學康熙五十一年舉順天鄉
試閩蘆吾李剛主傳顏習齋之學往受業焉立日譜稽核功過尤嚴義利之辨雍正五年

以知縣試用四川。既至，權華陽，尋補仁壽。民或與鄰縣爭地界，當會勘，鄉保因閤人以賄請君怒，悉下之獄，勘畢歸，各按其罪。由是吏民悉斂手奉法。八年攝嘉定州，州故有沒水田，多逋稅，君視曠土可耕者，召民墾闢，以新科抵稅額，逋稅悉免。仁壽奉中旨米水匠人倚官為暴，民弗堪，糾眾相抗，縣令以變告君，馳至，訊匠頭及首先糾眾者一人，並治之。餘數百人釋不問。上官才之，有疑獄，輒令往勘，多所平反。十二年遷知邛州，乾隆元年再遷夔州同知，權龍安及成都知府。又攝瀘州，瀘俗好訟，初至案牘委積，君日坐堂皇，訟者立剖決，誣罔者悉杖之。旬餘獄事大減，及百日遂無留獄。七年權順慶知府，遷雅州，母憂歸，服除授江西建昌府，以簡靜為治，先教化而後刑罰，修旰江書院，招引文學之士，復南城黃孝子祠，以厲民俗。十三年南豐令報縣民饒令德謀反，請窮治，令德好拳勇，令以風聞遣役往偵，誤探其讎，謂謀反有據，遂逮令德。令德適他往，乃逮其弟繫縣獄。令德歸，自詣縣，縣訊以重刑，遂誣服。雜引親故及鄰里為同謀，令遽移檄追捕，君得報集諸囚親鞫，時株連者已七十餘人，言人人殊，君大疑，詰縣役掠令德弟狀，役言初至令德家，獲一篋，疑有金寶匿之，及發視無所有，則棄之野。令聞意篋有反迹，訊以刑，遂妄稱發篋得寶，毀之矣。令謂實然，遂逼令德俾誣服也。君於是盡釋七十餘人，錄其命隨往南昌，戒之曰：有若逋者，吾代汝死矣。及至七十餘人，則皆在謁巡撫，具道所以，巡撫愕不信。於是集才能吏令會勘，益雜治諸所牽引，卒無據，然不可卒解。先是巡撫得報時，遽上奏，奏下命兩

江總督委官即藏君為一一剖解得自所全活三百許人十七年調贛州府贛縣民搶奪拒捕君依故例擬發邊遠充軍時新例已改本條為斬決院司欲以改例擬君謂事在例前宜從故例爭之不得復以甯都民獄事與同官持異同不得直遂謝事開門候代上官慰諭再三不從乃以任性被議免歸家居十餘年卒

葉映庭觀察事略

葉君士寬字映庭江蘇長洲人博學工詩文旁及象緯輿圖句股六書之學尤通達政體康熙五十九年舉人知山西定襄縣八年遷沁州知州其為政善知民隱滌煩苛遇事不假手胥吏事辦而民不擾權路安知府除諸稅之無名者復四門集以便商人民大懷畏歷權平陽太原治行為山西最十二年大計以薦入朝上賜蟒服擢紹興知府乾隆二年移知金華晉杭嘉湖道調金衢嚴及甯紹台遵始終不出兩浙云其治紹興也有情民格士而殺之眾士譁射罷試君在三江聞信飛騎至數言剖解試如初浙西風潮大作海塘陷君往堵築三月而工完在金華時東陽縣饑求賑者呼號集城門以萬計君曰按冊施賑是賑冊非賑民也單騎往諭之召飢者前立注其名於冊而撻其二人民乃定二人者一婦人先以訟至官服華服至是易敝衣求賑君識之褫其敝衣內華服如故一男子容其潔飲以皂莢湯嘔出酒肉眾驚服冒賑者多散去泣金華三年多惠政既去郡人思之為立生祠歲遇君生日輒張燈合樂以祀君其前在沁州亦然有武人自沁來過君祠

適遇君生日祭獻者至擁馬首不得行時君去心已數年矣其為杭嘉湖道也嚴保甲守望之令盜賊屏息及移金衢嚴衢州地勢高西安龍游諸縣築壩蓄水以溉田商人入山伐木私開壩行水日涸乃嚴其禁民稱便初君治嘉湖時桐鄉豪家訐訟有以金饋者君急置之法獄未具即調金衢繼事者果以賊贖事連巡撫坐死總督德公委君推鞠君言巡撫實未受贖覆治之得金數千於用事者之家巡撫獲減罪八年移甯紹台道釐關政修戰艦親巡外洋雖險遠必至紹興水蕭山諸暨民多挾眾詣縣求食巡撫聞而惡之不欲賑君往視還白巡撫曰某來時災民飢欲死何忍見其悉填溝壑耶言訖痛哭巡撫心動聞於朝遂得賑君嘗言待飢而賑所活幾何本計其在修水利乎議復紹之鑑湖甯之廣德湖大興灌溉之利會去官乃止著浙東水利書莫後有行之者也十二年父憂歸遂不出君在浙每加意書院以作人為己任家居屢集諸生校試文藝興起者眾平居孝友之德著聞鄉里卒年六十有七

翁夢賢刺史事略

翁君運標字晉公號夢賢浙江餘姚人父瀛廩貢生康熙壬申以妻兄卹某官粵西恭城令赴其約夜泊祁陽之新塘失所在舟人大索不得報其家并返其行篋扁鎖未動失其鑰時君甫三歲兄運槐八歲招魂奠父又三年母亦卒君如苦力學兄年十三時歷楚粵豫章尋父不得以病歸雍正元年君舉進士悲不得父骨誓往尋卜於漢壽亭侯廟有誰

知意外得生還之句。三下而三兆焉。乃與兄偏走湖南萬山中。刺臂血作疏禱於神。更兩歲無所遇。乃榜一舟曰餘姚翁某。尋父湖回。衡永間。又半載。一日泊新塘。遇土人鄭海還者。言三十年前。其弟海生。失足溺水。格敗葦得不死。視葦間有已溺屍身。佩小鑰囊。因瘞之白沙洲。存鑰囊為識。乃遣急足證鑰於家。以啟篋。北壯膽合。囊故君妙昔年手製。以奉父者也。始悟生還之識。實應鄭氏兄弟名。遂號泣啟攢。扶柩歸。仍於前瘞處。留封樹焉。時雍正丁未八月也。人競稱翁氏兩孝子云。君初授桐柏知縣。多惠政。桐人為建生祠。乾隆癸亥。知武陵縣。左道莫少康。蠱里民。將成大獄。君捕少康。真之法。被誘者皆得釋。有兄弟爭田者。親勘之。坐田野中。忽自掩涕。訟者驚問曰。吾兄弟日相依。及來武陵。吾兄已不及見矣。今見汝兄弟。偶思吾兄。故悲。語未終。訟者亦感泣。以其田互讓。乃中分之。又有兄弟爭產者。其兄父養子也。父歿。弟少分以瘠田。使別居。兄不平。以狀白。中有亡父嗜酒得疾語。君怒其暴親過也。答之。仍斥其弟。割腴田以畀兄。又有子竊人金。指為父所匿者。拘其父至。反覆鞫語。終不加以刑。或問之曰。以子證父。脫有誣。天性之恩。絕矣。姑俟之。後廉得其實。果黑夜為人攫其竊金去。而其子誤以為父也。唐氏子聘張氏女。貧不能娶。張黨其女。唐知而訟之。君察張亦貧甚。鬻女金久耗矣。乃出貲贖其女。召唐氏子婚焉。邑有衡州人業織者。其鄉有重囚。亡命來。主其家。家人不知也。已六府。檄下大索之。囚已先逸矣。君第令業織者導之。往跡而得之。竟得不連坐。亦未受一笞。鄧康二姓爭湖州之利。關殺

不已。積訟數十年。君勘其地。曉譬再三。終不服會。大雨至。二姓請少避。君曰。汝輩為一塊土。世世罹重法。不顧予何愛此身。為植立雨中。逾時堅不去。二姓感動。乃親為劃界。訟自是息。且相好。邑東長樂村。治江互長堤。每夏秋水漲。直齧堤址。田廬皆沒。巨浸中。舊築石墮。衝之水勢稍殺。年久墮將圯。民深患之。渡江而南。有德山石塔。明提學董公其昌所議建也。亦就圯。形家言。頗以為病。附郭向無書院。君勤於課士。每就僧舍設講席。輒用壘廳。於是大集邑人士。疇咨興創。不數月而三大工次第告成人。稱其堤曰翁公堤。塔曰翁公塔。書院曰翁公書院焉。歲乙丑。大旱。君聞郡志。邑北有龍門洞。去城百二十里。唐劉夢得禱雨處。乃瓦尊者。草笠芒屨。炷香步拜。窮晝夜。至其地。洞邃而口狹。縋而下。以瓶貯水。蹒跚歸。就莊如設壇。日跪烈日中。膝盡腫。邑人哭籲。君歸。君泣不可。凡七日大雨。歲則大熟。邑人繪龍門禱雨圖。為詩歌紀其事。大吏知其賢。交章薦擢。知道州。道州路通郴桂山徑。仄峭壁峙千仞。下臨深溪。行旅危之。君割俸倡捐。鑿險八十餘里。成坦途。歲大疫。為文告城隍神。自請罪。無傷百姓。並購方藥。躬行村落間。一審視。或以傳染為慮。曰。我為此邦父母。子弟病忍不一顧耶。時永郡死亡甚多。州境獨得全活。年六十。以勞瘁卒。官州人立祠祀之。與武陵並請祀名宦。君之令武陵也。即白沙洲建祠。父墓前額曰永思。並建啟鑰亭。買田數十畝。令鄭氏世董之。丁卯。遷道州。過祠展墓。哀感路人。視祁陽紳民如故舊。子孫注籍善化。多達者。嘉慶間。族孫元圻。任湖南布政使。葺其墓祠。

蔣省齋郡丞事略

蔣君名詵字廣三號省齋浙江仁和人雍正元年進士選庶吉士出朱文端孫文定二公門散館授行人司行人聞父疾乞養歸文端公屬同修歷代名臣傳父服除以知州發直隸用署樂亭縣事釐積案千餘尋知晉州擢永昌府同知引疾歸卒年八十有三君之在晉州也興農桑濬河渠嚴保甲事無不舉州民白某習邪教君曰不治則滋蔓蔓而圖之難矣遣數十人縛以來寘之獄使人勸諭之白悔泣卒為良民州俗悍喜鬪倣古方製所謂三黃寶蜡丸創重者醫之輒不死民得免於全活多州瀕潯沔河歲葺堤君於堤上植柳數年柳成陰民呼蔣公柳制府方恪敏公薦於朝引見賜朝衣一襲會報蝗災君自都門旋治所禱八蜡廟蝗皆南去其飛蔽河士民爭為詩歌紀之勤諸石永昌有土司頗亂法君單騎入苗洞曉以大義苗人敢會別種苗蠢動境內卒帖然他郡民來避難君厚撫之賊退而民不忍去嘗攝永昌守事為置義倉或曰攝守乃不憚勞如是君曰苟利於民奚問攝為會夏旱民賴倉穀得不餓乃大服銅版有美餘攝守時悉以歸公大府入覲嘗舉君以對上稱真廉吏云君既歸家居有直隸雲南民數十送衣物數事至仁和縣庭曰蔣公去官時不受饋遺吾儕載其德請以歸諸其家浙中大吏異之為作圖紀其事

未完一明府事略

朱君宏仁字完一直隸清豐人雍正元年進士五年知山東昌樂縣時田文鏡為總督吏

治尚嚴急。而君持大體。多善政。其折獄務察情實。不輕咎人。人無不各得其意。以去催科。吏未嘗至里舍。歲終稅不滿。出俸銀充之。異時商民歲出官使錢。悉罷免。耗羨銀三分去一。鄉士大夫。間有饒遺無所受。父老有獻瓜菜者。受之。坐之堂下。賜以食。間歲豐熟。及民間所疾苦。又時出循行。鄉社民有娶婦生子者。勞以壺酒。在官四年。民大和悅。以誥誤去官。民間為立生祠。久之復以事過縣。民相率持一錢飯滿盂。逆諸境數十里不絕也。

冀明水大令事略

冀君諱鑑。字齡上。又字明水。錢塘人。早喪母。事父極孝。父失明。君侍左右如嬰。免雍正初。以拔貢就選入籍。世宗見而才之。時新析揚之江都為甘泉。以君知縣事。縣境邵伯埭受高寶諸湖水。地卑下。君建議。當於農隙。運土築高埭。沿堤為防。堤上即植桑。以興蠶事。其西界地高。決白不雨。田即龜坼。每一里宜鑿塘蓄水。如是則境內高下之田俱無患。大吏聽之。然不能行。而邵伯埭下有芒稻河。開洩水。尤要。雍正癸丑。水溢。君冒雨親至其地。呼開官洩之。開官以鹽漕為言。持不可。會制府嵇公以視河。至。君直陳之。厲聲呵開官。嵇公動色。即啟開。且立片。開官又用君言。以鹽漕二船過湖。需水不過六尺。若過六尺。即啟開。無得以鹽漕藉口實。多蓄水為民田惠。自是開水疏通。然君終以築埭開塘二事。未得施行。為憾。世宗晚習禪悅。僧明慧者。曾與內廷法會。出住西湖聖因寺。干謁遍大江南。北一日。以書幣闕白於君。君杖其使而遣之。制府驟聞。頗咎君。良久嘆曰。強項令當如是矣。吾

媿之而其事竟流傳上聞。上召明慧還京。個不許復出。當是時甘泉令吏聲雄於天下。邦
溝故脂膏地。吏罕以節操自持。君卓然自矢。有故侍郎子。舊嘗館君於京師。至是以里人
入謁。有所屬君拒之。又有同城官為制府所昵。令伺察屬吏者。方有挾而請。君亦拒之。又
有巨室延飲。先期自運使太守以下。皆固要君同往。君又拒之。平居益自刻苦。終歲無一
絲一粟足稱長物。喪偶不再娶。而惠政時及於民。每歲晏。江都之鰥寡孤獨。多求入甘泉
部中。以君有以卹之也。居六年夏。歸。尋卒。年四十有六。君於經學最深。著毛詩疏說八卷。
皆籙書之暇所得也。其論春秋滕子來朝。正胡傳之失。論周禮舞師鼓人。應屬司徒。辨采
芑詩。鉦人代鼓。非互文。辨禹貢五服。正蔡傳之誤。皆獨有心得。多先儒所未發。其詩文曰
龔甘泉集。

童心樸太守事略

童華。字心樸。浙江山陰人。年十二補諸生。長習名法家言。佐郡邑為治。雍正初。入貲當得
知縣。時方纂大清律例。大學士朱文端薦其才。世宗召見。命察賑直隸。時樂亭盧龍兩縣
報饑。口不實。君倍增其數。怡賢親王方與文端治營田水利。至永平。問君灤河形勢。君條
對甚晰。王器之。尋補平山縣。災不待報。遽出倉粟七千石貸民。權知真定府。權按察使事。
以前發粟事。部議免官。特詔原之。五年怡賢親王奏。以君理京南局水利。君度真定府城
外。得泉十八。疏為渠。溉田六百畝。先後營田共三百五十頃。以北人不食糴。請官發錢買

水田穀運通倉省漕費。而民得市稷黍以為食。王具以聞。從之。未幾。移知蘇州。其為治。精勤廉幹。發奸摘伏。如神。事有不可。持之甚力。當是時。有詔清查。康熙五十一年以來。江蘇負課千二百餘萬。巡撫督責。急遽捕追。比無虛日。君固請寬之。巡撫怒曰。汝敢逆旨耶。君曰。華非逆旨。乃遵旨也。皇上知有積欠。不命嚴追。命清查者。正欲清其來歷。查其委曲。或在官。或在役。或在民。或應徵。或不應徵。使了然分曉。然後奏請。以俟聖裁。此詔書意也。今奏行者。絕不顧名思義。徒以十五年積欠。竭竭然求完納於一時。是暴征非清查也。汝欲云何。曰。限華三月。當部居別白。分牒以報。巡撫默然。從其請。乃量釋獄繫者千餘人。次第造冊。請轉奏。未幾。世宗風聞。江南清查不善。下詔嚴飭。如君言。巡撫嘗訪僧與民婦。姦製一枷。兩人荷以徇。君聞。即破枷出之。而詣巡撫曰。犯姦者枷律也。兩人共荷之。非政體也。且臬簿非尊官所宜問。今縱之矣。巡撫謝之。而心弗悅。浙江總督李銜。嘗募人於蘇。無文牒。君不與。李怒。為蜚語以聞。世宗召見。責以沽名干譽。對曰。臣竭力為國。近乎沽名。實心為民。近乎干譽。命往陝西。以知府用。署肅州。佐經略鄂文端。屯田肅州。鑿通九家。密五山。引水穿渠。溉田萬畝。復以忤巡撫。被劾。罷官歸。數年卒。年六十六。家居。嘗建宗祠。置義田二百畝。起屋數所。以居族人。又寫義塚二區。費金數千兩。所著書有請田大湖清議。九家密屯工記。銅政條議。多切於事實。合詩文集。計共十餘卷。

清朝先正事略卷五十二終

清朝先正事略卷之五十三

平江李元度次青纂

循良

王臬謨太守事略

王君時翔字臬謨江蘇鎮洋人明相國文肅公族孫也為諸生博學能文章雍正六年州人沈起元官興化知府奉詔當薦士以君應引見授福建晉江知縣時世宗以閩中吏治頽廢遣使按視倉庫盡更諸守令新至君頗尚操切晉江民好訟前官以擊斷為治而訟益繁君至曰此吾赤子也忍以賊盜視乎縱解苛政坐堂皇响响作家人語曲直既判呼兩造前令釋忿相對揖罷去由是訟者日衰觀風整俗使劉君按泉州委君詢疑獄二十餘事輒報可語人曰晉江長者決獄又何精緻也題廉慎勤平四字以章之尋為知府所嫉調政和晉江民爭乞留不得縣有平糶米六千石代者以虧耗不受眾譁曰俞欽此聞一杯水安所得錢補耗米請各出錢買米納價如額十日而事集治政和斃劇盜懲訟盡引諸生講學縣有虎患移牒城隍神驅之尋調甌甯擢漳州府同知駐南勝南勝山菁深輿民族居峒中鬪者輒百十為黨手兵械抗官吏莫敢詰有賴唱者其黨犯法捕治糾眾奪之與諸賴萬人匿險自固君馳檄示以利害親入山山中人聞君至夾道跪賴唱族長率相賴迎謁君謂曰汝諸賴萬人奈何庇一賴而以死殉之其為我縛唱以來即無事矣

諸賴皆感動。唯而退唱不得。已自縛出。遂繫以還。治唱罪。自時峒民帖然。歲除繫囚數人。許暫甯家。已而如期。悉詣獄。瀨子阮民葉揚煥。龍君謂緩之。可一紙定矣。或張其事。聞於大吏。遂奉檄入山。剿之事。意不自得。乃乞歸。乾隆元年。以薦起蒲州同知。治永樂。未幾。特詔遷成都知府。以廉率屬為政。持大體。善審機要。錢價騰布。政使榜平。其直市人皆諱。君方請假。謂成都華陽二令曰。市直當順民情。抑之錢益閉不出矣。二令言於布政使。檄其榜錢價尋平。總督欲徙涼州駐防兵於成都。議拓滿州城。當奪民居二千家。君考故牒。請於布政使曰。成都滿州城。故容駐防兵三千。見兵一千五百。尚虛其半。但出駐兵所侵地足矣。毋庸拓也。乃止。已而涼兵亦不果徙。七年。江南湖廣災。巡撫奏請運蜀米四十萬石濟之。報可。已而湖廣急。米委屬吏領運。而江南獨無。巡撫檄州縣餽運。舳舻蔽江。商賈不通。成都薪炭俱絕。君謂江南運可緩。而徒病蜀。甚無謂。力言於巡撫。請獨運楚。而聽商人自運江南。則公私兩便。巡撫怒不聽。江運卒行。吏民重困。在官屢雪疑獄。閩府稱神明。九年卒於官。疾亟召成都華陽二令入內問獄事。口為定讞。而瞑。年七十。

牛階平大令事略

牛君運震。字階平。號空山。山東滋陽人。生十歲能文。十六補諸生。雍正十六年成進士。乾隆元年召試博學鴻詞。不遇。尋授甘肅秦安知縣。開九渠。溉田萬畝。縣北玉鐘山崩塞河。水溢壞民居。君督濬。四日夜而水通流。民獲安堵。縣聚曰西園。去治二百餘里。村民輸糧。

苦運費多積逋君單騎往諭問所苦民請以銀代君許之自是無梗化者先是巡檢某誣馬得才兄弟五人為盜前令弗能察得才自刎死其兄馬都上按令又誘斃之獄具其三
人者將解府君鞫得其情昭雪之又白清水縣武生杜其陶冤前令當其陶父子謀殺罪
上官檄君覆治驗死者得自刎狀以移屍罪其陶因釋其子他所平反率類是官泰安八
載惠農通商以經術飾吏治設隴川書院於署東通其門日與諸生講習民始知學嘗嘗
雨九龍山立應又牒城隍神為民勸業病者即愈人以為勤政之感兼攝徽縣其治如泰
安建社工部祠於溧亭川吳玠廟於仙人關皆置祀田徽多虎患君募壯士殺虎二十有
六道始通及自徽縣歸泰安遇白額虎當道人馬股栗君叱之虎帖耳去或為剛虎圖傳
其事未幾調平番縣縣之五道峴苦饑蠲粟二百石賑之民感其惠人輸一錢製衣銘德
君受衣返幣固原兵變圍提督戟門且肆掠督撫咸至平涼飛檄招君問方略君請勿以
兵往但遙屯城外為聲援而自入城令縛首亂者出獄具斬三人監候四人餘予杖徒有
差上官才之或反以此忌君乃撫前受萬民衣事劾免其官平番民涕泣攀轅留主臬臬
書院教學得士心及歸有走千里送至灑橋始別者君性開朗有斷制署中不延幕客事
雖鉤棘輒辨治在官不問生產既罷無愠色與同歲生胡天游論古最相得著有經義史
論數十卷卒年五十三

李立之太守事略

李君大本字立之山東安邱人雍正十三年舉鄉試乾隆九年選湖北棗陽縣改湖南之益陽居官自奉極約勤於吏事識大體所規為多遠略益人不知驚君教之樹桑後賴其利號李公桑縣多山有里豪謀開礦以利陷君叱去之因為上官陳開礦之害請立碑申禁從之明年調長沙考績為湖南最十六年遷寶慶理徭同知其所隸通水崗有苗僧行賈臨桂知縣田志隆見之意其為賊黨吳方曙方曙者從馬朝桂謀反時方繪圖懸購者也苗僧畏刑誣服又訊朝桂所在妄言在崗中志隆以告巡撫立上奏帥兵出命君從行君曰僧言真偽不可知大兵卒至苗必駭且生變請潛訪之果在以兵禽之未晚也既而白僧言實妄巡撫疑未釋復欲率兵往君力諫乃已後廷訊苗僧果誣如君言橫嶺崗苗乏食額官求粟君多方賑之復請於上官曰橫嶺崗自逆渠授首安插餘苗因惡其人故薄其產每口授田才三十畝得米無多高田稍腴者又盡與堡卒極惡者方畀苗民歲入不足男則斫柴易米女則劇歲為粉給口食年來生齒日繁材木竭米價益昂飢餓愁嘆深可憐憫恐不可坐視而不為之所也見有入官苗田一千三百四十八畝舊募漢民田種出租供饑姦良不一屢經淘汰請視苗民家貧丁眾者稽實書簿有漢佃應除者即以書簿之下次第受種出租如故則苗民得食而餉亦無虧此補救之一端也議上上官不許後巡撫陳文恭見之曰此識時務之言也將因北魏陳其事會遷兩廣總督遂寢二十一年君遷知長沙麻以病足告歸卒於家

周梅圃觀祭事略

周君名克開字統三號梅圃湖南長沙人乾隆十二年舉人授隴西知縣調甯州為人明曉事理耐勤苦敢任繁劇甯州屬甯夏府並河有三渠曰漢來唐延大濬皆引河水入渠以灌民田唐延渠行地多沙易漫君治渠使狹而深又頗改其水道渠行得安而渠有暗洞以洩淫水故旱潦皆賴焉延渠暗洞壞渠水不行上官從甯夏令議填暗洞而竭唐渠入漢渠以利甯夏民而甯朔病矣君力請修復之夏民以為農事近新水將至不可待君約以五日了之乃取故渠廢闢之石晝夜督工五日而暗洞復兩縣皆利大清河者鑿自康熙年長三十餘里久而石門首尾皆壞民失其利君修復之皆用日少而成功速以卓異薦擢固原州再遷知都勻府調貴陽府在都勻嘗從總督吳達善侍郎錢維城治貴州苗民為逆事獲其首從鞠之君謂錢侍郎用法有失當者固爭不為下在貴陽亦以強直忤巡撫宮兆麟二公始皆憾而卒以重君旋以公累解職引見復授蒲州知府調太原府大清積獄修復風峪口堤堰障山潦而導入汾始君在甯夏治渠作閘民謂之周公閘及是堤堰成民亦於堤上作周公祠云擢贛南道權布政使事坐王錫侯字貫業被議高宗素知君賢發江南以同知用會南巡君迎駕命知九江府擢浙江糧儲道當是時王賈望為浙江巡撫吏徵糧皆毒民以奉上官君聞素疾之至浙身自誓不取絲毫潤請於巡撫約與之同心巡撫姑應曰善而厭君甚無術以去之也反奏譽君才優糧儲常事易治今

海塘方急請令移治。於是調杭嘉湖海防道會改建海岸石塘。總督欲徙柴塘近數百丈以避潮。君曰：海不與河同徙而讓之。潮益侵無益也。力爭乃止。以督工勞疾卒。官乾隆四十九年也。年六十一。君莅官皆有名績。善治獄。多所平反。禮儒坐斥私錢。興書院。性尤廉。理後家無餘貲。而王亶望卒以貪賤。世言苟受君言。豈徒國利亦其家之安也。故天下稱廉吏者必曰周梅圃云。

鄧虞揮太守事略

鄧君夢琴字虞揮。江西浮梁人。乾隆十七年進士。授四川綦江知縣。縣人相沿呼大府胥吏為老上司。橫甚。君察其尤者。先予杖。後申請治罪。遂俱斂迹。貴州遵義有巨盜亡命過縣。君遣捕人跡至二千里外之萬縣獲之。以能署江津。江津民宋志聰與楊在位爭搏魚。在位毆之仆死。置尸黃君相之門前。令比君相殺人罪已瘐死矣。君鉤距得獄情。獄之前令因推事官巧請於按察使。倚其職。君力爭。按察使遂怒。此初獄也。而前令在江津事多率爾。民周景康盜樹為樹主。研顛左旋以他事與周東魯爭。傷腹下乃死。前令以比樹主。君請復診之。腹下傷重。罪當比東魯。而按察使挾前怒。欲如前令比以傾君。此繼獄也。當是時前令已因宋志聰獄去官。君復持此獄甚急。於是諸黨按察使有氣力者為蜚語。以為君奸排人。人已墜坑井。尚下石。按察使雖知君直而必洩前怒。幸其言。君勢危甚。會定遠民譚學海被殺。不得主名。縣攝民六人答服之。至府皆不承。君奉府檄廉知諸偷。鄧理

瑤等實殺人。一訊獄。其此最後獄也。君白府分功定遠。定遠得免議。諸大府乃信君非排人者。適按察使權布政司事。周景康獄。乃得如君讞。夏歸。十二年。授陝西洵陽縣。洵陽處萬山中。流民賃山課。課不立期限。遂多訟。君期以五年。民安之。山南州縣地日墾。大府歲徵升科。君言流民開荒。食數年之利。不可使失所。他徙。國家賦額已定。徒飽吏胥耳。終君去洵陽。不報升科。尋署岐山。調寶雞。寶雞臨棧道。轄陳倉。東河二驛。冠蓋亭午。驛馬多疲。擢前令。以給里民。需其值。曰領馬。有急。復據私馬。應官。曰里馬。君令領馬。春。港。交。見。馬。驛。遂充。非大差。不撥里馬。逆回田。五作亂。陷通渭。君斷仙靈谷石道。為守計。復科丁壯。登陴。賊以不至。旋擢商州知州。署西安府。擢知漢中府。因事鐫級。大府以教匪方熾。奏留君。尋以病乞休。時年七十五矣。後重赴甲子科。鹿鳴筵宴。卒於嘉慶十三年。年八十有六。少時以小學遊思錄洛學。編為宗。後從廬主蔡文恭公遊。窺閩中道學源流。終身守師說。嘗曰聽訟末也。雖然。有本焉。古之人先治己之好惡矣。至聽訟。則察人之好惡。為好惡。夫天下固有得其辭而失其意者。豈有舍其辭而得其意者哉。當官難於慎守。官難於正。求其難焉。可也。所著有楸亭詩文集。

李澹成大令事略

李君名炯。字澹成。江蘇元和人。少孤。母教之成立。乾隆十七年進士。授廣東茂名知縣。以慈惠為政。自奉薄。嘗題其堂柱云。窮秀才做官。何必十分受用。活菩薩出世。總憑一點良。

心。士民誦之。每聽訟。平心察理。未嘗用一暴刑。縣有重獄。株連二十餘人。君按驗多縱釋。所羈候才一二人而已。縣境黃塘瀨水。居民多死者。水退請上官發棺銀收殮。有績報者。太守難其請。君捐俸益之。其生者。為起竹屋煮粥以食之。初紹興沈生。以刑名術佐君。頗通時。君謝遣之。及是客府衙。構君於太守。遂以不勝任勅罷。改教官。去之日。士民執香送者。踵錯於道。作德政歌。用金書彩旗為導。有警者百餘人。製布袍獻君。服而見之。警曰。貧不能得錦袍。恐不得公意。君曰。服之矣。警前捫君衣。果布也。則皆大喜。羅拜去。舟過梅茶鎮。商民張彩棚設樂。餞君三爵。後獻白金為壽。君卻之。已而昇君徧歷鎮中。曰。公去矣。俾鎮人一識公。既歸。遂不出。卜居靈巖山下。野服翛然。以山水自樂。卒年七十一。縣役李棟者。嘗詐取鄉人牛。君痛杖之。責償其牛。及君將去。任棟數來候起。居。君曰。得無怨我乎。棟曰。身自犯法。敢怨公。烏虜觀棟之於君。足以概其餘矣。

朱梓廬明府事略

朱君休度。字介裴。號梓廬。浙江秀水人。乾隆十八年舉人。授山西廣靈知縣。初蒞任。值大荒。疫民流亡過半。前任虧官銀數十。君安撫招徠。補其耗。久乃復其故。丁糧歸地。善政也。縣之丁糧未歸者。半災後。或丁絕糧存。或地在人亡。或自外歸。占耕他人之田。或未歸而他人不敢耕其田。君乃親履勘。奠其居而勸之耕。一年而荒者墾。三年而土無曠。於是丁糧地糧歲無逋負。尤善決獄。大吏知之。以某事。飭使之聽。孟縣郭漆保賣妻張及其子。如

詰朝婦手刃二幼而自剄。察婚書主者伯氏。趙嫁者婆婦張也。訊而知張為劉劉氏。趙為郝永福。夫為劉杞子。其嫁也多媒。屢易宿跡。涉詭異。當詣驗時。婦猶未絕。目郭作聲曰。販販乃訊其妹及長女。知婦以夫出。飢欲死。易姓改嫁。既嫁疑郭為販賣人。忿甚。且恐子女俱辱。不如俱死。無他情。獄定數月。夫歸。求見君。君語之狀。並及其家中某某事。劉杞子涕泣曰。小人愆婦斯事。至此勿怨他人矣。稽首去。大同馮良純兄為里長。以催繳料草管志而死。良純伺令短控於部。凡十三事。部守拘之。倔強不受命。檄君鞠之。至則俯首聽部。度其再赴部也。屬君守之。歲除。君乃縱之歸。適大吏欲提問郡。指索不可得。以讓君。君遣一僕往。良純即出口曰。我不難逸去。第不忍負未公耳。縣民薛某偕其妹觀劇。其友目送之。薛怒。刃傷其左乳。死。逮訊。自謂罪必死。大言曰。早欲殺之。殺人者死。無悔也。越日復問曰。爾善拳擊乎。百不失一乎。曰。無之。君曰。然則一刃何以即死也。曰。刃時不料其即死。曰。不料善拳擊乎。百不失一乎。曰。無之。君曰。然則一刃何以即死也。曰。刃時不料其即死。曰。不料其即死。胡不再刃。曰。小人見其血不止。心惕息。何忍再刃也。律誤殺罪弗死。若云早欲殺之。則為故殺。雖不死。且論絞決。而薛實誤殺。乃減等。君常曰。律則一耳。然南方案多情重。法輕。北方案多情輕。法重。稍忽之。失其情矣。能無慎乎。以是終任不枉殺一人。君性慈惠。待人以誠。人不忍欺。又周知民情。間有訴曲直者。折以數語。輒皆悅服。去。數年間。囚圜一空。暇乃考縣之壺泉為周禮之嘔夷川。而酈道元以澗水當之者。誤也。於是築文昌閣。巽妙軒於壺山之上。縣廨無吏舍。亦增置之。自及門堂皆新之。而弗及臥室。居廣靈七年。薦

卓異君不樂仕進嘉慶元年引疾歸邑人懇留不得乞君壺山垂釣小像勒諸石追餞出境者數千人君卒後二十年邑人請祀名宦祠君深經術工詩年八十有一精於數學死葬皆預定時日如其言者有學海觀瀛錄皇本論語經疏考異小木子詩集等書。

汪龍莊大令事略

汪君名輝字煥尊號龍莊浙江蕭山人。父楫官河南淇縣典史君年十一而孤繼母玉生母徐教之成立世稱汪氏兩節母君才識開敏十七補縣學生練習吏事前後入諸州縣幕佐其治疑難紛淆一覽得要領尤善治獄俾境揣形多所全活以其略讀書乾隆三十一年成進士授湖南甯遠知縣縣雜狃俗積逋而健訟前令被訐去攝者務姑息秀民益伺間為挾持地流丐強橫勢洶洶君下車即掩捕其尤而驅餘黨出境傲賦期迫君為大告諭民剴切誠至讀之慙且感相戒無負好官不逾月而賦額足治事廉平尤善色聽剖條發繪不爽錙錄及其援據比傅律之所窮通以經術所決獄詞皆曲當人聽聽頌神明而君益欲然按事畢輒問堂下觀者曰尤乎僉曰尤矣遇罪人當予杖輒呼之前曰若律不可違然若受父母膚體奈何行不肖虧辱之再三語罪人泣君亦泣或對簿者及代請得免卒改行為善良延見紳耆問民間疾苦所語皆籍記之教民廣種殖導以興禮讓惜廉恥誠昏禮用費而民知儉禁喪禮用酒而民知哀俗丕變歲復屢稔乃復行鄉飲酒賓興禮建節孝祠行保甲政聲大播他邑有訟聞移君鞠之則皆喜甯遠例食淮鹽直數

倍於粵鹽。民多貪粵私。大府遣營弁偵捕。人情惶擾。君為帖白上官。請改淮引為粵引。久之未報。君引例張示。零鹽不及十斤者聽。偵弁謂君故縱私。聞於總督。君復揭辨。謂縣官當緘靖地方。張示諭民。勢非得已。揭上總督畢公沅。尤嘉賞。立弛零鹽禁。時倭其議稱於知縣云。官甯遠未及四年。以足疾請告。時大吏已疏調君善化。疑君規避。劾免歸。民走送境上。老幼泣擁。輿不得行。君歸里。值西江塘圯。閘數邑水利。巡撫長麟公先後遣官勸君董其事。不獲辭。初估工費錢二萬八千九百緡。用君議增工倍。而省錢六千三百緡。工用堅實為永利。君渡江一謝巡撫歸。而閉戶讀書。不問外事。嘉慶元年。詔舉孝廉方正。邑人以君應固辭。免君少尚志節。老而愈厲。持論挺特。不可屈。而從善如轉圜。性至孝。痛父早歿。兩母茹苦鞠孤。撫父母行狀。乞天下能文章者表之。得傳志銘誄賦詩數千百篇。棠為雙節堂。贈言集六十二卷。自以孤子所繫甚重。故於守身之義。慄慄自防。終其身固敢墮越。官私一介不取。而不以所守自矜。有譽之者。君佛然曰。為淑女寒修。而稱其不淫可乎。所交多老宿。以道誼文章相切劘。尤邃於史。著有元史本證五十卷。讀史掌錄十二卷。史姓韻編六十四卷。九史同姓名略七十二卷。二十四史同姓名錄百六十卷。二十四史布姓錄四卷。逸元金三史同名錄四十卷。龍莊四六彙二卷。紀年獨吟草各一卷。題衫集三卷。辛辛草四卷。岫雲初筆二卷。楚中雜詠四卷。歸廬晚彙六卷。汪氏追遠錄八卷。越女表微錄七卷。善俗書一卷。庸訓六卷。過眼錄二卷。詒穀燕談三卷。其尤著者。學治臆說四卷。

佐治樂言二卷言吏治者多宗之阮文達撫浙及豫皆刻行其書下有司俾為法式嘉慶十二年卒年七十有八子繼芳丙午舉人四子繼培乙丑進士吏部主事

劉寄庵明府事略

劉君名大紳字寄庵雲南甯州人工詩古文而根本於忠孝廉節乾隆四十八年由進士知山東新城縣有異政以朱子小學誨諸生約以朝夕講習身體力行庶為天地間不可少之人以不虛負此生士習為一變應甲辰乙巳丙午三歲大旱荒君極力拯卹全活者多量移曹縣代者至縣民詣大吏請留弗許適臺使者琅公過境縣民數千人遮道留君長山者鄰邑也亦代新城乞留遂得留三月及泲曹則乙巳丙午年災傷更甚新城也方務與民休息而河使者檄修趙王河工段數百丈日役萬夫兩月而始竣無逃亡及疾病者又檄辦河工稽料三百萬君以時方收穫請暫緩河員訴於使者督責益急將按以罪因請為十日限縣民爭先往納未十日而三百萬之數足矣嘗出巡鄉曲間有於馬後言穀賤銀貴開徵期迫者君顧語之曰俟穀得價再輸未遲也語聞於大吏怒謂曹縣令徑緩征矣急遽能吏往代征至則新賦已如期完因議征乙巳丙午逋欠計四五萬兩有奇聲言不足數即以他人易君民大恐晝夜輸將不數日得三萬餘兩能吏由此膺上考戊申君以病自歿君之初至曹也與上官有違言投劾去曹人聞之環署泣留且相率走訴大吏趾交錯於道適大吏有事於泰山見而諭止之以是得不去至是乃於元日密自申

文不假手書吏。迨得請而縣人始知之。雖乞留者踵至。無如何也。甫歸而賸攤之令至。乃出山。再至山東。補文登縣。未行而新城方修城。城工棘手。人爭避之。新城人請於大吏。願得君修城。君能辭。大吏不能辭。新城人也。工竣。方議重興正蒙書院。以錦秋湖荒為膏火田。蓋前泲新城時。曾議此舉。旱災未暇及也。亡何。忽以曹縣任內事。與同官並削籍。遣戍兩縣人。於是斂錢請贖。得放歸。其後大臣有以君列薦者。有旨送部引見。仍發山東。以知縣用。權福山兩月。值大雨。水以七分災報。大吏準五分。五分則不成災矣。民間素戴君無怨者。君復乞病。弗許。命署青州。同知昇。署武定。同知固。固閭曹也。會登萊蝗起。大吏委君督捕。又黃河水溢。自漕運河至大清河。為沿河郡邑害。委君查災賑。君皆竭力任事。實惠能及民。後一年乙丑。乃告養歸。君平易近民。民情固結。不可解。請留矣。代贖矣。意殊未已。其始以病歸也。東人留醫治。幾二年。為君壽。為君母壽。如在任時也。歸則送及汴梁。城留數日。乃別去。有送至樊城者。其繼以贖歸也。延留為壽者如初。歸有送至漢陽者。最後以養歸。則有送及周家口者。其得民心如此。歸後百制軍。延主五華書院。成就後學。其眾。卒祀新城名宦祠。

李許齋方伯事略

李君履芝。字生甫。號許齋。江蘇嘉定人。父夢璣。乾隆壬戌進士。官江西直隸州。君少從辛楣先生學。通六書。蒼雅三禮。善屬文。孝於繼母。勵名節。為時所稱。乾隆五十五年進士。知

浙江孝豐縣調德清平湖嘉慶三年九卿中有密薦君者特旨問巡撫阮公元元以守潔才優為浙中第一良吏奏引見遷處州同知調嘉興八年奏署台州府手詔批此人可用尋擢嘉興府十六年母服闋補汀州府十九年調漳州尋擢汀漳龍道明年遷福建按察使晉布政使君性廉正敝衣蔬食任監司無異寒儒自縣令至藩臬所在有惠政能得民心其治平湖也以陸清獻曾官嘉定而已以嘉定人官平湖首謁其祀一以清獻為法除姦訓士邑中稱神明其守嘉興也正己率屬莫敢以苞苴進生辰令節閉門却掃而已五年金處二郡災有詔賑金華民苦無錢處州苦無米價皆貴君以萬金易錢載至金華人加賑錢百民益安而錢價頓平復以萬金買米於溫州輒轉運米亦賤十年嘉興水災君奉檄減糶復設粥廠全活數十萬人及涖漳州俗獷悍多械鬪號難治君召父老問有隙胡不翹之官皆曰一涉公門需訟費且讞結不以時是非尤失賢君曰某在此有踵前弊者父老共唾之如不來翹而仍鬪則亂民也誓以兵除之毋嘗試毋恃賄脫皆唯唯退然不知操何道以治也既而民有關者立調營兵往補治焚其居鬪者大懼乃日坐堂皇重門洞開許翹者直入命役與俱召所當治者限時日不至則杖役至則立平遣之即案前書讞詞無一錢費民皆懼呼曰李公活我終君任三年無鬪者漳屬九龍嶺多盜公下所屬嚴捕擒其魁十數商旅坦行故事獲盜當甄錢公悉以歸屬吏不自居也會龍溪歸德堡某姓械鬪令黃某懦不能治未履中者內殺而外樓攝平和縣事受代來謁君詢曰

和平亦械鬪乎曰有之擒之必以兵乎曰長吏平日不擾民遇有應捕主名命里長縛以
來無或忤也君視之愿人也乃請於督撫以朱代黃逾月不辦督之朱曰滋事新民未孚
也又久之知其終不辦也親率兵任治無所得費帑金七百既訖事與未分任之數月遷
汀漳龍道尋擢兩司遂左遷未敘職會未虧鹽課五千抵以他款數相當代者張均不聽
抵漳守舉所謫昔納朱賄而今昔督之朱窮且憤揭督撫謂虧帑由道府婪索督撫密以
聞君遷藩司未一月遽解任矣君之在漳也嘗監造戰船不如式大吏令重修君已去任
家人稱貸於朱以釐事君不知也賈說時朱抵前二事指為贓家人自承稱貸事有之而
君慳不知總督桐城汪志伊益疑之必欲窮其獄歲除鞫至漏盡乃罷正月四日復促君
對簿君不肯誣服總督謂獄不成將罪承讞者君恐為獄吏所挫辱越十有四日夜縊死
貧不能殮家無以為炊士民數千人走數百里號哭於門累月不絕事聞上遣重臣出按
其獄乃抵履中等罪督撫皆罷斥閩士民公呈於使者請捐貲建李公遺愛祠得旨俞行
且諭曰斯民直道之公也又硃書使者奏牘中曰良吏阮文達公為君傳遂以良吏署其
端云

清朝先正事略卷五十三終

清朝先正事略卷之五十四

張吉安

平江李元度次青纂

循良

張詩塘明府事略

張君名吉安字迪安號詩塘江蘇吳縣人乾隆六十年舉人大挑以知縣發浙江署象山縣象山踞定海上游海盜由閩擾浙必由縣境之南大佛山而入沿海奸民多以米及淡水火藥濟盜且為嚮導君蒞任即嚴水米出洋之禁盜漸窮蹙不敢犯象山旋署新城邑去水遠倉設行省民以折色輸官官購米兌軍多浮取君平其折價民力以紓庚申署永康夏蚊水猝發山石大如屋隨流水下平地水深丈許田廬蕩然君速往勘搭棚廠俾資棲止其被水阻隔不能出者以舟載餅粥遍餉之具狀請賑同官以偏災向不查辦為言君不顧上游果扼之災黎大譁幾激變君力爭於大府得給賑及修補費且展賑如例是年處州旱麗水尤甚以君能卹民也命之往下車步禱雨立至轉歉為豐麗水多山地險而道遠念赴愬者多廢時失事就山寺獻結之民既得直又不苦期會癸亥春奉急檄至行省命署浦江縣浦江疊被水不逞之徒勾眾搶富民伐墓樹鄰邑多煽動君白大府曰聚眾肆掠非法無以止奸民眾聚以饑非米無以安良民良民安則奸民氣散請運兵米所餘往散給許之民知君已請米勢漸解擒治首惡論如律歲獲有秋是年冬補餘姚甲子

春雨傷禾未償騰涌君既請糴倉穀又請於臺使者官運川米五千石民食以足明年復被水鄰邑者賑者厥專設縣城擁擠傷亡日數輩君分鄉設廠別男女官帑外勸富民協濟迄撤廠無枉死者邑多名區次第修復之以工作代賑尋乞養歸道光己丑正月卒祀永康名宦並醮建專祠麗水民祀之遺愛祠餘姚民奉粟主於洞賓宮之一庵即君所修建以祀蘇文忠公者也君素優於學尤嗜成公詩歿而配食論者以為宜

史倬雲刺史事略

史君諱紹登字倬雲江蘇溧陽人祖貽真官大學士諡文靖父奕環山西按察使君以順天鄉試挑膽錄敘布政司經歷發雲南乾隆六十年署文山縣事雲南鹽歸官辦苛刑抑配民不堪命君蒞任即弛其禁釋獄中逋課者數百人閱三載配鹽之五十七州縣一日同變乃改商辦以寬民依文山式也未幾苗匪起貴州距文山尚數郡君策其必至念鎮兵不可恃乃集史卒健者得三百人親教以打鑮期三十步外取人能命中赦甫成黔匪竄鄰境之邱北又潛結文山各寨獍獠約分途起君謂不救邱北則文山獍獠必不靖遂親帥三百人往人投刀一握鐵鑮三十枚既至當者輒仆收復卡汎以十數廓清邱北而雲貴總督勒保勦苗失利被圍於貴州之黃草坪月餘雲南巡撫江蘭檄君往援君帥壯勇馳至賊圍十數重內外不相聞君迎陣以鑮擊之皆靡賊死如積一日遂奔濬君念圍雖解而賊眾尚數萬若入城慰謁總督賊去且遠為後患甚鉅遂追奔三四百里仗七接

穢賊過半乃返。黃草坪先是圍解後三日。黔鎮以兵至。總督德之甚。比君上謁。總督曰。若
丈官亦遠來看我耶。君陳解圍狀。總督怒曰。圍果若解。何不入城一見我。君曰。入謁則賊
不可盡請遣官至外城。及七次接仗。處處賊屍。係鏢傷者。文山民壯所奮擊也。若刀傷請
伏冒功法。總督初欲重責君。覆劾得實。乃已。而巡撫聞君與總督辨大懼。遂飭君自備經
費。不入軍需報銷。以是虧帑至二萬。尋兼署蒙自縣。距文山三百里。交趾賊目儂福。連句
粵匪賀成猿等萬餘。竄入文山境。君區馬馳一晝夜。入文山城。領民壯出剿。生擒首從二
百人。洞十悉復。總督奏擢雲州知州。仍留署文山事。默酬解圍功也。嘉慶三年。文山大水
君發倉粟救民。不待報。明年初。彭齡來為巡撫。性好察。開化故有總兵官。當蒙自變時。土
人榜通衢曰。總兵守城。知縣打仗。總兵銜之。初公詢總兵曰。聞史令不要錢。果否。總兵曰。
小錢却不要。初公遂以虧帑劾君。士民聞之。刊章牘君文武政績。題曰天理良心。設匾邑
廟。餼金至三萬。初公聞之甚悔。以既完虧。奏留任。仍餘七千金。率箬珥指環之屬。無可返。
乃立案貯庫。為公項。後任欲乾沒之。士民請於上臺。建開陽書院焉。七年。署維西通判。廳
民反。下緡為亂。巢險固不可攻。君廉得粟。後巖壁斗絕。阻大溪水。水急如箭。君以篋為大繩。
募善泅者。繫長繩於腰。繩尾續大繩。既渡溪。引繩繫巖樹。對岸急引。如竿橋。繩套墜。圍圍
下繫小板。可坐。君先上板。以手攀繩。猿接。登巖頂。壯士三百從之。出賊不意。大驚。亂擒賊
淨盡。事平。拜花翎之賜。九年卒官。年五十。君能乘生馬。手未攀鞍。身已上。每宴客。輒以鐵

賭酒下堂坐。使善鑣者環擊之。鑣皆入君掌。莫能傷。常以至少擊至眾。每戰未當。敗衄身無傷痕。所殺三百人。亦無陣亡者。自川楚軍興。滿漢文武因緣。至封圻。顯爵者。以數十百計。述其功能。皆遠出君下。以浮沈下吏。故知者少云。

蓋碧軒太守事略

蓋君諱方泌。字季源。亦字碧軒。山東蒲臺人。以拔貢州判陝西。嘉慶三年。署商州州同。治在商州東百里。曰龍駒寨。寨之東抵河南南之武關。為湖北路。四通。縮商賈輸寫之會。又多林莽。山徑易憑。時川楚叛亂。賊屢由武關入陝。西寨君至地如洗。賊酋張漢潮復擁眾至。乃置藥朽中。誘賊劫食。多死。遂西走。官軍乘之。漢潮由是不振。然且揚言必報。若君集眾謀曰。賊雖去。必復來。若等逃亦死。守不得耕種。亦坐餓死。我文官也。無兵若能為吾兵。當全活爾命。眾議三日而後復曰。生死惟命。乃築堡聚糧。據見戶三。下抽一。得人三千。無了者。以財助軍餉。親教之戰。辰集午散。曰。無廢農事。四年賊屯山陽鎮。安將東走。河南迎擊。敗之。又擊賊於鐵峪埔。逐賊入林中。矛折賊已近。君奪矛以斃賊。時賊據山上。而伏其半於溝。乃分兵潛伏。奪據其東山上。數乘懈擊之。殺傷過當。賊宵遁。卒不得東。後賊由雒南東逸。君馳至分水嶺。聞道出賊前。而伏。賊錯愕。迎戰。遂敗。殺賊數百人。鄉兵名由是大振。自武關至竹林關。鄉兵皆請隸龍駒寨。五年知州困於賊。君馳百九十里援之。賊皆曰。龍駒寨鄉兵至矣。則皆遁。是時賊屯商州西。及雒南山陽各萬餘人。欲東走。君勒鄉

兵二萬人。列三大營以待。賊不敢前。已聞楊忠武公以兵自商州至。即前擊賊。東西夾攻。賊大敗。幾殲。是役枕戈而寢者五十日。游擊某誣以事解職。大吏直其邊。得留任。賊遂相戒。無入商州。八年賊平。授藍屋知縣。君在商州六年。賊出入陝西。久無所得。銳欲窺河南。狼奔豕突。君眇然以一丈吏。不憑一城藉一餉。起千百農家子。於逃亡餓殍之餘。抗堅悍。滑習之賊。於必爭之衝。摧鋒守堅。賊死突不能入。平地穿困山谷。卒以就職。殿功偉矣。在藍屋。猶時時入山。按賊巡撫方勤襄公。奏賞藍翎。及生獲甯陝倡亂者四十餘人。擢勇屯同知。仁宗召見。問商州事甚悉。授順慶知府。改成都府。十八年岐郿有賊入川。以鄉勇屯川陝要隘。賊知為統龍駒寨鄉兵者也。即遁歸陝。就滅毋專歸。服除。授延平知府。改臺灣。兩攝臺灣道事。道光三年以病歸。君始在陝。繼在川。皆以知兵重。然精吏事。重民命。其在藍屋。賊甫定。即涓俸賑饑。旌死節婦。及河灘馬廐鹽法。皆區畫久遠。計始至順慶。大吏聞渠縣民叛。屬以兵。君曰。此作會人眾。客主相驚。疑訛言橫興。非叛也。請無用兵。捕十二人而變息。始至閩。以三十金賞捕得周永和。乃總督命鎮將欲以兵取者也。在臺灣所獄四獄。皆千百聚羣。稍激則變。君一以理論。民輸其誠。蔽罪如法。彭義鏞補劫者七十人。寘之法。天乃雨。民呼為太守雨。君卒於道光十八年。年七十有一。

劉廉舫觀察事略

劉君衡。字廉舫。江西南豐人。嘉慶五年副榜。補官學教習。十八年以知縣發廣東。尋補四

會縣夏歸。道光三年。授四川墊江縣。調梁山及巴縣。七年遷蘇州直隸州。明年擢保甯府。調成都。十年擢開歸陳許道。十一年以疾乞休。楊撫軍國楨上其治行。且曰：臣蜀人能言其治蜀狀。請優之以風有位。特旨予假兩月。卒不痊。遂歸。君自少究心吏治。喜讀律。為牧令。不設門丁。日坐堂皇。決獄至數十。慮蠹胥之壅蔽也。懸鉦於堂。以待愬者。君聞鉦聲。立出剖斷。民呼劉青天。嘗曰：收令親民官也。官狃於安肆。不自親其民。致丁役痞隔。以售奸。官與民乃日遠。欲矯其弊。惟官須自做四字耳。乃設長案於堂皇之東西。案各分數格。大書吏戶禮兵刑工等曹字樣。又設粉版如其數。各書曰：某房送進。其在四案者曰發某房。有公牘。命吏自送於案格。壓以版。旁設小磬。吏擊之。立收入核治。其發出者亦各置案格中。役呼某吏至。捧而出。不經閭人手。積弊一清。出勤命獄。僉從吏役止六人。寔飯行素中。淪以水自啖之。絲粟不擾民。訟者至。立給以牒。命交某里正轉攝所訟之人。限日至。至則鳴鉦。一訊即決。非重獄不遣役。向攝懼擾也。每決事必親書判語。令兩造各讀一遍。不識字者。使吏朗誦之。皆翁服以去。凡訟牒不輕準理。準則必訊。訊必決。以和息。請者不許所判。或誤立。即更正。不怙前任。收令十餘年。無一獄上訴。亦無翻異者。獄情既得。左證雖未具。輒予決。遺省株繫。始至巴縣。前令未決者千餘獄。以移君。及君去任。惟一舉子請咨試禮部。咨未即至。以告受代者。此外無一事也。巴役七千人。君至無所得食。退散者六千八百有奇。存者百餘人耳。在官食指數百。日用不過六百錢。苟逾額必節縮數日之食。以補

之視百姓如家人。視百姓事如己事。獄辭無大小皆手治之。為書勸僚屬尤懇。架動人嘗言圖治在恤民。貧恤貧在保富。保富在除弊。除弊在於禁權。役誣擾受愆時。先訊始訟者窮其辭。則誣罔杜矣。母始泣任。訟者月數百人。久之不過數人。或月餘無訟牒。鄰邑民爭來就質。辭不獲己。受其詐。有爭執數十年不決。一訊即罷。訟者始獨為其難繼。實大簡易也。著有庸吏庸言。讀律心得。庸吏餘談。蜀傳問答諸書。足為天下後世法。子良駒由編修官至鹽運使。

李臯言明府事略

李君毓昌字臯言。山東即墨人。嘉慶十三年進士。發江西以知縣用。總督鐵保使勘核山陽縣賑事。君親行鄉曲。句稽戶口。廉得山陽令王伸漢浮開飢戶冒賑狀。具清冊將揭。知府山陽令患之。賂以重金不為動。則謀竊其冊。使僕包祥與君僕李祥願祥馬連升謀不可得。復於山陽令曰。是無可奈何。計惟死之耳。君飲於山陽令廨。夜歸而渴。李祥以藥置湯中。進君既寢。苦腹痛起。包祥急從後持其頸。君張目呪之曰。若何為。李祥曰。吾等不能事君矣。馬連升解已所繫帶縊之。嘉慶十四年六月七日也。山陽令以自縊牒淮安令王穀。穀遣役驗之。還報曰。尸口有血也。穀怒杖驗者。遂以自縊狀上。其族叔李太清與沈某來迎喪。沈某檢視其書籍。有殘索半紙。曰山陽冒賑。以利唱毓昌。毓昌不敢受。恐上負天子。蓋復總督書意。諸僕毀而未盡者也。喪歸。君婦感異夢。啟棺面如生。沈某以銀錢緘之。

鐵黑。太清遂走京師。訴於都察院。上命逮王。殺王伸漢。暨眾僕來刑部。會訛命山東按察使朱錫爵驗君尸。骨盡黑。蓋受毒未至死。先以縊死也。天子震怒。斬包祥。實顧祥馬。連升極刑。押李祥至君墓所。剖心祭。數伸漢各伏法。總督已下。皆貶謫。有差。贈君知府銜。封其墓。仁宗自為愍忠詩三十韻。命勒其墓上。君卒年三十餘。無子。詔為立後嗣。子希佐。實舉人。太清亦賞武舉。君柩之歸也。縣吏荆某少習君。暮出門。見與馬。僕從甚盛。有僮丈夫坐輿中。則君也。下而與執手甚歡。某訝曰。聞君死久矣。今胡為者。君曰。吾死而為城隍神於棲霞。某月日。吾家當開棺。則得吾死狀矣。君為吏良苦。蓋從戒行。遂不見。某趨至君家。君婦方痛哭。乃決計開棺。後數日。荆某卒。

彭兩峯戶部事略

彭君永思。字位存。號兩峰。湖南長沙人。嘉慶十四年進士。以知縣即用。發雲南。署嵩明州事。洎任三月。結宿案八百有奇。有疑獄。閱十餘年者。一讞輒定。尋補楚雄縣。精於治獄。狀入立判紙尾。并判以某日。訛非左證。不具。不以役喚也。一訊必與決。曰。鄉民曠工廢業。稍稽延。其害與鬻獄等。凡舉輿納狀。即口訴者。亦立致研詰。或令夾與行。且行且問。且斷案。結而人不知。出必以筆研隨。每就田隴間決事。始至投訟牒者。屬集。其後月不過三四紙矣。界哨民爭差役不均。數十年無定讞。兵備道過境。至關而環其驛館。得君判。遂著為例。每聽訟。必霽色和顏。使各畢其說。徐出一言。斷之。皆折服。鞫重囚。輒屏左右。低聲細詰。使

四忘其為官。雖數日不承，不加刑。然卒莫能遁也。尤善治盜。僑侶窟穴皆知之。所勦閭閻，黠盜莫敢枝梧。退或為謾語曰：爺幾曾作賊來。某官解餉至省，會破鞘得一石。夫銀二百兩，適君至。紮贏卒屬治之。君察石有蟲，豈非道塗物，可無向卒求也。因以手量石，問曰：石輕於銀，爾贏負銀，左右輕重必均。幾日曾敬否？卒悟曰：某日出某店，即敬君曰：吾歸遂當察之。歸載石與中。途遇石相類者，輒取之。計已十數矣。皆不甚類。至某店，從屋後得石，絕類。乃暗置袖中。縱贏夫歸。呼店主及某官從者曰：今日但看我番石，取十數石，令自比較。皆曰：不類。徐出袖中石示之，曰：類乎？則曰：類。君笑曰：此石何以出爾屋後也？乃頓服。蓋店主與某官從者實同盜銀，其精審多類此。遇事擔當有氣力，遇不韙必力爭。總督嘗有批劄，君面誦其謾，請繳還。在嵩明，巡撫同興公過境，僕從苛索甚厲。君用好言慰，反肆詈。君持鎖入，必欲得而笞之。同公為起謝，迤西道行部至驛，家奴橫恣，竟繫之於柱。某巡道子過縣，索夫馬。君曰：例不應與。其子猶張甚。君白太守，包君曰：來日此子不出城，必鎖其奴。痛與杖，尋遁去。永昌守與夫毆大理諸生某於境。君請飭赴質。夫故守鄉人，袒之，不使出翼。晨令肩其寵姬前行。君馳馬追及城外。叱役縛夫，別飭弁昇輿。太守亦無如何。凡大府涉境，必相戒無擾。彭知縣五侯神者，不知所起。淫祀也。邑民與豫章商，爭祀鬪訟數十年。君令兩造昇神像，取筆判神背曰：爾像不滅，訟端不絕。立毀之。兩造相顧愕眙而散。楚雄城外某寺，停棺百餘。久暴露。君督役往瘞。一日而盡。時久旱，雨忽大至。大挑令某報稱。

烏龍口奸民嘯聚數千。將為亂。太守包君夜召君問計。君察啟詞涉張皇。請乘其始聚。遂幹役偽與賊親者。以虛言啗喝。散其黨。密白副將某。率兵疾馳。日行百八十里。入洞掩捕。之獲七十人。君承鞠。誅一人。徒三人而已。初君權大姚篆。既受代。邑有逆案。君聞之。驚曰。必某村某姓也。已而果然。同官訝之。君曰。曾至鄉見其狀。兇狠呼至誠之。略無忤容。以其無惡跡也。姑置之。然未嘗忘也。君任楚雄五年。凡三權大姚。四權廣通。兩權南安州。知醫。遇獄囚及貧民病。輒親診之。多所全活。大計舉卓異。君厭外吏入貲為戶部員外。即勤其職。道光三年。父真歸。遂不復出。卒年七十有四。子申甫。孫樹森。皆舉於鄉。

俞陶泉都轉事略

俞君德淵。字陶泉。甘肅平羅人。嘉慶二十二年進士。由庶吉士。改江蘇荆溪知縣。有聲林。公則徐賀公長齡咸器之。調長洲縣。其得民心。遷徐州府同知。道光八年。海運告竣。巡撫陶公澍奏擢常州府。調江甯。當是時。兩淮鹽法大壞。十年冬。宣宗命尚書王公鼎。侍郎寶興公。赴江南與總督議改鹽法。先是陶公撫蘇時。稔知兩淮積弊。嘗極論之。上頗有意興革。乃召還總督蔣公。而以陶公代。時使臣議罷官商鹽。歸龜場科稅。以君有心計。使與議。君具議數千言。大旨謂鹽歸場龜。其法有三。一曰歸龜丁。以按餼起科。然其中難行者有三。一在龜丁之逋欠。一在餼鑊之私煎。一在災侵之藉口。二曰歸官場。以給單收稅。然難行者亦有三。一在額數之難定。一在稽察之難周。一在官吏之難恃。三曰歸場商。以認餼

納課然難行者亦有三。一在疲商之鑽充。一在殷戶之規避。一在垣外之私售。以上三法共有九難。如就三者兼權之。則招商認繳一條。猶為彼善於此。苟得其人。或可講求盡善。顧事難圖始。果欲行之。則宜先定章程。清竈僉商。改官易制諸事。非行之三年。不能就緒。此三年中。額課未可常懸也。場鹽未可停售也。各岸食鹽未可久缺也。然則新舊接替之時。非熟思審處。何能變通以盡利乎。至兩淮捆鹽之夫。淮北則永豐向有萬餘人。淮南則老虎湏不下數萬人。皆無賴游民。百餘年來。以此為世業。一旦夫所。此數萬眾將安往乎。其患又不止私梟拒捕已也。議上陶公深然之。乃與王寶二公定計。不歸場竈。仍用官商如故。惟奏罷鹽政。裁浮費。減窩價。凡積弊皆除之。陶公舉君起授兩淮鹽運使。在任五年。正課無缺。運費遂充。揚州俗華侈。君力崇儉樸。妻子常衣布素。風俗一變。郡中至無優劇。既精會計。又知人善任。使諸滯岸商。憚往運。輒遣官代之。每運恆有贏利。盡以充庫。無私取。官中所入雖少。必別貯之。曰此官銀也。官錢也。吾不敢以私。遇朋友急難。則傾囊仗之。有大僚某罷歸。通官錢屬君償之。或曰是其家不貧。毋庸也。君曰。既許之矣。可食言乎。卒償之。同官某將謁省。為黃緣。君偶與藩使者言及。異日大悔之。曰。庸知其必以是來乎。吾媿此友矣。君居官恪謹。吏白事。不衣冠不見。盛夏獄獄坐堂皇。汗浹竟日。嘗有所推鞠。瘡忽作。舉體震掉。事未竟不休也。始至荆溪。應訴者十百輩。逾年前訴者。又易名來控。君一見即識之。羣驚為神。兩淮本脂膏地。吏多以財結權貴人。及四方遊客。又以其餘賄寒賤。

取聲譽皆商賈也。君謹守完鑄，失望者多，絕不為避怨計。受陶公知遇而持法無可阿當。塗黃左田尚書家居，有子中民，以場大使需次淮上。陶公屬與優差，君曰：優差以持有功，中民無功不可得。陶公曰：吾已許之矣。君曰：以德淵辭可也，堅不予。陶公益賢之。林公於時彥少所推許，獨稱君曰：體用兼賅，表裏如一。十五年冬，陶公入覲，薦公大可用，上亦嘉之。將晉用而君卒。荆溪長洲江甯士民間之，皆流涕請祀各屬名宦祠。

石瑤辰郡丞事略

君諱家紹，字瑤辰，一字民慵，姓石氏，山西翼城人。以拔貢教諭壺關，實心課士，學使者稱為真教官。道光二年成進士，知江西龍南縣，調上饒，再調南昌，歷署大庾、新城、新建，擢銅鼓營同知，署饒州、贛州二府事。己亥五月卒於贛州官舍，年四十有八。君和夷坦白，口訥，若不能辭，而以情度物，折獄常得其真。在龍南發奸摘伏，有神明稱。在南昌連年水患，饑民聞省會散賑，聚附郭之沙井上。官委君及新建令辦賑務，始散米，令饑民自爨，已而來者蝟集，瀕河地幾莫能容。且人眾慮滋事，於是改散錢，令得錢各返鄉里，候截留漕米濟各鄉，閱兩旬，饑民數萬漸散去，而水患愈棘。君請於上官，開倉平糶，其力不任糶者，復分廠煮粥以賑之。主者循例備三千人食，而就食者五萬，扶老攜幼，攘臂喧爭，洵洵不可止。大吏不知所為，或曰：急檄石令及君至，往諭曰：食少人多，叱嗟不能辦。汝等其速散，詰朝來斷，不使有一饑民無粥噉也。則皆曰：石參參不欺人，我輩無多事，遂散去。參參者，江

西民呼父也。君所治皆得民心，無識與不識皆以爹呼之云。先是惶遽時，大府遣官關諭者數矣，然皆若罔聞。及君至，片言解其素行，足以感人也。然君自視常欲然，有頌其政蹟者，君曰：僕縮符十二載，自問無一事盡心可對士民者，慚愧而已。遠知其他首縣最煩劇，君治之裕如，理訟必細心勘鞫，至夜分不輟，性好聚書，藏至七萬卷，有暇即手一編，事母孝，視聽無形，聲事上官以敬，然是非可否，惟義是視，不苟為辯，嗟嘗自記曰：吏而良，民父母也，其不良則民賊也，父母吾不能，民賊也，則吾不敢，吾其為民傭者乎？因自號曰民傭，嗚呼！父母之保抱其子，蓋日為傭而不自知也，是則君所以自處者矣。既卒，官五縣人皆請祀名宦，南昌民尤德君，醴金建專祠於百花洲恆沙寺之右，久而奉祀不衰。

張翰風明府事略

君諱琦，字翰風，號苑鄰，江蘇陽湖人。道光三年，以舉人發山東，權鄒平縣事。山東吏倚錢漕耗羨為生，歲稔則無所入，而供億不能減，故相率諱災。是歲鄒平旱，君以臘底視事，見田皆龜坼，麥未種，即具牒報災。以秋冬無雨，不能種麥，告明年正月四日親赴行省，呈牒布政司，面言狀。時布政司為朱公桂楨，言於巡撫，破成例入奏。因鄒平得緩征者十六州縣，未幾調署章邱縣。章邱民好訟，月收訟牒至二千餘紙，院司道府五署吏皆章邱人，多走書請託，倚撫短長無虛日。君蒞任歲餘，五署內無一紙至，而結正新舊事二千有奇，亦無一案翻異。控及會垣五署者，民夫物誤訟於長山縣，歸獄於君。君曰：汝夫物地大樹止。

柳大樹南也曰大樹北君曰若是則我界也民愕然曰誠鄒平耶即不欲以數匹布煩父母官持牒竟去忽鄒平民亦來赴愬君謝遣之則號咷曰自父母去鄒平民受屈者多矣知父母不能越境理事也私念此情得白諸父母前即不啻伸雪耳聞者皆為泣下已而民以瑞殺接踵來獻有至四穗五穗者君曰去秋今春大旱無禾麥陽氣伏抑得暑雨潤發地力足故生長倍常耳皆謝遣之然他邑同被旱者卒不聞有此也乙酉補館陶會天旱風霾三日夜對面不見物沙塵壓麥苗皆死飢民聚掠之寨已積十餘起君度禱龍王廟得大雨乃嚴捕倡掠者又勘得富民閉糶居奇狀分別按治民大服因請普賞口糧人兩月館陶故褊小君所造應賑戶口冊視鄰近大邑數且倍大吏呵之忽奉詔責問歲饑狀甚切乃按臨災區災民迎訴賑弊無不至惟館陶得實始劾罷尤玩視者數人而厚慰君既而鄰邑蝗起蔽天日毘連館陶處若或界之無一歧闕入者先是君在章邱蝗自東府來及界退館陶人聞之而未信也至是皆咤為異事及秋大雨雹積尺許皆在不耕之地君治館陶七載歲屢豐無牙角耗閭閻殷富成都會焉士有訟者閱其詞不直則曰課汝文不至訟乃至耶試責以文不中程後乃決事士訟遂稀其仁術兼濟類如此縣向無良醫民多天枉見病者君即診之然終以入署為難乃設惠民局命族子賜司其事貧者並給藥疑難甚則以質君全活亡算癸巳三月十二日卒官年七十是日昧爽南闕居民見鼓吹幢蓋導君行於彩雲中爭傳君為館陶城隍神公為政以近民為主用法恕而執

之堅其理訟也不待兩造畢集即決遣之以其辭實後至者莫或狡飾不承也遇大疑獄亦不過再訊故事日簡而民不擾御胥役至嚴驛驢小民者論如法然善其生計必均必一無怨者母去官錢送者逾萬及卒賴賻贈以歸以畏君少工詩古文及分隸與兄編修惠言齊名稱毗陵二張尤精輿地之學於山川阨塞形勝及古今沿革戰守成敗得失之故上下數千年如指掌戰國策釋地二卷素問釋義十二卷古詩錄十二卷文集若干卷子曜孫舉人官漢黃德道

白秋齋協戎事略

君姓白氏諱雲上字秋齋河南河內人乾隆庚午武舉明年成進士由侍衛任江南都司尹文端公為總督奉旨裁汰江甯京口駐防文端以旗人藉錢糧為生稍不公輒起物議召君至密室諭曰江甯吾自為之京口事以委若君取進止文端曰年六十五以上十五以下者汰之母弊混君出三日復進見文端曰若尚未行耶對曰某已畢事敬繳令問裁汰幾何君呈冊籍曰皆不當汰文端曰豈無一人在六十五以上十五以下者耶君跪曰十有其四某皆增損其年齒以稱中堂意是以得不汰文端怒君曰請得畢其詞我朝幅員萬里歲賦所入豈不能贍此數旗人耶旗人不注四民籍汰之則強者為盜賊老弱丐徒而已京口當衝途外藩貢使皆假道旗婦章服殊民人沿街乞丐恐有傷國體為外夷所笑文端手扶君起指其座曰此席當屬君矣遂上疏乞論罷其議君擢揚州游擊有通

州奸人。苦海外沙民謀逆狀。文端檄君先率所部往。君具文乞病假五日。文端莫喻其意。親帥兵抵六閘。君忽上謁。文端曰：「故未病耶？」對曰：「某何病？某度沙民必無他，以兵行必驚擾。故單騎往，察仇怨，所自起，召其父老，諭令指親串之任內地者，傳集訊驗，取結狀三百紙，並帶曉事數十人，馳迎中堂耳。」文端握君手曰：「吾固知君能了此事也。」即集眾諭遣之。置告者於法。江防揚糧兩河廳故事，皆派柴戶輸工料。歲賠累以萬計。君曰：「文端，裁革徐淮揚三府民料積困以絀。天大旱，向例武職不禱雨，君素服至龍王廟，長跪石階上。凡三晝夜，既大雨，而階石遂有兩膝。鬻民以為至誠，能穿金石也。累遷漕標中軍副將，引疾去官。儻罵揚州卒，揚民請入名宦祠，既得旨，男婦爭進香楮，迎主者至萬餘人。為傳誌歌訟者，不下數百首。君工詩，善草書。在官緝捕救災，愛民戢士，美政不可殫述。嘗曰：「官樂則民苦，官苦則民樂。以吾一人之苦，易數十萬人之樂，吾獨不樂乎？」陳文恭公督兩江時，尤重君。手書敦勉，諄諄若師弟子。然其見重於名賢若此，子守廉，庚戌進士。官知縣，有廉直聲。

清朝先正事略卷之五十五

李義 趙希乾

平江李元度次青纂

孝義

趙孝子事略 附 問孝子

趙孝子希乾字仲易。江西南豐人。父師高。嘗從豐城李見羅先生游。著有浩然集。九邊屯田議等書。早卒。孝子依大母。母以生年十七。母抱病月餘。日夜禱神祈身代。不愈。往問吉凶於日者。答言無生理。往卜於市占者。復言不吉。孝子踟躕不去。曰。何以救吾母。占者惡其煩數。胸孝子而嘻曰。危矣。剖心其可救乎。聞者皆怪之。孝子心識日者言。歸見母病益危。驚作疏告神。書遺言付仲父及弟。封識之。時日光斜射牀席。寂無一人。孝子取笥中雜髮小刀。坐牀上。剖胸深寸許。以手入取其心。不可得。忽風聲震撼。衝其戶。孝子驚疑。以為有人至。四顧周章。急反刀。剗其胸肉置几上。復取腸出。斷數寸。蓋人驚則心上忡。腸盤旋滿胸腹云。孝子置腸肉釜上。悶絕於牀。弟妹出見釜上物。以為孝子割股也。烹而進之。母再視孝子。血淋漓胸腹間。氣垂絕。始知其剖心。城邑喧傳聞於令。令親往視之。命醫調治。母子病不數日。母病愈。孝子亦漸進食。飲唯胸前腸出不得納。每日子午間。腸端漉濡濡下。月餘。胸肉合。終身矢從胸上出。而穀道遂閉。飲食男女如常人。明學使者侯忠節公。峒曾聞其事。拔充博士弟子員。尋選補壬午恩貢。甲申後。奉母避亂山中。貧甚。賣卜以為養。

又十餘年。母壽八十餘乃卒。孝子高。大耳。頰而長。天性渾樸。客或求觀其胸。下膈。解衣示之。兩乳正中開。腸突出寸許。色鮮紅如血。以帶繫竹筍。懸於項及臂。承其糞。日必洗。且換至再三。蓋三十餘年矣。母終未十年。孝子亦卒。年六十有一。同時浙西有閔孝子者。事與此類。閔孝子。佚其名。湖州之南鎮人。性粗慳。力耕。未嘗讀書。而事父孝。父為老諸生。年七十二。病且革。戚里咸勸治後事。孝子不聽。一曰。父病霍然起。又數日。受杖屨矣。人莫測所由。旬日。孝子呻吟牀第。閔狀甚苦。妻數叩之。不答。晨起。見其捫心難堪。狀疑。伺其寐。發所捫處。見創則大驚。孝子不能諱。曰。常聞人言。親病不可救者。得子心片許。雜針粥噉之。可治也。予不忍。父病不救。禱於神。引刀刺胸。出心。割片許。適夜半。父呼飲。納湯中以進。不意。父果霍然。當刺胸時。不甚楚。割畢。創即斂。如未刺時。今始不能忍。然祕之。勿以感吾父也。妻大驚。白之醫。醫曰。嘻。願安所得藥。妻泣請不已。妄出藥塗之。去言必死。詰朝。藥忽逆落。創痕已失所在矣。事聞於朝。康熙甲辰。破旌。詔下之。曰。惟其父拱立閭左。郡邑大夫讓孝子出。則已先二日遁去。

黃孝子事略

附

顧廷琦

劉龍光

黃孝子名向。字端木。江蘇吳縣人。父孔昭。舉明崇禎癸酉鄉試。官雲南大姚令。鼎革後。阻兵不得歸。孝子身往尋之。以家事付其妻。曰。此行不見父母。決不歸也。族黨皆阻之。不願。既出門。遇客之舊往滇者。詢之。告以道里之遠。山川之阻。戈鋌之擾。狼虎之暴。與盜

賊剽掠猶種番鬼之險惡復阻之卒奮然往一蓋一盜披零丁帖越關數百重將及滇滇人訝其形容衣服不類欲加刃時兵戈未靖疑為間諜也告以實痛哭如嬰兒眾乃釋之至白鹽井遇父母及從弟向嚴俱無恙喜極哭夫聲變僚皆為感動踰一年得歸歸時途中與弟親扶籃舉怡怡如也始順治八年十二月訖十年六月往返二萬六千餘里吳人作樂府以傳其事而吳江潘檢討聞至投刺自稱弟子同時孝子又得二人焉曰顧廷琦曰劉龍光顧孝子廷琦字珮堅長洲諸生也父繩詒崇禎庚午舉人知蜀之仁壽縣張獻忠破成都不屈死天下既定孝子步入蜀鰲面赤蹠前後歷四寒暑始得扶櫬歸中間川水暴漲幾死絕粒數日幾死遇盜劫幾死臨窆崖絕巘墜深淵幾死而卒不死不死而卒扶櫬以歸天相之也方孝子之成都時山川猶存城郭易位無有知瘞瘴處者呼號路側誓不欲生由遵義民訪之殷繼周黃珪由繼周珪訪之文運由文運訪之曾大禮姑得諸龍腦橋側廬蓋數月往返六萬四千餘里抵里門鬚髮白矣事詳孝子自撰入蜀誌劉孝子龍光者字夢蕭亦長洲諸生父廷諤官明益王府長史國初道梗孝子始以省試歸兵後不知父母存歿日夕涕泣家故貧徒步往建昌時益府舊人無在者禱於張令公之神夢中若有告以石滌者然不知所謂久之遇一女僧云石滌為閩粵交界處今官道阻兵由關道往七日可達孝子乃冒死穿藤峽一絨天踰白石嶺高萬仞蟻旋而上血漬雙足過山麓得微徑俯視山下有村村中板屋三楹流泉泱泱鳴石上孝子心動謂得毋

即石祭乎。叩其尸。則母管孺人出焉。喜極而哭。問父所在。先二年卒矣。又大哭。問殯何地。則在板屋中。又哭。村民聞哭。皆來觀。曰。吾鄉舊名見娘村。宋孝子王龍山見母處也。今遇子又一孝子矣。乃涕泣奉母扶柩歸。孝養十餘年。母歿。以哭母得心疾。終其身。

錢孝子事略

附 劉欽煜 劉德漢

錢孝子名美恭。浙之紹興人。父士驍。明季由舉人授雲南陽宗知縣。有子三。孝子其季也。八歲時。庶母與仲兄之官。孝子及伯兄侍母留故鄉。未幾。明亡。滇南道樞伯兄亦卒。順治戊戌。滇方內附。孝子欲往尋親。母弗許。康熙癸卯秋。復請母曰。空囊能行萬里乎。孝子曰。此不可意料。絕處逢生。未可知也。遂行。由江西抵廣。病幾殆。留六閱月。至南甯。瘴氣方惡。留月餘。至廣南。又病。瘧力疾行山徑。十步九頓。抵蒙自。宿土城旅店。竟夕不寐。悲吟聲達戶外。有滇人楊姓者。問之。告以故。楊曰。是故錢守兒耶。守以考最。擢知嵩明州。乙未五月卒。官葬通海縣之南山。在滇復舉兩子。兵燹後。君家兄弟僮僕。不知散失何所矣。孝子聞言。五內崩裂。至通海。問南山。無知者。痛哭於路左。觀者訝之。單問故。有老人曰。我為閩氏。兄應乾。錢公乙酉所取士也。有童姓者。君家舊僕。盡詢之。至則僕適他往。其婦滇人也。詰問再三。愕然曰。此豈浙來小主耶。有頃。僕歸。不復識。詳告之。乃相持哭。叩其始末。一如楊姓言。尋謁墓南山。仲兄至。亦不相識矣。詰旦探庶母幼弟。居做廬。因甚。時甲辰十一月五日也。謀歸父骨。無貲。寄迹僧寮。復流寓嵩明。自己巳至戊申。展轉丐貨。乃藉張某使之力。

得偕仲兄負骨歸兩弟及庶母留漢是年九月十五日抵家蓋往返六年矣好事者演傳奇曰尋親記觀者皆為泣下同時有劉孝子者名獻煜字台凝陝西華陰人也父濯翼崇禎間司訓武昌偕其妻及幼子以往而孝子留家視墳墓流賊擾楚豫間道絕夫音耗十餘年順治初孝子徒步求父母楚中時寇亂垂定漢火猶數舉紆迴險隘出入鋒刃間屢濱死乃遠訪舊時僕役流亡都盡日夜哭泣遇人輒詢莫有知劉教官者一日哀號山徑中一老人聞之曰劉教官夫婦死久矣其子為盜掠去孝子願老人導之至瘞所發之見輒馬朱書記姓名鄉貫皆合猶濯翼所自書也孝子乃得負其父母骸骨歸肩肉為枯者數寸孝子彊直自遂為邑諸生嘗以言語忤學師置劣行法常除名提學道田君厥茂集多士問狀眾以其事對田乃喟然嘆曰是則孝子宜旌矣遂得釋而孝子自是不復應試晚而講樹藝為小圃讀見其中從容朝夕有忤之者置弗校君八十餘卒又涿州劉孝子名德瀟國子生父源汴明季官鴻臚寺鳴贊流賊破京師按京朝官及選人籍名索諸薦紳榜掠之號曰追賊或立斃或賂而免或受其賂而又殺之方是時源汴名亦在索中孝子匿源汴他所而身自詣賊曰劉鳴贊即我是也賊拷責數百孝子默無言久之度父已遠去乃奮起叱罵賊賊怒杖殺之而源汴竟行逃沒齒不出蓋身不罹刑辱名不污賊黨一時士大夫類莫能及云

顏孝子事略

顏孝子伯璵字士瑩山東曲阜人復聖六十六世孫也性孝友補四氏學生員父允紹明季官河間知府敵兵至城孤乏援力不支朝服北向拜闔室自焚死孝子與弟伯玠時家克川兵亦至城將陷兵民皆竄孝子體肥不能走伯玠手掖之以行步益窘孝子曰同死無益弟急去猶可活也伯玠不肯釋孝子給弟他顧躍下城伯玠俯視痛哭矢及其身而卒孝子仆地傷左足夜乃甦為邏卒所得見其修髯偉貌不敢害舁以告其帥孝子見帥不為屈帥驚異問之則顏子後也遂延之坐留帳前有被掠者偶語曰昨見城中婦女十數輩邏卒驅以走中一婦不肯行卒反刀擊其髀臂折猶罵不已卒殺之牆下有軀過之指曰此顏氏婦也孝子曰得非吾婦朱氏子告其帥迹之果然蓋刃傷已四日矣驗其息猶未絕載之還復活帥謂孝子曰而日念而父然克州破時河間陷已一月矣孝子聞之長號力請於帥護之出軍壘蹢躅走河間時盜賊充斥白刃塞於前積日不能得食每被執輒慨與語輒得釋卒達河間哭其父甚哀路人皆哭方其父之自焚也幼子伯珣甫六歲僕呂有年抱之出火負而走道中流矢死伯珣匿民間願得免孝子既拾父遺骸復訪得其弟與俱還倪文正公元璐河間公座主也至是道經河間為文以祭曰父忠子孝是吾師矣由是孝子之名聞一時生平坦易而家法嚴以肅友愛率弟同居無間言訓子孫以經義鼓琴賦詩自娛恒自言壽止六十一果驗子光猷官編修光敏進士官吏部郎中皆有文名性亦孝執親喪躃踊盡哀淚與血俱四方觀禮者有顏丁善居喪之目

陳孝子事略

附 賀上林

何士開

何士開 曹起 張維德 張振祚

陳孝子名嘉謨字我師江蘇興化人邑諸生順治初父宏遵為怨家所誣繫府獄獄卒絕其索燬孝子乞一見父不許知羣小計必殺之乃痛哭於城隍神作血書懷之出自沉於河是夜蒼頭守舍候孝子不歸忽聞哭聲自外至叩門甚急啟視無人心怪之及明兩淮運使白某得一函啟視則嘉謨訟冤血書也運使大驚適蒼頭亦來訴求其尸七日出自鈔關河屹立風浪中髮皆上指遂出宏道於獄收葬孝子而抵誣告者罪後十餘年有賀孝子事 賀孝子上林丹陽人父天敘以事忤令繫獄將殺之孝子年十八謀脫父不得聞巡撫將至涉江湖淮迎舟大呼鞠從呵之不得前憤極遂投河髮沒數寸復躍起大呼巡撫令急救之已死檢其衣得一紙則白父冤狀也巡撫按部具得令不法狀黜之釋天敘於獄鄉人為立賀孝子祠 又何君子閩者安徽南陵人也有族人滿盜破其祖母家以葬親孝子訟之官三年不得直會巡撫檄兩縣令會勘滿健訟事仍未白士開大慟觸碑腦裂而死令義之勒滿起棺治其罪墓士開題曰義士何士開之墓

曹孝子事略

州

張維德

張振祚

薛文

薛化禮

曹孝子超安徽和州諸生有學行順治十六年海寇鄭成功犯江甯掠及州境孝子奉親出避猝遇寇兵欲戕其父母孝子號泣請代寇聞而釋之家貧力供甘旨以養居喪負土作墳家有紫微一株父手植也久枯孝子每對之哀慟忽復發花時人以為孝感康熙四

十二年。旌孝子以身代親死事。與張孝子維德致相類。維德合肥人。明崇禎乙亥。流寇入境。執其父。將見殺。孝子年甫十五歲。延頸就刃。求代父賊。義而釋之。越順治丙申。父卒。哀毀骨立。廬墓側三年。又張孝子振。廬江人也。父宏任。攜帑如四川。嘉定州崇禎壬午。流賊逼城。孝子奉父命。領數騎突出。求援城。尋陷。孝子還見父被室。觸石死。時弟振祺以雁試回籍。阻絕無音耗。及順治甲午。聞信奔赴。至保甯。阻寇不得前。巡撫李國英拔署梓潼縣。三年。道始通。即辭官尋母。過之峩嶢縣。年七十餘矣。奉以歸。和州薛氏二孝子者。兄文弟化。禮陳橋洲農家者。傭也。有母老矣。乃傭力以養。而留一以待母。迭相代傭者。出其一人。潔治茅屋。坐母中央。絮絮語移日。日將旰。傭者荷擔自村外來。白絮一甌酒一壺。市脯或生肉。用楊柳貫魚。輒以至。至則鬻烹。跪進。兄若弟。跳舞歌謳。以侑食。歲以為常。或天寒凍冽。則負母出曝於戶外。一人前後為俛。優爛斑。即作態以博母笑。鄰兒大譁。孝子不屑。意徐徐。負母竟入戶去。久之。母益篤老病。且死。殯葬皆竭誠信。毀不能出戶。傭主蹤迹至其家。二人則骨立不能起。哭益哀。向鄰人索粥糜。冀活之。數日。兄弟竟俱死。時康熙四十二年也。知州事何偉表其閭。又四十四年。學使朱筠。附其主於何公祠。且為之記。

趙孝子事略

趙孝子名萬全。浙江會稽人。父應麟。為儒而貧。託教授。出遊四方。時孝子甫周晬。應麟出無所遇。久客益困。明亡天下亂。阻兵不得歸。轉徙他鄉。以致棄其家二十年矣。孝子幼。數

從母問父何忘返。今安在。母持之泣。且曰。兒知憶而父甯使父得歸。卒撫爾乎。孝子則大痛。年十九。請於母曰。兒已長。願往尋父。幸必奉父還。眾止之不可。遂獨行求父。度淮南北。歷燕齊。穿楚豫。秦隴。所值雖備。保負販。浮屠術。師流丐之倫。皆潛察無敢忽。慮其父之或遁於是也。周行五六年。日不再食。憊甚。柴立如植。緒然終已不遇。心疑父已死。遇飢餓之委溝壑者。輒漚血灑之。堅不入。乃捨去。復謳號於塗。初。孝子將出懼。已不審父狀。則張牘書應麟名及鄉里年歲。各繞揭於背。以行。久之抵馬邑。馬邑故山西邊。兵後人烟凋喪。孝子旁皇無所告。張文義者。縣人也。聞之太息曰。嗚呼。是豈趙君兒耶。亟走視。問其籍。故會稽。誦所書牘曰。是矣。吾幸識而翁。翁客遊無所寄食。窮歸我。嘗為我投書。甚適。吾哀其旅死也。柳而封之。高不及馬腹。手表之木。今且拱。孝子聞言。擗地慟。奔之窀所。號而仆。絕復蘇者數日。乃負骨歸。冀少慰其母。馬邑人爭來聚觀者。泣下。少留之不可。既歸。服斬衰。躬饘糗。築羞時。時哀號。復託教。授供其母。極艱且勤。母亡。得合葬。廩家上三年。康熙己巳。孝子卒。後四十餘年。守土吏上其事於朝。詔祠之。廟且賜金。俾冢石而旌其門。

王孝子事略

王孝子原。直隸文安人也。父珣。當明季。苦歲荒。役重不能支。辭其妻曰。我去則追呼不及。門聲婦孤兒。庶可安也。遂逃去不復返。時孝子方在抱。稍長。從羣兒學。有嘲其無父者。歸問母。得其故而悲之曰。我當求父母。曰。身幼不能也。孝子慧甚。及長。設酒肆。多作秣。屢諸

行色所需物。遇遠客。則資而厚款之。不受值。問所欲。曰。吾父姓某。名某。親若何。亡。出有年矣。倘所寄寓。若道途邂逅者。客幸為兒。迹訪相告。生死不忘。酬也。居久之。無所得。既娶婦。乃復辭母。覓父去。母泣留曰。年遠。父存亡不可知。且若父。眈耳流落。何處。誰知名者。無為。父子相繼作羈鬼。使我無依。孝子痛哭曰。不得父。兒不歸也。幸有婦侍母。母勿以兒為念。遂行。足迹半天下。日乞食充腹。跣步重趺。至見骨。南北去來。積十餘年。無倦色。一日渡海。至田橫島。假寐神祠中。夢至一寺。當于僧炊沙食之。味苦。以細肉為湯和之。乃甘。尋驚寤。遇一老父曰。孺子德甚。何為者。孝子以情懃。且語之。夢。老父曰。試為子占之。于者正南位也。莎根附子泥肉和之。附子膾也。求之南方。父子其會乎。孝子喜。拜謝。遂南踰洛漳。向洛汝而行。所歷寺皆遍。已而至輝縣之帶山。有寺曰華覺。孝子心動曰。吾夢豈至是徵耶。天雨雪寒甚。卧寺門外。有僧見之。詰知其尋父也。憐而導見其師。與之食。師曰。子何費。曰。文安曰。吾徒舊有文安人者。盡出與汝。鄉井乎。及相問姓名。即其父也。乃相抱持。慟哭。父猶未肯即歸。曰。吾妻家久矣。無顏復返。孝子牽衣哭不止。寺僧皆感動。勸其父曰。若不歸。子必死。子死。妻媳必繼死。奈何。忍減一家親也。於是相將還里門。夫妻子母復聚。鄉人嗟嘆。父子並登大壽。比孫而顯貴。科名繁盛。迄今稱右族焉。

耿孝子事略

附

耿極

耿光

耿於葵

耿輔

耿孝子名耀。河南太康人。邑諸生。少從兄光學。事之如父。凡出入起居。必諮稟。而後行。光

狀於葬 狀補

嘗與之財孝子曰家有長兄我無用此為也崇禎壬午李自成陷太康孝子率弟炳肩與
昇母避河朔買市以供甘旨母病孝子朝出經營暮歸侍疾衣不解帶者累月母歿扶柩
渡河將殯於祖塋會鎮帥高傑兵作亂道梗塞孝子從刀山血海中挽車以葬不怵也時
定興耿權與弟極以孝友稱炳嘗慕其為人訂為兄弟分宅以居且贈田四頃其義譜有
云性地成宗心源為譜孫夏峰徵君聞而義之為作三耿合傳云 光字伯明邑諸生事
繼母孝教諸弟嚴家世業農父應科好施與七世同居子姓百餘口置園几二外則男子
以次共食內則婦女以次共食顧其堂曰效藝嘗赴省試拾遺金數百於旅舍俟其人歸
之嘗言行事當以聖賢為法始無悔事立心當求鬼神可鑒始無愧心其刻志勵行如此
子於彙有學行光卒未葬值流賊屠太康居民逃竄於彙獨抱父柩號泣不去賊大至怖
之曰汝獨不畏死耶推墮城下傷腰脊幾死越三日賊退踉蹌歸家以土掩柩而後去時
歲大疫人相食邑令餽穀四十斛悉推其餘以賑貧人督家僮廣種菜明春菜發任人刈
取所全活無算年八十二無疾而終耿氏以孝友名世子姓守其家法中州稱禮讓者以
耿氏稱首 又有耿孝子輔者虞城人邑諸生早喪父奉母避亂開封會流寇決河灌城
輔倚浮木負母渡水逃獲免後居母喪哀毀骨立縮衣粗食終其身以子悖貴贈給事中
與於彙並祀鄉賢

清朝先正事略卷五十五終

清朝先正事略卷之五十六

平江李元度次青纂

孝義

劉孝子事略

附子

青黎

王挺

李憫

劉星

郭培壚

劉孝子恩廣河南襄城人當明季寇亂父漢臣被執孝子方十歲號哭奔赴父已被害慟哭收父屍賊怒截其耳鼻不肯去賊憐而釋之負父屍以歸兄弟同居終身無間言有姊少寡迎歸撫其二子給以田產母歿哀毀嘔血遂以卒寢門外產芝三本人咸謂純孝所感云子青黎康熙丙戌進士選庶吉士性敏好學博極羣書十歲遭父喪哀毀嘔血成疾後母患疽目不交睫衣不解帶者七閱月淡於仕進請急家居不復出母數促之終不忍離膝下生平清介自守及母卒囊無一錢邑令致賻父子並祀鄉賢同時王孝子珽祥符人性純孝年八歲侍祖父疾母氏刲股以療翁孝子十指忽痛甚趨問母知其故平飲泣不言以成母孝與子符震同舉康熙甲子鄉試乙丑成進士部檄至依依不忍離膝下父母督之不得已入都一夕夢中忽驚悸恍惚母氏刲股時情狀急馳歸母疾已大漸人以為誠孝所感服闋父促令就銓得新會令會裁缺即苦養歸絕意仕進所學一宗程朱淹貫經史尤邃於易祀鄉賢又同郡李孝子憫尉氏人家貧以木工營生父患痺痿孝子事之惟謹遇歲歉不能養乃乞食於市歸以啖父後得賑設一石慮不可長

劉星 郭培塘 頤中和 頤鑑

繼日春升許供父而以糠粃自咽及父病瘵夜中鄰人猶聞孝子撫摩嗟泣聲邊明則孝子已抱父足死矣其父亦一慟而絕鄉人重其孝為葬之雍正十一年旌 又有劉孝子星者祥符人也為諸生有學行年十三喪父哀毀逾常母病刲左股以進疾遂瘳生平雖盛暑未嘗袒裼恐人見其創痕也後以子士聰貴贈給事中 又郭孝子培塘新鄉人也邑諸生性至孝母毀廢墓三年晨夕哀號塋外舊有先世祠一夕失火孝子抱木主冒火出倉卒中遺生母像復衝入烈焰中檢得之身幾殞性尤廉介取與無所尚有藥費止宿其家遺金百兩孝子追還之雍正六年旌

頤孝子事略 附 詞鑑

頤孝子中和本名發祥吳之楓橋人其父宏仁順治初有怨家周昌者乘亂借其黨十餘人誘宏仁開空舍中殺之而棄其首已頤氏得道旁尸驗之良是廉購其首無有也及物色殺者主名知為昌連控諸官不得直時孝子年甫十三痛其父被殺嘗與兄孟和取析薪斧出禱之復束藁草如人形書昌姓名其上以試斧如是者數矣鄰里知者數易之以謂此禡子戲耳即昌聞之頗心動然亦未暇備也逾三年孝子懷斧竊告其母曰兒將往復父仇母大駭握手止之曰昌無籍有蓄力汝弱小何能為慎勿自速死也孝子奮木出門不顧是日值昌市中孝子陰尾之行昌不知也行稍前遽自後揮斧中昌首流血被面昌方左右顧又斧之會其母趨孟和走視弟孟和趨孟昌已死兄弟相率號於眾請借詣

官首罪眾如其言。既至縣庭。孝子與孟和爭自承殺人。官不能決。罪從旁分別言之。始下命。易人一命耶。孝子怡然曰。父仇得復。死不憾。其明年巡按御史錄囚。遂釋孝子。而周昌前所與共殺宏仁者十餘人。先後皆病死。臨死時。皆言顏泰如守我。遍體青赤色。若有擊之者。或又言泰如幸緩我。泰如者宏仁別字也。不期年。十餘人無一存者。而孝子兄弟無恙。顧孝子蓋亦吳縣人也。年二歲時。父仲常為其仇全瑞甫所殺。蓋稍長。知父死狀。即淬一刃。挾以出入。金亦避之。順治辛丑。蓋年十八。遇金於胥口。拔刃刺之。金躍入水。蓋從之。連刺不死。金逸去。挾重貲。誣蓋以盜兵備。王紀郡丞劉瑞訊得實。卒誅瑞甫。

吳孝子事略

孝子姓吳。名紹宗。字二壁。江西新城人。性敏善屬文。弱冠補諸生第一。屢試輒高等。父道隆病久之。痺不能起。前後血並下。醫藥十餘年罔效。康熙戊午正月病甚。孝子惶恐無所出。乃齋沐焚香告天地。刺血書疏。將詣大華山。自投捨身崖。代父死。大華山者。撫州崇仁縣名山也。距新城三百里。相傳神最靈異。諸來謁者。有罪輒被禍不得上。甚則有靈官擊殺之。同行人聞鞭聲錚然。或忽狂病。自道生平隱隱。而神殿左有懸崖。陡絕曰捨身崖。人情急不欲生者。則擲身投之。頭足盡破。折死。孝子既告天作疏。獨負行二日至山上。宿道士管遜吾寮。同寮宿者。南昌鄉先生二人。同郡邑諸生二人。十八日孝子入廟。默禱焚疏。

訖同寮人邀遊著棋峯。路經捨身崖。孝子忽越次前行。至崖所欵然投身下。同行人驚絕。不知所為。一時傳駭聚觀者千人。道士趨買棺往就殮。自山頂至崖下。路紆折四十里。而殿上道士急奔崖所。呼衆人曰。誰云吳秀才投崖死者。今方在神座下。叩頭方巾道服如故。衆走視之。果然。方孝子之自投也。立空中不墜。開目視足下。有白雲起。遙望見石門。門上一大孝字。俄見三神人命之曰。孝子吾左側石有仙篆九十二畫。汝謹識之。歸書紙食。汝父不特卻疾且延年。更授治瘧痢驅瘟呪。并諸篆。孝子叩頭謝罪。身已在殿上。孝子乃言。吾如夢中也。遂馳歸。一日有半。而至家。至則父垂絕。孝子急書一篆焚服之。室中皆聞香氣。甫入口。父喟曰。是何藥耶。疾大愈。孝子徒步往返六百里。不飲食者五日。而父乃益康。彊善飯。以詩酒自娛。年九十二。無疾終焉。孝子生平好名。義輕財。數為人解訟。關既感。神應益自修。人病苦者。恆用符篆救之。以施藥為名。

未孝子事略

孝子姓朱名壽命。江西餘干圍湖村人。康熙乙卯。遭亂。與母李相失。孝子日夜泣不欲生。如是者數年。一夕夢若有神語云。汝母無恙。籍正藍旗下。孝子益痛哭。遍拜其戚族鄰里。且與訣曰。壽命尚不見母。不生還矣。短衣芒屨。背黃袱。足脰赤露。匍匐三千餘里。夫京師。至則行乞市中。或遺以餅餌。則自食。遺以銀錢。則劬不縫中。竟日忍餓。不敢費一錢。為贖母計也。蹤跡久之。果得母所在。如夢中語。而旗人故邀重購。拒孝子。孝子日踞其門外。雙

膝為腫。遇母生日。持肉奶一盂跪進。母伺母食畢。然後起。邵遠平學士時官京師。義而贖之。既出。無所依。因留學士家。母性下急。小不如意。則詬詈不休。甚則摔而批其頰。孝子益嬉笑謝曰。恐傷母手。後數月。得便與母歸。餘下。孝子體羸面黃。不知書。故其語實。每對人言。在母腹時。日啜母血三合。何忍不報。蓋其天性也。

楊孝子事略

附 蕭日瑛

孝子名大蔚。浙江上虞人。父榮。明諸生。康熙丁未。父年八十有七。病。孝子走廁。偷嘗其糞。甘。號於天。請身代。不得。父竟死。越十年。母病。痲中死法。醫者凡數輩。皆辭去。孝子獨念父危。死不救。今復爾。生男何為也。世已無鍼灸技。豈蕩醴亦告絕。乃闔戶。封左臂。以其肉雜。薑汁。復之。三復。三進。母病霍然。已時丙辰九月二十一日也。方孝子將封臂。求臂以兩麻。令肉墳起。然後迫噬之。而脫之。以刀。故創甚鉅。骨露。凡百二十日始合創。人不知也。戊午。邑令廉其事。告諸臺使者。將旌之。孝子再拜泣辭。固強之。泣愈甚。乃題其門曰。以身毒母。孝子為人謙而和。輕財好義。不以使烈名。人以孝稱之。必變色。踉蹌。每月吉。輒禱城隍神。願減年。益母壽。然秘不令諸兄知。若惟恐以獨行傷兄意者。同時有蕭孝子者。江都人。也。諱日瑛。母朱氏病且殆。孝子剖脇割肝。使婦虞氏和藥進母。母病愈。而孝子死。孝子既喪。虞氏謂母初愈。不當使聞。增悲慟。乃匿語。姑曰。日瑛出耳。殯孝子他室。真則哀經而哭。久則常服。而奉進。食飲。孝養十餘年。姑死。虞氏守節以終。孝子事在康熙時。墓在梅花嶺。

江大賓 鄒江 吳國寧 何履旭 李成山

東邑人祠於墓側轉運使朱孝純至修其祠宇為立碑而銘之

張孝子事略

附 郭居鼎 江大賓

張孝子壽字洪居福建連江人生有至性父震公舉家避亂於邑東之岱堡順治十三年海寇陷堡張氏一門殲焉獨震公以他適免孝子時年七歲被掠往龍巖既鬻之厦門稍長傭於清漳震公謂其已死也康熙十年孝子年二十餘矣念其父母每遇佳辰輒雨泣或夢中號哭不止顧忘其鄉邑及父名字因為傭時人謂其語音似連江而彷彿憶天貞者父名也遂奔連江越數日無所嚮哭於途或問父何名泣曰忘之矣此間母乃有張天貞耶願見其人於是震公聞之曰天貞吾亡弟彼焉得識之急走視遇於南關叩其詳大喜携與歸呼其母出曰吾兒洪居不死公歸矣孝子熟視母良久曰非吾母也震公曰果非爾母也母亦斃於賊矣此爾繼母耳孝子槍地大哭自是事繼母如所生念母死於賊賊仇未復慟不欲生更持服三年每哭失聲鄉里賢之雍正七年旌 同時有郭君居鼎者海澄人由歲貢歷官戶部郎中幼夫怙恃哀慕終其身兄居昌因亂相失跋涉相尋凡二年行數千里遇於鞏挈以歸分產共之邑五都海塘決漂室廬亡算捐千金興築邑人立石紀焉雍正初入祀鄉賢 又江孝子大賓秦甯人生數月父遊學京師轉徙山陝間落魄不歸孝子稍長痛不見父誓不欲生俄聞父在漢中遂辭母往尋貧且病長途孤影瀕死者數矣抵漢中不宿燕舍席荒郊蔓草中號泣周詢久之竟得父扶以歸父年七

十矣又數年卒於家。有以昇父狀問者。孝子軌諱之。不欲以孝名。

鄭孝子事略

附 吳國寧 何殿旭 李盛山 林開登

鄭孝子江。字若庵。福建侯官人。源慨有至性。母葉病將革。孝子刲股和羹。以進。母霍然起。曰。兒創無恙乎。適神告我。病將立瘳。順治五年。大饑。穀數斛。可易田十數畝。孝子謂其妻陳氏曰。美田宅易得也。乘人之急而利之。不義。擁餘粟而坐視無告。不仁。且遠計子孫。何如近憐兄弟。氏曰善。乃以穀分贍宗族。塾師劉應閔。妻殺為翼。其孤。里有周九者。重困。官役父子三人將仰藥。孝子排戶入。贈金力救其死。有販豕者。被竊喪其首。窘甚。走投河。孝子資以金。如其亡數。得不死。聞者義之。又吳孝子國寧。何孝子殿旭。皆閩籍。並刲股療親病。而李孝子盛山。林孝子開登。則並以刲肝救母聞。國寧。福清人。父鼎臣。官永定訓導。病篤。孝子刲左股作羹。以進。未愈。養右股。遂痊。越三年。父歿。海寇逼城。孝子負母。賊母病。孝子自刲如前。病亦愈。履旭。字君章。福清人。父其遠。早世。奉節母葉氏。竭力色養。母病篤。倉皇。籲禱。一夕夢神授藥。手按其股。乃焚香告天。刲股和藥。以進。母尋愈。待兄弟極友愛。著有心鳴集。盛山。姓李氏。羅源人。母鄭。遭重疾。孝子禱於神。刲股作羹。以進。母竟卒。孝子亦卒。雍正六年。事聞。得旨。刲肝療疾。事雖不經。而其迫切救母之心。實難得。而可憫。其子獲。而同時林孝子。刲肝救母。年纔十四。其事為尤奇。林字亮中。名開登。福清人。

謝孝子事略

附 陳開蓮 賴用賢 李人鳳 李人彪 余萬春 鄧成珠

謝孝子獻恂福建甯化人。事親至孝。嫡母雷氏無出。父客外再娶王氏。生孝子。父旋卒。孝子扶生母歸里。奉嫡母雷氏。克盡子道。雷臥病。孝子割股和藥以進。病立愈。順治中。邑令何鳳岐表其門。為請旌。高時有陳賴李。余諸孝子。皆閩產。並以卓行聞。而鄧成珠者。家貧。至傭力以食。亦以純孝著。陳孝子開運字而鈞。清流人。父病。割股以進。兄弟八人。友愛無間。言。縣令賈漢儒請旌其門。同邑諸生賴用賢字鴻達。侍母癯疾十年。躬調湯藥。衣不解帶。母歿。苦寢柩側。哀毀骨立。五世同居。人稱陳賴云。李孝子人鳳字亦凡。長汀諸生。嘗為其祖母舐癰。居父喪。不食七日。弟人彪亦割股療親病。時稱一門兩孝子。余孝子名萬春。清流人。邑諸生。母病。割股調藥。母卒。哀慟。以頭觸柱。絕而復甦。苦次歡粥。如素三年。如一日。鄧孝子成珠者。泰甯人也。家故貧。父早卒。傭於廖氏。距家數里。日乞米一合。昧旦趨送。母所疾。趨反供。主役亡。何母目盲不能炊。乃負母依主家旁舍。朝夕手自飯之。久而主有微言。孝子曰。某自減餐奉母。不敢重累主人也。晨昏弗懈。便溺必親者五年。母卒。日夜長號。聞者皆流涕。薨。辭主人不知所之。

沈孝子事略

沈孝子萬育字和卿。江蘇常熟人。鼎革時。避亂負母周氏。行於野。遇盜奪其構。母固不與。盜怒將殺之。孝子泣而求代。並得免。鄰人失火。延母寢。母疾方劇。不可以變。孝子號痛呼天。天反風火以息。母年八十餘。疾危。醫皆言法不可治。孝子割股以進。弗效。萊緋木神。

告曰。疾非五藥所能治也。醫凌某在雙林。速致之。凌至以針達之。霍然。愈。孝子性好義。屢建橋梁。施棺槨。以成母志。卒於康熙四十九年。年九十有四。臨終。惟呼父母。子六皆為諸生。其二登鄉薦。孫淑官編修。嘗乞方侍。卽苞誌其墓。侍卽之言曰。嘗怪書傳所紀。以孝感鬼神。而得異徵者。大抵皆獨行之士。而聖賢則無之。蓋聖賢之學。至於知命而不惑。雖事父母亦盡其心。與力之當然。而止耳。獨行之士。悲憂感發。若雉若鶩。常欲殉以身命。故精氣之積。而鬼神為之通理。或然也。學者以為知言。雍正四年旌。

清朝先正事略卷五十六終

清朝先正事略卷之五十七

王恩榮

平江寧元度次青纂

孝義

王孝子事略

王孝子恩榮字仁庵山東蓬萊人也為人原款而深挺造次不能以文自達縣小吏尹奇強性險猾頗以巫醫之術有寵於官孝子父永泰因實產與角口被毆中要害立死時孝子甫九歲祖母劉氏年高訟之官不得直僅給埋葬銀十兩祖母傷痛自縊孝子母劉氏健婦也瘞其姑藁厝永泰棺於市僦屋其旁居之大書曰殺爾父者誰也泣血三年病甚呼孝子至榻前授以官所給銀曰汝家以三喪易此海枯石爛存此志恨不可忘也孺子識之孝子海雅大事家蓋落休舅以居厲志讀書稍長補諸生誓於父柩前尋仇以斧自隨其舅患之誘使居長山島中禁勿令出且告之曰孺子志誠善但殺人者死國法也爾父之鬼餒矣孝子流涕聽命每晝取史記伍子胥白公列傳朗讀讀已痛哭夜靜焚香長跪告天絮語達旦時或因倦假寐輒連聲魘厥大呼怨家在此年二十八舉子辭於舅曰可矣遂行踰月忽遇奇強於道揮斧急擊稍遠不中乃投以石仆地道旁人舉抱持之得免奇強諱不言裹足不出一日偶獨立門首又為孝子所見直前斫中其首帽厚偏引至耳扶傷脫走其家奔訴於官時已年遠吏胥案牘無可證孝子出母故所奔陳之訟庭

硃批爛然旁以血書鈴之縣令嘆曰至性人也吾欲尼爾則傷終天之恨欲聽爾則違累赦之條周禮調人之法其在各為趨避已耳孝子於是噉然而哭縣令亦哭堂廉內外觀者盡哭孝子既再舉不得奇強亦遠遁棲霞相隔八年適蓬萊人有患病者力延奇強禱治奇強亦以事久稍安入城過一小巷四顧無人方乘夜闕孝子突出扼之奇強皇窘伏地乞哀孝子曰吾父避爾久矣遽辱其腦腦裂以足連蹴其心而絕於時見者驚出不意相率前擁孝子孝子笑曰豈有白日殺人乃畏死者遂自繫赴縣會奇強家訟當日永泰故自縊非毆死縣令欲開棺驗視孝子曰某已有子矣甯抵死不忍再暴父骸叩頭出血縣令惻然乃為博稽於介眾皆曰孝子言是遂具牒法司法司議曰古律無復仇之文然查今律有擅殺行凶人者杖六十其即時殺死者不論是未嘗不教人復仇也孝子父死之年尚未成童其後屢殺不遂雖非即猶即也觀其視死如飴激烈之氣有足嘉者相應特予開釋復其諸生即以原存埋葬銀還給尹氏以章其孝且將具題請旌孝子之舅聞之見有司曰孺子求見其父母耳夫人遭奇禍以要旌門式閭之榮又何忍矣法司嘆曰汝亦賢者也遂止而祀其母氏於祠時康熙四十八年也其時莅孝子事者撫軍則中吳蔣公陳錫提學則北平黃侍講叔琳及滇南李觀察於申云

謝孝子事略

附 五全

謝孝子萬程河南唐縣人妻李氏楚人也事親孝父儀為諸生食餼屢困場屋司農既稅

饑廩益屢空。孝子夫婦耕織供滄澁無闕儀。老且死。不克殮。夫婦號泣。辨踊。里巷哀之。然
 力不能助也。孝子目其妻泣。若有言不忍。李氏知之。請自鬻。以營葬具。自其子俊。姪泣時
 生甫五。閏月不忍。遂行。里巷哀而記之。曰。康熙某年七月二十日。孝子謝萬。其妻
 葬父。鄰村董官店。王全者。先有子七歲。遭寇掠。遺唐縣道中。有翁。軀養而子之。義不得返。
 全乃議。貴妾。以二十四金。買李氏。氏歸。馬泣。而請曰。妾生士家。知詩禮。翁死。不得已。鬻身
 以葬。願早夜供織紵。全妾節。君德益洪。遠必昌厥嗣。全故知萬程夫婦孝。至是感其誠。惻
 然許之。明年。全子所養之家。其翁。皆死。得歸。全兄大有。故與弟積忤。誣為逃人。趨於兵
 備使者。詞連李氏。時南陽郡丞漢陽張三異。循吏也。有異政。遠近戴之。奉檄按其事實。偕
 其子至。曰。非逃人。吾子也。向掠。今歸。其詢少婦何人。全備述其事。詢李氏涕泣自陳。具言
 全節狀。且請召萬程。祭之。萬程至。具言所以。鬻其妻者。張公嘆曰。古有傭身以葬親者。世
 傳至孝。汝若此。可謂孝矣。乃答大有。而罪全金。賞萬程幣。示於眾。曰。康熙某年七月二十
 日。孝子謝萬程夫婦完聚如初。且旌其門。曰。節孝雙奇。於是里巷無遠近。咸贈孝子金。與
 粟。好事者至。演之。為傳奇。論者謂子克孝。婦他適。而完節以歸。其去而復返也。歲月日時
 無易。是有天焉。而張公化民訓俗。及王全之完人節義。為皆不可及云。

蕭氏兩孝子事略

蕭孝子啟聖弟別騰。江西樂安縣雲蓋鄉人也。當父喪。日兄七齡。弟裁四齡。即克盡哀禮。

如成人時逆藩倡亂母氏負抱兩孤避賊山谷暮陷虎穴中虎瞋之啟聖乃身蔽母泣去
曰請敬我毋傷母及幼弟俄而虎竟去冠平啟聖年漸長念母勤苦乃廢書循弟力田以
為養母以家學弗繼為慈鳳騰於是復就深刻苦下帷燈焰熏帳中至黝黑不可澣後雖
終於諸生而母意未嘗以為歉也兩孝子當母恙則請劑受杖病則籲天祈身代母既殁
兩孝子負土成墳三年廬其側祭日假聞憫見如慕如疑事之若生時其相友也自幼至
白首怡怡然於妻子無所私如胡氏姊曾氏居室禮讓內外雍肅數十年如一日鄉人以
為難啟聖年四十無子鳳騰歷雨雲涉險阻為求側室既而生男側室孕曾氏減次子乳
乳之兄嗣由是得續兩孝子聞母言父平生欲修葺遠祖蕭儀忠諫坊貧不能舉齋志殁
康熙庚子啟聖兄弟力新之竟克成親德願云兩孝子歿後其家五世未嘗析爨和順之
氣油油然鍾於一門

王孝子事略

附

劉必春

邱永彰

胡士宏

王孝子麟瑞福建南靖人邑諸生八歲喪母能盡哀事繼母如所生母病渴思食青梅孝
子繞樹呼號絕食三日是夜梅忽華旋結實摘以奉母病立愈父歿廬墓三年突遇虎虎
卻避之聞者異焉里人劉陞遺金數百拾而還之俾得完娶雍正元年舉孝廉方正以薦
授永平知府歷四川道監察御史同時有劉孝子必春字閩人莆田人也郡廩生六歲
哭母幾喪明父疾露頂焚香乞以身代父偶思石鱗魚伏月不可得孝子夜馳深山中行

百里叩瑞雲宮之神助果獲魚以奉父後父歿廬於羞側每大風雨輒繞墓哀號事兄如父兄歿夜卧柩旁哭聲震四鄰時稱其孝友又邱孝子永彰者龍溪人弱冠喪父事母至孝母歿廬墓哀號每風雨聲益悲鄉人化之初以貧不克葬父數仰天泣血一夕劇筭供母得金泥中乃克營父家人謂孝思所格云雍正七年詔旌其門又會稽有胡孝子者名士宏字大圭父患痼疾侍湯藥惟謹衣不解帶者十五年雪夜父渴思食梨時城門已扃孝子繞城隍號泣忽遇一軍士指負碟一舍引之去得梨以歸詰旦往謝碟下不復有舍惟漢前將軍闕侯廟在焉始悟為神所使也父歿營墓東湖躬負土石建隄植木人呼孝子隄

黃孝子事略 附 子 商衡

黃孝子名農字古度江蘇元和人父襄縣學生有孝行生子二長庭次即孝子孝子年十餘母吳有疾卧牀三載孝子奉湯藥惟謹已復病痢方大暑扶掖轉側手除穢溺閱數十晝夜不解母卒號慟絕復蘇者數既殮坐臥不離柩側獨居輒喃喃共母語夢中時作歡笑聲既覺則大哭如是者逾年葬而歸伏地哭不能起父方教授於外携入館久之啟其枕清淚若膏貌瞿然視初喪不異也已而父遷館距家數里孝子念父五日一往省父止之乃私伺門外遇館童出問安否曰安則欣然去或曰否即趨而進問所苦裹裏不忍去衣服器用時其寒暑輒具以往父歸左右侍無頃刻離既成婚依依若孺子一夕鼓三下

忽心博蹶起謂妻曰吾父其有恙乎方嚴冬不及旦疾馳至館父果得暴疾昇以歸疾甚時父年五十一術者言明年數當盡會除父孝子書黃紙十餘願減算二十年益父元旦編詣諸神祠焚之是夕寐覺喜曰神許我矣已而父果以七十二歲終而孝子以三十二卒孝子事兄篤友愛兄舉鄉試留都門家事孝子悉自任兩人同歲舉子瘵病乏祀命妻兼乳之兒亦不辨其誰母也平生與人恭謹犯者弗校歲饑減食食里中餓者毋忘日必省菴涕洟遇時物雖微必薦疾篤與父訣哽咽而沒先時枕邊置銀一裹及是啟視遂以含蓋不欲以累父也後數年父患心痛呼號罔措一夕恍惚見孝子問何以來曰來侍疾耳手摩心胸病良已孝子卒於康熙二十一年至乾隆五年巡撫徐公士林揚於朝以孝子旌妻金氏年十七歸孝子孝子將終語婦曰吾去侍吾母矣汝善相吾兄嫂事吾父待孤之有立也勉之時孤方四歲遺腹女才七月婦痛夫死孝欲身殉者數矣憶夫言而止家故貧事翁極謹洗滌縫紉胥自任不以委家婦一夕所居室震盪有聲急挈兒女出而屋毀或勸入似室曰伯在不可遂露坐達旦翼日召匠新之不慎一夕風雨方寐若或促之起立披衣抱兒女走而牆忽崩牀几盡敗裂趨甕觚以免終不入似室也翁既終兒女婚嫁畢節婦以夫亡日設祭拜且哭曰吾二十餘年戰栗自持恐負夫付託之重今幸畢吾事遂長齋奉佛終其身雍正二年卒年六十有七其年得旌如制子師憲改名商衡力學砥行陳恪勤公知蘇州拔真第一以諸生終少刻苦夜寢刻香繫鐵錘下承銅盤香盡

鍾墜擊盤鏗然有聲。即驚覺起。讀好先儒語錄。推行哉。山人極圖說。貫以論語學庸。及橫渠紫陽之緒言。曰困學錄。父孝母節。建坊後。擇日奉主入祠。遂得疾。強起拜送。尋卒。

胡孝子事略

海陽有孝子曰胡君諱隆。字景初。代本素封。至其父振脚。而家落。孝子為奉養計。弱冠走京師。謀筮仕。父卒。奔歸營葬。哀禮文盡。後入貲為寶泉局大使。久之。改江南涇縣丞。以母老不果就養。數乞身。上官留之。及母訃至。孝子哀毀骨立。歸見母柩。則僵地大慟。每慟輒死。復生。無何。以父墓地勢下。思再卜穴合葬之。啟父柩。見積水蓄壩。奮迅躍入穴。抱棺長號。與土工昇以上。其日天寒風虐。舉體皆冰。孝子不知也。既開新穴。孝子布苫山下。臥數夜。驗有溫氣。乃合葬。時在仲冬中旬。孝子年六十有四矣。葬後。結廬墓側。親自土築墳。面雙手皸瘃。明年歲歉。掘野蔬。合糜粥。啖之。而負土不休。去其居平定村十里許。三年中不一至也。服除。補浙之奉化丞。權鎮海知縣。先是丞涇時。嘗攝其縣事。又嘗攝旌德。旴貽二縣事。所至皆有仁惠。士民戴之。涇邑久旱。步禱烈日中。行七十里。至岑樓潭。有蜥蜴三。游水面。貯以竹筒。攜之行。不數里。震霆大作。四境雨霑。邑人呼胡公雨。鎮海蝗蟲為災。田野厚積數寸。孝子齋三日。牒告城隍神。蟲類滅。咸謂仁人之感冥漠如呼吸通也。孝子有弟五人。仕籍後。自傷不得事父。則致孝於其母。視母意所向。以厚諸弟。為吏餘三十年矣。其卒也。至無屋以居。平素就古誼。專趨人之急。其施於人者。皆本原所推賢也。長子文伯。雍

正四年。以訓導引見。奏對稱旨。特擢禹州知州。曠典也。孝子時方引疾。得家書。猶伏榻北。向稽首謝云。

林氏兩孝子事略 附 黃學未

林孝子長貴。閩之福清人。父宗正。弟長麇。皆以晒鹽為業。宗正以他事入城。至星橋。遇海潮暴至。溺以死。孝子聞之。奔救不及。仰天長號。投橋下死之。長麇繼至。繞岸痛哭。亦自沉。時雍正九年七月十七日也。孝子卒時。年二十有六。弟二十有四。里老感其孝。莫不流涕。相與收三尸殮焉。聞於官。同知張良弼捐俸卹其家。各大吏助奠金。有差。明年得旨。旌門。先是順治間。土寇陳德容作亂。有黃義士學未者。歐甯諸生。孝子同郡人也。與弟俱被執。度不能兩全。乃給賊曰。家有薄產。釋吾弟歸。以其直贖我。何如。賊疑之。欲遣學未。學未曰。戒秀才也。質重於弟。賊遂釋其弟歸。實無業可售也。未幾學未竟被害。聞者哀之。

李孝子事略

李孝子名維煌。字裕光。江蘇寶山人也。生十歲而孤。方父疾時。日夕籲天。進湯藥。必親嘗。及父殁。哀慕逾常。絕終三年不離柩。次人呼小孝子。家貧無以養母。乃棄舉子業。任門戶。力求甘脆奉母。而自食藜藿。母偵知之。呼與共食。遂長齋淡食。以慰母。焉母得喉閉疾。醫莫能療。孝子復籲天三晝夜。母夢道者授以鍼。曰。以汝子故。為汝治之。汗浹背而愈。又嘗患背創。醫言當用艾。孝子恐母不勝痛。先自試。果大痛。乃止。夜稽顙北辰。願減算以益。

母壽亦獲愈。雍正十年七月，海上颶風大作。孝子所居江灣，距海不二十里。水至屋將圮。孝子負母匿几下。俄鄰屋俱毀，而孝子室獨全。有弟為叔父後，幼多疾廢業。孝子輒分財與之。弟沒，字其孤，迎叔母共養焉。孝子事母未嘗一息離。其從兄錫泰巡撫廣西，欲招孝子往。孝子曰：「吾安能一日離吾母焉？」遂謝之。先是，孝子喪父，逾年又遭祖喪。兩世孤露，不能葬。嘗布衣屏居，不與筵會。人或勸之，輒流涕曰：「禮不葬，不釋經。吾有痛於中也。」及卜地葬，隆冬，盛冰雪，手運灰土，僵臥垂絕。溫火灌以湯，乃甦。體素羸，竟以是病。將卒，屬二子善事祖母。奉母手大慟，瞪目而絕。孝子歿於乾隆五年。至十五年，得旌建坊江灣里。

清朝先正事略卷之五十八

平江李元度次青纂

孝義

黃孝子事略

孝子名洪元江蘇丹陽人父國相以武斷豪於里中有虞庠者好持吏短長黃緣告誦與國相同里不相能遂發國相陰事欲致之罪國相行賄得不坐庠反以誣受杖乃偽引謝具酒食交懼而私遣惡少年訶國相會國相被酒夜行從其後掉項反接之以石沉諸河里人皆心知庠所為也莫敢問時孝子與弟某皆幼其後稍長頗聞之乃哭告母曰殺吾父者虞庠也母急掩其口曰勿妄言禍及矣孝子每號慟母輒呵禁之於是中夜飲泣至旦且椎床曰死耳母亦泣曰汝父未葬我老矣俟我死則聽汝孝子始受命兄弟共適市數市利斧藏之庠頗自疑更好言慰孝子曰孺子未婚吾婿汝孝子陽謝曰公我丈人行也得為公婿幸甚退而切齒曰賊奴欲以而女易吾父耶久之母死既合葬兄弟哭拜墓上曰兒飲血含憤十年矣今日願與父母訣遂懷斧往來迹庠未得聞吳俗春社必陳優戲里人觀者環集初國相亦以社時被酒遇害至是又直社孝子見庠在社所馳歸呼其弟各挾斧往殺庠庠方上坐觀優意甚自適也孝子直入肩擗之子謂庠曰逸羣我送汝死庠起笑曰孺子醉耶乃瞋目答曰將醉汝血援斧斫庠應手仆眾驚二子橫斧揮眾大

呼曰。去去。毋嘗我刃也。皆却立不敢動。兩斧遂下。庠遂死。於是四顧拱手謝曰。某無禮倉猝乃驚父老。復兄弟。挾斧緩步出。翌日詣縣自陳狀。有司義之。免其弟訟。繫孝子於獄。康熙十一年四月某日也。後一年。上官竟脫孝子罪云。

盧孝子事略

浙之東有盧孝子焉。名必陞。字宗臣。號玉蒼。世居山陰。祖名極。生子五。長芳。字南江。孝子本生父也。次茂。字懷江。無子。以孝子嗣。孝子始生時。祖母張病甚。本生母未氏禱天求代。是夕夢神益算。並賜以孫。及覺而生孝子。少時知孝。敏有異。敏九歲。南江病。思得蚶蜆炙。孝子潛携一筐。採諸沙口。為風潮所沒。得漁者救。以竹筏。筐終不釋手。而蚶蜆滿其中。甲申之難。流賊未殄。懷江負俠氣。嘗仗劍獨行。不知所往。孝子奔覓諸賢山中。晝循林菁。隱夜則崎嶇匍伏。而行失道。投僻路。伏屍枕籍。驚駭疾奔。兩足為沙石所陷。血纏縷。清地行跡。皆赤。遇一僧。憐之。挾與俱。遇虎。匿高樹。大呼。山神救我。虎竟去。閱數月。得奉父以歸。士子士寇竊發。懷江陷賊營。孝子匍匐探其父。贖以金。不應。繞岸哭。三晝夜不絕聲。賊感動。為引至父前。時賊首欲得懷江降。曹以刃不從。斬所俘者以示。又不從。賊怒。拔刀環向。刃欲下者數矣。孝子冒刀叩頭流血。大呼。丐命。忽狂風四起。大雨如注。舟幾覆。凶渠震駭。乃得釋。賊黨皆嘆曰。真孝子也。孝子既奉父生還。逆知賊必追已也。即遣人馳報祖母。盡室以行。明旦賊果追之不及。遂至九城大索縱火而去。懷江既被重傷。病日臻。孝子亦改面

失音。恐胎父憂。雖嘔血弗以告。日夜侍臥側。以兩手摩患處。懷江嘆曰。人摩我痛。痛在我身。汝摩我痛。痛如在汝身。先是孝子出繼時。懷江有女。忌分其貲。百計傾之。孝子處之泰然。至是奉母徐氏命。往雲間舟過石門。盜擊之。垂死。盜曰。汝死。毋我讐。我奉某命來也。孝子佯死。盜縛而投之水中。遇救得免。或勸訟之。官。孝子曰。吾自出繼以來。蒙吾母恩。育十有餘年。母止此一女。不忍以女故傷母心。上書白母。自謝不謹。被盜不及其他。母大感悟。以康熙丙戌七月卒。年七十有四。妻李氏。亦以賢孝稱。雍正二年。浙撫李公衛請旌於朝。詔發帑金建坊。入祀忠孝祠。漳浦蔡文勤公表其墓。

周孝子事略

附 潘德馨

周孝子士晉。字康侯。江蘇嘉定人。生有至性。母病久。傾家療之。嘗盡醫言。惟得人乳可再生。時家已罄。無力雇乳媪。孝子謀於妻李氏。即棄其九月兒。以乳乳母。三月而母病痊。問兒安在。詭以殤對。自後妻不復妊。無幾微懊悔。心。越十二年。有僧為殷氏子推命。怪其生年月日與周氏兒同。詰之。則得諸道旁者也。由是兩家通往來。父子復合。而其母是時猶健在。得還其孫。人以為孝感所致。潘孝子者亦嘉定人。名德馨。字式周。父曰文彬。兄德輝。長孝子十餘歲。嘗割股愈親疾。孝子聞其事而善之。幼習為。賈而好讀。孝經曰。我知所以事親矣。天性純摯。不忍離父母側。雍正四年。母氏程病。蠱醫藥不效。乃禱於城隍神。願減己年益母。遂割左肱肉和藥。以進。母夢神告曰。以汝子孝感。增汝壽一紀。病立愈。後果

如夢中言。邑中競稱潘孝子。孝子居父喪時。以哭泣傷臂。咯血數年。乃止。兩目失明者數月。平生。在二親前。怡色婉容。即有所怒。見父母。則轉為喜。叱咤不及犬馬。父母歿後。孝事祖母。至百齡。友愛。第弟。篤行。好施。與皆其精誠之所推也。

施孝子事略 附 楊嘉禎

施孝子聖揆。江西新喻人。十歲喪母。擗踊絕食。父慰諭之。得不減性。終喪盡禮。如成人。事父雖貧。必覓甘脆奉膳。視聽無形聲。父病驚。顯天夜禱。叩頭流血。絕復甦。越日。父竟瘳。久之。父歿。廬墓三年。有白鶴飛繞。悲鳴。與哭聲相應。和。又繪二親遺像。每食必薦。出告反面。年。至七十餘事之。如生。蓋終身孺慕云。雍正八年。詔旌其門。同時宜春楊孝子嘉禎。邑諸生。有學行。順治丙戌春。父文盛避兵山塘。兵將至。孝子從間道渡水。報父水湍急。被溺。流至深處。滅頂矣。猶躍出水面曰。速走。速走。遂溺死。

劉孝子事略

劉孝子炳。字權南。長洲人。幼喪父。事大父盡孝。家貧。資束修以養。及歿。鬻宅以葬。母中年而鬻。孝子奉旨甘。必脯。出遇時果。輒懷歸。客至。設草具對食。而母常飮珍饌。母嘗夏日犯腹疾。思食野鴛。索諸市。不得。孝子按復無措。忽一人持以至。熟而進之。疾遂愈。嘗客華亭縣署。未幾。即辭歸曰。吾思以升斗粟。離膝下耶。後以事滯鄰邑。心痛急返。則母病兩日矣。日則蓬垢侍湯藥。夜對北斗呼顯。願以身代。比歿。慟絕。復蘇。既葬。日。匍匐往墓。哭三年如

一日自母物春秋祭祀輒涕泣過市上遇時果為母素嗜者即涕泣不能止忌辰悲號若
初喪每獨居歎曰吾母苦節木彫其何以為子乾隆五年得旌如制是年孝子與疾卒

任孝子事略

附 從子 裕德

任孝子遇亨字華宗江蘇崑山人居十墩里生有至性膂力過人國初澱湖盜錢大起四
出擄掠為害孝子負父逃避盜劫其父去孝子呼天竟一夕至黎明忽奮躍持刀突入盜
數負父出身被重創腸出腹旋遇神醫得不死乃扶父至嘉定羅店以老時稱任孝子云
從子裕德亦以孝行被旌 裕德字厚齋幼有至性篤於孝弟垂髫時其兄裕章夫父意
將予大杖孝子號泣求解得免兄亦感悔焉有土惡某積怨於其父乘間突持刀刺之孝
子年十一急以身蔽父兩手直奪其刃厲氣正辭曉以禍福惡亦感動擲刀去父患痢三
冬弗痊孝子晝夜扶掖巾薦廁踰皆躬滌濯之冰肌裂膚血淋漓弗恤也父歿哀毀骨立
三年如一日事母能色養病劇孝子籲天禱願以身代母病尋瘳兄老無倚凡養生送死
皆躬自任之又析己產畀其子與己子均乾隆十九年巡撫莊公有恭題旌得旨建孝子
坊入祀縣學忠孝祠

劉孝子事略

劉孝子鑑字兼萬江西豐城人三歲失怙母鄒氏年十八矢志撫孤事姑余氏極勞瘁孝
子稍長即能盡孝養祖母卒孝子廬墓三年遇雷雨輒跪墓前曰鑑在此母恠有古孝子

風父棺厝象鼻山乾隆壬戌山水暴發壞廬舍孝子夜半馳救棺已漂逝孝子抱棺順流數十里至白馬寨觸筏乃止孝子躬耕養母母久卧病思鮮魚孝子踏雪遠求之歸遇虎人立而嗅孝子叱之曰爾食我母將不食魚耶虎搖尾去鄰火將及母寢孝子自外歸突入烈燄中以重衾負母出得亡恙而孝子頭面焦灼幾斃其瘡可數也母彌留日以廬墓為戒孝子枕塊三年泣不輟懸兩世像於堂出告反面享祀皆盡誠乾隆己巳為母請旌得旨建坊待遺腹弟思銘極友愛教之成立為邑諸生性仁惠凡母所憐恤者竭力濟之丙戌以孝子被旌拜命曰尚為孺子泣云

曹孝子事略

曹孝子名起鳳字士元先世自徽州遷崑山父子交賈於蜀歲寄金錢歸俄而耗絕孝子年十六矣有蜀客來問之曰噫死矣問死何地弗知也孝子大慟絕而蘇將往求其骨貧不能行長洲潘為縉義士也贈孝子百金將行其叔父尼之願自往金盡無所獲而歸孝子既壯每念父輒憤痛欲絕潘君復贈金四十兩遂行道河南歷陝西走成都南抵滇界西達金川書牒於背逢人輒哭訴無知者逾年及成都禱於諸葛武侯廟神示所向遂東行道險踵血流失道七日無人蹤及酉陽積雪盈尺不能前路土穴中兩日有頂生許生過之聽羣鴉繞穴鳴即之見僵尸焉而氣微屬視背牒吃曰孝子孝子掖之歸飲以湯問故立孝子宿進酒肉弗食曰誓不見父棺不食此矣其夕夢經荒原一老父與數人坐林

下見孝子至拍手笑曰。月邊古。蕉中鹿。兩壬申。可食肉。覺而識之。一日隨兩生出行。過荒原。如夢所見。白楊下有棺。繫纜然。孝子心動。泣不止。兩生問故。語之。兩生曰。有徽人胡某者。居此久。盍往問之。胡沉思良久曰。噫。信。頗記十年前。鄉人曹氏客死。殯於是。以所遺牙牌納棺中。其殆是乎。然非白之官。莫驗也。遂由巡檢白知州。飭里長。察驗棺。皆有主名。而其一獨無。啟棺見骨。孝子滌血驗之。沒骨。棺有牙牌。文曰。蕉鹿。孝子大號曰。是矣。月邊古。胡也。蕉中鹿。牌也。何疑焉。遂收骨行。時乾隆十四年也。項生許生為設祭。祭畢以鮫肉食孝子。曰。向予不食肉者。未見父棺也。今則既見矣。憶與子遇穴中。日在壬申。今六十有一日。而又值壬申。孽悉驗矣。豈非天哉。孝子再拜謝。兩生交餽之。饑乃負骨歸。道湖南。過洞庭風作。兩日不得渡。同舟者疑之。且大索。孝子恐禱於洞庭君。明日風止。遂得渡。既歸。其後母見牙牌而哭曰。嗟乎。此我鎖匙牌也。爾父出門時。取鎖及牌去。不見此二十餘年矣。復取棺以殮。而納牙牌焉。孝子性鯁直。謹取與治家有法度。既老。月必再三詣冢。上灌所植樹。裹哀久之。然後去。四十九年卒。年七十有二。子五人。

清朝先正事略卷五十八終

清朝先正事略卷之五十九

汪一元 一崧 王品璋

平江李元度次青纂

孝義

汪孝子事略 附 從兄 一崧 王品璋

汪孝子一元字兆初江都人縣學生父負澤病孝子方省試出第一場聞之不及次疾行窮晝夜數百里歸視父父已卒大慟咯血家貧躬舂土起墳力竭矣明年又遭母喬喪遂以毀卒年四十有二孝子之毀也號天地而不歸通幽明而一視仁孝達於性初禮經其後起者已孝子既歿妻鄒氏煩擱苛節教成其子鬱為通儒即容甫先生也孫春孫亦有學行記曰毀不滅身為無後也聖教之愛人也汪氏死孝後乃克昌天心之祐善可知矣孝子通算學嘗以今法逆推朔閏中節至乾隆十四年四月止焉孝子竟以是月卒其所謂通於神明者歟從兄一崧年十七別肱肉起母潘危疾道光初同時被旌坊其鄉稱汪氏二孝子 又王孝子品璋海昌人家貧服費於吳門道光十二年聞母病徒步歸侍湯藥惟謹越七日母歿危喪具晝夜長號旬日骨立旁觀者憂之而孝子不覺也孝子蒲伏如侍母側夢魂如與母言明年春正月八日夜將半呼家人言曰吾將奉母往矣問何往曰歸位逾時卒距母喪未百日也年四十五兄某傳其事

張孝子事略 附 蔡應泰 楊瑛 劉芳

乾隆二十六年秋伊洛水溢破外堤灌偃師城洶有聲民皆避水奎星樓上張孝子者名大觀奉母亦登焉無何水撼急樓傾眾皆溺孝子左手為石柱所戕臂及腕皆折血漂波赤不斷如縷不顧入奔濤求母有孫就救孝子叱之去望母誓露水中得之負出水有大樹橫偃衢口孝子曳其斷手獨以右手舉母騎樹枝上復泅而覓食食母毋撫其斷手泣伴慰母曰兒手雖折幸不創母自愛母憂水退負母歸家猶屏當未食是夕創重竟死蔡孝子應泰縣人也母柩在堂水且至以繩縛母柩旋繞數十匝令固束兩大帶為纜水至妻子號救不應跪負母柩轉洪濤中柩與手若兩翼飛瞬息八十里抵鞏縣神堤灘神堤灘者北邙山尾也山橫洛口遏黃河衝河漲倒灌洛流濼洄灘上柩忽為沙擁村民異之以長鉤引至岸昇之上孝子亦無恙天將暮聞鄉村喧救兩人趨視則其妻若子也眾嗟嘆曰神感也醮錢送之歸楊孝子璞亦偃師人莊農也與其弟某奉母居弟饒於財孝子貧且懦水至弟以筏載其妻逃北山母呼之不應竟去孝子怒棄其妻子襁母於背將浮水趨北窰水勢奔驟若有挈之者旋躍大溜中山上人望之如鼉壘漂漬不沉亦抵神堤灘村民救之登岸頃之有婦人抱子漂而下母遙望忽號曰吾婦與孫也救之果然翼日歸而其弟乘桴將抵北山下大樹崩壓筏夫婦俱溺死先是村民夜聞空中神語明日當速救孝子母民驚起各具舟及長竿巨絙以俟以是得俱生母壽九十餘無疾終康熙己巳洛水溢有劉孝子芳者永甯人也父為巨浪所漂疾流如矢孝子追哭里許

躍入水援之。父恍惚聞人語云：急抱吾馬，足可渡。父如其言。比達洲，則所抱者孝子，腰也。父子俱獲免。知縣佟賦、淳嘉之，率鄉民環拜其廬，表曰：孝子村，具牒大府，承其事入通志。事在三孝子前。

常孝子事略 附 史印曾

孝子姓常，名裕綸，山西徐溝人。生四歲，孤家，故織，音無消歲，資母戴氏，鉞衽以供食。孝子侍側，愉愉然，不刻離。既長，以武舉授鎮海衛千總，督漕者多風波危，以故，勿克迎養。乾隆二十八年，孝子舉官事，還鎮，人見孝子，連日喜色，溫眉宇異常。時訶之，乃其母已來也。未一載，母卒。孝子雞斯，徒跣不納勺飲，將大殮，攀棺號阿母不止，聲盡，血湧，腸裂而卒。距母亡，裁三日。年五十有一。論者謂禮稱，毀不危身。又曰：五十不毀，然鼻魚立哭而死。孔子與之。孝子年五十矣，豈不知留其身，以慰母於地下哉？乃情極而禮忘焉，非得已也。同時有史孝子，印曾，字綬紫，溧陽人。父汝未，官潞安同知。孝子幼隨任，事父及母，謝氏甚謹。父解官歸，母病，孝子奉湯藥，衣不解帶者累月。骨柴立如枯腊，母殮，呼搶不欲去。長號，擗踊，嘔血數升而死。

范孝子事略 附 未有合

范孝子，仲光，湖南桂陽人。農家子也。天性過人。其父母命之學，年十八，父遽危，疾醫禱窮，潛到兩肘，家莫知。見其慘，踏無人色，禱危之。父竟死。孝子宛轉眩昏，神支離不自克。如欲

無生者。其母悲夫孝子。踰兩月。召其同學者數輩。強掖之館所。孝子重感母。悲涕習所業。手掣縮艱上下。人靜輒絮泣。其曹疑之。陽與語。持而覆其臂。則左右各去肉倍寸。諸如渥。孝子哭。其曹皆哭。人始知孝子割肱也。免喪。試補弟子員。舉一子。終以毀故病咳血。年二十五。遽歿。妻何氏為孝子守義。撫孤克有立。同時朱孝子有合。亦桂陽人。居井頭。宋孝女明旌。靖一姑。故宅也。姑幼遭家難。為貧女。撫周歲。族弟雲伯後其父母。苦汲掘宅隙。得泉。因井之後坊。其井曰義井。宅其宅曰井頭云。孝子為雲伯十六世孫。父元載。母范氏。有兄三人。年十四。刲股愈母病。二十喪父。以艱食。與其叔分耕營內。母從伯仲居井頭。井頭去營內六里。而近孝子。且耕且奉。母宵必定。母寢。僕道途。應晷刻。終母之身。弗衰。母卒。年七十有八。孝子免喪。後視瞿瞿。恆中夜涕泣。晚起家。倍愴咽痛。其父弗逮也。孝子妻胡氏。弗戒於火。面焦爛。胡盛年。尚無子。或勸納妾。法然曰。是與吾共事。吾母者。忍。貞諸。後胡為孝子舉四男。相孝子。昌其家。孝子以居遠。伯仲艱數見。見必極歡。別慘淚如嬰孩。然孝子款樸。無緣飾。見人語。煦煦。人易之。聞其事。則肅然起敬。嘉慶丙子。丁丑。間修邑志。僉謂孝子宜有述。孝子斷斷執不可。涕盈眶。當是時。孝子老矣。習孝子者。重傷孝子志。事乃已。孝子壽七十有七。而終。妻後孝子十三年卒。孝子身後。族春秋祭其先。自靖一姑上下。咸頌孝子長生。胙永世勿替。

美孝子事略

奚孝子名緝營字聖輝江蘇寶山人父士本字秀林以孝行旌門自其未生之先鄉里無不知有奚孝子者秀林幼而聖輝又以孝聞鄉里稱奚孝子與昔無異也孝子幼入塾從師講論語主父母之年不可不知軌範履陷滯師大奇之曰非是父不生是子成童時母沈遺疾醫云難治孝子潛剖臂肉作湯以進母果瘳踰數年母病革夜偕妻未氏向北斗稽顙乞減算以代母既歿孝子常宿父所秀林年七十餘冬月惡寒孝子夜抱父足達旦父幼後或勸以入粟求仕則曰吾父以貧廢學布衣終其身吾敢納粟布冠帶乎兩弟早卒撫遺孤如所生女兄嫁某氏貧不能自存同堂妹適某氏早寡皆依孝子以活分宅居之而婚嫁其子女皆承秀林之志也其它創義學平糶施棺多可紀孝子增慮能亢其宗寶山令李君元奮田君聯芳皆題額贈之而錢詹事大昕為作傳以比南史會稽郭世通父子云

鄧孝子事略

鄧孝子觀瀨江西萍鄉人幼有至性隨父悔安宦京師受詩至哀義輒廢書泣人異之稍長隨父監司中州職防河孝子聞河務輒能得其要領父遷四川按察使坐鹽舊案被逮籍沒論弛賴上恩矜緩繫刑部獄三載孝子隻身左右之會族兄某率孝子謀丐貨納贖父慮其無濟也潛督楊勤懇公諭孝子父官吏部時甚清介不至以貧敗為孝子謀者屢矣乃徧走齊鄭燕趙嘗夜墮叢莽以鬼嗥嘯相逼一僕劉章阻勿行弗顧遇獵火出

焉聞闖入都訴於步軍統領果殺阿公。公叱曰：爾擅入禁地，不畏死耶？命繫暗室。孝子度父無生理，誓身殉哭，晝夜不絕聲。一武弁守之，聞哭詢其故，義而釋之。他日復伺聞，訴於忠勇傅公。及阿公馬前，傅公語阿公曰：孺子冒死救親，可憫也。宜上請。阿公亦惻然。二公取其辭入奏，得旨：鄧某情可原，準贖。傅公遣飛騎為孝子賀，蓋深重之也。納餒入，父獲免。先是母卒於家，迨見父始得知奉父生還，畢母葬。越二年，父旅殯南陽，復前歸其喪，哀感行路，其慘瘁備嘗如此。此行設皆其摯，而孝尤篤。遠近稱鄧孝子云。

潘孝子事略

潘孝子名瑁，錢唐潘隆子也。隆妻丁氏生女珠姑，久之乃生孝子。故先有養子於家，隆嘗之海甯，養子耽飲不戒於火，倉卒中丁氏挈一簾令孝子負之先行。孝子及門，回視失母，委簾復入。適家人自火出，望見孝子，遙止之曰：後垣不可穴，主母已不救矣。但聞孝子言，母若不保，我何以生為？竟冒火入。從母及珠姑死，初家人在火中，見主母為燧，燄所阻，欲扳珠姑行。珠姑揮之曰：汝男子，何可拉我？我惟有從我母死耳。於是珠姑亦死。火熄，撥灰燼，孝子與母妹三尸相環結，雖燬猶隱隱可辨。識時乾隆四十四年十二月望日也。孝子年裁十五，性穎異，素有奇童之目。其殉親與明孝童郭金科事相類。珠姑早適池，以賢孝聞時歸甯，遂及於難。孝子死後，其聘妻王氏同邑人，世居江干。長孝子二歲，聞訃，未婚守志。送孝子葬畢，即歸潘氏懼葬地，隘後將不能同穴，跪請於舅曰：翁如拓數弓地，婦死有

依矣從之事舅以孝聞撫嗣子克延其祀

龐佑

龐孝子事略

長洲虎邱山塘有龐孝子者名佑字申甫早喪母與父同寢晨夕依依相憐也是終身不再娶父年六十餘病蠱便溺閉隆醫治莫能效左右愕視計無出孝子私跪中庭默禱三晝夜忽水道通忠頓釋親黨父慶謂必有陰相孝子者既乃稍稍聞知實孝子吮師所致云又八年父卒哭踊盡哀不處內偕昆弟經營窆窆無失禮既葬家事一粟兄命不析產弟卒撫其孤孤亡又撫廢憐四人教養成立償兄逋負以千計襄戚屬中之不克葬者惟解周急承父志一如親在時性嚴介不苟取與有賣珠嫗過孝子家遺金珠一篋嫗歸暴病死物主向嫗家索金珠不得訟之官責衛產以償孝子跡知之還其篋封識宛然訟得解謝以金不受里人嘖嘖稱道之

孝義

湯孝子事略

湯孝子名淵字渭泉常熟唐墅鎮人八歲夫怙家窶甚無由入蒙塾母茅氏紡織度日君見輒淚下少長業負販供叔水勸母暫休母曰休不且餒死耶君大慟益竭蹶紆母勸會客至母擎茗杭立屏背呼遞出君惶恐跪地受自傷貧不能具僕婢痛自責幾無所容年垂三十始娶袁氏逾年生一子而妻遽亡或諷使繼室孝子曰吾已有子何忍分養母之力以養婦竟以鰥終母歿柴毀骨立哀號動路人其後家稍裕然嚴冬風雪覆被衾不肯置褥曰吾親昔無之吾敢求溫年五十有八卒先期命市棺仍視殯母之費雖力足辦勿增也生平事兄若父同居至老侍杖屨尤恪嘗助宗黨之艱葬者每遇窮獨量贖之然深自悔迹目不識字而拾道旁遺字最勤其天性然也子若孫並循謹守家風許進士朝何明經忠相皆為作傳而未侍講珎誌其墓

黃孝子事略

黃孝子古愚名有則湖南邵陽人。生四歲喪父。家故節母孫氏。幼苦撫育。稍長。遣就外傳。人或諷以儒冠多誤。莫能濟飢寒。母曰。吾忍死不欲吾兒廢學。正冀其能濟吾窮耳。言已。

淚雨落。孝子聞之大痛。奮於學。所詣日益進。試輒屈。其曹偶。逾冠授徒里中。資修脯。養母。然以戀母故。終其身。所館不出二十里外。館中奉膳稍豐。即終席不下箸。夏無帳。主人以進命撤之曰。吾母無此頑軀。甘受蚊嘍。弗忍蔽也。值嚴寒。又製棉衣。進固卻之。或責以矯廉。則泣曰。家貧無以煖母。乃忍享此奇溫耶。聞者大感動。常時纂修寶慶府志。招孝子與楊孝廉大灝入志館。兩人居同室。一夕風大作。雪盈尺許。已就枕矣。忽披衣起。繞室長呼。楊君問故。答曰。思吾老母耳。即夕冒雪馳三十里。既抵家。母大喜曰。吾思兒正切也。是時母年近九十。孝子齒亦逾六十矣。有司上其狀。請旌。得旨。命九。而孝子母苦節。最吏先已。葉奏。於是節母孝子同被旌。命下日。邦人咨嗟歎美。有泣者。無何。節母歿。孝子亦繼逝。蓋以毀終也。孝子性好吟。幼讀宋人詩。銳志學之。每一詩成。狂跳疾呼。索人朗誦。人或竊笑其旁。弗省也。貌蒼古。類深山老衲。所遭極窮。惡而自守。益堅不少。敗。又喜花。與在志局三年。當節薪水。資購絮衣棉被。貽其戚族之。窶者。子紹賢亦能詩。早卒。有九岳遺稿。附孝子詩集後。

胡孝子事略 附 潘周益

胡孝子名其愛。安徽桐城人。生不識詩書。備力以養母。母陳氏中歲遺罷癘之疾。長臥牀褥。孝子常左右之。自臥起。至飲食。溺便。皆躬自扶抱。一身而百役。靡不為也。家無升斗儲。每晨起為母盥沐。烹飪進朝饌。乃敢出傭。其傭地稍遠。不及炊。則出勺米付鄰媪。而叩首。

以祈其代。爨燼辭明。則行數里外。遙致其拜焉。夜必歸。歸則取母巾裙。自浣滌。孝子衣履皆垢敝。而時致肥鮮供母。出傭。過肉食。即不食。而請歸。以遺母。同列見其然。多分餉之。輒不受。于生無所取於人。有與之者。必輟。村鄰有伶儂之劇。孝子必負母出。澗為藉草安坐。候至夜分。人散。乃復負而還。母欲往宗親里。鄰家亦如之。孝子以貧故。遂不娶。養母終其身。母病三十年。奉之如一日也。乾隆二十七年。母卒。負土成墳。即墳旁掛片席以居。明年以毀卒。同時潘孝子周岱。涇縣茂林都人。家貧。世業竹工。孝子幼隨父執藝。輒身先煩澆。而遺父以易。且逸者。在家侍饗。煖。又父母食。然後食。工餘兼力農。晝夜弗懈。歲即歎。奉甘旨外。俾弟食。踰於己。而自率妻子。咽糟糠。父創足不良於行。每出傭。孝子負而往返。積有年。父老罷廢。獨赴工。遇酒肉時。蔬則懷歸。燻溫以進。父母疾。左右侍養。無須臾離。幹裳澤滌。廁愉恒憂。悲涕泣。母家銅山。山下泉清冽。殊常品。母病篤。夜半思飲。孝子急挈瓶而奔。嚮曙已返。蓋四十餘里矣。居喪且暮。悲號行路。皆墮淚。先後廬墓各三年。墓舍枕林麓。有巨蛇。憩古塊旁。不為。濕當盛暑。蚊蠅交。嚼未嘗遠揮扇。既除服。夕必至墓所。焚香燃燈。雨雪罔間者二十餘年。終其身如一日。遇他適。預語其妻。加冥錢。以奠。吳氏亦敬戒。無違命。平時立木主於室。供具如生。存將出。彌盃起獻湯。茗畢。乃行。歸復如之。伏臘祭祀。依然孺慕。或失聲。貌樸誠。臨事纖毫無所苟。道光元年。以孝子被旌。

高孝子事略

高孝子啟燮浙江山陰人性仁孝授室後猶常臥親側母患背疽醫不治孝子泣吮之數日愈又念母肢體傷痛乃傅藥於手朝夕按摩數年乃得痊而孝子雙目為藥氣薰矣遂轉更三載竟復明居親喪終制不近內斷葷酒父墓在村畔金雞山日一往視風雨無稍間兩弟幼孤藉以成立終身共饜從兄某卒濟南倉大使孝子歸其骨為娶子婦延嗣凡族子貧者皆賴以授室初胡某貧百金既選實雁主簿孝子偶過之胡欲以重息貸金以償孝子乃焚券去郡大饑孝子盡出所儲粟以賑不給賣衣飾又不給乃變產以濟所全活亡算平居施棺槨以為常蓋錫類之仁也有司請旌其門舉鄉飲大賓人皆稱高孝子而不名卒年六十有八後昆振振然為浙東華族云

朱孝子事略

青浦朱孝子名倫來字懷遠號愛林居邑之金澤鎮父紹泰早世母郭氏守志撫孤家貧甚孝子八歲入塾旦起先櫛野薺盈筐和飭粥食之以為常聞師講孝經至謹身節用以養父母即終身誦述不輟自塾歸母授一錢俾易餅餌代午餐仍剖半遺母或無錢則忍飢讀越二年母患鼻衄頗劇醫言淪蘆根飲可愈孝子急向鎮東白鵝灘掘之得數幹方嚴寒冰滑手足墮風浪中飄泊踰數刻幾死遇救蘇裹敗絮送歸微息僅存猶堅握蘆根不釋燂湯沃瑣手血漉漉殷盆中蓋冰稜所割也亡何值歲稔益艱食遂備賈肆受值備糞殮每日道市必糴升米挈水二三甕乃行雖風雨必再省視見母無恙則喜相違豫即

憂形於色。夜俟母睡。執治安枕。歲時有魚肉暨餐餅。携歸獻母。弗敢私。顧母性嚴正。炊烟即不繼。毋許稱貸。若奉命惟謹。在肆力作。倍勤無纖毫苟。他人有饋。則辭。惟主者於當值外。例勞酒資。日賦錢五。盡投敝簾中。嘗痛母節未顯。背若負芒。貯為異日請旌地。累積餘四十年。竟獲顯有司。請諸朝。建坊如例。時母已前卒。以未獲親睹為憾。輒嗚咽流涕。營生壘。依父母塋側。謂生不能養。死得侍晨昏也。生平動循禮法。孺慕終身。遠近稱孝。無間言。孫德基。曾孫啟華。皆為名諸生。道光丁亥。學使辛侍郎從益按郡。為給額表其閭。

吳孝義事略

吳孝義。名紹先。字伯宗。山西稷山人。少讀書。略解文義。十六歲。父母皆亡。有二弟。季年十一。與仲兄偶出。遂絕蹤。又數年。仲以博塞夫負逃。伯宗負販以迹之。南出襄洛。西扈劍州。東至黑龍江。積十有六年。卒同時而得之。初。遇季於京師。為高氏僕。高感其義。許之歸。時已微聞仲在甯古塔。乃留季而自往求仲。且與季別曰。吾得仲。則偕返。否則併吾之妻子屬弟矣。舊都郊闕出入有禁。限伯宗率以計達。至則仲果在甯古塔。豪家以情請。乃冒公人入軍府。訟軍吏厄豪。欲威懾伯宗。以應對失儀。唾其面。血淋漓。伯宗辭愈強直。且言還京將顯閭吏懼。卒白大帥。持其弟以歸。時仲冬返。寒夜經大臥。磯行者皆墮。指伯宗與弟相推挽。顧而曰。此中人未有如吾樂者也。比入塞。八甲脫爛無存者。至京師。待弟偕行。知其事者。爭傳說。公卿間相國陳文貞公贈詩七十韻。李文貞公為書。事多就而禮貌之。伯

宗報然大無以自容不徹履窮或贈遺終不受有與同寓舍者聞其哭夫聲就視之則讀論語父母之年章也事在康熙三十年。

蕭孝義事略

蕭君名良昌湖南邵陽人。生有至性事兩親至孝。兄弟四君其季也。析居最早。已伯仲。各遺一子。叔兄僅一子。忽攜之遠出不知所之。方是時家貧甚。諸孤覓覓無所衣食。君極憂。地固產漆。居民以所產買之他省。君少習是業。稍獲利。或勸之。君泣曰。吾兩兄死。遺孤無以自存。吾忍遽言娶耶。乃悉召諸子。復同產。率之買荆襄間。其後家漸裕。乃始娶婦。是時父健在。事之最謹。能先意承志。嘗除夕家人團宴。父舉觴屬君曰。兒能撫存孤姪。吾心滋慰。願安得汝。叔兄父子一見為慊。君跪白曰。兒誓往覓。朝正四日。遽束裝。才身出。時兄音問久梗。或傳其在滇。君至滇。屢訪數郡。縣無所值。凡離家六閱月。徒步萬餘里。費將盡矣。窮途哭泣。目盡腫。見者咸嗟歎不已。一日薄暮抵村塾。塾師朱翁亦邵人。吉以故。朱翁止之宿。且為筮之曰。賀君。明日即相見矣。君大喜。其夕復夢兩舟相廝。自以為兄弟相遇之兆。益復大喜。雞初鳴。即別朱翁行。天明至一村。落遇有曉汲者。熟視即其兄也。君見兄。相持大哭。亟偕歸。與同居。父心大慰。復舉觴屬君曰。兒真孝子。吾死且瞑目矣。君勤苦成家。育諸子如己子。家門嚴肅。婦女絕口不敢言。析居事年八十有餘。卒之前歲始為諸子析產。厚予兄子田宅。而令己子少受。諸子固辭。則曰。若曹佐我成家。甚劬苦。

吾子勞逸既殊受產可無別耶卒令少受兩子亦怡然從之

李孝義事略

附 黃成富 陳福 譚裕

李君長茂字齡侯福建海澄人四世同居男女千指同爨而食無間言建大小宗祠置禾嘗田以奉祭祀著家規十法十戒以示子孫立義學以訓族人之貧不能延師者每歲必捐居積以助族人之不能婚娶者子五福順治己丑進士官刑部侍郎兄弟八人備極友愛暇輒以詩歌吟諷相勸誠人以為有江州陳氏風 時有黃君成富者連江農家子也六世同居男女六十餘口雍睦無間子弟各執其業每出作田間眾婦俱往留一婦視家以兒於筐飢則乳之不問其為誰兒也懸木於桁出則脫之入則衣之垢則澣之不問其誰衣也遇客至供具飲食家長主之家中不聞一言 又永春陳福者世居西溪以耕讀為業兄弟同居至福已十二世家建二堂以別男女飲食家範整肅簡儉世立一人督家政婚娶奠祭望力辦治子孫世守醇樸未嘗一至有司之庭地方吏禮數並免其徭役焉 譚君名衿湖南沅江人邑諸生自明正德時至衿凡七世同居積二百餘年喪祭無失禮親支百十九人衿以祖命主家政每食男女異席終事無譏會鄰家火起衿兄弟先入祠堂抱神主避火火隨息家畜耕牛每出入亦以齒先後在牧地行到不翻作家訓二十條子孫咸遵守之雍正十年詔旌其門御書世篤仁風額賜之

吳孝義事略

吳君鴻錫字允康福建晉江人。生七歲而海寇亂。父萬佑避兵浙江。適兵部郎中滿洲噶尼希奉命來造戰艦。延萬佑於幕。未幾卒。噶公挈君歸京師。將子之。君請以伯。曰父一而已。噶公大奇之。曰七歲兒能辨此耶。噶公清宦。家漸困。君稍長。助任劬。極勤勇。猛。芻恆有餘。市書冊弓矢。私習之。又市酒果。就能者買。為數年。遂通滿漢文。精騎射。會噶公校射。方怒。拙射者。君徐進。三發皆中。噶公益奇之。康熙癸亥。從凡雲麟以平臺灣功。授參將。引見入都。因就噶公乞君歸。噶喜。遽諾之。君泣曰。我未可以歸也。我七歲育於公。今我壯而公老矣。三公子皆成立。我乃可歸耳。噶公聞言。持君大慟。遂不果行。鎮國公海清。噶公壻也。高其義。遂隸公府。佐領。俾久居旗下。以成君志。明年噶公卒。夫人以哀毀得狂易疾。長子和順甫七歲。次和鼎六歲。和麟五歲。君獨力治喪事。盡禮然。噶公新喪。諸族豪悍。僕耽耽欲蠶食其家。君信行素孚。又材且武。諭以義。懾以威。眾莫敢侮。家故不及中人。君精心計。權子母業。日以饒。延良師。課噶公三子。食飲必親。饋業稍進。則頓首謝師感之。益盡力。又親教三子國書。稍長。並為娶名族女。君尤謹於禮。冠帶終日。司櫛以婦人。歲時慶祝。君盛衣冠。率家人入執事。事畢。親率以出。內外肅然。和順年十六。有忌之者。擢為護軍將。困苦之。每指直。君佩刀從。直夜則露坐終夕。人莫敢加害。顧念非通仕籍。末由免役。而噶公故交。惟大學士阿蘭泰公稱長者。可以義動。乃率三子日候公門外。公得其情。果惻然。問諸子習國書乎。曰皆習。孰最優。曰和順。阿公許以中書用。既而首輔索額圖欲用其族。

子君即為書言和順孤苦狀伺索公出跪上之索大怒擲書去君跪其門五晝夜水漿不入於口因垂斃索大驚撫之曰世乃有義烈如子者乎吾用順矣就試果得中書乙亥聖祖親征兀魯特君謂順曰國家有事正臣子致命之秋亦子發跡地也遂治裝從徃隨大將軍費襄壯公由西路進君結末從行數日家中宵小攘奪盡起急使人追君還君泣謂順曰吾不得偕行矣雖然戰陣無勇非孝也子必勉之怒馬抵家宵小亡匿訖無事而順亦立功擢禮部主事有約順會飲春以博具佐鴈政君知其非人也拔刀衝座執其人將殺之刀觸席鏗然其人叩頭乞命使梓而去引順歸或問人可殺乎君正色曰殺人不過死耳吾已許噶公撫諸孤而坐視其溺於燕朋誠生不如死吾死而諸孤知勉則死賢於生矣順自是不復與燕會癸未山東大饑詔遣官往賑和順在行君曰此仁人君子盡心時也從以往分賑武城廩未發君預以私錢市米因逐戶稽冊先量給之念民居有僻遠不能至縣者度四鄉適中地得南魯集為散賑所又懼民飢久不勝任負日為蒸餅萬計人給其二然飢腸驟飽有致斃者或言先飲雜葷湯則無害亟具湯日活民無算武城十萬家得賢溉皇仁者君佐順力也事竣歸縣人泣送者數千有送至京者順奉命收密雲關稅君曰負販小民不可取其稅儻額不及以家財足之可也民大悅競趨之額亦無訛和鼎習舉業過鄉試君述先德勸課恆涕泗交頤猶懼其怠也穴其几貫鐵索自繫以守之鼎驚謝請脫繫不許讀益力遂中式鼎弟和麟年十六即攜赴永定河效力河故名鼎

1573348

文粹卷之四十五

定水怒土疏潰環無常。君為親督春搗隄成而水驟漲。君晝夜守視增卑培薄。直隸巡撫于清端公夜出視隄。遙見有拜於隄。泣顧河神者。召詢之。則君也。于公歎異。脫襲衣贈之。是歲隄壞者多。麟所占獨不壞。欲功補筆帖式。累遷刑部郎中。比君卒。三子去纏席地。婦皆披髮去。瑞如居父母喪。慕之日。皆徒步扶匭至塋。哀毀過節。蓋君所以感之者深矣。初君以噶公育已。恩矢扶其孤。不得歸。即京受室。念父母邱墓南望。輒隕涕。追寫父母像。遇忌辰及歲時。伏臘率妻子哭奠。竟日檢篋得父遺衣冠。就噶公墓相近地。招魂葬之。每歲除設奠終夕。徘徊兩墓間。或勸之歸。曰。吾幼孤。不逮養。義不當受家人之養也。生平善治生。而自奉。畫受人之施。一飯必報。其施於人者。雖千金不言惠也。歿之日。取朋友稱貸約盡焚之。持躬嚴整。見者皆敬憚。在武城賑荒時。有舊家子落魄。工諧媚。屢進謁。和順談笑。傾其座人。惟君在。則汗流氣塞。終席不能出一語。其幾於寬而栗者。與君卒於康熙己丑年五十有八。子世久。官親軍校。常德丁未進士。官郎中。君卒後。安溪李侍講清植為之傳。私諡孝義先生。而臨川李侍郎紱表其墓。

清朝先正事略卷六十終

·193-736



21101000161289